


1984

ಪ್ರವಚನ



1984

2



ISSN 0131-0646



ალექსი ამალიკი. ქუჩის ხე

სურნაუ



საქართველოს მეცნიერებათა
აკადემიის სურნაუ

2

(59)

მარტი
აპრილი

საქართველოს მეცნიერებათა აკადემიის
მეცნიერებათა აკადემიის მდივანის
აღმსრულებლის

მხატვრული თარგმანისა და ლიტერატურულ
ურთიერთობათა მთავარი სამსახური
კოლეგია

1984

შინაარსი

კონკრეტული და კრიტიკა

ჯონ სტინბეკი- ამერიკელი მწერლისა და კაცის. მოთხრობა ინგლისურიდან თარგმნა ვიკა გეგეჭკორმა	3
ფიოდორ დოსტოევსკი. უბანო ანგლოტი. მოთხრობა. თარგმნა რუსულიდან ქებულაძემ	71
საქართველოში გერმანულენოვანი კომიტეის შემოქმედ- ებაში. გერმანიულიდან თარგმნა ვიქტორ კახიაშვილმა	112
ხულიო კორტასარი. მოთხრობები. თარგმნა მედეა წუბადალა- შვილმა	125
გი და მოკასანი. მოთხრობები. ფრანგულიდან თარგმნეს ია ნაცვლიშვილმა და გიორგი ეკიშაშვილმა	153
მიხეილ ბაქმიანი. ლექსები. ლატვიურიდან თარგმნა რენე კალანდიაშ	200
გორგ ბიუხნერი. ლექსები. მოთხრობა. გერმანიულიდან თარგმნა მარინა ბარაშიძემ	203
ვლადიმერ შოროვი. მოთხრობები. თარგმნა ვია პაპუაშვილმა	223
ფირდოუსი. შიშ-ვაუსი. დასასრული. სპარსულიდან თარგმნა ბელა შალვაშვილმა	258
თადეოზ რუხიანი. ლექსები. კალენურიდან თარგმნა მიხეილ ქვლივიძემ	268
ზარლ გოდფრი. ლექსები კრიტიკა. ფრანგულიდან თარგ- მნა ზვიად გამსახურდიამ	270

შედეგები

თენგიზ კახალავა. სპარსული კრიტიკის ფორმული მიხედვით ვილანკინი. ამერიკელი მოდილიანი. დასაწყისი.	286
თარგმნა ლარისა ტიტვინიძემ	294

მთავარი რედაქტორი:
მუსრან მაჭავარიანი

პ. შვ. მდივანი:

ნანა ღარჩია

სარედაქციო კოლეჯია:

ელზა ახვლედიანი

ჯემალ აჯინაუვილი

გიორგი ბაქანიძე

მზია ბაქრაძე

ზაქარია ბრეგვაძე

პურაბ გომიაუვილი

მაგალი თოდუა

ნოდარ აბაბაძე

ზურაბ კიკნაძე

ვახუშტი კოტეტიშვილი

რომან შიშინოშვილი

გიორგი ნიშნიანიძე

ოთარ ნოდია

დალი ფანჯიკიძე

რუსუდან ძეგულაძე

იორაბ ძეგერბელიძე

ნიკო შრასაუვილი

გივი ქნელაძე

დავით შერედიანი

ნუგზარ შერეთელი

თამარ შიშვიტაძე

რაჭო ზეიზვილი

«САУНДЖЕ»

**ДВУХМЕСЯЧНЫЙ
АЛЬМАНАХ
ВСЕМИРНОЙ
ЛИТЕРАТУРЫ**



НА
**ГРУЗИНСКОМ
ЯЗЫКЕ**

№ 2

1984

СОЮЗ

ПИСАТЕЛЕЙ

ГРУЗИИ

ГЛАВНАЯ

РЕДАКЦИОННАЯ

КОЛЛЕГИЯ ПО

ХУДОЖЕСТВЕННОМУ

ПЕРЕВОДУ

И

ЛИТЕРАТУРНЫМ

ВЗАИМОСВЯЗЯМ

გარეკანის პირველ გვერდზე: ახედაო მოდილიანი. ამორძალი. მეოთხეზე — შანა
მგინტორნის კორტრბტი

მხატვრული რედაქტორი ან. თოდრია. მხატვარი ა. ვართაგავა. ტექნიკური რ. იმნაიშვილი.
გამომშვები ნანა ბართაია

ჩვენი მისამართი: თბილისი, 380007, დიდიანის ქ. № 2

ტელეფონები: მთავარი რედაქტორი — 72-47-31. პასუხისმგებელი მდივანი — 99-60-22.

განყოფილებათა გამგეები — 72-26-30.

გად. წარმ. 26. XII. 83 წ., ხელმოწ. დასაბეჭდად 5. IV. 84 წ., ქალაქის ზომა 70x108¹/₃₂

სააღრ. თ. 24,3. სისტ. თ. 28. საღებავის გატ. 28,7. ტირ. 10.000. შეკვ. № 2964.

ფასი 1 მან. 60 კპპ.

საქ. კვ ცვ-ის გამომცემლობის შრომის წითელი დროშის
ორდენოსანი სტამბა, თბილისი, ლენინის 14.



მითხრობა

ინგლისურიდან თარგმნა ვეკა გუგუშვილი

17 769

სოლედადიდან ოთხი მილის დაშორებით მდინარე სალინასი სულ ახლოს გასდევს მთების ძირს და, ვიდრე პატარა ყურეს შეურთდებოდეს, ერთხანს მიედინება ასე. ღრმა, მწვანე და თბილია წყალი. ვინემ აქამდე მოაღწევდა, ლივლივ-ლივლივით გადმოიარა მზით გავარვარებული ყვითელი ქვიშნარი. მაღლა-მაღლა მიიწევს მდინარის, გაღმა ოჭროსფერი ფერდობები ზვიად და კლდოვან გაბილენის მთებისკენ, გამოღმა, დაბლობ ნაპირზე კი ხეები ჩამწკრივებულია — ყოველ გაზაფხულზე მწვანედ მოხასხასე მტირალა ტირიფების ქვედა ფოთლებს ჭერაც შერჩენიათ თოვლჭყაპისა და წყალდიდობის ნაკვალები, თეთრად ტანაჭრელებული ნეკერჩხლების დაშვებული შტოები და ტოტები თაღად გადახურვია ყურეს. ხეთა ძირში ხმელი ფოთლები სქელ საბნად დაჰფენია ქვიშიან ნაპირს, ასეთ საფარში ხვლიკის გასრიალებაც კი ერთ შარიშურს ატეხს ხოლმე. სალამოობით კურდღლები მოცუნცულებენ ბუჩქნარიდან ქვიშიან დასასკუპებლად, ანცი ენოტები ქსელავენ ნესტიან ვაკეს. რანჩოდან სასეირნოდ გამოსული ძაღლების ნათათურებით თუ წყურვილის დასაოკებლად სიბნელეში მოსული ირმების წაწვეტებული, ორად გაყოფილი ჩლიქების ანაბეჭდებითაა დასერილი ქვიშა.

ტირიფებსა და ნეკერჩხლებს შორის ბილიკია გაჭრილი, რომელიც ღრმა ყურეში რანჩოდან საბანაოდ გამოქცეულ ბიჭებსა და გზატკეცილიდან აქ, წყლისპირას ღამის გასათევად შემოხიზნულ მაწანწალებს საგულდაგულოდ დაუტკეპნიათ. ერთი ვეებერთელა ნეკერჩხლის განზე გაშვერილი ქვედა ტოტის ქვეშ მრავალგზის ანთებული კოცონის ნაშთად ჰყრია ნაცარი; ტოტი კი, ზედ რომ მჯდარა, იმ აუარება ხალხს მთლად გაუსიპია.

დახუთულ დღეს გრილი სალამო მოჰყვა და ნიავემ ოდნავ ააშრიალა ფოთლები. ჩრდილები მთის ძირებიდან ნელ-ნელა მიიპარებოდნენ მწვერვალებისკენ; ქვიშიან ნაპირზე კურდღლები პატარა რუხი ქვის ქანდაკებებივით დასკუპულიყვნენ; უცებ გზატკეცილის მხარეს ნეკერჩხლის ჩამოცვენილი ფოთლები

ქ. მარქსის ს.ხ. საქ. სსრ
სახ. ბიბლიოთეკა, სპუბლიკ.
მოსკოვი

აშრილდა, ეტყობა, ვილაც მოდიოდა; კურდღლებმა სწრაფად უშველეს თავს. ლიტქოს ოჩოფებებზე შემდგარი ყანჩა მძიმედ, ზანტად აფრინდა და ფრთების ტყლაშატყლუშით დაუყვა მდინარეს. წუთით თითქოს სიცოცხლე ჩაკვდათ ირგვლივ, მერე ბილიკზე ორი კაცი გამოჩნდა და მწვანე ყურესთან გაშლილ ადგილს მიაშურეს.

ერთი წინ მიდიოდა, მეორე უკან. მდელით რომ გამოვიდნენ, აქაც ასევე განაგრძეს გზა. ორივეს ჯინსის შარვლები და ჯინსისავე თითბრის-ლილებიანი ქურთუკები ეცვათ, შავი, დაჭმუჭნული ქუდები ეხურათ, მუთაქა-სავით დახვეული საბნები გადაეკიდათ მხარზე. პირველი — შავგვრემანი — ტანმორჩილი იყო და მკვირცხლი; როგორც მოუსვენარი თვალები და გამოკვეთილი ნაკვთები, ასევე მეტყველი ჰქონდა ყველაფერი: პატარა, ღონიერი ხელები, ვიწრო მხრები, თხელი, კეხიანი ცხვირი. მეორე კი სრულიად განსხვავდებოდა: ვეებერთელა კაცი იყო, ფართო, ბრტყელი სახე, დიდრონი, უსიცოცხლო თვალები და განიერი, მოხრილი მხრები ჰქონდა. მძიმედ, ფეხათრე-ვით მიდიოდა, დათვი რომ დაბაჯბაჯებს ხოლმე, ისე. სიარულისას მკლავები მოშვებულად, გაუნძრევლად ეკიდა.

პირველი მინდორზე ისე უცებ შეჩერდა, მეორე კინალამ ზედ შეასკდა. პირველმა ქუდი მოიხადა, ტყავის ქობას სალოკი თითი დაუსვა და ოფლი ხელით დაიქნია. — მისმა ზორბა თანამგზავრმა საბანი ძირს დააგდო, დაიხარა და მწვანე წყალს დაეწაფა. დიდი ყლუპებით სვამდა, ცხენივით ფრუტუნებდა. ტანმორჩილი შეშფოთებით გაიწია მისკენ.

— ლენი! — მკაცრად მიაძახა ტანმორჩილმა. — ლენი, თუ ღმერთი გწამს, ნუ ყლურწავ ამდენს.

ლენის ფრუტუნი არ შეუწყვეტია. მაშინ ტანმორჩილი დაიხარა, მხარზე წაავლო ხელი და შეანჯღრია.

— ლენი, აი, ნახავ, თუ გუშინდელივით არ გაწყინოს!

ლენიმ მთლიანად, ქუდიანად ჩაყო წყალში თავი, მერე წამოაჭდა; წყალი ქუდიდან ლურჯ ქურთუკზე ჩამოწურწურებდა და ზურგზე ჩადიოდა.

— ძლივს არ მოვითქვი სული! — თქვა მან. — შენც დალიე რა, ჯორჯ, ერთი ბლომად ყლუპე რაღა! — და ნეტარი ღიმილი აუთამაშდა სახეზე.

ჯორჯმა ფუთა მოიხსნა და ფრთხილად დადო ძირს.

— კაი წყალი არ უნდა იყოს, — თქვა მან. — ისეთი ქაფი აქვს მოგდებული, დამყაყებულსა ჰგავს.

ლენიმ თავისი ვეება ტორი წყალში ჩაატყაბუნა, თითები აათამაშა და წყალი ააშხეფა; წრეები ლივლივით ჯერ მეორე ნაპირისკენ წავიდნენ და ისევ უკან დაბრუნდნენ. ლენი ამ ლივლივმა გაიტაცა.

— შეხე, ჯორჯ, რა ვქენი, შეხე!

ჯორჯმა ნაპირთან ჩაიჩოქა და ჩქარ-ჩქარა, პეშვებით დაიწყო ხვრება.

— გემრიელი წყალი კია, — აღიარა მან. — ოღონდ გამდინარე წყალს ნაღდად არა ჰგავს; იცოდე, წყალი თუ გამდინარე არაა, არ დალიო, ლენი, — ამოიოხრა მან. — თუმცა შენ თუ წყალი მოგინდა, რა დაგაკავებს, წუმპედანაც დალევ.

ჯორჯმა ერთი პეშვი წყალი პირზე შეისხა, ხელი ჯერ სახეზე, ნიკაპზე ჩამოისვა და მერე უკან, კისერზე. შემდეგ ქუდი ისევ დაიხურა, წყალს მოშორდა, დაჭდა და მუხლებზე ხელები შემოიკლო; ლენი თვალს არ აშორებდა, ცდი-

ლობდა ზუსტად მიეზიდა ჯორჯისთვის. ისიც ნაპირს მოშორდა, დაჯდა და მუხლებზე ხელები შემოიჭდო; თან ჯორჯს უყურებდა, ხომ არაფერი გამომჩიო. ქუდი ზედ თვალებზე ჩამოიფხატა, ჯორჯსაც ასე აქვსო.

ჯორჯი კუშტად ჩააშტერდა მდინარეს. მცხუნვარე მზისგან თვალები დაწითლებოდა.

— თავისუფლად შეგვეძლო რანჩომდეც მივსულიყავით, თქვენი ბრძანებ-
რეულმა. — ავტობუსის შოფერს, იმ ნაბიჭვარს, რომ არ გავებითურებინეთ. აგერ გზას გადახვალთ და აქვე არისო, ასე გვითხრა, გესმის, კაცო, აქვე არისო. ეშმაკმაც დალაზვროს, კაი ოთხი მილი კი გამოვიარეთ! მოეპრიანა და არ მიგვიყვანა რანჩომდე, ეგ იყო და ეგ! გაჩერება დაეზარა და მორჩა, ეშმაკსაც წაუღია! სოლედადში მაინც რომ გაგვიჩერა, არ გიკვირს? იქაც ეზარებოდა, ჩამოგვყარა ავტობუსიდან და გვითხრა, გზას გადახვალთ და იქვეაო. ნიძლავსა ვარ, ოთხ მილზე მეტი გამოვიარეთ. არადა, რა ჯოჯოხეთურად ცბელა დღეს! ლენიმ გაუბედავად ვახედა ჯორჯს.

— ჯორჯ!

— რა გინდა?

— სად მივდივართ, ჯორჯ?

ჯორჯმა ქუდს წაავლო ხელი და მთლად ჩამოიფხატა ერთი მაგრად შეუბღვირა ლენის:

— რა, ასე უცებ დაგავიწყდა ყველაფერი, რა ღმერთი გაგიწყრა, შე ლენჩო, შენა!

— დამავიწყდა, — ჩუმად უპასუხა ლენიმ. — ვცდილობდი დამემახსოვრებინა, ღმერთია მოწმე, რომ ვცდილობდი, ჯორჯ!

— კარგი, კარგი, კიდევ მოგიყვები, რა გაეწყობა. რამდენიც უნდა გეჩინო, მაინც გავიწყდება. მერე ადექი, ჯორჯ, და, თუ ბიჭი ხარ, ისევ მოუყევი, მერე ისევ დაგავიწყდება და ასე გაუთავებლივ.

— ხომ ვეცადე, ჯორჯ, ხომ ვეცადე, — უპასუხა ლენიმ, — მაგრამ რომ არაფერი გამომივიდა? აი, კურდღლებზე რაც თქვი, ის კარგად მახსოვს.

— ჯანდაბას შენი კურდღლები! მაგათ მეტი ხომ არაფერი გახსოვს. ეგრე იყოს! ახლა კი მომისმინე, იცოდე, ყველაფერი უნდა დამემახსოვრო, მერე დავიდარბას რომ არ გადავეყაროთ, გაიგე? გახსოვს იმ დამბალ ადგილას, პოუარდ სტრიტზე რომ ვისხედით და შავ დაფას ვუყურებდით?

ლენის სახე გაეზადრა:

— როგორ არა, ჯორჯ, მახსოვს... მაგრამ... მერედა, რა ვქენით იქ? მახსოვს, ვიღაც გოგოები მოვიდნენ და შენ თქვი... შენ თქვი, ისაო...

— ნეტა რას აგიჩემებია, შენ თქვი, შენ თქვიო. მარეი და რედისთან რომ მივედით კანტორაში, ის თუ გახსოვს? მერე იმათ სამუშაო წიგნაკები და ავტობუსის ბილეთები რომ მოგვცეს?

— როგორ არა, ჯორჯ, გამახსენდა, — თქვა ლენიმ და ხელები სწრაფად ჩააცურა ქურთუკის ჯიბეებში. მერე ხმადაბლა თქვა: — ჯორჯ, ჩემი რომ არა მაქვს, სადმე დამეკარგა ალბათ, — და სასოწარკვეთილმა თავი დახარა.

— ვაი შე გამოჩერჩეტებულო, შენა. ორივე მე მქონდა, შენ ხომ არ ჩავაზარებდი? რა კაი იქნებოდა, ამისთანა რეგენისთვის მიმეზარებინა!

— მე... მე შეგონა, ჯიბეში ჩავიდე, — ლენიმ შვებით ამოისუნთქა და ხელი ისევ ჯიბისკენ გააცურა.

ჯორჯმა მკაცრად შეხედა:

— რას იყოფ ხელს ჯიბეში, რა გაქვს მანდი?

— ჯიბეში? არაფერიც არა მაქვს, — იფშმაკა ლენიმ.

— ჯიბეში რაღა გექნება, ახლა ხელში გაქვს და იმიტომ, აბა ხელში რა გიჭირავს, ის მითხარი? რას მალავ?

— არაფერს, ჯორჯ, გეფიცები.

— მობრძანდი და მომეცი!

ლენიმ მუშტი იქით გასწია, თითქოს ჯორჯს უმალავსო.

— თაგვია, ჯორჯ, სხვა არაფერი.

— თაგვი? ცოცხალი თაგვი?

— უუუჰ! არა! მკვდარი თაგვია, ჯორჯ. მე არ მომიკლავს, გეფიცები! მკვდარი ვიპოვე! მკვდარი!

— ახლავე მომეცი! — დაუყვირა ჯორჯმა.

— არა, მქონდეს რა, ჯორჯ! კარგი რა, მქონდეს.

— მომეცი-მეთქი!

ნირწამხდარმა ლენიმ მუშტი ნელ-ნელა გახსნა. ჯორჯმა თაგვი გამოართვა და ვაღმა ნაპირის ბუჩქებში მოისროლა.

— რად გინდა ეგ მკვდარი თაგვი, ერთი ვამაგებინე!

— რად მინდა და თითებს ვუცაცუნებდი, ვეფერებოდი, რომ მოვდიოდით, — უთხრა ლენიმ.

— იცი, რა გითხრა, მოფერება კი არა, თაგვის ხსენება არ იყოს, სანამ ჩემთან ერთად ივლი. ისე, გახსოვს მაინც, სად უნდა წავიდეთ?

ლენი შეშფოთდა და დაბნეულმა თაფი მუხლებში ჩარგო.

— ისევე დამაფიწყდა, ჯორჯ.

— ღმერთო ჩემო, — უსასოოდ თქვა ჯორჯმა. — კარგი, მისმინე, მე და შენ მივდივართ რანჩოში სამუშაოდ, ადრე რომ ვიყავით ჩრდილოეთით, ისეთში.

— ჩრდილოეთით?

— დიახ, უიდში.

— კი, როგორ არ მახსოვს, უიდში.

— ჩვენ რომ უნდა წავიდეთ, ის რანჩო აქვია, ერთი ოთხ მილზე. იქ უნდა მივიდეთ და იქაური ბოსი ვნახოთ. ახლა კარგად მისმინე; იმ კაცს სამუშაო წიგნაკებს მივცემ და იცოდე, ხმა არ გაიღო! ისე რდექი, კრინტიც არ დაძრა. თუ მიხვდა, რა ტუტუცი ვინმეცა ხარ, სამუშაოს დაგკარგავთ და მორჩა! მაგრამ ჯერ თუ შენი მუშაობა ნახა, მერე თუნდაც მთელი დღე იყბედე, ჩვენს ბედს ძალღი არ დაჰყეფს. გაიგე, რაც გითხარი?

— გავიგე, ჯორჯ, გავიგე, აბა რა.

— კარგი, ბატონო, მაშინ მითხარი, ბოსთან რომ შევალთ, რა უნდა ქნა?

— მე... მე... — ლენი დაფიქრდა და სახე თანდათან დაეძაბა: — მე... კრინტი არ უნდა დაეძრა, ისე ვიდგე და კრინტი არ დაეძრა.

— ყოჩაღ, ბიჭო, აი, მესმის. ერთი-ორჯერ გაიმეორე შენთვის და არ დაგავაწყდება.

ლენი თაფისთვის ჩუმად ადუღუნდა:

კრინტი არ უნდა დაეძრა... კრინტი არ უნდა დაეძრა... კრინტი არ უნდა დაეძრა.

ფრიდრიხ ვოლდარდინი

(1776-1843)

ღუნაის სათავესთან

(ნაწყვეტი)



ეროვნული
ბიბლიოთეკა

...ენით უთქმელი სიყვარული სუფევდა
მარად,

ურთიერთისგან შორს ვართ,
მაგრამ კეთილგანწყობილთ
ერთმანეთის ბედი გვაფიქრებს;
შევტრფით ისთმოსის⁵ მხიარულ
მხარეს,

კეფისოსსა⁶ და ტაიგეტოსს⁷,

შენზეც ვოცნებობთ
უხსოვარდროინდელთ
კავკასიის დიდო ველეზო,
თქვენებურ პატრიარქებზე,
წინასწარმეტყველებზე
და მანდაურ სამოთხეზე...

ფრანც ბრილპარცერი

(1791-1872)

არგონავთაჲი⁸

(ნაწყვეტი)

ბორა: სად არის ჩემი ქალიშვილი, ჩემი მედეა?

მილო: შენი ქალიშვილი?

ბორა: ამ ძუძუთი რომ ვაგზარდე და გავანებივრე.
ხომ დედასავით ვეპყრობოდი, სად ჩაიყლაპა?
რაკი ამბობენ, თავის ნებით აქ ჰპოვაო
თავშესაფარი, მეც დავიჯერო?
ეგ ტყუილია, სიცრუეა; ჩემი მედეას
ხასიათი ჩემზე უკეთ, აბა, ვინ იცის!
დაატყვევეთ და გადამაღეთ, ასეა, არა?
ახლავე უკან დამიბრუნეთ! ნეტავ სად არის?

მილო: კეთილ განზრახვით თუ მოსულხარ, ძალიან კარგი,
მის გამორჩევა იოლია დანარჩენთ შორის, —
ამწამს ნაფზე გამოიყვანენ!

ბორა: ის აქვე გყავთ გადამაღული?

მილო: მიდი-მეთქი!
მიხვალ თუ არა, მაშინათვე თვალს მოჰკრავ! მიდი!

ბორა (მიჰყავთ):
ხომალდზე არა! თვალს მიხვევთ და ალბათ მატყუებთ!

მილო (თვალს გააყოლებს):
მივერეკებით გარეულ მხედთ საბერძნეთისკენ,
უნდა ვეცადო არ ვაგვსრისონ, არ დაგვანელონ,

— არა გვაქვს საწებელი და რას იზამ. მიდი, მიდი, ფიჩხი/მოიტანე. ბევრს ნუ იბოდიხარ, თორემ საცაა დაღამდება.

ლენი წამოიზღაზნა და ბუჩქებში გაუჩინარდა. ჯორჯი კი ისევ იწვა და ჩუმად რაღაცას უსტვენდა. წყლის ჰყაპუნის მოესმა, ~~საქონის ხმა~~ ლენი იყო. ჯორჯმა სტვენა შეწყვიტა და მიაყურადა.

— ეგ უბედური ეგა, — ჩაიბურღლუნა და ისევ განაგრძო სტვენა.

მალე ლენიც გამოჩნდა. ლაწალუწით გამოძვრა ბუჩქებიდან. ერთი ტირიფის ტოტი დიდი ამბით მოჰქონდა. ჯორჯი წამოჯდა.

— ეგრე ხომ? — მკვახედ უთხრა მან, — აბა ერთი ეგ თავი მომეცი! ლენიმ ძალზე ოსტატურად ააფარა გულუბრყვილობის ნილაბი.

— რა თავი, ჯორჯ, თავი თვალითაც არ მინახავს.

ჯორჯმა მაინც ხელი გაუშვირა.

— მოდი აქ და მომე ეგ თავი, ნუ მიმალავ, შენი მოსატყუებელი კბილი დიდი ხანია მოვიცვალე.

ლენი შეეყოვნა, უკან დაიხია, დამფრთხალი თვალებით მიაჩერდა ბუჩქებს, თითქოს უნდა გაიქცეს და თავს უშველოსო. ჯორჯი არ მოეშვა:

— მომეცი თავი, სანამ არ დანიჟეფიხარ.

— რა მოგცე, ჯორჯ?

— გაგიხმეს ეგ თავი, მშვენივრად იცი, რასაც გეუბნები. მომეცი-მეთქი თავი!

ლენიმ უხალისოდ ჩააცურა ხელი ჯიბეში, ზმაც ოდნავ აუკანკალდა.

— ვითომ რატომ არ შეიძლება მყავდეს? სხვისი თავი რომ იყოს, კიდევ პო, არ მომიპარავს, აგერ ვიპოვე, გზასთან ეგდო.

ჯორჯს არც უფიქრია ხელის უკან გაწევა. დაყინებით ელოდა. ურჩ ძალს რომ პატრონთან ჯოხის მიტანა არ უნდა, სწორედ ისეთივე ზღაპრით გადადგა ლენიმ ნაბიჯი წინ; მერე უკან დაიხია, მერე ისევ მიუახლოვდა. ჯორჯმა თითები მოუთმენლად აათამაშა და ლენიმაც, როგორც იქნა, თავი ხელში ჩაუდო.

— ცუდი არაფერი მიქნია, ჯორჯ. ცოტა მოვეფერე მხოლოდ.

ჯორჯი წამოდგა და, რაც ძალი და ღონე ჰქონდა, თავი უკვე ჩაბნელებულ ბუჩქებისაკენ მოისროლა, მერე წყალთან მივიდა და ხელები დაიბანა.

— ვაი შენს პატრონს, შე უტვინო, შენა. მდინარეზე რომ გახვედი მაგის გულისთვის და ფეხები დაისველე, ვერ მივხვდებოდი, თუ რა?

ჯორჯს ლენის ზღუტუნის მოესმა და მთელი ტანით მისკენ შეტრიალდა.

— რა გაღრიალებს, ბავშვი ხომ არა ხარ? ღმერთო ჩემო! ამხელა კაცი ასე ტიროდეს, ვის გაუგია? — ლენის ნიკაბი უკანკალდებდა, თვალები ცრემლებით ჰქონდა სავსე.

— კარგი რა, ლენი, — დაუყვავა ჯორჯმა და მხარზე ხელი დაადო. — ხომ იცი, სიბოროტით არ მომსვლია; კაი ხნის მკვდარი იყო ეგ უპატრონო, შენ კიდევ მოფერებით ძვლებიც დაუმტვრიე. არა უშავს, სხვას იპოვი, ცოცხალს, და გყავდეს ცოტა ხანს, რა გაეწყობა.

ლენი მიწაზე დაჯდა და დამწუხრებულმა თავი ჩაქინდრა.

— აბა სხვა თავი სად უნდა ვიპოვო. ერთი ქალი მაძლევდა ხოლმე თავებს. როგორც კი დაიჭერდა, მე მაძლევდა. ახლა ის ქალი აქ რომ არ არის? ჯორჯმა ჩაიციხა:

— ის ქალიო, იძახი? კი მაგრამ, არ გახსოვს, ის ქალი ვინ იყო? ის ხომ შენი საკუთარი დეიდა იყო, ლენი, დეიდა კლარა. მერე უკვე აღარ ვაძლევდა ლავებს, ხელში ვაკვდებოდა ყველა და იმიტომ.

ლენიმ დაღონებით შეხედა ჯორჯს.

— ისეთი პაწაწუნები იყვნენ, — დამნაშავესავით თქვა მან. ის სულ ვეფერებოდი, ჯორჯ, მერე თითზე წამკბენდნენ ხოლმე. და მეც ^{თითზე} ვჩქებოდი. აი, სულ ნელა, და უცებ კვდებოდნენ. ბევრი კი არ უნდოდათ; ალბათ ასე პაწაწუნები რომ იყვნენ, იმიტომ. როგორ მინდა კურდღლები გვყავდეს, ჯორჯ, ჩნარა მინდა გვყავდეს, ისინი ასე პატარები ხომ არ არიან.

— ჭირმა წაიღოს შენი კურდღლები; კაცმა რომ თქვას, ცოცხალი თავვის მოცემა შენთვის არც შეიძლება. გახსოვს, დეიდა კლარამ რეზინის თავვი რომ გაჩუქა, შენ კი არ მოინდომე.

— რეზინის თავვი რა მოსაფერებელია, — თქვა ლენიმ.

უკანასკნელი მზის სხივები მოსწყდა მთის მწვერვალებს, ველზე ბინდა ჩამოწვა. ტირიფებსა და ნეკერჩხლებში თითქმის უკვე ბნელოდა. წყლის ზედაპირზე დიდი ჭანარი ამოცურდა, პაერი ჩაყლაბა და ისევ გაუჩინარდა იღუმალებით მოსილ შავ წყალში, ზედაპირზე კი ჭავლი აალივლიეა. ფოთლებს ისევ ჩამოუჭროლა ნიაემა, ტირიფებს თეთრი ღონილი მოსწყვიტა და წყლის ზედაპირს დააყარა.

— კაცო, აღარ მოიტან მაგ ფიჩხს ბოლოს და ბოლოს! — დაუცაცხანა ჯორჯმა. — აგე, იმ ნეკერჩხალს იქით ქვეყნის შეშა ყრია. წყალს ჩამოუტანია. შიდი და მოიტანე.

ლენი ხისკენ წავიდა, ტოტები და გამხმარი ფოთლები მოათრია, ნაცუცხლარზე ზვინად დაყარა და ისევ გაბრუნდა დანარჩენის მოსატანად; მერე ისევ და ისევ დაღამდა თითქმის. ქედანმა ფრთების ფათქუნით გადაუჭროლა წყალს. ჯორჯმა ფიჩხის გროვას და გამხმარ ფოთლებს ცეცხლი შეუთო. ალმა ტკაცუნით დაურბინა ფოთლებს და ააბრიალა. ჯორჯმა თავისი ფუთა გახსნა და ლობოს კონსერვები ამოიღო. კოცონთან ახლოს დადო, ზედ ალს მიაფიცხა, მაგრამ ისე, რომ არ მიმწვარიყო.

— იმდენია, ოთხ კაცსაც ეყოფა, — თქვა ჯორჯმა.

ლენი მოშორებით იდგა და თვალს ადევნებდა. მერე ისევ ჩიუტად თქვა:

— მე რომ საწებლიანი ლობით მიყვარს?

— ვიცე, მაგრამ ახლა ხომ არა გვაქვს, — აღშფოთდა ჯორჯი, — რაც არა გვაქვს, იმას აიჩემებ ხოლმე; ღმერთო, ეს რას გადავეკიდე! მარტო რომ გყოფილიყავი, ჩემს ბედს ძალლი არ დაჰყეფდა. წავიდოდი, ვიშოვიდი სამუშაოს, საქმეც გამიჩნდებოდა და ვიქნებოდი ჩემთვის არხეინად; ამდენ შფოთას და დავიდარაბასაც ავცდებოდი. ავიღებდი თვის ბოლოს ორმოცდაათ დოლარს, წავიდოდი ქალაქში და, რაც მომეპრიანებოდა, იმას ვიყიდდი. ჰო, მართლა, ღამეს საროსკიპოში გავატარებდი! სადაც ხოში მექნებოდა, იქ ვისაღილებდი, გინდ სასტუმროში, გინდ სხვაგან სადმე; რაც მომეხასიათებოდა, იმას მოვითხოვდი. დიახაც, ყოველთვე გამოწერილივით მექნებოდა ეგ სიამოვნება. მერე კიდევ, ერთ გაღონ ვისკის ავიღებდი, ან საბილიარდოში გავუხვევდი. კარტი გინდა, ბილიარდი გინდა, ვითამაშებდი და ვითამაშებდი, მამ!

ლენიმ ჩაიჩოქა, კოცონს იქით მჯდარ გაბრაზებულ ჯორჯს შეხედა; საბე მიშისაგან დაელმიჭა.

— ახლა კი რა გამაჩნია? — უფრო და უფრო გაცხარდა ჯორჯი. — რა გამაჩნია და შენისთანავე გვეყენი! მუშაობის ტვინი შენ ვინ მოგცა, ან ვის რაში სჭირდება. სამუშაოსაც ყოველთვის შენი გულისთვის ვკარგავ. შენი გადამკიდე სად არ დავეთრევი ამ ქვეყანაზე. მაგას ვინ ჩივის, რაიმე უნდა რომ არ გაყო თავი, ისე ხომ არ იქნება! უცებ რაღაცას იხიბანვლენ და მერე მიდი. ჯორჯ, თუ ბიჭი ხარ, უშველე, — უკვე ცოფებს ყრიდა ჯორჯი. — ეჰ, შე შობილადლო, შენა, სულ ჯოჯობეთში უნდა მამყოფო, როდემდის? გაგონილა, კაცო? — მერე პატარა გოგოები რომ ერთმანეთს მანჭვით გამოაჯავრებენ ხოლმე, სწორედ ისე გამოაჯავრა ლენის: — იმ გოგოს კაბას მინდოდა მოეფერებოდი, თავგებს რომ ვეფერები, ისეთ — შენი დედა კი ვატირე, შენი, იმ გოგოს დაესიზმრებოდა, მარტო კაბა რომ გაინტერესებდა, თუ რა? გაქცევაც უნდოდა, მაგრამ რომ ჩაეჭიდე და არ გაუშვი? თავი ხომ არ გეგონა? იკივლებდა, აბა რას იზამდა; სარწყავ არხში არ დავმალულიყავით მთელი დღე, ვაი ჩვენი ბრალი მაშინ. დალაშქრებამდე იქ ვისხედით და მერედა მოვუსვით იჭიდან. მაინც სულ შარში როგორ ვეხვევით შენი გულისთვის. ღმერთო, ერთი შენი თავი თავგებით ვატენილ გალიაში ჩამასმევინა, რას მოილხენდი, როგორ გარღებოდა იმათი აღერსით!

ჯორჯს სიბრაზემ უცებ გადაუარა. ცეცხლს იქით ჩაჩოქილ ლენის გახედა, ტანჯული სახე ჰქონდა საცოდავს; ჯორჯს შერცხვა და თვალები ცეცხლის აღს მიაპყრო.

უკვე კარგად ბნელოდა. ცეცხლი მხოლოდ ხის ძირებსა და კიდევ ზემოთ დაგრეხილ ტოტებს ანათებდა. ლენიმ ნელა, ფოფხვით შემოუარა ცეცხლს და ჯორჯთან მივიდა; მერე ჩაიციუცქა. ჯორჯმა კონსერვები შეატრიალა და ახლა მეორე მხრიდან მიადიცხა კოცონს, ვითომდა ვერ ამჩნევდა გვერდით ჩაციუცქულ ლენის.

— ჯორჯ! — ძლივს გასაგონად შეჰბედა ლენიმ. პასუხი არავის გაუცია. მერე ისევ: — ჯორჯ!

— რა გინდა?

— მე ხომ ვიხუმრე, ჯორჯ, საწებელი რა ჰირად მინდა; აი, აქ, ცხვირწინ რომ მედოს, ხელსაც არ ვახლებდი.

— რატომ, რომ ყოფილიყო. შეჭამდი კიდევ.

— არა, ჯორჯ, პირსაც არ დავაკარებდი. სულ შენ დაგიტოვებდი. ლობიოს დაასხამდი და გემრიელადაც შეჭამდი; მე წვეთსაც არ გავსინჯავდი.

ჯორჯი ისევ კუშტად ჩაშტერებოდა ცეცხლს.

— რომ გავიფიქრებ, რა ხოშიანად გავატარებდი დროს უშენოდ, ლამისაა გადავირაო. შენი გადამკიდე კი მოსვენება აღარ მაქვს!

ლენი ისევ ჩაციუცქულიყო. მდინარის გაღმა იყურებოდა — სიბნელეში.

— ჯორჯ, თუ ძალიან გინდა, წავალ, მოგშორდები!

— სად ჰირში წახვალ, ნეტა ვიცოდე!

— წავიდოდი, აი, იქ, მთებისკენ წავიდოდი. სადმე გამოქვაბულსაც ვიპოვიდი.

— მერედა, რას ჩახეთქავდი? შენ იმის ჰკუთა სადა გაქვს, საჭმელი იშოვო?

— რამეს ვიპოვიდი, ჯორჯ, მაინცდამაინც საწებლიანი შემწვარ-მოხრაკულები ხომ არ უნდა ვქამო; ვიწვებოდი მთელი დღე მზეზე და არც არავინ შე-

მაწუნებდა. თუ სადმე თავს წავაწყდებოდი, დავიტოვებდი; და არც არავინ წაწართმევდა.

ჯორჯმა უცებ მცდელი თვალით შეხედა ლენის.

— რა დამპალი ვარ, გაწყენინე, არა?

— შენ თუ არ გინდივარ, მთებში წავიდლოდი და გამოქვაბულს წამტყვიდო; აუნდაც ახლავე წავიდლოდი.

— არა, ყური დამიგდე! მე უბრალოდ ვიხუმრე, ლენი. იცი, ძალიან მინდა ჩემთან იყო. თავგებზე კი იმიტომ გეუბნები, რომ მუდამ ხელში გაკვდებიან ხოლმე. — ჯორჯი გაჩუმდა. — იცი, რა მოვიფიქრე, ლენი? როგორც კი მოვახერხებ, ერთ ლეკვს გიყიდი. დავიჯერო, ისიც შემოგაკვდება? ძალი მამინც კარია თავს. თანაც უფრო მაგრად შეგიძლია მოუჭირო ხელი.

ლენი ანკესს არ წამოეგო, თავპატივი გაიღო.

— თუ არ გინდივარ, ერთი სიტყვა თქვი და აგერ, იმ მთებში გავიქცევი, წავალ მთებში და მარტო ვიცხოვრებ. თავგებსაც ველარავინ წაწართმევს.

— რით ვერ გაიგე, ჩემთან მინდა დარჩე-მეთქი. ლენი! ღმერთო, მე რომ მიგატოვო, ვინმეს კოიოტი ეგონები და ისე მიგასიკვდილებს, თვალის დახამსამებასაც ვერ მოასწრებ. არა, იყავი, ბატონო, ჩემთან! დეიდაშენი კლარა ალბათ ერთი სამჯერ მამინც გადატრიალდება საფლავში, მარტო რომ დაგტოვო.

— ისევ მომიყევი რა... როგორც მაშინ, ჯორჯ, — შემპარავი ხმით უთარა ლენიმ.

— რა მოგიყევი?

— კურდღლებზე.

— კარგი ახლა, თავი დამანებე! — შეუღრინა ჯორჯმა.

— კარგი რა, ჯორჯ, მომიყევი რა, გეხვეწები, როგორც მაშინ, — შეევეღრა ლენი.

— შენს ჭიას ახარებ, ზომ? კი ბატონო, ასე იყოს, მოგიყევი და მერე კვამოთ, ხო, ლენი?

ჯორჯმა ნაზი, ლულუნა ხმით დაიწყო მოყოლა, თანაბრად, აუღელვებლად, ეტყობოდა, მრავალჯერ ჰქონდა მოყოლილი ეს ამბავი.

— ჩვენ და ჩვენნაირები, ვინც რანჩოში მუშაობენ, მარტოდმარტო, უთვისტომოდ დაიარებიან ამ ქვეყანაზე. ოჯახი მათ არა აქვთ და სახლ-კარი. წავლენ რომელიმე რანჩოში სამუშაოდ, მიიღებენ თავის წილს და მერე, ჰაიდა, ჭალაქში ჰკრავენ თავს; ფულსაც რომ გაანიავებენ, სხვა რა დარჩენიათ, ისევ რომელიმე რანჩოში გარბიან სამუშაოს საძებნელად. საზრუნავი და საფიქრალი გამოლევიათ და იმიტომ.

ლენი მოჯადოებულად უგდებდა ყურს:

— აი, ასე, აი, ასე. მერე? ახლა ჩვენ როგორა ვართ?

ჯორჯმა გაჩაგრძო:

— აი, ჩვენ კი სულ სხვა ვართ. საზრუნავიც გვაქვს და საფიქრალიც. ხმის გამცემიცა გვყავს და ისეთიც, ძალღად მამინც რომ ჩაგვაგდებს. ბარებში რად უნდა ვიჯდეთ ან ფული რად უნდა ვფლანგოთ? სხვა წასასვლელი არა გვაქვს, თუ რა? სხვები კი, ღმერთმა დაიფაროს და, თუ ვინმემ ციხეში ამოყო თავი, ისე ჩალპება, კაციშვილიც ვერ გაიგებს. ჩვენ კი, ჩვენ ეგ საფრთხე არ გველის.

ლენიმ შეაწყვეტინა:

— ჩვენ კი სულ სხვა ვართ და იცი, რატომ? იმიტომ... იმიტომ, რომ მე

მყავს ჯორჯი, შენ გყავს ლენი და ორივენი ერთმანეთს მიგხედავთ, აი, რატომ გაბედნიერებული ლენი იცინოდა და იცინოდა.

— მიდი, განაგრძე, განაგრძე, ჯორჯ!

— ბიჭო, ხომ ზეპირად იცი, ბარემ მიდი და თვეთონ-ქოქიქიქი

— მე არა, შენ, ჯორჯ. მე შიგადაშიგ მავიწყდება ხოლმე. მოყვევი ერთი, მერე როგორ იქნება?

— კარგი, ეგრე იყოს. ერთ მშვენიერ დღეს მაყუთს დავაგროვებთ და პატარა საბლსაც ვიყიდით თავის ეზოიანად — ერთი ორი აკრი მიწა მაინც ხომ იქნება; ძროხაც გვეყოლება, ღორებიც და...

— და ვიქნებით ასე, ამ მიწის ბატონ-პატრონნი! — წამოიყვირა ლენიმ, — და გვეყოლება კურდღლები. განაგრძე რა, ჯორჯ! თქვი, როგორი ბალი გვექნება, კურდღლებზეც თქვი, ზამთრის წვიმაზეც, ბუხარზე; მერე ისიც, რძეს სტელი ნაღები რომ აქვს. დანით ძლივს რომ გაჭრი, ისეთი, არათვერი დავავიწყდეს, ჯორჯ.

— კი მაგრამ, შენ თვითომ რატომ არ მოყვები? ასე კარგად იცი ყველაფერი.

— არა... შენ, რა! შენ უფრო კარგად გამოგდის, განაგრძე. ჰო, ჯორჯ. თქვი, კურდღლები ხომ მეყოლება მოსაელელი?

— კარგი, — თქვა ჯორჯმა, — დიდი ბოსტანიც გვექნება, კურდღლების გაღია და წიწილები. ზამთარში კი, წვიმა რომ წამოვა, ფეხებზეც არ დავიკიდებთ სამუშაოს! ბუხარში ცეცხლს ავაგიზგიზებთ, შემოვუსხდებით და ვიქნებით ასე; სახურავზე კი იწვიმებს და იწვიმებს შხაპაშხუპით. უუუჰ! რა კაია... დალახვროს ეშმაკმა! — ჯორჯმა ჯიბიდან დანა ამოაცურა. — აღარ მცალია, თავი დამანებე! — ერთი კონსერვი აიღო, სახურავს გაყვა დაუსვა, გახსნა და ლენის მიაწოდა. შემდეგ მეორე გახსნა, პიჯაკის ჯიბიდან ორი კოვზი ამოიღო და ერთი ლენის მისცა.

მერე ორივენი ცეცხლს შემოუსხდნენ, პირში ლობიოს იტენიდნენ და მადიანად ილუკმებოდნენ. ლენის საჭმელი პირიდან უცვიოდა. ჯორჯმა კოვზით ანიშნა — მისმინეო:

— ხვალ ბოსთან რომ მივალთ, რას იტყვი, თუ რამე შეგეკითხა?

ლენი ღეჭვას შეეშვა და საჭმელი გადაყლაბა. სახე დაეძაბა.

— მე... მე... მე ხმა არ უნდა ამოვიღო.

— ყოჩად, ბიჭო! აი, ეს მომწონს! ჭკუა მოგემატა თუ რა მოხდა? აუცილებლად მოგაშენებინებ კურდღლებს, როცა საკუთარი მიწა გვექნება. შენ თუ ასე დამიჭკვიანდი, მაგის ნებასაც მოგცემ.

ლენის სიხარულისაგან ლამის სუნთქვა შეეკრა.

— ყველაფერს დავიმახსოვრებ, — თქვა მან.

ჯორჯმა ისევ ანიშნა კოვზით:

— კარგად მომისმინე, ლენი! აბა ერთი გაიხედ-გადმოიხედე. ამ ადგილს ხომ დაიხსომებ? მდინარის გაყოლებით რომ იარო, აქედან რანჩომდე მეოთხედი მილი იქნება.

— აბა რას ვიზამ, — თქვა ლენიმ. — მაგის დახსომებას რა უნდა. ის ხომ დავიმახსოვრე, შენ რომ მითხარი, ხმა არ ამოიღო.

— ის კი დავიმახსოვრე. კარგი, მომისმინე, ლენი! თუკი რამეს დააშავებ, როგორც აღრე, იცოდე, მაშინვე ვამოიქეცი და აქ, ამ ბუჩქებში დაიმალე.

— ამ ბუჩქებში დავიმალო, — ნელა გაიმეორა ლენიმ.
 — დაიმალე და ჩემს მოსვლამდე აქ იყავი. ხომ დაიხსობები?
 — როგორ არა, ჯორჯ. შენს მოსვლამდე ბუჩქებში უნდა დავიმალო.
 — მაგრამ ეცადე არაფერი მიჰქარო, თუ არადა, იცოდეთ, ცუდდღეების
 მოვლის ნებას არ მოგცემ. — ჯორჯმა ცარიელი კონსერვის ქაღალდებში ბუჩქებში
 მოისროლა.

— არაფერს დავაშავებ, ხმასაც არ ამოვიღებ.

— კარგი, მოვრჩეთ; წადი ახლა და შენი საბანი აქ, ცეცხლთან მოათრე, ხეების ძირში ძილს რა სჯობია. ზემოთ აიხედავ და ფოთლების ცქერით დასტკბები. ცეცხლს ნუ შეუთებ, გაუშვი, ჩაქრეს.

ორივემ საბნები სილაზე გაშალა და მოკალააღნენ. ცეცხლი ნელ-ნელა იფერფლებოდა, სანათლის წრეც პატარავდებოდა. დაგრეხილი ტოტები უკვე ღამის წყვდიადში შთანთქმულიყვნენ; მბუჭტავ სინათლეზე მხოლოდ ხეების მჭრქალი ტანი მოჩანდა აქა-იქ. სიბნელეში ლენის ხმა გაისმა:

— ჯორჯ, გძინავს?

— არა, რა ვინდა?

— მოდი, სხვადასხვა ფერის კურდღლები ვიყოლიოთ?

— აბა ისე როგორ იქნება, — ნამძინარევი ხმით უბასუხა ჯორჯმა. — წითლები და ლურჯები და კიდევ მწვანე კურდღელი, ლენი, უამრავი კურდღელი გვეყოლება.

— ოღონდ ფაფუკები, ჯორჯ, აი, საკრამენტოში რომ ვნახე ბაზრობაზე, ისეთი.

— აბა სხვანაირად როგორ იქნება!

— იმატომ, რომ ხომ შეიძლება წავიდე და გამოქვაბულში ვიცხოვრო, ჯორჯ?

— ჯანდაბაში და დოზანაში წასულხარ! — თქვა ჯორჯმა. — მოკეტე ახლა, გეყოს!

ნაკვერჩხლებზე თანდათან მიჰქრა ცეცხლი. შორს, მთებში კოიოტმა დაიკივლა და გაღმა ნაპირიდან ძალლი შეეხმინა ყუფით. ნეკერჩხლის ფოთლები ღამის გრალ ნიავს ეჩურჩულებოდნენ.

II

ბარაკი ოთხკუთხა, წაგრძელებული შენობა იყო. შიგნით კედლები კი შეუფერებინათ, მაგრამ ფიცრის იატაკი შეუღებავი დარჩენოდაო. სამ კედელს პატარა კვადრატული სარკმლები ჰქონდა დატანებული, მეოთხეს კი ხისრაზიანი ვეება კარი. კედლებთან რვა ძელსკამი იდგა, აქედან ხუთი უკვე გაეშალათ, დანარჩენ სამზე კი ცარიელა ჯვალოს ლეიბები ეგდო. თითოეულ საწოლთან ღია ვაშლის ყუთები იყო მიჭედებული და საწოლის პატრონს თაროს მაგივრობას უწევდა საკუთარი ნივთების შესანახად. რა არ ეყარა შიგ: საპონიო, ტალკის პუდრიო, სამართებელი და ის კოვბოური ეურნალები, ასე ძალიან რომ ეტანებიან ხოლმე რანჩოებზე, და თუმცა ცოტა მასხრადაც იგდებენ, გულთ მაინც სწამთ დაწერილის. წამლებიც, წამლის შუშებიც, სავარცხლებიც იქ ეყარა, გვერდიდან მიჭედულ ლურსმნებზე კი აქა-იქ ეკიდა პალსტუხები. ერთ კუთხეში შავი თუჯის ღუმელი იდგა, საკვამური პირდაპირ ჰერიდან გა-

დიოდა გარეთ. შუა ოთახში მდგარ დიდ ოთხკუთხა მაგიდაზე დაფლეთილი კარტი ეყარა; მაგიდის გარშემო კი სკამების მაგივრად ვაშლის ყუთები ეწყო.

ასე დილის ათი საათისთვის მზემ ერთ-ერთ სარკმელში შეიჭვრიტა, ბრდღვილა და მტვრიანი შუქი სტუორცნა იატაკს. განუჩებულე-ბუხები ნაბერწყლებივით აირივნენ სინათლის შუქზე.

ხის რაზა გაიწია, კარი გაიღო და ოთახში მაღალი, წელში მოხრილი მოზუცი შემოვიდა. ლურჯი ჭინები ეცვა და ხელში დიდი ცოცხი ეჭირა. მოხუცს ფეხდაფეხ ჯორჯი შემოყვა, ჯორჯს კი — ლენი.

— ბოსი გუშინ საღამოს გელოდათ, — თქვა მოხუცმა. — უნდოდა დღეს დილიდან გასულიყავით სამუშაოდ, რომ არ მოხვედით, სულ ცოფები ჰყარა. — მერე მოხუცმა მარჯვენა ხელი საწოლებისკენ გაიშვირა, თუმცა ხელი კი არა — მრგვალი, მორგვივით მაჯა, ხელის მტევნის გარეშე.

— აი, ამ ორზე თქვენ დაწვებით. — თქვა მოხუცმა და ღუმელთან მდგარ საწოლებზე მიანიშნა.

ჯორჯი საწოლებს მიუახლოვდა და დახვეული საბანი ლეიბის მაგივრად დაგებულ, ჩალით გატენილ ჯვალოს ტომარაზე დააგდო, გვერდით დაკიდებული ყუთი თუ თარო შეათვალიერა და პატარა ყვითელი ქილა გამოიღო.

— ერთი აქეთ მოიხედე, ეს რა ოხრობაა?

— აბა მე რა ვიცი, — უბასუხა მოხუცმა.

— ასე სწერია: ტილებს, ტარაკანებს და სხვა საზიზღრობასაც კლავსო. კი მაგრამ, ეს რა საწოლები მოგვეცი, ეგლა გვაკლია ახლა ჭია-ლუა დაგვასიოთ.

მოხუცმა დამლაგებელმა ცოცხი ილლიაში ამოიჩარა და ქილის გამო-სართმევად ხელი გასწია. შემდეგ წარწერას ჩააცქერდა.

— იცი, რა ვითხრა, — ცოტა შეფიქრიანდა და მერე თქვა მოხუცმა, — სულ ბოლოს ამ საწოლზე ერთი მჭედელი ბიჭი იწვა. კაი ვინმე კი იყო, დალოცოს ღმერთმა, სუფთა, პეწენიკი, ავ თვალს რომ არ დაენახება, ისეთი, სულ ხელების ბანაში იყო, კამის შემდეგაც კი იბანდა.

— აბა ეს ოხრობა საიდან დაესია? — ჯორჯს ნელ-ნელა წაეკიდა ბრაზი, ლენიმ თავისა საბანი საწოლზე დადო და ჩამოჯდა. პირდაღებული მის-ჩერებოდა ჯორჯს.

— იცი, რა ვითხრა, — თქვა მოხუცმა დამლაგებელმა. — ეგ მჭედელი, გვარად უიტი, ისეთი ბიჭი იყო, საჭირო რომც არ ყოფილიყო, მაინც ყველგან ყრიდა მაგ რალაცას, თავი რომ დაეზღვია, იმიტომ, გაიგე? გინდა ვითხრა, კიდევ რას შერებოდა? სადილზე მოხარშულ კარტოფილს ჯერ გაფცქვნიდა და მერე ყველა შავ წანწკალს, სულ ერთი ბეწოც რომ ყოფილიყო, სათითაოდ ამოაჩიჩქნიდა, ისე არ მიირთმევდა. მოხარშულ კვერცხშიც თუ სადმე წითელ წინწკალს ნახავდა, აუცილებლად ამოჭრიდა და მერე შეჭამდა. აქედანაც მაგ აზიზობისთვის წაბრძანდა, მაშ! აი, რა სუფთა ბიჭი იყო! კვირადღეს, წასას-ვლელიც რომ არსად ყოფილიყო, მაინც გამოიწკიპებოდა, ჰალსტუხსაც არ დაივიწყებდა და მერე ასე იჯდა ბარაკში.

— რალაცას მიედ-მოედები, არ მჯერა. — ეჭვის თვალით შეხედა ჯორჯ-მა — რისთვის წაეიდაო, როგორა თქვი?

მოხუცმა ყვითელი ქილა ჭიბეში ჩაიღო და ჰალარით გაჯაგრულ ლოყაზე ხელი მოისვა.

— რა ვიცი... ადგა და წავიდა. რისთვის მიდიან ხოლმე საერთოდ? საჭმელი არ მომწონს და იმიტომ—ასე თქვა. უბრალოდ აქედან წასვლა უნდოდა და მორჩა. სხვას თითქოს არაფერს უჩიოდა, საჭმელი არ მოსწონდა მხოლოდ. ერთ მშვენიერ დღეს თქვა: ანგარიში გამისწორეთო, და წავიდა, ასე მიდიან ხოლმე საერთოდ.

უკონუსული

ჯორჯმა ლეიბი ასწია და ახლა მეორე მხრიდან შეხედდა. შემდგომ დაიხარა და გულდასმით შეათვალიერა. ლენიც იმწამსვე ადგა და ჯორჯს მიბაძა. ჯორჯი, როგორც იქნა, დამშვიდდა; საბანი გახსნა, იქიდან სამართებელი ამოიღო, კიდევ საბონი, საგარცხელი, რაღაც აბებიანი 'შუშა, მალამო, ტყავის ქამარი და ყველაფერი ეს თაროზე დააწყო. მერე თავისი ლოგინი კოხტად გააწყო.

მოხუცმა უთხრა:

— ბოსი ალბათ ახლავს მოვა. ძალიან კი ვაბრაზდა ამ დილით, აქ რომ არ დაუხვდით. სწორედ ვსაუზმობდით, რომ შემოვიდა, და პირველად ეს იკითხა: „რა ჭირი დაემართა იმ ახლებს, რატომ არ ჩამოვიდნენ?“. ცხელ გულზე მეჯინბეც კაი მაგრად შეახურა.

ჯორჯმა საბნის ნაკეცი გაასწორა და საწოლზე ჩამოჯდა.

— მეჯინბეც შეახურაო? — იკითხა მან.

— შეახურა. მაშ! იცი, მეჯინბე ზანგი ჰყავთ.

— ზანგიო?

— პო, ზანგი, კარგი ბიჭია. ერთხელ ცხენმა წიხლი ჰკრა და იმის მერე დაკუზიანდა. ბოსი თუ გააფებულია, მთელ ჯავრს მაგაზე იყრის ხოლმე. იმ შენს ზანგს კი ფეხებზე ჰკიდია ყველაფერი. სულ კითხულობს და კითხულობს წიგნებს. ოთახი სულ წიგნებითა აქვს გატენილი.

— ჩვენი ბოსი რა კაცია? — ჰკითხა ჯორჯმა.

— კაი კაცია, რა უჭირს. ხანდახან ისეთ ცოფებსა ყრის, შენს მტერს; მაგრამ მაინც კაი კაცია. აი, ერთს გეტყვი — შობაზე, იცი, რა ქნა? ერთი გალონი ვისკი პირდაპირ აქ შემოგვიტანა და გვითხრა: მიდიტ და რამდენიც გავიხარდეთ, იმდენი დალიეთ; ეს ერთი შობა გვაქვს წელიწადშიო.

— ბიჭოს! აი, ვენაცვალე! მთელი გალონი მოიტანა?

— მთელი გალონი, მაშ! დმერთო, რაც ჩვენ მაშინ მოვილხინეთ! ზანგიც კი შემოფუშვით ჩვენთან იმ ღამეს. მერე, ერთი ქეციანი ჯორების გამრეკი გვყავს, სმიტი ჰქვია, არ გადაეკიდა ამ შავკანიანს, კაცო? ერთი ამბავი დატრი-ალდა. კიდევ კარგი, ბიჭებმა წიხლებით ცემა დაუშალეს, თორემ ვაი მაგ ზანგის ბრალი. სმიტმა თქვა: რათ დამიშალეთ, წიხლებს რომ ვურტყამდი, სულსაც გავაფრთხობინებდიო. ბიჭებმა კი უთხრეს, იმიტომ დაგიშალეთ, რომ კუზიანია და შავის წიხლებით ცემა არ იქნებაო, — მოხუცი გაჩუმდა, რაღაცას იხსენებდა თითქოს, — მერე ბიჭები სოლედადში წავიდნენ და თურმე აუკლიათ იქაურობა. მე არ წავსულვარ, რა დროს ჩემი ეგეთებია.

ლენი ამასობაში თავის ლოგინს შლიდა. ხის რაზა ისევ გაიწია და კარი გაიღო. ღია კარში ტანმორჩილი, ჩასკვნილი კაცი იდგა. ლურჯი ჯინსები, თივთივის პერანგი, შავი, დიღებშეხსნილი ეილეტი და შავი ქურთუკი ეცვა. ცერა თითები ქამარში ჰქონდა ჩაყოფილი, დიდი ოთხკუთხა რკინის ბალთის აქეთიქით; თავზე ყავისფერი, გაზინთული სტეტსონის ქუდი ეხურა და მალაქუსლიანი, დეზებიანი წაღები ეცვა; — აქაოდა, უსაქმური კაცი არ გვეგონოთო.

მოხუცმა დაინახა თუ არა, ამწამსვე კარისკენ წაჩოჩიალდა, თან ხელით ლოყას ისრესდა.

— ბიჭები ეს წუთია მოვიდნენ, — თქვა მოხუცმა, ბოსს გვერდით გაუძვრა და გარეთ გავიდა.

ბოსი მსუქანი კაცისთვის ჩვეული, მოკლე, სწრაფი ნაბიჯებით შემოვიდა ოთახში.

— მარეის და რედის მივწერე, დღეს დილისთვის ორი კაცი მჭირდება-მეთქი. ბარათები თანა გაქვთ?

ჯორჯმა ჯიბიდან ორივე ბარათი ამოიღო და ბოსს გადასცა.

— აბა, მარეის და რედის ბრალი არა ყოფილა. აქ წერია, რომ დღეს დილიდან სამუშაოდ უნდა გამოსულიყავით.

ჯორჯმა თავი ჩაღუნა და ფეხებს დააშტერდა.

— მოფერმა გაგვიფუჭა საქმე, ფეხით მოგვიწია სიარული. შორს ჩამოვსვამ, გვითხრა, აქვე ხართო; აქვე კი არა, კაი ათი მილი გამოვიარეთ, დილით კი ვერაფერს გამოვყევით.

ბოსმა თვალები მოჭუტა.

— ჰოდა, მინდვრად ორი კაცით ნაკლები გავუშვი სამუშაოდ. ახლა უკვე სადილობამდე რაღა აზრი აქვს თქვენს გასვლას. — ჯიბიდან აღრიცხვის წიგნაკი ამოიღო და, სადაც ფანქარი ჰქონდა ჩადებულნი, იქ გადაშალა. ჯორჯმა მრავლისმეტყველად შეხედა ლენის. ლენიმ თავი დაუქნია, ყველაფერს მივხდიო. ბოსმა ფანქარი ენით დაისველა და იკითხა:

— სახელი, გვარი?

— ჯორჯ მილტონი.

— ახლა შენი?

— ეს ლენი ნამცეცაა, — უპასუხა ჯორჯმა.

ბოსმა ორივე გვარი წიგნაკში ჩაიწერა.

— ახლა ვნახოთ: დღეს თორმეტია, თორმეტი რიცხვი, შუადღე. — მან წიგნაკი დახურა, — აღრეც მუშაობდით, ბიჭებო?

— უიდის ახლოს, — მიუგო ჯორჯმა.

— შენც? — ახლა ლენის შეეკითხა ბოსი.

— ჰო, ესეც. — უპასუხა ჯორჯმა.

ბოსმა დამცინავად გააქნია ლენისკენ თათი:

— ეს დიდი მოლაპარაკე არ უნდა იყოს, არა?

— მოლაპარაკე არ არის, მაგრამ სამაგიეროდ ისეთი მუშაა, ბევრი ვერ დაიკვებნის, ბარის ძალა აქვს.

ლენიმ ჩაიღიმა.

— ჰო, ხარის ძალა მაქვს, — გაიმეორა თავისთვის.

ჯორჯმა თვალები ერთი დაუბრიალა და ლენიმაც დამნაშავესავით დახარა თავი.

— მომისმინე, ნამცეცავ, — მიუბრუნდა უცებ ბოსი. ლენიმ თავი ასწია.

— რისი გაკეთება შეგიძლია?

ლენიმ შეშინებული თვალებით შებედა ჯორჯს, მიშველე რამეო.

— ყველაფრის გაკეთება შეუძლია, რასაც ეტყვიან, ყველაფრის. — უპა-

სუნა ჯორჯმა. — ცხენებსაც კარგად მოუვლის, ტომრებში ხორბალსაც ჩაყრის, დახნავს და დათაოცხავს კიდევ კულტივატორით მიწას. თუ საჭირო იქნა, ყველაფერს გააკეთება; ვამოსცადეთ და ნახავთ.

ბოსი ჯორჯს მიუბრუნდა:

— კი მაგრამ, ხმას რად არ აღებინებ ამ კაცს? თვითონ მითქვამს: მშეტის-მეტს ხომ არ კისრულობ?

ჯორჯმა ხმამაღლა შეაწყვეტინა:

— დიდი ჭკუის პატრონია-მეთქი, ხომ არ მითქვამს? ბევრი არც მოეკითხება; მაგრამ რაც კარგი აქვს, ვერ წაართმევ — ვირივით მუშაა. ოთხფუთიან ტომარას ისე ასწევს, შენი მოწონებული.

ბოსმა წიგნაკი საგულდაგულოდ ჩაიღო ჯიბეში, ცერა თითები ისევ ქამარში ჩაყო. ცალი თვალი გამომწვევად მოწკურა და თქვა:

— შენ რალაც ძალიან კი იჭიფხები, ვითომ რად აქებ ასე?

— რა?

— რადა, შენ ამისი საქმის რა გეკითხება, ან იქნებ ამას ფულს იჭიბავ?

— არა, რასა ბრძანებთ, ან ასეთი რა გავიჭიფხე ვითომ?

— რა ვიცი, ასეთი არაფერი მინახავს — ერთი კაცი მეორეს ასე იყოს გადაგებული. უბრალოდ მინდა ვიცოდე, რა ხერხს ხედავ ამაში?

— ეგ... ეგ ჩემი ბიძაშვილია, — მიუგო ჯორჯმა. — დეიდამისმა ამის თავი მე ჩამაბარა. ბავშვობაში ცხენმა წიხლი ჩაჭკრა თავში და იმის მერე დარჩა ასე. ძალიან კარგი ბიჭია, რა ვუყოთ, ცოტა თუ წაისულელებს. სამაგიეროდ რას არ გააკეთებს, ოღონდ ვინმემ უთხრას და...

ბოსი უკვე ოთახიდან გასვლას აპირებდა, რომ ისევ იკითხა:

— კარგი, ბატონო, ღმერთია მოწმე, ტომრებში ქერის ჩაყრას დიდი ჭკუა და გონება არა სჭირია; მაგრამ შენ არაფერი იმამაძაღლო, მილტონ! მე ვერაფერს გამომაბარებ, იცოდე! მაინც რატომ წამოხვედით უიდიდან?

— ჩვენს საქმეს მოვრჩით და იმიტომ. — მოკლედ მოუჭრა ჯორჯმა.

— რა საქმეს?

— ჩვენ... ჩვენ სანაგვე ორმოებსა ვთხრიდით.

— კეთილი, ოღონდ არაფერი იმამაძაღლო, თორემ ვაი შენი ბრალი, ვერ გადამირჩები. ბევრი მინახავს შენნაირი ჭკუის კოლოფები. მოკლედ, სადილის მერე სხვებთან ერთად გახვალთ სამუშაოდ, ტომრებზე ქერს ჩაყრით, იქ, სალფ მანქანებთან. ზორბას ჯგუფს გაყვებით.

— ზორბას?

— ჰო, ზორბას, მაღალი, ჯორების გამრეკი რომ არის. სადილზე ნახავთ ერთმანეთს.

ბოსი სწრაფად გატრიალდა კარისკენ; ოთახიდან გასვლამდე ერთხელ კიდევ მოხედა ახალმოსულებს და ერთხანს უცქირა ასე.


ფეხის ხმა სულ რომ მიჩუმდა, ჯორჯი ლენის მიუბრუნდა:

— ეს არის, კრინტს არ დაუძრავო? ეს არის. ამ დასაწვავ პირს დავმუწავ და არ ვილაქლაქებო? მე არ უნდა მელაპარაკა შენ მაგივრად? კინალამ სამუშაო არ დავკარგეთ, კაცო!

ლენი უმწეოდ დაშტერებოდა თავის ხელებს.

— დამავიწყდა, ჯორჯ.

— რა თქმა უნდა, დაგავიწყდა! დავიწყებაში ყოჩილი ხარ, მერე კი მე



უნდა გიშველო. — ჯორჯი თავის საწოლზე მოწყვეტით დაჯდა. — ნაღდად ამოგვიჩემა და ახლა თვალს აღარ მოგვაშორებს. ფრთხილად უნდა ვიყოთ, არაფერი შეგვეშალოს, თორემ ხომ იცი! აწი მაინც გააჩერე ეგ შენი დასამიწებელი ენა.

ჯორჯი გაჩუმდა, მოიბღვირა.

— ჯორჯ!

— რაღა გინდა?

— მართლა დამარტყა ცხენმა წიხლი თავში პატარა რომ ვიყავი, თუ ისე თქვი?

— ოჰ, ნეტა მართლა დაერტყა. — თქვა ბოღმით ჯორჯმა. — ამდენ დავიდარაბას ხომ ავცდებოდით ყველა.

— კიდევ რომ უთხარი, ჩემი ბიძაშვილიაო, ჯორჯ?

— ოოო! ეგ კი ნამდვილად ტყუილია. კიდევ კარგი, თორემ შენისთანა ნათესავი რომ მყავდეს, ნაღდად მივიხლიდი ტყვიას შუბლში და ეგ არი. — ჯორჯი უცებ გაჩუმდა, წამოხტა, გაღებულ კარს მიეპარა და გაიხედა.

— შენი სული კი წაწყდეს, შენი, რას ჩამალულხარ და გვისმენ?

მოხუცი ნელა შემოვიდა ოთახში. ხელში ისევ ცოცხი ეჭირა. ფეხდაფეხ, კოჭლობ-კოჭლობით ბებერი ნაგაზი შემოყვავა; გაქაღარაღებულ დრუნჩი პკონდა და სიბერისაგან ლიბრმოკიდებული, უსიცოცხლო, წირპლიანი თვალები. კედლამდე ძლივს მიფოფხდა და დაწვა; ჩუმ-ჩუმად, ღრუნით რწყილებისაგან დაქმულ ბანჯგვლს ილოკავდა. მოხუცს თვალი არ მოუშორებია ძაღლისთვის, ვინემ არ დაწვა.

— ყურს კი არ გივდებდით, უბრალოდ, ჩრდილს შევეფარე და ჩემს ძაღლს ვეფერებოდი. სწორედ ახლა მოვრჩი აბანოს დალაგებას.

— ჩვენს საქმეებში ცხვირს თუ არ ჩაპყოფ, აჯობებს, — უთხრა ჯორჯმა. — ვერ ვიტან არამკითხე მოამბეებს.

შეწუხებულმა მოხუცმა ჯერ ჯორჯს შეხედა, მერე ლენის და მერე ისევ ჯორჯს.

— ეს წუთია მოვედი, — თქვა მან, — არც კი გამიგია, რას ლაპარაკობდით; რაში მენადვლება თქვენი საქმეები. ჩვენთან, რანჩოზე ეგეთები არ მოდის.

— ძალიანაც კარგი, თუ არ მოდის, — თქვა თითქოს გულმომბაღმა ჯორჯმა. — აქ ყოფნა და მუშაობა თუ გინდა, ასეც უნდა იყოს.

მერე მოხუცი ისევ მოჰყვა თავის მართლებას, სულაც არ მისმენია თქვენი ლაპარაკისთვისო.

— შემოდი და დაჯექი აქ ერთი წუთით, — უთხრა ჯორჯმა. — რა ბებერია ეგ შენი ძაღლი.

— ლეკვი რომ იყო, მაშინ ავიყვანე და მას აქეთ ვართ ასე. აფსუს, რა კარგი ნაგაზი იყო! — მოხუცმა ცოცხი კედელს მიაყუდა და ისევ მოისრისა ხელით ჯაგარა ლოყა. — მაინც როგორ მოგეწონათ ჩვენი ბოსი? — იკითხა მან.

— არა უშავს რა, კარგი ვინმე უნდა იყოს.

— კი, კარგი ბიჭია, — დაეთანხმა მოხუცი. — ერთი შეხედვითა ჩანს ასე ბრაზიანი.

ამ დროს ბარაკში ერთი ახალგაზრდა კაცი შემოვიდა. გამხდარი იყო, შავ-

გვრემანი; ცისფერი თვალეზი ჰქონდა და ხშირი ხუჭუჭა თმა. მარცხენა ხელზე სამუშაო ხელთათმანი ეცვა, ფეხებზე კი მაღალქუსლიანი წაღები — ბოსს რომ ეცვა, სწორედ ისეთი.

— ჩემი ბებრუცანა არ გინახავთ? — იკითხა მან.

— აქ იყო, ხუჭუჭავ, ეს წუთითა გავიდა; ალბათ სამზარეულოში წავი-
ვიდოდა.

— წავალ, იქნებ ვიპოვო, — თქვა ხუჭუჭამ, შემდეგ უცნობი სახეები შე-
ათვლიერა და შეჩერდა. ჯერ ჯორჯს შეხედა ცივად, შემდეგ ლენის. მკლავები
ნელ-ნელა იდაყვებში მოხარა და მუშტები შეკრა, მოუხეშავი სხეული დაძაბა
და ჩაიცუცქა. ახალმოსულეები გამომწვევად აწონ-დაწონა; ლენიმ ამ მზერას
ვერ გაუძლო, მოიკუნტა და ადგილზე ატოკდა. ხუჭუჭა ნელა, ფრთხილად მი-
უახლოვდა ლენის.

— მაშ, თქვენ გელოდებოდით ჩემი ბებრუცანა ამ დღით?

— ჩვენ ახლახან მოვედით.

— აი, ამ აყლაყუდამ თქვას!

დაბნეული ლენი უფრო მეტად მოიკუნტა.

— არ უნდა და არ ამბობს, — უთხრა ჯორჯმა.

ხუჭუჭა აენტო და მყისვე მიტრიალდა მისკენ.

— დმერთმანი, კაცი არ ვიყო, თუ ეს აყლაყუდა არ ავალაპარაკო. შენ კი
ვითომ რას ეჩრები სხვის საქმეში?

— ჩვენ სულ ერთადა ვართ და იმიტომ, — ცივად მოუჭრა ჯორჯმა.

— ერთადა ხართ?

ჯორჯი დაძაბული, გაქვავებული იჯდა.

— დიახაც, ერთადა ვართ.

ლენი უმწეო თვალეზით შეჰყურებდა ჯორჯს, აღარ იცოდა, რა ექნა.

— შენ რა, კლიტე დაადე ამ აყლაყუდას პირზე, თუ რა?

— თუ რაიმე სათქმელი აქვს, გითხრას, ვინ უშლის? — თავი გაიქნია
ლენისკენ ჯორჯმა.

— ჩვენ ახლახან მოვედით, — წაილულულა ლენიმ.

ხუჭუჭა თითქოს დაკმაყოფილდამო ნათქვამით და ლენის მიაშტერდა.

— მეორედ რამეს თუ გკითხავენ, კეთილინებე და ხმა ამოიღე!

მერე კარს მიაშურა და გარეთ გავიდა; ხელეზი ისევ იდაყვებში ჰქონდა
მოხრილი.

ჯორჯმა თვალი გააყოლა და მოხუცს მიუტრიალდა:

— თუ ძმა ხარ, მითხარი, ნეტავ რა ჯანდაბა უნდა ამ კაცს? დაუშავა ლენიმ
რამე, თუ რაშია საქმე?

მოხუცმა შიშით კარს გახედა, ვინმე ხომ არ მისმენსო.

— ეგ ბოსის ვაჟია, — ხმადაბლა თქვა მან. — მაგარი ჩხუბი იცის. აღ-
რე რინგზე გამოდიოდა, მსუბუქ წონაში; ჩემმა მზემ, მაგარი მოჩხუბარია.

— მერედა, იყოს მაგარი მოჩხუბარი, — თქვა ჯორჯმა. — ლენის რალაზე
ვადაეკიდა, ამ საცოდავს მისთვის არაფერი დაუშავებია. რას ერჩის?

მოხუცი ჩაფიქრდა.

— იცით, რა... რა გითხრით, ხუჭუჭა პატარა რომაა ტანად, ბოლმა კლავს,
ყველა პატარა ასეა; ჰოდა, დიდ ბიჭებს ვერ იტანს, სულ მუშტი-კრივზე იწვევა;
ეტყობა, თვითონ პატარა რომ არის, დიდების დანახვაზე სულ ელეთ-მელეთი

მოსდის, მათი ჯინი კლავს. შენ რა არ გინახავს ეგეთი ახირებული ჩია კაცები, სულ ჩხუბზე რომ უჭირავთ თვალი?

— კი, როგორ არა, — თქვა ჯორჯმა, — ეგეთი ლაწირაკი ბევრი მინახავს; მაგრამ ხუჭუჭას ურჩევნია ლენის თავი გაანებოს, და ესაუბრებოდა, თავის ტყავში დაეტოს. არაფერი შეეშალოს. ლენი დიდი მოკრძევე სტასუჟაგა, მაგრამ თუ ტვინი აერია, მაგ ლაწირაკს სულ ვაი დედას აძახებინებს.

— ოჰო! ხუჭუჭა ისეთი მოქნილია, რომ არ ვიცი, — დაექვდა მოხუცი. — მე კი არ მომწონს მაგისი საქციელი და ვამტყუნებ კიდევ; აი, ვთქვათ, ამისთანა დევივით კაცს რომ ეძგეროს და კარგადაც მიჰეჭოს, მაშინ ყველას სალაპარაკოდ ექნება, — კაცო, ეგ ხუჭუჭა რა ყოჩილი ვინმეაო; მაგრამ, ვთქვათ, დაეძგეროს და თვითონვე გაიტყობოს, მაშინ იმ მეორეს ვამტყუნებენ — კაცო, ამას რომ ურტყამდა, თავისი ტოლი ვერ იპოვაო; შეიძლება მერე მთელი სროვა დაესიოს და გახეთქონ კიდევ ცემით. მე კი არ მომწონს ეგ ამბავი და რა ვიცი; ეს კია, ხუჭუჭა გასაქანს არავის აძლევს.

ჯორჯმა კარს გახედა და დაიმუქრა:

— მაგას ურჩევნია ლენის მოერიდოს. დიდი მოჩხუბარი არა მყავს, მაგრამ ღონე ერჩის და სწრაფია; ჩემს მტერს მოხვდა მაგისი ხელი; არც მაგათი წესების გაეგება რამე. — მერე მაგიდასთან მივიდა, ერთ-ერთ ყუთზე ჩამოჯდა. დაყრალი კარტი მოკრიტა და აჭრა.

მოხუცი მეორე ყუთზე ჩამოჯდა.

— ხუჭუჭას არ უთხრათ, ამდენი რომ გელაპარაკეთ მაგაზე, თორემ ტყავს გამაძრობს. მე ვიკითხო, თორემ მაგას რა ენალვლება, მაინც არ გააგდებენ აქედან, ბოსის შვილია და იმიტომ.

ჯორჯმა კარტი აჭრა და მერე თითო-თითოდ გადმოატრიალა; დახედავდა და მაგიდაზე ყრიადა.

— ეგ თქვენი ხუჭუჭაა თუ რა ქვია მაგას, კაი სალახანა უნდა იყოს, არ მიყვარს ეგეთი გაბოროტებული ლაწირაკები, — დასძინა ბოლოს.

— ბოლო დროს მაინც სულ გათავხედდა. — თქვა მოხუცმა. — ამ ორი კვირის უკან ცოლი ითხოვა; ბოსის სახლში ცხოვრობს ცოლთან ერთად; რაც ცოლი მოიყვანა, მას შემდეგ სულ გადაირია და გაცოფდა.

— იქნებ უნდა ცოლის თვალში ფასი აიგდოს, — ჩაიბურღლუნა ჯორჯმა. მოხუცს კორაობის საღერღელი აეშალა.

— მარცხენა ხელზე რომ ხელთათმანი ეცვა, ხომ შეამჩნიე?

— კი, ვნახე.

— ჰოდა, ის ხელთათმანი სულ ვაზელინითაა გაქლენთილი.

— ვაზელინით? რა ჩემ ფეხებზე უნდა?

— მაგასაც გეტყვი. ასე ამბობს: მაგ ხელს ჩემი ცოლისთვის ვინახავ ასე სათუთადო.

ჯორჯი ყურადღებით ათვალიერებდა კარტს.

— ეგ საზიზღრობა რა სალაპარაკოა, ფუჰ, შეურცხვეს კაცობა. — თქვა ჯორჯმა.

მოხუცი უფრო გათამამდა, რაკი ბოსის შვილზე ჯორჯს ცუდი დააცდენინა, უფრო თამამად დაიწყო ლაპარაკი.

— ცოტა მოიცადე და ხუჭუჭას ცოლსაც იხილავ.

ჯორჯმა ისევ აჭრა კარტი და წელა. გულდასმით შეუდგა პასიანის გაშლას.

— ღირს მიინც რამედ?

კი, ღირს, მაგრამ...

ჯორჯი ჯელავ ყურადღებით დაჰყურებდა კარტს.

— რა მაგრამ?

— რადა, კაცებს თვალებს უბრაწავს

— რაო? ორი კვირაც არ გასულა, რაც გათხოვდა და უკვე თვალებსა ბრაწავს? მაგიტომაც აწვია მაგის ქმარს კუდი და ეგაა.

— ზორბას რომ თვალი ჩაუკრა, მე თვითონ დავინახე. ზორბა ჩვენი მთავარი გამრეკია; ოქრო ბიჭია. მაგას კი არ ჭირდება მალაქუსლიანი წაღების ჩაცმა თავის გამოსაჩენად, აქაოდა მე ვარ, რაცა ვარო. პოდა, ზორბას რომ გაეპრანჭა, მე თვითონ დავინახე-მეთქი. ხუჭუჭა აზრზეც არ არის. კიდევ ქარლსონს რომ ეკურკურებოდა, არც ის გამომპარვია.

ჯორჯი ისე იჯდა, ვითომდა, სულ არ აანტერესებდა ეს ამბავი.

— გასართობი გვქონია და რაღა გვაჭირს.

მოხუცი წამოდგა.

— იცი, რას ვფიქრობ? — ჯორჯმა არ უპასუხა. — იცი, ჩემი აზრით ხუჭუჭამ ცოლი კი არა... ნამდვილი ბოზი დაისვა სახლში.

— ასეთი რამე ბევრ სხვასაც მოსვლია, — თქვა ჯორჯმა. — ეგ არ არის პირველი და უკანასკნელი.

მოხუცმა კარს მიამშურა. მისი დაფეხვილი ძაღლიც წამოიწია, მიმოიხედა, რის ვაი-ვაგლახით დადგა ფეხზე და პატრონს გაჰყვა.

— სადაცაა ბიჭები დაბრუნდებიან და საბანაოდ წყალი უნდა გავუმზადო. თქვენ ქერი უნდა ჩაყაროთ ტომრებში?

— ჰო.

იპედია, ხუჭუჭას არაფერს ეტყვიტ?

— დარდი არ გქონდეს.

— პოდა, კარგად დააკვირდით იმ ქალბატონს და ნახავთ, რა ჩიტიც არის. — მოხუცი ვარეთ, ბრდღვიალა მზეზე გავიდა.

ჯორჯი ფიქრს მისცემოდა. კარტს სიმ-სამად აწყობდა. ტუჩებზე ჯვრის ოთხიანები დააწყო. მზის შუქი ახლა უკვე იატაკს ეცემოდა და ბუზებიც ნაპერწკლებივით ირეოდნენ სინათლეში. გარედან ცხენის აკაზმულობის ელარუნი და მჭიმედ დატვირთული ფორნების კრიალი ისმოდა. მერე შორს ვიღაცამ წკრიალა ხმით დაიძახა: „მეჭინიბევ! პეი, მეჭინიბევ!“ და მერე: „ნეტა სად ჩანდაბაში წავიდა ეს წყეული ზანგი?“

ჯორჯმა პასიანს დახედა, მერე მთელი კარტი ერთიანად აჭრა და ლენისკენ მიტრიალდა. ლენი საწოლზე იწვა და ჯორჯს შესცქეროდა.

— მისმინე, ლენი! აქ რაღაც ცუდი ამბავი ტრიალებს. ცოტა არ იყოს, მეშინია კიდევ, იმ ხუჭუჭამ რაიმე ხიფათს არ გადაგვკიდოს. ეგეთი ნაძირალა ბევრი მინახავს! გასაყიდი ცხენივით არ მოგსინჯა? მიგას პკონია, მაგრად დაგაშინა, და ახლა დროს იხელთებს თუ არა, იმწამსვე გფეჟავს.

ლენის თვალები გაუფართოვდა.

— არ მინდა ხიფათში გახვევა, — შესაბრალისად აღმოხდა მას. — არ აცემინო რა ჩემი თავი, ჯორჯ!



საქართველოს
საგაბი-ბეჭდვის
სამსახური

ჯორჯი მაგიდას მოშორდა, ლენის საწოლთან მივიდა და ჩამოჯდა.

— ვერ ვიტან ეგეთ ნაბიჭვრებს, — თქვა მან. — ეგეთი ბევრი შინა-
ხავს, ვიცი, რაც არიან. მოხუცის თქმისა არ იყოს, ხუჭუჭა რას კარგავს, მა-
გათია ეს ქვეყანა.

ჯორჯი წუთით ჩაფიქრდა.

— ისე, ძალიან თუ გადაგვიკიდა, აქედან წასვლა მოგვიწევს, წყალი არ
ვაუვა. ბოსის შვილია და რას იზამ? მისმინე, ლენი! თავი შორს დაიჭირე; მა-
ინცდამაინც თვალში ნუ შეეჩხირები; არც დაელაპარაკო; აქ თუ შემოვიდა, იმ-
წამსვე ადექი და ოთახის ბოლოში გადი, კარგი?

— არ მინდა ხიფათში გახვევა. — აწუწუნდა ლენი. — ხომ არაფერი და-
მიშავებია მისთვის?

— ხუჭუჭამ თუ საჩხუბრად აიწყვიტა, ეგ წუწუნნი და თავის მართლება
არ გიშველის, უბრალოდ გაეცალე, საერთო არაფერი იქონიო მასთან, ხომ
დაიხსომებ?

— დავიხსომებ, ჯორჯ, ხმასაც არ ამოვიღებ. — გარედან ზმაური ახლოვ-
დებოდა: სულ უფრო გარკვევით ისმოდა მძიმე ფლოქვების თქარუნნი, თვლების
ნელი ღრჭიალი, აკაზმულობის ელარუნნი. კაცები ერთმანეთს რაღაცას გადა-
ქახ-გადმოძახოდნენ, ჯორჯი ლენის გვერდით იჯდა საწოლზე, ფიქრისაგან სახე
დაძაბვოდა. ლენიმ გაუბედავად იკითხა:

— ჩემზე ბრაზობ, ჯორჯ?

— შენზე კი არა ვბრაზობ, აი, ის ხუჭუჭა ნაბიჭვარი მაცოფებს; ვიფიქ-
რე, აქ მაინც ვიშოვიდით ცოტა ფულს, ერთი ასიოდე დოლარს მაინც, — მე-
რე, თითქოს თავისთვის რაღაც გადაწყვიტაო, შეცვლილი ხმით განაგრძო:—
მართლა მოერიდე მაგ ნაბიჭვარს, ლენი!

— აუცილებლად, ჯორჯ, ხმასაც არ გავცემ.

— ეცადე ჩხუბში არ ჩაგბთრიოს მაგ შობელძაღვმა, მაგრამ თუ ხელი
დაგაკარა, უკან არ დაიხიო, ერთი შენებურად უჩვენე!

— რა ვუჩვენო, ჯორჯ?

— კარგი, კარგი, ეხლა მაგისი დრო არ არის. როცა საჭირო იქნება, შე-
თვითონ გეტყვი. ოჰ, როგორ ვერ ვიტან ეგეთ მაიმუნებს. მისმინე, ლენი, თუ
მაინც რამე ხიფათში გაეხვიო, ხომ იცი, რა უნდა ქნა? გახსოვს?

ლენი იდაყვზე წამოიწია, სახე ფიქრისაგან დაეძაბა. მერე დაღონებუ-
ლი თვალები ჯორჯს მიაპყრო და უთხრა:

— თუ რამე ხიფათში გავეხვიე, მაშინ კურდღლების მოვლის ნებას არ
მომცემ, ხომ ვიცი.

— რა დროს კურდღელია, გუშინ რომ გვეძინა, ის ადგილი ხომ გახსოვს,
მდინარის პირას?

— კი, მახსოვს. ძალიან კარგად მახსოვს. ჰო... იქ გავიქცევი და ბუჩქებში
დავიმალები!

— დაიმალები და ჩემს მოსვლამდე იქ იჯდები. ოღონდ არავინ დაგინახოს.
მდინარესთან რომ ბუჩქებია, იქ; ახლა გაიმეორე რამდენჯერმე!

— მდინარესთან რომ ბუჩქებია, იქ უნდა დავიმალო, მდინარესთან რომ
ბუჩქებია...

— თუ ხიფათში გავეხვიე.

— თუ ხიფათში გავეხვიე.

გარეთ ფორანმა დაიჭრიალა. ვილაცამ დაიძახა: „მეჯინიბე, ჰეი, მეჯინიბე!“
 — რამდენჯერმე გაიმეორე შენს გულში, ლენი, და არ დაგავიწყდება, —
 უთხრა ჯორჯმა.

მზის შუქი უეცრად გაქრა კარზე და ორივემ ერთდროულად წამოყო
 თავი. კარებში ქალი იდგა და მათ უყურებდა. ქალს ხორციანი, დაბუმტული
 ტუჩები ზედმეტად წაეთხიბნა და დიდრონი თვალებიც შავად ამოეღება. ხე-
 ლებზე ფრჩხილები წითლად ულაპლაპებდა; თმის კულულები მხრებზე ეყარა
 წვრილ-წვრილი ძეხვებივით; საშინაო ბამბის ქსოვილის წითელი კაბა და წი-
 თელი ქოშები ეცვა; ქოშებზე, შუაში, სირაქლემის წითელი ბუმბული ირ-
 ბეოდა.

— ხუჭუჭას ვეძებ, — თქვა მან. ისეთი ხმა ჰქონდა, თითქოს ცხვირში
 ლაპარაკობსო და თან ოდნავ ხრინწიანი.

ჯორჯმა ჯერ ზურგი შეაქცია, მერე ისევ შეხედა:

— ახლახან აქ იყო, წავიდა.

— თქ! — ქალმა ხელები უკან დაიწყო და მთელი ტანით ოთახისკენ გად-
 მოიბზიკა, თან კარის ჩარჩოს ებჯინებოდა.

— თქვენა ხართ ახლები? დღეს ჩამოხვედით?

— დიახ.

ლენიმ ქალი თავით ფეხამდე შეათვალიერა; ქალს თითქოს არ მიუტყევია
 მისთვის ყურადღება, მაგრამ ცხვირი მაინც ოდნავ აბზიკა და მერე წითელ
 ფრჩხილებზე დაიხედა.

— ხუჭუჭა ხანდახან შემოდის ხოლმე აქ, — თითქოს თავი გაიმართლა
 ქალმა.

— ჰო, მაგრამ, ახლა არ არის, — მკვახედ მოუჭრა ჯორჯმა.

— არ არის და სადმე სხვაგან მოვძებნი, — წაიკეკლუცა ქალმა.

მოჯადოებული ლენი თვალს არ აშორებდა.

— თუ ვნახავ, ვეტყვი, რომ ეძებდით, — დაუმატა ჯორჯმა.

ქალმა ისევ კეკლუცად გაიღიმა და მთელი ტანი შეარხია.

— ვაჰომ რაო, არ შეიძლება ვიკათხო?

გარედან ვილაცის ფეხის ხმა მოისმა. ქალმა იქით გაიხედა და მიესალმა:

— ზორბა, შენ ხარ? გამარჯობა.

კარს იქით ზორბას ხმა გაისმა:

— გამარჯობა, ტურფავ.

— ხუჭუჭას ვეძებ.

— ეტყობა, კარგად არ გიძებნია. სწორედ ახლა ვნახე, შინ მიდიოდა.

ქალი უეცრად აფორიაქდა.

— ნახვამდის, ბიჭებო! — შესძახა მან ბარაკში მყოფთ და გაუჩინარდა.

ჯორჯმა ლენის შეხედა.

— ღმერთო, ეს რა კახა ვინმე ყოფილა! — წამოიძახა მან. — აი, თურმე
 რანაირი ცოლი მოუყვანია ხუჭუჭას.

— რატომ, ეშხიანია, — გამოექომაგა ლენი.

— ჰოდა, კიდევაც გვაბამს თავისი კკუით, ჯერ სადა ხართ! კაი დღეში
 ჩააგდებს მაგ ხუჭუჭას. ნიძლავსა ვარ, თუ ოც დოლარად, ვისაც გინდა, იმას
 არ გაეკიდოს.

ლენი ისევ კარს მიშტერებოდა, სწორედ იმ ადგილს, წელან ქალი რომ იდგა.

— არა, მაინც რა ეშხიანია! — ალტაცებული ღიმილით თქვა მან. ჯორჯმა სწრაფად გახედა, ხელი ყურში წააგლო და ერთი მაგრად მოქაჩა.

— მისმინე, შე ჰკუთხელო, შე ნაბიჭვართ, შენა! — მკაცრად დაუყვირა ლენის. — თავი გაანებე მაგ ძუენას, იცოდე; ზედაც არ შეხედო, რაც არ უნდა გითხრას და გააკეთოს. მშვენივრად ვიცი მაგისთანა კახების ამბავი, მაგრამ ასეთი წუნკალი და გათახსირებული ქალის მნახველი არა ვარ. შეეშვიძმო! თავი გაანებე!

ლენი ყურის განთავისუფლებას ცდილობდა.

— შე არაფერი მიქნია, ჯორჯ!

— თუ არაფერი გიქნია, იმ ქალბატონმა ფეხები რომ გადმოგვიწყო, სხვა მხარეს რატომ არ გაიხედე?

— ცუდი არაფერი მიფიქრია, ჯორჯ, გეფიცები, ცუდი არაფერი.

— ერთი სიტყვით, მაგ ქალს მოერიდე; იმიტომ, რომ ეგ ისეთი ვინმეა, დალუპავს კაცს, თუკი რამე გამეგება. გაუშვი, ხუჭუჭამ იხეთქოს თავი, რამდენიც უნდა, ახია მაგაზე! ეგ ვაზელინის ხელთათმანიანი, ეგა! — ზიზლით თქვა ჯორჯმა. — ნიძლავსა ვარ, თოხლო ვერცხებსაც ყლაპავს დილაობით ვაჟბატონი და ნაირ-ნაირი პატენტისანი წამლებიც ექნება გამოწერილი დასალევად.

ლენამ უცებ მთელი ხმით წამოიყვირა:

— არ მომწონს ეს ადგილი, ჯორჯ, რალაც ცუდ ადგილას მოვედით, წავიდეთ აქედან, რა, წავიდეთ!

— რას იზამ, უნდა დავრჩეთ, სანამ ჩვენს წილს არ მოგვცემენ. სხვა რა გაეწყობა, ლენი. როგორც კი შესაძლებელი იქნება, იმწამსვე წავალთ. არც შე შეხატება გულზე მაინც და მაინც აქაურობა. — ჯორჯი მაგიდას მიუბრუნდა და ისევ პასიანსი გაშალა. — არა, ნამდვილად არ შეხატება. — დასძინა მერე. — უფულოობას რა ვუთხრა, თორემ მეც სიამოვნებით გავიქცეოდი აქედან. აი, სულ ასიოდე დოლარი მაინც დავაგროვოთ და მერე ფეხის დამდგმელი ვინ არის აქ; ზემოთ ავუყვეთ, მისისიპის სათავისკენ და ვრეცხოთ ოქრო; იქ ალბათ დღეში რამდენიმე დოლარს ვაგაკეთებთ და ჯიბესაც ვავისქელებთ.

გახალისებული ლენი ჯორჯისაკენ გადაიწია.

— მოდი, წავიდეთ, ჯორჯ. წავიდეთ, აქედან, აქ ძალიან ცუდია.

— არა, უნდა დავრჩეთ, — ნაწყვეტ-ნაწყვეტად ჩაილაპარაკა ჯორჯმა, — მოკეტე ახლა, საცაა ბიჭებისც მოვლენ.

აბანოდან წყლის ჭყაპუნი და ტაშტების რახარუხი მოისმა. ჯორჯი ისევ კარტს ჩაშტერებოდა.

— ჩვენც ხომ არ გვებანავა? — იკითხა მან. — თუმცა ისეთი რა ვიშრომეთ რომ არც კი გავსვრილვართ.

კარებში მაღალი კაცი გამოჩნდა. ილიაში დატყუპებული სტეტსონის ქუდი ჰქონდა ამოჩრილი და თან ხელით გრძელ შავ თმას უკან ივარცხნიდა. სხვებისვით მასაც ლურჯი ჭინსები და მოკლე ქურთუკი ეცვა. თმის ვარცხნას რომ მორჩა, ოთახში შემოვიდა. ასე მედიდურად თვით ხელმწიფე ან ოსტატთა უსტაბაში თუ გაივლიდა. ეს კაცი ჯორჯის საუკეთესო გამრეკი გახლდათ — რანჩოს მეფე; ერთბაშად ათი, თექვსმეტი, ასე განსაჯეთ, ოცი პირუტყვის გადლოლაც კი თავისუფლად შეეძლო; მათრახით ისე მოკლავდა ჯორჯის შუა გავაზე

მჯდარ ბუზს, პირუტყვი ვერც კი იგრძნობდა; ისეთი ამაყი და თავდაჯერებული იერი ჰქონდა, ლაპარაკს რომ დაიწყებდა — ყველა იმწამსვე გაისუსებოდა, ისეთი დიდი პატივისცემა მოეპოვებინა, ბოლო სიტყვა ყველაფერში, პოლიტიკა იყო ეს თუ სიყვარული, — მას ეკუთვნოდა, ასეთი გახლდათ, ზორბა ქალაქის რან-ჩონს საუკეთესო გამრეკი. მის მოგრძო სახეს ასაკი არ ეტყობოდა, თუმცა დაათიცი შეიძლებოდა მიგეცათ და ოცდათხუთმეტიც. სიტყვის დამთავრებამდე ხვდებოდა ყველაფერს, დინჯი, დარბაისლური ლაპარაკი საქმეში ღრმა ჩახედულობას მოწმობდა მისას. თხელ, გრძელ ხელებს მოცეკვავესავით მოხდენილად ამოძრავებდა.

ზორბამ თავისი დაქმუნული ქუდი ხელით გაასწორა, შუაზე გაკეცა და იქვე მაგიდაზე დააგდო. მერე ახალმოსულებს მეგობრულად გახედა.

— რა უმოწყალოდ აცხუნებს მზე, — თქვა მან გულითადი ხმით. — აქ კი თვალთ დამიბნელდა, ველარაფერს ვხედავ, თქვენ ახლები ხართ, ბიჭებო?

— ახლახან მოვედით, — უპასუხა ჯორჯმა.

— ქერი უნდა ჩაყაროთ ტომრებში?

— ბოსმა ასე გვითხრა.

ზორბა ჯორჯის პირდაპირ ერთ-ერთ ყუთზე ჩამოჯდა და მისკენ უკუღმად გაშლილ პასიანსს შეხედა.

— ალბათ ჩემთან იმუშავებთ, — თქვა მან. რბილი ხმით ლაპარაკობდა — თორემ ერთი-ორი ისეთი დღეა მყავს ჯგუფში — ქერის ტომარას გასაბერი ბუშტისაგან ძლივს არჩევენ. თქვენ ჩაგიყრიათ როდესმე ქერი?

— როგორ არა, — უპასუხა ჯორჯმა. — თვითონ დიდი სატრაბახო არაფერი მაქვს, მაგრამ აი, ამ მუტრუქს ხომ უყურებთ, მარტო ამას იმდენის ჩაყრა შეუძლია, ორი-სამი მუშა მიმიქარავს.

ლენი ყურს უგდებდა, ხან ერთს შეხედავდა, ხან მეორეს; ასეთი ქებადიდება რომ გაიგო, სიხარულიაგან სახე მთლად გაეზადრა. ზორბასაც ესიამოვნა ეს შექება და მოწონებით გახედა ჯორჯს, მაგიდას დაეყრდნო, განზე დაგდებულ კარტს ყურში მოკიდა ხელი და აიღო.

— თქვენ სულ ერთად დადიხართ სამუშაოდ, ბიჭებო? — ისევ ისე მეგობრულად ჰკითხა მან. მისი ხმა უნებურად საუბრისთვის განგაწყობდა კაცს.

— პო, ერთად, ერთმანეთს ხელს ვუმართავთ ვითომ, — უპასუხა ჯორჯმა და მერე თითოთ ლენისაკენ გაიშვირა: — დიდი ჰკუის პატრონი არა მყავს, სამაგიეროდ, გიყვარდეს, ისეთი მუშაობა იცის. ხოშიანი ბიჭია, რა ვუყოთ, რომ ჰკუა ვერ უჭრის, დიდი ხანია ვიცნობ.

ზორბამ ჯერ ჯორჯს შეხედა და მერე განზე გადაიტანა მზერა.

— სწორე გითხრათ, ცოტა მინახავს ერთმანეთს ასე მიჯაჭვული ორი კაცი. — თქვა ჩაფიქრებით, — რატომაა ასე, არ ვიცი, ეტყობა, ამ დამპალ ქვეყანაზე ყველას ერთმანეთის ეშინია.

— მარტო ხეტიალს ვინმესთან ერთად ყოფნა არა სჯობს? — დასძინა ჯორჯმა.

ბარაკში ვეებერთელა დიპიანი კაცი შემოვიდა. ნაბანავებს თმიდან ჯერაც წერწყურით ჩამოსდარდა წყალი.

— ზორბა, შენა ხარ? — იკითხა მან, მერე გაჩერდა, ჯორჯს და ლენის შეხედა.

— ეს ბიჭები ახლა მოვიდნენ, — გააცნო ზორბამ ისინი სქელ კაცს.

— მოხარული ვარ, ბატონებო, — თქვა შემოსულმა. — მე ქარლსონს მეძახიან.

— მე ჯორჯ მილტონს, ეს კი ლენია, ლენი ნამცეცა.

— სასიამოვნოა, — ისევ თქვა ქარლსონმა. — რატომ არაა მად ჩაეცინა თავისივე ხუმრობაზე ქარლსონს — ნამცეცა კი არადა... ჰო, მართლა, ზორბა, იცი, რა უნდა მეკითხა? ძალღიროგორა გყავს? დღეს ვნახე. შენი ურიკის ქვეშ იწვა.

— გუშინდამ ლეკვები დაყარა, — უთხრა ზორბამ. — ცხრა ლეკვი, ოთხი ვგრევე დავახრჩვე. ამდენს მაინც ვერ აჭმევდა.

— მაშ, ხუთი დავრჩენია.

— ჰო, ხუთი. უფრო დიდები დავტოვე.

— კაი ჯიშის გამოვლენ, როგორ გგონია?

— რა ვიცი, — თქვა ზორბამ. — ალბათ ნაგაზები არიან. ლულუს მძუვნობის დროს სულ მაგ ჯიშის ხვადები დაწრიალებდნენ ახლომახლო.

— მაშ, ხუთი ლეკვი გყავს? ხუთივე შენ უნდა დაიტოვო? — ისევ იკითხა ქარლსონმა.

— რა ვიცი, ჯერ დავიტოვებ, ცოტა ხანს სწოვონ ლულუს რძე.

— იცი რა, ზორბა, — სახე დაუდინჯდა ქარლსონს. — აი, რა მოვიფიქრე. ეგ ოხერი ჩამიჩას ძალღირო ისე დაბერდა, ფეხებს ძლივს დაათრევს. თანაც ისე ყარს, კაცს გული წაუვა; რამდენიც ამ ბარაკში შემოვა, ორი-სამი დღე ისეთ სუნსა სტოვებს, ლამისაა დაგვახრჩოს. იქნებ როგორმე დავიყოლიოთ ჩამიჩა. მოკლას ეგ ძალღირო, შენ ლეკვს მისცემდი, გაზრდის და მადლია; ამ ქეციანი ძალღიროს სუნი კი ერთ მაღზე მცემს. კბილები მაგას აღარა აქვს და ჭამა მაგას აღარ შეუძლია; თვალშიც რომ ველარ იყურება! ხომ ხედავთ, ჩამიჩა სულ რძეს ასმევს, საჭმელს ველარ ლეჭავს და აბა რა ქნას?

ჯორჯი ზორბას თვალს არ აშორებდა. უცებ გარეთ რკინის ძელს ჩამოკრეს; ჯერ ნელა, მერე თანდათან აუჩქარეს და აუჩქარეს, სანამ ერთიანი, გაბმული რეკვა არ გაისმა. მერე ისევე უცებ შეწყდა, როგორც დაიწყო.

— აბა დროა, — თქვა ქარლსონმა.

გარედან ხმამაღალი ლაპარაკი ისმოდა. — მუშების ჯგუფმა ჩაიარა.

ზორბა ნელა, დინჯად წამოდგა.

— აბა, ბიჭებო, თქვენც წამოდით, სანამ დროა, თორემ ასე ბოთეებივით თუ იჯექით, ორ წუთში ნამცეციც არ დარჩება.

ქარლსონი უკან დაიხია, ზორბა წინ გაუშვა და ორივენი ერთად გავიდნენ. ლენი აფორიაქებული იყო, ჯორჯს თვალს არ აშორებდა. ჯორჯმა კარტი ერთიანად მოხიკა და იქვე დადო.

— ვიცი, მიგიხვდი, ლენი, აუცილებლად ვთხოვ.

— ოღონდ თეთრი იყოს, ყავისფერი ხალებით, — წამოიყვირა ლენიმ.

— წამო, ვისადილოთ. იქნებ არცა ჰყავს ყავისფერხალებიანი ლეკვი, ხომ არ ვიცი?

ლენი გაშეშებული იჯდა და საწოლიდან არ იძროდა.

— ახლავე თხოვე, ჯორჯ, თორემ იქნებ კიდევ დაახრჩოს საწყლები.

— აუცილებლად, ახლა კი წამოდი, მოშორდი მაგ საწოლს.

ლენი საწოლიდან გადმოკოტრიალდა, წამოხტა და ორივემ კარს მიაშურა. ჯერ კართან არ მისულიყვნენ, რომ ხუჭუჭა ოთახში შემოვარდა.

— აქ ქალს ხომ არ შემოუხედავს? — იკითხა გაავებულმა.

— ასე ნახევარი საათის უკან იყო, — ცივად უბასუხა ჯორჯმა.

— რა ჯანდაბა უნდოდა?

ჯორჯი მშვიდად იდგა და გაათრებულ კაცუნას შესცქეროდა. მერე უხეშად უბასუხა:

— ქმარს ვეძებო, ასე თქვა.

ხუჭუჭამ თითქოს პარველად შეამჩნიაო ჯორჯი, თვალები დაუბრიალა, ახედ-დახედა. მერე მანძილიც ვაზომა, თითქოსდა მოყვანილი ტანი შეუთვალა.

— მერე საით წავიდა? — დასცდა მას ისევ.

— რა ვიცი, — უბასუხა ჯორჯმა. — კუდში არ გავკიდებივარ.

ხუჭუჭამ შეუბღვძრა, გატრიალდა და გარეთ გავარდა.

— იცი რა, ლენი, მგონი, მე თვითონ მომიხდება ამ წუნკლის მორჯულება. მაგისი თავხედობა ძარღვებს მიშლის. ღმერთო ჩემო! წამოდი, წამოდი, თორემ ასე მშივრები დავრჩებით.

ისინი ვარეთ გავიდნენ. სარკმლის ქვეშ მზის შუქი ვიწრო ზოლად გასდევდა კედელს. შორიდან ჯამების ჩხარაჩხური ისმოდა. ცოტა ხნის მერე ღია კარებში ბებერი ძალღი შეძუნძულდა კოჭლობით. ერთგული, ბრუციანი თვალებით ირგვლივ მიმოიხედა, პაერი შეიყნოსა, მერე დაწვა და თავი წინა თაბებში ჩარგო.

ხუჭუჭამ ისევ შემოიხედა ოთახში და იქაურობა მოათვალიერა, ძალღი წამოიწია, მერე კი, წავიდა ხუჭუჭა თუ არა, ჭალარა, ბებერი თავი ისევ იატაკს მიასვენა.

III

ბარაკის სარკმლებს ჯერაც ეთამაშებოდა საღამოს მოწყენილი სხივები, მაგრამ შიგ ოთახში უკვე ბნელოდა. ღია კარიდან ფეხების ბაკუნი, რკინის ქლარუნი და დროდადრო აღფრთოვანებული ან დამცანავი შეძახილები ისმოდა — ეტყობა, ნალობანას თამაშობდნენ.

ზორბა და ჯორჯი ჩაბნელებულ ბარაკში ერთად შევიდნენ. ზორბამ კარტებით მოფენილ მაგიდას ხელი გადააწვდინა და თუნუქისფარიანი ნათურა ჩართო. ბრდღვიალა შუქი ერთბაშად მოეფინა მაგიდას და ნათელ კონუსად ვალიღვარა იატაკზე. მაგრამ ოთახის კუთხეებამდე ვეღარ მიაღწია და ბნელში დატოვა. ზორბა ყუთზე ჩამოჯდა, ჯორჯიც მის პირდაპირ მოთავსდა.

— ეგ არაფერი, — უთხრა ზორბამ, — ალბათ დანარჩენებსაც დავახრჩობდი ცოტა ხანში, ასე რომ სამადლობელი არაფერი ვაქვს.

— შენთვის შეიძლება არაფერია, მაგრამ ლენისთვის კი ნამდვილად ღვთის წყალობაა. შენ თქვი ახლა მაგის შინ შემოყვანა. ძილსაც მათთან ერთად მოინდომებს, საჯინიბოდან ვეღარ გააგდებ. ლამის შიგ ყუთში ჩაუწვეს ლეკვებს.

— ეგ არაფერია, — გაიმეორა ზორბამ, — ისე, სწორი გითქვამს, დიდაკულის პატრონს არა ჰგავს, სამაგიეროდ, ასეთი გამრჯე მუშა თვალით არ მინა-

ხავს. ქერს რომ ყრიდნენ, მუშაობით კინალამ მოკლა თავისი მეწყვილე. მაგას-
თან მუშაობა ბევრს გაუჭირდება. ასეთი ღონიერი ბიჭის მნახველი არა ვარ,
ღმერთმანი.

ჯორჯმა ამაყად განაგრძო:

— რაც გინდა, ის დაავილე, თლონდ ტვინის განძრევა არ გყოს, საჭირო,
და ყველაფერს გააკეთებს. თავად ვერაფერს მოისაზრებს, მაგრამ, თუ მიუ-
თითებ, მაშინ — იცოცხლე.

გარედან გარკვევით ისმოდა, როგორ ეხეთქებოდა წალი რკინის დაფას და
თან მოთამაშეების შეძახილებიც ერთვოდა.

ზორბას თვალებში სინათლე სცემდა და ცოტა უკან გაიწია.

— საოცარია მაინც, ასე ერთად რომ დადიხართ, გადაბმულებივით, —
თითქოს საღებრის გაგრძელება უნდოდა ზორბას.

— მაინც რატომ არის საოცარი? — ჯიქურ ჰკითხა ჯორჯმა.

— აბა რა ვიცი, იშვიათია, ბიჭები ასე ერთად რომ დადიოდნენ. თითქმის
არც მინახავს ერთმანეთს ასე გადაგებულნი ორი კაცი. ხომ იცი, ჩვენთან რო-
გორი მუშახელი მოდის; მოვლენ, დაიკავებენ საწოლს, ერთი თვე იმუშავე-
ბენ... მერე ფულს აიღებენ და გაქრებიან. სხვა ყველა და ყველაფერი ფეხებ-
ზე ჰკიდიათ. ჰოდა, გასაკვირია, ამისთანა ნაგიჟარი და შენსავით ჰკვიანი ბიჭი
ერთად რამ შეგყარათ.

— ნაგიჟარი სულაც არ არის, — თქვა ჯორჯმა. — მაგარი ბოთეა, ბევ-
რი არაფერი მოეკითხება, თორემ ისე გიჟი არ არის. მეც დიდი ჰკუთის პატ-
რონი არ გახლავართ, თორემ რაღაც საცოდავი ორმოცდაათი დოლარის გული-
სათვის კაცი ქერის ზიდვით მოიწყვეტს წელს? ჰკუთა რომ მქონდეს და ცოტა
მოხერხება, პატარა მიწის ნაკვეთი შექნებოდა, პურს დავთესდი და სხვის მი-
წას არ შევაკლავდი თავს. — ჯორჯი უცებ გაჩუმდა. ლაპარაკის საღერღელი
აეშალა, თუმცა ზორბა არც აჩერებდა და არც აგულიანებდა, უბრალოდ იჯდა
და ყურს უგდებდა. — სულაც არ არის საოცარი, მე და ლენი ერთად რომ
ვართ, — წაილაპარაკა ბოლოს ჯორჯმა. — ორივენი ობერნში დავიბადეთ. მე
მის დეიდას კარგად ვიცნობდი კლარა ერქვა. ლენი ჯერ ჩვილი იყო, დეი-
დამ რომ აიყვანა და გაზარდა. დეიდა რომ გარდაეცვალა, ლენი მე მომეკედ-
ლა და მას მერე ერთად ვართ; მალე შევეჩვიეთ ერთმანეთს.

— ჰმ! — თქვა ზორბამ.

ჯორჯმა ზორბას გახედა. ზორბა კი ისევ მშვიდი, კეთილი თვალებით
შესცქეროდა.

— საოცარიო, — განაგრძო ჯორჯმა. — რამდენჯერ ამიგდია მასხრად
ეგ საცოდავი, რაღაც სასწაულებს ვახდენდი, რას არ ვმამიმუნობდი. ისეთი
უსუსურია, თავს ვერც დაიცავს ეგ უბედური; ვერც კი მიხვდება, რომ ამასხა-
რავებ. მე გავერთე, მაგრამ ძალიან კი დავიბრიყვე; მაგის გვერდით დიდი ჰკუთის
კოლოფი შეგონა ჩემი თავი. ის კი, რასაც ვეტყვოდი, ყველაფერს მისრულებდა.
რომ მეტქვა, მთის წვერზე აძკერი-მეთქი, აძყრებოდა. ცოტა ხანში მეც მომ-
ბეზრდა ეს მაიმუნობა. თანაც არასოდეს გაბრაზებულა ეგ საწყალი. ხანდახან
სულ ტყუილუბრალოდ ვუზაპუნებდი ხოლმე; აკი ვიცოდი — მაგის ერთი
ხელის აქნევა და ძვლებიც არ შემრჩებოდა მთელი, მაგრამ თითიც არ დაუ-
ცარებია, — ჯორჯი გულში ჩამწვდომი ხმით ყვებოდა, თითქოს აღსარებას ამბობ-
დაო. — იცი, რატომ შევწყვიტე ლენის მასხრად აგდება? ერთ დღეს მდინა-

ოე საკრამენტოსთან ბიჭების მთელი ზროვა ვიდექით; ისე, უსაქმოდ. მე, როგორც ვთქვი, ჭკუის კოლოფად მომქონდა თავი. მივუბრუნდი ლენის და ვუბრძანე: წყალში ჩახტი-მეთქი; გადახტა ეგ სულელი; წყალში კი ქვასავით იძირება, ვერ ცურავს. კინალამ დაგვეზრხო, ძლივს გამოვათრიეთ. ისეთი მადლიერი იყო ჩემი, ისეთი რომ... სულ დაავიწყდა, რომ ჩემივე წყალღობით აღმოჩნდა წყალში. ამის მერე მსგავსი არაფერი ჩამიდენია.

— კარგი ბიჭი ჩანს, — უთხრა ზორბამ. — კარგ ბიჭობას კი ბევრი ჭკუა არცა სჭირია. ჩემი აზრით, ჭკუა ხანდახან ცუდ საქმესაც შერება. რამდენია ჭკვიანი, მოხერხებული, მაგრამ კაცად არ ვარვა.

ჯორჯმა დაყრილი კარტი მოკრიფა და ისევ პასიანსის გაშლა დაიწყო. გარეთ კაცების ფეხის ხმა ისმოდა. ოთხკუთხა ფანჯრებს ისევ დასთამაშებდა სალამოს გაცრეცილი ფერები.

— მე ერთი უთვისტომო კაცი ვარ, — თქვა ჯორჯმა. — ბევრი ბიჭი მიწახავს, როგორ დაეხეტება სამუშაოდ მარტოდმარტო, რანჩოდან რანჩოში. მერედა, რა ყრია ამაში? გული რას გადააყოლონ, არ იციან. ცოტა ხანში ისე გაბოროტდებიან ხოლმე, ლამისაა ყელი გამოლადრონ ერთმანეთს.

— ჰო, მართლაც რომ გაბოროტდებიან და ევაა, — დაეთანხმა ზორბამ. — ადამიანურად არც დაგელაპარაკებიან.

— მართალია, ლენის გვერდით თავსატეხი არ გამოგელევა, — განაგრძო ჯორჯმა, — მაგრამ შეეჩვევი ადამიანს და მერე ძნელია უიმისოდ გაძლება.

— ლენის რას ერჩი, გაბოროტებულის რა უგავს ვითომ? — შეაწყვეტინა ზორბამ, — სულაც არ არის ბოროტი.

— მართალი ხარ, სიბოროტის ნატამალი არ გააჩნია, მაგრამ მაინც სულ რაღაც ხიფათში ეხვევა ხოლმე; ლენჩია ეგ უბედური და იმიტომ. უიდშიც ასე არ მოუვიდა? — ჯორჯმა უცებ შეწყვიტა ლაპარაკი, კარტი ნახევრად შეატრიალა ხელში და აფორიაქებული შეაშტერდა ზორბას. — ხომ არსად დაგცდება?

— რა მოხდა უიდში? — მშვიდად ჰკითხა ზორბამ.

— არავის ეტყვი?... თუმცა რა სისულელეა, შენ მაგის კაცი არა ხარ.

— მაინც რა ქნა ასეთი უიდში? — ისევ ჰკითხა ზორბამ.

— რადა, ერთი გოგო იყო იქ, წითელი კაბა ეცვა; ლენი კი ისეთი დარტყმულია, რაც თვალში მოუვა, ყველაფერი ხელით თუ არ მოსინჯა, არ იქნება. უბრალოდ ხელს შეავლებს ხოლმე, რომ გაიგოს, როგორია. ჰოდა, დაინახა თუ არა წითელი კაბა, ხელი წაავლო; გოგომ, ასე არ უნდაო, ისეთი წივილი ატეხა... ლენის მთლად დაეფანტა გონება, ჩაეჭიდა და ხელი არ გაუშვა. სხვა ვერაფერი მოიფიქრა და იმიტომ. გოგო კი წიოდა და კიოდა. მე ცოტა მოშორებით ვიყავი. გოგოს კვილი და ჩემი იქ გაჩენა ერთი იყო. ლენი სულ გამოშტერდა, ჩაველო ხელი და არ უშვებდა — მეტი ტვინი არ ეყო. მესერს ფიციარი ავაგლიჯე და ერთი მაგრად ჩავცხე იმ შტერ თავში, იქნებ როგორმე ხელი გაუშვას-მეთქი. შენც არ მომიკვდე, ისე დამფრთხალიყო, ვერა და ვერ გავაშვებინე. რა ჯანის პატრონიცაა — შენც კარგად იცი.

ზორბა ისე მშვიდად უსმენდა, თვალის არ დაუხამხამებია, მხოლოდ ნელა დაუქნია თავი.

— მერე რა მოხდა?

ჯორჯმა გულდასმით ჩაამწყრივა პასიანსის რიგი.

— რადა, ის გოგო მოსამართლესთან წაცანცარდა და, გამაუბატიურესო, ასე უთხრა. უცდში რაც ბიჭები იყო, ყველა ლენის დასაჭერად შეეყარა, ლინჩი უნდა მოეწყობოთ. ჩვენც სხვა რა გზა გვქონდა, მთელი დღე სარწყავ არხში ვინალეობოდით ჩაყურყურმაღავებულები; მარტო თავები გვქონდა ამოყოფილი ლელიანში და არ ვჩანდით. ღამით კი თავს ვუშველეთ და გავეცალეთ იქაურობას.

ზორბა ცოტა ხანს ჩუმად იჯდა.

— ისე, მაინც რამე ხომ არ უქნა იმ გოგოს, პა? — ჰკითხა ბოლოს.

— არა, ბოზიშვილი ვიყო. უბრალოდ შეაშინა და მორჩა. ჩემთვის რო ჩაველო ასე ხელი, ალბათ მეც შემეშინდებოდა; არა, არაფერი უქნია იმ გოგოსთვის. წითელი კაბისთვის უნდოდა ხელი წაეველო, ეს იყო და ეს. ვერა ხელავ, როგორ ეფერება იმ ლეკვებს წამდაუწუმ, სხვა კი არაფერი უნდა.

ბოროტი ნამდვილად არაა, — თქვა ზორბამ. — ბოროტს ერთ მიღზე ეცნობ.

— რა თქმა უნდა, არაა, რამეს თუ თხოვ, ნაღდად...

კარი ლენიმ შემთაღო. ლურჯი ჯვალოს კურტაკი მოსასხამივით ჰქონდა მოკიდებული მხრებზე, ოდნავ მოხრილი შემოვიდა.

— აბა ლენი, როგორ მოგწონს შენი ლეკვი?

— თეთრია და ყავისფერი ხალებით... — სულმოუთქმელად უბასუხა ლენიმ. — მე რომ მინდოდა, ისეთი, — მერე პირდაპირ საწოლისკენ გაეშურა. წამოწვა, სახე კედლისკენ მიატრიალა და მუხლები მოკეცა.

ჯორჯმა კარტი მაგიდაზე ნელა დადო.

— ლენი! — დაუძახა მკაცრად.

ლენიმ კისერი მისკენ მიღრიცა და მხარს ზემოდან გახედა.

— რა იყო? რა გინდა, ჯორჯ?

— ხომ გითხარი, ლეკვი აქ არ მოიყვანო-მეთქი!

— რა ლეკვი, ჯორჯ? ლეკვი აქ არ არის.

ჯორჯი სწრაფად მივიდა ლენისთან, მხარში ხელი წაავლო და ძალით შემოატრიალა. მერე ხელი გადასწია და უბიდან დამალული ლეკვი ამოუძვრინა.

ლენი მყისვე წამოჯდა.

— მომეცი ლეკვი, ჯორჯ!

— ახლავე აეთრიე და ეს ლეკვი თავის ყუთში ჩასვი. ამას ჯერ დედამისთან უნდა ეძინოს. ხომ არ გინდა მოკლა? ჯერ არ დაბადებულა და უკვე დედას მოაშორე? ახლავე წაიყვანე, თორემ ზორბას ვეტყვი, სულაც წავარაყვას.

ლენიმ მუდარით გაუშვირა ხელები.

— მომე რა, მომე, ჯორჯ. უკან წავიყვან, ცუდი არაფერი მიქნია, ჯორჯ, გეფიცები, ცუდი არაფერი მიქნია. ვიფიქრე, ცოტას მოვეფერები-მეთქი.

ჯორჯმა ლეკვი გადასცა.

— მაშ კარგი, ლეკვი სასწრაფოდ უკანვე წაიყვანე და მეორედ არ გაბედო აქ მოყვანა, თორემ ეგრევე შემოგაკვდება. ჯერაც არ მოგსვლია, აი!

ლენი სასწრაფოდ გავიდა ოთახიდან.

ზორბა არ განძრეულა, მშვიდი თვალებით გააცილა ლენი.

— დმერთო ჩემო, სულ ბალღივით არაა?

— კი, სულ ბალღივითაა. ბალღივით უწყინარიცაა. ხარის ძალა კი აქვს.

დაგენიძლავები, თუ ეგ ამალამ მოვიდეს დასაძინებლად. საჯინიბოში დარჩება და ლეკვებს მიუწვევა. ცუდს არაფერს იზამს, იყოს. რა ვუყო.

გარეთ უკვე თითქმის ბნელოდა. ჩამიჩა — მოხუცი დამლაგებელი ბარაკში შევიდა და თავის საწოლს მიაშურა, უკან მისი ბებრუცა და ძალი/მოძუნძულეობდა.

— სალამი, ზორბავ, სალამი, ჯორჯ! თქვენ რა, ნალობანას არ დაეძინებო?

— ყოველდამე ხომ არ ვითამაშებ. მომბეზრდა, — უთხრა ზორბამ.

— ერთი ყლუბი ვისკი გექნებათ, ბიჭებო. რაღაც მუცელი მიწრიალებს.

— არა მაქვს, — უთხრა ზორბამ, — რომ მქონდეს, მუცლის ტკივილი რად მინდა, ისედაც სიამოვნებით გადავკრავდი.

— ზურა მტკივა ეს ოხერი, — თქვა ჩამიჩამ. — სულ იმ წყეული თაღამის ბრალია, ისე მიწრიალებს, რომ... რამდენი შევჭამე, იმდენი გამამწარა, ვერ ვისწავლე ჰკუპა.

ლამის ბინდბუნდიდან ოთახში სქელ-სქელი ქარლსონი შემოიჭრა. თავის საწოლთან მივიდა ოთახის ბოლოში და მეორე ნათურა აანთო.

— ეგ ოხერი ზანგი რა კარგად თამაშობს ნალობანას!

— კო, მაგაში მაგარია, — დაეთანხმა ზორბა.

— მაგარია და მერე როგორი, — განაგრძო ქარლსონმა. — არავის მოაგებინებს.

მერე გაჩუმდა, ჰაერი მაგრად შეისუნთქა. ისევ შეისუნთქა, მერე ძალისკენ მიტრიალდა და მიაჩერდა.

— თუ ღმერთი გწამთ, ერთი მოდით და ნახეთ, როგორ უარს ეს შეჩვენებული. გააგდე რა გარეთ, ჩამიჩა! ამყრალებულ ბებერ ძალღზე საშინელი რა არის? გააგდე-მეთქი, გეუბნები!

ჩამიჩა საწოლის კიდემდე მიჩოჩდა, ხელი გადასწია, ბებერ ძალს მიუღწერსა და თითქოს თავი გაიმართლა:

— მე და ჩემი ძალლი რამდენი ხანია ერთად ვართ და ამის სუნს არასოდეს შევუწუხებოვარ.

— ველარ ვიტან ამ ძალს, ხალხი არა ხართ? — თქვა ქარლსონმა. — გავა ოთახიდან და მაინც კაი ხანს უარს აქაურობა. — მერე მძიმე ნაბიჯებით მივიდა ძალთან და დახედა. — კბილები ამას არა აქვს, — განაგრძო ისევ. — რევმატიზმისაგან ველარ ინძრევა, რაღად გინდა ასეთი ძალლი, ჩამიჩა? არც შენთვის ვარგა და არც თავისთვის, ადექი და ესროლე, არა სჯობია?

მოხუცი უსიამოდ შეიშმუშნა.

— ვერ მოგართვით! რამდენი ხანია ეგ ძალლი მყავს; ლეკვი იყო, რომ ავიყვანე, ცხვარშიც ერთად ვიყავით. — ამაყად თქვა ჩამიჩამ. — ამის შემყურე ახლა ვერც კი დაიჯერებ, ისეთი ნაგანი იყო, უკეთესს ვერ ნახავდი.

— უიდიში ერთ კაცს ვიცნობდი, ერდელ-ტერიერი ყავდა და მშვენივრად მწყემსავდა ცხვრებს, სხვა ძალლებისგან უსწავლია, — თქვა ჯორჯმა. მაგრამ ქარლსონს ასე ადვილად ვერ დააწყნარებდი.

— მასმინე, ჩამიჩავ! ვერა ხედავ, ეგ საცოდავი ძუკნა თვითონაც როგორ წვალობს? რომ წაიყვანო სადმე და პირდაპირ კეთაში ესროლო, უკნიდან? — მერე დაიხარა და ხელით აჩვენა: — პირდაპირ აქ, აი, მაღლი არ იქნება? ვერც კი გაიგებს, რა მოხდა.

ჩამიჩას თვალები დაუნადვლიანდა.

— არა, — წყნარად აღმოხდა მას, — არ შემძლია ვერ მოვკლავ, ძალიან შევეჩვიე და ეგ როგორ ვქნა?

— აბა რაღა ამის სიცოცხლე? — არ ეშვებოდა ქარლსონი. — თანაც ასე აუტანლად ყარს იცი, რას გეტყვი, თუ გინდა, მე თვითონ ვესვრი. შენც ხელს არ გაისვრი.

ჩამიჩამ ფეხები საწოლიდან ჩამოწია. შეწუხებული ისრესდა თეთრ ჯაგარა წვერს.

— ძალიან შევეჩვიე ამ ძალს, — თქვა მან წყნარად. — ლეკვი რომ იყო, მაშინ ავიყვანე.

— კი მაგრამ შენ რა გული გიძლებს, ამის ტანჯვას რომ უყურებ? არ ჯობია მოკლა? — ჰკითხა ქარლსონმა. — მისმინე, ზორბას ძალმა სწორედ ახლა დაყარა ლეკვები. ზორბა უარს არ გეტყვის, ერთი ლეკვი გამოართვი და განაარდე, არა, ზორბა?

ზორბა მშვიდად აკვირდებოდა ბებერ ძალს.

— აბა რა, — თქვა მან. — ერთი ლეკვი შენი იყოს, თუ გინდა. — მერე თითქოს გამოცოცხლდათ, ალაპარაკდა: — ეგ კაცი სწორს ამბობს, ჩამიჩა... თვითონაც წვალობს ალბათ საწყალი. მე რომ ასე დავბერდე და დავჩაჩანაკდე, ნამდვილად გამეხარდება, თუ მომკლავენ.

ჩამიჩამ უმწეო თვალებით შეხედა ზორბას, მისი ნათქვამი ხომ კანონი იყო.

— რომ ეტკინოს? — შეჰბედა მან. — იქნებ ჯობდეს ცოტა ხანს კიდევ მოვუარო, სულაც არ მიჭირს.

— მე ისე ვესვრი, ვერაფერსაც ვერ გაიგებს, — უთხრა ქარლსონმა. — ბირდაპირ აი, აქ დავუმიზნებ. — და ფეხით აჩვენა. — ზედ კეფაში და მორჩა, განძრევასაც ვერ მოასწრებს.

ჩამიჩა ხან ერთს შეხედავდა, ხან მეორეს — თითქოს შეეღას ითხოვდა. ვარეთ უკვე კარგად ბნელოდა. ოთახში ბიჭი შემოვიდა. ისედაც ოღნავ მოხრილი მხრები წინ წამოეწია, მშიმედ მოალაჯებდა, თითქოს ახლაც ხორბლიან ტომარას მოათრევსო. თავის საწოლთან მივიდა და ქუდი თაროზე დადო. შემდეგ თაროდან დაჭმუჭნული ქურნალი აიღო და მაგიდას მიუახლოვდა, სადაც მეტი სინათლე იყო.

— შენთვის არ მიჩვენებია, ზორბა? — შეეკითხა იგი.

— რა არი რო?

ბიჭმა ქურნალი გადაფურცლა, მაგიდაზე დადო და თითოთ ანიშნა:

— აი, აგერ წაიკითხე ერთი. — ზორბა დაიხარა. — მიდი, — უთხრა ასალგაზრდამ. — ხმამაღლა წაიკითხე.

— „ძვირფასო რედაქტორო, — ნელა კითხულობდა ზორბა. — მე უკვე ექვსი წელია თქვენი ქურნალის მკითხველი ვარ და ვთვლი, რომ ყველაზე კარგია: ძალიან მომწონს პიტერ რენდის მოთხრობები. ჩემი აზრით, ხოშიანად უბერავს. ხშირად დავგიბეჭდეთ „შავი მხედრის“ მაგვარი რამეები. მე ბევრი წერა არ მეხერხება, უბრალოდ, ვიფიქრე, ყველამ იცოდეს-მეთქი, რომ თქვენს ქურნალში ათი ცენტის მიცემა სულაც არ არის დასანანი“.

გაკვირვებულმა ზორბამ თავი ასწია.

— კი მაგრამ, რისთვის მაკითხებ?

— განაგრძე, გვარი წაიკითხე ბოლოს, გვარი, — უთხრა უიტმა.

ზორბამ განაგრძო:

— „თქვენი კეთილისმსურველი უილიამ ტერნერი“. — მერე ისევ ახედა უიტს. — მაინც ვერ გავიგე, რისთვის წამაკითხე?

უიტმა შთამბეჭდავი სახით დახურა ყურნალი.

— ბილ ტერნერი არ გახსოვთ, ერთი-სამი თვის უკან რომ მუშაობდა აქ? ზორბა დაფიქრდა.

— პატარა ბიჭი რომ იყო? — იკითხა მან. — კულტივატორზე რომ იჯდა?

— ჰო, სწორედ ის, — წამოიძახა უიტმა. — სწორედ ეგ ბიჭია.

— შენ გგონია, იმან დაწერა ეს წერილი?

— გგონია კი არა, ვიცი. მე და ბილი ერთად ვისხედით. ბილს სწორედ ყურნალის ახალი ნომერი მიეღო. კითხულობდა და ასე მითხრა: „წერილი მიგწერე რელიჯიას, ნეტა დაბეჭდეს თუ არა“. იმ ნომერში კი არ იყო. ბილმა თქვა: იქნებ სხვა ნომერში დაბეჭდონო და აი, დაბეჭდეს კიდეც — ეს წერილია.

— მართალი ხარ, — თქვა ზორბამ. — აგერ დაუბეჭდავთ კიდეც.

ჯორჯმა ხელი გაიშვირა ყურნალის ასულებად.

— აბა ერთი შემახედეთ.

უიტმა ისევ გადაშალა და თითოეული უჩვენა, სადაც იყო დაბეჭდილი, ისე რომ ყურნალისთვის ხელი არ გაუშვია, მერე თავის თაროსთან მივიდა, ყურნალი გულდაგულ შეინახა.

— ნეტა ბილმა თუ იცის, — თქვა მან. — მე და ბილი მუხუდოზე ვმუშაობდით ერთად. ორივენი კულტივატორზე ვისხედით. რა კარგი ბიჭი იყო ბილი.

ქარლსონი საუბარში არ ჩარეულა. თვალმოუწყვეტლივ უყურებდა ბებერ იაღლს. ჩამიჩა კი შეშინებული უთვალთვალებდა. ბოლოს ქარლსონმა ველარ მოითმინა და წამოიყვირა:

— შენ თუ გინდა, ახლავე მივასიკვდილებ ამ სულწაწყმედილს, ისე რომ არ იტანჯოს, და მოვრჩეთ ამიზე ლაპარაკს. ასეთი რა გახდა ბოლოს და ბოლოს, ან სხვა კი რა დარჩენია ამ ძუკნას; ვერც ჭამს, ვერც იყურება, ტკივილისგანაც ძლივს დაფოფხავს.

— შენ რომ თოფი არა გაქვს? — იმედი მოეცა ჩამიჩას.

— გგონოს, რომ არა მაქვს. ლუგერის რევოლვერი მაქვს, ბატონო, ისეთია, არც ეტკინება.

— იქნებ ხვალ ჯობდეს? ხვალამდე დავიცადოთ — თქვა ჩამიჩამ.

— რაღას ვუცადოთ? — იკითხა ქარლსონმა. თავის საწოლთან მივიდა, ჩანთა გამოათრია და იქიდან ლუგერის დამბაჩა გამოაძრო. — მოდი, მოვრჩეთ ამ ამბავს, — თქვა მან. — აბა ასეთ აყროლებულ ჰაერში ძილი ვის გაუგია? — ქარლსონმა რევოლვერი გვერდითა ჯიბეში ჩაიღო.

ჩამიჩა საცოდავად მიაჩერდა ზორბას, იქნებ ჩაერიოს და მიშველოსო. მაგრამ ზორბა არც აპირებდა ჩარევას. ბოლოს იმედგაწყვეტილმა ჩამიჩამ წყნარად თქვა:

— წაიყვანეთ, რა გაეწყობა, — ძაღლისთვის არც კი შეუხედავს, საწოლზე პირაღმა წამოწვა, ხელები თავქვეშ ამოიღო და ჭერს მიაშტერდა.

ქარლსონმა ჯიბიდან პატარა ტყავის ქამარი ამოიღო, დაიხარა და ძაღლს კისერზე შეაბა. ჩამიჩას გარდა ყველა მას უყურებდა.

— წამოდი, საცოდავო, წამოდი! — დაუყვავა ქარლსონმა ძაღლს. მერე კი თითქოს მოუბოდიშათ, ჩამიჩას მიუბრუნდა და უთხრა: — ვერაფერს გაიგებს, დამიჯერე.

ჩამიჩა არ განძრეულა, ხმაც არ გაუღია. ქარლსონმა კეჩქმეს მოქაჩა.

— წამოდი, შე ბებერო! — ძაღლი ძლივს წამოიზღუტნა, თანამ რომ მოქაჩეს, ნელა დაიძრა ადგილიდან.

— ქარლსონ! — დაუძახა ზორბამ.

— რა იყო?

— ხომ იცი, რაც უნდა ქნა?

— რაზე ამბობ?

— ბარი წაიყოლიე, — მოკლედ უთხრა ზორბამ.

— მივხვდი, აბა რას ვიზამ? — ქარლსონი გარეთ, სიბნელეში გავიდა და ძაღლიც ვაიყოლია.

ჯორჯი კარამდე მიჰყვავა, კარი დაკეტა და ფრთხილად ჩარაზა. ჩამიჩა გაქვავებული იწვა საწოლზე და ჭერს მიშტერებოდა. ზორბამ ხმამაღლა დაიწყო:

— ჩემს ერთ ჯორს ჩლიქი გაუსკდა, კუბრი უნდა წავუსვით, — მერე დადუმდა.

გარეთ სრული სიჩუმე იყო, ქარლსონის ფეხის ხმაც არ ისმოდა; ოთახშიც დუმილი ჩამოვარდა, კარგა ხანს გაჭიანურდა...

ჯორჯმა ჩაიციინა.

— ნიძლავსა ვარ, ლენი ახლა საჯინიბოშია, თავისი ლეკვის გვერდით. ძაღლი გაიჩინა და ჩვენთან რაღა უნდა, აწი აღარც შემოიხედავს.

— ჩამიჩა, თუ გინდა, აირჩიე ერთი ლეკვი, რომელიც გინდა, შენი იყოს, — უთხრა ზორბამ.

ჩამიჩას ხმა არ გაუღია. ისევ სიჩუმე ჩამოვარდა — თითქოს გარედან, ლამის წყვდიადიდან, ნისლივით შემოიბარა და ჩამოწვა ოთახში.

— ცოტა კარტი წავითამაშოთ, არ გინდათ? — იკითხა ჯორჯმა.

— მოდი, გეთამაშები, — უთხრა უიტმა.

მაგიდასთან ერთმანეთის პირისპირ დასხდნენ, სინათლეზე; მაგრამ ჯორჯს კარტი არ აუჭრია. თითებს ადელვებით აკაკუნებდა მაგიდის კიდეზე. კაკუნმა ყველას ყურადღება მიიბყრო და ჯორჯიც გაჩერდა. ოთახში ისევ სიჩუმემ დაისადგურა. გავიდა ერთი წუთი, ორი: ჩამიჩა ისევ გაქვავებული იწვა, ისევ ჭერს მიშტერებოდა. ზორბამ წამით შეხედა და მერე თავის ხელებს დააჩერდა, ერთმანეთზე დაიწყო. იატაკის ქვეშ რაღაც ფხაკუნის გაისმა და ყველამ ძირს დაიხედა, მარტო ჩამიჩა მიშტერებოდა ისევ ჭერს.

— ეტყობა, ვირთხაა, — თქვა ჯორჯმა. — ერთი ხაფანგი უნდა დავდგათ. ბოლოს უიტმა ველარ მოითმინა:

— რა ჭირი დაემართა ამდენ ხანს? რასა შვრება, ნეტა ვიცოდე. მიდი, მიდი, შენ კარტი დაარბე, თორემ ასე თუ გავაჯანჯლეთ, რაღა თამაში გამოვა?

ჯორჯმა კარტი აკრიფა და ახლა მეორე მხრიდან დაუწყო თვალიერება. ოთახში ისევ სიჩუმე გამეფდა.

მერე შორიდან სროლის ხმა გაისმა. უცებ ყველამ მოხუც კაცს შეხედა, ყველა მისკენ მიტრიალდა.

მოხუცი ერთხანს კიდევ მიშტერებოდა ჭერს, მერე კედლისკენ გადატ-
რიალდა; ხმა არც ახლა გაუღია.

ჯორჯმა შრიალ-შრიალით აჭრა კარტი და დაარიგა. უიტმა ქულებისა და
ანგარიშის ჩამოსაწერად დაფა მიუწია. მერე ჰკითხა:

— თქვენ რა, მართლა სამუშაოდ ჩამოხვედით აქ, თუ ისე?

— მაგას რად მეკითხები? — გაუკვირდა ჯორჯს.

უიტმა ჩაიციხა.

— იმიტომ, რომ პარასკევს ჩამოხვედით; კვირამდე კიდევ ორი სამუშაო
დღე გელით.

— არაფერი მესმის, — თქვა ჯორჯმა.

უიტმა ისევ ჩაიციხა.

— დიდ რანჩოებზე რომ ბევრი გემუშავა, გაიგებდი. ჩვეულებრივ შაბათ
საღამოს ჩამოდიან ხოლმე, ისე, სანახავად. შაბათს ივანშემებს კაცი და კვირა-
საც სამჯერ შეჰკამს. ორშაბათს ისევ ისაუბრებს დილით და, თუ აქაურობა
თვალში არ მოუვა, დაჰკრავს ფეხს და წავა, რა ენაღვლება. თქვენ კი პარას-
კევს შუადღეზე ჩამოხვედით. გინდა არ გინდა, დღენახევარი უნდა იმუშაოთ.

ჯორჯმა მშვიდად გაუსწორა თვალი უიტს.

— ჩვენ ცოტა ხანს აქ დავრჩებით, ასე ვაპირებთ, — თქვა მან. — მე
და ლენიმ ფული უნდა ვიშოვოთ.

კარი ჩუმად გაიღო და ოთახში მეჯინიბემ შემოჰყო თავი. გაღეული, სა-
სოწარკვეთილი სახე ჰქონდა და მონასავით მორჩილი თვალები.

— ბატონო ზორბავ!

ზორბამ ჩამიჩას თვალი მოაშორა და ზანგს გახედა.

— ააა! შენა ხარ, კუზიანო! გაგმარჯოს, რა მოხდა?

— თქვენ არ მითხარით, კუპრი გააღწე ჩლიქებზე წასასმელადო. უკვე გა-
ვაღწე.

— ჰო, კარგი, კუზიანო, ახლავე მოვალ და წავუსვამ.

— თუ გნებავთ, მე წავუსვამ, ბატონო ზორბავ.

— არა, მოვალ და თვითონ წავუსვამ, — თქვა ზორბამ და წამოდგა.

კუზიანმა ისევ დაუძახა:

— ბატონო ზორბავ!

— ჰო!

— ის ახალმოსული აყლაყულა საჯინიბოშია და თქვენს ლეკვებს არ ას-
ვენებს.

— ნუ გეშინია, ცუდს არაფერს უზამს, ერთი ლეკვი ვაჩუქე.

— ვიფიქრე, მაინც ვეტყვი-მეთქი, — თქვა კუზიანმა. — ყუთიდან წამ-
დაუწუმ ამოჰყავს და სულ ხელში ათამაშებს. ცოდოა ლეკვები, რამე არ მო-
უვიდეთ.

— არაფერს დაუშავებს, — უთხრა ზორბამ, — ახლავე მოვდივარ, ერთად
წავიდეთ.

ჯორჯმა თავი ასწია:

— მაგ უტვინომ თუ ძალიან აურია, ევრევე გამოაგდე, გესმის?

ზორბა და მეჯინიბე ოთახიდან ერთად გავიდნენ.

ჯორჯმა კარტი დაარიგა, უიტმა თავისი აილო და ჩააკვირდა.

— ახალი ჩიტო თუ ნახე?



— რა ჩიტი?

— რა ჩიტი და, ხუჭუჭის ახალი ცოლი.

— ჰოოო, როგორ არა.

— რას იტყვი, ხომ ლამაზია?

— რა ვიცი, არ შემიხედავს, — უპასუხა ჯორჯმა უიტმა ეჭვის თვალით შეხედა და კარტი დააწყო.

— შენც დააკვირდი და, თვალს თუ კარგად გაახეღ, ბევრსაც დაინახავ. ეგ ისეთი ქალია — არაფრის რიდი მაგას არა აქვს, ეგეთი ვინმე ჯერ არ მინახავს. ყველა შარვლიანს თვალებს უპრაწავს, დროს არ კარგავს. ნიძლავსა ვარ, იმ ქეციან მეჭინიბესაც უპრაწავს. რა ეშმაკი უნდა ნეტა?

— მოხდა რამე ისეთი, რაც ეგ ქალი აქ არის? — თითქოს სხვათა შორის იკითხა ჯორჯმა.

უიტს კარტის თამაში მაინცდამაინც არ აინტერესებდა და ხელები მაგიდაზე დაახეთქა. ჯორჯმა კარტი მოხიკა და ისევ გულდასმით დაიწყო თავისი პასიანსის გაშლა. შვიდი კარტის ზემოთ ეჭვისი დააწყო, მერე კიდევ ხუთი.

— მესმის, რასაც ამბობ, — უთხრა უიტმა. — არა, ჯერ არაფერი მომხდარა. ხუჭუჭა უკანალდამწვარივით დარბის ჯერჯერობით, ეს არის და ეს, მაგრამ, ბიჭები სამუშაოდან დაბრუნდებიან თუ არა, ქალიც ეგრევე აქ გაჩნდება ხოლმე. ხან ვითომ რამე დარჩა, ხან ვითომ ქმარს ეძებს და, სად არისო, გვეკითხება. ეტყობა, შარვლიანებს გულგრილად ვერ უყურებს. ხუჭუჭას კი კული ეწვის, გადარეულია, მაგრამ ჯერ არ იმჩნევს.

— ჯერ სადა ხართ, ნახავთ, რა ამბავი დააწიოს მაგ ქალმა, — თქვა ჯორჯმა. — დიდი ამბავი ატყდება, აგერ მე და აგერ თქვენ. ეგ ისეთი გველის წიწილაა, თვალსაც ვერ დაახამხამებ, ისე გამოგიჭერს და გალიაში ამოგაყოფინებს თავს. შავი დღე კი დაადგება მაგ თქვენს ხუჭუჭას. აბა, კაცებით გატენილ რანჩოში ქალს რა უნდა, მით უმეტეს ასეთ ქალს.

— თუ გინდა, ჩვენთან ერთად წამოდი ხვალ ქალაქში?

— რა ჩემ ფეხებად მიხდა?

— არა, ისე, ერთ ბებრუცანასთან დავდივართ ხოლმე, სიუზი ჰქვია. კარგი გასართობი ადგილია კია. ის ბებრუცანაც ისეთი მაიმუნის ერთია, სიცილით რომ არ გაგვხეთქოს, არ შეიძლება. აი, იმ შაბათს რომ მივედი, წინა შესასვლელიდან, სიუზიმ კარი გაგვიღო და უცებ თავის ქალებს დაჰკვივლა: „გოგოებო! აბა ჩქარა! გაიბრანკეთ, თვით შერიფი გვეწვია!“ ისე, ბინძური ენა კი არა აქვს. ხუთი გოგო ჰყავს სულ.

— რა ჯდება ეგ სიამოვნება?

— ორნახევარი დოლარი. ცოტა ვისკისაც თუ აიღებ, კიდევ ორი ცენტი. ისეთი მოხერხებული სავარძლები აქვს... თუ სხვა არაფერი გინდა, იჯექი სავარძელში, ერთი-ორი ვისკიც გადაჰკარი და კაი გემრიელ დროსაც გაატარებ. სიუზი უარს არ გეტყვის. არც გაგავდებს და არც არაფერი, თუ ქალი არ გინდა, შენი ნებაა.

— ერთი წამოვალ და ვნახავ, რა ხდება, — თქვა ჯორჯმა.

— წამოდი, აბა რა. ხოშიან დროს გაატარებ. მარტო სიუზის მაიმუნობა რად ღირს; ერთხელ რომ თქვა, იმისი არ იყოს: მე ისეთ ხალხსაც ვიცნობ. თითო ნოხი რომ უგდიათ იატაკზე, თითო აბაჟურიც დაუდგიათ გრამაფონთან და ჰგონიათ — არიქა, დიდებული სალონი გვაქვსო. ეს კლარას საროსკიპო-

ზე ამბობს. ისიც ვიცო, ამბობს, რისთვისაც მოსულხართო, ჩემი გოგოები სუფთები, მოვლილები არიან და ვისკიშიაც წყალს როდი ვუტრევო და თუ ზოგიერთმა აბაყურის ყურება და უგემური დროსტარება არჩია, მშვენივრად იცის, სად მიბრძანდესო. და კიდევ, ჰო, ასე თქვა: ვერა ხედავთ, ზოგიერთი ფეხებდაბრეცილი რომ დაიარება, აბაყურის ყურება არჩივს და იჭიტიყვია.

— კლარას, მაშასადამე, სხვა სახლი აქვს? — იკითხა ჯორჯმა.

— მაშ, მაშ — უთხრა უიტმა. — მაგრამ ჩვენ იქ არ დავდივართ. ჯერ ერთი, იქ ქალი სამი დოლარი ღირს, ვისკიც — ოცდათხუთმეტი ცენტი; მეორეც ერთი, არც ვგეთი მაიმუნობის ნიჭი აქვს იმ კლარას. თანაც სიუზისთან სისუფთავეცაა და კაი სავარძლებიც, არც ყველა ვიგინდარას უშვებს.

— მე და ლენიმ ცოტა ფული უნდა დავაგროვოთ, — თქვა ჯორჯმა. — ისე კი წამოვიდოდი, დავლევდი, ჩავეფლებოდი სავარძლებში, მაგრამ ორნახევარ დოლარს ვერა, ვერ დავხარჯავ.

— ღმერთო, ათასში ერთხელ კაცი ხომ უნდა გაერთოს თავის ნებაზე? — უთხრა უიტმა.

კარი გაიღო და ქარლსონთან ერთად ოთახში ლენი შემოვიდა. ლენი ჩუმად მიიბარა თავის საწოლთან, ყურადღება არავინ მომაქციოსო; ქარლსონმა კი თავის საწოლს ქვემოდან ჩანთა გამოაჩოჩა; კვლავაც კედელს მიშტერებული ჩამიჩასათვის არც შეუხედავს, ჩანთიდან თოჯინის ზუმბა და ზეთის ქილა ამოათრია და ორივე საწოლზე დადო. მერე რევოლვერი აიღო, სავაზნე გამოაცალა და ლულიდან ვაზნები გამოყარა. მერე ლულას ზუმბით დაუწყო წმენდა. საკეტში რომ გაიტკაცუნა, ჩამიჩა უცებ მოტრიალდა, წამით რევოლვერს დააკვირდა, მერე ისევ კედლისკენ გადაბრუნდა და გაქვავდა.

— ხუჭუჭა ჯერ არ შემოსულა? — სხვათა შორის იკითხა ქარლსონმა.

— არა, — უპასუხა უიტმა, — რაო, რა უნდა?

ქარლსონმა ლულაში ჩაიჭვრიტა.

— თავის ტურფას ეძებს, გარეთ ვნახე, როგორ დაწრიალებდა ბარაკის ვარშემო.

— რა სულ ერთმანეთის ძებნაში არიან ეგ დალოცვილები. დილიდან შუადღემდე ქმარი ეძებს ცოლს და შუადღის მერე ცოლი ქმარს, — დამცინავად შენიშნა უიტმა.

ხუჭუჭა უცებ ოთახში შემოიჭრა.

— ჩემი ცოლი ხომ არ ვინახავთ, ბიჭებო? — დაიყვირა მან.

— აქ არ შემოსულა, — უთხრა უიტმა.

ხუჭუჭამ ყველას თვალებით შეუბღვირა.

— ზორბა სადღაა?

— საჩინბოში წავიდა, — უპასუხა ჯორჯმა. — ჩლიქზე კუბრი უნდა წავსვამ.

ხუჭუჭას დაჭიმული მხრები უცებ მოეშვა, მთლად მოიკუნტა.

— რა ხანია წავიდა?

— ხუთი, ათი წუთი იქნება.

ხუჭუჭა ელდანაკრავივით მოსწყდა იდგილს და საჩინბოსკენ გაიქცა. უიტმა წამოდგა.

— წავიდე ერთი, ვნახო, რა მოხდება, — თქვა მან. — ხუჭუჭას, ეტყობა, ბზიკმა უკბინა. ჩხუბი მოენატრა, თორემ ზორბას არ მოიკითხავდა. მერედა.

რა ჩხუბი იცის, ჩემს მტერს! „ოქროს ხელთათმანის“ პრიზზეც კი გამოდი-
ოდა ფინალში. გაზეთებშიც ყოფილა, ამოუჭრია თავისთვის და შეუხაზავს. —
უიტი ცოტა დაფიქრდა, — მერედა რა, მაინც ურჩევნია ზორბას თავი გა-
ანებოს. ზორბასაგან ყველაფერია მოსალოდნელი.

— ჰგონია, მისი ცოლი ზორბასთან ერთადაა? — ჰკითხა ჯორჯმა.

— როგორცა ჩანს, — თქვა უიტი. — ზორბას კი მაგისტრის არა ცხელა,,
ვერ დავიჯერებ, რომ იმ ქალმა ზორბა გაასულელოს. მაგრამ ჩხუბის ყურება
კი მინდა, თუ აქამდე მივიდა საქმე. აიღე, წავიდეთ.

— არა, მე დავრჩები, არ წამოვალ, — თქვა ჯორჯმა. — არ მინდა ეგეთ
საქმეებში ჩავერიო. მე და ლენი აქ ფულის საშოვნელად ჩამოვედით.

ქარლსონი რევოლვერის წმენდას მორჩა, ჩანთაში ჩადო და ჩანთა ისევ
საწოლის ქვეშ შეაგდო.

— წავალ ერთი, მეც ვნახავ, რა ხდება, — თქვა ქარლსონმა.

მოხუცი ჩამიჩა გაუნძრევლად იწვა, ლენი კი თავისთვის საწოლზე გა-
წოლილიყო და დამფრთხალი თვალებით ჯორჯს შესცქეროდა.

უიტი და ქარლსონი ოთახიდან გავიდნენ. კარი გაიხურეს თუ არა, ჯორჯი
ლენის მაუბრუნდა:

— რასაა, რომ მიმაღაე?

— მე არაფერი მიქნია, ჯორჯ. ზორბამ მითხრა, ამდენს ნუ ეფერები ლეკ-
ვებსო, მერე მითხრა, ცოდვები არიან, არ მოკვდნენო. ჰოდა, მეც წამოვედი.
ხომ კარგად მოგიქეცი, ჯორჯ?

— აბა არა? — თქვა ჯორჯმა.

— ლეკვებს არ ვაწვალებდი, არც არაფერი მიტყენინებია. მარტო ჩემი
ლეკვი მესვა მუხლებზე და ვეფერებოდი.

— ზორბა ნახე საჯინიბოში? — ჰკითხა ჯორჯმა.

— როგორ არა, იმან არ მითხრა, ძაღლებს ამდენს ნუ ეფერები, ცოდ-
ოაო.

— ის ქალი თუ ნახე?

— ხუჭუჭას ცოლი?

— ჰო, ხუჭუჭას ცოლი. საჯინიბოში არ შემოსულა?

— არა, მე არ მინახავს და რა ვიცი.

— ზორბა ხომ არ ელაპარაკებოდა, თვალს ხომ არ მოგიკრავს?

— არა, არ ყოფილა საჯინიბოში და საიდან?

— კარგი, კარგი, — თქვა ჯორჯმა. — მაშ ბიჭები ვერაფერ სეირსაც ვერ
ნახავენ. ჩხუბი თუ ატყდეს, ლენი, იცოდე, არ ჩაერიო, მოშორდი იქაურობას.

— მე ჩხუბი არ მინდა, — თქვა ლენიმ, საწოლიდან წამოდგა და მაგიდასთან
მივიდა, ჯორჯის პირდაპირ დაჯდა. ჯორჯმა ჩვეულებისამებრ კარტი არია და
პასიანის გაშლას შეუდგა. გულმოდგინედ აწყობდა, ნელა, თითქოს რაღაცას
ფიქრობსო.

ლენიმ ერთი კარტი აიღო, შეათვალიერა, მერე შეატრიალა და ისევ დაუწ-
კო ყურება.

— ორივე მხრიდან ერთნაირია, — თქვა მან. — ჯორჯ, მითხარი, რატომ
არის ორივე მხრიდან ერთნაირი?

— რა ვიცი, — უთხრა ჯორჯმა. — ასე ახატავენ და რა ვიცი. ზორბა რომ
ნახე საჯინიბოში, რასა შევრებოდა?

— ზორბა?

— ჰო, ზორბა, საჯინბოში არ ნახე, იმან არ გითხრა, ლეკვებს ჰეგრს ნუ ეფერებიო?

— აჰ, ჰო... რაღაც ეჭირა... რაღაც ქილა... კუბრიანი და საღებავი ფუნჯი. რად უნდოდა, არ ვიცი.

— ნამდვილად იცი, რომ ის ქალი არ შემოსულა... აი, გუშინ რომ შემოვიდა აქ, ისე?

— ნამდვილად ვიცი.

ჯორჯმა ამოიოხრა:

— არა, ისევ საროსკიპო ჯობია ყველაფერს, მე რომ მკითხო, — თქვა მან, — როცა მოგინდება, წახვალ, დალევ და არც სხვა რამეზე გაწყენინებენ. თხაბაც ყოველგვარი უსიამოვნების გარეშე. ისიც წინასწარ იცი, რა დაგიძდება ეგ სიამოვნება. ასეთი წუნკლის ხელში კი გაფუჭდება კაცი, შეიძლება ციხეშიც აღმოჩნდეს.

ლენი ყურადღებით უსმენდა, ჯორჯის სიტყვებს ჩუმად იმეორებდა ტუჩების ცმაცუნით. ჯორჯი კი განაგრძობდა:

— შენ ენდი კაშმენი თუ გახსოვს, ლენი? ჩვენთან ერთად სწავლობდა სკოლაში?

— დედამისი ბავშვებისთვის ნამცხვრებს რომ აცხობდა, ისა? — ჰკითხა ლენიმ.

— ჰო, სწორედ ისა. რა თქმა უნდა, საჭმელს თუ ეხება რამე, მშვენიერად იმახსოვრებ, არა? — ჯორჯი ყურადღებით ათვალთვლებდა კარტებს. დაფაზე ტუზი დადო, ზემოდან კი აგურის ორიანი, სამიანი და ოთხიანი დააწყო. — სწორედ ასეთი კახპის გულისთვის ლპება ახლა ენდი სან-ქვენტინის ციხეში, — დასძინა ჯორჯმა.

ლენიმ მაგიდაზე თითები ააკაკუნა.

— ჯორჯ!

— რა გინდა რო?

— ჯორჯ, მალე გვექნება საკუთარი სახლი და მიწა? კურდღლები როდის გვეყოლება?

— არ ვიცი, — უთხრა ჯორჯმა, — ფული უნდა დავაგროვოთ კარგა ბლომად ორივემ. ერთი რანჩო ვიცი, ცოტა იაფს ითხოვენ, მაგრამ სულ მუქთად ხომ არ მოგვცემენ?

მოხუცი ჩამიჩა ნელა შემოტრიალდა, თვალები გაუფართოვდა, მერე ჯორჯს მიაშტერდა.

— ჯორჯ, მოყევი რა, როგორია ის რანჩო?

— გუშინდამ არ მოგიყევი?

— კი მომიყევი, მაგრამ კიდევ მინდა... კიდევ მინდა რა, ჯორჯ?

— კარგი, კარგი... სულ ათი აკრია, ხომ გითხარი, — დაიწყო ჯორჯმა. — ჰოდა, პატარა ქარის წისქვილიც არის იქ, პატარა ქოხი დგას და საქათმე, სამზარეულოც და ბაღიცაა იქ, ყველაფერი იზრდება: ბალი, ვაშლი, ატამი, გარგარი, კაკალი და სხვადასხვა კენკრეული. იონჯასთვისაცაა ცოტა ადგილი და წყალიც არის მოსარწყავად, საღორეც აქვთ..

— და კურდღლებიც, არა, ჯორჯ?

— კურდღლებისთვის იქ ჯერ არაფერია, მაგრამ შეიძლება რამდენიმე გალიის გაკეთება და მერე იონჯას აქმევ ხოლმე, არა, ლენი?

— ვაჭმევ, აბა რას ვიზამ, — თქვა ლენიმ. — მაგაზე ადვილი რა არის, ღმერთო ჩემო, ვაჭმევ, აბა რას ვიზამ?

ჯორჯმა პასიანსის შლას თავი ანება, ხელები ადგილზევე გააჩერა. ხმა თანდათან გაუნაზღა:

— ცოტა გოჭებიც ვიყოლიოთ, ერთი შესაბოლავიც გავაკეთოთ, ბაბუაჩემს რომ ჰქონდა, სწორედ ისეთი; ღორს რომ დავკლავთ, მერე შევბოლოთ ხოლმე. ბეკონიც გვექნება და ღორიც; ძენვსაც გავაკეთებთ და ქვეყნის რაშეებსაც. მდინარეზე კი თრაგული რომ წამოვა, ჰო-ჰო, რა იქნება! ასობით დავიჭერთ, დავამარილებთ და შევბოლავთ; საუზმეზე მივირთმევთ ხოლმე; შევბოლილ თრაგულს რა სჯობია, ბიჭო! ხილიც რომ დამწიფდება, ვაკონსერვოთ და ვაკონსერვოთ. პამიდვრის კონსერვიც კარგია, თანაც ადვილად მზადდება. კვირაობით ან წიწილას დავკლავთ ან კურდღელს; თუ საქმე კარგად წაგვივა, შეიძლება ძროხაც ვიყოლიოთ ან თუნდაც თხა. ღმერთო, რამსისქე ნაღები იცის სოფლის რძემ, დანითაც ძლივს რომ ვაჭრი, ისეთი; კოვზით თუ შეჭამ მხოლოდ ლენი თვალგებფართობული მისჩერებოდა ჯორჯს, მოხუცი ჩამიჩაც არ აწორებდა თვალს. ლენიმ წყნარად ჩაურთო:

— და ჩვენ თვითონ ვიქნებით ამ მიწის ბატონ-პატრონი.

— აბა რა, — განაგრძო ჯორჯმა. — ბალჩაშიც ნაირ-ნაირი ბოსტნეული დავთესოთ, ხოლო ვისკი თუ მოგვენატრა, აგერ კვერცხი ხომ გვექნება, ან რძე ან რა ვიცო რა — ავდგეთ და გავყიდოთ. ვიცხოვრებთ ჩვენთვის არხეინად. ყველაფერა ჩვენი იქნება, რანჩოც, მიწაც. აღარ ვირბენთ აღმა-დაღმა ენაგამოგდებული ძაღლებივით, აღარც ვიღაც იაპონელის მონათითხნს შევჭამთ. არა, ძმაო, ჩვენი, საკუთარი სახლი გვექნება და ბარაკებშიც არ მოგვაწევს ღამისთევა.

— სახლზეც ახლა, ჯორჯ, ცოტა სახლზეც მოყევი, — ემუდარებოდა ლენი.

— ახლავე. პატარა სახლიც გვექნება და პატარა საძინებელი ოთახიც, პატარა ღიბიანი თუჯის ღუმელიც; ზამთარში რომ ავალუღუნებთ, მარტო ის რად ღირს. მიწა პატარაა რანჩოში. ასე რომ, მაინცდამაინც თავის მოკვლა არ დაგვჭირდება. ასე, დღეში ექვსი-შვიდი საათი რომ ვიმუშაოთ, გვეყოფა. თერთმეტი საათი რომ წელს ვიწყვეტთ ქერის ტომრების ზიდვაში, აბა ესაა საქმე? ხორბალი რომ მოსამკელი გახდება, სიამოვნებით მოვკმით. როცა იცი, რისთვის შრომობ — ხალისიც მეტია.

— კურდღლებიც, ჯორჯ, — ველარ მოითმინა ლენიმ. — მერე ხომ მე მოვუვლი იმ კურდღლებს? მოყევი რა, როგორ მოვუვლი!

— როგორ და ძალიან ადვილად: წახვალ, აიღებ ტომარას და იონჯას მოთიბავ, ჩაყრი ტომარაში, შენს კურდღლებს მიუბრუნებ, გალიაში ჩაუყრი და შეჭამენ.

— ისინიც პირს ააცმაცუნებენ და ნელ-ნელა შეახრამუნებენ. მე ვნაჯე როგორ ჰამენ, ვიცო უკვე, — თქვა ლენიმ.

— ასე, თვენახევარში, — განაგრძო ჯორჯმა. — გამრავლებიან და უამრავი კურდღელი გვეყოლება, გვინდა გავყიდოთ, გვინდა შევჭამოთ, მაინც გვეყოფა. კიდევ მტრელები მოვაშენოთ. იფრენენ და იფრენენ წისქვილის თავზე.

პატარაობისას, მახსოვს, ასე დაფრინავდნენ სწორედ, — მერე ჯორჯმა მეოცნებე თვალებით გაიხედა კედლისკენ, ლენის თავზემოთ. — ეს ყველაფერი ჩვენი იქნება, ვერავინ გვისვრის იქიდან. ჩვენ კი, თუ ვინმე არ მოგვეწონა, ვგრევე მოვახსენებთ: „ახლავე მოგვეწყდი თავიდან“, — აბა ერთი არ წასულა! ხოლო თუ მეგობარი გვესტუმრა, თავისუფალი საწოლი როგორ არ გვექნება, შევიბატიყებთ კიდევ. ასე ვეტყვი: „იქნება დარჩე ჩვენთან ლენის გასათვლად-თქო“. როგორ არ დარჩება? ერთი ძალლიც დასჭირდება სახლს — სეტერი იყო და ორი ჭრელი კატა; მაგრამ თვალი უნდა მივაღვენოთ, ბაჭიები არ დაგვიხრჩონ.

ლენი ისე აღელდა, ქშინვაც დაიწყო.

— აბა ერთი გაბედონ და მიეკარონ, ისე მოვუგრიხო იმ წყეულებს კისრები, რო... იცი... იცი... კეტს ჩავცხებ თავში, კეტს! — მერე რაღაც ჩაიბურღუნა თავისთვის, გამწარებული ემუქრებოდა არარსებულ კატებს, არარსებულ ბაჭიებს რომ გადასანსვლას უპირებდნენ.

ჯორჯი თავისი მონაყოლით თვითონვე მოხიბლული და მოჯადოებული იჯდა; და როცა უცებ ჩამიჩამ ხმა ამოიღო, მოულოდნელობისაგან ორივე ფეხზე წამოიჭრა, თითქოს რაღაც დანაშაულზე წაასწრესო.

— თქვენ რა, მართლა გეგულებათ ასეთი ადგილი? — იკითხა ჩამიჩამ. ჯორჯი უცებ გონს მოვიდა.

— დაფუშვათ, რომ გვეგულება, — უთხრა მან. — მერედა, შენ რა გესაქმება!

— მე იმას კი არ გეკითხებით სად არის-მეთქი, ეგ ჩემთვის სულერთია.

— შენთვის სწორედაც სულერთია, — უთხრა ჯორჯმა. — ასი წელი რომ ეძებო, მაინც ვერ იპოვი, იმედი ნუ გაქვს.

ჩამიჩამ აღელვებით განაგრძო:

— რამდენი უნდა მერე მაგ რანჩოში?

ჯორჯმა ექვის თვალით შეხედა.

— თუ წაევაქრე, შეიძლება ექვსასადაც დათმონ. ის მოხუცები, ვისიც ეს რანჩოა, ძალიან გაკოტრდნენ. თან დედაკაცმა ოპერაცია უნდა გაიკეთოს. თუმცა შენ რაში გაინტერესებს? შენ ჩვენთან რა საქმე გაქვს?

— რა თქმა უნდა, ცალხელა კაცი ვარ, ჩემგან დიდი ხეირი არ იქნება, — თქვა მოხუცმა. — აი, ამ რანჩოს შევწირე ჩემი ხელი, იმიტომაც დამტოვეს დამლაგებლად და ორას ორმოცდაათი დოლარითაც დამასაჩუქრეს, ეს ვითომ ხელის საფასური. ერთი ორმოცდაათიც ბანკში მაქვს შენახული. — ეს, რაც დავაგროვე. ესეც შენი სამასი დოლარი; კიდევ ორმოცდაათი მეკუთვნის, თვის ბოლოსთვის. იცით, რა... — მოხუცი მთელი ტანით წინ გადმოიხარა. — დაფუშვათ, მეც რომ შემოგიერთდეთ, მაშინ წილში გავიდოდი, სამას ორმოცდაათი დოლარი კი განა ცოტაა? ჩემგან აბა რა ხეირია, მაგრამ საჭმლის მოთითხნაც შემიძლია, ქათმების მოვლაც და ბოსტანში ჩიჩქნაც. ჰა, რას იტყვი?

ჯორჯმა თვალები მოწყურა.

— ცოტა უნდა ვიფიქრო. ჩვენ მარტო ორს გვინდოდა რანჩოს ყიდვა.

ჩამიჩამ შეაწყვეტინა:

— მე ანდერძს დავტოვე, როცა დრო მოვა და თქვენს ჭირს წავიღებ, ჩემი ქონება თქვენ დაგრჩებათ. თორე არც ნათესავი მყავს და არც არავინ. თქვენ აქვთ კი ცოტა ფული? იქნებ ახლავე გვეყიდა ის რანჩო?

ჯორჯმა ჯავრით გადაათურთხა.

— ორივეს ათიოდე დოლარი თუ გვექნება. — მერე ჩაფიქრდა და განაგრძო: — იცი, მთელი თვე ვიმუშავებთ, არაფერს დავხარჯავთ და ასი დოლარიც შეგროვდება. ესეც შენი ოთხას ორმოცდაათი. ამ ფასად ქუჩები რომ გორმე დაგვითმონ ჯერჯერობით; დანარჩენს კი მერე მივცემთ. შენ და ლენი იქ მოეწყობით და საქმეს შეუდგებით. მე სამუშაოს მოვძებნი სადმე და დანარჩენს გადავიხდი. თქვენც, კვერცხი იქნება თუ სხვა რამ სახლში, გაყიდით ხოლმე.

სამივე გაისუსა. ერთმანეთს გაოცებით შეაცქერდნენ. ეს თითქოსდა დაუჯერებელი, ნანატრი ოცნება თანდათან ხორცს იხამდა.

— ღმერთო; ნეტავი ამ ფასად კი დაგვითმონ, — თქვა სუნთქვაშეკრულმა ჯორჯმა. თვალები იმედით აევსო. — უთუოდ დაგვითმობენ, უთუოდ, — დასძინა მერე ჩუმად.

ჩამიჩა საწოლზე ჩამოჯდა. ფრჩხილებით მღელვარებით იფხოვნინდა თავის უთითებო, მორგვივით ხელს.

— ოთხი წლის უკან დამიმახინჯდა ეს ხელი, — თქვა მან. — სულ მალე ალბათ გამაძევებენ კიდევ აქედან. ჯანი რომ გამომეცლება და ბარაკის დაღობას ველარ შევძლებ, კინწისკვრით მისვრიან აქედან. წილში თუ გამიყვანთ და შემიკედლებთ, შეგიძლიათ ბოსტანი მაჩიჩქინოთ; ისე როგორ დავჩაჩანაკდები, ჭურჭელი ვერ დავრეცხო ან ქათმებს ვერ მოვუარო. ასე ცოტა ცოტას მოგეხმარებით. რაც მთავარია, ჩემი კუთხე მექნება, ჩემს სახლ-კარში ვიფუსფუსებ, — თქვა დაღონებით მოხუცმა. — ვერ ნახეთ, რა უქნეს ჩემს ძაღლს ამ საღამოს? არც სხვისთვის ვარგა რამედ და არც თავისთვისო. ასე რომ, აქედან როცა მისვრიან, მადლობელი ვიქნები, ვინმე ტყვიას თუ დამახლის. მაგრამ არა, ამ სიკეთესაც არ იზამენ. ჰოდა, არც წასასვლელი მექნება სადმე და არც სამუშაოს მომცემს ვინმე. თქვენ რომ აქ მუშაობას მორჩებით და რანჩოს ყიდვას დააპირებთ, იმ დროისთვის მე კიდევ ოცდაათ დოლარს დავაგროვებ.

ჯორჯი წამოდგა.

— უთუოდ ვგრე ვიზამთ, — თქვა მან. — ვიყიდით იმ პატარა ნაკვეთს. წავალთ და ვიცხოვრებთ იქ. — მერე ისევ დაჯდა. სამივენი ჩუმად ისხდნენ მოჯადოებულებივით, თვალწინ ნანატრი სურათი ეხატებოდათ და ფიქრით იმ ბედნიერ მომავალს შესციცინებდნენ, როცა ეს სანუკვარი ოცნება სინამდვილედ იქცეოდა.

ჯორჯმა ჩაფიქრებით განაგრძო:

— რა კარგია, დღესასწაულებზე ცირკი თუ ჩამოვა ქალაქში ან ბეისბოლს თუ ითამაშებენ... ან რა ვიცი, რას... — მოხუცმა ჩამიჩამ მოწონების ნიშნად თავი დააქნია. — ავდგებით და წავალთ. ჩვენი ნება არ იქნება? ან ვის რა უნდა ვკითხოთ? უბრალოდ ვიტყვი: აბა ერთი წავიდეთ და წავალთ კიდევ. ჯერ ძროხას მოვწვევლით, მერე ქათმებს დავაბურებთ და წავალთ.

— კურდღლებს? ჯერ კურდღლებს იონჯა უნდა ვაჭამოთ. — ჩაერია ლენი. — მაგათ თავს რა დამავიწყებს; კი მაგრამ, მაინც როდის გვექნება ეს ყველაფერი, ჯორჯ?

— ერთ თვეში. ერთი თვე კიდევ მოითმინე. იცით, რას ვიზამ? იმ მო-

ხუცს მიეწერ, რანჩო ვისიცაა, ყიდვას ვაპირებთ-მეთქი. ჩამიჩა კი ერთ ას დოლარს გაუგზავნის, სხვას რომ არ მიჰყიდონ.

— აბა რა, სწორია, — თქვა ჩამიჩამ. — ისე, როგორი ღუმელი აქვთ?

— ღუმელის დარდი ნუ გაქვს, მშვენიერია. გინდა ნახშირით გაათბობ, გინდა შეშას შეუწებებ.

— ჩემს ლეკვსაც წაგიყვან, — თქვა ლენიმ. — ძალიან მოეწონებოდა მისი ურობა, ღმერთმანი.

გარედან ხმები მოისმა. ჯორჯმა სწრაფად წაუჩურჩულა ორივეს:

— აბა, ჩუმად იყავით, კრინტიც არსად დაგვცდეთ. მარტო ჩვენ სამმა უნდა ვიცოდეთ და მორჩა. თორემ აქედან მართლა გვისვრიან და მერე ფულებსაც დაემშვიდობებთ. თავი ისე უნდა მოვაჩვენოთ, ვითომ მთელი ცხოვრება ქერის ტომრების გავსების მეტს არაფერს ვაპირებთ, მერე კი, აზრზე რომ არ იქნებიან, ისე ავიღებთ ფულს და ჩვენს ფეხსაც ვერავინ ნახავს აქ.

ლენიმ და ჩამიჩამ თავი დაუქნიეს, სახეზე ბედნიერი ღიმილი დასთამაშებდათ.

— კრინტიც არ უნდა დაგვცდეს, — ჩაილაპარაკა ლენიმ თავისთვის.

— ჯორჯ! — თქვა ჩამიჩამ.

— რა იყო?

— მე თვითონ უნდა მომეკლა ჩემი ძაღლი, ხომ კი? რაღა სხვას მოვაკვლევინე ის უბედური.

კარი გაიღო. ოთახში ზორბა შემოვიდა. მას ხუჭუჭა, ქარლსონი და უიტი შემოყვნენ. ზორბას ხელები კუპრით ჰქონდა გათხვრილი და იბღვირებოდა. ხუჭუჭა კი ფეხდაფეხ მოსდევდა. მერე მოუბოდიშა:

— ისეთი არაფერი მიფიქრია, უბრალოდ გკითხე, ზორბავ!

— რა ვიცი, ძალიან ხშირად კი მეკითხები, — უთხრა ზორბამ. — ღმერთმანი, ყელში ამომივიდა. შენს ცანცარა ცოლს თვითონ თუ ვერ უვლი, მე რა შუაში ვარ? თავი დამანებე, სანამ დროა!

— აკი გეუბნები, უბრალოდ გკითხე-მეთქი. — ისევ თავს იმართლებდა ხუჭუჭა. — ვიფიქრე, ხომ არ უნახავს-მეთქი საღმე.

— ვერ ეტყვი მერე, შინ დაეტიოს, მისი ადგილი სადაცაა, — უთხრა ქარლსონმა. — სულ ამ ბარაკებში რომ დაყიალობს, ერთხელ იქნება, კარგადაც დაგასაჩუქრებს და მერე იმტვრიე თავი.

ხუჭუჭა სწრაფად მიტრიალდა ქარლსონისკენ:

— შენ სხვის საქმეში ნუ ეჩრები, თორემ ტყვიასავით გაგარდები აქედან! ქარლსონს ჩაეცინა.

— შე მართლა ნაძირალავ, შენა! — თქვა მან. — ვითომ ზორბას დაშინება მოისურვე, არა? მაგრამ თვალიც რომ არ დაახამხამა? იქით შეგაშინა, მგონი, ბაყაყის მუცელივით გამწვანდი კაცი! ამ ჩემს ფეხებს, თუ კარგ მოკრივედ ითვლები, აბა ერთი გაბედე და თითი დამაკარე, კედელზე მიგასხმევიანებ ტვინს!

ჩამიჩამაც აუბა მხარი ქარლსონს და გაგულიანებულმა ზიზლით მიამხა:

— შე ვაზელინის ხელთათმანიანო, შენა!

ხუჭუჭამ თვალელები დაუბრიალა, მერე განზე გაიხედა და ლენის მიაჩერდა. ლენის ისევ ნეტარი ღიმილი დასთამაშებდა სახეზე, ისევ რანჩოზე ოცნებობდა.

— შენ რა ჯანდაბა გაცინებს? — პატარა ქოფაკი ძალღიჯით აუყუფდა ხუჭუჭა ლენის.

ლენიმ დაბნეული თვალები მიაბჟრო.

— რა იყო?

ხუჭუჭა ერთბაშად აენტო:

— უუჰ! შე ნაბიჭვარო, შენა! ერთი აეთრიე, ვნახოთ, რა აყლაყუდაცა ხარ! თქვე რეგვენებო, როგორ ბედავთ ჩემს განასხარავენას? ვნახოთ აბა, ვინც არის გამწვანებული!

ლენიმ უმწეო თვალებით შეხედა ჯორჯს, მერე წამოდგა. ეტყობა, ვას-ვლა უნდოდა, მაგრამ ხუჭუჭა ჩასაფრებულებით უცდიდა. მარცხენა ხელი მაგრად მოუჭნია ლენის და მარჯვენა კი ცხვირში სთხლიშა. ლენიმ შიშისაგან ღრიალი მოართო, ცხვირიდან სისხლი წასკდა.

— ჯორჯ! — დაიყვირა მან, — უთხარი, თავი დამანებოს, ჯორჯ! — უკან გაიჩოჩა, კედელს მიეყრდნო. ხუჭუჭამაც მისდია, თან სახეში გამალებით ულა-წუნებდა, ლენის ხელები უმწეოდ, მორებივით ეკიდა. შიშმა ისე აიტანა, თავის დაცვაც კი დაავიწყდა.

ჯორჯი წამოხტა და მთელი ხმით უყვირა:

— არ აცემინო თავი, ლენი! ჩასცხე ერთი მაგრად!

ლენიმ თავისი ტორებით სახე დაიფარა და შიშისაგან აყვირდა:

— უთხარი გაჩერდეს, ჯორჯ! — მაშინ ხუჭუჭამ მუცელში ხეთქა მუშტი, ლენის სუნთქვა შეეკრა.

ზორბა სწრაფად წამოიჭრა.

— უჰ, შენი! შე დამბალო ვირთხავ! — დაიყვირა მან. — მე თვითონ მოვივლი, შე ნაძირალავ, მე თვითონ!

ჯორჯმა ხელით გააჩერა ზორბა.

— შენ არ გაინძრე! — მერე ორივე ხელი პირთან მიიღო და მთელი ხმით ჩაყვირა:

— მაღი, ჩასცხე, ლენი, ჩასცხე!

ლენიმ ხელები სახიდან მოიშორა, ჯორჯს გახედა, ამასობაში კი ხუჭუჭამ შიგ თვალში სთხლიშა მუშტი. ვეებერთელა, მთვარესავით სახე სისხლით დაიფარა. ჯორჯმა ისევ უყვირა:

— ხომ გითხარი, დაარტყი-მეთქი!

ხუჭუჭას ის იყო მუშტი უნდა მოეჭნია, რომ ლენიმ პირდაპირ ხელში წაავლო თათი. წამიც და ხუჭუჭა თევზივით აფართხალდა, მისი მუშტი კი ლენის ვეება თათში ჩაკუჭულიყო, აღარც მოჩანდა. ჯორჯი ლენისკენ გავარდა.

— გეყო! გაუშვი! გაუშვი-მეთქი!

ლენი კი შეშინებული უყურებდა მუშტში გამოჭერილ აფართხალებულ კაცუნას. სახეზე სისხლი სდიოდა, გახეთქილი თვალი მოეჭუტა. ჯორჯი სახეში ურტყამდა და ურტყამდა ლენის, რომ როგორმე გონს მოეყვანა, მაგრამ ვერა და ვერ გააშვებინა მუშტი. ხუჭუჭას ფერი აღარ ედო, მთლად მოკუნტულიყო. ფართხალსაც უკლო, იდგა მხოლოდ და ღრიალებდა, მისი მუშტი ჯერ ისევ ლენის ვეება თათს ჩაებლუჯა.

ჯორჯი გაუჩერებლად უყვიროდა:

— ხელი გაუშვი, გაუშვი-მეთქი! ზორბა, მიშველე რამე, მომეხმარე, თორემ ვადაუმტვრევს და დარჩება ეგ მაიმუნი უხელოდ!

უცებ ლენიმ მუშტი გახსნა, მერე თითქოს დაშალვა უნდაო, კედელთან ჩაიციცქა და მოიკუნტა.

— შენ თვითონ არ მითხარი, ჯორჯ? — თქვა მან საცოდავად.

ხუჭუჭა იატაკზე ჩაჯდა, გაკვირვებული დასცქეროდა თავის გაჭეჭვილ ხელს. ზორბა და ქარლსონი მასთან მივიდნენ და დაიხარნენ. მერე ზორბა გასწორდა და შიშით გახედა ლენის.

— ეტყობა, ექიმთან უნდა წავიყვანოთ, — თქვა მან. — მგონი, სულ ჩაღეწილი აქვს ძვლები.

— მე არ მინდოდა! — დაიყვირა ლენიმ. — არ მინდოდა ასე სტკენოდა! ზორბა არ დაიბნა:

— ქარლსონ, წადი, ცხენები შეაბი! სოლედადში მოგიწევს ამის წაყვანა, იქ უშველიან.

ქარლსონი სწრაფად გავიდა. ზორბამ კი აწუწუნებულ ლენის დაუყვავა:

— შენი რა ბრალია! ატეხალი იყო ეგ ნაძირალა და მიიღო კიდევც, მაგრამ, ღმერთო! კინაღამ ცალხელა არ დატოვე ეგ უბედური? — ზორბა გარეთ გავარდა, წყლით სავესე ფინჯანით ისევ დაბრუნდა და ხუჭუჭას პირთან მიუტანა.

— რაო, ზორბა, გამოდის, გაგდება გვიწერია? — ჰკითხა ჯორჯმა. — არადა, ეს ოხერი ფული რომ გვჭირდება? როგორ გგონია, გაგვაგდება ხუჭუჭას მამა აქედან?

ზორბამ ცალყბად გაუცინა, მერე დაშავებულისკენ დაიხარა:

— გაქვს მაინც თავი მომისმინო? — ჰკითხა ხუჭუჭას. იმან თავი დაუქნია.

— მაშინ მისმინე, — განაგრძო ზორბამ. — მოდი ვთქვათ, რომ ხელი მანქანაში მოგყვა. თუ არავისთან არაფერი დაგცდება, ჩვენც ჩუმად ვიქნებით; თუკი ვინმესთან წამოაყრანტალებ და ამ ბიჭს აქედან გააგდებინებ, იცოდე, ყველას მოვუყვებით, რაც მოხდა, და თავი მოგეჭრება.

— არ ვიტყვი, — ამოღერდა ხუჭუჭამ, ლენისკენ არც გაუხედავს.

გარედან ბორბლების ჭრიალი მოისმა. ზორბამ ხუჭუჭა წამოაყენა.

— წამოდი ახლა, ქარლსონი ექიმთან წავიყვანს. — მან ხუჭუჭა ოთახიდან გაიყვანა. ბორბლების ჭრიალი ნელ-ნელა მიწყდა. ზორბა ოთახში შემობრუნდა. შიშისგან ჯერაც კედელზე აკრულ ლენის შეხედა.

— აბა ერთი შენი ხელეები მაჩვენე! — უთხრა მან.

ლენიმ ხელეები გაუშვირა.

— ღმერთო დიდებულო! ვაი იმის ბრალი, ვინც შენ გაგაბრაზებს, — წამოიძახა მან.

ჯორჯი ჩაერია საუბარში.

— ლენის უბრალოდ შეეშინდა, — თქვა მან. — არ იცოდა, რა ექნა. ზომ გეუბნებოდი, ჩემს მტერს მოხვდეს-მეთქი მაგისი ხელი, თუმცა, მგონი, ჩამიხასთან ვთქვი, აღარ მახსოვს.

ჩამიჩამ დინჯად დაუქნია თავი:

— ჰო, ჩემთან თქვი, დღეს დილას ხუჭუჭა რომ ეტაკა შენს მეგობარს, ასე თქვი: თუ თავის მტერი არ არის, ჯობია ლენის თავი დაინებოსო.

ჯორჯი ლენის მიუბრუნდა:

— შენი ბრალი არ არის, ლენი. რამ შეგაშინა, ბიჭო! როგორც ვითხარი,

ისე მოიქეცი და მორჩა. მგონი, ჯობია წახვიდე და ეგ სიტუათი მოიბანო. რომ იცოდე, რას გავხარ!

ლენის გადახეთქილი ტუჩები ღიმილმა მოუბრია.

— არ მინდოდა ასეთი ამბავი ამეტეხა, — დააყოლა მან. მერე კარისკენ წავიდა და, სანამ ოთახიდან გავიდოდა, ერთხელ კიდევ შემიტრიალდა. — ჯორჯ!

— რა გინდა?

— კურდღლების მოვლის ნებას ხომ მომცემ, ჯორჯ?

— რა თქმა უნდა, შენ ხომ არაფერ შუაში იყავი.

— ცუდი არაფერი მინდოდა, ჯორჯ.

— გეყოფა ახლა, დროზე გადი და ეგ სიტუათი მოიბანე.

IV

ზანგ მეჭინიბეს, კუზიანს, თავისი საწოლი საჯინიბოს იმ კუნჭულში ედგა, სადაც ცხენის აკაზმულობა და სხვა რამ ხარახურა ანახებოდა; საჯინიბოდან ეს კუნჭული კედლით იყო გამოყოფილი. სენაკის ერთ მხარეს პატარა, ოთხკუთხა და ოთხმინიანი ფანჯარა ჰქონდა, მეორე მხარეს — ვიწრო, ფიცრული კარი, რომელიც საჯინიბოში გადიოდა. საწოლის მაგივრად გრძელი, ჩაღვნილი ყუთი იდგა და ზემოდან საბნები ეწყო. ფანჯრის მხარეს, ლურსმნებზე, ახალი ტყავის ნაჭრები, კუზიანის ხელით ნახევრად შეკეთებული, დახეული ცხენის მოსართავი ეკიდა. ფანჯრის ქვემოთ პატარა სკამი იდგა და ზედ სასარაჯო იარაღი ეყარა: მოღუნული დანები, მახათები, კანაფის გორგალი და პატარა ხელის სამოჭლონო დაზგა. კედელზე სხვა ბევრი წვრილმანიც ეკიდა: დახვეული ცალული გამოჩრილი ცხენის ძუებით, ცალულის გატეხილი კაუჭი და ტყავგადამსკდარი ჰაზანი, თაროებიანი ყუთი ზედ საწოლზე იდო; კუზიანს შიგ სხვადასხვა წამლის შუშები ჩაელაგებინა, ზოგი თავისთვის, ზოგიც ცხენებისთვის. იქვე კუპრის საპნის ყუთები ეყარა და ფისიანი გახვრეტილი თუნუქის ქილა, შიგ ჩაჩრილი ფუნჯით. იატაკზე ყველანაირი ხარახურა იყო მოფენილი. თავის სენაკში კუზიანი არაფერს მაღაუდა — რანჩოში ერთადერთი მეჭინიბე იყო, თანაც კოჭლი, ხოლო რაკი აქ დიდი ხანია მუშაობდა, იმდენი ხარახურა დაგროვებოდა, ზურგზე რომ აეკიდა, ვერც კი წიკავდა.

კუზიანს რამდენიმე წყვილი ფეხსაცმელი გააჩნდა. ჰქონდა რეზინის ჩექმებიც, დიდი მალვიძარა საათი და ძველი, ერთლულიანი ფილთა თოფი; კიდევ წიგნები ჰქონდა ბევრი: დაფლეთილი ლექსიკონი, 1905 წელს გამოცემული, კალიფორნიის სამოქალაქო კოდექსის დახეული ტომი, ძველი ჟურნალები და რაღაც წიგნები — რომლებიც საწოლს ზემოთ, წიგნებისთვის განკუთვნილ თაროზე საგანგებოდ დაელაგებინა. იქვე, ლურსმანზე ოქროსფერჩაჩოიანი სათვალე ეკიდა.

სენაკი ყოველთვის სუფთად იყო გამოგვილი. კუზიანი ამაყი იყო, განმარტოებით ცხოვრობდა, ახლოს არავის იკარებდა და სხვებისგანაც ამასვე ითხოვდა. კუზის გამო მთელი ტანი მარცხნივ ჰქონდა გადაბრეცილი. ღრმად ჩავარდნილი ბრჭყვიალა თვალები თითქოს ისარივით ესობოდა კაცს. შავი,

ხმელი კანი ღრმა ნაოჭებს დაეღარა და მწუხარედ მოკუმული ტუჩები სახეზე უფრო თეთრი მოუჩანდა.

შაბათი დღე მიწურულიყო. საჯინიბოში გამავალი ღია კარიდან გარკვევით ისმოდა, როგორ აბაკუნებდნენ ცხენები ჩლიქებს, როგორ აბრამუნებდნენ თივას, როგორ ჟღარუნებდა ჯაჭვები. პატარა ელექტრონათურა მბეჭეტავ ყვითელ შუქს ჰფენდა იქაურობას.

კუზიანი თავის საწოლზე იჯდა. ზურგზე პერანგი აეწია, ცალი ხელით რაღაც მაღამოიანი ქილა ეჭირა და მეორეთი ზურგს იზელდა. დროდადრო მაღამოს ვარდისფერ ხელსგულზე იწვეთებდა და ისევ პერანგქვეშ შეაცურებდა ზურგის დასაზელად. თან იგრიჩებოდა და აქრუოლებდა.

ღია კარებს ლენი მოადგა შეუმჩნევლად. გაჩერდა და იქაურობა შეათვალიერა. მასმა ვეება სხეულმა კარის ჩარჩო თითქმის გაჰვდა. კუზიანმა ჯერ ვერ შეამჩნია, მერე თავი ასწია და დაბლვერით შეხედა დაუბატოებელ სტუმარს. პერანგიდან ნელა გამოაცურა ხელი.

ლენიმ კი, იქნებ შემისვასო, დაბნეულად, მორცხვად გაუღიმა.

კუზიანმა ბრაზიანად უთხრა:

— შენ ჩემს ოთახში შემოსვლის უფლება არა გაქვს. ეს ოთახი ჩემია. ჩემს მეტი აქ ვერავინ ბედავს შემოსვლას.

ლენიმ ნერწყვი გადაყლაბა და მორჩილად გაუღიმა კუზიანს.

— მე ისე შემოვედი, — თქვა მან. — ჩემი ლეკვების სანახავად მოვედი და სინათლე დავინახე, — აუხსნა მერე.

— რაო? სინათლის ანთების უფლებაც არა მაქვს? გადი ჩემი ოთახიდან! ბარაკში რომ არ მიშვებთ, მე კი თქვენ არ გიშვებთ აქ.

— რატომ არ გაშვებენ? — ჰკითხა ლენიმ.

— ზანგი ვარ და იმიტომ. ისინი იქ კარტის თამაშით ერთობიან, ჩემთვის კი თურმე არ შეიძლება, ზანგი ვარ და იმიტომ. ყარხარო, ასე მეუბნებიან. ერთი მე მკითხეთ, თქვენ ოფითონ როგორ ყარხართ.

ლენიმ უმწეოდ გაშალა ხელები.

— რა ვიცი, ყველანი ქალაქში წავიდნენ, — თქვა მან. — ზორბა, ჯორჯი, ყველანი. ჯორჯმა მითხრა, აქ დარჩით და არაფერი მიჰქაროო. მე კი... აქ სინათლე დავინახე და...

— კარგი, ბატონო, რა გნებავს?

— არაფერი, სინათლე დავინახე. ვიფიქრე, შევალ და დაეჯდები-მეთქი.

კუზიანი ლენის მიაშტერდა, მერე ზურგს უკან, კედელზე ჩამოკიდებულ სათვალეს წვდა, ვარდისფერ ყურებზე ჩამოიცვა და ისევ ლენის მიაჩერდა.

— მაინც ვერ გავიგე, რისთვის მოსულხარ, რა გინდა საჯინიბოში? — ასევ აუბირდა იგი ლენის. — ცხენების გამრეკი შენ არა ხარ, ტომარაში ქერის ჩამყრელებს კი აქ არაფერი ესაქმებათ, თუ გამრეკი არა ხარ, ცხენებთან რა საქმე გაქვს?

— ლეკვის, — მოიბოდიშა ლენიმ. — ლეკვის სანახავად მოვედი.

— ჰოდა, წადი და შენი ლეკვი მოინახულე. სადაც საჭირო არა ხარ, იქ ნუ ეტენები.

ლენის ღიმილი ტუჩებზე შეაშრა. ოთახში ფეხი შემოდგა, მერე მიხვდა, რასაც ეუბნებოდნენ, და ისევ კარისკენ გადააბიჯა.

— მე ის უკვე ვნახე. ზორბამ მითხრა, ძალიან ბევრს ნუ ეფერებიო.

— შენ კი სულ ხელში გყავდა, ხან ამოგყავდა და ხან ჩასვამდი ხოლმე საწყლებს. საოცარია მაინც, ამდენი ხანი სხვაგან როგორ არ გადაიყვანა ძაღლმა ლეკვები?

— ოჰ, ის წყნარადაა, არ მიბრაზდება, — ლენიმ ესევე შემოდგა ფეხი ოთახში.

კუზიანი მოიბღვირა, მაგრამ ლენის გულუბრყვილო ღიმილმა გული მოუღებო.

— ჯანდაბას, შემოდი, ცოტა ხანს ჩამოჯექი, — თქვა კუზიანმა. — რახან აღარ მეშვები, მოდი ბარემ აქ დაჯექი. — კუზიანი უკვე არ ბრაზობდა. — მაშ, ყველანი ქალაქში წავიდნენ?

— ყველანი, ჩამიჩას გარდა. ბარაკში ზის და ფანქარსა თლის; თლის და თლის და თან რაღაცას ითვლის.

კუზიანმა სათვალე გაისწორა.

— ითვლისო?! რა აქვს დასათვლელი ნეტა?

— რა აქვს და კურდღლები, — თითქმის დაიყვირა ლენიმ.

— შენ რა, გააფრინე? — ჰკითხა კუზიანმა. — მთლად შეშლილხარ, რის კურდღლები, რა კურდღლები?

— რადა, ჩვენ რომ გვეყოლება, ის კურდღლები. მე უნდა მოვუარო მერე მათ. წყალს დავალევიანებ, ბალახბულახსაც ვაჭმევ და რა ვიცი, კიდევ რა.

— გაგიფრენია და ეგ არი, — უთბრა კუზიანმა. — შენს მეგობარს რა ვუთბრა, მარტო რომ გტოვებს.

ლენიმ წყნარად უპასუხა:

— არ გატყუებ, მართლა ვაპირებთ. პატარა რანჩოს ვიყიდით და ვიქნებით ჩვენი მიწის ბატონ-პატრონი.

კუზიანი უფრო მოხერხებულად მოკალათდა თავის საწოლზე.

— დაჯექი, — შესთავაზა მან ლენის. — აი, იმ ლურსმნების კასრზე დაჯექი.

ლენი ძლივს მოიკეცა პატარა, დაბალ კასრზე.

— მაინც გგონია, რომ გატყუებ, არა? — ჰკითხა ლენიმ. — სწორს ვამბობ, სულაც არ ვამეტებ, ჯორჯს ჰკითხე, თუ გინდა.

კუზიანი შავი ნიკაპით ვარდისფერ ხელისგულს დაეყრდნო.

— შენ და ჯორჯი სულ ერთადა ხართ?

— ერთად აბა, სუყველგან ერთადა ვართ.

კუზიანმა ისევ განაგრძო:

— ხანდახან რაღაცებს გიყვება, შენ კი აზრზეც ვერ მოდიხარ, რაზეა ოაპარაკი, ასეა თუ არა? — ზანგი ლენისკენ უფრო ახლოს გადაიხარა და ღრმად ჩამჩდარი თვალებით მიაჩერდა. — მითხარი, ხდება ხოლმე ასე თუ არა?

კი... რა ვიცი... ხანდახან...

— უბრალოდ გელაპარაკება და შენ კი ვერ გაგიგია, რას ამბობს.

— კი... ხანდახან, მაგრამ ყოველთვის არა.

ზანგმა ისევ მიიწია ლენისკენ, ზედ საწოლს კიდემდე მიიჩრდა.

— მე სამხრეთიდან კი არა ვარ, — თქვა მან. — აქ დავიბადე, კალიფორნიაში, მამაჩემს პატარა რანჩო ჰქონდა. ათიოდე აკრი მიწია თუ იქნებოდა, ჭათმები ჰყავდა რანჩოში; ხანდახან თეთრკანიანი ბავშვებიც მოდიოდნენ ხოლ-

მე ჩვენთან სათამაშოდ და მეც ვთამაშობდი, ზოგიერთები ძალიან კარგები იყვნენ, მამაჩემს კი არ მოსწონდა, რომ მოდიოდნენ. კარგად დიდ ხანს ვერ ვხვდებოდი, რატომ არ მოსწონდა, ახლა კი იცოცხლე, ვიცი. — ზანგი წუთით გაჩუმდა და მერე უფრო რბილად განაგრძო: — ჩვენ ირგვლივ, რამდენიმე მილზე, სხვა ზანგის ოჯახი არც ყოფილა. აქაც ერთადერთი ზანგი ვარ, მთელ რანგში და სოლედადშიც ერთადერთი ოჯახია ზანგების, — მერე ჩაეცინა — პოდა, თუკი რამეს ვიტყვი ხოლმე, ზანგის ნაჩურჩუტევი რა მოსასმენიაო, და კაციშვილი არ მაქცევს ყურადღებას.

— როგორ გგონიათ, მალე გაიზრდებიან ლეკვები, რომ ვეფერო და ვეფერო?

ზანგმა ისევ გაიციინა.

— მაშასადამე, შენთან თავისუფლად შეიძლება ენა მოიქავო, მაინც არ დატყვავ. ლეკვები კი ერთ კვირაში წამოიზრდებიან. კარგად ჰქონია ჯორჯს საქმე. რალაცებს გიყვება და შენ აზრზეც ვერ მოდიხარ. — კუზიანი აღელდა და უფრო წინ წაიწია. — ეს მე, ზანგი გელაპარაკები, კუზიანი ზანგი, ასე რომ, ნუ მიაქცევ ამას ყურადღებას, გაიგე? თუმცა შენ ხომ მაინც ვერ დაიხსომებ. ქვეყნის მინახავს თქვენნაირები, რამდენიც გინდა — ერთი რალაცას ელაპარაკება მეორეს და სულაც არ აინტერესებს, ესმის იმ მეორეს რაიმე თუ არა. ასე ხდება ყოველთვის. ჩუმად ისხდებიან თუ ილაპარაკებენ, არა აქვს ამას მნიშვნელობა. — ზანგი ისევ აღელდა, მთელი ძალით მუხლზე შემოირტა ხელი. — ჯორჯს რაც მოეპრიანება, იმას მოგიჩიხავს; მთავარია, ილაპარაკოს, ელაპარაკოს ვილაცას და ჰყავდეს გვერდით ვილაც! მეტი რა უნდა კაცს! — კუზიანი უცებ გაჩუმდა.

მერე ისევ განაგრძო წყნარად და დამაჯერებლად:

— ისე, ჯორჯი რომ აღარ დაბრუნდეს, რას იზამ? წაიღო იქნებ მთელი თქვენი ავლადიდება და არც აპირებს დაბრუნებას, მაშინ რა?

ლენი ძლივს მიხვდა, რას ეკითხებოდნენ.

— რაო? რა თქვი? — ჩაეკითხა ეგი.

— რაო და, იქნებ შენი ჯორჯი წაბრძანდა ქალაქში და აღარ დაგიბრუნდეს-მეთქი, გამოეკიდები თუ რა? — კუზიანი კმაყოფილებით აღივსო, თითქოს პირად გამარჯვებას ზეიმობდა. — აბა ერთი თქვი, — ისევ გაიმეორა მან.

— ჯორჯი მაგას არ იზამს! — წამოიყვირა ლენიმ. — ხომ გეუბნები, ჯორჯი-მაგას არ იზამს-მეთქი, არაფრით არ იზამს! მე და ჯორჯი რამდენი ხანია ერთად ვართ. დამე დაბრუნდება, აი ნახავ! — ეჭვმა, ეტყობა, მაინც გაპკრა ლენის. — შენ როგორ გგონია, ხომ დაბრუნდება?

ლენის სასოწარკვეთილებით გახარებულ კუზიანს სახე გაეზადრა.

— ვის რა ეშმაკი უზის ტვინში, უცებ არ მიხვდე! — თქვა ზანგმა გამაღიზიანებლად. — რა იცი, იქნებ ძალიანაც უნდოდეს წამოსვლა, მაგრამ ვერ შეძლოს. იქნებ მოკლა ვინმემ, ან დაჭრა? ცოტა შემთხვევაა თუ რა?

ლენიმ თავს ძალა დაატანა, გაეგო, რას ეუბნებოდნენ.

— არა, ჯორჯი მაგას არ იზამს, — გაიმეორა მან. — ჯორჯი ისეთი ფრთხილია, მაგას ვერ დაჭრიან. ჯერაც არავის დაუჭრია, ფრთხილი რომაა, იმიტომ.

— არა, იქნებ დაიქცა ქვეყანა და აღარ დაბრუნდა შენი ჯორჯი. მაინც რას იზამ?

ლენის დაბნეულობისაგან სახე მოებრცა.

— რა ვიცი, რას ვიზამ, კარგი ერთი, რასაა რომ იგონებ? — იყვირა მან. — რატომ მატყუებ? არაფერიც არ დაუჭრიათ ჯორჯი!

— გინდა გითხრა, რა მოხდება მაშინ? — არ ისვენებდა კუზიანი. — დაგიჭერენ, გაგკოჭავენ და გიყებში გიკრავენ თავს. საყულოსაც მოგაბამენ ძალივით და იყავი მერე ასე.

უცებ ლენის თვალებში სიშმაგემ იელვა, გუგები ნელ-ნელა გაუფართოვდა. სწრაფად წამოდგა და გააფთრებული კუზიანს მივარდა.

— ვინ დაჭრა ჯორჯი? — დაიყვირა მან.

კუზიანი მიხვდა, სახუმროდ არ იყო საქმე, და შეუმჩნევლად უკან გაჩოჩდა, ხიფათს რომ გარიდებოდა.

— გაგეხუმრე, ბიჭო, — უთხრა მან. — ისე ვთქვი, იქნებ დაჭრეს-მეთქი. — არავისაც არ დაუჭრია, მშვენივრადაა და დაბრუნდება კიდევ. აბა რას იზამს?

ლენი თავზე დაადგა.

— ეგ რა ხუმრობაა? იქნებ ასე, იქნებ ისეო? აბა ერთი ვინმემ გაბედოს და ხელი ახლოს ჯორჯს!

კუზიანმა სათვალე მოიხსნა და თვალები თითით ამოიწმინდა.

— შენ მოდი, აქ დაჯექი, — უთხრა ლენის. — შენი ჯორჯი არავის დაუჭრია.

ლენი ბუზღუნით მივიდა კასრთან და ისევ ჩამოჯდა.

— აბა ერთი ვინმემ გაბედოს და ჯორჯს ხელი ახლოს! — დაიღრინა მან. კუზიანმა წყნარად განაგრძო:

— იქნებ ახლა მაინც მიხვდეს რამეს. შენ გყავს ჯორჯი და იცი, რომ აუცილებლად დაგიბრუნდება, რომ არავინ გყავდეს, მაშინ? წარმოიდგინე, რომ არავინ გყავს! წარმოიდგინე, ვერც ბარაკში შეხვალ და ვერც კარტს ითამაშებ, რატომ? ზანგი ხარ და იმიტომ. კარგი იქნებოდა? წარმოიდგინე, რომ გინდა არ გინდა, ამ სოროში უნდა ამოიყუყო და წიგნები იკითხო. ისე, დალამებამდე კი ითამაშებდი ნალობას, მაგრამ მერე? ასევე შენს სოროში უნდა შეძვრე და წიგნებს ჩაუჯდე, წიგნები კი... აბა რას გიშველის? კაცს ისევე კაცი აჭირდება, ცოცხალი კაცი, გვერდით რომ ჰყავდეს! — შესაბრალისად თქვა კუზიანმა. — თუკი არავინ გყავს, შეიძლება გააფრინო კიდევ; ვინც გინდა იყოს, რა მნიშვნელობა აქვს, ოღონდ კი იყოს ვიღაც! გესმის, ადამიანო?! — დაიყვირა მან. — მარტოობაზე საშინელი არაფერია ამქვეყნად — ყელში ამოგივა მაშინ ყველაფერი!!!

— ჯორჯი აუცილებლად დაბრუნდება, — დამფრთხალი ხმით აწყნარებდა თავის თავს ლენი. — იქნებ უკვე მოსულია კიდევ, იქნებ ჯობდეს წავიდე და ვნახო.

— შენი არც დაშინება მინდოდა და არც წყენა, — უთხრა კუზიანმა. — ჯორჯი აუცილებლად მოვა. მე მხოლოდ ჩემს ბედს ვტიროდი. ზიხარ აქ სალამობით მარტოდმარტო გამოკეტილი; ხან წიგნს წაიკითხავ, ხან ფიქრობ რამეზე, ხანაც სხვა საქმეს გაიჩენ, ზიხარ ასე მარტო, გამოკეტილი და ფიქრობ რაღაცას, მაგრამ ვაი რომ ვერავის ჰკითხავ, სწორად ფიქრობ თუ არა. დაინახავ რამეს და არ იცი, მართლა ხედავ თუ არა. არადა, სულიერი არა გყავს გვერდით, რომ შეეკითხო, მანაც დაინახა თუ არა. ვერაფერს გაიგებ და ვერც ვერავინ გეტყვის. რა ხანია აქა ვცხოვრობ და რა არ მინახავს; მთვრალი არა

ყყოფილვარ, მაგრამ მეექვსეება კიდევ, ძილში ხომ არ ვნახე-მეთქი ყველაფერი. აი, ვინმე რომ მყავდეს, ის მეტყობდა, სიზმარში ვიყავი თუ ცხადში. ჰორცა, მაშინ ყველაფერი გაირკვეოდა. მაგრამ მარტო ვარ და ვერაფერი გამიგია, ვერაფერი! — კუზიანი სადღაც იქით, ფანჯრისკენ იყურებოდა.

— ჯორჯი მე არასოდეს მიმატოვებს. ვიცო მე, ჯორჯი ვინაა? არაფერი არ იხამს, — საცოდავად წაიღუდუნა ლენიმ.

მეჯინიბე ჩაფიქრებულიყო, მერე ისევ ოცნებით განაგრძო:

— მახსოვს, პატარაობისას, მამაჩემთან რომ ვცხოვრობდი რანჩოში, მამას ქათმები ჰყავდა. სამი ძმა ვიყავით. ერთად გავიზარდეთ ჩვენს რანჩოში. ერთ ოთახში გვეძინა. ერთ ლოგინში ვიწექით სამივე. ბაღში ხენდრო იზრდებოდა, გვერდით კი იონჯა. მახსოვს, სისხამ დილით, ინათებდა თუ არა, როგორ გამოვუწვევდით ხოლმე ქათმებს იონჯას საჭმელად. ჩემი ძმები რკინის ღობეზე წამოჯდებოდნენ და იქიდან უთვალთვალდებდნენ ქათმებს. სულ თეთრი, ფუმფულა ქათმები გვყავდა.

ლენი თანდათან გაიტაცა საუბარმა.

— ჯორჯმა თქვა, იონჯა უნდა დავთესოთ კურდღლებისთვისო.

— რომელი კურდღლებისთვის?

— ჩვენ კურდღლებიც გვეყოლება და ხენდროც გვექნება ნაკვეთზე.

— გაგიფრენია და ეგ არის.

— კურდღლებიც და ხენდროც, აი, ჰკითხე ჯორჯს.

— გეუბნები, გაგიფრენია-მეთქი, — ისევ აგდებით უთხრა კუზიანმა. —

ასობით მინახავს გზაზე თუ რანჩოში ზურგზე ფუთამოკიდებული მეოცნებეები, ასეთი სისულელეებით რომ ჰქონიათ გამოტენილი თავი. ასობით-მეთქი, ხომ გეუბნები, ასე მიწის ნაკვეთზე ოცნებით გამოსულელებული მოსულან და წასულან კიდევ. ოცნება ოცნებად შერჩათ და მიწის ნაკვეთი კი არავის ღირსებია. როგორც ცაში არ აფრენილა არავინ, ისე საკუთარი მიწაც არავის ღირსებია... ეგ მხოლოდ ოცნებაა და სხვა არაფერი! განა სულ მაგაზე არ ლაპარაკობენ გამწარებულები, მაგრამ ოცნება ოცნებად რჩებათ. — კუზიანი გაჩუმდა და ღია კარისკენ გაიხედა. ალვირები აჟღარუნდა, ცხენებს მოუსვენრობა დაეტყოთ და ჰიბინი დააწყეს. — ალბათ ვიდაც მოდის, — თქვა კუზიანმა. — ზორბა ხომ არაა? ღამით ხანდახან შემოივლის ხოლმე. კარგი გამრეკია, გადაყოლილია თავის ცხენებზე. — კუზიანი ძლივს წამოდგა და კარისკენ წავიდა. — თქვენა ხართ, ზორბა? — დაიძახა მან.

პასუხი ჩამიჩამ გასცა.

— ზორბა ქალაქში წავიდა. ლენი ხომ არ გინახავს შემთხვევით?

— შენ იმ აყლაყულაზე მეკითხები?

— ჰო, იმაზე. ხომ არ გინახავს?

— აქ არის, — მოკლედ უპასუხა კუზიანმა. შემდეგ ოთახში შებრუნდა და თავის საწოლზე წამოწვა.

ჩამიჩა კარებში იდგა, მორგვევით ხელს იფხანდა და მბეჭეტავ სინათლეზე თვალებს კუტავდა. შემოსვლა არც უფიქრია.

— იცი რა, ლენი? რამდენი ხანია სულ იმ კურდღლებზე ვფიქრობ.

— თუ გინდა შემობრძანდი, — ჩაიბურღუნა კუზიანმა.

ჩამიჩა ცოტა არ იყოს, დაიბნა.

— რა ვიცი... თუ მიშვებ, შემოვალ.

— შემოდი რაღა, სხვა თუ შემოვიდა, შენც შეგიძლია. — კუზიანის დაბ-
ღვერილი სახე ძლივს მალავდა სინარულს.

ჩამიჩა დარცხვენით შევიდა სენაკში.

— პატარა, მაგრამ მყუდრო ოთახი გქონია, — თქვა მან, — თქვა მან, — კარგია
არა, საკუთარი ოთახი რომ გაქვს?

— კარგია, ჩემმა ნზემ, ფანჯრების ქვეშ ნების მთელი ზვინი რომ მიდ-
გას... ამაზე უკეთესი რა უნდა იყოს?

— კურდღლებზე თქვი, — ჩაერია ლენი.

ჩამიჩა იქვე ჩამოკიდებული ცალულას გვერდით კედელს მიეყრდნო, მე-
რე ისევ თავისი მორგევივით ხელი მოიფხანა.

— რა ხანია აქა ვცხოვრობ, — დაიწყო მან. — შენც ასე არა ხარ, კუ-
ზიანო? ჰოდა, ამ სოროში კი პირველად მოვხვდი.

— აბა შეაკანიანის ოთახში შემოსვლა როგორ იქნება? — თქვა მოღუშვით
ზანგმა. — ზორბას გარდა აქ არავინ შემოდის. ზორბა და ბოსი თუ შემოვლენ
ხანდახან, სხვა არავინ.

ჩამიჩამ უცებ შეცვალა საუბარი:

— ზორბასნაირი კარგი გამრეკი ჯერაც არ მინახავს.

ლენი მოხუცი დამლაგებლისკენ დაინხარა.

— კურდღლებზე რატომ არაფერს ამბობ? — ჩააჯინდა იგი.

ჩამიჩამ გაუღიმა.

— ჰო, ბევრი ვიფიქრე და იცი, რა მოვიფიქრე? კარგა თუ მოგვიდებთ
ამ საქმეს ხელს, კურდღლებით ფულის გაკეთებაც კი შეიძლება.

— კი მაგრამ, მათ ხომ მე უნდა მოვუარო? — შეაწყვეტინა ლენიმ. —
ჯორჯმა ასე თქვა, შენ მოუვლიო, დამპირდა კიდევ.

კუზიანი თამამად ჩაერია.

— თქვენ, მგონი, თავს ისულელებთ და ეგაა. გაუთავებლივ მაგაზე ლაყ-
ბობთ, მაგრამ, დამიჯერეთ, მიწას თვალითაც ვერ ნახავთ. შენი დღე და მოსწ-
რება დამლაგებელი იქნები აქ, ჩამიჩავ, სანამ ყუთში არ ამოგტედავენ. ექ!
ცოტა მინახავს აქ ასეთები? ლენი კი, ერთი-ორი კვირაც და, მორჩება თავის
საქმეს თუ არა, ისევ გზას დაადგება სამუშაოს საძებრად. აი, ნახავთ. კაცი
არ მინახავს, საკუთარ მიწაზე რომ არ ოცნებობდეს.

ბრაზმორეულმა ჩამიჩამ ლოყა მოისრისა.

— ოჰ, გამიხმეს ეს თავი, თუ ეგ საქმე არ გავაკეთოთ. ჯორჯმა თქვა, აუ-
ცილებლად ვიზამთო. ფულიც კი გვაქვს გადანახული.

— ჯორჯმა თქვაო? — იკითხა კუზიანმა. — მერედა, სადა ბრძანდება
თქვენი ჯორჯი, თუ იცით? სადა და ქალაქში — ბოზებთან; აი, რაში მიდის
თქვენი ფულები. ბევრჯერ ვარ ასეთი ამბის მომსწრე, ღმერთია მოწმე. თქვენ-
ნაირი ხალხი ბევრი მინახავს, საკუთარ მიწაზე ოცნებით რომ ჰქონიათ გამო-
ტენილი თავი. ოცნებით, ბატონო, თორემ მიწა არც ერთს არ ღირსებია.

— რა თქმა უნდა, ყველა ოცნებობს მაგაზე! — შესძახა ჩამიჩამ. — ყვე-
ლას უნდა საკუთარი მიწა ჰქონდეს, თუნდაც ერთი მტკაველი! ოღონდ სა-
კუთარი კი ერქვას. ყველას უნდა საკუთარ ჰერქვეშ ცხოვრება, რომ არავინ გა-
აგდოს უპატრონო ძაღლივით. წესიერი ცხოვრება არასოდეს მღირსებია. ამ
შტატში ვისთვის არ მითესია პური და ფაეიც მომიკლავს. მოსავალიც მე ამი-
ღია, მაგრამ რა დამრჩენაა იქიდან — არაფერი. სხვისი იყო ეგ მოსავალი. სხვი-

სი! ახლა კი საკუთარი მიწა გვექნება, ეჭვიც არ შეგებაროს, აი, ნახავ ჯორჯს ქალაქში ფული არ წაუღია. ფული ჩვენ ბანკში გვაქვს, მე, ლენის და ჯორჯს. სახლი უნდა ვიყიდოთ. ძალდი გვეყოლება და კურდღლები და კიდევ ქათმები. სიმინდიც გვექნება დათესილი. შეიძლება ძროხაც კი გვეყავდეს, ან თბა, --- ჩამიჩა ისე გაიტაცა, ამ თავისმა მონაგონმა, რომ უცებ გაჩერდა.

— ესე იგი, ფული შენახული გაქვთ? — იკითხა კუზიანმა.

— დიახაც გვაქვს. სულ ცოტალა აკლია და იმ ცოტასაც მალე ვიშოვით, სულ ერთ თვეში. ჯორჯმა ადგილიც კი შეარჩია უკვე.

კუზიანმა ხელი გაწია და ზურგი მაგრად მოიფხანა.

— მაგ საქმის ბოლომდე მიმყვანი ჯერ კაცი არ მინახავს, — თქვა მან. — რამდენი ვიცი, კინალამ ჭკუაც არ დაკარგეს საკუთარ მიწაზე ფიქრით, მაგრამ საროსკიბოებში წანწალმა და კარტის თამაშმა ჩაუფუშათ ეგ ოცნებები. — კუზიანმა წამით იყუჩა. — თქვენ თუ... ბიჭებო... ერთი მუქთა ხელი თუ გჭირდებათ, მარტო თუ შემინახავთ, მეტი არაფერი მინდა... სიამოვნებით წამოვალ თქვენთან ერთად. არც ისეთი საპყარი ვარ, თუ მოვიწოდო, ვირივით ვიმუშავებ.

— ბიჭებო, ხუჭუჭა ხომ არ გინახავთ ვინმეს?

მოსაუბრეებმა უცებ კარისკენ გაიხედეს. კარებში ხუჭუჭას ცოლი იდგა. სახე უსაშველოდ გაეთხიპნა ფერუმარლით. პირი ოღნავ გაეღო. ნარბენი ძალღივით ქშინავდა.

— ხუჭუჭა აქ არ შემოსულა. — ამრფხით უთხრა ჩამიჩამ.

ქალი ისევ კარებში იდგა, ოღნავ უღიმოდა მამაკაცებს და თან თითებით თავის წითელ ფრჩხილებს ეალერსებოდა. თამამად შეათვალიერა სამივე.

— ყოვლად უხეირო და უვარგისები აქ დაუტოვებიათ, — გამოაცხადა მან ბოლოს. — ძნელი მისახვედრი არაა, ხუჭუჭა და სხვებიც სად გაქრნენ, ვიცი, სადაც ბრძანდებიან.

აღტაცებული ლენი ქალს თვალს არ აშორებდა; კუზიანი და ჩამიჩა კი ცდილობდნენ არ შეეხედათ და დაბღვერილები იატაკს დაშტერებოდნენ. ბოლოს ჩამიჩამ დაარღვია სიჩუმე:

— თუ ასეთი გულთმისანი ხარ, ჩვენ რაღას გვეკითხები, ხუჭუჭა სად არისო?

— საოცარია პირდაპირ, — დაშცინავი ღიმილით თქვა ქალმა. — რომელიმე თქვენგანი მარტო თუ შემხვდით, მშვენივრად ვუგებთ ერთმანეთს. საკმარისია ორნი მაინც იყოთ და იმწამსვე პირს შეკრავთ ხოლმე. — მერე თავის ფრჩხილებს მოეშვა და ხელები თეძოებზე შემოიწყო. — გეშინიათ ერთმანეთის და იმიტომ. ყველას გეშინიათ, ვინმემ რამე ზედმეტი არ გაიფიქროსო.

ცოტა ხნით სიჩუმე ჩამოვარდა. მერე კუზიანმა თქვა:

— მე მგონი, აქედან დროზე რომ მოუსვა, ისა ჯობს. ასატკივებელი თავი სადა გვაქვს?

— კი მაგრამ, რა ისეთი თავის ამატკივებელი მე მნახეთ. არ შეიძლება ვინმეს რომ დაველაპარაკო, თუ რა? ყელში ამომივიდა სულ შინ ჯდომა.

ჩამიჩამ მორგვივით ხელი მუხლზე ჩამოიღო და მეორეთი ფრთხილად დაიზილა.

— შენ ქმარი გყავს თუ არა? ჰოდა თუ გყავს, დაეტიე შენს სახლში. რა-

საა, რომ აღმა-დაღმა დადიხარ და ყველა შარვლიანს თვალებს/ტყრაწავ? აი, ნახავ; ვინმე ხიფათში თუ არ ჩაავდე.

ქალი მთლად გაქაპასდა.



— კი, ქმარი მყავს, როგორ არა. თქვენც მშვენივრად იტყობთ!! ხომიანი ბიჭია, არა? რას იტყვით? თუკი ვინმეს ვერ იტანს, დადის წინ და უკან და სულ იმის ფიქრშია, რითი დაემუქროს. სიყვარულით მაგას არავინ უყვარს გგონიათ, ძალიან მეხალისება იმ დამპალ სახლში ყოფნა? მთელი დღეები მხოლოდ მაგის ტრაბახს უნდა უსმინო — როგორ გაუქანებს ჯერ მარცხენა ხელს ორჯერ, მერე თავის უტყუარ მარჯვენას როგორ მიაყოლებს და... „ერთი-ორს გავუქანებ, — ასე ამბობს, — ჩემებურად, და ბოლოსაც მოვუღებ“... ქალი უცებ გაჩერდა და სახე გამოუცოცხლდა, რაღაც ინტერესმა გაუელვა თვალეში: — ერთი მითხარით, რა დაემართა ხუჭუჭას ხელზე?

უხერხული სიჩუმე ჩამოვარდა. ჩამიჩამ მალულად ლენის გახედა, მერე ჩაახველა.

— ხელი?... ხუჭუჭას... ხელი მანქანაში მოუყვა და... იტკინა.

ქალმა გამომცდელად შეხედა და მერე კისკისი აუტყდა.

— რას მიედ-მოედებით? ჩემი მოტყუება ასე ადვილი ხომ არ გგონიათ? განა არ ვიცი, თვითონ ატეხდა აყალმაყალს და მერე თვითონვე გაება მახეში ალბათ. თქვენ კი — მანქანაში მოუყვაო. სისულელეა! რაც ის ხელი დაემტვრა, მაგისი „ერთი-ორს გავუქანებ“ აღარც გამიგია. მაინც ასე ვინ გააღამაზა, არ მეტყვით?

მოდუშულმა ჩამიჩამ ჯიუტად გაიმეორა:

— მანქანაში მოუყვა ხელი.

— ეგრე იყოს, — ზიზღით თქვა ქალმა. — ეგრე იყოს. ასე ძალიან თუ გინდათ, დამალეთ, რა მენაღვლება, ძალიან კი მოგაქვთ თავი, თქვე უნიფხობო! მე რა, ბავშვი ხომ არ გგონივართ? იცით რა, თავისუფლად შემეძლო მიმეტოვებინა აჭაურობა და სცენაზე მეთამაშა. ცოტა შესაძლებლობა კი არ მქონდა. ერთი დამპირდა კიდევ, კინოში ვათამაშებო, — აღელვებისაგან ქალს სუნთქვა შეეკრა. — აბა ესაა საქმე? შაბათია და ყველა თავის ნებაზე ატარებს დროს, ყველა უკლებლივ; მე კი რას ვაკეთებ? ვდგავარ აქ და ამ სამ უნიფხოსთან: ზანგთან, გამოლენჩებულსა და ერთ ამყრალებულ ძალღთან ერთად ენას ვიქავებ და მიხარია იმიტომ. რომ სხვა ხმის გამცემი არავინა მყავს!

ლენი პირდაფრენილი მიშტერებოდა ქალს. კუზიანმა ზანგი კაცისთვის ჩვეული — საკუთარი ღირსების ცივი, საზარელი. მაგრამ თავდასაცავი ნიღაბი ჩამოიცვა. მოხუცე ჩამიჩამ კი თითქოს მთლად შეცვალესო — მხნედ წამოდგა და, ზედ რომ იჯდა, იმ სკამს ფეხი მთელი ძალით გაჰკრა.

— საკმარისია! — დაიყვირა ვაავებულმა. — აქ არავის დაუპატიჟებინართ. მე მგონი, თავიდანვე გითხარით. და იცით რა, ძალზედ მცდარი აზრისა კი ყოფილხართ ჩვენზე. თუმცა თქვენისთანა ქათმისტვინას მეტი რა მოეკითხება; ჩვენ არც ისეთი უნიფხობები და უსაქმურები გახლავართ. ვთქვათ და, გაგვაგდეთ აქედან. არა, ვთქვათ და გაგვაგდეთ! თქვენ გგონიათ, მათხოვრებით გზას გავუდგებით ამისთანა ორპენსიანი სამუშაოს საძებრად? ჩვენ საკუთარი რანჩოცა გვაქვს და სახლიც. ასეა, დიახ, საქმე! ჩვენ აქ გაჩერება არც გვინდა. საკუთარი სახლი გვაქვს და ბაღი; ქათმებიც გვყავს, აჭაურობას თუ არა სჯობდეს — თავს მოვიჭრი, მეგობრებიც გვყავს. მეტი რაა საჭირო? აღრე

იქნებ ძალიანაც გვეშინოდა აქედან გაგდების, მაგრამ ახლა კი რა მოგახსენო, სულაც არ გვადარდებს. საკუთარი მიწა გვაქვს და არავინ შეგვეცდობა. ახლავე შეგვიძლია იქ გადასვლა.

ხუჭუჭას ცოლს სიცილი აუტყდა.

— რა სისულელეა! კაცების მეტი რა მინახავს! ორად-რამუნსსს მგირჩენო თუ არა, გამოხდილ არაყს იშოვით და სულ გამოლოკავთ. არ ვიცი თქვენო ამბავი?

ჩამიჩას თანდათან აუჭარხლდა სახე და, სანამ ქალი დაამთავრებდა, ძლივს მოახერხა თავის შეკავება. მოხუცს ახლა აღარაფრის ეშინოდა და გათამამებულმა წყნარად უთხრა ქალს:

— ეგრეც ვიცოდი, ახლა კი გირჩეენია წაბრძანდე აქედან. ჩვენ თქვენთან არაფერი გვაქვს საერთო. ჩვენი საქმე ჩვენ ვიცით და სულაც არ გვაინტერესებს, რა აზრისა ბრძანდებით ჩვენზე. ასე რომ, სანამ დროა, მოუსვით აქედან, თორემ ქმარმა რომ გნახოს, არა მგონია, ძალიან გაუხარდეს, ჩვენისთანა უნიფხოებთან ენას რომ იქავებ.

ქალმა სათითაოდ ჩაათვალიერა ისინი. ყველა დაბღვერილი იჯდა, თითქოს პირი შეკრესო. ყველაზე დიდხანს ლენის დააკვირდა, სანამ შეშფოთებულმა ბიჭმა თვალეები არ დახარა, მერე ქალმა უცებ ჰკითხა:

— სახე რომ დაგჩეჩქვია, საიდან?

ლენიმ დამნაშავესავით ასწია თავი.

— ვის? მე?

— დაახ, შენ.

ლენამ ჩამიჩას საწყალობელი თვალეებით გახედა და მერე ისევ თავის თათებს დააშტერდა.

— იმან ხელი მანქანაში მოიყოლია, — წამოროშა მან.

ხუჭუჭას ცოლმა გადაიკისკისა.

— კი ბატონო, მანქანა იყოს, შენ კიდევ გნახავ და მაშინ მოგელაპარაკები. ძალიან კი მიყვარს ეგ მანქანები, — თქვა მან.

— მაგას თავი დაანებეთ, — ჩაერია ჩამიჩა, — რამე ხათაბალაში არ ვახვიოთ! ყველაფერს ვეტყვი ჯორჯს, აქ რაც იქაქანეთ. ლენის რომ ეკურკურო, იმის ნებას არ მოგცემს.

— ჯორჯი ვინდაა? — ჰკითხა ქალმა ლენის. — ის პატარა ხომ არა, შენ რომ მოგყვა?

ლენის სახე გაეზადრა.

— სწორედ ისაა, — თქვა მან. — ის დამპირდა, კურდღლების მოვლის ნებას მოგცემო.

— ამის მეტი თუ არაფერი გინდა, ერთ-ორ კურდღელს მეც გიშოვი სადმე კუზიანი საწოლიდან წამოიჭრა და ქალს მიუბრუნდა.


— ეხლა კი გეყოთ! — მკვახედ უთხრა მან. — ან კი რა უფლება გაქვთ, შავკანიანის ოთახში რომ შემოდიხართ და ერთ ამბავს მიტეხთ აქ? აქედან მიბრძანდით ჩქარა! თუ არა და ბოსს ვეტყვი, რომ საჯინიბოში ცხვირიც არ შემოგაყოფინოთ!

ქალმა ზიზლით გახედა.

— იცი, რას ვეტყვი, შავდრუნჩავ! — დაუყვირა მან. — კიდევ თუ გაბედუ და ხმა ამოიღე, ხომ იცი, რისი გაკეთებაც შემოიძლია?

კუზიანმა ერთი საცოდავად გახედა, ისევ თავის საწოლზე ჩამოჯდა და მიჩუმდა.

ქალი არ ეშვებოდა:

— არა, ხომ იცი, რისი გაკეთებაც შემიძლია? 

კუზიანი მოიკუნტა, თითქოს დაბატარავდა კიდევცხურჯი მადელს მიეყრდნო.

— ვიცი, ქალბატონო.

— თუ იცი, შენს ტყავში დაეტიე, შევკანიანო მაიმუნო! ისე ადვილად შემიძლია შენი თავი ჩამოვაკონწიალებინო, სალაპარაკოდაც არ ღირს.

კუზიანი სულ ჩაქრა, ადამიანის აღარაფერი შერჩა, აღარც ზიზღს იწვევდა და აღარც სიყვარულს.

— დიახ, ქალბატონო, — ისევ წაილულლულა მან; ხმაც კი დაჰკარგვოდა.

ერთხანს ქალი ჩასაფრებულებით თავს დაჰყურებდა ზანგს, აბა ერთი კიდევ გაინძრეს, შავი დღე დავაყაროო, მაგრამ კუზიანი გაქვავებულიყო, თვალს არიდებდა, თითქოს რაც კი სატკივარი ჰქონდა, ყველა გულში ჩაეკლა და გულგრილობის ნილაბი ჩამოეცვა. მერე ქალი დანარჩენი ორისკენ მიბრუნდა.

მოხუცი ჩამიჩა გაოგნებული უყურებდა.

— თქვენ თუ მაგას გაბედავთ, არ გეგონოთ, გაეჩუმდეთ, — უთხრა ქალს წყნარად. — ვიტყვით, ცილს რომ სწამებთ კაცს.

— იტყვით და ჰირსაც წაუღიხართ! — დაიყვირა ქალმა. — მაინც არ დაგიჯერებენ, ყურსაც არაფინ დაგიგდებს, ვითომ არ იცი! ყურსაც არაფინ დაგიგდებს!

ჩამიჩა ჩაჩუმდა.

— ჰო, — დაეთანხმა იგი ქალს. — სწორია, ყურსაც არაფინ დაგიგდებს!

— ჯორჯთან მინდა, ვაიმე, ჯორჯთან მინდა! — აწუწუნდა ლენი.

ჩამიჩა ლენის მიუახლოვდა.

— კარგი, დაწყნარდი, — უთხრა მან. — აგერ, ბიჭებიც მოდიან, ხმა მესმის. შენი ჯორჯი უკვე ბარაკშია ალბათ. — მერე ხუჭუჭას ცოლს მიუბრუნდა. — ახლა კი გირჩევნიათ წახვიდეთ აქედან. — უთხრა დინჯად. — თუ ახლავე წახვალთ, ხუჭუჭას არ ვეტყვით, აქ რომ იყავით.

ქალმა ცივად ახედ-დახედა ჩამიჩას.

— მოდიან და ფეხის ხმაც გაიგე? დაგიჯერო ვითომ?

— სიფრთხილეს თავი არ სტკივა, — უთხრა ჩამიჩამ. — გჯერათ თუ არა, მაინც ჯობია დროზე გაასწროთ.

ქალი ახლა ლენის მიუბრუნდა.

— ძალიან კარგი, ცოტა ჰკუთა რომ ასწავლე იმ ჩემს ქმარს, თვითონ ატენა ალბათ ჩხუბი, ახლა მაგაზე! ხანდახან მეც ისე მინდა ჰკუთა ვასწავლო. — მერე კარებში გასხლტა და ჩაბნელებულ საჯინიბოში გაუჩინარდა. სწორედ ამ დროს გაისმა აღვირების ქლარუნი, აფრუტუნდნენ ცხენები და ფლოქვები აათქარუნეს.

— კუზიანს ბორკილები თითქოს მოეხსნა, თითქოს თანდათან განთავისუფლდა იმ თავდასაცავი ნილაბისაგან, აქამდე რომ ბოჭავდა.

— მართლა მოგესმა ბიჭების ფეხის ხმა?

— ჰო, მართლა მომესმა.

— მე კი არაფერი გამიგია.

— ჭიშკარმა გაიჭრიალა, — თქვა ჩამიჩამ. — ღმერთო, კიდევ კარგი, იმ ქალმა ისე ჩუმად იცის გასრიალება, ვერც შეამჩნევდნენ, შეჩვეულია ალბათ. კუზიანს აღარ სიამოვნებდა ქალზე საუბარი.

— თქვენც რომ წახვიდეთ, აჯობებს, — თქვა მან. — არ მინდა აქ იყოთ. შავკანიანსაც ხომ უნდა პქონდეს ამ ქვეყანაზე რაღაც უფლებები, თუნდაც თვითონ არ მოსწონდეს.

— იმ ბოზანკალას მაინც არ უნდა გაეებდა შენთან ასე ლაპარაკი, — უთხრა ჩამიჩამ.

— რა მნიშვნელობა აქვს, — გულგრილად თქვა კუზიანმა. — თქვენმა აქ შემოსვლამ, აქ ყოფნამ დამაფიწყა, ვინცა ვარ, თორემ იმ ქალმა რაც თქვა, ყველაფერი მართალია.

ცხენები ისევ აფრუტუნდნენ საჯინიბოში, ისევ აჟღარუნდა აღვირები, მერე ვილაცამ ხმამაღლა დაიძახა:

— ლენი, ბიჭო, აქა ხარ?

— ჯორჯია! — წამოიყვირა ლენიმ და სხარულით გასძახა: — აქა ვარ, ჯორჯ, აქა!

ჯორჯი იმწამსვე ღია კარებში გამოჩნდა და უკმაყოფილოდ შეათვალიერა სენაკი.

— კუზიანის ოთახში რა გინდა? აქ შემოსვლა არ შეიძლება.

კუზიანმა თავი დაუქნია.

— ვეუბნებოდლი, მაგრამ არ დამიჯერა.

— მერე და, რატომ არ გამოაგდე?

— მეც არ ვაყავი მაინცდამაინც უარს, — უბასუხა კუზიანმა. — ლენი კარგი ბიჭია.

ჩამიჩა ერთბაშად აფორიაქდა.

— იცი, ჯორჯ! დიდხანს ვიფიქრე და მოვიფიქრე კიდევ; იცი, რა იოლად შეგვიძლია კურდღლებზე ფულის გაკეთება?

ჯორჯი გაბრაზდა:

— აკი ორივეს ვითხარით, კრინტიც არსად დაძრათ-მეთქი.

ჩამიჩა შეკრთა.

— ჩვენ არავისთვის არ გვითქვამს, მარტო კუზიანს ვუთხარით.

— გეყოთ პხლა, ახლავე წამოდით. ღმერთო, ერთი წუთითაც არ შეიძლება თქვენი დატოვება.

ჩამიჩა და ლენი წამოდგნენ და კარს მიაშურეს. კუზიანმა დაუძახა:

— ჩამიჩა!

— ჰო!

— ხომ გახსოვს ბოსტანზე და სხვა შავ საქმეებზე რომ ვითხარი?

— კი, როგორ არა, მახსოვს.

— ჰოდა, დაივიწყე, — უთხრა კუზიანმა. — მე ისე ვთქვი, ვიხუმრე, არ მინდა და არც მომინდება თქვენს რანჩოში ყოფნა.

— ეგრე იყოს, შენი საქმისა შენ იცი. ძილი ნებისა.

სამივენი ოთახიდან გავიდნენ. საჯინიბოში ისევ აფრუტუნდნენ ცხენები და ისევ აჟღარუნდა აღვირები.

კუზიანი საწოლზე ჩამოჯდა, ერთხანს მიმავალთ გაპყურებდა, მერე თავის მაღამოიან ქილას სწვდა, ზურგზე პერანგი აიწია, მალამო ხელისგულზე დაიწვეთა და ნელა დაიწყო ზურგის ზელა.



ვეებერთელა საჯინიბოს ერთ მხარეს ნედლი თივის ზვინი იდგა, თითქმის ჭერამდე აღწევდა; იქვე ზოთხებოდა ფიწალი ეკიდა. ზვინი ქმინის კალთასავით ეშვებოდა საჯინიბოს მეორე მხარისკენ და მოსწორებულად განსტევიდა კედელს, თითქოს თივის დასაყრელად დაეტოვებინათ ადგილი. ორივე მხრიდან ცხენის ბაგეები ჩამწკრივებულყო, ტიხრებს შუა ცხენებს გამოეყოთ თავი.

კვირა დღე იყო. ცხენები ისვენებდნენ; თივის ნარჩენებში დრუნჩით იქეჭებოდნენ, ხის ტიხრებს წიხლებს სცემდნენ და აღვირებს აჟღარუნებდნენ. კუჭრუტანებში გამოღწეული მზის შუქი ზოლებად ეფინებოდა თივას. ბუზები ტვინისწამლებად ირეოდნენ ნაშუადღევის დახუთულ ჰაერში.

გარედან გარკვევით ისმოდა ნალების ხათქახუთქი სათამაშო რკინის დაფაზე, რასაც გამამხნევებელი ან დამცინავი შეძახილები მოსდევდა. საჯინიბოში კი სიმშვიდე სუფევდა. მომქანცავ სიციხეში ზანტად დაბზუოდნენ ბუზები.

თავლაში მხოლოდ ლენი დარჩენილიყო, თივაზე იჭდა ლეკვების ყუთის გვერდით, სწორედ იმ ადგილას, სადაც თივის ზვინი ჭერამდე არ იყო ასული. იჭდა და მის წინ დაგდებულ მკვდარ ლეკვს დაჰყურებდა. დიდხანს უყურა, მერე ვეება ხელი გაწია და ალერსიანად გადაუსვა ლეკვს თავიდან კუდამდე. შემდეგ კი ჩუმი, ნაზი ხმით ჩაეკითხა:

— ნეტავ რამ მოგკლა, შე საცოდავო? შენ ხომ თავივით პაწაწუნა არ იყავი? განა ისე მაგრად მოგიჭირე ხელი? — მერე ლეკვს თავი ცოტა აუწია, დრუნჩში ჩააცქერდა და ისევ უთხრა: — ახლა კი ჯორჯი ნამდვილად აღარ მომაშენებინებს კურდღლებს, თუ გაიგებს, რომ შემომაკვდი.

პატარა ორმო ამოთხარა, შიგ ლეკვი ჩააწვინა და ზემოდან თივა დააყარა. დიდხანს დაჰყურებდა მიყრილ თივას. მერე ისევ წაილაპარაკა:

— მე მგონი, ისეთი არაფერი დამიშავებია, წავიდე და ბუჩქებში დავიმალო. ოჰ, არა! ისეთი არაფერი, ჯორჯს ვეტყვი, ლეკვი მკვდარი ვნახე-მეთქი.

შემდეგ ისევ ამოთხარა ლეკვი, შეათვალსერა და ისევ თავიდან კუდამდე მიუალერსა ხელით.

— სულერთია, მაინც მიხვდება, — ამოთქვა მწუხარედ, — ჯორჯი ყოველთვის ყველაფერს ხვდება ხოლმე. ასე მეტყვის: „შენ მოპკალი, ტყუილად ტვინს ნუ მირევ“, მერე კიდევ მეტყვის: „რახან მიჰქარე, კურდღლების მოვლის ნებას არ მოგცემ“. — და უცებ აენტო: — ჯანდაბას შენი თავი! — წამოიყვირა მან. — კი მაგრამ, მაინც რამ მოგკლა, ვერ გავიგე? შენც ხომ თავივით პატარა არ იყავი? — ლეკვი აიყვანა და განზე მოისროლა, ზურგიც კი შეაქცია. მერე ჩაიციცქა, მუხლებს იდაყვებით დაეყრდნო და წაიჩურჩულა: — ახლა კი ნამდვილად აღარ მომაშენებინებს კურდღლებს. ახლა კი ნამდვილად ნებას არ მომცემს. — მწუხარებისაგან ხან წინ გადაიხრებოდა, ხან უკან.

გარეთ ნალებს აჟღარუნებდნენ რკინის დაფაზე, თან შეძახილებიც ისმოდა. ლენი წამოდგა და ლეკვი ისევ მათრია. თივაზე დადო და იქვე ჩამოკდა, ისევ მოეფერა ლეკვს.

— შენ ჯერ კიდევ პაწაწუნა იყავი, — ამოიოხრა მან. — ხომ მეუბნებოდნენ, პატარა არისო. მე კი არ მეგონა, თუ ასე ადვილად შემომაკვდებოდი. — მერე ლეკვის ფაფუკ ყურს თითებით შეეთამაშა. — იქნებ არც კი გამიბრაზდეს

ჯორჯი, — ჩაიბურღლუნა თავისთვის. — აგერ, იმ ნაბიჭვარზე ხომ მითხრა, ეგ არაფერიათ.

განაპირა სადგომიდან ხუჭუჭის ცოლი გამოჩნდა. ისე წელა მაგბარა, ლენის არც გაუგია. ქალს ისევ ის ბრდღვიალა კოტონის კაბა და სირაქლეშის ბუმბულით გაწყობილი რბილი ქოშები ეცვა. სახეზე ფერუმარჩილი სქლოდ ედო და ძეხვივით კულულები სახელდახელოდ დაელაგებინა მხრებზე. ახლას რომ მივიდა, მაშინლა ასწია ლენიმ თავი და დაინახა ქალი. შეშინებულმა სწრაფად დააყარა ლეკვს თივა; მერე საოცრად მტრული მზერა ესროლა ქალს.

— აქ რას აკეთებ, გენაცვალე? — ჰკითხა ქალმა.

ლენიმ თვალები დაუბრიალა.

— ჯორჯმა ასე მითხრა, იმ ქალთან საერთო არაფერი იქონიოთ — არც და-
ელაპარაკო და არც არაფერიო.

ქალმა გაიცინა:

— შენ რა, სულ ჯორჯის ჰკუთით დადიხარ?

ლენი თივას ჩააცქერდა.

— ასე მითხრა, კურდღლების მოვლის ნებას არ მოგცემო, თუ დაელაპარაკე ან რამეო.

— ჯორჯს იმას შიში აქვს, ხუჭუჭა არ ზაუცოთდეს, — წყნარად უთხრა ქალმა. — მაგრამ ახლა ხომ ხუჭუჭის ხელი შეხვეული აქვს, ხოლო თუ მაინც აგიხირდა, მეორე ხელსაც მოამტვრევ და მორჩა. ოღონდ რაღაც სისულელეებს ნუ ჩმახავ, ვითომდა ხუჭუჭას ხელი მანქანაში მოყვაო და რა ვიცი...

ქალმა ლენი მაინც ვერ აიყოლია.

— არა. ბატონო, არ გელაპარაკებით და არც არაფერი.

ქალი იქვე ლენის გვერდით ჩაცუცქდა თივაზე.

— გამიგონე! — უთხრა მან. — ახლა ყველანი ნალობანას თამაშობენ. ჯერ ოთხი საათიც არ არის, ასე რომ, კონის დამთავრებამდე თამაშს ცოცხალი თავით არავინ მოეშვება. მაშ რატომ არ შეიძლება გელაპარაკო? ხმის გამცემიც არავინა მყავს. აღარ შემიძლია ეს სიმარტოვე.

— კი მაგრამ, მე რომ არ უნდა გაგცე ხმა და არც არაფერი?

— მომკლა ამ სიმარტოვემ, — გაიმეორა ქალმა. — შენ ვისაც გინდა, იმას დაელაპარაკები, მე კი ხუჭუჭას გარდა არავის. თუ არადა, ცოფებს ყრის; როგორ გგონია, შენ გაძლებდი ასე, არავის რომ არ დაელაპარაკო?

— კი მაგრამ, მე ხომ ხმაც არ უნდა გაგცეთ. ჯორჯს ეშინია, რამე ხიფათში არ გავეხვიო.

ქალმა უცებ შეცვალა საუბარი.

— მანდ რა გაქვს დამალული, თივის ქვეშ?

ლენის ისევ დაეთუთქა გული.

— ჩემი ლეკვაა, — თქვა მან ნაღვლიანად. — ჩემი პაწაწინა ლეკვი, — და მერე ლეკვს მიყრილი თივა მოაშორა.

— ეგ ხომ მკვდარია! — წამოიძახა ქალმა.

— ისეთი პაწაწუნა იყო, — თქვა ლენიმ. — მე მხოლოდ ვეთამაშებოდი.... მერე თითქოს კბენა დამიპირა.. და მეც... მინდოდა... ცოტა მიმეტყუბა... და მივტყუბე.. ის კი.. ის კი მოკვდა.

— მერე რა გადარდებს? — დაამშვიდა ქალმა. — ლეკვი იყო მხოლოდ, დიდი ამბავი. მეორეს აიყვან. ლეკვების მეტი რაა ქვეყანაზე?

— მაგას კი არ ვჩივი, — უთხრა ლენიმ შესაბრალისად. — კურდღლები რომ ვიყოლიო, იმის ნებას აღარ მომცემს ჯორჯი.

— რატომ არ მოგცემს?

— ასე მითხრა: კიდევ თუ რამეს დააშავებ, აღარ მოგცემს. ქალი სულ ახლოს მიიწია ლენისკენ და დაწყნარება დაუწყა.

— შენ ნუ გეშინია, ვითომ რა მოხდა, რომ დამელაპარაკო? გესმის, რა ღრიანცვლი აქვთ გარეთ? ოთხდოლარიან კონს თამაშობენ. ფეხსაც არავინ მოიცვლის იქიდან, სანამ თამაშს არ მორჩებიან.

— ჯორჯმა თუ დამინახა, რომ გელაპარაკებით, შავ დღეს დამაყრის, — უთხრა შიშით ლენიმ. — სწორედ ასე მითხრა.

ქალი გაბრაზდა.

— კი მაგრამ, რა მჭირს ასეთი? — შეპყვირა მან. — ვითომ და რატომ არ შეიძლება ჩემთან ლაპარაკი? ვინა ვგონივარ ამ ხალხს, ვერ გამიგია. შენ კარგი ბიჭი ჩანხარ. ვითომ რატომ არ შეიძლება დაგელაპარაკო? არ ვიცი, ღმერთმანა. მე ხომ არაფერს გიშავებ?

— ჯორჯი ამბობს, რომ თქვენი გულისთვის ხიფათში გავებხვევი.

— რა სისულელეა! — აღშფოთდა ქალი. — ვითომ რას გიშავებ ახლა ასეთს? თვითონ რა ენაღვლებათ, მე აქ რა ცხოვრება მაქვს! ფეხებზედაც არა პკიდიათ? მე კი იცი, რას გეტყვი, არა ვარ ასეთ ცხოვრებას შეჩვეული. სხვა-ნაირად რომ მეცხოვრა, ალბათ რალაცას მივალწევდი. იქნებ აწი მივალწიო კიდევ. — პირქუშად დააბოლოვა მან. მერე ისევ სხაპასხუპით დაიწყო, გატაცებით, თითქოს უნდოდა, სანამ უსმენდნენ, ყველაფრის თქმა მოესწრო.

— შიგ სალინასში ვცხოვრობდი, პატარა გოგო ვიყავი, იქ რომ ჩამიყვანეს. ერთხელ თეატრი ჩამოვიდა ჩვენთან საგასტროლოდ და იქ ერთი მსახიობი გავიცანი. იმ ბიჭმა მითხრა, წამოდი, თუ გინდა, ჩვენს თეატრს წამოჰყევიო. მაგრამ დედამ არ გამიშვა — ჯერ თხუთმეტი წლისა არა ხარ და სად გავიშვავო. ის მსახიობა ბიჭი კი სულ მეპატიებოდა, რომ წავყოლოდი. მაშინ ასე კი არ ვიცხოვრებდი, დღეს რომ ვარ? არა რო?

ლენი ლევკს ვალერსებოდა, ხან აუხვამდა, ხან დაუხვამდა ხელს.

— ჩვენ პატარა რანჩო გვექნება და კურდღლებიც გვეყოლება. — წამო-როშა უცებ მან.

ქალი ისევ ჩქარობდა, უნდოდა ყველაფრის მოყოლა მოესწრო, სანამ შე-აწყვეტილებდნენ.

— მეორედ კიდევ ერთი ბიჭი გავიცანი, კინოში მუშაობდა. „რივერსაიდის დანსინგ პოლში“ დავყვებოდი ხოლმე საცეკვაოდ. სულ მეუბნებოდა, — სად-მე კინოში უნდა მოგაწყოო. ძალიან უშუალო ხარო, მეუბნებოდა. ჩავალ თუ არა. პოლიგუდში, აუცილებლად მოგწერ და შეგატყობინებო ყველაფერს. — მერე გამომცდელად ჩააკვირდა ლენის, რამე შთაბეჭდილება მოვახდინე თუ არაო. — წერილის კი რა მოგახსენოთ, არ მიმიღია, — განაგრძო ქალმა. — მე კი მგონია, დედაჩემმა დამიმალა ის წერილი. პოდა, აღარც მინდოდა ამის მერე იქ გაჩერება, ან რატომ უნდა მდომოდა — არც გასაქანს მაძლევდნენ, ასე ვერც ვერაფერს მივალწევდი ცხოვრებაში, წერილებსაც კი მპარავდნენ. რამ-დენჯერმე ვკითხე დედას, ხომ არ მოგიპარავს-მეთქი, და არაო, მეუბნებოდა. მერე კი ხუჭუჭას გავყევი ცოლად. სწორედ იმ დამეს გავიცანი „რივერსაიდის დანსინგ პოლში“.

მერე ლენის მიუბრუნდა:

— შენ რა, არ მისმენ?

— მე? როგორ არა.

— ახლა კი ისეთი რამე უნდა გითხრა, ჯერ რომ არავისთვის ვამინდია ჭვეყანაზე, მაგრამ შენ კი გამოგიტყდები. იქნებ არც იყოს საჭირო, მაგრამ მაინც გეტყვი. მე ხუჭუჭა არ მიყვარს. ძალიან ცუდი კაცია. — ამ აღსარების შემდეგ ქალი უფრო ახლოს მიიწია ლენისკენ, თითქმის მიეკრო, ისე ახლო მიუჯდა. — ის რომ არა, კინოში ვითამაშებდი, ლამაზი კაბებიც მექნებოდა,, იმათ რომ აცვიათ, ისეთი ლამაზი კაბები. საუცხოო სასტუმროებში ვიცხოვრებდი, ფოტოგრაფებიც აღარ მომასვენებდნენ. მერე კინოების გასინჯვებსაც დავესწრებოდი და რადიოშიც გამოვიდოდი. ერთი ფუნტიც არ დამიჯდებოდა ეს ყველაფერი, იმიტომ რომ კინომსახიობი ვიქნებოდი. ლამაზი კაბები მექნებოდა, იმათ რომ აცვიათ, ისეთი, აბა ტყუილად ხომ არ მეუბნებოდა ის ბიჭი, უშუალო ხარო.

ქალმა უცებ ლენის შეხედა და ხელი მომხიბლავად ააცეკვა ლენის ცხვირ-წინ, აი, რა ოსტატურად შემიძლია თამაშიო. მერე თითებით ჰაერში თითქოს კამარა შეკრა, ნეკი კი კეკლუცად გასწია განზე.

ლენიმ ღრმად ამოიოხრა. გარეთ რკინაზე ნალის უღარუნი მოისმა და გამამხნეველად შეძახილებიც მოჰყვა.

— ვილაცამ ნიშანში მოახვედრა, -- თქვა ხუჭუჭას ცოლმა.

მზეს ძალა ეცლებოდა და ნელ-ნელა ემშვიდობებოდა არემარეს. საჯინი-ბოს კედლებზე სხივები ზოლებად მიცურავდნენ სადგომებსა და ცხენისთავეებს ზემოთ.

— იქნებ ეს ლეკვი ამელო და სადმე გადაშეგდო, მაშინ ხომ ჯორჯი ვერაფერს გაიგებდა, — თქვა ლენიმ. — მაშინ კურდღლების მოვლის ნებასაც მომცემდა.

— შენ რა, კურდღლების გარდა არაფერზე ფიქრობ? — მწყრალად ჰკითხა ხუჭუჭას ცოლმა.

— ჩვენ პატარა რანჩო გვექნება, — განაგრძო ლენიმ ჯიუტად, — სახლი გვექნება და ბაღი, იონჯას დავთესავთ, იონჯას ხომ კურდღლებისთვის თესავენ, ავიღებ ტომარას, სულ იონჯათი გავავსებ და კურდღლებს ვაჭმევ.

— ასე ძალიან რამ შეგაყვარა ეს კურდღლები? — ჩაეკითხა ქალი.

ლენი ერთხანს დაფიქრდა, რა ეპასუხა, მერე ქალს ფრთხილად, ნელა მიუჩოჩდა და მის პირისპირ აღმოჩნდა.

— ძალიან მიყვარს ფაფუკი რალაცების მოფერება. ერთხელ ბაზრობაზე ფუმფულა, გრძელბეწვა კურდღლები ვნახე, წარმომიდგენია — რა სასიამოვნო იქნება მათი მოფერება. ხანდახან თაგვებსაც ვეფერებოდი ხოლმე, მაგრამ ეს ისე, უკეთესი თუ არაფერი შემხედებოდა.

ხუჭუჭას ცოლი დაფრთხა და უკან გაიწია.

— შენ რა, ცოტას ხომ არ აფრენ? — ჰკითხა მან.

— არა, არ ვაფრენ, — გულახდილად უთხრა ლენიმ. — ჯორჯი მეუბნება, არ აფრენო. უბრალოდ ძალიან მიყვარს ლამაზი, ფაფუკი რალაცების მოფერება, თითებს ვუცაცუნებ და ასე ვეფერები ხოლმე.

— ეს ვის არ უყვარს? — თითქოს დამშვიდდაო ქალი. — ყველას უყ-

ვარს, მე რომ მკითხო. აი, მე აბრეშუმსა და ხვერდზე ხელს რომ ვუსვამ, ძალიან მსიამოვნებს. ხვერდი მაინც რა სასიამოვნოა, არა?

ლენიმ მხიარულად ჩაიხიბითა.

— სასიამოვნო კი არ, გადასარეგია, — წამოიყვირა ალტაცებულმა ლენიმ. — მეც მქონდა ერთხელ ხვერდი, ერთმა ქალმა მომცა. ვო მართლა, ერთმა ქალმა კი არა, დეიდაჩემმა კლარამ. სულ მთლიანად მომცა, აი, ამოდენა ნაჭერი. ნეტავი ახლა აქ მქონდეს, — ოდნავ მოელუშა სახე ლენის. — მაგრამ დამეკარვა. — თქვა მან. — დიდი ხანია არ მინახავს.

ხუჭუჭას ცოლმა სიცილი ატეხა.

— არა, შენ ნამდვილად აფრენ, — თქვა მან. — მაგრამ მაინც კარგი ბიჭი ჩანხარ. ბავშვივითა ხარ ამოდენა კაცი. ისე მე მშვენივრად მესმის შენი. აი, თმას რომ ვივარცხნი, დიდხანს ვზივარ და ხელს ვუსვამ ხოლმე, ვეფერები. ძალიან რბილია, ფაფუკი და იმიტომ. — ქალმა საჩვენებლად თმაზე ხელი ნახად გადაისვა. — ზოგს კი ისეთი უხეში თმა აქვს, — თავმომწონედ განაგრძო ქალმა. — აი, ხუჭუჭა აიღე, თმა კი არადა, მავთულები აქვს დაგრეხილი. ჩემი თმა კი რბილია და ფაფუკი. ბევრს ვივარცხნი და იმიტომ. რომ ვივარცხნი, უფრო რბილდება. აი, ნახე, მოკიდე ხელი, — ქალმა ლენის ხელი თავისკენ მიიწია და თმაზე მოაკიდებინა. — აი, მოკიდე, ნახე, რა კარგია.

ლენის ზორბა თითები ქალის თმას შემოეხვია.

— ოღონდ არ გამწეწო, — უთხრა ქალმა.

— ღმერთო, რა კარგია! — ესიამოვნა ლენის. — ღმერთო, რა კარგია, — კიდევ გაიმეორა და უფრო გაბედულად, მაგრად მოუსვა ხელი.

— ოღონდ ფრთხილად, ასე მთლად ჯავიწიწები, — აყვირდა უკვე ბრან-მორეული ქალი. — გეყოფა! გაჩერდი! გავიწიწე და ეგას!

ქალი თავს აქნევდა, ლენის თითები კი სულ უფრო ღრმად და ღრმად ჩადიოდნენ ფაფუკ თმაში და ბოლოს ჩაებლუჯნენ კიდევ.

— ხელი გამიშვი! — ყვიროდა ქალი. — ხელი გამიშვი-მეთქი!

ლენი აფორიაქდა, მთლად გადაირია, სახე დაემანჭა. ქალმა დაიწივლა და მაშინ ლენიმ მეორე ხელი ცხვირპირზე დაათარა.

— ნუ ყვირით! — შეემუდარა ლენი. — გეხვეწებით, ნუ ყვირით. ჯორჯი გამიჯავრდება.

ქალი თევზივით ფართხალებდა ლენის ხელებში, ფეხებს თივას ურტყამდა, იკლაკნებოდა, რომ როგორმე გაენთავისუფლებინა თავი. ლენის პირზე აფარებული ხელიდან გაკუდული ხმები ისმოდა. ლენიმ შიშისაგან ტირილი მორთო.

— ძალიან გთხოვთ, ნუ ყვირით! — ემუდარებოდა იგი. — ჯორჯი მეტყვის. ცუდა საჭმე ვიქნიაო, და კურდღლების მოვლის ნებას არ მომცემს. — მერე ლენიმ ოდნავ უშვა სახეზე ხელი და ქალი იმწამსვე საშინელი, ხრიწინა ხმით აყვირდა. ლენი ყვირილმა გააცოფა.

— გაჩუმდით! ნუ ყვირით! თქვენი გულისთვის რამე ხიფათში გავეხვევი. ჯორჯმაც ასე არ მითხრა? ახლავე გაჩუმდით! — ქალი მაინც ხელიდან გასხლტომას ლამობდა, თვალებში საშინელი შიში შეყინოდა. მაშინ ლენიმ მთელი ძალით შეანჯღრია სასოწარკვეთილი ქალი.

— ნუ ყვირით-მეთქი! — დაუყვირა ისევ ლენიმ და კვლავ შეანჯღრია.

ქალი თევზით აფართხალდა და მერე უცებ მიწყნარდა, მიჩუმდა. ლენიმ კისერი გადაუმტვრია.

ლენიმ ქალს დახედა და ფრთხილად მოაშორა ხელი პირიდან. ქალი ვაუნ-არეველად იწვა.

— მე არ მინდოდა, ასე გტკენოდა, არ მინდოდა, — უთხრა მან. — მაგრამ ჯორჯი გამიბრაზდება, თუ იყვირებ.

ქალი აღარ შეეპასუხა, არც განძრეულა — მაშინ ლენი მისკენ დაიხარა, ხელი აუწია და დაუშვა. გაოგნებული იდგა ერთხანს. მერე შეშინებულმა წაიჩურჩულა:

— მგონი, რალაც დავაშავე! ისევ რალაც დავაშავე!

მერე თივა სწრაფად დააყარა და დააყარა, სანამ ცოტათი არ დაფარა სხეული.

გარედან ისევ შეძახილები და რკინაზე ნალის ჟღარუნის ისმოდა. ორ-ორჯერ აგდებდნენ. ლენიმ მხოლოდ ახლა გაიაზრა, რა ხდებოდა გარეთ. თივაზე ჩაიციუცქა და ყური მიუგდო.

— მართლაც ცუდი რამ ვქენი, — თქვა თავისთვის. — არ უნდა მექნა. ჯორჯი გამიჯავრდება.. ხომ... ხომ ასე მითხრა... ბუჩქებში დაიმაღე... და ჩემს მოსვლამდე იქ იყავიო. გაგიჟდება ჯორჯი, ბუჩქებში... და ჩემს მოსვლამდე იქ იყავიო, სწორედ ასე მითხრა. — ლენი მიბრუნდა და მკვდარ ქალს დახედა. ლეკვიც იქვე ეგდო, ქალის გვერდით. ლენიმ ლეკვი აიყვანა.

— ამას კი გადავაგდებ, — ჩაილაპარაკა მან. — ეს ერთი ჭირიც მეყოფა. — ლეკვი უბეში ამოიძო, საჯინიბოს ფიცრულ კედელთან ოთხით მიფოფხდა და ჭუჭრუტანიდან გაიჭვრიტა — მოთამაშეებს გახედა. მერე ფოფხვით განაპირა ბაგას შემოუარა და გაუჩინარდა.

უკანასკნელი მზის სხივები ჭერისკენ ზოლებად აპარულიყო და ნელ-ნელა სტოვებდა საჯინიბოს კედლებს. თბილი ბინდისფერი ჩაწოლილიყო უკვე თავლაში. ხუჭუჭას ცოლი პირადმა იწვა, თივა უფარავდა სხეულს.

სიჩუმემ დაისადგურა საჯინიბოში და მთელი რანჩოც მწუხრის მოლოდინში გარინდულიყო. თითქოს ნალების ჟღარუნიც და კაცების ღრინაცელიც ყრულ იფანტებოდა ამ სიჩუმეში. სევდანარეგ სადამოს ბინდში იძირებოდა საჯინიბო, თუმცა ვარეთ ჯერ კიდევ სინათლე იყო. ღია კარში ქედანი შემოფრინდა, ერთხანს ჭერქვეშ იტრიალა და მერე გაფრინდა. ბოლო ბაგადან გრძელი, გამხდარი ნაგაზი გამოძვრა, ძუძუს კერტები ჩამოჰკიდებოდა. სანამ ლეკვებიან ყუთთან მივიდოდა, მკვდრის სუნი ეცა და ქეჩოზე ბალანი ყალყზე დაუდგა. შეძვეგ ყუთამდე მიფოფხდა და შიგ ჩახტა.

ოქროსფერი თივა ნახევრად უფარავდა ქალს სხეულს. სახეზე აღარ იჩინდა აღარც სიბრაზე, აღარც დაუკმაყოფილებლობა. აღარც თავმომწონეობის სურვილი. ლამაზი და უბრალო ჩანდა ახლა, სახეც ნორჩი ჰქონდა და უმანკო. გადამეტებული ფერუმარილი და სქლიად გათხიპნილი ტუჩები ისე უცოცხლებდნენ სახეს, იფიქრებდით, ეს წუთია ჩაეძინაო. პატარა ძეხვისმაგვარი კულულები თივაზე სხივებად გაფანტულიყვნენ, პირი ოდნავ ღია დარჩენოდა.

როგორც ხანდახან ხდება ხოლმე, დრო თითქოს რალაც წამით შეწყდა და გაირინდა. ჟღარუნიც, ხმაურიც და მოძრაობაც შეჩერდა რამდენიმე წამს და დიდხანს, დიდხანს გაგრძელდა ასე.

მერე თითქოს დრო ისევ გამოცოცხლდა და ნელა, მძიმედ განაგრძო

სვლა. ცხენებმა ჩლიქები ააბაკუნეს და რკინის აღვირები ააქლარუნეს თავიანთ სადგომებში; გარეთ უფრო მკვეთრად და ხმამაღლა გაისმა შეძახილები.

განაპირა სადგომიდან ჩამიჩას ხმა ძოისმა.

— ლენი! — დაიძახა მან. — ჰეი, ლენი! აქა ხარ? იცი, კიდევ რა მოვიფიქრე? იცი, კიდევ რა შეგვიძლია, ლენი?.. — მერე სადგომის შრიდან თვითონ ჩამიჩაც გამოჩნდა. — ჰეი, ლენი! — ისევ დაუძახა მან და უცბად ელდანაკრავივით გაშეშდა. ჭალარა ჯაგარი მორგვისმაგვარი ხელით მოისრისა ლოყაზე. — არ შეგონა, თუ აქ იყავით. — უთხრა მან ხუჭუჭას ცოლს.

ქალმა რომ არ უპასუხა, მიუახლოვდა.

— თქვენი აქ ძილი არ ივარგებს, — უსაყვედურა მან. მერე უფრო ახლოს მივიდა და... — ოჰ! ღმერთო ჩემო! — უმწეოდ მიმოიხედა მან, ისევ მოისრისა ლოყაზე ჯაგარი, მერე სწრაფად გატრიალდა და გარეთ გავარდა.

საჯინიბო რა ხანია უკვე გამოცოცხლებულიყო. ცხენები ისევ ფლოქვებს სცემდნენ, ფრუტუნებდნენ, თივის საგებს ღეჭავდნენ და აღვირებს აქლარუნებდნენ. ჩამიჩა მალე დაბრუნდა. ჯორჯი ფეხდაფეხ მოჰყვა.

— მაინც რა უნდა გეთქვა ასეთი?

ჩამიჩამ ხუჭუჭას ცოლზე მიუთითა. ჯორჯი შეცბა და გაქვავდა.

— ამას რაღა დაემართა? — იკითხა მან. მერე ახლოს მივიდა და „ოჰ, ღმერთო!“ აღმოხდა მასაც ჩამიჩასავით, მერე მკვდართან ჩაიჩოქა და ხელი მკერდზე დაადო. ნელა, ძლივძლივობით წამოდგა, გაქვავებული სახე ჰქონდა, კრიჭა შეკვროდა, მზერა გაყინვოდა.

— ვინ იზამდა ამას? — ჰკითხა ჩამიჩამ.

ჯორჯმა გაოცებული მზერა მიაპყრო.

— დავიჯერო, ვერ ხვდები? — მაუგო მან. ჩამიჩა მყის გაყუჩდა. — გული მიგრძნობდა, — საცოდავად თქვა ჯორჯმა. — არ მიფიქრია, გული კი სულ მიგრძნობდა.

— ახლა რა უნდა ვქნათ, ჯორჯ? რაღა უნდა ვქნათ? — აზუზუნდა ჩამიჩა.

ჯორჯი კარგა ხანს ჩუმად იყო.

— იცი რა... უნდა ვუთხრათ... ბიჭებს უნდა ვუთხრათ... ბიჭებს უნდა ვუთხრათ. მე მგონი, უნდა დავიჭიროთ და ჩავკეტოთ. არ უნდა გაგვეპაროს. თორემ მარტო ხომ შიმშილით მოკვდა ეგ უბედური. — მერე თითქოს თავის მოსატყუებლად თუ დასამშვიდებლად დაამატა: — იქნებ არც ახლონ ხელი, ციხეში ჩასვან, სასიკვდილოდ კი არ გაიმეტონ.

— მე კი მგონია უნდა მოვეხმაროთ, გავაქციოთ, მოვაშოროთ აქაურობას, — წამოიყვირა აღელვებულმა ჩამიჩამ. — შენ ხუჭუჭას კარგად არ იცნობ. ლინჩი, ლინჩიო, აიჩემებს და წამებით გააფრთხობინებს სულს.

ჯორჯი მხოლოდ ჩამიჩას ტუჩების მოძრაობას აკვირდებოდა.

— ჰო! — უთხრა მან. — სწორი ხარ, ხუჭუჭა უთუოდ ასე იზამს. სხე ბიჭებიც. — მერე ისევ ხუჭუჭას ცოლს გახედა.

ჩამიჩამ კვლავ იმაზე დაიწყო ლაპარაკი, რაც ყველაზე მეტად აინტერესებდა:

— მე და შენ ხომ შეგვიძლია ბატარა მიწა ვიყიდოთ, ჯორჯ? წავიდლოდით და ვიცხოვრებდით იქ წყნარად. ხომ შეგვიძლია?

პასუხისთვის არც დაუცდია, თავი ჩაქინდრა და თივას მიაშტერდა, თვითონვე მიხვდა ყველაფერს.



ჯორჯმა წყნარი ხმით თქვა:

— მე მგონი, თავიდანვე, სულ თავიდანვე ვგრძნობდი, რაც მოხდებოდა. ვგრძნობდი, რომ ვერასდროს ველირსებოდი ყველაფერ ამას [ლენის] ისე ძალიან უყვარდა ჩემი ზღაპრებს მოსმენა, მეც დავიჭერე, იქნებ მართლა გველირსოს-მეთქი რამე.

— ესე იგი... მორჩა ყველაფერი? -- ნალველნარევი ხმით ჰკითხა ჩამიჩამ. ჯორჯმა ამაზე აღარაფერი უპასუხა.

— ერთ თვეს წავიმუშავებ, — თქვა ცოტა ხნის მერე, — რალაც ორმოცდაათ დოლარს ავიღებ და გადავიკარგები მთელი ღამით ქალებში, ან საბილიარლოში ჩავიკლავ უინს. მანამ ვიქნები, სანამ ყველა არ გაიხიკება იქიდან. მერე ისევ დავბრუნდები, ერთ თვეს კიდევ წავიმუშავებ და ისევ ავიღებ ორმოცდაათ დოლარს.

— რა კარგი ბიჭია, არ მეგონა, ასეთ ამბავს თუ დაათევდა, — თქვა ჩამიჩამ.

ჯორჯი ისევ ხუჭუჭას ცოლს მიშტერებოდა.

— საბოროტით არ მოსვლია ეს ლენის, — თქვა მან. — ისეა ყოველთვის, რამეს დაწავებს ხოლმე, მაგრამ ისე, განუზრახველად, სიბოროტით კი არასდროს. — მერე წამოდგა და ჩამიჩამს შეხედა.

— ეხლა მისმინე, ბიჭებს უნდა ვუთხრათ. ეგენი მიწიდან ამოაძვრენენ და ყურით მოიყვანენ ლენის აქ, ვიცი მე; სხვა გზა არ არის. ოღონდ იქნებ როგორმე არ აწამონ საცოდავი. — მერე სიძულვილით განაგრძო: — მე მაგათ ლენის თავს არ დავანებებ. ეხლა მისმინე, ბიჭებმა შეიძლება იფიქრონ, რომ მეც ვურევივარ ამ საქმეში. ამიტომ, ბარაკში წავალ, შენ ცოტა ხანს აქ მოიცადე და მერე მოუყევი ბიჭებს. მეც აქ გავჩნდები, ვითომ არც ვიცი, რა მოხდა. იხამ ამას? ბიჭებმა რომ არ იფიქრონ, რომ მეც მირევი ამასში ხელი.

— რა თქმა უნდა, ჯორჯ, რა საკითხავია, — უთხრა ჩამიჩამ.

— მაშ კარგი, ცოტა მოიცადე, მერე გარეთ გადი და ისე მოიქეცი, ვითომ ეს წუთია ნახე. მე კი ბარაკში წავალ.

ჯორჯი გატრიალდა და სწრაფად გავიდა საჯინიბოდან.

ჩამიჩამ თვალი გააყოლა, მერე საბრალო თვალებით დახედა მკვდარს და მთელი ნალველი გადმოანთხია:

— შე წყეულო, შე ბოზო მაიმუნო, შენა, — თქვა გაბოროტებულმა. — ეს გინდოდა, ხომ? ხარ ახლა კმაყოფილი? ყველამ იცოდა, რა უბედურების მომტანიც იყავი. რა ხეირი იყო შენგან? ან ახლა კი რა ხეირია? შე მართლა კახა, შენა... — ჩამიჩამ ლამის აზღუქუნდა, ხმა აუკანკალდა, — შენ რომ არა, მე ბოსტანში ვიმუშავებდი, ჰურჭელს დავრეცხავდი ჩემი მეგობრებისთვის. — მერე ცოტა ხანს გაჩუმდა. და ისევ განაგრძო დუდუნით, თითქოს დაზეპირებულ სიტყვებს იმეორებდა: — ცირკი თუ ჩამოვა ქალაქში, ან ბეისბოლი თუ ითამაშეს... ჩვენ აუცილებლად წავალთ, ფეხებზეც არ დავიკიდებთ სამუშაოს! და არც არავის შევეკითხებით... და ჩვენ გვეყოლება გოჭები და ქათმები... ზამთარში კი... პატარა ღიბიანი ღუმელი... წვიმის დროს... ღუმელთან ვისხდებით. — თვალები ცრემლით აევსო მოხუცს, მერე სწრაფად გაეცალა იმ ადგილს, ჯაგარა წვერს დაშავებული ხელით ისრესდა.

გარეთ თამაშის ხმა შეწყდა. მერე რამდენიმე გაკვირვებული წამოყვირება და ფეხების ბრაგაბრუვი მოისმა. საჯინიბოში ზორბა, ქარლსონი, ახალგაზრდა უიტი და ხუჭუჭა შემოვარდნენ, ყველაზე უკან კუზიანი მარბოდა. მერე ჩამიჩა შემოვიდა, სულ ბოლოს კი — ჯორჯი. ჯორჯს თავისი ლურჯი ჯინსის ქურთუკი ჩაეცვა, ღილები საგულდაგულოდ შეეკრა, მანვე ქუდი თითქმის თვალეხამდე ჩამოეფხატა.

კაცებმა სწრაფად შემოურბინეს განაპირა სადგომს. ჩაბნელებულ კუთხეში ხუჭუჭას ცოლი შეამჩნიეს, იქვე შეჩერდნენ და ხმაგაკმენდილნი მიაშტერდნენ.

ზორბა ნელა მიუახლოვდა, დაიხარა და მაჯა მოუსინჯა. თითებით ლოყას ოდნავ შეეხო, მერე მოგრეხილი კისრის ქვეშ ხელი ნელა შეაცურა. წამოდგათუ არა, ყველა გარს შემოეხვია და... ყველასათვის ყველაფერი ნათელი გახდა.

ხუჭუჭა უცებ აფეთქდა.

— ვიცი, ვინც იზამდა ამას, — დაიყვირა მან. — ეგ იმ აყლაყულამ, იმ შობელძაღლმა ქნა ალბათ, მეტი ვინ იზამდა! ყველანი გარეთ ვიყავით სათამაშოდ. — ხუჭუჭას თანდათან მოერიო ცოფი. — ვერსად გამეჭკვება. წავიდე, თოფი ავიღო! ჩემი ხელით უნდა მოგკლა ეგ რეგენი, ჩემი ხელით. ნაწლავებს დავაყრევინებ! მომყევით, ბიჭებო! — გააფთრებული გავარდა საჯინიბოდან.

— წავალ, ჩემს ლუგერს მოვიტან. — თქვა ქარლსონმა და ისიც გარეთ გავიდა.

ზორბა დინჯად მიტრიალდა ჯორჯისკენ.

— მართლაც რომ ლენის მეტი არავინ იზამდა ამას, — თქვა მან. — კისერი აქვს მოტეხილი. მხოლოდ ლენის თუ შეეძლო ასე.

ჯორჯს ხმა არ გაუცია, მხოლოდ ნელა დაუქნია თავი. ქუდი ისე ჩამოეფხატა ცხვირზე, თვალეხი თითქმის აღარ უჩანდა. ზორბამ ისევ განაგრძო:

— იქნებ სწორედ ისე მოუვიდა, როგორც მაშინ, უილში, გახსოვს, რომ მიყვებოდა.

ჯორჯმა ისევ დაუქნია თავი.

ზორბამ ამოიოხრა.

— მგონი, უნდა დავიჭიროთ, სხვანაირად არ იქნება. საით წავიდოდა, არ იცი?

ჯორჯი ერთხანს ჩუმად იყო, მერე ძლივს ამოღერდა:

— ალბათ სამხრეთისაკენ, ჩვენ ზომ ჩრდილოეთიდან მოვედით, ალბათ სამხრეთისაკენ თუ წავიდოდა.

— უნდა დავიჭიროთ, სხვანაირად არ იქნება, — გაიმეორა ზორბამ.

ჯორჯი ზორბას მიუახლოვდა.

— იქნებ მოგვეყვანა და მხოლოდ ჩაგვეკეტა სადმე? ეგ ხომ ჭკუაზე ვერ არის, ზორბა. ყოველთვის დაუფიქრებლად მოსდის ხოლმე, სიბოროტით კი არა.

ზორბამ თავი დაუქნია.

— ეგ კი შეიძლება, — თქვა მან. — ხუჭუჭას თუ დავაშოშმინებთ. მაგრამ ხუჭუჭა უთუოდ მრახვრიტავს. დღესაც ვერ მოუნელებია თავისი ხელის ამბავი. მაგრამ რომც დაიჭირონ, კარგად მიბეგვავენ და ციხეში უკრავენ თავს. არა მგონია, ესეც კარგი იყოს.

— ვიცი, — უთხრა ჯორჯმა, — ვიცი.

ქარლსონი ბარაკში შემოვარდა.

— იმ ნაბიჭვარს ჩემი ლუგერი წაუღია! — დაიყვირა მან. — ჩანთაში აღარ დევს! — ხუჭუჭა ფეხდაფეხ შემოყვა. საღ ხელში თოფი ეჭირა. უკვე აღარ ბობოქრობდა, მშვიდად იყო.

— არა უშავს, ბიჭებო, — თქვა მან. — ზანგს ხომ აქვს თოფი და მის წამოიღე, ქარლსონ. რაწამს დაინახავ, მაშინვე ესროლე, შიგ ფაშვში! ეგრევე მოედება ბოლო!

— მე რომ არა მაქვს თოფი. — სინანულით წამოიყვირა უიტმა.

— შენ სოლედადში წადი და პოლიციელი მოიყვანე, — უთხრა ხუჭუჭან. — უოლ უიტსი მოიყვანე აქ, — შერიფის თანაშემწეა. აბა წავიდეთ! — მერე ჯორჯს ეჭვის თვალით შეხედა. — შენც ჩვენთან წამობრძანდები!

— წამოვალ, — უთხრა ჯორჯმა. — მე კი წამოვალ, მაგრამ ჯერ ყური დამიგდეთ: ჭკუანაკლებია ეგ უბედური და ნუ მოკლავთ. განზრახ არ უქნია, არც იცოდა, რასა შვრებოდა.

— ნუ მოკლავთო! — იღრიალა ხუჭუჭამ. — როგორ, ქარლსონს რომ მოპარა რევოლვერი? მოკლავთ და მორჩა!

— იქნებ დაკარგა ქარლსონმა თავისი რევოლვერი? — გაუბედავად წამოსცდა ჯორჯს.

— როგორ? დღეს დილას ვნახე, — თქვა ქარლსონმა, — არა, ნაღდში წაიღო.

ზორბა იდგა და ხუჭუჭას ცოლს დაჰყურებდა.

— ხუჭუჭა, შენ იქნებ დარჩე აქ, შენს ცოლთან.

ხუჭუჭას სახე აელეწა.

— არა, მე მოვდივარ, — თქვა მან. — ცალი ხელი კი არ მივარგა, მაგრამ მაინც მე უნდა დავიჭირო, მე უნდა დავაყრევინო ნაწლავები იმ აყლაყუდას, ნაბიჭვარს იმას!

ზორბა ახლა ჩამიჩას მიუბრუნდა:

— მაშინ შენ დარჩი აქ, ჩამიჩა, ჩვენ ყველანი წავალთ, ასე აჯობებს.

ყველანი გავიდნენ. ჯორჯი წამით ჩამიჩას გვერდით შეჩერდა. ორივენი მკვდარ ქალს დაჰყურებდნენ, სანამ ხუჭუჭას ღრიალმა არ გამოაფხიზლათ.

— ჯორჯ! იცოდე, არ ჩამოგვრჩე, თორემ შენზეც რამეს ვიფიქრებთ!

ჯორჯი ნელა გაჰყვა მათ. ფეხებს ძლივს მიათრევდა.

როცა ყველა წავიდა, ჩამიჩა მკვდარ ქალთან ჩაიჩოქა და სახეს დააკვირდა.

— ვაი შე უბედურო! — ჩაიჩურჩულა მან.

ფეხის ხმა თანდათან მიწყდა. საჯინიბო ნელ-ნელა ბნელით აივსო.

ცხენები თავიანთ სადგომებში ფლოქვეებს სცემდნენ და აღვირებს აყლარუნებდნენ. მოხუცი ჩამიჩა თივაზე წამოწვა და თვალეებზე ხელები მიიფარა.

VI

ამ გვიან ბინდისპირს მდინარე სალინასის ღრმა და მწვანე წყალი მთლად გარინდულიყო. მინდორში უკვე ბნელოდა. უკანასკნელი მზის სხივები ახლა მხოლოდ ვაბილენის ფერდობებს ეთამაშებოდა და თბილი ვარდისფერით ანა-

აებდა მწვერვალებს. ქვემოთ, ტბორთან კი, ტანკრელა ნეკერჩხლებში საამო სიბნელე გამეფებულიყო.

ანკარამ ჩუმად გაისრიალა წყლის ზედაპირზე, პერისკოპით ჩამოყოფილ თავს აქეთ-იქით ატრიალებდა; ტბორი გადასცურა და იქვე, რიყეზე გაუნ-
არეველად მდგარ, ჩასაფრებულ ყანჩას ფეხებში შეუსრიალდა გამეშვებული
ნასკარტი და თავი უცებ გამოცოცხლდა, ელვის სისწრაფით სწვდა თავში
გამწარებით დაკლაკნილ პატარა გველს და გადასანსლა.

უცებ სადღაც შორიდან ძლიერი ქარი მოვარდა და ტალღასავით გადა-
უქროლა ხის კენწეროებს. ნეკერჩხლებზე ფოთლებმა ვერცხლისფერი ზურ-
გები აუფრიალეს ქარს; ჩამოყრილი, გახუნებული ფოთლების კორიანტელი
კარგა მანძილზე გაშრიალდა წინ. ტბორის მწვანე ზედაპირი ქავლებმა აალივ-
ლივა.

როგორც უცებ მოაწყდა, ისევ უცებ მიწყნარდა ქარი. არემარე ისევ გაი-
რინდა. ჩასაფრებული ყანჩა ისევ რალაცის მოლოდინში გაქვავდა რიყეზე. ისევ
გაისრიალა პატარა ანკარამ წყლის ზედაპირზე, ისიც პერისკოპით თავს იქით-
აქით ატრიალებდა.

უცებ ბუჩქებიდან ლენი გამოჩნდა. ჩუმად, ფრთხილად — დათვი რომ
მიეპარება სკას — ისე მოდიოდა. სიჩუმე ყანჩამ დაარღვია, ფრთები აატყლა-
შუნა, მძიმედ, ზანტად აფრინდა და დაღმა დაუყვა მდინარეს. პატარა ანკარა
იქვე, ნაპირზე მოშრიალე ლერწამში გაუჩინარდა.

ლენი ფრთხილად მიუახლოვდა ტბორს, ჩაიჩოქა და წყალს დაეწაფა. მის
უკან, გამხმარ ფოთლებში პატარა ჩიტმა გაიფართხალა. ლენი დაფრთხა, თავი
წამოყო, დაძაბულმა თვალით და ყურით ხმაურს გასდია. ჩიტი რომ დაინახა,
ისევ დასწია თავი და წყალს დაეწაფა.

სმას რომ მოჩია, ნაპირზე ჩამოჯდა გვერდულად — ასე ბილიკი კარგად
მოჩანდა. მერე მუხლებს ხელები შემოხვია და ნიკაპით ზედ დაეყრდნო.

დღის სინათლე ნელ-ნელა ტოვებდა ველს, თითქოს უფრო და უფრო აბ-
რყჭვიალდა მთის მწვერვალები.

ლენიმ ჩუმად წაიჩურჩულა:

— მე განა დამავიწყდა, ღმერთმანი, განა დამავიწყდა. ბუჩქებში უნდა
დავიმალო და ჯორჯს დაველოდო. — მერე ქუდი თვალებზე ჩამოიფხატა.

— მაგრად კი მომხვდება ჯორჯისგან, — ჩაიბურღლუნა, მან. — ეჰ, ჯორჯს
ურჩევნია ალბათ მე არა ვყავდე აკიდებული, მარტო, თავისთვის იყოს. — მე-
რე მოტრიალდა და გასხვივოსნებულ, მოციმციმე მთის მწვერვალებს მიაშტერ-
და. — წავალ უთუოდ და იქ სადმე გამოქვაბულს ვიპოვი, — თქვა მან და ცო-
ტა ხნის მერე სევდანარევი ხმით განაგრძო: — და არც... და არც.. საწებელს
შევჭამ არასოდეს. თუმცა სულერთია, თუკი ჯორჯს არ ვუნდივარ... არა, წავალ,
უთუოდ წავალ.

მერე ლენის ისე მოეჩვენა, თითქოს მისი თავიდან მოხუცი ქალი ამოძ-
ვრა, სქელი და პატარა. ცხვირზე სქელშუშიანი სათვალე ჩამოეფხატა, წელზე
უჯრედებიანი წინსაფარი ეკეთა, დიდი ჯიბეებით. სუფთა, გახამებული ეცვა
ყველაფერი. ლენის პირდაპირ დადგა, დოინჯი შემოირტყა და გამკიცხავი მზე-
რა მიაპყრო. უცებ მოხუცი ლენის ხმით ალაპარაკდა:

— რამდენჯერ გითხარი, დაგარიგე, ჯორჯს ყური დაუგდე-მეთქი. ჯორჯი

ისეთი კეთილია და ისე კარგად გაქცევა. შენ კი ყურით არ გააბარტყუნე. სულ ცუდისკენ გეჭირა თვალი.

— განა არ ვეცადე, ქალბატონო დეიდა კლარა, განა არ ვეცადე, მაგრამ რომ არაფერი გამომივიდა, — უბასუხა ლენიმ.

— შენ ჯორჯზე არასოდეს ფიქრობ, — განაგრძო დეიდა კლარამ ლენის ხმით. — იმას კი შენთვის რამდენი კარგი გაუკეთებია. თუკი ნამცხვრის ნაჭერი ჩაუყარდებოდა ხელში, ნახევარს ან მეტსაც აუცილებლად შენ გაგიყოფდა. საწებელს ხომ მთლიანად შენ ვითმობდა.

— ვიცი, — თქვა ლენიმ საცოდავად. — ქალბატონო დეიდა კლარა, განა არ ვეცადე, მერე და როგორ ვეცადე, რომ იცოდეთ.

დეიდა კლარამ შეაწყვეტინა:

— შენ რომ არა ჰყოლოდი აკიდებულნი, კარგად და ბედნიერად იცხოვრებდა, ხომ იცი. აიღებდა გასამრჯელოს და გემოზედაც მოილხენდა საროსკიპონი, ან საბილიარდოში წავიდოდა სათამაშოდ. მაგრამ შენ ხომ ასე ბედის ანაბარა არ მიგატოვებდა.

ლენიმ მწრედ ამოიკვნესა.

— ვიცი, ვიცი, ქალბატონო დეიდა კლარა. დავადებ თავს და პირდაპირ მთებში წავალ. გამოქვაბულს ვიპოვი და ვიცხოვრებ როგორმე. ჯორჯსაც აღარ გავაწვალებ.

— ცარიელა ლაპარაკს რა აზრი აქვს, — უთხრა დეიდამ მკაცრად, — სულ ასე იძახი, შე ნაბიჭვარო მაიმუნო, შენა. მშვენივრად კი იცი, რომ მაგის კაცი არა ხარ. ასე იგლახავებ მთელი შენი ცხოვრება და სისხლსაც გაუშრობ იმ საცოდავ ჯორჯს.

— არა, მთებში წავალ ბოლოს და ბოლოს, ჯორჯი მაინც აღარ მომცემს კურდღლების მოვლის ნებას.

დეიდა კლარა გაუჩინარდა და ახლა ლენის თავიდან ვეებერთელა კურდღელი გამოხტა. ლენის წინ უკანა თათებზე დასკუბდა და ტუჩი თითქოს ააცმაცუნა. კურდღელიც ლენის ხმით ალაპარაკდა.

— კურდღლების მოვლაო? — დაიწყო მან ზიზღიანი ხმით. — კიდევ რას მოინდომებ, შე შეშლილო და უტვინოვ! ჩვენი თათების ლოკვის ღირსიც არა ხარ. ერთხელაც იქნება დაგავიწყდებით და დაგვტოვებ მშვივრებს. შენ-გან მეტს რას უნდა მოველოდეთ. მერედა ჯორჯი რას იტყვის, როგორ გგონია?

— არა, არ დამავიწყდებით! — წამოიძახა ლენიმ.

— გეგონოს, არ დამავიწყდებით! — უთხრა კურდღელმა. — შენ იმ ყანგიანი ლურსმნების ღირსიც არა ხარ, ჯოჯოხეთში ეშმაკები ჯვარზე რომ მიგაკრავენ. ღმერთია მოწმე, რა არ იღონა საწყალმა ჯორჯმა, როგორმე წუმბედან ამოეთრე, მაგრამ წყალში რომ ჩაუყარე ყველაფერი? თუ იმის იმედი გაქვს, ამის მერე ჯორჯი კურდღლების მოვლის ნებას მოგცემს, მაშინ სულელი კი არა. მთლად დარტყმული ყოფილხარ და ეგაა. ტყუილად გაქვს იმედი. მოვა ახლა და იმდენს გირტყამს კეტით, სანამ მაგ სიმტერეს თავიდან არ გამოგორეკავს — აი, რას იზამს ჯორჯი!

ლენიმ გამომწვევად შეუტია:

— არა, მაგას როგორ იზამს? არა, ეგ არც არასოდეს უქნია. იცი, რამდენი ხანია ჯორჯს ვიცნობ? მთელი... დამავიწყდა, რამდენი ხანია... ჯობი აი-

ლოს და ჩემზე ხელი ასწიოს? ეს არც არასოდეს დაუპირებია! იცი, როგორ ვუყვარვარ? ის ისეთი კეთილია.

— შეიძლება, მაგრამ ყელში რომ ამოუვიდა შენი თავი? — ჰკითხა კურდღელმა. — იმდენს გირტყამს, რომ მაგ ეშმაკებს თავიდან გაშვებოდა, მერე კი წავა და დაგტოვებს.

— არა, არა, მაგას არ იზამს, — სასოწარკვეთით შეჰყვირა ლენიმ. — არც არასდროს დაუპირებია. კარგად ვიცი, როგორიცაა ჯორჯი. მე და ის ერთად დავიარებით რა ხანია.

მაგრამ კურდღელი თავისას არ იშლიდა, მშვიდად იმეორებდა და იმეორებდა:

— ჯორჯი მიგატოვებს, მიგაგდებს, შე უტვინო, ყეყეჩო შენა! ჯორჯი მარტოდმარტო დაგტოვებს, ჯორჯი მიგატოვებს, მიგაგდებს, შე ნაბიჭვარო, მაიმუნო, შენა...

ლენიმ ხელები ყურებზე აიფარა.

— არა, არა, მაგას არ იზამს! ხომ გითხარი, არ იზამს-მეთქი. — და მერე თითქმის შეღმუვლა: — ჯორჯი! ჯორჯი! სადა ხარ, ჯორჯი?

ჯორჯი ნელა გამოვიდა ბუჩქებიდან და ვეება კურდღელმაც იმწამსვე, ისევ ლენის თავში ისკუბა.

— რა გაღრიალებს? რა გინდა? — წყნარად ჰკითხა ჯორჯმა.

ლენი ფეხზე წამოიჭრა.

— ხომ არ მიმატოვებ, ჯორჯ? ხომ არა? ვიცი, რომ არ მიმატოვებ!

ჯორჯი ნელა მიუახლოვდა და დაჯდა.

— არა.

— ასეც ვიცოდი! — დაიყვირა ლენიმ. — შენ ხომ ისეთი არა ხარ?! ჯორჯი ჩუმად იყო.

— ჯორჯ! — ისევ დაუძახა ლენიმ.

— ჰო?

— მე ისევ მივქარე...

— რა მნიშვნელობა აქვს, — თქვა ჯორჯმა და ისევ გაჩუმდა.

ახლა მხოლოდ მთის კენწეროები დნებოდნენ თბილი მზის სხივთა აღერსით. ველზე კი ხავერდოვანი ბინდისფერი მეფობდა. შორიდან ყვირილი და შეძახილები მოისმა. ჯორჯმა იქითკენ გაიხედა, მიაყურადა.

— ჯორჯ! — დაუძახა ლენიმ.

— რა იყო?

— დღეს ალბათ შავ დღეს დამაყრი, არა?

— შავ დღეს დავაყრი?

— ჰო, ადრე რომ იცოდი ხოლმე, ისე. აი, რომ დაიწყებ ხოლმე, „შენ რომ არ ყოფილიყავი, ავიღებდი ჩემს ორმოცდაათ დოლარს...“ და ასეთები...

— ღმერთო ჩემო, ლენი! ყველაფერს უცებ ივიწყებ, თუკი რამე მოხდა, ჩემი ნათქვამი კი სიტყვასიტყვით გახსოვს?

— მაშ არ მოყვები, შენ რომ იცი, ისე?

ჯორჯს შეაძაგდა, მაგრამ თავი შეიკავა. უსიცოცხლო ხმით დაიწყო:

— მარტო რომ ვიყო, არხეინად ვიცხოვრებდი, სამუშაოს ვიშოვიდი და ყოველგვარ დავიღარაბასაც ავცდებოდი, — მერე გაჩუმდა.

— მაღი რა, გააგრძელე, — თქვა ლენიმ. — მერე, თვის ბოლოს რას იზამდი?

— თვის ბოლოს ავიღებდი ჩემს ორმოცდაათ დოლარს და წავიდოდი... საროსკიპოში... — ისევ გაჩუმდა.

ლენი მოუთმენლად ელოდა გაგრძელებას.

— განაგრძე რა, ჯორჯ. მაშ, შავ დღეს არ დამაყრი ამ სალამოს?

— არა, — უპასუხა ჯორჯმა.

— მე.. მე ხომ შემძლია წავიდე, — თქვა ლენიმ. — წავალ მთებში, მთებს შევეხიზნები და სადმე გამოქვაბულს ვიპოვი, თუ შენ აღარ გინდივარ. ჯორჯმა ისევ შეიკავა თავი.

— არა, — თქვა მან. — მე მინდა ჩემთან იყო.

ლენიმ ეშმაკურად შეაპარა:

— მაშინ მომიყვები, შენ რომ მიყვები ხოლმე, ისე.

— რა მოგიყვებ?

— რადა, სხვა ბიჭებზე, მერე ჩვენზე...

— ჩვენ და ჩვენნიირები უთვისტომოდ დაიარებიან. ცოტას წაიმუშავენ, აიღებენ გასამრჯელოს და ეგრევე დაანიავენ ჩველაფერს. არც საფიქრალი გააჩნიათ და არც საზრუნავი. არც ისეთი ვინმე, ძალღად მაინც რომ ჩააგდოს.

— ჩვენ კი სხვანი ვართ, — წამოიყვირა გახარებულმა ლენიმ. — ახლა ჩვენზე მოყვები რა.

ჯორჯი წამით გაჩუმდა.

— ჩვენ კი სხვანი ვართ, — თქვა მან. — იმიტომ რომ, იმიტომ რომ, მე მყავს ლენი, შენ გყავს...

— მე მყავხარ შენ, ჯორჯ, ჩვენ ყოველთვის ერთად ვართ, ესე იგი, ისეთი ვინმე გყავს, ძალღად მაინც რომ ჩაგვაგდებს, — ლენის აღტაცებას საზღვარი არ ჰქონდა, ისე ყვიროდა.

სალამოს გრილმა ნიაემმა დაუბერა, ხის ფოთლები ააშრიალა და ჭავლებად აალივლივა წყლის ზედაპირი. ისევ მოისმა შეძახილები, მხოლოდ ახლა უფრო ახლოდან.

ჯორჯმა ქუდი მოიხადა, ხმა აუთრთოლდა.

— შენც მოიხადე ქუდი, ლენი, ისედაც მაგრა ცხელა. — ლენიმ ქუდი მოიხადა და წინ, მიწაზე დაიდო.

სილურჯე შერეოდა უკვე ბინდისფერს, სწრაფად ლამდებოდა. ქარმა ბუჩქების ლაწალუწის და შრიალის ხმა მოიტანა.

— მოყვები, მერე როგორ იქნება, — შეეხვეწა ლენი.

ჯორჯმა ყური მიუგდო მოახლოებულ ხმებს. დაძაბული, საქმიანი სახე გაუხდა:

— ლენი, აბა ერთი მდინარეს გახედე. აი, იქით. მე მოგიყვები და შენც ისე მოგეჩვენება, თითქოს ყველაფერს მართლა ხედავ, ლენი.

ლენიმ თავი მიატრიალა და ტბორს გახედა, მერე უკვე ბნელს ჩახუტებულ ფერდობებს ააყოლა თვალი.

— ჩვენ პატარა რანჩოს ვიყიდით, — განაგრძო ჯორჯმა, მერე ჯიბეში ხელი ჩაიყო და ქარლსონის ლუგერი ამოიღო. ჩახმახი შეაყენა, რეგოლვერი ლენის ზურგს უკან მიწაზე დადო, ხელი არ გაუშვია და მის კეფას მიაშტერდა, სწორედ იმ ადგილას, სადაც ესვრიან ხოლმე.

მდინარის მხრიდან ვილაყამ დაიძახა და ვილაყ მაშინვე გაეხმანა.

— მერე, ჯორჯ, მერე, — თქვა ლენიმ.

ჯორჯმა რევოლვერი ასწია, ხელი უკანკალებდა, ისევ ძირს დაუშვა.

— მერე, მერე, — უთხრა ლენიმ, — მერე როგორ ვიქნები ჩვენ ვიყიდით პატარა რანჩოს...

— ძროხა გვეყოლება და ალბათ ქათმებიც... და იქვე, სახლთან იონჯას დაგთესავთ...

— კურდღლებისთვის! — დაიყვირა ლენიმ.

— კურდღლებისთვის, — გაიმეორა ჯორჯმა.

— და მე კურდღლებს მოვუვლი.

— და შენ კურდღლებს მოუვლი.

ლენიმ სიხარულისგან ჩაიხითხითა.

— და ვიქნებით ასე, ამ მიწის ბატონ-პატრონნი.

— ჰო.

ლენიმ თავი მოაბრუნა.

— არა, ლენი, იქით იყურე, მდინარისკენ და ისე მოგეჩვენება, თითქოს მართლა ხედავ ყველაფერს.

ლენი დაემორჩილა. ჯორჯმა რევოლვერს დახედა.

ბუჩქებში, უკვე ძალიან ახლოს, ფეხის ხმა გაისმა. ჯორჯი ბუჩქებისკენ მიტრიალდა, ყური მიუგდო.

— განაგრძე რა, ჯორჯ. როდის გვექნება ეს ყველაფერი?

— სულ მალე.

— და ჩვენ ერთად ვიქნებით.

— ჰო, მე... და შენ... აღარავინ გაწყენინებს. ხიფათისგანაც შორს იქნები. იქ არავინ არავის არაფერს აწყენინებს, არც არავის არაფერს წაართმევს.

— მე კი მეგონა, შავ დღეს დამაყრიდი, ჯორჯ, — თქვა ლენიმ.

— არა, — უბასუხა ჯორჯმა, — არა, ლენი, არ დაგაყრი, არასოდეს გავცოფებულვარ შენზე და ახლა რა მომივიდოდა? არასოდეს ლენი, მინდა ეს კარგად იცოდე.

ხმები უკვე სულ ახლოდან ისმოდა. ჯორჯმა რევოლვერი ასწია და ისევ ბუჩქებისკენ გაიხედა, მიაყურადა.

— მოდი, ახლავე ვიყიდოთ, ჩქარა, ახლავე ვიყიდოთ!

— ახლავე ვიყიდით, აბა რა! ახლავე ვიყიდით... — და ჯორჯმა რევოლვერი ლენის კეფაში დაუმიზნა. ხელი ისევ უკანკალებდა. მაგრამ მტკიცე, შეუპოვარი სახე ჰქონდა და მერე ხელიც დაიმორჩილა; სასხლეტს თითი დააჭირა. გასროლის ხმა მთელ ხეობას მოეფინა და ექოდ იქუხა მთებში. ლენი შეტოკდა, მერე ნელა ჩაიკეცა და ქვიშაში პირქვე ჩაემხო. აღარც განძრეულა.

ჯორჯს გააყრუოლა, რევოლვერს დახედა და იქვე, მოქუჩულ ნაცარში მოისროლა.

ყვირილმა და ფეხების მძიმე ბრაგაბრუგმა შესძრა იქაურობა. ზორბას ხმა გაისმა:

— ჯორჯ, სადა ხარ? ჯორჯ?

ჯორჯი კი გაქვავებული იჯდა ნაპირზე და თავის მარჯვენას დაჰყურებდა, წუთის წინ რომ რევოლვერი ნაცარში მოისროლა. ხალხი მინდორზე გამოცვივდა; ხუჭუჭა პირველი დაიხარა და ქვიშაზე ლენი დაინახა.

— ფეხებიც გაუჭიმია, — დაიძახა და მკვდარს მიუახლოვდა, კარგად შეათვალიერა. მერე ჯორჯს შეხედა. — ზუსტად მოგიტყამს, — ხმადაბლა ჩაილაპარაკა მან.

ზორბა ჯორჯთან მივიდა და გვერდით, სულ ახლოს მჯდომად.

— რას იზამ, — ჩაილაპარაკა, — ასეც ჩდება ხოლმე.

ქარლსონი თავზე წამოადგა ჯორჯს.

— როგორ მოახერხე? — ჰკითხა მან.

— მოვახერხე და მორჩა, — ძლივს ამოღერდა ჯორჯმა.

— ამას ჰქონდა ჩემი რევოლვერი?

— ჰო, ამას ჰქონდა.

— ჰოდა, წაართვი და მერე მოკალი?

— ჰო, ამითვე მოკალი, — ძლივს გასაგონად წაიჩურჩულა ჯორჯმა. ისევ თავის ხელს დახედა, ამ ცოტა ხნის წინ რევოლვერი რომ ეჭირა, იმ ხელს.

ზორბამ მხარზე ხელი დაადო ჯორჯს.

— წამო, ჯორჯ, წამოდი. დავლიოთ რამე.

ჯორჯი ზორბას დახმარებით წამოდგა.

— ჰო, დავლიოთ.

— მაგის ბოლო ეგ იყო, ჯორჯ, მერწმუნე, უნდა მოგეკლა, — ანუგეშა ზორბამ.

მერე ჯორჯი ბილიკამდე მიიყვანა და გზატკეცილისკენ წაიყვანა.

ხუჭუჭამ და ქარლსონმა თვალი გააყოლეს.

— ნეტა რა ჭია ზრავს ამ ბიჭებს, ვერ გამიგია, — თქვა ქარლსონმა ბოლოს.



უელორ ღოსტოივსკი

უგვანო ანექლოტი



თბილისის
ბიზნეს-ბიურო

მოთხრობა

თარგმნა რუსუდან ძეგულაძემ



ეს უგვანო ანექლოტი სწორედ იმ ხანებში მოხდა, როცა ეგზომ შეუკავებელი ძალითა და ეგზომ გულის ამაჩუყებელი, მიამიტი აღმაფრენით დაიწყო ჩვენი საყვარელი მამულის აღორძინება, როცა ქველ და სახელოვან ვაჟიშვილთ მისთა დიდი მისწრაფებანი და იმედები აღეძრათ ახალი მომავლისა. იმხანად, ზამთრის ერთ უღრუბლო სუსხიან ღამეს, თუმცა თორმეტი უკვე დაწყებული იყო, სამი ფრიად დარბაისელი კაცი პეტერბურგის მხარეზე მდებარე ერთი მშვენიერი ორსართულიანი სახლის კეთილშობილ კი არადა, დიახაც მდიდრულად მორთულ ოთახში დარბაისლურად საუბრობდნენ ფრიად საგულისხმო საგანზე. სამთავეს გენერლის ეპოლეტები ამშვენებდათ, სამივენი პატარა, მრგვალ მაგიდას უსხდნენ მშვენიერ რბილ სავარძლებში და შიგადაშიგ დინჯად, ნება-ნება წრუპავდნენ შამპანურს. შამპანურის ბოლიც იქვე, მაგიდაზე იდგა, ვერცხლის ლარნაკში ჩაცხვებული საქმე ის გახლდათ, რომ მასპინძელი, საიდუმლო მრჩეველი სტეფან ნიკიფოროვიჩ ნიკიფოროვი, სამოცდახუთი წლის უცოლო კაცი, ახლად ნაყიდ სახლში მუმბარაქსა და ამ ზეიმს დამთხვეულ თავის დაბადების დღეს იხდიდა, რაიც აქამდე არასოდეს გადაუხდია. თუმცა ზეიმის დარქმევა ცოტა მეტისმეტი იქნებოდა. როცა ორც ვნახეთ, სტუმარი ორად ორი ჰყავდა, ორივე ბატონ ნიკიფოროვის ყოფილი თანამშრომელი და მისივე ყოფილი ხელქვეითი. სახელდობრ: ერთი ნამდვილი სახელმწიფო მრჩეველი სემონ ივანოვიჩ შიბულენკო და მეორე ივან ილიჩ პრალინსკი, ისიც აგრეთვე ნამდვილი სახელმწიფო მრჩეველი. სტუმრები დაანლოებით ცხრა საათზე მობრძანდნენ, ჩაი მიირთვეს და ახლა შამპანურს შეექცეოდნენ. ორივემ კარგად იცოდა, რომ ზუსტად თორმეტის ნახევარზე მასპინძელს უნდა დაემშვიდობონ. რამეთუ მასპინძელი მისი დღე და მოსწრება სიზუსტის მიმდევარი ბრძანდებოდა. ბარემ ორ სიტყვას მასზეც მოგახსენებთ: კარიერის დასაწყისში იგი ერთი წვრილფეხა მოხელე გახლდათ, მთელი ორმოცდახუთი წელი უშფოთველად ეწეოდა ერთფეროვანი სამსახურის ჭაპანს, მშვენივრად უწყობდა, რა ჩინსაც მაღწევდა, კირივით სძულდა, როცა კაცი

ვარსკვლავებს ეპოტინებოდა ცაში, თუმცა ორი ვარსკვლავი თვითონ უკვე მოეწყვიტა. მეტადრე არ უყვარდა, რა საქმეც უნდა ყოფილიყო, საკუთარი აზრი გამოეთქვა. ბუნებითაც პატიოსანი იყო, ანუ დიდად საძრახისი საქმე არასოდეს ჩაედინა; უცოლოდაც საკუთარმა თავკერძობამ დააბერა, ჰკუთნა კარგად უჭრიდა, მაგრამ ჰკუთნის გამოჩენა დიანაც ეჯავრებოდა. მეტადრე არ სწყყარობდა ფეთხუმსა და აღტაცებული ბუნების ხალხს, ეს თვისება სულში ბელეშობად მიაჩნდა. ცხოვრების მიწურულს საბოლოოდ ჩაითრია კეთილშობილი ცხოვრების ტკბილმა, მომადუნებელმა ტალღებმა და მარტობა შეიყვარა. მერე რა, რომ დროდადრო თვითონ მშვენივრად დაბრძანდებოდა თავისზე უკეთეს ოჯახებში სტუმრად, საკუთარ სახლში სხვების მოწვევა ახალგაზრდობითვე სძულდა. ამ ბოლო ხანს თუ გრანპასიანს არ უჯდა, სიამოვნებით ჯერდებოდა თავისი სასადილო საათის საზოგადოებას და, სავარძელში მთვლემარე, აღუშფოთველად უსმენდა ხოლმე საღამოობით ბუნჩის თავზე შუშის ხუფის ქვეშ მდგარ ამ საათის წიკწიკს. შესახედობა ფრიად რიგიანი ჰქონდა, სახე ნიადაგ ვაპარსული, კარგად შენახული კაცის პირობაზე ასაკთან შედარებითაც ახალგაზრდულად გამოიყურებოდა, იმედი იყო, კიდევ დიდხანს იცოცხლებდა. ჯენტლმენურ წესებსაც ფრიად იცავდა. სადღაც საკმაოდ თბილ ადგილზე იჯდა და რაღაცას ხელს აწერდა. ერთი სიტყვით. ყველას ჩინებულზე ჩინებულ ადამიანად მიაჩნდა. მისი წუთისოფელი მხოლოდ ერთი ოცნება — ანუ სანუკვარი სურვილი ჰქონდა: ბატონკაცური, და არა ფულიანი კაცის გემოვნებით ნაგები სახლი ეყიდა. ბოლოს ეს სურვილიც აისრულა: პეტერბურგის მხარეზე ერთი სახლი შეარჩია და იყიდა კიდევ, მართალია, მოშორებით მდებარე, მაგრამ კოხტა და თანაც ბადით. სახლის ახალი პატრონის აზრით სიშორე უკეთესიც იყო: სტუმრები მაინცდამაინც გულზე არ ეხატებოდა. ხოლო სადარბაზოდ წასასვლელად მშვენიერი ორადგილიანი შოკოლადისფერი ეტლი ჰქონდა, კიდევ ორი ტანმორჩილი, მაგრამ ფეხმარდის ლამაზი ცხენი და მეეტლე მიხეი ჰყავდა. ორმოცი წლის მანძილზე მომჭირნეობით შეძენილი ეს ქონება ძალიან ახარებდა. იმიტომაც, როცა ახალი სახლი იყიდა და იქ გადავიდა, ნიადაგ უშფოთველი გული ესოდენი სიამოვნებით აევსო, სტუმრებიც კი დაპატიჟა თავის დაბადების დღეზე, თუმცა ამ დღეს აქამდე გულდაგულ უმალავდა ახლო ნაცნობებს. ერთ-ერთი სტუმარი გარკვეული მიზნითაც დაჰპატიჟა. ახალ სახლში მან ზემო სართული დაიკავა, ხოლო ქვემოთ, ზუსტად ისეთივე წყობით განლაგებული ბინის გაქირავება კი განიზრახა. ბატონ ნიკიფოროვს სწორედ სემიონ ივანოვიჩ შიპულენკოს იმედი ჰქონდა, მდგმურად ლამიდგებოთ, და იმ საღამოს ერთი-ორჯერ კიდევაც ჩამოუგდო ამ საკითხზე საუბარი. მაგრამ ბ-ნ შიპულენკოს გარკვევით ვერაფერი წამოაცდენინა. ამ ბატონსაც დიდი ჰაბანწყვეტით მოუხდა ცხოვრებაში გზის გაკაფვა. ეს შავთმიანი და შავქილვაშებიანი კაცი ნიადაგ ჩაყვითლებული იყო ნაღველის გადასვლის გამო, ბუსავით სულ შინ იჯდა და მთელ ოჯახს მისი შიშით აკანკალებდა. სამსახურშიც თავდაჯერებული გახლდათ, მშვენივრად იცოდა, რისი მიღწევა შეეძლო, კიდევ უკეთ, რასაც ვერასოდეს მიაღწევდა. კარგი ადგილი ჰქონდა და მაგრად იჯდა კიდევაც იმ თავის სკამზე. ახალ წესებს, მართალია, ბოლმის თვალით უცქეროდა, მაგრამ არც მაინცდამაინც აშფოთებდა: ძალზე დიდი რწმენა ჰქონდა საკუთარი თავისა და ცოტა არ იყოს დამცინავი ღვარძლით უსმენდა ახალ თემებზე ივან ილიჩ პრალინსკის ლაქლაქს. შეჭიკჭიკებულნი მეტნაკლებად ყველანი იყვნენ. თვით ბ-ნმა

ნიკიტოროვმაც იკადრა ბ-ნ პრალინსკის ახალ წესებზე შედაგებოდა. აქ მის აღმატებულება პრალინსკიზედაც მინდა ორიოდე სიტყვა მოგახსენოთ, მეტადრე, რომ სწორედ ის გახლავთ ჩემი მოთხოვნის მთავარი გმირი.

ნამდვილი სახელმწიფო მრჩეველი ივან ილიჩ პრალინსკი ეს—ჩემი თვეა, რაც მისი აღმატებულება ანუ ახალგაზრდა გენერალი გახდა. ახალგაზრდა კიდევ ახალგაზრდა კაცი იყო, თრმოცდასამი წლისა, მეტის არამც და არამც არადა, შესახედავად უფრო ახალგაზრდა ჩანდა და უყვარდა კიდევ ახალგაზრდულად თავის მოჩვენება. იცვამდა კოხტად და დარბაისულად. ტანად მაღალი და ლამაზი კაცი, ფრიად ღირსებით ატარებდა საკმაოდ დიდ ორდენს ყელზე. პატარაობიდანვე ჰქონდა შეთვისებული რამდენიმე დიდკაცური ქცევა: ცოლი არ ჰყავდა და მდიდარი, დიდგვაროვანი ოჯახიშვილის შერთვაზე ოცნებობდა. საოცნებო ჯერაც ბევრი ჰქონდა, თუმცა ჰკუა არ აკლდა. შიგადაშიგ ლაპარაკი უყვარდა და სახელმწიფო მოღვაწის პოზებსაც იღებდა. თავად კარგი ოჯახიშვილი იყო, მამა გენერალი ჰყავდა, პატარაობითვე ხავერდ-ბატისტებში იზრდებოდა, სწავლობდა დიდკაცურ სასწავლებლებში. და თუმცა იქიდან ბევრი გერაფერი ცოდნა გამოიტანა, მაინც იმარჯვა და გენერლობას მიაღწია. უფროსებს ნიჭიერ კაცად მიაჩნდათ და დიდ იმედებსაც ამყარებდნენ. ბ-ნ ნიკიტოროვს, ვისი ხელმძღვანელობითაც დაიწყო და თითქმის გენერლობამდე განაგრძობდა სამსახურს, თავის დღეში საქმიან კაცად არ მიუჩნევია და არც იმედები დაუწყარებია მასზე. მაგრამ ის კი მოსწონდა, რომ ბ-ნი პრალინსკი კარგი ოჯახიშვილი და შეძლებული კაცი იყო, ანუ დიდი სახლი ჰქონდა, მკვიდრად ნაგები, ჰყავდა სახლის მმართველი, ენათესავებოდა არცთუ პატარა ხალხს და გარდა ამისა, ჩინებული თავდაჭერა სჩვეოდა. ოლონდაც გულში მეტისმეტად დიდი წარმოდგენისა და ქერქეტობისთვის ძრახავდა. თავად ბ-ნი პრალინსკიც გრძნობდა ხოლმე ხანდახან, რომ მეტისმეტი თავმოყვარე იყო და ბევრ ისეთ რასმე თაკილობდა, რაც არ უნდა ეთაკილა. საკვირველია, და ზოგჯერ საოცარი სინდისის ქეჯნა და რაღაც სინანულიც კი აიტანდა. გულში მწარედ გაჰკრავდა ფიქრი, რომ არც ისე მაღლა-მაღლა დაფრენს, როგორც თვითონ ჰგონია. ამისთანა წუთებში, ასე განსაჯეთ, რაღაც ჰმუნვა ეძალებოდა, მეტადრე თუ ბუასილი შემოუტევედა. თავის ცხოვრებას *une existence manquée*¹-ად თვლიდა. აღარც თავისი სახელმწიფო მოღვაწის ნიჭი სწამდა, ცხადია, მხოლოდ გულში, საკუთარ თავს პარლერს ანუ ყბედს ეძახდა, რაც დიახაც სასახლო იყო მისთვის, მაგრამ ხელს სულაც არ უშლიდა ნახევარი საათის შემდეგ კვლავ ამაყად აეწია თავი და ჯიუტად და მედიდურად ერწმუნა, რომ კიდევ მოასწრებს საკუთარი ნიჭის გამოვლენას და არათუ წარჩინებული მოხელე, სახელმწიფო მოღვაწეც გახდება, ვის სახელს დიდხანს არ დაივიწყებს რუსეთი. შიგადაშიგ დიდების კვარცხლბეკებიც ელანდებოდა. აქედან ჩანს, თუ რაზომ შეუძლებელს ეპოტინებოდა, თუმცაღა გულში ღრმად და ცოტა არ იყოს შიშითაც მაღავდა ამ გაურკვეველ ოცნებებსა და იმედებს. რაღა ბევრი გავაგრძელო და, ეს გახლდათ პატიოსანი და ასე ვთქვათ, პოეტური სულის კაცი. ბოლო წლებში უფრო და უფრო გაუხშირდა იმედგაცრუების მტკივნეული წუთები, მეტისმეტი ბლიზიანობა და ეჭვიანობა დასჩემდა და ყოველი შესიტყვე-

1. იმედგაუმაართლებელი (ფრანგ.)

ბა სწყინდა, მაგრამ განახლებულმა რუსეთმა უეცრივ დიდი იმედები აღუძრა, ხოლო გენერლობამ ყველაფერი დააგვირგვინა. კაცს სიმხნევე მოეჩინა, წელში გაიმართა, თავი ასწია კაცმა. ერთბაშად ენამჭევრობის ტრფიალმა აიტანა, გასაოცარბ სისწრაფითა და გზნებით ათვისებულ ახალ იდეებზე გაუფრთხილებლად ლაპარაკობდა. მთელ ქალაქს შემოუვლიდა, ოღონდ კი ქაღალდებზე დაწერილი მისცემოდა და ბევრ ოჯახში მისდა სასიამოვნოდ თავზეხელაღებული ლიბერალის სახელი გაითქვა. ამ საღამოს ოთხმა ჭიქა შამპანურმა მეტისმეტად აუშალა ლაპარაკის საღერღელი. გადაწყვიტა თავის რწმენაზე მოექცია ბ-ნი ნიკიფოროვი, რომელსაც დიდი ხანია აღარ შეხვედრია, მაგრამ მუდამ პატივსაცემდა და უჯერებდა კიდევაც ყველაფერს. ეს კია, რატომღაც ძველი აზრების კაცად მიაჩნდა და ამიტომ გასაოცარი სიფიცხით შეუტია. ბ-ნი ნიკიფოროვი თითქმის არაფერში შედავებია, მხოლოდ მზაკვრულად უსმენდა, თუმცა საუბრის საგანი მართლა აინტერესებდა. გაფიცებული ბ-ნი პრალინსკი, რომელსაც ეგონა, ცხარე კამათი გვაქვსო, იმაზე ხშირად ეწაფებოდა სასმისს, ვინემ საჭირო იყო. ბ-ნი ნიკიფოროვიც უმალ ბოთლს დაავლებდა ხელს და სასმისს უვსებდა. ეს კი უკვე რატომღაც ძალიან სწყინდა ბ-ნი პრალინსკის, მეტადრე, რომ მის გვერდით მჯდომი ბ-ნი შიპულენკო, ვისაც იგი განსაკუთრებული ზიზლით უცქერდა, უფრო მეტიც, მისი გესლისა და ღვარძლის გამო კიდევ უფრო ხობდა, მეტისმეტად ვერაგულად სდუმდა და უფრო ხშირად იკრიჭებოდა, ვიდრე საჭირო იყო. „ესენი, ვგონებ, ლაწირაკად მთვლიან“, თავში გაჰკრა ივან ილიჩს.

— არა, ბატონებო, დროა, რა ხანია, უკვე დროა, — განაგრძობდა ეშხში შესული გენერალი, — კიდევ დაგვაგვიანდა. ჩემი აზრით, ჰუმანურობა, ხელქვეითებთან ჰუმანურობა უპირველესი საქმეა, არ უნდა დავივიწყოთ, რომ ისინიც ადამიანები არიან. ჰუმანურობა ყოვლის მხსნელი და ყოვლის გადამრჩენია...

— ხი-ხი-ხი-ხი! — გაისმა სემიონ ივანოვიჩის სავარძლიდან.

— ვერ გამიგია, ვგრე რატომ გვიწყრებით, — თავაზიანი ღიმილით შეესიტყვა ბოლოს სტეფან ნიკიფოროვიჩი, — გამოგიტყდებით, ივან ილიჩ, და აქამდე ვერ ვავიგე, რას გვიხსნით. თქვენ ჰუმანურობას ანიჭებთ პირველ ადგილს. მაშასადამე, კაცთმოყვარეობას, არა?

— დიახ, თუნდაც კაცთმოყვარეობას. მე...

— მოპითმინეთ ცოტა. რამდენადაც მესმის, საქმე მართო ეს როდი გახლავთ. კაცთმოყვარეობა ყოველთვის მართებს ადამიანს. რეფორმა კი მართო ამით არ ისაზღვრება. მან წამოჭრა უამრავი საკითხი, რაც გლებობას, სასამართლოებს, მეურნეობას, მოიჯარადეებს, ზნეობას თუ... სხვასა და სხვას შეეხება. ისე რომ, ყველაფერმა ერთად შეიძლება წარმოქმნას, ასე ვთქვათ, დიდი მერყეობა. აი, რა გვაშინებს ჩვენ, და არა მართო ჰუმანურობა...

— ამ საქმეს უფრო ღრმად უნდა ჩახედვა, ბატონო ჩემო, დიახ, — ჩაუბრთო ბ-მა შიპულენკომ.

— დიახაც მესმის და ნურც ის გეწყინებათ, სემიონ ივანოვიჩ, თუ საგნების ღრმად ჩაწვდომაში არ ჩამოგრჩებით, — გესლიანად და მეტისმეტად მკვახედ მიუგო ივან ილიჩმა, — ოღონდ მაინც გავბედავ და შევნიშნავ, სტეფან ნიკიფოროვიჩ, რომ ვერც თქვენ გამიგეთ...

— ვერ ვაგიგეთ, ბატონო ჩემო.

— მე კი მწამს და მუდამ იმ აზრს ვადგავარ, რომ ჰუმანურობა და სწორედ ხელქვეითთან ჰუმანურობა, მოხელე იქნება იგი, მწერალი, ყმა თუ გლეხი, შეიძლება, ასე ვთქვათ მოსალოდნელ რეფორმათა თუ საერთოდ განახლების ქვაკუთხედად გამოდგეს. რატომ? იმიტომ. აი, მაგალითისათვის სილოგიზმი: მე ჰუმანური ვარ, მაშასადამე, ხალხს ვუყვარვარ. ხალხს ვუყვარვარ. მაშასადამე, მენდობიან, მენდობიან, სწამთ ჩემი, მაშასადამე, ვუყვარვარ. თუმცა არა, მე მინდა ვთქვა, რომ თუ სწამთ, მაშასადამე, რეფორმასაც იწამებენ, ასე ვთქვათ, საქმის არსს ჩასწვდებიან, ასე ვთქვათ, ერთმანეთს ზნეობრივად გადაეხვევიან და მეგობრულად, საფუძვლიანად გადაწყვეტენ ყველაფერს. რა გაცილებთ, სემიონ ივანიჩი? გაუგებარია?

ბ-მა ნიკიფოროვმა უხმოდ აზიდა წარბები; გაკვირვებული ბრძანდებოდა.

— მე მგონი, ზედმეტი დავლიე, — გესლიანად ჩაურთო ბ-მა შიბულენკომ. — ამიტომაც ცოტა დავჩლუნვდი. ასე ვთქვათ, გონება დამიბნელდა, დიახ.

ბ-ნ პრალინსკის შეაჟრჟოლა.

— ვერ გავუძლებთ, — უეცრივ წარმოთქვა მცირეოდენი ჩაფიქრების შემდეგ ბ-მა ნიკიფოროვმა.

— როგორ თუ ვერ გავუძლებთ? — ჩაპკითხა ამ უეცარი და მოკლე შენიშვნით სახტად დარჩენილმა ივან ილიჩმა.

— დიახ, ვერ გავუძლებთ. — ბ-ნმა ნიკიფოროვმა აღარ ისურვა უფრო ვრცლად განემარტა.

— ღვინო ახალი თხიერთა ახალთა შთაასხითო, ამას ხომ არ გულისხმობთ?

— ცოტა არ იყოს დაცინვით შეესიტყვა ივან ილიჩი. — არა, ბატონო, ჩემს თავზე პასუხს მე ვაგებ.

იმავე წუთს საათმა თორმეტის ნახევარი ჩამოჰკრა.

— ყველაფერს თავისი დრო აქვს, — თქვა ბ-მა შიბულენკომ და ასადგომად წამოიწია, მაგრამ ბ-მა პრალინსკიმ დაასწრო, წამოდგა და ბუხარზე ჩამოდებული თავისი სიასამურის ქუდი აიღო. ნაწყენი იყურებოდა.

მაშ, მოიფიქრებთ, სემიონ ივანიჩი? — უთხრა გაცილებებისა ბ-მა ნიკიფოროვმა.

— ბინაზე ბრძანებთ? მოვიფიქრე, მოვიფიქრებ.

— თუ მოიფიქრებთ, მაშინვე მაცნობეთ.

— სულ საქმეებზე წუხხართ? — თავაზიანად და ოდნავ პირფერულად შენიშნა ბ-მა პრალინსკიმ და ქუდი აათამაშა. ისე ეჩვენა, თითქოს მისი აქ ყოფნა აღარავის ახსოვდა.

ბ-მა ნიკიფოროვმა წარბები აზიდა და აღარაფერი თქვა, აქაოდა, სტუმრებს არ გაკავებთო. სემიონ ივანიჩი საჩქაროდ დაემშვიდობა.

„კი ბატონო... რახან უბრალო თავაზიანობისა არაფერი გესმით... თქვენი ნებაა,“ — გადაწყვიტა გუნებაში ბ-მა პრალინსკიმ და თითქმის დაუდევრად გაუწოდა ხელი ბ-ნ ნიკიფოროვს.

შემოსასვლელში ძვირფას, მსუბუქ ქურქში რომ გაეხვია, რატომღაც თვალი აარიდა სემიონ ივანიჩის გაქუცულ ენოტს. ორივე კიბეზე დაეშვა.

— მგონი, გაგვინაწყენდა ბებერი, — ჩაილაპარაკა ბ-მა პრალინსკიმ დადუმებულ სემიონ ივანიჩს.

— არა მგონია, ვითომ რა მიზეზით? — მიუგო იმან დინჯად და ცივად.

„ყურმოჭრილი ყმა!“ — გაივლო გულში ივან ილიჩმა.

პარმადზე სემიონ ივანიჩს მისი მარხილი მოპგვარეს, შიგ შეუხედავი ტრედანა ცხენი ება.

— ეს რა უბედურება! სად ეშმაკში წაიყვანა ტრიფონმა ჩემი ეტლი! — შესძახა ივან ილიჩმა, როცა თავისი ეტლი ვერ დაინახა. *Ура! ура!*

აქეთ ეცა, იქით ეცა, — ეტლი არა და არ ჩანდა. სტეფან მსახურის მსახურმა არაფერი იცოდა, ჰკითხეს სემიონ ივანიჩის მეეტლე ვარლამს, იმან უპასუხა, სულ აქ ტრიალებდა, ეტლიც აქ იდგა, ახლა კი სადღაც გაჰქრაო.

— უმსგავსობაა! — ბრძანა ბ-მა შიპულენკომ, — გნებავთ მიგიყვანთ?

— ეს რა გათახსირებული ხალხია! — გაცოფებით შეჰყვირა ბ-მა პრალინსკიმ. — იკი მთხოვა მაგ წუბაკმა, ქორწილში გამიშვიო. აქ, პეტერბურგის მხარეს ვილაც მაგისი ნათლიდედა თხოვდება თურმე, ჯანდაბას მისი თავი. სასტიკად ავუკრძალე, ფეხი არ მოიცვალო-მეთქი. სანაძლეოს ჩამოვალ, თუ იქ არ წაეთრა!

— მართლაც იქ წავიდა, — ჩაურთო ვარლამმა, — თქვა კი, ერთ წამში აქ გავჩნდებიო, ანუ დროზე მოვალო.

— აბა, აბა! თითქოს გული მიგრძნობდა! დამაცადოს ერთი!

— ერთი-ორჯერ პოლიციაში გააწკეპლანეთ, მაშინ ისწავლის ჰკუთას. — თქვა სემიონ ივანიჩმა და ეტლის კალთა გადაიფარა.

— მაგაზე ნუ სწუხხართ, სემიონ ივანიჩ!

— თუ გნებავთ, მართლა მიგიყვანთ.

— ბედნიერად იმგზავრეთ, merci.

სემიონ ივანიჩი წავიდა, ივან ილიჩი ფეხით გაუყვა ხეფენილს. ძალიან გაბრაზებულ გუნებაზე იყო.

„ახლა კი მორჩა, ახლა მე ვიცი შენი ამბავი, არამზადავ! ჯიბრზე ფეხით წავალ, რომ შეგრცხვეს და შეგეშინდეს! მოეთრევი და გაიგებ, ბატონი ფეხით წავიდაო... უნამუსო!“

ბ-ნ პრალინსკის თავის დღეში ასე არავინ ულანძლია, მაგრამ გულზე გახეთქილი და თანაც შეზარხოშებული იყო, რაკი სმა არ უყვარდა, რალაც ხუთი-ექვსი ჰიქა შამპანური უკვე თავში აუვარდა. ისე კი მშვენიერი საღამო იდგა. ყუნავდა, მაგრამ ქარი არ ქროდა და საოცარი სიწყნარე სუფევდა. ცა ვარსკვლავებს მოეჭედა. სავსე მთვარე ნაზ ვერცხლისფერ შუქში ხვევდა მიდამოს. ივან ილიჩს ორმოცდაათიოდე ნაბიჯის გავლის შემდეგ სულ დაავიწყდა თავისი გასაჭირი, ისე იმოქმედა ამ მშვენიერმა საღამომ. საოცრად სასიამოვნო გრძნობამ შეიპყრო. შექვიფიანებულ ადამიანს ხომ გუნება სწრაფად ეცვლება. უკაცრიელ ქუჩაში უშნო ხის სახლებიც კი მოეწონა.

„კარგია, ფეხით რომ წამოვედი, — ფიქრობდა გუნებაში, — ტრიფონისათვისაც კარგი გაკვეთილია და მეც ვისიამოვნე. რა ვუყოთ მერე? დიდ პროსპექტზე ხელად ვიშოვი ეტლს. მშვენიერი ღამეა! რა პატარა სახლებია აქ. ეტყობა, წვრილი მოხელეები ცხოვრობენ... ვაჭრებიც ალბათ... ოპოპო, სტეფან ნიკიფოროვიჩი! მერედა, რა დამყაყებული ხალხია ეს ბებრუცუნები! დიახ, დიახ, ბებრუცუნები, c'est le mot.¹ თუმცა ჰკუთას ვერ წაართმევ, bon sens² აქვს,

1. კარგი თქმა (ფრანგ.)

2. საღი აზრი (ფრანგ.)

საგნების ფიზიკური, პრაქტიკული გაგება; მაგრამ დაბერდნენ, დაბერდნენ კია! აღარა აქვთ... მოიცა, რა ჰქვია! ერთი სიტყვით, რაღაც აკლიათ. ვერ გავუძლებთო! ნეტა რა იგულისხმა? დაფიქრდა კიდევ ამის თქმისას. თუმცა მე კი სრულებით ვერ ვამიგო. ან რა იყო გაუგებარი? უფრო ძნელია ვერ ვამიგო, ვინემ ვამიგო, რაც მთავარია, გულითა მწამს. ჰუმანურობა, კაცობრივობა. ადამიანმა თავისი ძალა იგრძნოს... აღუდგინოს საკუთარი ღირსება და მაშინ... მზა მასალით შეუდგე საქმეს. მგონი, ნათელია! დიახ, ბატონო! ნუ გეწყინებათ, თქვენო აღმატებულებავ, რა სილოგიზმი აიღეთ; მაგალითად, შევხვდით ერთ მოხელეს, ღარიბს, დაბჭრავებულს. „აბა... ვინ ხარ?“ „მოხელე“. ძალიან კარგი, მოხელე. შემდეგ: „რა მოხელე ხარ?“ ესა და ეს. „მსახურობ?“ „ემსახურობ!“ „ვინდა ბედნიერი იყო?“ „მინდა“. „რა არის საჭირო ბედნიერებისათვის?“ ეს, ეს და ეს. „რატომ?“ იმიტომ... ჰოდა, ამ კაცს ჩემი ორი სიტყვიდან ესმის: ის უკვე ჩემია, ასე ვთქვათ, უკვე გავაბი ბადეში, როგორც მინდა; ისე ვატრიბუირებ, ესე იგი, მისივე სიკეთისთვის. დიდი წუბაკი ვინმეა ეს სემიონ ივანიჩი ან რა წუბაკი სიტყვით აქვს... პოლიციაში გააწკებლინეო, — განგებ მითხრა. — არა, ძმაო, თუ ვინდა შენ გააწკებლინე, მე ვერ ვაწკებლავ. ტრიფონს სიტყვით მოვუვლი, საყვედურებით მოვიყვან ჰკუაზე, მაშინ იგრძნობს. წკებლას რაც შეეხება, ჰმ... ეს საკითხი გადაუწყვეტელი რჩება. ჰმ... ემერანსთან ხომ არ შემეველო? ეს ოხერი წანწალები! — შესძახა მან, ფეხი რომ დაუცდა. — სატახტო ქალაქიც ამას ჰქვია! განათლებაც ამას ჰქვია. კაცი ფეხს მოიტეხს. ჰმ, უჰ, უჰ, როგორ მძულს ეს სემიონ ივანიჩი, დიდი წუნკალი სიტყვით აქვს. ჩაიხიბითა, წელან რომ ვთქვი: ერთმანეთს გადაეხვევიან-მეთქი. დიახაც გადაეხვევიან, რა შენი საქმეა? ნუ გეშინია, შენ მაინც არ გადაეხვევი; გლეხს უფრო გადაეხვევი... გლეხი თუ შემხვდა, დაველაპარაკები კიდევ. თუმცა მთვრალი ვიყავი და იქნებ ისე ვერა ვთქვი. მგონი, ახლაც ისე ვერ ვამბობ... ჰმ. თავის დღეში აღარ დავლევ. იყბედებ, იყბედებ საღამოს და მეორე დღეს ნანობ. მერე რა, ხომ არ ვბანცალებ... თუმცა ყველა კაი არამზადაა!“

ასე არეულად, უთავბოლოდ მსჯელობდა ივან ილიჩი და ხეფენილს მიჰყვებოდა. სუფთა პაერმა იმოქმედა და, ასე ვთქვათ, გუნება აუშალა. ხუთიოდ წუთის შემდეგ დამშვიდდებოდა და ძილი მოუნდებოდა. მაგრამ უცბად დიდი პროსპექტიდან თითქმის ორ ნაბიჯზე მუსიკის ხმა მოესმა. მიიხედ-მოიხედა, ქუჩის მეორე მხარეზე ერთ ძველ, ერთსართულიან გრძელ ხის სახლში დიდი ქვიფი იყო. წრიპინებდნენ ვიოლინოები და კონტრაბასი, აკყვიტინებდა ფლეიტა კადრილის მხიარულ პანგს, ფანჯრებთან მაყურებლები მიმდგარიყვნენ, მეტწილად დაბამბულსალოპიანი და თავსაფრიანი დედაკაცები და დარაბის ჰუჭურუტანებში იჭყიტებოდნენ, რამე დაეინახოთო. შიგ ალბათ დიდი მხიარულება სუფევდა, მოცეკვავეთა ფეხების ბრაგუნს მეორე მხარეს გაიგონებდი. ივან ილიჩმა შორიახლოს უბნის პოლიციელს ჰკიდა თვალი და მისკენ წავიდა.

— ეს ვისი სახლია, ძმაო? — ჰკითხა და ზუსტად იმდენზე გადაიღელა ძვირფასი ქურქი, პოლიციელს ყელზე დაკიდებული საკმაოდ დიდი ორდენი დაენახა.

— მოხელე ფსელდონიმოვისა გახლავთ, ლეგისტრატორის, ბატონო, — მიუგო პოლიციელმა და წინ გაეჭიმა. ორდენი უმაღლესი შეამჩნია.

— ფსელდონიმოვისა? ჰმ! ფსელდონიმოვის... ვითომ რა? — ცოლს თხოულობს?

— თხოულობს, თქვენო მაღალშობილებავ, ტიტულარული მრჩევლის ქალს თხოულობს. გვარად მლეკოპიტაევისა... გამგეობაში მსახურობდა. ამ სახლს მზითვევში აძლევს თავის ქალს.

— მაშ ეს უკვე ფსელდონიმოვის სახლია და არა მლეკოპიტაევისა?

— ფსელდონიმოვისა, თქვენო მაღალკეთილშობილებავ. მლეკოპიტაევის იყო, ახლა ფსელდონიმოვისა გახლავთ.

— ჰმ, იმიტომ გეკითხები, ძმაო, რომ მისი უფროსი ვარ იმ უწყების გენერალი, სადაც ფსელდონიმოვი მსახურობს.

— ეგრე გახლავთ, თქვენო აღმატებულებავ. — პოლიციელი კიდევ უფრო გაიჭვიმა. ივან ილიჩი კი ჩაფიქრდა. რაღაცას საზრობდა...

ჰო, ჰო, ფსელდონიმოვი მართლა მის უწყებაში მუშაობდა, სწორედ მისსავე კანცელარიაში, იმ პატარა მოხელეთაგანი იყო, ვისი ჯამაგირი თვეში ათ მანეთს არ აღემატებოდა: ბ-მა პრალინსკიმ დიდი ხანი არაა, რაც კანცელარია ჩაიბარა. ამიტომ ყველა თავისი ხელქვეითი შეიძლება არც ხსომებოდა, მაგრამ ფსელდონიმოვი კი დაამახსოვრდა და ისიც მისი გვარის წყალობით. მაშინვე თვალში ეცა და დაინტერესდა ამ გვარის პატრონისთვის კარგად შეეხედა. ახლა მოაგონდა, რომ ჯერ სულ ახალგაზრდა ბიჭი იყო, ჰქონდა გრძელი კებიანი ცხვირი, ღია ქერა ბურძვი თმა, გამჭლეული, ნაშიმშილევი სახე. ეცვა უბადრუკი ვიცმუნდირი და კიდევ უფრო სამარცხვინო შარვალი. გაახსენდა, მაშინვე რომ გაიფიქრა: რა იქნება, თუმნით მეტი მივცეთ ამ საცოდავ, უქმეზე მაინც გამოძლესო? მაგრამ რახან ამ საცოდავს თავ-პირი ჩამოსტიროდა და გამოხედვაც უსიამო, ზიზღისმომგვრელი ჰქონდა, ეს კეთილი ზრახვა თავისთავად გაქრა და ფსელდონიმოვიც უჭილდოოდ დარჩა. ჰოდა, კიდევაც გაუკვირდა, როცა ამ ფსელდონიმოვმა ერთი კვირის წინათ თხოვნა შემოიტანა, ცოლს ვთხოულობო. ივან ილიჩს გაახსენდა, რომ რატომღაც ვერ მოიცალა ამ საქმის დაწვრილებით გასარჩევად, და ქორწილის საქმე ზერელედ, ხელდახელ გადაწყდა. მაგრამ ის კი კარგად ახსოვდა, რომ ფსელდონიმოვი მზითვად ხის სახლს და ორმოც თუმან ნაღდ ფულს იღებდა. ამ გარემოებამ მაშინაც გააოცა. ისიც ახსოვდა, რომ ფსელდონიმოვისა და მლეკოპიტაევის გვარების შეერთებაზე კიდევაც წაიოხუნჯა.

მოიგონა ეს ყველაფერი და უფრო მეტად ჩაფიქრდა. მოგეხსენებათ, თავში ზოგჯერ უამრავი ფიქრი გაგირბენს კაცს თვალის დახამხამებაში რაღაც შეგრძნებების მსგავსად, რაც ადამიანისა და მით უმეტეს ლიტერატურის ენაზე ძნელად გადმოითარგმნება. მაგრამ მაინც შევეცდებით ჩვენი გმირის ეს შეგრძნებანი გადმოვთარგმნოთ და მკითხველს თუნდაც ამ შეგრძნებათა არსი მივაწოდოთ. ასე ვთქვათ, რაც მთავარია და თან სიმართლესაც ჰგავს. რამეთუ ჩვეულებრივ ენაზე გადმოთარგმნილი ჩვენი ბევრი შეგრძნება დაუჯერებელი შეიძლება ეჩვენოს კაცს. ამიტომაც უჩინარნი რჩებიან ისინი ქვეყნისთვის, მიუხედავად იმისა, რომ ყოველ ჩვენგანს აქვს. რაღა თქმა უნდა, ბ-ნ პრალინსკის შეგრძნებანი და ფიქრები ცოტა არეული გახლდათ, თუმცა კარგად მოგეხსენებათ, რატომაც.

„ეეჰ! კაცმა რომ თქვას, ლაპარაკში ვერავინ გვაჯობებს, მაგრამ საქმე საქმეზე რომ მიდგება, კაბიკია ჩვენი ფასი. აი, მაგალითად, თუნდაც ეს ფსე-

ლდონიმოვი ავიღოთ: კაცმა ჯვარი დაიწერა. ეკლესიიდან გულაჩუყებული მოვიდა, იმედით, მოლოდინით აფორიაქებული... ეს მისი ცხოვრების უნეტარესი დღეა.. ახლა სტუმრებს დაჭფუსფუსებს, ქეიფს მართავს — მართალია უბრალოსა და ღარიბულს, სამაგიეროდ მხიარულსა და უგულწრფულს. ნეტა რა მოუვა, რომ გაიგოს, მე, მისი უფროსი, მისი ყველაზე დიდი უფროსი ამ წუთს მის სახლთან ვდგავარ და მუსიკას ვუსმენ! მართლა რა მოუვა, ჰა? არა, მართლა რა დაემართება, რომ უცებ ავდგე და შევიდე? ჰმ... ცხადია, ჯერ დაფრთხება, დაბნეულობისაგან ენა ჩაუვარდება. ჩემი მისვლა ხელს შეუშლის, იქნებ ყველაფერი ჩაუშალოს... დიახ, დიახ, სწორედ ასე მოხდება, ვინმე სხვა გენერალი რომ შევიდეს, მხოლოდ მე არა... საქმეც ისაა, ვინც გინდა ჩემ გარდა...

დიახ, სტეფან ნიკიფოროვიჩი! წელან თქვენ ვერ გამიგეთ. მაგრამ აჰა, ბატონო, უტყუარი მაგალითიც.

დიახ, ბატონო, ჩვენ ყველანი ბევრს გავყვირით ჰუმანიზმზე, გმირობის ჩადენა კი არავის ძალგვიძს.

რა გმირობის? რა და ასეთის. აბა განსაჯეთ: საზოგადოების ახლანდელი ვითარებისას ჩემი შესვლა, დიახ, დიახ, ჩემი შესვლა ღამის პირველ საათზე ჩემი ხელქვეითის, ათმანეთიან რეგისტრატორის ქორწილზე — ეს ხომ არეულობას გამოიწვევს, ეს ხომ იდეათა შეტრიალებაა, პომპეის უკანასკნელი დღე. დომხალი! ამას ვერაფერს გამიგებს. სტეფან ნიკიფოროვიჩი მოკვდება და ვერ გაიგებს, აკი თქვა: ვერ გავუძლებთო. დიახ, თქვენ ვერ გაუძლებთ, იმიტომ რომ დაბერდით, იმიტომ რომ დამბლადაცემულენი ხართ, იმიტომ რომ დამყაყდით ხალხი, მე კი გავუძლებ! მე გადავაქცევ პომპეის უკანასკნელ დღეს ჩემი ხელქვეითისათვის უნეტარეს დღედ, გაუგონარ საქციელს — ჩვეულებრივ, პატრიარქალურ, მაღალი ზნეობის საქმედ. როგორ? როგორ და ასე. აბა ყური მიგდეთ...

დიახ... ვთქვათ და, შევედი: — ყველა სახტად რჩება, ციკვები წყდება, დაფეთებული მიცქერიან. უკან-უკან იხევენ. ასე, ბატონო, მაგრამ აქ ჩემს თავს ვაჩენ: პირდაპირ მივადგები შეშინებულ ჟსელდონიმოს და ალერსიანი ღიმილით უბრალოდ ვეტყვი: „ასეა და ასე-მეთქი, მის აღმატებულება სტეფან ნიკიფოროვიჩთან გახლდით, ვგონებ, იცი. აქ მეზობლად ცხოვრობს...“ შემდეგ ისე, ხუმრობით ვყვები ტრიფონის ამბავს. მერე იმაზე ვყვები, როგორ წამოვედი ფეხით: „ჰოდა, — მუსიკა გავიგონე, პოლიციელს ვკითხე და შევიტყვეთურმე ცოლს თხოულობ, ძმაო, ვიფიქრე, მოდი, ჩემს ხელქვეითთან შევალ, დავხედავ, ჩემი მოხელეები როგორ ილხენენ და... ქორწილდებიან. მე მგონი, არ გამაგდებ!“ გამაგდებო! როგორ მოსასმენია, ჰა, ხელქვეითისათვის. რის გაგდება, რა გაგდება! მგონი, ჭკუაზე შეცდება კაცი, აცახცახდება, პირველ წუთს გონზეც ვერ მოვა!...

განა რა უნდა იყოს ამ საქციელზე უბრალო და მოხდენილი! რისთვის შევედი? ეს სხვა საკითხია! ეს უკვე, ასე ვთქვათ, საქმის ზნეობრივი მხარეა. აქ მარხია ძალღლის თავი!

ჰმ... რაზე ვფიქრობდი? ჰოო!

რა თქმა უნდა, ყველაზე საპატიო სტუმართან დამსვამენ, ვინმე ტიტულარულ მრჩევლისა თუ გადამდგარი შტაბ-კაპიტნის გვერდით, მათ წითელცხვირა ნათესავთან... დიდებულად აქვს აღწერილი ეს თავისებური ხალხი გოგოლს... რასაკვირველია, პატარძალსაც გამაცნობენ. მეც შევაქებ, სტუმრებს.

გავამხნევებ. ვთხოვ, არ მოგერიდოი, იმხიარულეთ, იცეკვეთ-მეთქი, ვიოხუნ-
ჩებ, ვიცინებ, მოკლედ — თავაზიანად და საამურად მოვიქცევი, როგორც ყო-
ველთვის, თუ ჩემი თავის კმაყოფილი ვარ... ჰმ... საქმეც ისაა, რომ შგონი
ცოტა კიდევ... არა, მთვრალი კი არა, ასე ვთქვათ...

...რასაკვირველია, ჯენტლმენის პირობაზე, ყველას ისე ვექცევი, როგორც
ჩემს ტოლსა და ყადრს, განსაკუთრებულ პატივს არ ვითხოვ. მხოლოდ ერთი შე-
ნება ზნეობრივ მხარეს, ეს სხვა საქმეა: ისინი მიხვდებიან და დაიფასებენ...
ჩემი საქციელი გაუღვიძებთ ყველა კეთილშობილურ გრძნობას... ჰოდა, დაე-
რჩები ნახევარი საათი... ჰა, ერთი საათი. ცხადია, ვახშამადე წამოვალ. ჰო, ჰო,
როგორ დაბზრიალდებიან, რას არ შესწვავენ და გამოაცხობენ, წელში გადა-
ტყდებიან ხვეწნით, მე კი მხოლოდ ერთ სასმისს დავლევ, დავლოცავ, ხოლო
ვახშამზე უარს ვიტყვი. საქმეები მაქვს-მეთქი, მოვიმიზეზებ. „საქმეს“ რომ ვი-
ტყვი, ყველას სახე დაუგრძელდება და მოწიწება გადაეფინება. ეს ჩემგან თა-
ვაზიანი შეხსენება იქნება, თუ რა სხვაობაა ჩვენ შორის. ცა და დედამიწა. არა,
კი არ მინდა ვაგრძნობინო, მაგრამ ხომ მაინც საჭიროა... რაც არ უნდა თქვა,
ზნეობრივადაც აუცილებელია, თუმცა მაშინვე გავიღიმებ, გავიცინებ კიდე-
ვაც და ყველანაც გამხნევდებიან... პატარძალსაც ისევე გავეხუმრები; ჰმ...
იმასაც გადავუკრავ, ზუსტად ცხრა თვის თავზე ნათლიად გესტუმრებით-მეთქი.
ჰე-ჰე! ის ალბათ ამ დროისთვის მოილოგინებს, ეგენი ხომ კურდღლებივით მრავ-
ლდებიან. ყველა გადაიხარხარებს, პატარძალი გაწითლდება. მე გრძნობით
ვაკოცებ შუბლზე, დავლოცავ... და მეორე დღეს ჩემი გმირობის ამბავი მთელ
კანცელარიას მოეფინება. მეორე დღეს კვლავ მკაცრი გავხდები, მეორე დღეს
კვლავ მომთხოვნი ვიქნები, შეუბრალებელიც კი, მაგრამ ჩემი გულის ამბავი
უკვე ყველას ეცოდინება. გაიგებენ, ვინცა ვარ და რაცა ვარ; „უფროსის კვალ-
ობაზე სასტიკია, როგორც ადამიანი კი ანგელოზი!“ და გავიმარჯვებ კიდევ.
დიდი არაფერია, მაგრამ ამ საქციელით, თქვენ რომ თავშიც არ მოგივათ, ეგე-
ნი უკვე ბაღეში გავხვიე, ეგენი უკვე ჩემები გავხადე, მე — მამა, ისინი — შვი-
ლები... აბა, თუ ვაჟკაცი ხართ, მობრძანდით და ასე მოიქეცით, თქვენო აღმა-
ტებულებავ, სტეფან ნიკიფოროვიჩ...

...იცით კი, ან გესმით კი, რომ ფსელდონიმოვი თავის შვილებს მოუყვება და
გადასცემს ამბად, თვით გენერალმა იქეიფა ჩემს ქორწილზეო! მისი შვილები
თავიანთ შვილებს მოუყვებიან, ისინი შვილიშვილებს და წმიდათაწმიდა ანე-
კდოტად დარჩება ის ამბავი, წარჩინებულმა სახელმწიფო მოღვაწემ (იმხ-
ნისთვის კი ერთიც ვიქნები და მეორეც), როგორ გახდა ისინი ღირ-
სად... და ა. შ. ა. შ. მე ხომ ამით დაბეჩაფებულს ზნეობრივად წელში გავმა-
რთავ, მე ხომ მას თავის თავის რწმენას დავუბრუნებ... ის ხომ თვეში ერთ
თუმანს იღებს... მე რომ ხუთჯერ ან ათჯერ ასე რიგად მოვიქცე, საქვეყნოდ
ცნობილი გავხდები... ყველას გულზე დავეხატები. ამისთანა ცნობილი სახე-
ლით კი, ღმერთმა იცის, რას არ მოიხვეჭს კაცი!..“

ასე თუ ამდაგვარად მსჯელობდა ბ-ნი პრალინსკი (ბატონებო, განა ამისთ-
ანებს იტყვის ადამიანი თავის გულში, მეტადრე ესოდენ უცნაურ გარემოებაში).
ამ ფიქრებმა გაურბინა რაღაც ნახევარი წუთის მანძილზე თავში და იქნებ მარ-
თლა ამ ოცნებებით დაკმაყოფილებულიყო, იქნებ მხოლოდ გულში შეერც-
ხვინა სტეფან ნიკიფოროვიჩი, შემდეგ კი არხეინად წასულიყო შინ და მშვიდ-

ად დაეძინა. მერედა, რა კარგად მოიქცეოდა! მაგრამ ვაი, რომ ეს მხოლოდ წუთი იყო, უცნაური წუთი...

თითქოს ჯიბრზე, სწორედ ამ წუთს მოჩახჩახებულმა წარმოსახვამ უც-
რივ სტეფან ნიკიფოროვიჩისა და სემიონ ივანოვიჩის გაბლენილი სახეები
დაუხატა.

— ვერ გავუძლებთ! — გაიმეორა სტეფან ნიკიფოროვიჩმა და ქედმაღლუ-
რად გაიღიმა.

— ხი-ხი-ხი! — ბანი მისცა სემიონ ივანოვიჩმა ბილწზე ბილწი ღიმილით.

— აბა ვნახოთ, თუ ვერ გავუძლებთ! — გადაწყვეტით თქვა ივან ილიჩმა
და სახეზე სისხლი მოაწვა. მერე წანწალიდან ჩამოვიდა, მტკიცედ გადასჭრა
ქუჩა და თავისი ხელქვეითის, რეგისტრატორ ფსელდონიშოვის სახლს მიაშურა.

იგი წერას აეტანა, მას ბედისწერა მიაქროლებდა. მხნედ შევიდა ღია ჭიშ-
კარში და ზიზღით ჰკრა ფეხი პატარა, გაბანჯგლულ ფინიას, რომელიც უფრო
თავის გამოსაჩენად, ვინემ საქმისათვის, ჩახრინწული ყუფით შეუვარდა ფეხე-
ბში. გადახურულ პარმალამდე ფიცარნაგით მიაღწია. შემდეგ აიარა დაძველე-
ბული კიბე და პაწაწკინტელა წინკარში ამოჰყო თავი. იქ, სადღაც კუთხეში
სანთლის ნამწვი თუ სანათი ბეუტავდა, მაგრამ ივან ილიჩმა მარცხენა კალოში
მაინც ჩატუცა გასაცივებლად გამოდგმულ ვალანტირში, რომ დაიხედა, იქ
კიდევ ორი ლანგარი დაინახა რაღაც ლაბიანი კერძით და ორი თასიც, მგონი, ბლა-
ნმანყეთი. გაჰყლეთილმა ვალანტირმა, ცოტა არ იყოს, შეაცბუნა და წამით თა-
ვში გაუელვა: ხომ არა სჯობს გავიპარო? მაგრამ ეს აზრი მეტისმეტად ლაჩ-
რობად მიიჩნია. იფიქრა, მაინც არავის დაგუნახივარ, ჩემზე ვერც ვერავინ იფ-
იქრებსო, საჩქაროდ გაიწმინდა კვალის დასაფარავად კალოში, ქერით აკრული
კარი ხელით მონახა, შეალო და პაწაწკინტელა დერღვანში აღმოჩნდა. მისი ერთი
ნახევარი შინელებს, ბეკეშებს, სალოუებს, კაპორებს, შარფებსა და კალოშებს
გაეტენა. მეორეში მუსიკოსები დასკუპებულებიყვნენ. ორი ვიოლინო, ფლეიტა
და კონტრაბასი — სულ ოთხი კაცი — რა თქმა უნდა, ქუჩიდან მოყვანილნი,
შეუღებავ ხის მაგიდას მისხდომოდნენ, წინ ერთი ქონის სანთელი ედგათ და
გამყავანად, თავაწყვეტით აწრიბინებდნენ კადრილის ბოლო ცეკვას. დარბა-
ზის ღია კარიდან, მტვრის ბუღსა, თამბაქოს კვამლსა და ოხშივარში მოცეკვა-
ვენი მოჩანდნენ. იდგა ერთი ხორხოცი, ყიჟინა, ისმობდა ქალების კვილი. კა-
ვალრები ისე აბრაგუნებდნენ ფეხებს, ცხენების ესკადრონი გეგონებოდა. იმ
სოდომში ცეკვების გამრიგეს ხმა ისმობდა, როგორც ჩანს, დიდი უტიფარი
და წრეგადასული კაცისა: „კავალრები წინ, შენ დე დამ, ბალანსე!“ და სხვა.
ცოტა არ იყოს აღელვებულმა ივან ილიჩმა ქურქი და კალოშები გაიძრო და
ქუდით ხელში ოთახში შევიდა. უკვე განსჯის თავიც არ ჰქონდა...

პირველ წუთს ვერავინ შეამჩნია: ცეკვა მთავრდებოდა და ყველა ამით იყო
გართული. ივან ილიჩი დარეტიანებულიყო იდგა, ამ დომხალში ვერაფერი გა-
ვრჩია. თვალწინ უკრთობდა მანდილოსანთა კაბები, პაპიროსგაჩრილი კავალრე-
ბი. ვიღაც ქალბატონის ღია ცისფერი შარფი ცხვირის წვერზე მოხვდა. ამ ქალს
გახელებული ალტაცებით მიჰყვა თმაგაჩეჩილი სტუდენტი და საკმაოდ მაგარი
მუჯღუგუნე უთავაზა. თვალწინ გაუელვა კიდევ სავერსე ბოძივით აყუდებუ-
ლმა რომელიღაც პოლკის ოფიცერმა. ბრაგუნ-ბრაგუნით ჩაუქროლა ვილიცამ
და არაბუნებრივი ხმით დასკყივლა: „ეპეი, ფსელდონიშოვა!“ ივან ილიჩს ფე-

ხები ეწებებოდა იატაკზე, ალბათ სანთელი თუ წაესვათ. ოთახი პატარა არ იყო, სტუმარი ოცდაათამდე იჭნებოდა.

მაგრამ ერთი წუთის შემდეგ კადრილი დამთავრდა. დამთავრდა და თითქმის მაშინვე ის მოხდა, რაზეც წანწილაზე ოცნებობდა. სტუმრებსა და მოკეკვავეებს შორის, რომლებმაც სულის მოთქმა და ოფლის მოწმენდა ვერ მოასწრეს, რაღაც უჩვეულო დუდუნნი და ჩურჩული ატყდა. ყველას თვალი და ყველას მზერა შემოსულმა სტუმარმა მიიჯაჭვა. შემდეგ ნელ-ნელა უკან-უკან დაიხიეს. ვისაც კი ივან ილიჩი ჯერ ვერ შეემჩნია, იმათ ტანსაცმელზე ეჭაჩებოდნენ და გონს მოჰყავდათ. ისინიც მოიხედავდნენ და მაშინვე სხევებთან ერთად უკან იხევდნენ. ივან ილიჩი ზღურბლზე იდგა გაუნძრევლად. მასსა და სტუმრებს შორის თანდათან დიდდებოდა მანძილი. ცარიელი სივრცე კი იატაკზე დაყრილი კანფეტების ქალაღებით, ბილეთებითა და პაპიროსის ნამწვავებით იყო მოფენილი. უცებ ამ ცარიელ სივრცეში გაუბედავად შემოვიდა ერთი ახალგაზრდა კაცი, რომელსაც ვიცემუნდირი ეცვა, ბუძვა ჭერა თქმა და კეხიანი ცხვირი ჰქონდა. ისე მობლუნძული მოდიოდა ბ-ნ პრალინსკისაკენ და ისე შეჰყურებდა მოულოდნელ სტუმარს, როგორც ძაღლი თავის პატრონს, რომელიც წიხლის ჩასაზელად ეძახის.

— გამარჯობა, ფსელდონიმოვ. ვერ მიცანი?... — უთხრა ივან ილიჩმა და იმწამსვე იგრძნო, რა უხერხულად გამოუვიდა ნათქვამი და რა დიდ სისულელეს სჩადიოდა ამ წუთს.

— თ-თ-თქვენო აღმატებულებაჲ!.. — ამოიღულღულა ფსელდონიმოვმა.

— მაშ, მაშ, ძმაო, სრულიად შემთხვევით შემოვიარე, თვითონაც მიხვდებით ალბათ...

მაგრამ ფსელდონიმოვს არაფრის მიხვედრის თავი არ ჰქონდა. თვალეზღაჟყეტილი, გაოგნებული იდგა.

— მე მგონი, არ გამაგდებ... ხომ იცი, სტუმარი ღვთისაა!.. — განაგრძო ივან ილიჩმა და იგრძნო, როგორ იწურება სირცხვილის ოფლში, გაღიმება უნდა და ვერ ახერხებს, სტეფან ნიკიფოროვიჩსა და ტრიფონზე გახუმრებაც გაუჭირდება ახლა და არც გამოუვა. არადა, ფსელდონიმოვი, თითქოს ჯიბრზე, ისევ გაშეშებული დგას და გამოლენჩებული შეჰყურებს. ივან ილიჩი შეტოკდა, მიხვდა, ცოტა კიდევ და რაღაც წარმოუდგენელი დომხალი მოხდება.

— ხელი თუ შეგიშალეთ... მე წავალ! — ძლივს ამოღერდა მან და ტუჩის მარჯვენა კუთხესთან რაღაც ძარღვი აუთამაშდა...

მაგრამ ფსელდონიმოვი უკვე გონს მოეგო...

— რას ბრძანებთ, თქვენო აღმატებულებაჲ... როგორ გეკადრებათ... ესოდენი პატივი... — ლულღულღულებდა და წელში ოთხად იკეცებოდა, — წყალობა დაგვდეთ და დაბრძანდით... — საბოლოოდ გამორკვეულ ფსელდონიმოვს ორივე ხელი დიენისკენ გაეშვირა, საიდანაც ცეკვების დროს მაგიდა გაეწიათ...

ივან ილიჩმა სული მოითქვა და დივანზე დაჯდა; ვიღაცამ საჩქაროდ მაგიდა მოუჩოჩა. ბ-მა პრალინსკიმ მიმოიხედა და ნაჩა, მის გარდა ყველა ფეხზე იდგა, ქალებიც კი. ეს ცუდი ნიშანი იყო. მაგრამ ახლა არც რამის თქმა და არც გამხნევება არ ივარგებდა. სტუმრები ისევ უკან-უკან იხევდნენ. წინ მხოლოდ წელში მოკაკული, გაოგნებული ფსელდონიმოვი იდგა, რომლის სახეს დიმილის ნატამალი არ ეტყობოდა. რაღა ბევრი გავაგრძელო, ისეთი საძაგელი ვითარება შეიქმნა და ჩვენი გმირი იმ წუთს ისეთმა საშინელმა განცდებმა შე-

იპყრო. მისი პარუნ-ალ-რაშიდული შემოქრა მხოლოდ და მხოლოდ პრი-
ნციპის გამო ხელქვეითის ოჯახში დასტურ დიდ გმირობად შეთვლებოდა.
უცებ ფსელდონიმოვს ვილაც კაცი ამოუდგა გვერდით და ბ-ნი პრალინსკის თა-
ვი დაუკრა. ივან ილიჩმა ენით აუწერელი სიხარული და ბედნიერება იგრძნო,
როცა თავისი კანცელარიის პალატის უფროსი აკიმ პეტროვიჩი ზუბოვი იც-
ნო, ვისაც, მართალია, კარგად არ იცნობდა, მაგრამ საქმიანი და უხელო მოხელე
რომ იყო, ეს კი იცოდა. ბ-ნი პრალინსკი სასწრაფოდ წამოდგა და აკიმ პეტ-
როვიჩს ხელი გაუწოდა, დიახ, დიახ, ხელი და არა ორი თითი. გენერალი აღ-
ტაცებამ მოიცვა. ხსნა მოეგლინა, კაცი გადარჩა.

მართლაც ფსელდონიმოვი უკვე მეორე კი არა, ასე ვთქვათ, მესამე პირად
იქცა. ბ-ნი პრალინსკის ახლა შეეძლო პირდაპირ პალატის უფროსისათვის ეამ-
ბნა, რისი მოყოლაც სურდა და ამ გასაჭირში ნაცნობად და ახლო ნაცნობადაც
მიეჩნია. ფსელდონიმოვს კი თუნდაც სულ ნუ ამოელო ხმა და მხოლოდ
მოწიწებით ეცახცახა, წესი და რიგი მაინც დაცული იქნებოდა. ისე კი
რალაც მართლა უნდა ეამბნა; ივან ილიჩი გრძნობდა და ხედავდა, რომ სტუმ-
რები რალაცას მოეღიან, რომ ორივე კარი ოჯახის წევრებით გაიჭედა და ლა-
მის ზედახორას გადადიან მის დასანახად და მოსასმენად. მაგრამ ეს ხეპრე პა-
ლატის უფროსი რომ არ ჯდებოდა, ეს კი ცუდია.

— რალას უცდით! — ჩაილაპარაკა ივან ილიჩმა და უხერხულად მიუთითა
თავის გვერდზე ადგილი.

— რას ბრძანებთ... მე აქაც, ბატონო ჩემო... — აკიმ პეტროვიჩი სასწრა-
ფოდ დაჯდა სკამზე, რომელიც ჭიუტად ფეხზე მდგარმა ფსელდონიმოვმა ხელ-
დახელ მიუსრიალა.

— წარმოიდგინეთ, რა ამბავი მოხდა, — მხოლოდ და მხოლოდ აკიმ პეტ-
როვიჩის მისამართით თამამად დაიწყო ივან ილიჩმა. თუმცა ხმა ოდნავ უკან-
კალებდა, სიტყვები გაჭიანურებითა და დაყოფით გამოსდიოდა, ა-ს ნაცვ-
ლად რატომღაც ე-ს გამოთქვამდა, მოკლედ, თვითონვე გრძნობდა, რომ იპრა-
ნჭებოდა, მაგრამ თავს ველარმორეოდა; რალაც გარეშე ძალა ამოქმედებდა.
იმ წუთს საოცრად ბევრ რასმე შეიგრძნობდა და ამ შეგრძნებით მტანჯველად
განიცდიდა.

— წარმოიდგინეთ, ეს წუთია სტეფან ნიკიფოროვიჩ ნიკიფოროვისაგან მო-
ვდივარ. ალბათ გსმენიათ, საიდუმლო მრჩეველი რომაა. ჰმ... იმ კომისიისა...

აკიმ პეტროვიჩი მოწიწებით გადმოიხარა წინ: აქაოდა, როგორ არ გვსმე-
ნიაო.

— ახლა შენ მეზობლად ცხოვრობს. — ზრდილობის გამოწამით ფსელ-
დონიმოვისაკენ მიაბრუნა თავი ივან ილიჩმა, მაგრამ თვალეზზე რომ შეატყო,
ფსელდონიმოვისათვის ეს სულ ერთი იყო, უმაღლესე მოტრიალდა.

— ბებერს მთელი სიცოცხლე აბოდებდა სახლის ყიდვა... ჰოდა,, იყიდა
კიდევ. ძალიან კოხტა სახლია. დიახ... თანაც დღეს მისი დაბადების დღე ყო-
ფილა. თუმცა წინათ არასოდეს უზეიმია, გვიმალავდა და არ გვიმხელდა, ხარჯს
ერიდებოდა, ხე-ხე! ახალმა სახლმა კი ისე გაახარა, მე და სემიონ ივანოვიჩი
დაგვპატიეთა. იცნობთ ალბათ შიბულენკოს.

აკიმ პეტროვიჩი ისევ გადმოიხარა და დიდი მოწიწებითაც გადმოიხარა!
ივან ილიჩს ცოტა გულზე ეფონა. თორემ ლამის იყო იფიქრა, ხომ არ მიხვდა

პალატის უფროსი, მისი აღმატებულებისთვის ამ წუთას ერთადერთი ხსნა ვარო. ეს კი ყველაზე უარესი იქნებოდა.

— პოდა, დავსხედით სამივე, შამპანური გამოიტანა, საქმეებზე ვიმუსაოფეთ... ხომ იცით, აქითურზე, იქითურზე... სხვადასხვა საკითხებზე... კოლეგაც ვიკამათეთ... ხე-ხე!

აკიმ პეტროვიჩმა მოწიწებით ასწია წარბები.

— მაგრამ საქმე ეს არაა. ბოლოს გამოვეთხოვე, მოგეხსენებათ მოხუცის ამბავი, თავის წესების კაცია, ადრე წვება. გამოვედი... სადაა ჩემი ტრიფონი! შევშფოთდი, ვიკითხე: „ტრიფონმა სად წაიყვანა-მეთქი ეტლი?“ თურმე იმ იმედით, დააგვიანდებო, ვიღაც თავისი ნათლიდედის ქორწილზე წაბრძანებულა... ღმერთმა იცის მისი თავი. აქვე, პეტერბურგის მხარეს ყოფილა. ეტლიც თან წაუყვანია. — გენერალმა ზრდილობის ხატრით ისევ ახედა ფსელდონიმოვს. ისიც უმალ მოიბღუნდა, თუმცა ისე არა, ვითარც გენერალს ეგებოდა. „ეს რა უსულგულო ვინმე ყოფილა“, — გაუელვა თავში.

— რასა ბრძანებთ! — მიატანა დიდად განცვიფრებულმა აკიმ პეტროვიჩმა. გაკვირვების ბუბუნა აღმოხდა სხვებსაც.

— აბა განსაჯეთ ჩემი მდგომარეობა... (ივან ილიჩმა ყველას მოავლო თვალი) რა გზა მქონდა, ფეხით წამოვედი. ვიფიქრე, დიდ პროსპექტამდე მივალ და რომელიმე ვანკას ავიყვან-მეთქი.. ხე-ხე!

— ხი-ხი-ხი! — მოწიწებით ჩაიხითხითა აკიმ პეტროვიჩმაც. ხალხში ისევ გუგუნნი გაისმა, მაგრამ ამჯერად უფრო მხიარული. ამ დროს ლაწანით გასკდა კედელზე დაკიდებული ლამპის შუშა. ვიღაცა ფიცხად ეცა გასასწორებლად. ფსელდონიმოვი შეკრთა და წყრომით გახედა ლამპას. მაგრამ გენერალს არაფერი შეუმჩნევია და ყველა დამშვიდდა.

— მივდივარ... მშვენიერი წყნარი ღამეა. უცებ მუსიკის ხმა და ბრაგაბრუგი მესმის, სადღაც ცეკვავენ. პოლიცაელს ვკითხე. იმან მითხრა, ფსელდონიმოვი ცოლს თხოულობსო. შენ თურმე, ძმაო, მთელი პეტერბურგის მხარეს პატიჟებ და მეჯლისებს მართავ, პა? ხა-ხა! — უცებ ისევ ფსელდონიმოვს მიუტოვალდა გენერალი.

— ხი-ხი-ხი! დიახ, ბატონო ჩემო... — გაეხმიანა აკიმ პეტროვიჩი. სტუმრები ისევ შეჩოჩქოლდნენ. მაგრამ ყველაზე სულელური ის იყო, რომ ფსელდონიმოვს არც ახლა გაუღიმიო, ეს კია, თავი დახარა, თითქოსდა ხე ყოფილიყო. „ბრიყვია თუ რა არის! — გაიფიქრა ივან ილიჩმა. — ახლა უნდა გაეღიმა მაგ მუტრუკს და ყველაფერი ჩინებულად იქნებოდა“. გული მოუთმენლობით აევსო. — ვიფიქრე, მოდი, ჩემს ხელკვეითთან შევალ. მართლა და მართლა ხომ არ გამაგდებს... უნდა არ უნდა, სტუმარი უნდა მიიღოს. შენთან უკაცრავად, ძმაო, თუ ხელი შევიშალე რამეში, წავალ... მე ხომ სანახავად შემოვედი მხოლოდ...

ამასობაში ყველანი ნელ-ნელა ამოძრავდნენ. აკიმ პეტროვიჩი დათაფლული იყურებოდა: აქაოდა, თქვენი აღმატებულება ხელს ვის შეუშლისო? სტუმრებს სითამამის პირველი ნიშნები დაეტყოთ. თითქმის ყველა ქალი იჯდა, ეს უკვე კარგის მომასწავებელი იყო. უფრო გამბედავნი ცხვირსახოცებს ინაევებდნენ. გაქუცული ხავერდისკაბიანი ერთი მანდილოსანი განზრახ ხმამალლა ელაპარაკებოდა ვიღაც ოფიცერს. მანაც ასევე ხმამალლა მოინდომა ეპასუხნა, მაგრამ რაზან მარტო ორნი იყვნენ ხმამალლა მოლაპარაკენი, ველარ გა-

ბედა, მამაკაცების მეტ წილს კანცელარიის მოხელენი და ორი-სამი სტუდენტი შეადგენდა. თან ახველებდნენ და თან ერთმანეთს ისე უყურებდნენ, თითქოს უბიძგებდნენ, მიდი, მიდი, ნუ გეშინია, ვაბედუო. ორ-ორი ნაბიჯიც კი გადადგეს აქეთ-იქით. თუმცა დიდი მორიდება არავის ეტყობოდა. ოღონდაც ავი და ბოროტი თვალით უყურებდნენ ამ ვაჟბატონს, აქ რომ შემოეხეტა და მხიარულება ჩაუფუშათ. ოფიცერს შერცხვა თავისი სულმოკლეობისა და ნელ-ნელა მიუახლოვდა მაგიდას.

— გამიგონე, ძმაო, შენს სახელსა და მამის სახელს ვერ მეტყვი? — ჰკითხა ივან ილიჩმა ფსელდონიმოვს.

— პორფირი პეტროვიჩი, თქვენო აღმატებულება, — თითქოს ჯარში იყო, ისე გადმოქაჩა მან თვალები.

— პოდა, გამაცანი შენი ახალგაზრდა ცოლი, პორფირი პეტროვიჩ... მინიყვანე... და...

გენერალმა წამოდგომა დააპირა. მაგრამ ფსელდონიმოვი კისრისტეხით ვაგარდა სასტუმროსკენ. პატარძალი იქვე, კარებში იდგა, მაგრამ რომ გაიგონა, ჩემზეა ლაპარაკიო, მაშინვე დაიმალა. ერთი წუთის შემდეგ ფსელდონიმოვმა ხელჩაკიდებული გამოიყვანა იგი. აქეთ-იქიდან გზა დაუთმეს. ივან ილიჩი დიდი ამბით წამოდგა და ქალს თავაზიანად გაუღიმა.

— ფრიად მიხარია თქვენი გაცნობა, — უთხრა და დიდკაცურად დაუკრა თავი, — მეტადრე ამისთანა დღეს...

გენერალმა ცბიერულად გაიღიმა. მანდილოსნები ალტაცებით შეჩოჩქოლდნენ.

— შარმე,¹ — თითქმის გასაგონად წაილაპარაკა ხავერდისკაბიანმა ქალმა.

პატარძალი მართლაც შესაფერისი წყვილი აღმოჩნდა ფსელდონიმოვისთვის. ჩვიდმეტეოდე წლის გამხდარი ქალი იყო, პატარა და ფერმკრთალ სახეს წაწინწილებული ცხვირი უმშვენებდა. წვრილ თვალებს სწრაფად ასრიალებდა აქეთ-იქით, დარცხვენა არ ეტყობოდა, პირიქით, დაჟინებით და რაღაც ღვარძლითაც იმზირებოდა. აშკარა იყო, ფსელდონიმოვი სიტურფისთვის არ თხოულობდა. ეცვა ვარდისფერსარჩულიანი თეთრი მარმაშის კაბა, კაბიდან გამხდარი კისერი, ვალეული ტანი და გამოჩრილი ძვლები უჩანდა. გენერლის ნისალმებაზე ხმაც არ გაუღია.

— ძალიან ლამაზი ცოლი კი გყოლია, — განაგრძო გენერალმა ხმადაბლა, თუმცა ისე კი, პატარძალსაც გაეგონა. მაგრამ ფსელდონიმოვს არც ახლა დასცდენია კრინტი და, ასე განსაჯეთ, არც შეტოკებულა. ივან ილიჩმა მის თვალებში რაღაც ცივი ფარული ნაპერწკალი შეამჩნია, უცნაური და მავნე. და მაინც გენერალს უსათუოდ გრძნობიერება უნდა გაეღვიძებინა ამ კაცში. ის ხომ ამისთვის იყო მოსული.

„ფერი ფერსო, მადლი ღმერთსო! — გაიფიქრა გუნებაში — თუმცაღა...“

გენერალი ისევ გამოელაპარაკა მის გვერდით დასკუბულ დედოფალს. მაგრამ „პო“ თუ „არას“ მეტი ვერაფერი წამოაცდენინა, ისიც ყველა კითხვაზე არც კი.

„დაირცხვინოს მაინც, მაშინ გავიხუმრებდი, — გაურბინა ისევ გუნებაში.“

¹ (ფრანგ. — charme) — რა საუცხოოა.

თორემ აღარ ვიცი, რა ვქნა“. აკიმ პეტროვიჩსაც, თითქოს ჯიბრზე, პირში წყალი ჩაეგუბებინა, მაგრამ თუნდაც სიბრიყვით, მაინც არ ეპატიებოდა.

— ბატონებო! იქნებ მართლა ჩაგიშალეთ მხიარულება? — ახლა ყველას მიმართა გენერალმა და იგრძნო, ხელისგულებიც რომ გაუოფლდნენ.

— ნუ წუხხართ, თქვენო აღმატებულებაგ, ახლავე დავიწყებთ, ჭერჭერობით ვისვენებთ, — მიუგო ოფიცერმა. პატარძალმა კმაყოფილებით შეხედა ამ ჭერ კიდევ ახალგაზრდა ოფიცერს, რომელიღაც პოლკის მუნდირი რომ ეცვა. ფსელდონიმოვიც იქვე იდგა, მთელი ტანით წინ გადმოხრილი. კენიანი ცხვირი ახლა უფრო მეტად დამჩნეოდა სახეზე. ისე იდგა და იმზირებოდა, ლაქია გეგონებოდა ქურქით ხელში, თავისი ბატონების დამშვიდობებას რომ ელის. ასე გაიფიქრა თავად ივან ილიჩმა, რომელმაც აღარ იცოდა, რა წყალში ჩავარდნილიყო, თავს საოცრად უხერხულად გრძნობდა, თითქოს ფეხქვეშ ნიადაგი ეცლებოდა, თითქოს სადღაც ბნელში მოხვედრილიყო და იქიდან ვეღარ გამოედნა.

უცებ სტუმრების ბრბო ორად გაიპო და დაბალი, ჩასუქებული, უკვე ხნიერი ქალი გამოატარეს. ემოსა უბრალოდ, თუმცა სიკობტავისთვის მხრებზე დიდი შალი მოესხა, ყელთან ქინძისთავით შეკრული და, თავსაბურავიც წამოეცვა, რომლის ხმარებას ნაჩვევი არ უნდა ყოფილიყო. ხელში პატარა მრგვალი ლანგარი ეკავა. ლანგარზე ეს წუთია გახსნილი შამპანურის სავსე ბოთლი და ორად-ორი ჭიქა იდგა. მხოლოდ ორი სტუმრისთვის განკუთვნილი.

ხნიერი ქალი ჭიქურ გენერალს მიეახლა და თავი დაუკრა.

— ნუ დაგვძრახავთ, თქვენო აღმატებულებაგ, მაგრამ რახან გვიკადრეთ და ჩემი ვაჟიშვილის ქორწილზე გვეწვიეთ, წყალობა მოიღეთ დანეფე-დედოფალი დამილოცეთ. ხათრს ნუ გავკიტებთ, პატივი დაგვდეთ, ჩემო ბატონო.

ივან ილიჩს მისი მოსვლა ხსნად მოეჩვენა. ეს ქალი ორმოცდახუთსა თუ ექვსზე მეტის არ იქნებოდა, მაგრამ ისეთი კეთილი, ლაქდაჟა, გაშლილი, ჭეშმარიტად პირმრგვალი რუსული სახე ჰქონდა, ისე კეთილად იღიმებოდა, ისე უბრალოდ უკრავდა თავს, გენერალს თითქმის გულზე მოეშვა და იმედი მოეცა.

— მაშ თქვენ დედა ბრძანდებით თქვენი ვაჟისა? — წამოიწია დივნიდან იგი.

— დედა გახლავთ, თქვენი აღმატებულებაგ, — წაილულულა ფსელდონიმოვმა, გრძელი კისერი წამოსჭიმა და ცხვირი კიდევ უფრო წინ წამოჩარა.

— ოჰო! ფრიად, ფრიად მოხარული ვარ თქვენი გაცნობის.

— მაშ ნუ გვითაკილებთ, თქვენო აღმატებულებაგ.

— დიდი სიამოვნებით გიახლებით.

ლანგარი მაგიდაზე დადგეს, ფსელდონიმოვი წინ გამოიჭრა და ღვინო დაასხა. კვლავ ზეზე მდგარმა ივან ილიჩმა სასმისი აიღო.

— მეტადრე, მეტადრე იმიტომ მიხარია ეს შემთხვევა... რომ შემიძლია... გამოვთქვა ჩემი... ერთი სიტყვით, ვითარც უფროსი... გისურვებთ, ქალბატონო (მიუბრუნდა იგი პატარძალს) და შენც, ჩემო კარგო პორფირი — დიდსა და ხანგრძლივ ბედნიერებას.

გენერალმა გრძნობით დასცალა ეს უკვე მეშვიდე სასმისი ამ საღამოს.

ფსელდონი მოვი დინჯად, კუშტადაც კი შესცქეროდა. გენერალს იგი უკვე მთელი არსებით სძულდა.

— თქვენც მიირთვით, აკიმ პეტროვიჩ, თქვენც დამილოცეთ შვილები, — ახლა პალატის უფროსს მიუბრუნდა მოხუცი ქალი. — თქვენც უფროსი ბრძანებით, ის თქვენი ხელქვეითი. ყურადღება მიმიქცით, — ჩუბუჩკი დედა გთხოვთ, ამას იქითაც ნუ დაგვივიწყებთ, თქვენ გენაცვალეთ, აკიმ პეტროვიჩ, თქვენი კეთილი გულის ჭირიშე.

„რა საუცხოები არიან ეს რუსი მოხუცი ქალები! — გაიფიქრა ივან ილიჩმა. — ყველა არ გამოაცოცხლა? იმიტომაც მუდამ მიყვარდა ხალხი...“

ამ წუთს კიდევ ერთი ლანგარი შემოუმატა სუფრას მოახლე ქალმა, რომლის ჯერ გაურეცხავ ჩითის კაბასა და ხაბარდას შარიშური გაჰქონდა. ვეებერთელა ლანგარისთვის ორი ხელი ძლივს შემოეწვდინა. ზეგ უამრავი პატარა თევზი ეწყო ვაშლებით. კანფეტებით, მარმელადებით, კაკლითა თუ სხვანაირებით სავსე. ეს ლანგარი აქამდე სასტუმროში იდგა ყველა სტუმრისა და მეტწილად მანდილოსანთა პირის ჩასატკბარუნებლად. ახლა კი მარტო გენერალს მოართვეს.

— ნუ დაგვირახავთ ნუგბარზე, თქვენო აღმატებულება, მოგეხსენებათ, კეთილი გულით მორთმეულიო, — იმეორებდა და თავს უკრავდა მოხუცი ქალი.

— რასა ბრძანებთ... — ივან ილიჩმა სიამოვნებითაც აიღო და თითებშუა გატეხა ერთი კაკალი. გადაწყვეტილი ჰქონდა სახელის მოხვეჭის ხათრით უკან არ დაეხია.

უეცრივ პატარძალმა ჩაიხითხითა.

— რა იყო? — ღიმილით ჩაჰკითხა ივან ილიჩმა, რომელსაც სიცოცხლის ამ პატარა ნიშანმაც სიხარული მოჰგვარა.

— აი, ივან კოსტენკინიჩი მაცინებს, ბატონო ჩემო, — მიუგო ქალმა და თავი დახარა.

გენერალმა მართლა დაინახა ერთი ქერათმიანი ლამაზი ყმაწვილი, რომელიც დივნის მეორე მხარეს სკამზე ჩამალულიყო და რაღაცას უჩურჩულებდა m-mc ფსელდონი მოვას. ყმაწვილი წამოდგა ძალზე ახალგაზრდა და მორცხვი ჩანდა.

— „სიზმრების წიგნის“ ამბავს ვეუბნები, თქვენო აღმატებულება, — მობოდიშებით ჩაილაპარაკა მან.

— რა სიზმრების წიგნისა? — მოწყალედ ჰკითხა ივან ილიჩმა.

— სიზმრების ახალი წიგნი გამოვიდა, ლიტერატურული. ვეუბნებოდრი, ბატონი პანაევი რომ დაგესიზმროს, მეორე დღეს გულისპირზე ყავას გადაისხამ-მეთქი..

„რა აჯამი ყოფილა“, — გაწყრა გულში ივან ილიჩი. ყმაწვილი უზომოდ განხარებული ჩანდა, ბ-ნ პანაევზე რომ მოჰყვა, თუმცა ყურებაამდე კი გაწითლდა.

— დიახ, დიახ, გამიგონია... — გაეხმიანა მისი აღმატებულება.

— არა, მაგაზე უკეთესს გეტყვით. — ზედ ყურთან ჩაულაპარაკა მეორე ხმამ, — ამბობენ, ახალი ლექსიკონი გამოვაო, ბატონი კრაევსკი წეროლებს დაწერს, ალფერიკიცო. სამხილებული ლიტერატურა იქნებაო...

ეს ხმა უკვე საკმაოდ მოურიდებელ ყმაწვილს ეკუთვნოდა, ვისაც თეთრი ყილეტი, ხელთათმანები ეცვა და ქუდი ხელში ეჭირა. იგი არ ცეკვავდა, ყველას

ქედმაღლურად უყურებდა, ვინაიდან სატირულ ჟურნალ „მუგუზლის“ თანამშრომელი იყო. ამ ქორწილზე შემთხვევით ამოეყო თავი. ფსელდონიმოვს მოეწვია, ვითარც საპატიო სტუმარი. ისა და ფსელდონიმოვი „შენობით“ ლაპარაკობდნენ. გასულ წელს ერთად ცხოვრობდნენ თურმე რომელიღაც გერმანელ ქალთან ნაქირავებ „კუთხეში“ და დიდი გასაჭირიც გადაეტანათ. თუმცა არაყსკი გემოზე ყლურწავდა და რამდენჯერმე მიაკითხა კიდეც იმ ერთ პატარა ოთახს, საითაც ყველა სტუმარს უკვე გაეკვლია გზა.

— იცით, სასაცილო იმიტომაც არის, თქვენო აღმატებულებავ, — აღტაცებით გააწყვეტინა უცებ ქერა ყმაწვილმა, გულისპირის ამბავი რომ მოჰყვა და ამის გამო თეთრფილეთიანის სიძულვილით სავსე მზერა დაიმსახურა, — სასაცილო იმიტომ არის, რომ დამწერს მიაჩნია, ვითომ ბატონმა კრაევსკიმ მართლწერა არ იცის და ჰგონია, „სამხილებელი ლიტერატურა“, „სამხილებულად“ უნდა დაიწეროსო....

საწყალმა ბიჭმა ძლივს დააბოლოვა სიტყვა. თვალეებზე შეატყო, რომ გენერალმა დიდი ხანია უკვე იცის ეს ამბავი და ალბათ იმიტომაც შეიშმუშნა ახლა. უზომოდ დარცხვენილი ბიჭი საჩქაროდ გაეცალა იქაურობას და დანარჩენი ხანი სულ დაღვრემილი იყო. სამაგიეროდ „მუგუზლის“ უტიფარმა თანამშრომელმა უფრო ახლოს მიიწია გენერლისკენ და გვერდით დაჯდომაც დაუპირა. მისი ეს უტიფრობა ცოტა არ იყოს ეხამუშა ბ-ნაპრალინსკის.

— ჰოო! ერთი ეს მითხარი, პორფირი, — დაიწყო მან, რამე რომ თქვა. — სულ მინდოდა მეკითხა, რატომ გეძახიან ფსელდონიმოვს და არა ფსევდონიმოვს? შენ ხომ სინამდვილეში ფსევდონიმოვი იქნები.

— დანამდვილებით ვერაფერს მოგახსენებთ, თქვენო აღმატებულებავ, — მიუგო ფსელდონიმოვმა.

— ალბათ ჯერ კიდეც მაშინ, მამამისმა რომ დაიწყო სამსახური, შეცდომით ჩაუწერეს ასე საბუთებში და ესეც ფსელდონიმოვი დარჩა. ასეთი რამ ხშირად ხდება ხოლმე, ბატონო ჩემო, — ჩაურთო აკიმ პეტროვიჩმა.

— უთუოდ ევრე იქნება, — ფიცხად ჩამოართვა სიტყვა გენერალმა, — უ-თუ-ოდ. აბა თავად განსაჯეთ. ფსელდონიმოვი ხომ ლიტერატურულ სიტყვა „ფსევდონიმისაგან“ წარმოსდგება, ფსელდონიმოვი კი არაფერსაც არ ნიშნავს.

— სიბრიყვე, ბატონო, — დაატანა აკიმ პეტროვიჩმა.

— როგორ თუ სიბრიყვე?

— რუსი ხალხის სიბრიყვე, ბატონო. სიბრიყვეთ ეშლებათ ხოლმე ლიტერები და თავისებურად გამოთქვამენ. მაგალითად, ინვალიდის მაგიერად ილვანიდს ამბობენ, დიახ.

— ოჰოჰო... ილვანიდიო, ხე-ხე-ხე...

— ნუმერსაც ამბობენ, თქვენო აღმატებულებავ, — წამოაყრანტალა ზორბა ოფიცერმა, რომელსაც თავის გამოჩენის სურვილი დიდი ხანია უღიტიწებდა.

— ნუმერი რაღას ნიშნავს?

— ნომერს, თქვენო აღმატებულებავ.

— ჰოო, ნუმერი ნომერის ნაცვლად... დიახ, დიახ... ხე-ხე-ხე-ხე! — ივან ილიჩი იძულებული იყო ახლა ოფიცრის ხათრით ჩაეხითხითა.

ოფიცერმა ჰალსტუხი გაისწორა.

— კიდეც გვედრითსაც ამბობენ, — ჩაერია ახლა „მუგუზლის“ თანამშრო-

ომელიც. მაგრამ მისმა აღმატებულებამ მას უკვე წაუყრუა — აბა ყველას ხათრით ხომ არ იხითხითებდა.

— გვედრითო გვერდითის ნაცვლად, — არ ეშვებოდა უკვე გულმოსული „თანამშრომელი“.

ივან ილიჩმა გოროზად შეავლო თვალი.

— ნეტა რას ჩააცივდი? — წაუჩურჩულა ფსელდონიშვილმა „თანამშრომელს“.

— ჩავაცივდი კი არა, ვესაუბრები. განა საუბარიც არ შეიძლება, — შეეკამათა იგი ჩურჩულით, მაგრამ მაინც დადუმდა და დაბოღმილი გავიდა ოთახიდან.

„თანამშრომელმა“ პირდაპირ იმ მიმზიდველ უკანა ოთახს მიაშურა, სადაც მოცეკვავე კავალრებისთვის საღამოს დასაწყისშივე ორნაირი არაყი, ქაშაყი, ხიზილალიანი პურის პაწია ნაჭრები და ეროვნული სარდაფიდან წამოდებული მაგარი ხერესი ეწყო პატარა მაგიდაზე, რომელსაც იაროსლავური სუფრა ეფარა. გულზე გახეთქილს ის იყო უნდა დაესხა, რომ უცებ ფსელდონიშვილის მეჯლისის საუკეთესო მოცეკვავე და კანკანერი, სამედიცინოს თმაგაჩეჩილი სტუდენტი შემოვარდა და ისიც არაყს ეცა.

— სადაცაა დაიწყებენ! — თქვა და საჩქაროდ გადაყლურწა არაყი. — მოდი და ნახე: სოლოს ხელებზე ვიცეკვებ, ვახშმის შემდეგ კი გავბედივ და თევზაურსაც ჩამოვუვლი. ქორწილს კიდევაც ეგების. ფსელდონიშვილისათვის, ასე ვთქვათ, მეგობრული ქარაგმა იქნება... კაი ქალი ყოფილა ეს კლეოპატრა სემიონოვნა, მაგასთან არაფრის მოგერიდება.

— დამყაყებული ვილაც ბრძანდება, — კუმტად მიუგო თანამშრომელმა და არაყი გადაჭკრა.

— ვინაა დამყაყებული?

— ვინა და, ის, ვისაც მთელი პასტილა წინ დაუდგეს. მერწმუნე! დამყაყებული ვილაცაა.

— შენც იტყვი რაღა! — წაიბურტყუნა სტუდენტმა და, როგორც კი მოესმა, კადრილს იწყებენო, ოთახიდან გავარდა.

თანამშრომელმა გულის გასამაგრებლად კიდევ ერთი ჭიქა დაისხა, გადაჭკრა და დასაყოლებელი მიატანა. ნამდვილ სახელმწიფო მრჩეველს ივან ილიჩს მის სიცოცხლეში არ ჰყოლია „მუგუზლის“ თანამშრომლისთანა მძვინვარე და მოსისხლე მტერი, მეტადრე იმის შემდეგ, რაც ორი ჭიქა არაყი დალია. ვაი რომ გენერალს ამაზე წარმოდგენა არ ჰქონდა. არ იცოდა აგრეთვე ერთი დიდად მნიშვნელოვანი გარემოებაც, რომელმაც ესოდენი დიდი გავლენა იქონია სტუმრების შემდგომ დამოკიდებულებაზე მისი აღმატებულებისადმი. საქმე ის გახლდათ, რომ თუმცა თავაზიანად და დაწვრილებით ახსნა, რატომაც მობრძანდა ხელქვეითის ქორწილზე, სინამდვილეში ამ განმარტებამ ვერავინ დააკმაყოფილა, სტუმრები მაინც იშმუშნებოდნენ. მაგრამ უცებ სასწაულებრივი გარდაქმნა მოხდა: ყველა დაწყნარდა, ყველა გამხიარულდა და ყველა მზად იყო ისე ეხარხარა, ეწივლა და ეცეკვა, თითქოსდა მოულოდნელი სტუმარი იქ არც ყოფილიყო. ამის მიზეზი ვილაცის მიერ მოტანილი ამბავი იყო, სტუმარი ცოტა... გადაკრულში გახლავსო. მერე რა, რომ ერთი შეხედვით ეს დიდზე დიდ ცილისწამებას ჰგავდა, მაგრამ ქორი თითქოს თანდათან გამართლდა და ყველისათვის ყველაფერი გასაგები გახდა. უფრო მეტიც, ყველამ საოცრად

ლაღად იგრძნო თავი. სწორედ ამ წუთს დაიწყო კიდევ კადრილი, რასაც ვახ-
შამი უნდა მოჰყოლოდა და რაზედაც ასე ეშურებოდა სამედიცინოს სტუდენტი.

ის იყო ივან ილიჩს პატარძლისთვის რაღაც კალამბური უნდა ეთქვა, რა
არის ამით მაინც გამოეცოცხლებინა, რომ უცებ ზორბა ოფიცერი მოიჭრა და
პატარძლის წინ ცალ მუხლზე დაეცა. ქალიც მყისვე წამოხტა და მოკვდილეთა
რიგებში დასადგომად გაცქრილდა. ოფიცერს ბოდიშიც არ მოუხდეს, მატარძ-
ალს კი ზედაც არ შეუხედავს გენერლისთვის, გეგონებოდა, კიდევაც გაუხარდა,
თავი რომ იხსნათ.

„რას იზამ, მისდათავად მართალიც არის, — გაიფიქრა ივან ილიჩმა, —
ვერც ზრდილობას მოსთხოვ ამ ხალხს“.

— ჰმ... შენ, ძმაო პორფირი, მე ნუ მომერიდები, — მიუტრიალდა უცებ
გენერალი ფსელდონიმოვს. — ეგების რამე საქმე გაქვს... ან თადარიგი გინდა
დაიჭირო... ჩემი არ მოგეხატროს, გეთაყვა. — გულში კი გაიფიქრა: „ნეტა ვი-
ცოდე, რას დამდგომიხარ ყარაულივით?“

გენერალს უკვე ჭირივით სძულდა ფსელდონიმოვი, სძულდა მისი გრძე-
ლი კისერი და მოშტერებული თვალები. მოკლედ, ყველაფერი სულ სხვანაი-
რად, დიან, სულ სხვანაირად დატრიალდა, თუმცა ივან ილიჩი ჯერ მაინც არ
უტყუდებოდა ამ ამბავში თავს.

კადრილი დაიწყო.

— ხომ არ გვიბრძანებთ, თქვენო აღმატებულებავ? — პკითხა აკიმ პეტ-
როვიჩმა, რომელსაც მოწიწებით ეკავა ბოთლი და მისი აღმატებულების სასმი-
სში ღვინის დასხმას აბირებდა.

— მე... აღარ ვიცი, რა ვთქვა... თუკი...

მაგრამ აკიმ პეტროვიჩი სახეგაბრწყინებული უსხამდა უკვე შამპანურს.
მერე თავისთვისაც დაისხა თითქოსდა მალულად, თითქოსდა ქურდულად, წე-
ლში ლამის გადატეხილმა, ეს კია, მოწიწების ნიშნად თავის ჭიქას ერთი თი-
თის დადება დააკლო. მშობიარე ქალივით ლამის კრუნჩხვები უვლიდა, თავის
ჟახლოვს უფროსთან რომ იჯდა. აბა რაზე უნდა ელაპარაკა მართლა? არადა,
მოვალეც იყო მისი აღმატებულება გაერთო, რამეთუ ღმერთმა მისი ამფსონო-
ბის ღირსი გახადა. ხოლო შამპანურზე უკეთესი გასართობს რას ნახავდა. მის
აღმატებულებასაც ეამა, რომ აკიმ პეტროვიჩმა ღვინო დაუსხა — განა იმიტომ,
ეს თბილი და მართლა საზიზღარი შამპანური შეესვა, უბრალოდ სულიერი
სიამოვნება იგრძნო.

„მოხუცს დალევა უნდა, უჩემოდ კი ვერ გაუბედავს, — გაიფიქრა გენე-
რალმა გუნებაში, — ხომ ვერ დავუშლი... სასაცილოც იქნება, სავსე ბოთლი
წინ გვედგას და არ დავლიოთ“.

გენერალმა შამპანური მოსვა. უქმად ჯდომას უქმად შრომა სჯობიაო, მო-
გეხსენებათ.

— მე ხომ აქ, ასე ვთქვათ, შემთხვევით მოვხვდი, — დაიწყო მან მძიმე-
მძიმედ, ხაზგასმით, — შესაძლოა ზოგს ჩემი ამ... ამ შეკრებაზე მოსვლა... ასე
ვთქვათ, უკადრისად ერგენოს.

აკიმ პეტროვიჩი მოკრძალებული ცნობისმოყვარეობით უსმენდა.

— მაგრამ იმეღია, თქვენ კი გამიგებთ, აქ რატომ მოვედი... მართლა და
მართლა ღვინის სასმელად ხომ არ მოვსულვარ, ხე-ხე!

აკიმ პეტროვიჩმა ერთი პირობა გადაწყვიტა თვითონაც ჩაეხიზნა, მაგრამ რატომღაც ხმა ჩაუწყდა და სანუგეშო კვლავაც ვერაფერი თქვა.

— აქ იმიტომ მოვედი, რომ... ასე ვთქვათ, გავამხნეგო... ასე ვთქვათ, ზნეობრივი მაგალითი მივცე, — განაგრძობდა ივან ილიჩი და თან-გულში ბრაზობდა აკიმ პეტროვიჩის უტვინობაზე. მაგრამ უეცრივად დადუმდა, რადგან შეამჩნია, საწყალ აკიმ პეტროვიჩს ისე ჩაეღუნა თავი, გეგონება, რამე დაეშავებინოს. გენერალი ამის დანახვამ ცოტა არ იყოს დააბნია და სასწრაფოდ ისევ მოწრუბა სასმელი. აკიმ პეტროვიჩმა კი კვლავ ბოთლს დასტაცა ხელი და ჭიქა შეუღვსო, თითქოსდა ერთადერთი ხსნა ეს იყო მისთვის.

„ბევრი ვერაფერი სახსარი გაგაჩნია“, — გაივლო გულში ივან ილიჩმა და გოროზად შეავლო თვალი საწყალ აკიმ პეტროვიჩს. იმან კი გენერლის ეს გოროზი მზერა რომ იგრძნო, გადაწყვიტა არამც და არამც არც ხმა ამოელო და არც თავი აეწია. ორიოდე წუთს ასე ისხდნენ ერთმანეთის პირდაპირ. ეს ორი წუთი აკიმ პეტროვიჩისათვის წამება იყო.

რამდენიმე სიტყვა მიიღო აკიმ პეტროვიჩზეც მოგახსენოთ. ეს გახლდათ ერთი მორჩილი და თვინიერი კაცი, ძველ ყაიდაზე აღზრდილი, უფროსების შიშსა და კრძალვას ნაჩვევი, ამავე დროს ბუნებით კეთილი და, წარმოიდგინეთ, კეთილშობილიც. აკიმ პეტროვიჩი წარმოშობით პეტერბურგელი რუსი იყო, მისი მამა და მამის მამაც პეტერბურგში დაიბადნენ, პეტერბურგში დაიწვეს სამსახური და იქიდან ფეხი არ მოუცვლიათ. ისინი სრულიად განსხვავდებიან სხვა რუს კაცთაგან. თითქმის არაფერი იციან რუსეთზე და არც ადარდებთ ეს ამბავი. მათთვის ყველაფერი პეტერბურგითა და, რაც მთავარია, სამსახურით შემოფარგლულა. მათი ერთადერთი საზრუნავი კაპიკიანი პრეფერანსი, დუქანი და თვიური ხელფასია. არ იციან არც ერთი რუსული ადათი, არც ერთი რუსული სიმღერა „ლუჩინუშკას“ გარდა, ისიც მხოლოდ იმიტომ, რომ არდნებზე უკრავენ. თუმცა პეტერბურგელი რუსის გამორჩევა ორი არსებითი ნიშნით შეგიძლიათ, პირველი ნიშანი ის გახლავთ, რომ უკლებლივ ყველა პეტერბურგელი რუსი „პეტერბურგსკი ვედომოსტის“ „აკადემიურ ვედომოსტის“ ეძახის. მეორე ასევე არსებით ნიშანს წარმოადგენს, რომ პეტერბურგელი რუსი თავს დღეში სიტყვა „საუზმეს“ არ იხმარს, უთუოდ „ფრიშტიკს“ იტყვის და „ფრი“ მარცვალზე გააკეთებს მახვილს. აი, ამ ორი ძირითადი და განსხვავებული ნიშნით, თუ გნებავთ, მუდამ გამოარჩევთ მათ. ერთი სიტყვით, ეს იმ თვინიერ ადამიანთა ტიპი გახლავთ, რომელიც ამ ბოლო ოცდაათწუთმეტი წლის მანძილზე ჩამოყალიბდა საბოლოოდ. აკიმ პეტროვიჩი არცთუ უჭკუო კაცი იყო. გენერალს რომ მისთვის რაიმე შესაფერისი ეკითხა, აკიმ პეტროვიჩი კიდევაც უპასუხებდა და კიდევაც მხარს აუბამდა საუბარში. მაგრამ ამისთანა კითხვებზე ხელქვეითს არც ეგებოდა პასუხი; თუმცადა აკიმ პეტროვიჩს ცნობისწადილი კლავდა დაწვრილებით გაეგო მისი აღმატებულების ნამდვილი ზრახვანი....

ამასობაში ივან ილიჩს უფრო და უფრო ეძალეობდა ფიქრი, ათასნაირი რამ უტრიალებდა თავში. გულისყურდაკარგული მისდა შეუმჩნეველად წარამარა ყლურწავდა ღვინოს. აკიმ პეტროვიჩიც მაშინვე გულმოდგინედ უვსებდა ჭიქას. ორივე დუმდა. ივან ილიჩმა მოცეკვავეთ დაუწყო ცქერა. ცეკვებმა რამდენადმე მიიქცია მისი ყურადღება, ერთმა ამბავმა კიდევაც გააკვირვა...

მოცეკვავენი მართლა მხიარული სანახავი იყვნენ. აქ ყველა გულწრფე-

ლად, თავის გასართობად და მოსაგიჟიანებლად ცეკვავდა. კარგი მოცეკვავეაო, ბევრზე ვერ იტყოდი, მაგრამ ეს უკანასკნელნიც ისე გულმოდგინედ აბრაგუნებდნენ ფეხებს, სხვებს ტოლს არ უდებდნენ. მოცეკვავეებში, პირველ ყოვლისა, ოფიცერი გამოირჩეოდა. მეტადრე იქ. სადაც მართოდ ანუ სოლოდ უნდა ეცეკვა. იმ დროს ისე გასაოცრად გადიხრებოდა ერთ მხარეს ეს სხვერსე ბოძივით გაჭგიმული კაცი, გეგონებოდა, ეს-ესაა წაიქცევაო. მაგრამ ერთი ნაბიჯის შემდეგ ზუსტად ისეთივე კუთხით გადაქანდებოდა ახლა უკვე მეორე მხარეს. პირისახეზე ამ დროს დაღზე დიდი სიღინჯე ეხატა და ღრმად სწამდა, ყველა განცვიფრებული შემომყურებსო. ერთ კავალერს მეორე ილეთზევე ჩასძინებოდა თავისი წყვილის გვერდით, რამეთუ კადრილამდე მოესწრო კარგა მაგრად გამობრუყვა და ქალი იძულებული იყო მართო ეცეკვა. ცისფერშარფიან მანდილოსანთან მოცეკვავე ახალგაზრდა რეგისტრატორი იმ საღამოს შესრულებულ ყველა ხუთივე კადრილის დროს სულ ერთი და იგივე თინს იმეორებდა: ჩამორჩებოდა თავის წყვილს, თითებში მოიმწყვდევდა ქალის შარფის წკვერტს და წყვილების შეცვლის დროს ბარე ოცჯერ მაინც ჩაკოცნიდა. მისი მეწყვილე კი წინ მისრიალებდა და ვითომც ვერაფერს ამჩნევდა. სამედიცინოს სტუდენტი მართლაც ყირაზე დადგა ცეკვის დროს და დიდი აღფრთოვანებული ყიჟინა და სიამოვნების წივილ-კივილი გამოიწვია. ერთი სიტყვით, ყველას ფრიად ლაღად ეკავა თავი. შეჭიკჭიკებულ ივან ილიჩს ერთი პირობა ღიმილიც მოერია. მაგრამ ნელ-ნელა რაღაც მწარე ექვი შეეპარა გულში; რა თქმა უნდა, გენერალს ძალიან მოსწონდა სითამამეცა და თავისუფალი თავდაპერაც, გულში ნატრობდა კრდეც ამ სითამამეს, როცა დამფრთხალი სტუმრები უკან-უკან იხევდნენ. ახლა კი სითამამემ საზღვარსაც გადააჭარბა. მაგალითად, ერთმა ქალმა, ვისაც მეოთხე ხელიდან ნაყიდი გაქეჭილი ლურჯი ხავერდის კაბა ეცვა, მეექვსე ილეთის შესრულებისას კაბა ქინძისთავეებით აიკრა, ისე რომ, გეგონებოდა, გრძელი შარვლით ცეკვავსო. სწორედ ეს გახლდათ კლეობატრა სემიონოვნა, ვისაც, მისი კავალრის — სამედიცინოს სტუდენტის თქმისა არ იყოს, ყველიფერს ადვილად გაუბედავდი. სამედიცინოს სტუდენტზე ხომ ლაპარაკი ზედმეტი იყო. პირწავარდნილი ფოკინი გახლდათ! არა, თუ წელან ყველა უკან-უკან იხევდა, ახლა ნეტავ რა ძალამ გაათამამათ ასე უცბად! ხომ თითქოს არაფერია, მაგრამ ეს გარდატეხა ცოტა არ იყოს უცნაური ჩანდა და დიახაც რაღაცას მოასწავებდა.

ივან ილიჩის არსებობა თითქოს აღარც კი ახსოვდათ. რასაკვირველია, გენერალი პირველი ხარხარებდა და ტაშიც შემოჰკრა. აკიმ პეტროვიჩი ბანს აძლევდა და მოწიწებით ხითხითებდა, თუმცა, ეტყობა, მართლა სიამოვნებდა. რა იცოდა, თუ მისი აღმატებულების გულში ახალი ექვის კია იღვიძებდა.

— მშვენივრად კი ცეკვავთ, ყმაწვილო, — ძალისძალად უთხრა ივან ილიჩმა სტუდენტს, რომელმაც კადრილის დამთავრების შემდეგ გვერდით ჩაუთარა.

სტუდენტი მთელი ტანით შემოტრიალდა, დაიღრიჯა, სახე უზრდელად ლამის ცხვირთან მიუტანა მის აღმატებულებას და მამალივით მიაყივლა. ეს უკვე მეტისმეტი იყო. ივან ილიჩი მაგიდიდან წამოდგა. მაგრამ სხვებმა კი ხარხარი ატეხეს, ისე ბუნებრივად გამოუვიდა ეს ყივილი სტუდენტს და ისე მოულოდნელად დაღრიჯა სახე. ივან ილიჩი გაოგნებული იდგა. უეცრივ ფსელდონი-

მოვი მიუახლოვდა, თავი დაუკრა და ვახშამზე წამობრძანება სთხოვა. ფეხდაფეხ დედა მოსდევდა.

— თქვენო იღმატებულეზავ, დედაშვილობას, პატივი დაგვადეთ. სიღარიბით ნუ დაგვიწუნებთ... — თავს უკრავდა ქალი ყოველ სიტყვაზე.

— აღარ ვიცი მართლა... — დაიწყო ივან ილიჩმა, ხომ იმიტომ არა... მე... მე უკვე წასვლა მინდოდა...

გენერალს მართლაც ქული ეჭირა ხელში. კიდევ მეტი: იქვე, იმ წამს თავის თავს აღთქმა მისცა, არამც და არამც არ დაერჩებო... და მაინც დარჩა. ერთი წუთის შემდეგ პირველი იგი მიუძღოდა სტუმრებს სუფრისკენ. ფსელდონი მოვი და დედამისი გზას უკაფავდნენ. გენერალი ყველაზე საპატიო ადგილას დასვეს და წინ კვლავ შამპანურის გაუხსნელი ბოთლი დაუდგეს. საუზმედ ქაშაყი და არაყი იყო. გენერალმა ხელი არყისკენ წაიღო, ვეება სასმისი გაივსო და გადაჰკრა, არაყი კი არასოდეს დაუღევია. ისეთი გრძნობა ჰქონდა, თითქოს მაღალი მთიდან მოგორავს, მოგორავს, უნდა გაჩერდეს, უნდა რაღაცას მოეჭიდოს, მაგრამ ვერ კი ახერხებს.

მის თავს მართლაც უფრო და უფრო საოცარი ამბავი ხდებოდა. კიდევ მეტი: ეს ბედის დაცინვა იყო. ღმერთმა უწყის, რა დაემართა ამ ერთ საათში. აქ შემოსვლისას, ასე ვთქვათ, მზად იყო მთელი კაცობრიობა თუ ყველა თავისი ხელქვეითი გულში ჩაეკრა; მაგრამ არ გასულა ერთი საათი, რომ გამწარებულმა იგრძნო, რა ჭირივით სძულს ფსელდონი მოვი, წყევლის მას, მის ცოლს, მის ქორწილსაც. კიდევ მეტი: ფსელდონი მოვის სახესა და თვალებში რახანია ამოიკითხა, რომ იმასაც სძულს, რომ ისე უყურებს, თითქოს უნდა უთხრას: „ჯანდაბას შენი თავი და ტანი! ეს რა ჭირად გადამეკიდე, შე წყეულო!“

თუმცა ივან ილიჩი ახლაც კი, ამ სუფრაზეც კი, უმაღ მარჯვენას მოიჭრიდა, ვინემ არათუ სხვას, არამედ თავის თავს გულწრფელად გამოუტყდებოდა, მართლა ასე არისო. ჯერაც საამისო ჟამს არ დაეკრა, ჯერაც მხოლოდ სულიერ ჭიდილში იყო. მაგრამ გული, გული კი... უკვნესდა! გული გარეთ, ჰაერზე გასვლას, მოსვენებას თხოვდა. ივან ილიჩს ხომ მეტისმეტად კეთილი გული ჰქონდა.

განა არ იცოდა, რომ აქამდე უნდა წასულიყო კი არადა, გაქცეულიყო, რომ ყველაფერი სულ სხვანაირად შეტრიალდა, დიახ, დიახ, სულ სხვანაირად მოხდა, ვინემ წანწალზე ოცნებებმა დაუსურათა.

„ნეტა რატომ მოვედი? განა იმიტომ, მესვა და მეჭამა?“ — ეკითხებოდა თავის თავს და თან ქაშაყს მიირთმევდა. საკუთარ თავს თვითონვე ჰგმობდა და საკუთარ გმირობას ზოგჯერ თვითონვე დასცინოდა. თავადაც ველარ გაეგო, მართლა რა ძალამ მოიყვანა აქ?

მაგრამ როგორ უნდა წასულიყო, თუკი საქმეს ბოლომდე არ მიიყვანდა. „რას იტყვიან? ასე იტყვიან, უწყესო ადგილებში დაეთრევანო: თუ არ დავასრულე, მართლაც ასე გამოვა. რას იტყვის, მაგალითად (ამ ამბავს ხომ ხვალვე გაიგებს ყველა), სტეფან ნიკიფოროვიჩი, სემიონ ივანიჩი, რას იტყვიან კანცელარიებში, შემბეღლებთან, შუბინებთან? არა, ისე უნდა წავიდე, ყველა მიხედეს და გაიგოს, რად მოვედი, ზნეობრივი მიზანი სამზეუროზე გამოვიტანო... — არადა, ეს ამადელვებელი წუთი ვერა და ვერ მოეხელთა. — პატივსაც კი არ მცემენ. ნეტა რა აცინებთ? ისე უტიფრად იტყვიან, თითქოს გული არ ჰქონ-

ნდეთ... კი, კი, დიდი ხანია ეჭვი მქონდა, ახალგაზრდა თაობას გული არა აქვს-
მეთქი! არა, უნდა დავრჩე, რაღაც არ უნდა დამიჯდეს.... აქამდე ცუკავდნენ,
სუფრაზე კი ყველა ერთად შეიყრის თავს... ჩამოვაგდებ სიტყვას სხვადასხვა
საკითხებზე, რეფორმებზე, ვილაპარაკებ რუსეთის დიდებაზე... ყველას აღვა-
ფრთოვანებ. დიახ! იქნებ კიდევ გამოვასწორო ყველაფერი....
ბა ხოლმე სინამდვილეში. მაინც რა ვთქვა ისეთი, რომ ყურადღებას მსგებპყრო:
რა ისეთი ხერხი ვიხმარო? აღარ ვიცი, ვერაფერი მომიფიქრებია... ნეტა რა
უნდათ, რას თხოულობენ?.. უყურე, იქ, მგონი, ხითხითებენ... ღმერთო ჩემო,
ჩემზე ხომ არა! ან ნეტა რა მინდა, აქ რისთვის ვარ, რად არ მივდივარ, რას ვე-
ლი?.. ასე ფიქრობდა ივან ილიჩი და აუტანელი სირცხვილის გრძობა თანდ-
ათან უფრო გულს უთუთქავდა. მაგრამ ვაჰმე, რომ ყველაფერი ერთმანეთს
წაეწყო.

სუფრაზე დაჯდომის ზუსტად ორი წუთის შემდეგ ერთმა ფიქრმა მოიცვა
მთლიანად და შეჰზარა. ანაზღად იგრძნო, თუ რა უბედურად მთვრალია, წინა-
დელივით შეჭიკჭიკებული კი არა, — გაღეშილი მთვრალი. ამის მიზეზი ერ-
თი ჭიქა არაყი იყო, შამპანურს რომ დააყოლა და მაშინვე მოერიდა. მთელი არ-
სებით გრძნობდა, ნელ-ნელა როგორ ეცლებოდა ძალა, რა თქმა უნდა, სითამამე
კი მოემატა, მაგრამ შეგნებამ არ უღალატა და უკიჟინებდა: „არ ვარგა, არა,
არც შეგფერის და არც გეკადრება!“ ცხადია, მთვრალის მერყევ ფიქრებს ერთ
წერტილზე რა გააჩერებდა. თვითონაც გრძნობდა, რომ მის სულში თითქოს
ორი ძალა შეჭიდებოდა ერთმანეთს: ერთი ჩასძახოდა: თავი გამოიჩინე, გაი-
მარჯვე, დაბრკოლებები გადალახე. შენს მიზანს უთუოდ მიაღწევო. მეორე კი
მწარედ ღრღნიდა და გულს უწიწქნიდა: „რას იტყვიან? რით დამთავრდება?
ხვალ, ხვალ რა იქნება!..“

ადრევეც ყრუდ უთქვამდა გული, რომ სტუმრებს შორის უკვე ბევრი მტე-
რი ჰყავს. „წელანაც მთვრალი ვიყავი და ალბათ იმიტომ“, — გაიფიქრა მწარე
ეჭვით. მაგრამ თავზარი დაეცა, როცა უტყუარი ნიშნებით დარწმუნდა,
რომ მართლა მტრები ჰყავდა და ამაზე თავის დახუჭვა აღარ შეიძლე-
ბოდა. „რატომ! რა დავაშავე!“ — ფიქრობდა იგი.

სუფრაზე მხოლოდ ოცდაათამდე სტუმარი იჯდა, მეტი ვერ დაეტია. ზოგი
უკვე საბოლოოდ მიეღო უფალს. სხვებს დაუდევრად ეჭირათ თავი, ბოროტი
სითამამით გაჰყურებდნენ, ხმამალა ყაყანებდნენ, სადღეგრძელოებს ნაადრე-
ვად იძახდნენ, მანდილოსნებს დასორსოლებულ პურს ესროდნენ. ერთი ჩია
კაცი, გაქონილი სერთუკის ამარა, სუფრაზე დაჯდომის უმაღლესი სკამიდან გადმო-
ვარდა და ვახშმის დამთავრებამდე ძირს ეგდო, მეორემ სუფრაზე მოინდომა
ამრომა და იქიდან სადღეგრძელოს თქმა, მაგრამ ოფიცერი კალთებში ჩააფ-
რინდა და მისი უდროო აღტაცება დააცხრო. ვახშამი ფრიად მდაბიური გამო-
ვიდა, თუმცადა მზარეულად ვიღაცა გენერლის ყმა მოეწვიათ: იყო ვალანტი-
რი, კარტოფილებით შემოწყობილი ენა, კატლეტები მწვანე მუხუდოს მისატა-
ნებლით, ბატი და ბოლოს ბლანმანჟე, სასმელებიდან ლუდი, არაყი და ხერე-
სი. შამპანური მხოლოდ გენერალს მიართვეს და ისიც თავის მხრივ აკიმ პეტ-
როვიჩს გაუმასპინძლდა, რომელმაც ვახშამზე უკვე ველურ ვაბედა თვითონ
ერთვა შამპანურის დასხმა. სადღეგრძელოები სხვა სტუმრებს კავკასიური ღვი-
ნითა ან რაც მოხვდებოდათ, იმით უნდა შეესვათ. სუფრა რამდენიმე მაგიდის-

გან შედგებოდა, ასე გასინჯეთ, ბანქოს მაგიდაც კი მიედგათ. ეფარა ნაირ-ნაირი სუფრები, მათ შორის იაროსლავური ფერადი სუფრაც. ყოველ მანდილოსანს მამაკაცი ეჯდა გვერდით. ფსელდონიმოვის დედასუფრასთან არ დამჯდარა, დაფუსფუსებდა და თადარიგს იძლეოდა. სამაგიეროდ, ვრუფი მუხუნჯი: არსება მოველინა სუფრას, აქამდე რომ არ გამოჩენილა. ეცვა რბილად მისწრაფლო აბრეშუმის კაბა, ეხურა წოპწოპა ჩაჩი, ყბა კი ახვეული ჰქონდა. ეს თურმე პატარძლის დედა იყო, რომელიც ძლივს დაითანხმეს ვაზამზე მაინც გამოსულიყო უკანა ოთახიდან — ფსელდონიმოვის დედასთან დიდი ქიშბი ჰქონდა და აქამდე იმიტომ არ გამოდიოდა. თუმცა ამაზე მერმე იყოს. ეს მანდილოსანი გენერალს ღვარძლითა და დაცინვით უყურებდა, როგორც ჩანს, არც ნებავდა მისი გაცნობა. ივან ილიჩს მეტიხმეტად საეჭვოდ ეჩვენა იგი. თუმცა მის გარდა ბევრი სხვაც საეჭვო ჩანდა და უნებლიე შიშსა და შფოთს უნერგავდა, თითქოსდა ერთმანეთთან პირი შეეკრათ სწორედ ივან ილიჩის წინააღმდეგ. ყოველ შემთხვევაში, მას ასე ეჩვენა, ხოლო ვაზამის დამთავრებამდე საბოლოოდ დარწმუნდა. მაგალითად, ერთმა მავნე წვეროსანმა ვაყბატონმა, თურმე თავისნება მხატვარმა, რამდენჯერმე შეხედა ივან ილიჩს, მერე მიტრიალდა და მეზობელს რაღაც გადაუჩურჩულა, რომელიც უკვე კარგა გამობრუებული ბრძანდებოდა. ეს ყმაწვილიც თურმე სადღაც სწავლობდა, მაგრამ ზოგიერთი ნიშნებით ისიც საეჭვო ჩანდა. ავი რამ იყო მოსალოდნელი სამედიცინო სტუდენტისგანაც. თვით ოფიცერსაც მაინცდამაინც საიმედო პირი არ უჩანდა. მაგრამ ყველაზე მეტ სიძულვილს მაინც „მუგუზლის“ თანამშრომელი ამჟღავნებდა. უნდა გენახათ, რა ამბით გადათხლაშულიყო სკამზე, რა დიდგულად იმზირებოდა, თან თავისთვის ფრუტუნებდა! მართალია, სტუმრებიდან დიდ ყურადღებას არავინ აქცევდა, რამეთუ „მუგუზალში“ რაღაც ოთხი ლექსი დაებეჭდა და იმიტომ ლიბერალად მოჰქონდა თავი, და არც გულზე ეხატებოდათ, მაგრამ როცა ივან ილიჩის გვერდით პურის სორსალი დაგორდა, აშკარად მის მხარეს გამოსროლილი, ივან ილიჩი თავს დადებდა, თუ ამ სორსალის მსროლელი „მუგუზლის“ თანამშრომელი არ იყო.

რა ლაპარაკი უნდა, რომ ეს ყველაფერი დიახაც სავალალოდ მოქმედებდა გენერალზე.

მეტადრე იმის აღმოჩენამ შეაწუხა ფრიად და ფრიად, როცა საბოლოოდ დარწმუნდა, რომ სიტყვების მკაფიო გამოთქმა უჭირს, რომ ბევრის თქმა უნდა, ოღონდ ენა არ ემორჩილება, შიგადაშიგ თითქოს გონიც ეკარგება, რაც მთავარია, ისეთ დროს ჩაიფრუტუნებს და გაიცინებს, როცა სასაცილო არაფერია. ამ განწყობილებამ მალე გაუარა კიდევ ერთი ჭიქა შამპანურის წყალობით, რომელიც ივან ილიჩმა დაისხა. კია, მაგრამ დაღევა არ უნდოდა, უცებ კი მისდაუნებურად გადაჰკრა. ამ ჭიქის შემდეგ ლამის ტირილი მოუწინა, უცნაური გულჩვილობა მოერია: ანაზდად ხელახლა შეუყვარდა ყველა, ასე განსაჯეთ, ფსელდონიმოვიც და „მუგუზლის“ თანამშრომელიც. მოეწადინა ყველას გადახვეოდა, ყველაფერი დაევიწყებინა და ყველას შერიგებოდა. კიდევ მეტიც — დაუფარავად ეამბნა მათთვის, რა კეთილი და კაი კაცია თვითონ, რა დიდებული ნიჭისა და უნარის პატრონი, რარიგ გამოადგება იგი მამულს, რა ხუნარა ვინმეა, რა მარჯვედ სჩვევია ქალების გამხიარულება, რაც მთავარია, რაოდენ მოწინავე აზრების კაცია, რა ჭუნანური გული აქვს, როგორ უნდა ყველას, სულ პატარა კაცსაც დაუახლოვდეს. ბოლოს კი გულდიად მოჰყვეს, რამ

მოიყვანა დაუბატიყებლად ფსელდონიმოვთან, რამ დააღვივინა ორი ბოთლი შამპანური და თვისი მოსვლით რად გააბედნიერა ეს კაცი.

„თავდათავი არის სიმართლე, წმიდათაწმიდა სიმართლე და გულლიაობა! მხოლოდ გულლიაობით მოვთხოვ ამათ. ვიცი, ჩემსას იწამებენ; ახლა მტრული თვალთ მიცქერიან, მაგრამ როცა ყველაფერს ვეტყვი, უმაღლესობებ მათ გულს. ყველა შეივსებს სასმისს და ჩემს სადღეგრძელოს შესვამს. დარწმუნებულ ვარ, ოფიცერი თავის ჭიქას დეზზე დაიმსხვრევს. ურიგო არ იქნება ვაშაც დასძახონ! პაერში რომ ამისროლონ, როგორც ჰუსარებს სჩვევიათ, უარს არ ვიტყვი, კიდევაც ძალიან გამიხარდება, პატარძალს შუბლზე ვეამბორები; სანდომიანი ქალია. აკიმ პეტროვიჩიც მშვენიერი ადამიანია. რა თქმა უნდა, ფსელდონიმოვი შემდეგში გამოსწორდება. რა ვუყოთ მერე, თუ, ასე ვთქვათ, დიდკაციური პეწი აკლია... მართალია, ახალ თაობას გულისხმიერება არ გააჩნია, მაგრამ... მე ვეტყვი მაგათ რუსეთის ახლანდელ მოწოდებაზე ევროპის სხვა სახელმწიფოთა წინაშე, ვახსენებ გლეხთა საკითხსაც და ყველას შევუყვარდები, დიდებულად დავიძვრენ თავს!..“

ეს დიახაც სასიამოვნო ოცნებანი იყო, მაგრამ ამ საამო ოცნებებში ყოფნისას ივან ილიჩმა, სამწუხაროდ, უეცრივ კდდევ ერთი მოულოდნელი რამ შეამჩნია თავის თავს: თურმე პურჭყებაც სცოდნია. ყოველ შემთხვევაში, პურჭყი მისდა უნებურად უცვიოდა პირიდან. ეს მაშინ შეამჩნია, როცა აკიმ პეტროვიჩს ლოყა დაუდორბლა, ამ უკანასკნელს კი მოწიწებამ ნება არ მისცა მაშინვე მოეწმინდა დორბლი. ივან ილიჩმა ხელსაწმენდი აიღო და უცებ თავისი ხელით მოწმინდა. მაგრამ მისივე საქციელი იმ წუთს ეგზომ სულელური, ეგზომ გონივრულობის ნატამალს მოკლებული ერგენა, დადუმდა და თვითონვე გაუკვირდა, ეს რა ექენიო. აკიმ პეტროვიჩიც, მართალია, ნასვამი იყო, მაგრამ დამდურულივით იჯდა. გენერალმა მხოლოდ ახლა მოისაზრა, რომ ლამის თხუთმეტი წუთია რაღაც ძალზე საგულისხმო თემაზე ელაპარაკება მას, მაგრამ აკიმ პეტროვიჩი თითქოს არათუ დარცხვენით, რაღაც შიშითაც კი უსმენს. ფსელდონიმოვსაც, ერთი სკამით იქით რომ იჯდა, კისერი წამოეგრძელებინა, თავი გვერდზე გადაეხარა და დაღრეჯილი აყურადებდა, თითქოსდა მართლა მოდარაჯებული იყო. ივან ილიჩმა სტუმრებს გადახედა და დაინახა, რომ ბევრს მისკენ უპყრია თვალი და ხარხარებს. მაგრამ საკვირველი ის იყო, კი არ შერცხვა ამისა, პირიქით, ერთხელ კიდევ დაეწაფა სასმისს და უცებ რაც შეიძლება ხმამაღლა დაიწყო:

— ეს წუთია ვეუბნებოდი აკიმ პეტროვიჩს, ბატონებო, რომ რუსეთი... დიახ, სწორედ რუსეთი... ერთი სიტყვით: გესმით ალბათ, რისი თქმაც მინდა... რომ რუსეთი, ჩემი ღრმა რწმენით, ჰუ-ჰუმანურობის ხანას განიცდის...

— ჰუ-ჰუმანურობის ხანას! — გაისმა სუფრის მეორე თავში.

— ჰუ-ჰუ!

— ჰუ-ჰუ!

გენერალი წამით შეჩერდა. ფსელდონიმოვი წამოდგა და სტუმრებს თვალი გადაავლო, აბა ვინ დაიყვირაო? აკიმ პეტროვიჩი ქურდულად აქნევდა თავს საყვედურის ნიშნად. გენერალმა ეს ყველაფერი მშვენივრად დაინახა და გული ჩაწყდა, მაგრამ არ შეიმჩნია.

— დიახ, ჰუმანურობის ხანას! — ჯიუტად განაგრძო მან. — წელან... დიახ,

სწორედ წელან ვეუბნებოდი სტეფან ნი-ვი-ფოროვიჩს... დიახ... რომ, ასე ვთქვათ, საგანთა განახლება...

— თქვენო აღმატებულებავ! — შეაწყვეტინა ვილაცამ სუფრის ბოლოდან.

— რას მიბრძანებთ? — მიუგო ივან ილიჩმა და შეეცადა უფრო მტკმელი დაენახა.

— არაფერს, თქვენო აღმატებულებავ, წამომცდა მხოლოდ, განაგრძეთ! გა-ნა-გრძეთ-მეთქი! — გაისმა ოხევ ის ხმა.

ივან ილიჩი უსიამოდ შეიშმუნა.

— ასე ვთქვათ, ამ საგანთა განახლება...

— თქვენო აღმატებულებავ! — დაიძახა ისევ ვილაცამ.

— რა გნებავთ?

— თქვენი გამარჯვება!

ეს კი ველარ მოითმინა გენერალმა, სიტყვა გაწყვიტა და წესის დამრღვევისა და შეურაცხყოფელისკენ მიიბრუნა თავი. ეს იყო თითქმის პირტიტველა მოწაფე ბიჭი, უკვე ძალზე მთვრალი და დიდად საეჭვო. რა ხანია ღრილებდა და ჭიქა და ორი თევზიცი მიაშხვრია, აქაოდა, ქორწილში ასე იცინო. იმ წუთას, როცა გენერალი მისკენ მიტრიალდა, ოფიცერი მკაცრად ტუქსავდა მყვირალას:

— რა იყო, რ გაღრილებს? აქედან უნდა გაგაგდოს კაცმა!

— თქვენზე არა, თქვენო აღმატებულებავ, თქვენზე არა! განაგრძეთ! — ყვიროდა სკამზე გადათხლასული შექვიფიანებული მოწაფე, — განაგრძეთ, ვისმენტ და ძა-ლიანაც, ძა-ლიანაც კმაყოფილი ვარ თქვენი! მა-სა-წონია, მასაწონი.

— მთვრალია ეს ლაწირაკი! — ჩაიჩურჩულა ფსელდომინოვმა.

— ვხედავ, რომ მთვრალია, ოღონდაც...

— ეს წუთია ერთი სასაცილო ანეკდოტი მოგყვები, თქვენო აღმატებულებავ! — ჩაერია ოფიცერი, — ჰყენ ერთი პორუჩიკი გვყავდა და ზუსტად ასე ელაპარაკებოდა უფროსებს; ჰოდა, ესეც ახლა იმას ბაძავს. უფროსის ყოველ სიტყვაზე მა-საწონია, მა-საწონიაო, აყოლებდა! ჯერ ერთი წლის წინათ გააგდეს ამის გულისთვის სამსახურიდან.

— ვინ, რომელი პორუჩიკი?

— ჩვენს პოლკში იყო, თქვენო აღმატებულებავ, პირდაპირ შეშლილი გახლდათ ამ სიტყვაზე, ჯერ დაუყვავეს, ჰკუაში ჩავაგდებთო, მერე კი საკანში ჩააყუდეს... უფროსი რომ მამაშვილურად არიგებდა, ის მა-საწონია, მა-საწონიაო, იძახდა. არადა, მამაცი ოფიცერი იყო, ცხრა გოჯი სიმაღლისა. დააპირეს სამართალში მიეცათ, მაგრამ ნახეს, რომ შეშლილი იყო.

— მაშასადამე... ტუტუცი ყოფილა, ტუტუცობისთვის კი ეს მეტისმეტია... მე, მაგალითად, ვაპატიებდი...

— მედიცინამაც დაამოწმა, თქვენო აღმატებულებავ.

— როგორ! გა-გაკვეთეს?

— რას ბრძანებთ, კაცი ცოცხალი გახლდათ.

სტუმრებმა ერთხმად გადაიხარხარეს, თუმცა მანამდე დინჯად ეკავათ თავი. გენერალი გაცოფდა.

— ბატონებო, ბატონებო! — შეჰყვირა და ამჯერად ენაც აღარ დაბმია, — ნუ გგონიათ იმის გარჩევა არ შემეძლოს, რომ ცოცხალს არავინ გაკვეთს. მე

მეგონა, რომ შეიშალა და ცოცხალი აღარ იყო... ანუ მოკვდა... ესე იგი, მინდა ვთქვა... რომ თქვენ არ გიყვარვართ... არადა, მე ყველა მიყვარხართ... დიახ, პორ... პორფირიც მიყვარს... ვიცი, რომ ამის თქმით თავს ვიმცირებ...

ამ დროს ვეებერთელა სალივი¹ პირიდან გამოუხტა გენერალს და სულდრის გამოსაჩენ ადგილზე დაეცა. ფსელდონიმოვი უმაღლეს ხელსახოცით ეცა გასაწმენდად. ამ უკანასკნელმა მარცხმა საბოლოოდ გაანადგურა გენერალი.

— ბატონებო, ეს უკვე მეტისმეტია! — სასოწარკვეთით შესძახა მან.

— მთვრალია, თქვენო აღმატებულებავ, — ჩაუჩურჩულა ისევ ფსელდონიმოვმა.

— ვხედავ, პორფირი, რომ ყველა... დიახ! მე ვამბობ, რომ იმედი მაქვს... დიახ, გთხოვთ მითხრათ: რით დავიმცირე თავი?

ივან ილიჩი ლამის ტირიდა.

— რას ბრძანებთ, თქვენო აღმატებულებავ!

— პორფირი, მე შენ გეუბნები... თქვი, მე თუ მოვედი... დიახ... დიახ, ქორწილზე თუ მოვედი, მიზანიც მქონდა. მე მსურდა სულით ამემალღებინეთ... მე მსურდა ყველას გეგრძნოთ. მე თქვენ მოგმართავთ: ძალიან დავმცირდი თქვენს თვალში თუ არა?

სამარისებური სიჩუმე ჩამოვარდა. საქმეც სწორედ ის იყო, რომ მისთანა პირდაპირ კითხვას სამარისებური სიჩუმით შეხვდნენ. „ღმერთო, რა იქნებოდა ამ წუთს მაინც დაეძახათ ვაშა!“ — გაუელვა თავში მისაღმატებულებას. მაგრამ სტუმრები მხოლოდ ერთმანეთს უყურებდნენ. აკიმ პეტროვიჩი ცოცხალმკვდარი იჯდა. შიშით ენაჩავარდნილი ფსელდონიმოვი გულში ამ მეხდამცემ კითხვას იმეორებდა, რომელიც დიდი ხანია უკვე თავში უტრიალებდა: „ხვალ რა დღეს დამაყრიან ამისთვის?“

უკვე კარგა მაგრად გამობრუებული „მუგუზლის“ თანამშრომელი, აქამდე მოქამული და დადუმებული, უცებ პირდაპირ გენერალს მიუბრუნდა და თვალების ბრიალით მთელი საზოგადოების სახელით მეხივით დასჭექა:

— დიახაც, ბატონო ჩემო, დიახაც, დაიმცირეთ თავი! დიახ, ბატონო ჩემო, დამყაყუებული აზრების კაცი ბრძანდებით... დიახ, დამყაყუებული აზრებისა!

— გონს მოდით, ყმაწვილო! თუ იცით, ასე ვთქვათ, ვის ელაპარაკებით! — გაშმაგებით უყვირა გენერალმა და ხელახლა წამოიჭრა ადგილიდან.

— ვისა და თქვენ, ბატონო ჩემო, და მეორეც, მე ყმაწვილი არ გახლავართ.. აქ თავმოსაწონებლად და სახელის მოსახვეჭად მობრძანდით.

— ეს რას ჰგავს, ფსელდონიმოვ! — შესძახა გენერალმა.

ზეზე წამომხტარი ფსელდონიმოვი ისეთი ხარდაცემული გაშეშებულიყო ერთ ადგილზე, აღარ იცოდა, რა ექნა. სტუმრებსაც ენა ჩავარდნოდათ. მხატვარი და მოწაფე ტაშს უკრავდნენ და ვაშა, ვაშაო, იძახდნენ.

თანამშრომელი კვლავ გაცოფებული ყვიროდა:

— დიახ, ჰუმანურობით დატრაბახება მოისურვეთ და იმიტომ მობრძანდით! ყველას ჩაუშხამეთ მხიარულება. ყლურწავთ შამპანურს და იმას არ ფიქრობთ, რა ძვირი ხილიც გახლავთ შამპანური იმ მოხელის ჯიბისთვის, ვინც თვეში ათ მანეთს იღებს. მე მგონი, თქვენც იმ უფროსთაგანი უნდა იყოთ, თავიანთი ხელ-

¹ saline — (ფრანგ.) — ღორბლი.

ქვეითების ყმაწვილი ცოლები დიახაც გემრიელ ლუქმად რომ შიანჩიათ. უფრო მეტი, დარწმუნებული ვარ, იჯარებსაც ხელს აფარებთ... დიახ, დიახ!

— ფსელდონიმოვ! ფსელდონიმოვ! — ყვიროდა გენერალი და მისკენ იწვდიდა ხელებს. თანამშრომლის ყოველი სიტყვა ხანჯლად ესობოდა ვულზე,

— ახლავე, თქვენო აღმატებულება, თუ შეიძლება, ნუ აღელდებით! — მთელი ძალით მიაძახა ფსელდონიმოვმა, თანამშრომელს ეცა, ქეჩოში ხელი დაავლო და სუფრიდან გამოათრია. საკვირველიც იყო, რამ მისცა ასეთი ძალა ამ ჩია ფსელდონიმოვს. მაგრამ თანამშრომელი მთვრალი ბრძანდებოდა, ფსელდონიმოვს კი წვეთი ღვინო არ დაეღია. შემდეგ რამდენიმე მუჯღუგუნიც მიაყოლა ზურგში და გარეთ გააგდო.

— ყველანი არამზადები ხართ! ხვალვე ყველას „მუგუზალში“ გამოგაჭენებთ! — ღრიალებდა თანამშრომელი.

ყველანი ადგილიდან წამოხტნენ.

— თქვენო აღმატებულება, თქვენო აღმატებულება! დაწყნარდით, თქვენო აღმატებულება! — ეხვეოდნენ გენერალს ფსელდონიმოვი, მისი დედა და რამდენიმე სტუმარი.

— არა და არა! — ყვიროდა გენერალი, — მიწასთან გამასწორეს... მე... მე, ასე ვთქვათ, მონათვლა მინდოდა. სანაცვლოდ კი რა, რა მივიღე!

გენერალი თითქმის უგონოდ დაეშვა სკამზე, მკლავები მაგიდაზე დააწყობდა თავი პირდაპირ ბლანმანუეს თეფშში ჩარგო. თუ რა თავზარი დაეცა ყველას, მგონი, აწერა საჭირო აღარცაა, წუთიც და გენერალი ისევ წამოდგა, ალბათ წასვლა უნდოდა, მაგრამ წაბარბაცდა, სკამის ფეხს წამოედო, იატაკზე ზღართან მოადინა და ხვრინვა ამოუშვა.

ასე ემართება ხოლმე ადამიანს, რომელიც სმას არაა ნაჩვევი და შემთხვევით დათვრება. უკანასკნელ წუთამდე, უკანასკნელ წამამდე არ დალატობს გონი, მერე კი უეცრივ მოცელილივით ეცემა. გენერალი უგონოდ იწვა იატაკზე. ფსელდონიმოვს თმაში წაეგლო ხელები და გაშეშებულიყო. სტუმრები საჩქაროდ დაიფანტნენ. ყველა თავისებურად ხსნიდა მომხდარ ამბავს. დაახლოებით ნაშუაღამევის სამი საათი იქნებოდა.

უნდა ითქვას, რომ ამ უსიამო ამბის გარეშეც ფსელდონიმოვს არც ისე კარგად ჰქონდა საქმე, როგორც კაცს შეიძლება ჰგონებოდა. ვინემ გენერალი იატაკზეა გაშხლართული, ხოლო ფსელდონიმოვი თავზე ადგას და სასოწარკვეთილი თმას იგლეჯს, შევწყვიტოთ ჩვენი ამბის მსვლელობა და რამდენიმე სიტყვა ვთქვათ თავად პორტირი პეტროვიჩ ფსელდონიმოვზე.

ქორწინებამდე ჯერ ერთი თვით ადრე კაცი უიმედოდ იღუპებოდა, იგი გუბერნიიდან იყო ჩამოსული, სადაც ერთ დროს მამამისი მსახურობდა და სადაც ციხეში დაასრულა სიცოცხლე. ჯვრისწერამდე ხუთი თვით ადრე პეტერბურგში უსახსროდ დარჩენილმა ფსელდონიმოვმა, როგორც იყო, იშოვა ათმანეთიანი ადგილი და კაცი ხელახლა დაიბადა. მაგრამ მალე ისევ დაჯაბნა წუთისოფელმა. ამქვეყნად ფსელდონიმოვს დედის მეტი არავინ ჰყავდა, ქმრის სიკვდილის შემდეგ დედამაც დატოვა გუბერნია. დედა-შვილს სიცივით და შიმშილით ძვრებოდა სული პეტერბურგში. ბევრჯერ ყოფილა ისეთი დღეები, როცა ფსელდონიმოვი თავისი ფეხით წასულა ფონტანკაზე, რა არის, იქ წყალი დაეღია. სამსახურში მოწყობის შემდეგ დედამ და შვილმა რის ვაინაჩრობა დაიქირავეს საცხოვრებელი კუთხე. დედამ მრეცხაობას მიჰყო ხელი, შვი-

ლი კი მთელი ოთხი თვე კაპიკს კაპიკზე ადებდა, რომ ჩექმა და შინელი ეყი-
და. ვინ მოსთვლის, რამდენი დამცირება იწვნია მან კანცელარიაში, რა-
მდენჯერ უკითხავთ მისთვის უფროსებს, აბანოში თუ იყავით? — ხმაც გაუვრცე-
ლეს, ფსელდონიმოვს ვიცმუნდირის საყულოში ბაღინჯოების ბუდე ჰყავ-
სო! მაგრამ ეს შესახედად თვინიერი და წყნარი კაცი მაგარი ხანაოთის გა-
მოღვა. განათლებით ვერ დაიკვეხნიდა და არც მისი ლაპარაკი გაუგია თითქმის
ვისმე. ვერც იმას ვიტყვი დანამდვილებით, რამეზე თუ ფიქრობდა ან ოცნებო-
ბდა როდესმე. სამაგიეროდ რალაც ქვეშეცნეული, ანგარიშიუცემელი სწრაფ-
ვა გაუჩნდა, ამ გაჭირვებულ ყოფიდან თავი დაეღწია და გზას სწეოდა. ჭიანჭ-
ველას ჰგავდა თავისი სიჯიუტით: ჭიანჭველას თუ ბუდეს დაუნგრევ, იმავ
წუთს შეუდგება ახალი ბუდის შენებას. დაუნგრევ მეორედ — მეორედაც
ააშენებს და ასე იქნება გაუთავებლად. ფსელდონიმოვიც მუყაითი და მეო-
ჯახე კაცი იყო. შუბლზე ეწერა, უთუოდ მიაღწევდა თავისას, ბუდეს მოიწყო-
ბდა და ვინძლო ფულიც გადაენახა შავი დღისათვის. ამქვეყნად მხოლოდ დე-
დას უყვარდა, ამ მტკიცე ნების, მშრომელ, გამრჯე და ამავე დროს კეთილი გუ-
ლის დედაკაცს, და თავდავიწყებითაც უყვარდა, იქნებ ასე ეჯახირათ და-
ჭირავებულ კუთხეში ბარე ხუთი-ექვსი წელი მდგომარეობის გამოკეთებამდე,
რომ ბედის განგებით გადამდგარ ტიტულარულ მრჩვეულ მლეკობიტაევს არ
გადაყროდნენ. მლეკობიტაევი ყოფილი ხაზინადარი გახლდათ და ოდესღაც
გუბერნიაში მუშაობდა, ახლა კი პეტერბურგში გადმოსახლებულიყო თავისი
ჯალაბით. ფსელდონიმოვის მამას თურმე რალაც სიკეთე გაეკეთებინა მის-
თვის. მართალია, დიდი შეძლება არ ჰქონდა, მაგრამ ცოტა ფული მაინც ება-
და, თუმცა რამდენი, ეს არც მისმა ცოლა იცოდა, არც უფროსმა ქალიშვილ-
მა, არც ნათესავებმა და არც არავინ ქვეყნად. მლეკობიტაევს ორი ქალი ჰყავ-
და, იყო უჯიათი და ახირებული კაცი, ლოთი, შინაურების სულთამხუთავი და
თანაც ავადმყოფი. ჰოდა, ერთ მშვენიერ დღეს გადაწყვიტა თავისი ერთ-ერთი
ქალი ფსელდონიმოვისთვის მიეთხოვებინა: აქოდა, მამა კარგი ჰყავდა და შვი-
ლიც კარგი იქნება, ვიცო. მლეკობიტაევს მუდამ თავისი გაჰქონდა. თუ რალა-
ცას აიხირებდა, გაიტანდა კიდევ. მართლა დიდი ხუმტურიანი ვილაც იყო. მე-
ტწილად სავარძელში იჯდა ხოლმე, რალაც ავადმყოფობის გამო ფეხები წარ-
თმეოდა. მაგრამ ეს როდი უშლიდა ხელს არაყი ესვა, მთელი დღეები ელოთა
და ელანძლა ყველა. ბოროტი იყო და უსათუოდ ვინმე უნდა ეწვალეებინა. სა-
ამისოდ რამდენიმე შორეული ნათესავი ქალი შემოიკედლა სახლში: თავისი
ავადმყოფი და კაპასი და, კიდევ ორი ცოლისდა, ისინიც ავები და ენაჭარტ-
ლები, შემდეგ ერთი თავისი მოხუცი მამიდა, რალაც შემთხვევის გამო ნეკნჩა-
მტვრეული. კიდევ ერთი გარუსებული გერმანელი ქალი, რომელიც „ათას ერ-
თი ლამის ზღაპრებს“ ოსტატურად უყვებოდა და ართობდა. დიდ სიამოვნებას
ჰგვრიდა ამ მისი ლუკმის შემყურე გაუბედურებული ქალების გაპამპულეზა
და ყოველ წუთს ლანძღვა-გინება, მიუხედავად იმისა, რომ ვერც ერთი
ქალი, მისი ცოლის ჩათვლით, რომელსაც თავისი დღე და მოსწრება კბილები
სტკიოდა, სიტყვის შებრუნებას ვერ უბედავდა. მლეკობიტაევი ნიადაგ ერთმა-
ნეთს აჩხუბებდა მათ, ჭორებსა და შუღლს თესავდა და, როცა ისინი ერთმა-
ნეთს ლამის თმით დაითრევდნენ, სიტყლით კვდებოდა და სიხარულით ცას
ეწეოდა, უფროსი ქალის დაბრუნებამ, ვილაც ოფიცერთან მთელი ათი წელი

გაჭირვებული ცხოვრების შემდეგ რომ დაქვრივდა და მამას მოადგა თავისი სამი ჭიანი შვილით, მლეკოპიტაევი დიდად გაახარა. მართალია, შვილიშვილები სძულდა, მაგრამ რახან მათი ჩამოსახლებით ყოველდღიური ცდებისთვის მეტი გასაქანი მიეცა, ფრიად კმაყოფილი გახლდათ. რაღაცა ქალებისა და სხეული ბავშვების მთელი ეს ხროვა, თავის სულთანს ერთად პეტერბურგის მხარეზე ერთ პატარა ხის სახლში შეყუყულები, ნახევრად მშვირები ეყარნენ, ვინაიდან ძუნწი მოხუცი კაპიკობით იძლეოდა საჭმლის ფულს, თუმცა არაყზე ფული არ ენანებოდა; აკლდათ ძილიც, იმიტომ რომ ბერიკაცს უძილობა სჭირდა და გართობას თხოულობდა. მოკლედ, ყველანი შავ დღეში იყვნენ და დაბადების დღეს იწყებდნენ. სწორედ ამ დროს დაადგა თვალი მლეკოპიტაევმა ფსელდონიმოვს. დიდად გააკვირვა მისმა გრძელმა ცხვირმა და მორჩილმა იერმა. მისი გაღებული და შეუხედავი უმცროსი ქალი იმხანად ჩვიდმეტისა გახდა. ოდესღაც გერმანულ 'შულეში' დადიოდა, მაგრამ ანაბანას მეტი ვერაფერი ისწავლა. შემდეგ შინ იზრდებოდა, უფეხო და ლოთი მამის ზედამხედველობის ქვეშ, ვისი წყალობითაც მათ ოჯახში აყალმაყალი, ჭორები, ენატანიაობა და ცოლისწამება არ იღებოდა. ის ერთი გაწრიპული გოგო იყო, სისხლნაკლული და სურავანდიანი. ამხანაგ-მეგობრები არასოდეს ჰყოლია, არც ჭკუა მიეცა ღმერთს. გათხოვება რა ხანია ნატვრად გადაქცეოდა. ხალხში მისი მამის არავის გაეგონა, შინ კი, დედისა და მამის მუქთამჭამელებთან ავი და ანჩხლი იყო. მეტადრე არაფერი ერჩივნა დისშვილების ჩქმეტასა და ცემა-ტყუპას, მუდამ აბეზღებდა, თუკი შაქარს ან პურს მოიპარავდნენ და ამიტომაც ისა და მისი უფროსი და გაუთავებელივ ჩხუბობდნენ და კინკლაობდნენ. ბერიკაცმა თვითონ შესთავაზა ფსელდონიმოვს თავისი ქალი ცოლად. ხომ ასე გაჭირვებული იყო, ფსელდონიმოვმა მაინც დაფიქრების დრო ითხოვა. დედა-შვილი დიდხანს ბჭობდა. მაგრამ პატარძალს მზითვში სახლი მოჰყვებოდა, მართალია, ერთსართულიანი ხის უბადრუკი სახლი, მაგრამ მაინც ხომ რაღაც ღირდა. გარდა ამისა, ორმოც ზუმანს იძლეოდნენ. ამდენ ფულს კი აბა როდის მოინაგრებდი! — თუ იცით, რატომ შემომყავს სიძე? — ღრიალებდა ლოთი და უჭიათი ოჯახის მამა, — ჯერ ერთი იმიტომ, რომ ამდენმა დედაკაცმა თავი მომაბეზრეთ და მინდა მაგ ფსელდონიმოვმაც ჩემს დუღუკზე იცეკვოს, რამეთუ მისი მწყალობელი ვარ. მეორე მიზეზი ისაა, რომ არ გინდათ მისი შემოსვლა და ბრაზით სკდებით. ამიტომაც თქვენს ჯიბრზე შემომყავს. ჩემი სიტყვა—სიტყვაა! შენ კი, პორფირკა, იცოდე, ცოლად რომ ითხოვ, კარგად ბრიგე; დაბადებიდან ცხრა ეშმაკი უზის გვამში. გამოუდევნე ეგ ეშმაკები და იმათგან ყავარჯნებს გავიკეთებ...”

ფსელდონიმოვი არაფერს ამბობდა, მაგრამ გულში უკვე გადაწყვეტილი ჰქონდა თანხმობა. დედა-შვილი ჯვრისწერამდე შემოიყვანეს ოჯახში, დაბანეს, თავით ფეხამდე შემოსეს, ქორწილის ფული მისცეს. ბერიკაცი დედა-შვილს წყალობდა, ალბათ იმიტომ, რომ მთელ ოჯახს ჭირივით სძულდა. ფსელდონიმოვის დედა ისე მოეწონა ბერიკაცს, მასთან თავს იკავებდა და არ გესლავდა. თუმცა თვითონ ფსელდონიმოვს კი ქორწინებამდე ერთი კვირით ადრე თავის ზვალწინ კაზაკური აცეკვა. „ახლა კი გეყოფა, მხოლოდ იმის ნახვა მინდოდა, თავს ხომ არ გაგივიდა ჩემთან“, — უთხრა კაზაკურის დამთავრების შემდეგ.

¹ (გერმ. Schule) — სკოლა.

ქორწილის ფული ძალიან ცოტა მისცა და ყველა თავისი ნათესავ-ნაცნობი დაპატიჟა. ფსელდონიმოვის მხრიდან მართოდენ „მუგუზლის“ თანამშრომელი და საპატიო სტუმარი აკიმ პეტროვიჩი იყვნენ. ფსელდონიმოვმა ძალიან კარგად იცოდა, პატარძალს რომ ეზიზღებოდა და ოფიცრის ცოლობაზე ოცნებობდა. მაგრამ ყველაფერზე თვალს ხუჭავდა. ასე იყო დედასთან შეთანხმებული. ქორწილის დღეს დილიდან დაწყებული საღამომდე ბერიკაცი უმსგავსოდ იგინებოდა და უბედურად სვამდა. შინაურები უკანა ოთახებში შეყუჟულიყვნენ და იქ იხუთებოდნენ. წინა ოთახებში მეჯლისი და ვახშამი უნდა გამართულიყო. როცა არყით გაღეშილმა ბერიკაცმა, როგორც იქნა, ღამის თერთმეტ საათზე დაიძინა, მთელი ის დღე თავის მძახალზე გასისინებულმა პატარძლის დედამ გადაწყვიტა რისხვა წყალობით შეეცვალა და მეჯლისსა და ვახშამზე გამოსულიყო. ივან ილიჩის მობრძანებამ ყველაფერი თავდაყირა დააყენა. ქ-ნი მლეკოპიტაევა შეცბა, განაწყენდა და ლანძღვა დაიწყო, თუ გენერალი გყავდათ დაპატიჟებული, რატომ არ გამაფრთხილეთო. ბევრი უმტკიცეს, თვითონ მოვიდაო დაუპატიჟებლად, მაგრამ ისეთი უტვინო იყო, ვერა და ვერ დააჯერეს. საჭირო გახდა შამპანურის ყიდვა. ფსელდონიმოვის დედას მხოლოდ ერთი ვერცხლის მანეთიანი აღმოაჩნდა, ვაქს კაპიკი არ ჰქონდა, ისევ როკაპ დედაბერ მლეკოპიტაევას უნდა შეხვეწნოდნენ, ჯერ ერთი და მერე მეორე ბოთლი შამპანურის ფული მოეცა. განუმარტეს, რა მნიშვნელობა ჰქონდა ამას მომავალი სამსახურებრივი დაწინაურებისთვის, სინდის-ნამსუსში ჩაადგეს. ბოლოს დედაბერმა თავის ჯიბიდან მისცა ფული, სამაგიეროდ, ისეთი ძმრითა და ნაღვლით შეზავებული ფიალა შეასვა ფსელდონიმოვს, ვინ მოთვლის, რამდენჯერ შევარდა იგი იმ ოთახში, სადაც საქორწინო სარეცელი იყო გაშლილი, უნმოდ იგლეჯდა თმას და უღონო ბრაზით აცახცახებული დაემბობოდა ხოლმე სამოთხის ნეტარებისათვის განკუთვნილ სარეცელზე. დიახ! რა იცოდა გენერალმა, რაზომ ძვირად დაუჯდა ფსელდონიმოვს მისთვის მორთმეული ჯაკსონის ორი ბოთლი შამპანური. პოდა, წარმოიდგინეთ ფსელდონიმოვის სასოწარკვეთა, როცა ივან ილიჩის ამბავი ეგზომ მოულოდნელად დამთავრდა. მთელი ღამე ისევ დავიდარაბა ელოდა. მთელი ღამე, ვინ იცის, უინიანი პატარძლის წუწუნნი და ტირილი, მისი უტვინო სანიათესაოს საყვედურები ესმინა, არადა, ისედაც თავი სტკიოდა, ისედაც თვალთ უბნელდებოდა, თან გენერალს დახმარება სჭირდებოდა, ღამის სამ საათზე მისთვის ან ექიმი უნდა მოეყვანა, ან ეტლი ეშოვა და შინ წაეყვანა. დიახ, უთუოდ ეტლი, ვინაიდან უბრალო ოთხთვალათი ხომ არ შეიძლებოდა მართლა და მართლა ამისთანა პიროვნების და ისიც ამისთანა დღეში მყოფის შინ გადაყვანა. მაგრამ ან ეტლისთვის საიდან ეშოვა ფული? მლეკოპიტაევის გაცოფებულმა ცოლმა, აქაოდა, გენერალმა ზედაც არ შემომხედა და ორი სიტყვაც არ გაიმეტა ვახშამზე ჩემთვისო, განაცხადა, კაპიკი აღარ დამრჩაო. იქნებ მართლაც არ დარჩა ფული. მაშ, სად იშოვოს? რა წყალში ჩავარდეს? დიახაც რომ თმის საგლეჯად ჰქონდა საქმე.

ამასობაში ივან ილიჩი დროებით იქვე, სასადილო ოთახში პატარა ტყავის დივანზე დააწვინეს. ვინემ სუფრას აალაგებდნენ და მაგიდებს დაშლიდნენ, ფსელდონიმოვმა ყველას ჩამოუარა ფულის სასესხებლად, მსახურებსაც კი სთხოვა, მაგრამ ფული არავის აღმოაჩნდა. აკიმ პეტროვიჩსაც კი შეჰკადრა,

რომელიც ყველაზე ბოლოს დარჩენილიყო. მაგრამ ეს კეთილი ^{კაცი} ფულის სესხებაზე ისე გაოგნდა და დაფრთხა, რაღაც სისულელეები დაიწყო.

— სხვა დროს სიამოვნებით, ახლა კი... უკაცრავად, მაგრამ... — წაილულ-ლულა, ქუდს ხელი დაავლო და ოთახიდან სასწრაფოდ გადარდა. მხოლოდ სი-ზმრის წიგნზე მოლაპარაკე კეთილი ყმაწვილი გამოადგა ფსელდონიმოვს; თუმცა სულ ტყუილად კი გაისარჯა. იგი გვიანობამდე დარჩა და ფსელდონიმოვის გასაჭირი ერთგულად გაიზიარა. ბოლოს ფსელდონიმოვმა, დედამისმა და ამ ყმაწვილმა გადაწყვიტეს საერთო ბჭობაზე, რომ ექიმის მაგივრად ისევ ეტლი და-ექირავებინათ და ავადმყოფი შინ წაეყვანათ, მანამდე კი შინაური საშუალებანი ეხმარათ: საფეთქლებსა და შუბლზე ცივი ტილო დაედოთ, კეფაზე კი ყინული და სხვა რამე. ეს უკვე ფსელდონიმოვის დედამ ითავა. ყმაწვილი ეტლის საშოვნელად გაქანდა. რახან ეს ამბავი პეტერბურგის მხარეზე ხდებოდა, ასეთ დროს კი იქ მეეტლეებსაც ვერავინ ნახავდა, კარგა შორს, სასტუმრო ბაკში წავიდა და მეეტლეები გააღვიძა. შეიქმნა ვაჭრობა. პირველად ხუთი მანეთი თხოვეს, ძალიან გვიან არისო. ბოლოს სამზე შეთანხმდნენ. დამის ოთხი საათი იქნებოდა, როცა ყმაწვილმა დაქირავებული ეტლი ფსელდონიმოვის სახლს მოაყენა. მაგრამ იქ უკვე შეეცვალათ გადაწყვეტილება. ჯერ ისევ გონმიხდილი ივან ილიჩი ისე ცუდად გამხდარიყო, ისე კვნესოდა და ბორგავდა, მისი შინ წაყვანა შეუძლებელი და სახიფათოც კი იქნებოდა. „ვინ იცის, კიდევ რა შეემთხვევა გზაში!“ — იძახდა სულ მთლად დამფრთხალი ფსელდონიმოვი. რა უნდა ექნათ? ავადმყოფი რომ აქ დაეტოვებინათ, სად დაეწვინათ? აი, რა იყო ისევ თავსამტვრევი. მთელ სახლში მხოლოდ ორი საწოლი იდგა: ერთ უზარმაზარ ორსაწოლიან ლოგინზე ბებერ მლეკოპიტაევსა და მის ცოლს ეძინათ ხოლმე, ახლად ნაყიდი მეორე კაკლის ხის ორსაწოლიანი ლოგინი ნეფე-დედოფლისთვის იყო განკუთვნილი. დანარჩენი ბინადარნი, უფრო სწორედ, ბინადარი ქალები იატაკზე ეყარნენ, აშმორებულ და ამყრალებულ, ყოვლად საჯაყ პუმბულის ლეიბებზე. და არც ისინი იყო სამყოფი. მაშ ავადმყოფი სად დაეწვინათ? ბუმბულის ლეიბი კიდევ მზინახებოდა—გაჭირვების შემთხვევაში ვიღაცას გამოაცლიდნენ, მაგრამ სად და რაზე დაეგოთ? რახან დარბაზი მოცილებული იყო ჯალაბის სამყოფელს და თანაც ცალკე გასასვლელი ჰქონდა, ჯობდა იქ გაეშალათ. ოღონდ რაზე გაეშალათ? ნუთუ სკამებზე? მაგრამ სკამებზე, მოგეხსენებათ, მხოლოდ შაბათ-კვირას შინ მისულ გიმნაზიელებს უშლიან ლოგინს, ივან ილიჩისთანა კაცისთვის კი ასეთი რამ დიდი უპატივცემლობა იქნებოდა. რას იტყოდა, როცა მეორე დღეს გაიღვიძებდა და ნახავდა, სკამებზე დამაწვინესო? ფსელდონიმოვს ამის გაგონებაც არ სურდა. გზა ერთი იყო: საქორწინო სარეცელზე გადაეყვანათ. როგორც უკვე მოგახსენეთ, ეს საქორწინო სარეცელი სასადილოს გვერდით პაწაწკინტელა ოთახში იდგა. ლოგინზე ორსაწოლიანი აბალი ლეიბი ეგო, სუფთა თეთრეული ეფარა. ვარდისფერი ყალამქრის ოთხი ბალიშისთვის ფურჩალით გაწყობილი მარმაშის საპირე ჩამოეცვათ. ვარდისფერი ატლასის საბანი ლამაზად იყო ნაკერი. ზემოთ ოქროს რგოლი ეკიდა და იქიდან მარმაშის ფარდები ეშვებოდა. ერთი სიტყვით, დიახაც საკადრისად იყო მორთული. თითქმის ყველა სტუმარმა მოინახულა საწოლი და ყველამ ძალიან შეაქო. პატარძალს, მართალია, კირივით სძულდა ფსელდონიმოვი, მაგრამ იმ სადამოს რამდენჯერმე მალულად შეირბინა და დაათვალიერა იქაურობა. ჰოდა, სულ ცოფები ჰყარა, როცა გაიგო, მის საქორწილო სარეცელზე, ვინ იცის,

რა ჭირიანი კაცი გადმოჰყავდათ! პატარძლის დედის თავის შვილს გამოესარჩლა, იჩხუბა და დაემუქრა, ხვალვე ქმარს ვეტყვიო. მაგრამ ფსელდონიმოვმა თავისი გაიტანა: ივან ილიჩი საქორწინო სარეცელზე გადააბრძანეს, ნეფე-დედოფალს კი დარბაზში სკამებზე გაუშალეს ლოგინი. პატარძალი ფსელდონიმოვებდა, ლამის ყველა დაჩქმიტა, მაგრამ ურჩობა მაინც ვერ გაბედა: კარგად ცოდა მამამისის ყავარჯნის ძალა და ის ამბავიც, რომ მისი მამიკო ხვალ უთუოდ მოითხოვდა რალაც-რალაცების დაწვრილებით ანგარიშს. მის სანუგეშოდ დარბაზში ვარდისფერი საბანი და მარმაშიანი ბალიშები გადმოიტანეს. სწორედ ამ დროს მოიყვანა ყმაწვილმა ეტლი. მაგრამ რომ გაიგო, ეტლი საჭირო აღარააო, პირკატა ეცა. ფული თავისი ჯიბიდან უნდა მიეცა, თვითონ კი თავის დღეში ორშაურჩიანიც არ უქყოფდა, არც ფსელდონიმოვს გააჩნდა კაპიკი. ერთი პირობა მეეტლის სინდისში ჩაგდება სცადეს. მაგრამ იმან ერთი ალიაქოთი ატეხა და დარაბებს მუშტები დაუშინა. ზუსტად არ ვიცი, რით დამთავრდა ეს ამბავი. თუ არ ვცდები, — ყმაწვილი ამ ეტლით პესკიზე გაემართა, მეოთხე როფდესტვენკაიას ქუჩაზე, სადაც მისი ნაცნობი სტუდენტი თავის ანლობლებთან ღამეს ათევდა, იმ იმედით, გავალვიძებ და ვცდი, იქნებ ფული ჰქონდესო. დილის ხუთი საათი იქნებოდა, როცა ნეფე-დედოფალი მარტო ჩაკეტეს დარბაზში. გენერლის საწოლთან ფსელდონიმოვის დედა დარჩა, ძირს გაგებულ პატარა ნოხზე მოიკუნტა და ქურქი წაიფარა. მაგრამ ძილი არ დასცალდა; წარამარა ზეზე უნდა წამომხტარიყო. ივან ილიჩს კუჭი აშლოდა. ფსელდონიმოვის დედა ვაჟკაცური გულის, დიდსულოვანი ქალი იყო. თავისი ხელით გახადა გენერალს ტანსაცმელი, მთელი ღამე, როგორც საკუთარ შვილს, ისე დასტრიალებდა თავს. საწოლიდან პატარა დერეფანში წინ და უკან დაჰქონდა საჭირო ჭურჭელი, მაგრამ ვაი, რომ იმ ღამის ვაი-ვაგლახი ამით არ დამთავრებულა.

არ გასულა ათი წუთი, რაც ნეფე-დედოფალი დარბაზში ჩაკეტეს, რომ გულშემზარავმა კივილმა შესძრა იქაურობა. ეს გაავებული ხმა სულ არ ჰგავდა სიხარულის კივილს. შემდეგ გაისმა ხრიგინი, ჭახანი, თითქოს სკამები წაიქცაო. წუთიცა და ბნელი დარბაზი შეშინებულ და მოვიშვიშე ქალებით გაიქცედა. რა ეცვათ და როგორ გამოიყურებოდნენ, ამის აღწერა არ შეიძლება. ესენი იყვნენ: პატარძლის დედა, უფროსი და, თავისი სნეული ბავშვები რომ მიეყარა, სამი დეიდა, მათ შორის ნეკნჩამტვრეულიც, იქ გაჩნდა მზარეული ქალი, მოცუხცუხდა მეზღაპრე გერმანელი ქალი, ვისთვისაც მისი ერთადერთი ავლა-დიდება ბუმბულის ლეიბი გამოეცალათ ძალით ნეფე-პატარძლისათვის დასაგებად, რადგან მთელ სახლში ამაზე უკეთესი ლეიბი არავის ჰქონდა. ეს დარბაისელი, გამჭრიახი არსებანი უკვე თხუთმეტი წუთია სამზარეულოდან დერეფანში ფეხაკრეფით გამოსულიყვნენ და დიდზე დიდი ცნობისწადილით აყურადებდნენ დარბაზის კარს. ამასობაში ვილაცამ ჰაიპარად აანთო სანთელი. სურათი მართლაც მოულოდნელი აღმოჩნდა. განიერი ბუმბულის ლეიბის ქვეშ შემდგარ სკამებს ვერ გაეძლოთ ორი ადამიანის სიმძიმისთვის, გაცურებულიყო და ლეიბი იატაკზე დავარდნილიყო. ამჯერად გულის სიღრმემდე შეურაცხყოფილი პატარძალი გაანჩხლებული სლუკუნებდა. ცოცხალმკვდარი ფსელდონიმოვი ავ საქმეზე წასწრებულ დამნაშავესავით იდგა. თავის მართლება არც უცდია. იყო ერთი ვიშვიში და წივილ-კივილი. ხმაურზე ფსელდონიმოვის დედამაც მოიბრინა, მაგრამ პატარძლის დედიკომ ამჯერად ყველას აჯობა. ჯერ სი-

ძეს უცნაური და მეტწილად უსამართლო საყვედურები დააყარა: „ამის მერე რა ქმარი ხარ, გეთაყვა? ეს რა სირცხვილი გვაქამე, ქმრად როგორ ივარგებ?“ და სხვა და სხვა. შემდეგ თავის ქალს ხელი დაავლო, თავისთან წაიყვანა და პასუხისმგებლობაც მრისხანე ქმრის წინაშე თვითონ იკისრა. დანარჩენები თავის ქნევითა და ვიწვიშით უკან მიჰყვნენ. ფსელდონიმოვი და დედა და-რჩა. მაგრამ როცა დედამ ნუგეშისცემა დაუწყო, ვაჟმა ~~თავის~~ ისიც გააგ-დო.

ფსელდონიმოვს ნუგეშისათვის როდი ცხელოდა. ტანტამდე მილასლასდა და, როგორც იყო, ფეხშიშველი და საცვლების ამარა ჩამოჯდა მოღუშული. ტვინი ერეოდა, შიგადაშიგ ანგარიშმიუცემლად თვალს შეაველებდა ხოლმე დარბაზს, სადაც ამ ცოტა ხნის წინ გახელებით როკავდნენ სტუმრები და საი-დანაც თამბაქოს კვამლი ჯერ კიდევ არ გასულიყო, დათხვრილ იატაკზე კვლავ ეყარა პაპიროსის ნამწვავები და კანფეტის ქალაღები. გადაყირავებული სკა-პები და ანგრეული საქორწინო სარეცელი უტკბეს მიწიურ ოცნებათა ამოე-ბაზე ღაღადებდა. ასე დაჰყო თითქმის ერთი საათი. თავში სულ ბნელი ფიქ-რები უტრიალებდა, რომ სამსახური უთუოდ უნდა შეიცვალოს, რომ ძველ ად-გილზე ვერამც და ვერამც ვერ დარჩება ამ საღამოს მომხდარი ამბების წყა-ლობით. აგონდებოდა მლექოპიტაევიც, რომელიც ხვალ ალბათ ისევ აცეკვებს კაზაკურს მისი მორჩილების გამოსაცდელად. ისიც მოისაზრა, რომ მლექოპი-ტაევიც, მართალია, ხუთი თუმანი მისცა ქორწილისათვის, რაიც მთლიანად და-იხარჯა, მაგრამ მზითევის ორმოცი თუმნის მიცემა ჯერ არ უფიქრია და კრინ-ტიც არ დაუძრავს ამაზე. არც სახლი იყო მის სახელზე მთლიანად გადმოტა-ნილი. აფიქრებდა ცოლის ამბავიც, რომელმაც მისი ცხოვრების ყველაზე დი-დი გასაჭირის ხანს მიატოვა. არც ის მაღალი ოფიცერი გამოპარვია, მისი ცო-ლის წინ ცალ მუხლზე რომ იჩოქებდა. ფიქრობდა იმ ცხრა ეშმაკზე, მშობლი-სვე მოწმობით მისი ცოლის გვამში რომ ჩამძვრალიყო, და ყავარჯნებზეც, რომლითაც უნდა განედევნა ისინი... რა თქმა უნდა, ფსელდონიმოვს ბევრის ატანა და მოთმენა შეეძლო, მაგრამ ბედი ისეთ მოულოდნელ წიპურტებს სთა-ვაზობდა, ადამიანს საკუთარ ძალაში დააეჭვებდა.

მწარე იყო ფსელდონიმოვის ფიქრები. ამასობაში სანთელის ნამწვი თით-ქმის მიილია. მისი მოციმციმე შუქი ფსელდონიმოვს გვერდიდან სცემდა, და კედელზე უზარმაზარ ჩრდილად აჩენდა წაგრძელებულ კისერს, კეხიან ცხვირს და ბუბგა თმას შუბლსა და კეფაზე. ბოლოს, როცა ალიონის სიგრილემ დაჰკ-რა, სულათ და ხორცილთ გაყინული წამოდგა ადგილიდან, ძლივს მიათრია ტა-ნი სკამებს შუა დაგდებულ ლეიბამდე, მუხლებით აფოფხდა ქვეშაგებზე და ისე მიეგდო, რომ არც ლოგინი გაუსწორებია, არც სანთელი ჩაუქრია და არც ბალიში ამოუდვია თავქვეშ. მალე მკვდარივით ჩაეძინა. ალბათ ასე სძინავთ ხოლმე მსჯავრდადებულთ, რომელთაც მეორე დღეს სიკვდილით დასჯა ელით.

ასეთივე და შეიძლება უფრო ტანჯული ღამე გათია ბ-მა პრასლინსკიმაც ბედუკულმართი ფსელდონიმოვის საქორწინო სარეცელზე! თავის ტკივილი, გულის რევა თუ მისთანა უსიამო ამბები წამით არ აძლევდა სულის მოთქმის საშუალებას. ეს იყო ჯოჯოხეთური წამება. როცა ხანდახან გონს მოვიდოდა, იმისთანა საშინელი და საზიზღარი სურათები გაუელვებდა თვალში, ერჩივნა კიდევ, გონს არ მოსულიყო. თავში კვლავ დომხალივით ერეოდა ყველაფერი. მაგალითად, იცოდა, რომ თავზე ფსელდონიმოვის დედა დასტრიალებდა, ჩაე-

სმოდა მისი მშვიდი დარიგება: „მოითმინე გენაცვალე, მოითმინე, დედაშვი-
ლობას, მოითმინე და მალე მოგეშვება“, მაგრამ თუ რატომ იყო ეს ქალი მის
გვერდით, ვერა და ვერ გაერკვია. სულ რაღაც საშინელებანი ელანდებოდა:
ყველაზე ხშირად სემიონ ივანიჩი ედგა თვალწინ, მაგრამ როცა კარგად დააკვი-
რდებოდა, სემიონ ივანიჩის ნაცვლად ფსელდონიმოვის ცხვირს ხედავდა. ელა-
ნდებოდა მხატვარი, ოფიცერი, ყბააკრული დედაბერი. ყველაზე მეტად მის ყუ-
რადლებას ზემოთ დაკიდებული ოქროს რგოლი იტაცებდა, რომელშიც ფარდე-
ბი იყო გაყრილი. სანთლის ნამწვის მბჟუტავ შუქზე ნათლად ხედავდა ამ
რგოლს და თავის თავს გონებაში ეკითხებოდა: რისთვისაა საჭირო, აქ რატომ
ირის ან რას ნიშნავსო? რამდენჯერმე ჰკითხა მოხუც ქალსაც. მაგრამ ეტყობა,
გასაგებად ვერ უთხრა სათქმელი და ვერც ის მიუხვდა ნათქვამს. ბოლოს გათე-
ნებისას ტკივილებმა უკლო და მაგრად ჩაეძინა. დაახლოებით ერთი საათი ეძი-
ნა. გამოეღვიძა თითქმის სრულ გონზე. ეს კია, თავი აუტანლად სტკიოდა, პი-
რი გამწარებოდა, ენაც დაბუყებოდა, გენერალმა თავი წამოსწია, მიმოიხე-
და და ჩაფიქრდა. დარაბების ჭუჭრუტანებიდან ალიონის ცრიატი სინათლე ვი-
წრო ზოლებად შემოქრილიყო და კედელზე ციმციმებდა. შვიდი საათი იქ-
ნებოდა. ივან ილიჩს უეცრად გაახსენდა ყველაფერი. რაც იმ საღამოს გადახდა
თავს; გაახსენდა ვახშამი, მისი მანკირებული¹ გმირობა, სუფრაზე ნათქვამი სი-
ტყვა. თვალწინ წარმოუდგა საშინელი სიტუაციით, რა მოჰყვებოდა ყოველივე
ამას, რას იტყოდნენ და იფიქრებდნენ მასზე. როცა მიიხედ-მოიხედა და დაი-
ნახა, როგორ წაებღიწა და რას დაემსგავსებინა თავისი ხელქვეითის საქორწი-
სო სარეცელი — საშინელი სირცხვილის გრძნობამ ისე გაუწურა გული, შეჰ-
ყვირა, პირზე ხელები აიფარა და სასოწარკვეთილი ჩაემხო ბალიშში. წუთიც
და ფეხზე იყო. იქვე სკამზე კოხტად ელაგა მისი გაწმენდილი ტანსაცმელი.
გენერალმა ჰაიპარად ჩაიცვა. თან აქეთ-იქით იყურებოდა, თითქოს რაღაცის
ეშინიაო. შეორე სკამზე მისი ქურქი და ქუდი ეწყო, ქუდში კი ყვითელი
ხელთათმანები ჩანდა. ივან ილიჩს უჩუმრად უნდოდა გაპარვა. მაგრამ უცებ
კარი გაიღო და თიხის ტაშტით და ხელსაბნით ფსელდონიმოვის დედა შემო-
ვიდა. მხარზე პირსახოცი ეკიდა. ქალმა ხელსაბანი ძირს დადგა და პირდაპირ
უთხრა, პირი უთუოდ უნდა დაიბანო.

— დედაშვილობას, დაუბანლობა არ იქნება...

გენერალმა იგრძნო, რომ ამქვეყნად მხოლოდ ამ ერთადერთ არსების, ამ
მოხუცი ქალის არ უნდა შერცხვენოდა და შეშინებოდა. მან პირი დაიბანა.
ცხოვრების მძიმე წუთებში, როცა სინდისის ქენჯნა შემოუტევედა, არაერთხელ
გახსენებია ის დილა, თიხის თასი და ცივი წყლით სავსე ქაშანურის ხელსაბანი,
სადაც ყინულები ისევ ცურავდა, გახსენებია ვარდისფერ ქალაქში შეხვეული
თხუთმეტკაპიკიანი მომრგვალო საპონი ზედ ამოტვიფრული რაღაც ასოებით,
ალბათ ნეფე-პატარძლისთვის ნაყიდი, პირველად რომ მან იხმარა და მის წინ
მდგარი მოხუცი ქალი მარცხენა მხარზე გადაკიდებული პირსახოცით. ცივმა
წყალმა გამოაცოცხლა გენერალი, პირი შეიმშრალა, მერე დასტაცა ხელი ქუდს,
ფსელდონიმოვის დედის მოწოდებული ქურქი მხარებზე მოიგდო და ოთახიდან
ისე გავარდა, მადლობაც არ უთქვამს თავისი მომვლელისათვის. გაიარა დე-
რეფანი, მერე სამზარეულო, სადაც უკვე კნაოდა კატა და ქვეშაგებიდან თავ-

¹ მანკირებული (ფრანგ. — manqué) — მარცხით დამთავრებული.

წამოწეული მზარეული ქალი ხარბი ცნობისმოყვარეობით შესცქეროდა, გამოვიდა ეზოში და იმ წუთას ჩავლილ ეტლისკენ გაქანდა. სუსხიანი დილა იყო, ცივი, მოყვითალო ნისლი ჭერ კიდევ ფარავდა სახლებსა თუ სხვა საგნებს. გენერალმა საყულო აიწია. ასე ეგონა, ყველა მე მიყურებს, ყველა მის ჩემი ამბავი და ყველა მცნობსო...

ბიზანტიუმი

რვა დღე არ გამოსულა ბ-ნი პრალინსკი სახლიდან და რვა დღე არ გამოცხადებულა სამსახურში, ისე უქეიფოდ შეიქნა, მაგრამ უფრო სულიერად, ვინემ ხორციელად. ამ რვა დღეში ისეთი ჯოჯობით გამოიარა, იმქვეყნად უთუოდ ჩაეთვლებოდა. ხანდახან იქამდეც მიდიოდა, ბერად აღკვეცას ფიქრობდა. დიანხ. ნამდვილად ფიქრობდა. ამ დროს წარმოსახვა ფრიად და ფრიად გაიტაცებდა. თვალწინ დაუდგებოდა ღია კუბო, განმარტოებული სენაკი, ტყეები და მღვიმეები, ესმოდა ჩუმი გალობა მიწისქვეშა თალებში, მაგრამ გამოფხიზლების უმაღ გრძნობდა, რომ ეს ყველაფერი საშინელი აბდაუბდა იყო და კიდევ რცხვენოდა ამ აბდაუბდისა. მერე სინდისის ქენჯნა შემოუტევდა მისი existence manquée-ს თაობაზე. მერე ისევ სირცხვილი დაეუფლებოდა, შანთივით დაღავდა და ტკივილს უმწვავებდა. ლამის კრუნჩხვები მოსდიოდა, როცა წარმოიდგენდა, რას იტყვიან ან იფიქრებენ, კანცელარიაში რომ შევა, რა ჩურჩული ატყდება, იგი რომ ჩაივლის, ალბათ სულ ასე იქნება ერთი წლის, ათი წლისა თუ მთელი სიცოცხლის მანძილზე. მის თავზე მომხდარი ეს ანეკდოტი შთამომავლობასაც გადაეცემა. ხანდახან ისეთი სულმოკლეობა დაეუფლებოდა, მზად იყო იმავ წუთს სემიონ ივანოვიჩთან წასულიყო და პატიება და მეგობრობა ეთხოვა მისთვის. თავის თავს ყველაფერში კიცხავდა: საკუთარი სიქციელისთვის გამართლება ვერ მოენახა და რცხვენოდა კიდევ ამისა.

დროდადრო იმასაც ფიქრობდა, სამსახურს თავს დაგანებებ, განმარტოვდები და კაცობრიობის ბედნიერებას შევწირავ სიცოცხლესო. ყოველ შემთხვევაში, ნაცნობთა წრე უნდა გამოიცვალოს, თანაც ისე, რომ თავი აღარავის გაახსენოს. შემდეგ ესეც აბდაუბდდ მიაჩნდა და ფიქრობდა, თუ ხელქვეითებს დიდი სიმკაცრით მოექცევა, კიდევ შეიძლება ყველაფერი გამოასწოროს. მაშინ ისევ მოეცემოდა იმედი და მხნეობა. ბოლოს, მთელი რვა დღის წამებისა და ტანჯვის შემდეგ, იგრძნო, რომ გაურკვეველობის ატანა მეტი აღარ ძალუძს და un beaumat¹ კანცელარიაში გადაწყვიტა წასვლა.

შინ ყოფნისას ათასჯერ მაინც წარმოიდგინა ის სურათი, როგორ შევიდოდა თავის კანცელარიაში, და გული ეწურებოდა. თავზარდაცემული რწმუნდებოდა, რომ უთუოდ გაიგონებს ორაზროვან ჩურჩულს, დაინახავს ორაზროვნად მზირალ სახეებს, მოიმკის ღვარძლიან ღიმილს. მაგრამ რარიგ გაოცდა, როცა მსგავსი არაფერი მომხდარა. გენერალს მოწიწებით შეხვდნენ, მოწიწებით მიესალმნენ, ყველა დინჯად იყურებოდა, ყველა საქმით იყო გართული. გული სინარულით აევსო, როცა თავის კაბინეტს მიაღწია.

ბ-ნი პრალინსკი მაშინვე ჩაუჯდა საქმეებს, მოისმინა რამდენიმე მოხსენება და განმარტება, გამოიტანა რამდენიმე გადაწყვეტილება. გრძნობდა, რომ ასე ქვეიანად არასოდეს უმსჯელია და ასეთი გონივრული გადაწყვეტილებანი არასოდეს გამოუტანია. ხედავდა, რომ ყველა კმაყოფილი იყო, ყველა მოწი-

¹ ერთ მშვენიერ დღეს (ფრანგ.).

წებით უცქეროდა, ყველა პატივისცემით ექცეოდა. ყველაზე ეჭვიანი თვალიც კი ვერაფერს შეამჩნევდა. საქმე დიდებულად მიდიოდა.

ბოლოს აკიმ პეტროვიჩიც ეახლა რაღაც ქაღალდებით. მის შემოსვლაზე ივან ილიჩს გულმა ოდნავ რეჩხი უყო, თუმცა მხოლოდ წამიერად — ჩიუვდა. აკიმ პეტროვიჩის შემოტანილ საქმეებს, მედიდურად ელაპარაკა, მიუთითა, რა ვაკეთებინა, ისიც აუხსნა, როგორ. ოღონდ ეს კი შეამჩნია, რომ აკიმ პეტროვიჩს თითქოს თვალს ვერ უსწორებს, უფრო სწორედ, აკიმ პეტროვიჩი გაურბის მის მზერას.

მაგრამ აგერ აკიმ პეტროვიჩმა მოათავა თავისი საქმენი და ქაღალდების აკრეფა დაიწყო.

— კიდევ ერთი თხოვნა გახლავთ შემოსული, — მეტიმეტად თავშეკავებით თქვა მან, — მოხელე ფსელდონიმოვი დეპარტამენტში გადაყვანას ითხოვს... მისი აღმატებულება სემიონ ივანოვიჩი ადგილს შეჰპირებია. გთხოვთ წყალობა მიიღოთ და დაეხმაროთ, თქვენო აღმატებულება.

— ოჰო, მაშ გადადის, — გენერალს თითქოს დიდი ლოდი მოსწყდა გულიდან და აკიმ პეტროვიჩს შეხედა. წამიერად მათი თვალები ერთმანეთს შეხვდა.

— მერედა რა, ჩემი მხრივ... შევეცდები, — ბრძანა მან, — დავეხმარები.

აკიმ პეტროვიჩს უნდოდა საჩქაროდ განტოლოდა იქაურობას. მაგრამ გენერალი უცებ კეთილშობილმა გულისთქმამ გაიტაცა და გადაწყვიტა ეს საქმე საბოლოოდ მოეთავებინა, როგორც ჩანს, კვლავ ზეშთავონება დაეუფლა.

— გადაეცით ფსელდონიმოვს, — დაიწყო მან და აკიმ პეტროვიჩს მრავლისმეტყველი მზერა მიაპყრო, — გადაეცით, რომ ცუდს მაინც არ ვუსურვებ; დიახ, არ ვუსურვებ!.. პირიქით, მზადა ვარ ყველაფერი დავივიწყო, დიახ, დიახ, დავივიწყო...

ივან ილიჩს უცებ სიტყვა გაუწყდა და განცვიფრებით მიაჩერდა აკიმ პეტროვიჩს. მისი საქციელი ეუცნაურა. ეს გონიერი კაცი დიდი ბრიყვი ვინმე გამოდგა. ნაცვლად იმისა, გენერლისთვის ბოლომდე მოესმინა, უცებ სულელივით გაწითლდა, გამომშვიდობების ნიშნად თავის კანტურს მოჰყვა, რაც უზრდელობაც კი იყო, და კარისაკენ უკან-უკან დაიხია. სახეზე ეწერა, რარიგ ნატრობდა ამ წუთს მიწა გასკდომოდა, უფრო სწორად, თავის მაგიდასთან გაჩენილიყო. მართოდ დარჩენილი გენერალი დაბნეული წამოდგა სკამიდან, სარკეში ჩაიხედა, მაგრამ თავისი სახე ვერ დაინახა.

— არა, მხოლოდ სიმკაცრე, სიმკაცრე და სიმკაცრე უშველის საქმეს! — თავისდაუნებურად ჩურჩულებდა იგი. მაგრამ უცებ სისხლი მოაწვა სახეზე. ისე შერცხვა და ისე დაუმძიმდა გული, ამ რვა დღის მანძილზე ყველაზე აუტანელ წუთებშიაც მსგავსი რამ არ უგრძენია, „ვერა, ვერ გავუძელ!“ წამოსცდა თავისთვის და უღონოდ დაეშვა სკამზე.

საქართველო გერმანულენოვან პოეტთა შეგროვებადი



გერმანულიდან თარგმნა ვიქტორ კახნიავილიძე

ოსვალდ ფონ ვოლკანშტაინი

(1377-1445)

სიფლრა

(ნაწყობი)

ბერბერების¹ სამეფოდან
ჯერ არაბეთს მივადწიე,
ჯოჯოხეთში გამოვლილმა
სპარსთ მიწაზეც დავდგი ფეხი,

არც ლიტველნი დამვიწყნია,
არც პრუსია და რუსეთი,
ოურქნიც მოვინახულე და
ივერიას² მივადექი...

ანდრეას გრიფიუსი

(1616-1664)

კათარინა ქართველი

ანუ

ნაცადი სიფტკიცე

(ნაწყობი)

იას სწვდება მწვავე ცეცხლის ენები
და საქართველო აღში ინთქმება,
შტო, ფოთოლი და ფესვნი ხეების
სულ მალე ფერფლად გარდაიქმნება.

და ჩამოქცეულ კერიის კედლებს
შიშხინი გააქვთ მეწამულ ტბორში.

ნახევრად გახრწნილ მოკლულთა

გვამებს

სამარხებიდან გლეჯდნენ უგულოდ,
და პატარების სხეულს ნაწამებს
თვალწინ უგდებდნენ დედას უსულოდ.

ელყობა, უფალს ასე სდომია,
ღვთის რისხვა თავზე რომ

დაგვტყდომია³.

აღმოდებული ხანძრების ენებს
ფოდგილთა სისხლით აქრობენ ომში,

ფრიდრიხ ჰოლდერლინი

(1770-1843)

დუნაის სათავესთან

(ნაწყვეტი)



...ენით უთქმელი სიყვარული სუფევდა
მარად,
ურთიერთისგან შორს ვართ,
მაგრამ კეთილგანწყობილთ
ერთმანეთის ბედი გვაფიქრებს;
შევტრფით ისთმოსის⁵ მხიარულ
მხარეს,
კეფისოსსა⁶ და ტაიგეტოსს⁷,

შენზეც ვოცნებობთ
უხსოვარდროინდელთ
კავკასიის დიდო ველებო,
თქვენებურ პატრიარქებზე,
წინასწარმეტყველებზე
და მანდაურ სამოთხეზე...

ფრანც ბრილჰარცერი

(1791-1872)

არგონავტიკა

(ნაწყვეტი)

ბორა: სად არის ჩემი ქალიშვილი, ჩემი მედეა?
მილო: შენი ქალიშვილი?
ბორა: ამ ძუძუთი რომ გავზარდე და გავანებივრე.
ხომ დედასავით ვეპყრობოდი, სად ჩაიყლაპა?
რაკი ამბობენ, თავის ნებით აქ ჰპოვაო
თავშესაფარი, მეც დავიჯერო?
ეგ ტყუილია, სიცრუეა; ჩემი მედეას
ხასიათი ჩემზე უკეთ, აბა, ვინ იცის!
დაატყვევეთ და გადაშალეთ, ასეა, არა?
ახლავე უკან დამიბრუნეთ! ნეტავ სად არის?
მილო: კეთილ განზრახვით თუ მოსულხარ, ძალიან კარგი,
მის გამორჩევა იოლია დანარჩენთ შორის, —
ამწამს ნავზე გამოიყვანენ!
ბორა: ის აქვე გყავთ გადამალული?
მილო: მიდი-მეთქი!
მიხვალ თუ არა, მაშინათვე თვალს მოჰკრავ! მიდი!
ბორა (მიპყავთ):
ხომაღდზე არა! თვალს მიხვევთ და ალბათ მატყუებთ!
მილო (თვალს გააყოლებს):
მივერეკებით გარეულ მხეცთ საბერძნეთისკენ,
უნდა ვეცადო არ გაგვსრისონ, არ დაგვანელონ,

მაგრამ ის არ ჩანს, არსად არ ჩანს, მე რა ვიღონო
(მიწისქვეშეთიდან რალაცნაირი ყრუ გუგუნი მორსმის).
ყური მიუგდე! ეს რა ხდება? სასწაულია!
მიწიდან რალაც ამოიფრქვა, ამოიტყორცნა.
ხომ არაფერს გვიპირებს მტერი?
(მეომრებს მიმართავს):

ქართული
ლიტერატურა

ყური მომაპყართ! იარაღი აისხით ყველამ!
(მეომრები თავ-თავიანთ შუბებსა და ხმლებს იმარჯვებენ).
მილო: მიწა არ ცხრება, ყოველივე რას მოახწავებს?
(თითქოს დედამიწა გაირღვაო, უცებ მედეა გამოჩნდება).

მედეა: აქ დღე ყოფილა.
(როცა ნათლად გამოიკვეთება მისი სახე):
შენიანებიც აქ არიან.

რასაც შეგპირდი, შევასრულე კიდევ ბოლომდე.
(იაზონს ხელში საწმისაცმული ბაირაღი უჭირავს).
მილო (ხელებგაწვდილი მისკენ გაეშურება):

იაზონი ხარ?
მართლა შენ ხარ, არ გვეჩვენება?!
იაზონი (მის წინ დახრილ თავს დახედავს):
იაზონი ვარ! დიახ, დიახ, ნამდვილად მე ვარ!
(მარცხენა ხელს გაუწვდის, მარჯვენაში ბაირაღი უკავია).
იაზონი ვარ, მეგობარო!

მილო (წინ დაუდგება):
საწმისიც თან მოგიტანია?

იაზონი (შეშინებული მიმოიხედავს ირგვლივ):
რაო, რა თქვი, საწმისიო?!
(ერთ ადგილას გაქცევებული):
საწმისიც თან გამოვიყოლე!
(ერთხელ კიდევ მიმოავლებს თვალს გარშემო):
ეს ვიღა არის, თავ-პირი რომ მოუჩანს მხოლოდ
და ნაცრისფერი მოსასხამი წამოუბურავს?
(მას მიუახლოვდება).

ვერ გაიმეტებ მეგობარო მაგ წამოსასხამს?
(მეომარი უთქმელად უწვდის მოსასხამს).

მე კარგად გიცნობ,
კორინთოელი⁹ არხიტასი არა ხარ შენა,
სულით ხორცამდე ახირებულ-შექანებული?
(მხარზე ხელს მოუთათუნებს).

თხემით ტერფამდე თავქარიანი.
(შემზარაფად გადაიხარხარებს).

დიდი მადლობა, მეგობარო, დიდი მადლობა!

მილო: ასე თავს რად იმასხარავებს?

იაზონი (საწმისს მოსასხამში ახვევს):

საგულდაგულოდ შევახვიოთ და ვუდარაჯოთ,
სანამ გვჭირდება ფხიზლად ყოფნა, ვიფხიზლოთ კიდევ.

(იაზონი ოქროს საწმისს იმ კლდის ქვეშ ამოსდებს, რომელზედაც ჩაფიქრებული მედეა ზის).

რაო, მედეა, ასე ძლიერ რამ ჩაგაფიქრა?

ნება გვიბოძე, მოზღვავებულ ფიქრებს გზა მივცეთ,

ხანგრძლივ მგზავრობას გავაყოლოთ რამენაირად.

მომიახლოვდი ჩემო კარგო, ჩემო საუნჯევე,

რომ სიკვდილის წინ ჩვენი ტრფობა დაგვავიწყდებოდეს.

მილო (მედეასკენ შეტრიალდება):

ნავი აქვია, შენი ფეხი კეთილი იყოს.

ამ ჩვენს ხომალდზე ერთი ქალიც ამოვიყვანეთ,

გეცოდინებათ, მე მედეას ძიძა მქვია.

მედეა: გორა იქნება. უსათუოდ ვამიძებ იქით!

იაზონი (მკაცრი, ჩახლუჩილი ხმით):

არსაით არ გაადგა ფეხი!

(გაოგნებული მედეა უცებ შედგება და გულზე ხელებს დაიკრეფს).

იაზონი (დაყვავებით):

გთხოვ, რომ აქ დარჩე.

(როცა მედეა მისკენ რამდენიმე ნაბიჯს გადადგამს):

არ გაადგა არსაით ფეხი!

(მედეა შემკრთალი და გაოგნებული შეაცქერდება იაზონს):

ამიერიდან ამ ველურებს გადაეჩვიე

და შენი ბედი ჩვენ მოგვანდე, დავვიკავშირე!

რაკი ერთნი ვართ ამ წუთიდან, მაშასადამე,

ვალდებულნი ვართ, ერთნაირად ვიფიქროთ კიდევ.

მილო: ნავში ჩაჯექით, უკვე დროა, მეფის ასულს!

იაზონი: პო, მართალს ამბობს, დაუჯერე, მომყე, მედეა!

ეს რა გულგრილი, უღარდელი მტერი გვყოლია!

მე კი მწადია შევებრძოლო, ხმალში შევება,

მაგრამ, როგორც ჩანს, არ უნდათ რომ დაიფრთხონ ძილი!

აბსირტუსი (სცენის უკან):

აქეთ, აქეთ!

მილო: არ სძინებიათ.

იაზონი: ასე სჯობია!

სუყველას გირჩევთ, არ შემოდგათ ხომალდზე ფეხი.

გამოთხოვება ამ მიწასთან გვინდა ისეთი,

რომ ჩვენი თავი სამუდამოდ დაგამახსოვროთ.

(ხელს სტაცებს შეხვეულ საწმისს).

ფხიზლად, მედეა! აბა მითხარ, რა გაკანკალებს?

(კოლხთა თანხლებით სცენაზე შემოდის, აბსირტუსი).

აბსირტუსი: აქა ყოფილა! მოდი ჩემთან, ჩემო დაიკო!

მედეა (თვალს მოჰკრავს თუ არა ქმას, მისდა უნებურად მისკენ გაქანდება,

მაგრამ უცებ შედგება):

შენი და კი ვარ, მაგრამ მედეა

ველარასოდეს დაგიბრუნდებათ!

იაზონი: მანდ რას აკეთებ? ჩვენთან ერთად არ გიჯობს ყოფნა!

აბსირტუსი (თანაგრძნობით შეეგებება):

უტყუარია, ნუთუ რასაც შენზე ამბობენ?
ახლაც არ მჯერა! მართალია? როგორ ვირწმუნო!
სამშობლოს მიწა მიატოვო უნდა მარადის?
სახლ-კარი, მამა და ძმა დათმო სამარადისად?
ასე იოლად შეეღიო შენს საყვარელ ძმას,
ვისაც ერჩიე მთელ ქვეყანას, ნაინანატრო.
აბა დაფიქრდი, დაუკვირდი, საბრალო დაო!

მედეა (კისერზე ჩამოეკიდება):

ო, ძმაო, ძმაო!
(გულაჩვილებული ხმით):
ერთგულო ძმაო!

აბსირტუსი: არა, არ მჯერა! მაშ, ცრემლებით თავს რაღად იხრჩობ!

მეც გული ისე ამომიჯდა და ამირწყდა,
რომ ცრემლად დაცლის, მეგობრებო, არა მრცხვენია.
ბრძოლაში მინდა დაგიმტკიცოთ, რაც შემიძლია.
შენ გულამოსკვნით მოთქმა-ტირილს თავი ანებე
და ჩემთან მოდი, მხარი მომეც, ძვირფასო დაო!

მედეა (ძლივგასაგონად):

წამიყვანე, სადაც გენებოს!

იაზონი (მიუახლოვდება):

ნუთუ მათთან ყოფნა გწადია?

მედეა (შეშინებული):

მე?

იაზონი ასე არ თქვი!

მედეა: მითხარ, ძმაო, ხმა გამიღია?

არა, კრინტიც არ დამიძრავს!

აბსირტუსი: ხომ დამეთანხმე, მაშ წამოდი, რაღად აყოვნებ,

მამა შეგინდობს დანაშაულს და გაპატიებს!
ჩემმა მუდარამ მშობელს უკვე მოუღებო გული;
მერწმუნე, დაო, შეგიწყალებს, რადგან საწმისი
ამ გადამთიელთ ჯერაც ხელში არ ჩაუგდიათ.

მედეა (მკლავებიდან გაუსხლტება შეძრწუნებული):

როგორ თუ არა?

(აცახცახებული):

მათ ხელთაა უკვე საწმისი.

იაზონი (საწმისი მალლა აღუმართავს და ყველას დასანახად საგანგებოდ აქნევს):

ღიახ, აქ არის!

აბსირტუსი: ოქროს საწმისი!

(მედას მიმართავს):

ასე გაგვეცი და გვილალატე?
ბნელ-უკუნეთშიც წასულხარ და მოუსავლეთშიც!

(ახლა იაზონს მიუბრუნდება):

ჰეი, შეჩერდი, დამიბრუნე საწმისი უკან!



ქართული
შემოქმედება

იაზონი: ამოდ ფიქრობ და ოცნებობ, ქარიფანტიავ!
წადი, ჭაბუკო, და მოუთხრე მაიას ყოველი,
რაც საკუთარი თვალით ნახე, ის გირჩევნია;
მე ამ ქალიშვილს მალე ვაყით დავასაჩუქრებ!

აბსირტუსი: ოქროს საწმისი!

იაზონი: არ მსურს, შენი სისხლი დავღვარო!
ხმა გაიკმიდე, კრინტს ნუ დასძრავ და გზა განაგრძე!
ურჩხულთან ბრძოლას მივაჩვიე ჩემი მარჯვენა,
მაგრამ შენნაირ ჩერჩეტებთან არას ვაპირებ.
ჩამომეცალე, წადი-მეთქი, რომ გეუბნები!

აბსირტუსი (გულში ჩამწვდომი ხმით):

ოქროს საწმისი.

იაზონი (ორჭოფულად):

ჩემთან შებმა სახიფათოა,
რადგან მრისხანე ლომივით მეც შმაგი ვარ მუდამ.

აბსირტუსი: ოქროს საწმისი!

იაზონი: ჩემს ხელთაა!

(იაზონი ხმალს იშიშვლებს, მძლავრად მოიქნევს და აბსირტუსს
მარცხენა მხარში მისწვდება; მას მუზარადი და ფარ-ხმალი და-
უვარდება; მართალია, აბსირტუსი არ დაიჭრება, მაგრამ წაბარ-
ჭაცდება და იატაკზე დაეცემა)

**მედეა (დაცემულთან მიიჭრება, დაიჩოქებს, ძმის თავს კალთაში ჩაიდებს
და ზედ გადაეფარება):**

ახლავ შეჩერდი!

იაზონი: მე მის მოკვლას არც ვაპირებდი,
მაგრამ კი უნდა მომისმინოს და დამიჯეროს!

მედეა (აბსირტუსს თავს წამოუწევს):

წამოდექ ზეზე!

(აბსირტუსი წამოდგება და გაოგნებული დას ზურგზე მიეყრდ-
ნობა).

მედეა: ხომ არ დაჭრილხარ?

აბსირტუსი (შესაბრალისად):

შუბლი მტკივა.

მედეა (შუბლზე ტუჩებით შეეხება):

ძვირფასო ძმალ!

გილო (სათვალთვალოდან ჩქარი ნაბიჯით შემოვარდება):

სმენა იყოს და გაგონება! მტერს სათავეში
ჩადგომია მორჭმული მეფე და დიდძალ ჯარით
ჩვენკენ მოდის, გვიანლოვდება!

მედეა (ძმას სიყვარულით ეკვრის):

ჰა, მამაჩემი!

აბსირტუსი (ბეჩავად):

მამაჩვენი!

იაზონი (ორივეს მიმართავს):

დაიწით უკან!

- მილო** (აბსირტუსზე ათითებს):
ახლავე ნავზე აიყვანეთ, ნულარ აყონებთ,
კარგი მძევალი გვეყოლება, ასე აჯობებს!
- აბსირტუსი** (როცა ხელს წაავლებენ, საწყალობელი ხმით იტყვის):
მატყვევებთ კიდევ?
- ვედეა**: დავეშორჩილოთ, წავიდეთ, ძმაო!
(პატარა აღმართს შეუყვებიან).
- იაზონი**: ყველანი ნავზე! აბა, სწრაფად აუშვით აფრა!
(შეიარაღებული კოლხებითურთ აიეტი სცენაზე შემოიჭრება).
- აიეტი** (აქეთ-იქით აწყდება):
შეჩერდით უმაღლ! ჩემი ბიჭი! ჩემი ქალ-ვაჟი!
- აბსირტუსი** (ცდილობს ხელიდან გაუსხლტეს):
ეპეი, მამა!
- იაზონი** (ბორცვიდან გადმოიძახებს):
შეჩერდით წამით!
(აიეტს მიმართავს):
შენი ვაჟი ჩემთან იქნება,
მძევლად ვიგულვებ და საწინდრად გამომადგება,
საკმარისია, კარჭაპიც რომ გამოგვედევნოს,
ზღვის ტალღებს მივცეთ მისი თავი დასალუპავად;
თუ უზიანოდ გადავცურავთ კოლხთა სამეფოს,
მაშინ ვაჟკაცი უვნებელი დაგიბრუნდება.
რატომ მიბიძგებ, ბარბაროსო, რომ შეგებრძოლო?!
- აიეტი**: ჩაგიგდეს ხელში, ჩემო ბიჭო, სალახანებმა?
- აბსირტუსი** (ცდილობს თავი გაითავისუფლოს):
დამეხსენით, გამიშვიტ ხელი!
- ვედეა**: ძმაო და მამავ!
- იაზონი**: არსად გაუშვათ!
- აიეტი**: ჩემკენ, აბსირტუს!
- იაზონი**: ამაოდ ცდილობ!
- აიეტი**: მაშინ ერთილა დამრჩენია, უნდა ვისწრაფო!
თავიანთ მეფეს გაჰყვებიან შენი კოლხებიც!
- იაზონი**: დაიწით უკან!
- აიეტი** (წინ წამოდგება):
ნუთუ გგონია, ოდნავ მაინც რომ დამაშინებ?
- იაზონი**: უკან-მეთქი!
ასეთი ხერხით შენს ვაჟს მაინც ვერ გამოიხსნი.
ხომ შემოგფიცე, არაფერი დაუშავდება!
აიყვანეთ ახლავე ნავზე!
- აბსირტუსი** (ცდილობს გაითავისუფლებას):
რას ჰქვია, ნავზე ამიყვანონ და არ გამიშვან?
- აიეტი**: რით განუგეშო, ჩემო ძეო?
- აბსირტუსი**: თავს დაესხი და დაიხსენი ამათგან შვილი!
- აიეტი**: თავს რომ დავესხა, მაშინათვე მივკლავენ მკვლელნი!
- აბსირტუსი**: არ სჯობს, სიცოცხლივ დატყვევებულმა,

ოღონდ ესენი დამაჩოქინა,
დაე, დავეცე, მეც ბრძოლის ველზე
და ასე მოვკვდე თავისუფალი?!

იაზონი: ნავზე-მეთქი!

აიეტი: ჩემკენ გამოსწი, ჩემო ბიჭო!

აბსირტუსი (ხელიდან გაუსხლტება):

მოვდივარ, მამაე!

მე სიკვდილამდე სულ ვიქნები თავისუფალი!

სიკვდილს მერე კი ვისაც უნდა იძიოს შური!

(ფრიალო კლდიდან ზღვაში გადაეშვება).

მედეა: ო, ძმაო, ძმაო! ნეტავი მეც თან წამიყვანო!

(ქალიშვილს აკაფებენ).

აიეტი: ჩემო ვაჟკაცო!

იაზონი: აღარაფერი ეშველება, რადგანაც კვდება!

ციდან ღმერთები გამოვიხმე, რათა ეზილათ,

რომ შენი შვილი შენ მოკალი, შენა ხარ მკვლელი.

მე კი ღმერთმანი არაფერში არ მიდევს ბრალი!

აიეტი: ეჰ, ჩემი შვილი მე მოკალი! შურისძიება!

(იაზონისკენ გაიჭრება):

მაშ, შენც მოკვდი!

იაზონი: დამეხსენ-მეთქი!

მაიძულებ, შენც გაგისტუმრო?

აიეტი: მოკვდი, მკვლელი!

იაზონი: მკვლელი მე ვარ?

შენა ხარ მკვლელი!

(გვერდით მდგომს საწმისს გამოსტაცებს):

ხომ არ გეცნობა?

აიეტი (დაინახავს თუ არა დაიღრიალებს, დაბარბაცდება და ნელ-ნელა უკან დაიხვეს):

ოქროს საწმისი!

იაზონი (გამომწვევად უჭირავს):

ნუთუ შეიცან?

სისხლიც გეცნობა, რომელიც მას ლაქად ატყვია?

ეგ ხომ ფრიქსუსის სისხლი სცხია, ხედავ? შვილისაც!

ფრიქსუსის მკვლელი, საკუთარი ვაჟიც შენ მოკალი!

აიეტი: მეც მიმიბარე, ჩამიკარი უძღებო მიწავ!

მესაფლავენო, გამითხარეთ სამარე აქვე!

(მიწაზე დაენარცხება).

იაზონი: დაგავიანდა, მაგ ცოდო-ბრალს ვერვინ დაფარავს,

შენს წინაშე დგას უძლეველი ადამიანი;

მართალი გითხრა, შენს სიცოცხლეს არ დავკანკალებ,

მაგრამ ამჟამად არად მიღირს შენი სიკვდილი.

დიახ, სიკვდილს ხომ მაინც ვერსად დაემალეები,

მოგვიანებით გაემგზავრე, სად გეჩქარება,

შვილიშვილებმაც მოისმინონ შენი სახელი



და ამავე მიწამ გაზღვევინოს დანაშაული.
აბა, აჩქარდით და აფრები გაშალეთ სწრაფად,
სამშობლოსაკენ გავეშუროთ!



ანიბტი (მიწაზე გართხმული):

ვაიმე, ვაი,
შეუბრალებლად ჩამაყოლეთ ჩემს შვილს საფლავში!
(კოლხები რომ მეფეს გარშემო ერტყმიან და იაზონი მხლებლებითურთ ნავზე ავა, ამ დროს ფარდა ეშვება).

ფრიდრიხ პოლენსტადტი

(1819-1892)

დაგვიდოგვაბა კავკასიასთან

ელვარებენ მყინვარები,
ცაზე მთვარე კრთის,
თვალებიდან ცრემლი მცვივა
და ლოყებზე მდის.
სივსივებენ თოლიები,
ქარაშოტი ქრის,
ზღვა ბორგავს და ვერ ველევი
კარგო, შენზე ფიქრს!

ქვეყნის კიდე აღარ მოჩანს,
ვერ ვიმშვიდებ სულს,
შენ დაგეძებ, შენკენ ვილტვი,
შენთან უნდა გულს,
მინდა, სევდა განვიქარვო,
მაგრამ ენა დუმს,
შენთვის ვმღერი და სიმღერით
შენზე ფიქრი მსურს!¹⁰

იოჰანეს რობერტ ბეჰერი

(1891-1958)

სუფრული

დაღონებულნი ვუსხედვართ სუფრას
და ქართულ ღვინოს ვანდეთ გულები,
ვართ გერმანიას მონატრულები
და ღრმა ფიქრებში ჩაძირულები.
აქედან ვხედავთ ბორცვებს მაინის¹¹,
მის გარეშემო მწვანე მთებია,
შტრალზუნდის¹² ზღვასთან ხმა რომ

გაისმის

ძველ წისქვილების მძლავრი ფრთებია.
ოითქოს სამღერად ვემზადებითო,
თუმცა ყველანი ვისხედით წყნარად,

ჭიქებს მაღიმაღ ვუჭახუნებდით
და ქართულ ღვინოს ვაქებდით მარად.
ნიავემა ამაოდ დაქროლა მთებში,
ზაფხულის თბილი ღამეა წყნარი,
ძმებო, ჭიქები ავიღოთ ხელში
და ვთქვათ დაღუპულთ შესანდობარი!
ჭიქებში მოჩანს ვარსკვლავთ ციალი,
ეს სადღეგრძელოც ღმერთმა ინება,
თქვენ გაგიმარჯოთ ხალხო ძლიერო
და იმ ბედნიერ დღის გათენებას!

(1898-1956)

ბერტოლტ ბრეჰტი

გირჩევნია, ქვედაკაბა რომ ატარო კოჭავაძე!



გირჩევნია, ქვედაკაბა გრძელი იყოს, განიერი, ეშმაკური აზრით ვამბობ: იოლია მოსახმარად, აწევას რომ მოინდომებ, ჩვენი თვალის გასახარად, ბარძაყების დანახვაზე შეგეცვლება კაცს იერი.

ტახტზე ნაზად ჩამოგაჯენ, მოვიგონოთ რამე-რუმე, ჩვენებურად, ახლებურად სიგარეტიც გავაბოლოთ, ვიბაასოთ, ვიპაექროთ, ვიტლიკინოთ უთავბოლოდ, შენმა ტანმა, მიხვრა-მოხვრამ გამახსენოს ღამე მრუმე.

ნუთუ მართო ქვედა გრძნობა მიკარნახებს? არა, ვგონებ, ასეთ კაბის მოსურნე ვარ, მიტომ ვამბობ სიტყვას ალაღს, სულ დაგხატავს, ვით მედეას ქველ კოლხეთის გზებზე მავალს შავი ზღვისკენ მორონინეს, როგორც მთიდან დილის სიოს, სხვა მიზეზიც რომ არ გქონდეს, გიჩიჩინებ-მოგაგონებ, ქვედა ტანზე ქვედაკაბა რომ ასეთი აირჩიო!

პუგო პუჰარიტი

(1902-1982)

ერთ კინოსასილოს¹⁴

სტალინური პრემიის ლაურეატის, მარად მოსაგონებელი ნატო ვაჩნაძის თვითმფრინავით დაღუპვის გამო.

მუშები ამბობდნენ: ჩვენთვის თამაშობსო, გლეხები გაიძახოდნენ: შეხეთ, ჩვენნაირად ცეკვავსო, ქალები ალაპარაკდნენ: ყველაზე საყვარელი არსებააო, ახალგაზრდებიც აჰყვნენ: სიმართლე და მომხიბვლელობა მისგან უნდა ვისწავლოთო.

ერთხელ ვეებერთელა დარბაზში შევაბიჯე. სადა? ერთ დიდ ფაბრიკაში, სადაც ათასობით ფეიქარი ტრიალებდა; ისინი აბრეშუმს ქსოვდნენ გატაცებით.

შესვენებისას გარშემო შემოგენვივნენ
 და შუაში მოგიქციეს ძვირფასი სტუმარი,
 მშვიდობის მაცნე და მახარობელი
 ყვავილივით ჩანდი გოგონებში;
 ქალიშვილები გულისყურით ვისმენდნენ,
 მერე მშვიდობის მოწოდებას მოაწერეს ხელი;
 უცებ ერთმა ფანქარი მოიძარჯვა,
 ტუჩებთან მიიტანა, დაასველა,
 თვალები ქალადს მიაშტერა,
 ერთ წამს ჩაფიქრდა და დაწერა:
 „სამშვიდობო ტანსაცმელი სასიხარულოა!“

შენი სახლი მთაწმინდის შუაგულში დგას.
 გადაჯვარედინებული პალმის ტოტები მარაოსავით ირხვევიან.
 ყურებში ჩამესმის საზარელი ჭექა-ქუხილი.
 თითქოს იმერეთის მთებს უგუნურად
 თვითმფრინავი ფრთებით შეეჯახაო.
 როცა ქალაქი უკანასკნელ ცსაზე მივაცილებდა,
 იმ ბედკრულ წუთებში კარვად ჩანდა შენი დიდება¹⁴.
 მოწიწებით და სიყვარულით მოჰყვებოდა
 ხალხი შენს კუბოს.
 დამწუხრებული იყო ყველა ადამიანი,
 მაგრამ იმ ფაბრიკაში, სადაც ახლახან
 მუშები გულლიად შეგხედნენ,
 ყველაზე მეტად განიცდიდნენ შენს დაკარგვას.
 რა იქნებოდა, კვლავ ამ ფართო ქუჩებში
 რომ მიაბიჯებდე; თუმცა ეკრანზე
 ხშირად ვინილავთ შენს სახეს
 და არასოდეს დაგვავიწყდები.
 აგერ, გლახის გოგოდ გადაქცეულხარ
 და ნინო დაურქმევიათ,
 ოქროსფერ მინდვრიდან შენფერი ნანი მოაბიჯებს,
 მართალი ნუნუ სამარცხვინო ბოძზე გაუკრავთ.
 და მკერდზე დანაშული მიუწერიათ,
 მშვენიერი ელისო ჩვეულებრივ გვიდიმის,
 ბოშა ქალის – მაშას უსულო სხეულის
 დანახვაზე ლაღ და უდარდელ გოგონებსაც
 ლამაზი თვალები უწყლიანდებათ...

პუშკინი ალბათ მინერვას¹⁵ შეგარქმევდა,
 თუმცა მოჯადოებულ ბნელ დარბაზში
 არასოდეს მჯდარა ფილმების საყურებლად.
 თუმცა შენს ნაზ და სათუთ ხელზე არ უკოცნია.
 ჭკვიანურ შუბლზე ნაოჭები არ დაუნახავს
 და წარბ-წამწამთა ჩრდილიც კი არ შეუმჩნევია.

ჩვენ კი მუდამდღე ვხედავდით
შენს საოცარ თავგადასავლს,
უმძიმეს შრომას, თავდადებას
და იდუმალი ხელოვნებით გატაცებას.
საქმეც ეგ არის: მშვენიერი და გამოჩენილი
შენი მომხიბვლელობა ყველგან იგრძნობოდა.
დილის ცვარივით მოგვალანდუ შემოქმედება;
დიდებული გქონდა მეტყველება;
ასეთნაირად გადიოდა დღეები.



რა შეთქმის კიდევ, მადლობის მეტი?
გწამდეს, არახდროს არ დაგივიწყებთ!
შენს სათნოებას მოიგონებს ახალგაზრდობა,
რადგან წარსული წამალია სუყველასათვის;
იყავ შემწყალე ტანჯულთა და გაწამებულთა;
მხიარულება მარადიული მშვიდობის საწინდარია!

შენიშვნები

„საუნჯის“ ამ ნომერში მოთავსებული „საქართველო გერმანულენოვან პოეტთა შემოქმედებაში“ გაგრძელებაა ციკლისა — საქართველოს თემა გერმანულენოვან მწერალთა შემოქმედებაში, რომელიც ბოლო წლებში აღმანახ „საუნჯის“ (№ 5, 1979, გვ. 232-240; № 3, 1981, გვ. 267-280; № 2, 1983, გვ. 244-261) ფურცლებზე დაიბეჭდა.

¹ ბერბერები ჩრდილოეთ აფრიკის უძველესი მოსახლეობაა. ლაპარაკობენ სემიტურ-ჰამიტურ ენათა ოჯახში შემავალი ბერბერული ენის დიალექტებზე. 1975 წლის მონაცემებით ბერბერების რაოდენობა (მაგრიტანია, მაროკო, ალჟირი, ტუნისი, ლიბია, ეგვიპტე და სხვ.) ესრა მილიონი კაცია.

² შუა საუკუნეების დიდი გერმანელი ლირიკოსის ოსვალდ ფონ ვოლკენშტაინის ბიოგრაფები და შემოქმედების მკვლევრები ურთიერთსაწინააღმდეგო აზრს გამოთქვამენ პოეტის სწავდასწავა ქვეყნებში მოგზაურობის თაობაზე. ჩვენ სავსებით ვიზიარებთ ულრიხ მიულერისა და შოთა რევიშვილის მოსაზრებას, რომელთა ვარაუდით ავსტრიელი მინუზინგერის ლექსში მოხსენიებული ქვეყანა „იბერნია“ სხვა არა არის რა, თუ არა ივერია, საქართველო. თვით ლექსის შინაარსიც იმაზე მიგვიბრუნებს, რომ თურქეთსა და სპარსეთში ნამყოფი პოეტი, რა უქმა უნდა, „გეოგრაფიულად“ უფრო იოლად მოხვდებოდა საქართველოში, ვინემ ირლანდიასა და იბერიის ნახევარკუნძულზე, როგორც ამას ზოგიერთი მეცნიერი ფიქრობს.

³ სამშობლოს ბედუკუდმართობით დამწუხრებული და ცხოვრებით გულგატეხილი XVII საუკუნის გამოჩენილი პოეტი და დრამატურგი ანდრეას გრიფიუსი თანადროული საქართველოს თავზარდამცემი სურათებისა და ქვეყნისთვის თავდადებული დედოფლის სახის დახატვით ოცდაათწლიანი ომით გაწამებულ და გაპარტახებულ გერმანელ ხალხს, განსაკუთრებით კი მის თანამედროვეებს მომავლის იმედს უნერგავდა და შეუპოვარი ბრძოლისკენ მოუწოდებდა.

⁴ უდიდესი გერმანელი პოეტის ფრიდრიხ პოლდერლინის ეს ლექსი, როგორც ჩვენს მიერ ადრე გამოქვეყნებული „მოგზაურობა“, ისტორიული და პოეტური თვალსაზრისით განსაკუთრებით საინტერესოა ქართველი მკითხველისათვის, სადაც კოლხეთსა და კავკასიაზეა ლაპარაკი.

⁵ ისთმოსში, ამჟამინდელ კორინთოს ყელზე, ორ წელიწადში ერთხელ პოსეიდონის პატივსაცემად იმართებოდა შეჯიბრება-თამაშობანი პოეზიაში, მუსიკაში, ცხენოსნობასა და ტანვარჯიშში, ეს შეჯიბრება-თამაშობანი ბერძენთა დიდ სახალხო დღესასწაულად ითვლებოდა.

⁶ კუფისოსი — ათენში გამავალი მდინარე.

⁷ ტაიგეტოსი — მთა, რომლის ძირში მდებარეობდა ქალაქი სპარტა.

⁸ დიდი ავსტრიელი პოეტისა და დრამატურგის ფრანც გრილპარცერის „არგონავტები“ ტრილოგია „ოქროს საწმისის“ მეორე ნაწილია. პირველი ნაწილის – „ქვერილი სტუმარი“ – ჩვენეული თარგმანი დაიბეჭდა აღმანახ „საუნჯის“ 1983 წლის მეორე ნომერში.

⁹ კორინთო – პელოპონესის ნახევარკუნძულზე ორ ზღვას შუა მდებარე მნიშვნელოვანი სავაჭრო ქალაქი, – სახელმწიფო, რომელიც დორიელებმა დააარსეს ჩვენს წელსადრიცვამდე X საუკუნეში. ძველი ბერძნული მიოლოგიის მიხედვით შედგება კორინთოსის ცნობილი პოეტი და მთარგმნელი, რომელიც წელიწადნახევარს ჩვენს ქვეყანაში ცხოვრობდა.

¹⁰ ასეთი გრძნობით გამოეთხოვა კავკასიასა და საქართველოს XIX საუკუნის ცნობილი პოეტი და მთარგმნელი, რომელიც წელიწადნახევარს ჩვენს ქვეყანაში ცხოვრობდა.

¹¹ მაინი – მდინარე რაინის მარჯვენა შენაკადი, რომელიც ამჟამად გერმანიის ფედერაციული რესპუბლიკის ტერიტორიაზე მიედინება.

¹² შტრალზუნდი – აღმოსავლეთი ზღვის სანაპიროზე გაშენებული ქალაქი, რომლის სახელწოდება XIII საუკუნიდან მომდინარეობს და რომელიც გერმანიის დემოკრატიული რესპუბლიკის ჩრდილოეთ ნაწილში მდებარეობს.

¹³ როგორც ბრეჰტის ბიოგრაფები ვარაუდობენ, ეს ლექსი დაწერილი უნდა იყოს 1944 წელს.

¹⁴ 1979 წელს გამოცემულ ავტობიოგრაფიულ წიგნში – „ქიში ორეულს“ პუგო პუპერტი წერს: „როცა ერის ნამდვილი კერპი ნატო 1953 წელს ავიაკატასტროფის დროს დაიღუპა, გულდაკოდილი დავბორიალებდი მთაწმინდის უბნის ქუჩაბანდებში და აღელვებულ-აგრეცხვებული უბის წიგნაკში ვწერდი ლექს-ნეკროლოგს, რომელიც შემდეგ ჩემი ლექსების კრებულის – „მოგზაურის ქართული კვერთხის“ ერთ-ერთ ციკლში შევიდა“.

¹⁵ მინერვა – პოეზიის, მუსიკის, საერთოდ, ხელოვნებისა და შემოქმედების მფარველი იტალიური ღვთაება.





ქართული
ნაციონალური
ბიბლიოთეკა

თარგმნა მადია ზუბადალაშვილმა

ჯიჯიანი ნაკრები უბის წიგნაკიდან

ოს, რაზეც ახლა ვწერ, კაცს შეიძლება რალაციით რულეტსა და ტოტალიზატორზე გაგიჟებული მოთამაშის აკვირებად მოეჩვენოს; მე კი ფული სულაც არ მჭირდებოდა. უცებ ვიგრძენი — ან გადავწყვიტე — რომ მეტროს ვაგონის ჩაბნელებულ ფანჯარას შეეძლო დამხმარებოდა, ბედნიერება მეპოვა სწორედ აქ, მიწის ქვეშ, სადაც განსაკუთრებით მკვეთრად იგრძნობა ადამიანთა გათიშულობა, დრო კი ჩვენს თვალწინ აშკარად ქუცმაცდება მოკლე-მოკლე გადარბენებად, და მისი თვალნათლივ დასანახი მონაკვეთები — თითოეულ სადგურთან ერთად — უკან რჩება გვირაბის სიბნელეში. ვლაპარაკობ „გათიშულობაზე“, რათა უკეთ გავიგო (მე კი მას შემდეგ, რაც ეს თამაში დავიწყე, ბევრი რამ გავიგე), რას ემყარებოდა ჩემი იმედი, როცა ვფიქრობდი, რომ არსებობდა „სრული თანხვედრა“ და ის შეგრძნება, რაც, ასე მეგონა, ჩემთან მოვიდოდა ვაგონის ფანჯრის მინაზე არეკლილი სიმყაროდან, მოვიდოდა და ბოლოს მოუღებდა გათიშულობას, რომელიც, ეტყობა, ხალხს სულაც არ აღარდებს, თუმცა, ვინ იცის, რა სადარდებელი აქვს გაჩენილი ასეთ ჯგლერთაში ვაგონებში შემსვლელ-გამომსვლელთ. „შინ როგორმე მალე მისვლის მეტი“ რა შეიძლება აღელვებდეს ხალხს, რომელიც, აქ იქნება თუ იქ, შედის იმისათვის, რათა გამოვიდეს იქ იქნება თუ აქ, და რომელსაც რალაც საერთო აკავშირებს მხოლოდ და მხოლოდ ამ ერთ ადგილზე — ვაგონში, სადაც მათი მომავალი — ყველასი ხელაღებით — ზუსტად არის განსაზღვრული, თუმცადა სულ რამდენიმე წუთით, და არავინ უწყის, გადავა თუ არა ყველა ერთად, ან პირველი შენ გადახვალ თუ აი, ის აწოწილი კაცი, ხელში რალაც შეკვრა რომ უჭირავს, ანდა გაპყვება თუ არა მატარებელს ბოლომდე მწვანეებში გამოწყობილი მოხუცი ქალი, ჩავლენ თუ არა ეს ახალგაზრდები ამ გაჩერებაზე... ჰო, ეტყობა, ჩავლენ, რადგან ჩანთებსა და სახაზავებს მოავლეს ხელი და ხორხოციოთა და მუჭლუგუნებით მიაწყდნენ კარს, კუთხეში მოკალათებულ აიმ ქალიშვილს აშკარად ეტყობა, დიდი ხნით, რამდენიმე გაჩერებით მაინც დაიკავა სასურველი ადგილი, ეს, მეორე კი, ბოლომდე გამოცანასავით დამრჩება.

ჰო, ანაც ნამდვილ გამოცანად მექცა. ის ფანჯარასთან იქდა, წელში გამართული სკამის საზურგულს ოდნავ ეხებოდა, „ეტიენ მარსელის“ სადგურზე ვაგონში რომ შევედი, ის უკვე იქ-დამხვდა, მის მოპირდაპირედ მჯდომი ზანგი ჩემი შესვლისთანავე წამოდგა, განთავისუფლებულ ადგილს არავინ მისტანე-

ბია და მეც შემეძლო ბოდიშების ბუტბუტით ნაპირზე მჯდომი ორი მგზავრის მუხლებზე გამედწია და ანას პირდაპირ დავმჯდარიყავ. იმავე წამს — ვინაიდან მეტროში სწორედ იმისთვის ჩავედი, რათა ერთხელ კიდევ გამომეცადა ჩემი თამაში ბედნიერებაზე, — ფანჯარაზე მარჯვნივ პროფილის ანარეკლი მოვძებნე და მივხვდი, რომ იგი ძალზე მომხიბვლელი იყო, რომ მომეწონა შუბლზე ალმაცერად ჩამოშლილი მისი შავი თმა.

არა, სახელები — მარგრიტი და ანა — გვიანდელი გამოგონილი არ არის, და ახლა, როცა უბის წიგნაკში ჩანაწერს ვაკეთებ, ამ სახელებს ერთიმეორისაგან გასარჩევად არა ვხმარობ; სახელები, როგორც ამას თამაშის წესები მოითხოვდა, თავში უმაღლესად სრულიად უყოყმანოდ მომდიოდა... მაგალითად, იმ ქალიშვილის გამოსახულებას, ფანჯარაში რომ მოჩანდა, შეიძლება მხოლოდ და მხოლოდ მარგრიტი რქმეოდა, ჩემს მოპირდაპირედ მჯდომ ქალიშვილს კი მხოლოდ და მხოლოდ ანა, რომელიც მე ვერ მამჩნევდა და თავისი გაურკვეველი მზერა მცირეოდენი ხნით თავმოყრილი ხალხისთვის მიეშტერებინა, იმ ხალხისათვის, რომელთაგან თითოეული თვალის გასართობად ირჩევს იმას, რაც მოეპრიანება, გარდა იმისა, ღმერთმა დაიფაროს იმისაგან, რაც მასთან ყველაზე ახლოს იმყოფება. პირდაპირ და მოურიდებლად თვალებში მხოლოდ ბავშვები გიციქერენ, სანამ მათაც არ ასწავლიან სადღაც შორიანს მზერას, მზერას ისე, რომ ამგვარი საზოგადოებრივი იგნორირებით, ვერ ამჩნევდნენ ვერც რომელიმე მეზობელსა და ვერც რაიმე სულიერ კონტაქტებს, როდესაც ყველა იმის ცდაშია, საკუთარ ნაჭუჭში მოექცეს, განერიდოს ყველას და ყველაფერს, მილიმეტრიანი პაერის ტიხარით გულმოდგინედ გაემიჯნოს უცნობის იდაყვებსა და მუხლებს, ანდა წიგნსა თუ „ფრანს სუარში“ ჩარგოს თავი, უფრო ხშირად კი ანასავით მზერა სიცარიელეს მიაპყროს, იხედებოდეს ადამიანის მიღმა და უყურებდეს იმ იდიოტურ „საარვისო ზონას“, რომელიც ჩემსა და „ფიგაროში“ თავჩარგული მამაკაცის სახეებს შუა ვადის. თუმცა სწორედ ამის გამო მარგრიტს (და თუ მე ნამდვილად მართალი ვარ, რომელიც მომენტში ანასაც) დაბნეული მზერა ფანჯრისათვის უნდოდა მიეპყრო... დიახ, მარგრიტმა ფანჯარაში გაიხედა, ჩემი ანარეკლი შეამჩნია და ჩვენი მზერა ერთმანეთს შეხვდა მინის მიღმა მხარეს, რომელზედაც გვირაბის სიბნელეს ვერცხლის წყლის მსუბუქი ფენა გადაეკრა და შავად მოლივლივე ხავერდი გადაეფარებინა. ამ ეფემერულ სარკეში სახეები სულ სხვანაირ სიცოცხლეს იძენენ, ვაგონთა ნათურების მქრქალი სინათლისაგან ისინი აღარ პგვანან თაბაშირის საძაგელ ტვიფარებს და მათ შეუძლიათ, — ვერც შენ უარყოფ ამას, მარგრიტ, — გულლიად და პატიოსნად უყურონ ერთმანეთს, ვინაიდან რაღაც წამის განმავლობაში გამოხედვები თავისუფლდებიან თვითცენზურისაგან. მე იქ, მინის მიღმა არ ვიყავი ის მამაკაცი, რომელიც ანას პირდაპირ იჯდა და რომლისთვისაც მას ვერ გაეხედნა მეტროს ვაგონში აშკარა ცქერა, მაგრამ ანამ სულ ცოტა ხანს შეაჩერა მზერა ჩემს ანარეკლზე, თორღე წამით უფრო ცოტა ხანს ვიდრე მარგრიტმა, ვინაიდან, როცა ანამ მზერა აარიდა მის წინ მჯდომ მამაკაცს, — ხომ უსაქციელობაა მეტროში მამაკაცისთვის ყურება — და თავი ფანჯრის მინისკენ მიაბრუნა, თითქმის იმავე წამს მოაშორა თვალი ჩემს ანარეკლს, იმიტომ, რომ მე ველოდი ამ მომენტს, რათა ოდნავ შესამჩნევად გამეღიმა — არამც და არამც არც თავხედურად და არც გამომწვევად — ველოდი მას შემდეგ, როგორც კი ფანჯარაში მარგრიტის

მზერა ჩემს მზერას შეეფეთა. ყოველივე ეს გაგრძელდა სულ ერთი წუთის განმავლობაში, მაგრამ მე თვალი მაინც შევასწარი, რომ მარგრიტმა ჩემი ღიმილი შეამჩნია და რომ ანა გაოგნებული იყო აშკარად, თუმცა მან მხოლოდ თავი დახარა და ისეთი გამომეტყველება მიიღო, თითქოს თავისი წითელი ტყავის ჩანთის საკეტს ათვალიერებდა. მე ნამდვილად ერთხელ კიდევ მინდოდა გალიმება, თუმცა მარგრიტი აღარ მიყურებდა, რადგან ანამ თვალი შეასწრო ჩემს ღიმილს და ცუდად ჩამომართვა. ამიტომაც აუცილებელი აღარ იყო, ანას ან მარგრიტს ემზირათ ჩემი „მიღმური“ გამოსახულებისათვის; ამას არც ისინი აპირებდნენ, რადგან ანას წითელი ხელჩანთის საკეტით გართულიყვნენ.

ახლაც ისევე, როგორც აღრე ხდებოდა ხოლმე, როცა კი შევხვედრივარ პაულს (ოფელიას) და ყველა იმათ, ვისაც მოჩვენებითი ინტერესით უთვალთვლებია ჩანთის საკეტი, დილი თუ ყურნალი, ჩემს არსებაში თითქოს კვლავ განიხვნა უფსკრული, სადაც გორგალივით იგრაგნებოდა შიში და იმედი, რომელნიც ქილაში მომწყვდევული ობობებივით ცდილობდნენ სასიკვდილო გაბრძოლებას, დროს კი თამაშის პულსს აყოლებული გულისცემის სიხშირით ვითვლიდი და მეტროს თითოეული სიღრმე ჩემი ცხოვრებას ახალი, უცნობი სიუჟეტის დასაწყისად მქცევოდა, ვინაიდან ასეთი იყო თვითონ თამაში. მარგრიტის შემოხედვა და ჩემი ღიმილი, თავის ხელჩანთას ჩაკირკიტებული ანას წამიერი რეაქცია ვახლდათ საზვიამო ვახსნა ცერემონიისა, რომელიც, ზოგ შემთხვევაში, იწყებოდა გონიერების ყველა კანონის საწინააღმდეგოდ, რაც მაიძულებდა ჩავკიდებოდი ყოველდღიური შემთხვევითობის უაზრო ჯაჭვის ყველაზე სუსტ რგოლს. თამაშის პირობა არ იყო რთული, მაგრამ თვით თამაში ჰგავდა რაღაც ბრმა ბრძოლას, შუაგულ ქაობში უმწეო ფართხალს, სადაც ყოველ მხრივ, საითაც არ უნდა ვაიხედოთ, თვალწინ დაგიდგებათ გაბარჯლული ხე მიუწვდომელი გზებით. პარიზის მეტროპოლიტენს, მთელ თავის ეგზოტიკურ კარკასზე, თავის წითელ, ყვითელ, ლურჯსა და შავ ტოტებზე გაბნეული აქვს უამრავი, მაგრამ განსაზღვრული რაოდენობის სადგურების უცნაური გეომეტრიული ფიგურები. და ეს ხე ყოველი ოცდაოთხი საათიდან ოც საათს ცხოვრობს, ივსება ბობოქარი, მჩქეფარე წვენით, რომლის წვეთები მიჰყვებიან თავთავიანთ განტოტებას, მერე ერთნი „შატლზე“ გადადიან, მეორენი „ვოჟირარზე“ შემოდიან, მესამენი „ოდეონზე“ გადასხდებიან, რათა გაჰყვნენ „ლა მოტ-პიკეზე“. ვინ მოთვლის, გადასაჯდომისა და გადასასვლელის რამდენი ასეული და ათასეული ვარიანტია კოდირებული და პროგრამირებული ყველა ცოცხალი ნაწილაკისათვის, რომლებიც ამ ხეში შთაინთქმებიან აგერ აი, აქ და ამოიჭრებიან სადღაც იქ, მერე მოედებიან ლაფაიტის გალერეას, რათა გეი-ლიუსაკის ქუჩის მახლობლად მაღაზიის მესამე სართულზე მოიმარაგონ ერთი შეკვრა ქალაქის ხელსახოცი ან ორი-ოდე ნათურა.

ჩემი თამაშის წესები იყო საოცრად მარტივი, რაღაც საუცხოო, უგუნური და დესპოტური. თუ ქალი მომეწონებოდა, თუკი ჩემს პირდაპირ მჯდომი ქალი მომეწონებოდა, თუ ქალის თვალები ფანჯარაში ჩემ თვალებს შეხვდებოდნენ, თუ ჩემი ფანჯრისეული ანარეკლის ღიმილი ქალის ანარეკლს დაამორცხვებდა, გაახარებდა ან გააბრაზებდა, თუ მარგრიტმა დაინახა ჩემი ღიმილი და ანამაც მაშინვე დახარა თავი და გულმოდგინედ დაუწყო თვალიე-

რება თავისი წითელი ხელჩანთის საკეტს, მაშასადამე, თამაში დაწყებულად უნდა მიჩნეულიყო, მიუხედავად იმისა, როგორ უბასუხებდნენ ღიმილს — გაბრაზებით, სიამოვნებით თუ აშკარა გულგრალობით, ცერცმონიის პირველი ნაწილი ამით მთავრდებოდა: ღიმილი უკვე შეამჩნია ამხანაგებმა იგი ეკუთვნოდა. მერე კი იწყებოდა ბრძოლა ქვესკნელში, კუჭში ობობების მტანჯველი ალიაქოთი და აფორიაქებული მაჯისცემა — სადგურიდან სადგურამდე — იმედის წამებისა თუ წუთების მოლოდინი.

ახლა მახსენდება როგორ დაიწყო ის დღე: მაშინ თამაშში შემოვიდა მარგრიტა (და ანა), ერთი კვირით ადრე კი პაულა (და ოფელია); ქერათმიანი ქალიშვილი ერთ-ერთ ყველაზე სადავიდარაბო სადგურზე — „მონპარნას-ბიენ-ვენზე“ ჩავიდა, რომელიც, მრავალთავეიანი, საძაგელი გველეშაპისა არ იყოს, წარმატების თითქმის არაფითარ შანსს არა ტოვებს. მე გუნებაში არჩევანი „პორტ-დე-ვანვის“ ხაზისკენ მიმავალ გადასასვლელზე შევაჩერე და უმაღლესი პირველი მიწისქვეშა განტოტებისთანავე, მივხვდი, რომ პაულა (რომ ოფელია). „მერი დ'ისის“ სადგურის გასასვლელისკენ წავიდოდა. რაა იზამ, ისლა დამრჩენოდა, დერეფნების გადაკვეთაზე, უკანასკნელად შემეხედა მისთვის, თვალი გამეყოლებინა, როგორ მშორდებოდა, როგორ შთანთქავდა ძირს ჩამავალი კიბე. თამაშის პირობა ასეთი იყო: ვაგონის ფანჯარაზე შემჩნეული ღიმილი უფლებას მაძლევდა ქალს ავდევნებოდი და თავი თითქმის ბრძალ დამეიმედებინა, რომ მეტროში მისი მარშრუტი დაემთხვეოდა ჯერ კიდევ მიწისქვეშ ჩასვლამდე ამორჩეულ ჩემს მარშრუტს; მერე კი, დღევანდლამდე — სულ ასე ხდებოდა — უნდა მეცქირა, თვალს როგორ ეფარებოდა ქალი სხვა გასასვლელში და უკან ადევნებაზე ხელჩაქნეული, გულდამძიმებული დაგბრუნებულიყავ მიწის ზემოთა სამყაროში, რათა რომელიმე კაფეში მივცემოდი ფიქრს, და კვლავ მეცხოვრა, როგორც მეცხოვრებოდა, სანამ თანდათანობით, რამდენიმე საათის, რამდენიმე დღისა თუ კვირის შემდეგ კვლავ არ მომივლიდა ჟინი, მეცადაზბედი, და თავი იმედით მენუგეშებინა, რომ ყველაფერი დაემთხვეოდა — ქალი და მინის არანეკლი, სიხარულით შემოფეთებული თუ უარყოფილი ღიმილი და მატარებელთა მიმართულებები — მაშინ. ბოლოს და ბოლოს, დიახ, ბოლოს და ბოლოს, სრული უფლება მომეცემოდა, მივახლოვებოდი ქალს და მეტყვა ძნელად სათქმელი პირველი სიტყვები, რომლებიც გაარღვევდა უმოძრაო დროის შრეებსა თუ უფსკრულში მოფუტ-ფუტე ობობათა გროვას.

„სენ-სიულპისის“ სადგურს რომ მიგუაზლოვდით, ჩემს გვერდით ვილაყადგა და გასასვლელისკენ წავიდა, ანას მეზობელიც ადგა, ახლა იგი მარტოდ-მარტოდ იჯდა ჩემს პირდაპირ და თავის ხელჩანთას კი აღარ ათვალისწინებდა, დაბნეული მარიდებდა თვალს და ვაგონის ოთხივე კუთხეში გაკრულ მინერალური ცხელი წყლების რეკლამებს მისჩერებოდა. ჩემს დასანახად მარგრიტს მინისკენ აღარ მიუბრუნებია თავი, მაგრამ სწორედ ეს მეტყველებდა ჩვენს შორის დამყარებულ კონტაქტზე და მის უხმო მაჯისცემაზე; ანა, ეტყობა, მეტისმეტად მფრთხალი იყო, ან შეიძლება, სულელურ ახირებად ეჩვენებოდა, ეცქირა სახის ანარეკლისათვის, რომელიც უშურველად უღიმოდა მარგრიტს. „სენ-სიულპისის“ სადგურს ჩემთვის ძალზე დიდი მნიშვნელობა იმიტომ ჰქონდა, რომ თუმცა „პორტ-დ'ორლეანის“ ბოლო სადგურამდე კიდევ რვა სადგური იყო დარჩენილი, აქედან გადასაჯდომი კვანძი მხოლოდ სამსა ჰქონდა,

და თუ ანა ამ სამიდან ერთ რომელიმეზე ჩავიდოდა, დამთხვევის შესაძლებლობის შანსი მიჩნდებოდა. „სენ-პლასიდთან“ მიახლოებისას მატარებელმა სვლას რომ უკლო, მე გატრუნული ფანჯარაში იმედით მივჩერებოდი მარგრიტს, იქნებ ჩვენი მზერა ერთმანეთს კიდევ შეხვდეს-მეთქი, ანა კი ამ დროს ისე არხეინად ათვალიერებდა ვაგონს, თითქოს დარწმუნებული ყოფილიყო, მარგრიტი მეტს აღარ შემომხედავდა, ამიტომ აღარც ფიქრობდა იმ ანარეკლზე, რომელიც მარგრიტს ელოდა, რათა მხოლოდ მისთვის გაეღებოდა.

ანა „სენ-პლასიდზე“ არ ჩასულა. სანამ მატარებელი სვლას შეანელებდა, მე უკვე ვიცოდი, ასეც მოხდებოდა, ვინაიდან ჩამსვლელები, ჩვეულებრივ, მოუსვენრობას იჩენენ, განსაკუთრებით ქალები, რომლებიც ნერვიულად შეიგრძნობენ რაიმე შეკვრების მიკარებას, იწყებენ პალტოების შემოკვალთვას ანდა გასასვლელს ადგომამდე ესვრიან ხოლმე მზერას, რათა სიჩქარის ანაზრეული შენელებისას, როცა სხეული დაუმორჩილებელ საგნად იქცევა, არ დაეჯახონ უცხო ადამიანთა მუხლებს. ანა გულგრილად ათვალიერებდა გაკრულ რეკლამებს, მარგრიტის სახე კი გარედან შემოსული ნათურების სინათლეს გადაეშალა, ამიტომ არ შემეძლო მივმხვდარიყავი, შემომხედა თუ არა მარგრიტმა, მასთან ჩემი ანარეკლიც ნეონის ცეცხლისა და სარეკლამო აფიშების ათინათში, მერე კი — შემსვლელ-გამსვლელთა რიალში დანთქმულიყო. თუ ანა „მონპარნას-ბიენვენზე“ გადავიდოდა, მინიმალურამდე შემცირდებოდა ჩემი შანსები, როგორ არ უნდა გამხსენებოდა ამ დროს პაულა (ოფელია), როცა სადგურის ოთხმა გადამკვეთმა ბაზმა ქალის არჩევანის ამოცნობის ჩემი შესაძლებლობა თითქმის ნულამდე დაიყვანა, და მაინც პაულასთან (ოფელიასთან) შეხვედრის დღეს აბსურდულობამდე ვიყავი დარწმუნებული, რომ ჩვენი გზები ერთმანეთს დაემთხვეოდა. მე სამიოდე მეტრის დაშორებით მივდევდი უკან ამ აუჩქარებელ ქალიშვილს, გრძელ ქერა თმაზე გამხდარი წიწვეები რომ ჰქონდა მიმოზნეული, და როცა მან მარჯვენა გადასასვლელისკენ გაუხვია, თავი გვერდზე ისე მომექცა, თითქოს ვინმეს ყბაში ეთავაზოს. არა, სულაც არ მინდოდა, ამჯერად მარგრიტთანაც იგივე დამმართოდა, არ მინდოდა, განმეცადა მაშინდელი შიში, არ მინდოდა „მონპარნას-ბიენვენზე“ ყველაფერი ხელახლა განმეორებულიყო, ამიტომაც არას მარგებდა პაულას (ოფელიას) გახსენება და მიყურადება იმისა, როგორ დაეწყოს ობობებს ქვესკნელში ჩემი მოკრძალებული იმედის მოშობა, იმ იმედისა, რომ ანა (რომ მარგრიტი)... მაგრამ ვინ იტყვის უარს მიამიტურ თვითდამშვიდებაზე, რომელიც ასე გვიადვილებს ცხოვრებას? მე უმალ ჩავაგონე საკუთარ თავს, რომ შესაძლებელია, ანა (შესაძლებელია, მარგრიტი) „მონპარნას-ბიენვენზე“ კი არა, რომელიმე მომდევნო სადგურზე ჩავიდეს-მეთქი, რომ იგი შესაძლოა არ წასულიყო იმ გადასასვლელისკენ, რომელიც დაკეტილი იყო ჩემთვის. ვთქვი, რომ ანა (რომ მარგრიტი) არ ჩავიდოდა „მონპარნას-ბიენვენზე“ (არც ჩასულა), არ ჩავიდოდა „ვავენზე“ და მართლაც არ ჩავიდა! ვთქვი, რომ ანა (რომ მარგრიტი) შეიძლება „რასპაიზე“ ჩავიდეს-მეთქი, ბოლო ორი შესაძლო სადგურიდან პირველზე... და როცა იგი არც იქ ჩავიდა, მე უკვე ვიცოდი, მხოლოდ ერთი სადგურიღა იყო დარჩენილი, საიდანაც შემეძლო უკან გავყოლოდი, ვინაიდან მომდევნო სამ სადგურს გადასასვლელები არა ჰქონდა და არც ერთი მათგანი არ იყო ანგარიშში ჩასაგდები. მე კვლავ დავუწყე მარგრიტს ფანჯარაში ძებნა, მოვუხმობდი მღუშარე და გაქვავებული სამყაროდან, საიდანაც

უნდა მისწვდენოდა ჩემი საშველად მომხმობი ძახილი, ეგრძნო ჩემი სულას გამყინავი ღელვა; მე მას გივუდიმე და ანას არ შეიძლება, ეს არ დაენახა, მარგრიტს კი არ შეიძლება არ ეგრძნო, თუმცა აღარ უყურებდა ჩემს ანარეკლს, რომელსაც ზედ წარამარა ეცემოდა „დანფერ როშროს“ სინათლის შესასვლელ გვირაბში ჩამწკრივებული ნათურების სინათლის ზოლი. ნეტა ბუფერების პირველმა დაჯახებამ შეაქანა ანას მუხლებზე წითელი ხელჩანთა თუ რაღაც წყენის გრძობამ ააწვდევინა უნებურად ხელი შუბლზე ჩამოშლილი შავი თმის ბლუჯის გადასაწევად? ვერ გავიგე ეს, მაგრამ იმ ოთხიოდე წამში, სანამ მატარებელი პლატფორმასთან იყო გარინდებული, ობობები ახალი მარცხის მოლოდინში გაუსაძლისი სისასტიკით მოედვნენ ჩემს შიგნეულობას, როდესაც ანა მსუბუქი მოძრაობით წამოიშორდა, როცა მგზავრებს შორის თვალი მოვკარი მის ზურგს, მარგრიტის ანარეკლის ძებნაში უაზროდ კვლავ ფანჯრის მინას მივაშტერდი, რომელიც სინათლისა და ათინათისაგან დაბრმავებულიყო, შერე ისე წამოვდექი, თითქოს არ გამეგებოდა რას ვჩადიოდი. ვაგონიდან გამოვვარდი და მივდიოდი — პლატფორმაზე ხუსხუსით მიმავალი ფიგურის ჩრდილის განსახიერება — სანამ ანაზღად არ გამომაფხიზლა იმ აზრმა, რომ ახლა ორი გადასასვლელის შესაყართან მელოდა უკანასკნელი გამოცდა, საბოლოო და უცვლელი განაჩენის გამოტანა.

აშკარა იყო, ანა (მარგრიტი) ან თავის ჩვეულებრივი გზით უნდა წასულიყო, ან არადა, იქით გაუხვევდა, საითაც მოეხასიათებოდა, მე ხომ ვაგონში შესვლისთანავე მტკიცედ ვიცოდი: თუ ვინმე შემოვიდოდა ჩემს თამაშში და „დანფერ-როშროსზე“ გადავიდოდა, ჩემს კომბინაციაში „ნასიონ-ეტუალის“ ხაზასკენ მიმავალი გადასასვლელი უნდა შემეტანა; ასევე, თუ ანა (თუ მარგრიტი) „მატლზე“ ჩავიდოდა, უფლება მეძლეოდა უკან მხოლოდ „ვენსენ-ნეისკენ“ მიმავალი გადასასვლელით გავყოლოდი. ამ გადამწყვეტ ჟამს თამაში წაგებულად ჩაათვლებოდა, თუკი ანა (თუკი მარგრიტი) „დესოს“ ხაზისკენ, ანდა ქუჩაში გასასვლელისკენ აიღებდა გეზს. ყველაფერი უცებ უნდა გადაწყვეტილიყო, ვინაიდან, სხვა სადგურებისაგან განსხვავებით, „დანფერ-როშროს“ დერეფნები ბევრი არა აქვს და კიბეს ადვილად მიჰყავს კაცი დანიშნულ ადგილამდე, ანდა რაკიდა საქმე ჩემს ბედთან თამაშს ეხება — წინასწარ დანიშნულ ადგილამდე, ვხედავდი, როგორ მიჰყვებოდა ქალიშვილი ხალხის ტალღას, როგორ თანაბრად მიაქანებდა წითელ ხელჩანთას, როგორ აბრუნებდა თავს აქეთ-იქით გზის მაჩვენებელი ცხრილების ძებნაში და შერე, წამიერი ყოყმანის შემდეგ, როგორ გაუხვია მარცხნივ, მარცხნივ კი პირდაპირ ქუჩაში გასასვლელი იყო...

არ ვიცი, სხვაგვარად როგორ გამოვთქვა — ობობებმა ლამის დამიგლიჯეს შიგნეულობა, მაგრამ პირველ ხანებში მაინც პატიოსნად მეჭირა თავი და ქალს ისე, უბრალოდ მივყვებოდი უკან, რათა შემდეგ დავმორჩილებოდი ბედის გარდუვალობას და იქ, მაღლა შეთქვა: რას იზამ, წადი და შენს გზას ეწიემეთქი. მაგრამ უცებ, ზედ შუა კიბეზე მივხვდი, რომ ობობების განადგურების ერთადერთი გზა თუნდაც მხოლოდ ამ ერთადერთბელ — კანონის არად ჩაგდება და წესების დარღვევა იყო... როდესაც ანა (როდესაც მარგრიტი) აკრძალულ კიბეს აუყვია, ობობები, კუჭზე კლანჭებით რომ ჩამფრენოდნენ, უცებ ჩაწყნარდნენ და მეც დანდობილა მოვეშვი, სხეული დამიმძიმდა, თუმცა ფეხები ანგარიშმიუცემლად მაინც განაგრძობდნენ ქალის კვალდაკვალ კი-

ბის საფეხურების უკან მოტოვებას. მთელი აზრები სადღაც გამეფანტა, ერთ რამეზედა ვფიქრობდი; ჯერ კიდევ ვხედავდი მას, ვხედავდი წითელი ხელჩანთის ქნევით როგორ ადიოდა ზევით, ქუჩისკენ, შავი თმა როგორ ატყლოდა რიტმულად მისი ნაბიჯების ტაქტს. ჩამობნელდა. ცივმა და მძაფრმა ქარმა თოვლი და წვიმა ერთმანეთში აურია; ვიცი, ანას (მარგრიტს) არ შეშინებია, როდესაც წამოვეწიე და ვუთხარი: „შეუძლებელია ასე დავშორდეთ ერთიმეორეს, როცა ჯერ შეხვედრაც ვერ მოვასწარით“.

შემდეგ, კაფეში ანამ აღიარა, მარტოდენ ანამ — ვინაიდან მარგრიტის სახე გაეფერმკრთალებინა „ჩინზანოს“ რეალურობასა და წარმოთქმულ სიტყვებს — რომ ვერაფერი გაეგო, რომ მას ერქვა მარი-კლოდი, და რომ ფანჯარაში დანახულმა ჩემმა ღიმილმა თავგზა აუბნია, უნდოდა, ამღვარიყო და სხვა ადგილზე გადამჯდარიყო. რომ ზურგს უკან ჩემი ფეხის ხმა არ გაუგონია, და რომ ქუჩაში — კეთილგონიერების საწინააღმდეგოდ — სრულებითაც არ შეშინებია. ამას რომ მეუბნებოდა, „ჩინზანოს“ წრუპავდა და თან გულშია ღიმილით პირდაპირ თვალებში მიყურებდა. იოტისოდენადაც არ ეტყობოდა დარცხვენა იმის გამო, რომ სადმე სხვაგან კი არა, შუა ქუჩაში, თანაც თითქმის სრულიად უყოყმანოდ, დაპყვა ჩემს მოულოდნელ თხოვნას, შევსულიყავით კაფეში. ამ ბედნიერ წუთებში, ამ უდიდესი ნეტარების წამს მე არ შემეძლო მემამბნა მისთვის რაც მას სიგიჟედ ან მანიად შეიძლება მოსჩვენებოდა, ობივატელის გაგებით — სინამდვილეში ოღონდაც რომ იყო სიგიჟე. ველაპარაკებოდი მის ურჩ თმაზე, წითელ ხელჩანთაზე, ცხელი წყლების აგარაკების რეკლამებით მის გატაცებაზე, იმაზე, რომ იმიტომ კი არ ვუღიმიოდი, რათა მწუხარე სახის უიღბლო კაცად ანდა დონ ჟუანად ვიყავი დაბადებული, უბრალოდ მინდოდა, მისთვის ყვავილები მებოძებინა, მენიშნებინა, რომ მომწონდა, რომ მასთან მგზავრობა მსიამოვნებდა, თავს დიდებულად ვგრძნობდი, და ურიგო არ იქნებოდა, კიდევ ერთი სიგარეტი, კიდევ ერთი სირჩა „ჩინზანო“... ერთი წამითაც არ გვიგვრძნია ნაძალადეობა, ისე ვსაუბრობდით, თითქოს ძველი ნაცნობები ვყოფილიყავით, თითქოს ყველაფერი ასეც უნდა მომხდარიყო, ერთმანეთს ისე შევცქეროდით, უხერხულობის ნატამალი არ გვეტყობოდა. მე მგონია, მარი-კლოდივით არც მარგრიტი დაიმორცხვებდა, ვაგონის ფანჯარაში ჩემი ღიმილისთვის რომ ეპასუხა და ტყუილუბრალოდ იმდენი არ ეფიქრა პირობითობაზე და რაღაც წინასწარ აკვიტებულზე: „არ უპასუხო“ — ვინმე ქუჩაში თუ გამოგელაპარაკა, კანფეტი შემოგთავაზა, ან კინოში დაგბატოთა. მარი-კლოდს ამასობაში სულ დავიწყებოდა „მხოლოდ მარგრიტისათვის“ განკუთვნილი ჩემი ღიმილის მთელი აზრი. მარი-კლოდი ქუჩაშიც და კაფეშიც იმასაც კი ვარაუდობდა, რომ ეს კარგი ღიმილი იყო, რომ მეტროში უცნობი მარგრიტს იმისთვის სულაც არ უღიმიოდა, ანკესი სხვის ოჩხში ესროლა, და რომ გაცნობის ჩემი უცნაური ხერხი იყო ერთადერთი სწორი და გონივრული, ამასთან სავსებით იმსახურებდა — ეპასუხათ „დიახ“ — დიახ, შეიძლება კაფეშს თითო სირჩა დავლიოთ ერთად და წავისაუბროთო.

აღარ მახსოვს რას ვუყვებოდი საკუთარ თავზე, უეჭველია, ყველაფერს, გარდა ჩემი თამაშისა, მაშასადამე, სინამდვილეში, არც თუ ისე ბევრ რამეს. ერთ მშვენიერ წამს ორივეს ერთად ვაგვეცინა, ჩვენგან რომელიღაცამ პირველმა იხუმრა, მერე აღმოჩნდა, რომ ორივეს ერთი და იგივე სიგარეტი და

ქეთრინ დენიოვი გვყვარებია. მან ნება დამრთო, სახლამდე მიმეცილებინა, ყოველგვარი პრანქვა-გრების გარეშე გამომიწოდა ხელი და დამთანხმდა ისევე იმ დროს და იმავე კაფეში მოსულიყო ორშაბათს. მე ტაქსი დავიჭირე და შინ დაებრუნდი, პირველად ჩავიძირე საკუთარ ატანჯაში, როგორც რაღაც უცნობსა და ზღაპრულ ქვეყანაში, თან ჩემთვის ვიძურობდი: „დიას“, „მარი-კლოდი“, „დანფერ-რომრო“ და წარბებს მაგრად ვჭმუხნიდი, რათა კვალდაკვალ დამეღანდა ქალის შავი თმა. საუბრისას მისი თავის სასაცილო რხევა და ღიმილი. ჩვენ არასოდეს არ ვაგვიანებდით, დაწვრილებით ვმსჯელობდით ფილმებზე, ვსაუბრობდით ჩვენს სამუშაოზე, ვიკვლევდით ზოგიერთ ჩვენს იდეოლოგიურ შეხედულებათა სხვადასხვაობის მიზეზებს. მას ჩემი თანდასწრებით თავი კვლავ ისე ეჭირა, თითქოს რაღაც საოცრად, სასწაულად მოსდიოდა ქკუაში ჩვენი ამგვარი ურთიერთობა — მოკლებული ყოველგვარ ზედმეტ გულს გადახსნასა და ზედმეტ ჩაძიებას. თითქოს არც ენაღვლებოდა, რომ ვიღაც უგვანოს შეიძლება მსუბუქი ყოფაქცევა და თავქარიანობა დაებრალდებინა მისთვის. მაგრამ, უეჭველია, უკვირდა მაინც, რომ კაფეში არა ვცდილობდი, დივანზე გვერდით მიეჯდომოდი, რომ მთელი ფუადევოს ქუჩაზე მისთვის მხრებზე ერთხელაც არ გადამიხვევია ხელი, რაკილა გავუბოდი ინტიმურობის ამ პირველ ნაბიჯს და რომ თუმცა ვიცოდი მისი საბინაო პირობები — ის მარტო ცხოვრობდა, რადგან მისი უმცროსი და მის ბინაში (მეთთხე სართულზე) არც თუ ისე ხშირად დადიოდა — არ მითხოვია ნება დაერთო, მასთან ავსულიყავ. ვაი რომ, იმას ფიქრადაც არ მოსდიოდა ობობათა არსებობა. პირველი სამი თუ ოთხი შეხვედრისას ისინი არაფერს არ მიშევებდნენ, ქვესკნელს გაყუჩებულნი იცდიდნენ, როდის შევიცნობდი ყოველივეს, თითქოსდა აღრეც არა მქონოდა შეცნობილი ჩემი „შეცოდება“, მაგრამ არსებობდა სამშაბათები, არსებობდა კაფე და არსებობდა სიხარული, რომ მარი-კლოდი უკვე იქ იყო, ან არადა, სადაც იყო, გაიღებოდა კარი და შემოიჭრებოდა ეს თავკერძა ქალიშვილი, რომელსაც წარმოდგენა არა მქონდა, ისე შებრძოლებოდა კვლავ გამოღვიძებულ ობობებს, თამაშის ყოველგვარი წესის დაცვას (სულ მცირე გამონაკლისის გარეშე) და მიფარავდა მარტოდონ ხელის ოღნავი მოკარებით, წარამარა შუბლზე ჩამოშლილი თავისი ურჩი თმის კულუღით. ერთხანს თითქოს რაღაცას მიხვდა, დადუმდა და მოლოდინით დამაცქერდა. მე, რაც დრო გადიოდა, მით უფრო მიჭირდა საკუთარი თავისთვის ძალა დამეტანებინა, რათა როგორმე სული მომეთქვა, შემეჩერებინა ობობების ხელახლა წამოწყებული ამბონი მარი-კლოდის წინააღმდეგ, რომელიც ვერაფერს მიმხვდარიყო, იჯდა და დუმდა მოლოდინში. არა, — ისევ სჯობდა სირჩების შევსება, სიგარეტების გაბოლება და მარი-კლოდთან საუბარი, სანამ საბოლოოდ დაემკვიდრებოდა ობობათა უმეფობის ხანა; სჯობდა გამომეკითხა მარი-კლოდისათვის მისი უბრალო ცხოვრების წვრილმანი, ყოველდღიური საზრუნავი, გამომეკითხა მისი სტუდენტი დის ამბები, და ათასი სხვა რამ. ამასობაში ისე მომსურვილდებოდა ბოლმე შუბლზე ჩამოყრილი მისი შავი თმის კულუღი, ისე მომწყურდებოდა თვით მარი კლოდი, როგორც რაღაცის დასასრული, როგორც ცხოვრების უკანასკნელ დღეთა ქეშ-მარტად უკანასკნელი გაჩერება. მაგრამ არსებობდა ქვესკნელი, არსებობდა ნაპრალი ჩემს სკამსა და იმ დივანს შორის, სადაც შეგვეძლო ერთმანეთისათვის გვეკოცნა, სადაც ჩემს ბაგეებს შეეძლო პირველად ეგემნათ მარი-

კლოდის ტუჩების სიტკბო მანამ, სანამ ხელიხელგადახვეულები დაგადგებო-
დით გზას მისი სახლისკენ, ავუყვებოდით კიბეს, და მხრებიდან მარჯვნივ-
დით ამ საშინელ მძიმე ტანსაცმელსა და ასეთი მტანჯველი ლოდინის ტვირთს.

და მე ყველაფერი ვუამბე მას. როგორც ახლა მანსოვს; მეტროს... ვესტი-
ბიულ-აკლდამაში მარი-კლოდი კედელს არის მიყრდნობილი. ვესტიბიულ-
აკობ და ვლპარაკობ, სახე მისი პალტოს ცხელ ლუნღლში მაქვს ჩარგული და
ვერასდიდებით ვერ დამიჭვრებია, რომ ჩემი მონაყოლი სიტყვა-სიტყვით ეს-
მის, და რომ შეუძლია მიმიხვდეს რაიმეს. მე ყველაფერი გავანდე, დაწვრი-
ლებით ავუხსენი თამაში, გავუმხილე ბედნიერების ის უმნიშვნელო შანსი,
რომელიც უმალ ქრებოდა. როგორც კი შევხვდებოდი პაულებს (შევხვდებო-
დი ოფელიებს), ვინაიდან ისინი სულ სხვა გზას ირჩევდნენ, მოვუყევი ობო-
ბების ამბავი. რომლებიც, ბოლოს და ბოლოს, მაინც მიბრუნდებოდნენ. მარი-
კლოდი ატირდა, ვგრძნობდი, როგორ აეტანა ცახცახს. მაგრამ თითქოს მა-
ინც ცდილობდა დაეფარე და ცივსა და უგრძობელ კედელზე მიყრდნობილი-
სათვის მხარი შემომეშველებინა. არაფერი უკითხავს, არ მოუნდომებია შეეტ-
ყო „რატომ“ და „როდის აქეთაა“; ფიქრადაც არ მოსვლია გაეფუჭებინა
ერთხელ და სამუდამოდ მომართული შექანიზმი, წასულიყო საკუთარი თა-
ვის წინააღმდეგ, წასულიყო ქალაქისა და ყველა მისი ტაბუს წინააღმდეგ.
მხოლოდ ჩემი, პატარა დაჭრილი მხეცის წკმუტუნს მიმსგავსებული ტირილი
ისმოდა ობობათა მიერ ქვესკნელში გამართული ველური ბუქნაობის საწა-
ნააღმდეგო უძლურ პროტესტად.

მისი სახლის საღარბაზოსთან ვუთხარი, რომ ჭერჭერობით ყველაფერი
დაკარგული არ არის-მეთქი, რომ ჩვენ ორზე იყო დამოკიდებული, შედგებო-
და თუ არა ჩვენი „ნამდვილი“ შეხვედრა. ახლა იმანაც იცოდა თამაშის წესები
და ეს წესები უკვე მარტივი ხდებოდა, ვინაიდან დღეის ამას იქით, ჩვენ მხო-
ლოდ ერთმანეთის ძებნაში ვიქნებოდით. მან მითხრა, რომ ორ კვირას ითხოვ-
და შევბუღებას, მეტროში თან წიგნს წამოიღებდა და მიწისქვეშა სამყაროში
უფრო სწრაფად გაირბენდა საშინელი დრო; რომ მოიგონებდა ათასგვარ ხერხს
და წიგნის კითხვასა თუ აფიშების თვალიერებაში გართული დამელოდე-
ბოდა. ფიქრადაც არ გვსურდა გაგვევლო აუხდენლობა სურვილისა, არ გვსურ-
და გვეფიქრა იმაზე, რომ ერთ ვაგონში მოხვედრა მაინცდამაინც ბევრს არა-
ფერს ნიშნავდა; რომ ახლა უკვე არამც და არამც აღარ შეიძლებოდა თავის
მოტყუება. მე ვთხოვე — არ ეღელვა, მშვიდად ემგზავრა და ტირილი არ
გაებდა ამ ორი კვირის მანძილზე, სანამ ვიპოვიდი. ის უსიტყვოდ მიმიხ-
ვდა, რომ თუ ჩვენ ამ ორ კვირაში ვერ შევხვდებოდით, ანდა შევხვდებოდით,
მაგრამ დერეფნები სხვადასხვა მხარეს წაგვიყვანდნენ, აღარ ექნებოდა აზრი
კაფეში დაბრუნებას და მისი სახლის საღარბაზოსთან ერთმანეთისათვის ლო-
დინს.

ზედ ქუჩასთან გამომავალ კიბესთან, რომელიც ნათურის ყვითელ შუქს
ზევით აეტყორცნა, თავის ბინაში, თავის ლოგინში მწოლიარე წარმოსახვი-
თი მარი-კლოდის ფანჯრამდე, მე ქალს თმაზე ვაკოცე და ხელიდან ფრთხი-
ლად გავუშვი მისი თბილი ხელი. მას არ დაუწყია ჩემი ტუჩების ძებნა, ჩუ-
მად გადგა განზე, შეტრიალდა და აუყვა კიბეს, ერთ-ერთს იმ უამრავ კიბე-
თაგანს, რომელიც მაშორებდა მარი-კლოდებს და მათ კვალზე ერთი ნაბი-
ჯის გადადგმის ნებასაც არ მაძლევდა.

შინ ფენით დავბრუნდი, ერთიანად განადგურებული და მაინც თითქოს ახალი იმედებით აღვსილი. ობობები სადღაც გამჭრალიყვნენ, ისინი უკვე აღარ მაშინებდნენ, რადგან თამაშს თავიდან ვიწყებდი, როგორც დღემდე არაერთხელ დამიწყია, მაგრამ ამჯერად მარტო მარტი-კლოდიანს ორშაბათს დილაადრიან ჩავედი სადგურ „კურონში“ და გვიან საღამოს ანკვედი „მაქს დორმუაზე“, სამშაბათს „კრიმერში“ ჩავედი, ოთხშაბათს — „ფილიპ-ოგიუსტში“, თამაშის წესებს ზუსტად ვიცავდი, თხუთმეტსადგურიან ხაზს ვირჩევდი, რომელთაგან ოთხს გადასაჯდომი სადგური ჰქონდა; პირველ მათგანზე გადასვლისას ვიცოდი, რომ „სევერ-მონრეის“ ხაზისკენ უნდა წავსულიყავ, მეორეზე გადმოსვლისას კი — გეზი „კლიმ-პორტ-ლოფინისკენ“ უნდა ამეღო, მარშრუტის არჩევისას არ ვემორჩილებოდი არავითარ ლოგიკას, ვინაიდან ამ დროს არც შეიძლება არსებობდეს რაიმე ლოგიკა, თუმცა მარტი-კლოდი, უეჭველია, სადმე თავისი სახლის ახლომახლო, „დანფერ-როშროზე“ ანდა „კორვიზარზე“ გადმოვიდოდა, შეიძლება „პასტერზეც“ გადმოსულიყო, რომ მერე „ფალგიერისკენ“ გაჰყოლოდა მატარებელს. ჯადოქრული ხე კვლავინდებურად შლიდა თავის უხსენებლისმაგვარ ტოტებს, ხლართავდა წითელი, ლურჯი, თეთრი პუნქტირების საცთურებს. ხუთშაბათი, პარასკევი, შაბათი... ვდგავარ, ვიცდი ბაქანზე და ვუცქერი, როგორ შემოდის მატარებელი, შვიდი თუ რვა ვაგონი, ვუყურებ როგორ ანელებენ ვაგონები სვლას, სირბილით მივყვები მატარებელს და ძლივძლივობით ვეტენები ბოლო ვაგონში. მაგრამ მარტი-კლოდი იქ არა მხვდება; გადმოვდივარ მომდევნო სადგურზე და ველოდები შემდგომ მატარებელს, ერთ გაჩერებას კიდევ გავივლი და ახლა სხვა ხაზზე გადავდივარ, მივჩერებივარ უმარიკლოდოდ ჩაქროლილ ვაგონებს, ისევ გავუშვებ ერთ-ორ მატარებელს და ვჯდები მესამეში, მივყვები ბოლო გაჩერებამდე, ვბრუნდები ერთ-ერთ სადგურში, რომელსაც გადასაჯდომი კვანძი აქვს და თავს ვირწმუნებ, რომ მხოლოდ მეოთხე მატარებელში შეიძლება ჩაჯდომა, მერე ძებნას დროებით ვწყვეტ, ავდივარ მაღლა, რათა ვისადილო, ორ-სამჯერ მაინც დავარტყა მწარე კვამლის ნაფაზი და კვლავ დავბრუნდები ძირს, ჩამოვჯდუ სკამზე და დაველოდო მეორე ან მეხუთე მატარებელს. გავიდა ორშაბათი, სამშაბათი, ოთხშაბათი, ხუთშაბათი, ობობები თავს აღარ მახსენებენ, ვინაიდან იმედი ჯერ არ დამიკარგავს, ვინაიდან ჯერ მაინც „შმენ-ვერის“ სადგურის სკამზე ვზივარ და ვიცდი, ვიცდი ამ უბის წიგნაკით, რომელშიც ხელი უნებურად წერს მხოლოდ იმიტომ, რომ გამოვიგონო რაღაც სხვა დრო, შევაჩერო ის გრიგალი, შაბათისკენ რომ მიმაქროლებს, როცა, უეჭველია, ყველაფერი დასრულდება, როდესაც შინ მარტო დავბრუნდები, ობობები კი კვლავ გაიდვიძებენ და დამიწყებენ გააფთრებულ ღრღინას, ჩხვლეტას თუ კბენას, მომთხოვენ თამაშის განახლებას, სხვა მარტი-კლოდებს, სხვა პაულებს, — ყოველი კრახისა და საბედისწერო რეციდივის შემდგომ გარდუვალ პროლოგს.

მაგრამ დღეს ჯერჯერობით ხუთშაბათია, ვიმყოფები „შმენ-ვერის“ სადგურზე, ზევით, მიწაზე, ალბათ, უკვე ბინდი წვება, ჯერ კიდევ შემეძლო თავი მენუგეშებინა არცთუ ისეთი აბსურდული აზრით, რომ მეორე მატარებლის მეოთხე ვაგონში აღმოჩნდებოდა მარტი-კლოდი, ის ფანჯარასთან უნდა იჯდეს, აი, მან დამინახა, წამოდგა და კივილი აღმოხდა, რომელსაც ვერავინ გაიგონებს ჩემს გარდა, — მე ეს კივილი დავინახე — და ვახტები და-

საკეტად გამზადებულ კარს, რომ რამენაირად შევეტენო გაჭედნილ ვაგონში, აქეთ-იქით მივწი-მოვწიო მობუზლუნე მგზავრები, მოვეყვე ბოდიშების ბურტყუნს, რომელსაც არც არავინ ელის და არც არავის სჭირდება, და ბოლოს და ბოლოს გავჩერდე ჩანთებით, ქოლგებითა და ფეხებით დახუჭნილ კაპიტანს. მარი-კლოდი ზედ ფანჯარასთან ზის, ნაცრისფერი პალტო-ცხვირ-ვაგონის მკვეთრი გაქანებისაგან შავი თმის ბლუჯა ოდნავ შეუტოკდა, მუხლზე დაწყობილი ხელები კი ძლივს შესამჩნევად აუკანკალდა ნიშნად ძახილისა, რომელსაც სახელს ვერ დაარქმევ, რომელსაც, მეგონა, უმაღლესი ვაგონებდი, უსათუოდ ვაგონებდი. არაფრის თქმა არ იყო საჭირო, ანკი რისი თქმა შეიძლებოდა ჩემსა და მარი-კლოდს შორის აღმართული გაუცხოებული სახეებისა და შავი ქოლგების კედლის აქედან. სამი გადასაჯდომი სადგური დადარჩა, მარი-კლოდმა ერთ-ერთი უნდა ამოირჩიოს, გაიბროს პლატფორმა, და ან რომელიმე გადასასვლელისკენ წავიდეს, ან ქუჩაში გამავალი კიბისკენ. მან არ იცის, მე რომელი გზა მაქვს არჩეული, რომელსაც ამჯერად ვერასდობებით ველარ გადავუხვევ. მატარებელი სადგურ „ბასტილიას“ უახლოვდება, მაგრამ მარი-კლოდი მაინც ზის, ხალხი შედის და გადის, მის გვერდით თავისუფლდება ადგილი, მე ფეხს არ ვიცვლი, არ შემიძლია მის გვერდით დაჯდომა, არ შემიძლია ვიმღელვარო, ამ ქალთან ერთად მუხლების ცახცახმა ამიტანოს, ის, რასაკვირველია, საშინლად ღელავს; აი, უკან მოვიტოვეთ „ლედ-რიუ-როლენიც“ და „ფრუადებრ-შალინიც“; მარი-კლოდმა იცის, რომ ამ უგადასასვლელებო სადგურებზე მე არ შემიძლია უკან გავყვე და განძრევისა ეშინია; თამაშში მთავარი არჩევანი „როლი-დიდროს“ ანდა „დომენილის“ სადგურებზე უნდა მოვახდინოთ. აი, მატარებელი უახლოვდება „რეი-დიდროს“ და მე განზე ვიხედები, არ მინდა იცოდეს იმანაც, არ მინდა მიხვდეს, რომ აქ არ ვაპირებ ჩასვლას. მატარებელი დაიძრა და ვხედავ, იგი იქვე ზის; დაგვრჩა უკანასკნელი იმედი: „დომენილის“ მხოლოდ და მხოლოდ ერთი გადასასვლელი და ქუჩაში ერთი გასასვლელი აქვს — საქმე ან ავად წავვივა ან კარგად, ან პო, ან არა.

აი, მაშინ კი შევხედეთ ერთმანეთს, მარი-კლოდი თავს მალლა სწევს და ბირდაპირ სახეში მიყურებს, შესცქერის იმ კაცის გაფითრებულ სახეს, გამწარებით რომ ჩასჭიდებია სახელურს და თვალს არ აშორებს ქალის სისხლისაგან დაწრეტილ სახეს, თვალს არ აშორებს მარი-კლოდს, წითელი ხელჩანთა რომ ჩაუხუტებია და მატარებელი „დომენილის“ პლატფორმას გაუსწორდება თუ არა, უმაღლესი წამოდგება...

კვალზე მიყოლა

საკმაოდ ჩვეულებრივი ამბავი გადმოცემული უფრო ვარჯიშის სტილით, ვიდრე სტილში ვარჯიშით, ვთქვათ, ვინმე პენრი ჩეიმსის მიერ, ვინც შესაძლია, ოციანი წლებს ბუენოს-აირესის ან ლა-პლატის პარტიოში ნება-ნება წრუბავდა მატეს.

სორხე ფრავა უკვე ორმოცს იყო გადაცილებული, პოეტ კლადიო რომეროს ცხოვრებისა და შემოქმედების შესწავლა საბოლოოდ რომ გადაწყვიტა.

1.1. ჩეიმსი (1853-1916) - ამერიკელი მწერალი.

ფრაგას ეს აზრი კაფეში დაებადა, მეგობრებთან ერთ-ერთი საუბრის დროს, როცა ყველამ ერთხმად აღიარა, დღემდე რომეროს პიროვნებაზე, მართლაც არაფერი იყო ცნობილი: პოეტი რომერო. ავტორი სამი წიგნისა, ახლაც შურსა და აღფრთოვანებას რომ იწვევდა, ავტორისათვის კი ჩვენი საუკუნის დასაწყისში ხანმოკლე, მაგრამ ხმაურიანი წარმატება მოუტანა, თითქოს შენივთოდა საკუთარ პოეტურ სახეებს და არ დაეტოვებინა რაიმე აშკარა კვალი თავისი ეპოქის ლიტერატურათმცოდნეობითსა და მით უფრო, იკონოგრაფიულ შრომებში. იმდროინდელ ჟურნალებში გამოქვეყნებული სახობო რეცენზიებისა და სანტა-ფეს პროვინციელი ვიდაც ენთუზიასტი მასწავლებლის პაწია წიგნის გარდა, რომელიც ისე მისცემოდა ლირიკით ტკბობას, რომ ადგილი აღარ რჩებოდა ფხიზელი განსჯისათვის, არაფერი დაწერილიყო პოეტის ცხოვრებასა და მოღვაწეობაზე. თითო-ორი არასრულ ცნობასა და ბუნდოვან ფოტოსურათს თუ არად ჩავაგდებთ, სხვა ყველაფერი — ლიტერატურულ სადამოებზე შეთხზული კორები და შემთხვევითი გამომცემლების მიერ ანთოლოგიებში მოთავსებული მოკლე პანეგირიკები იყო. მაგრამ ფრაგას ყურადღება მიიქცია იმ ფაქტმა, რომ ახლაც ბევრი რომეროს ლექსებს ისეთივე თავდავიწყებითა და გატაცებით კითხულობდნენ, როგორც კარიეგოსა და ალფონსინ სტორნის ლექსებს. თვითონ ფრაგამ რომერო ჯერ კიდევ სკოლაში სწავლისას აღმოაჩინა და მიუხედავად ეპიგონთა ძალისხმევისა, მათი ჭკუის დამრიგებლური კილოსი და მოძველებული სახეებისა, „რიო-პლატის მომღერლის“ პოემები მას ახალგაზრდობისდროინდელ ისეთსავე დაუვიწყარ შთაბეჭდილებად ჰქცეოდა, როგორც ალმა-ფუერტე ანდა კარლოს დე ლა პუა¹. და მაინც, ფრაგა საკმაოდ ცნობილი კრიტიკოსი და ნარკვევისტი რომ გახდა, სერიოზულად მაშინდა დაანტერესდა რომეროს შემოქმედებით და იმ დასკვნამდე მივიდა, რომ თითქმის არაფერი იცოდა მის ადამიანურ განცდებზე. რაც გაცილებით ღრმა და ფაქიზიცი კი შეიძლება ყოფილიყო, ვიდრე მისი ქმნილებები. საუკუნის გარიჟრაჟის სხვა კარგი პოეტების ლექსებისაგან კლასული რომეროს ლექსები გამოირჩეოდა უშუალოებით და გულითადობით, ეს კი უმალ ინადირებდა ამათ ყბედობითა და ენაწყლიანობით თავგაბეზრებული ახალგაზრდების გულს. თუმცა, ისიც უნდა ითქვას, რომ მეგობრებთან და მოსწავლეებთან რომეროს პოემებზე საუბრისას, ფრაგას არაერთხელ დაბადებია კითხვა — პოეტის პიროვნების გარემომცველი იდუმალება ხომ არ აზვიადებს ამ პოეზიის მაგიას, რომლის იდეალები ბუნდოვანია, სათავეები კი უცნობიო? შემდეგ, ყოველთვის სინანულით რწმუნდებოდა, რომ, მართლაც, ეს იდუმალება და პიროვნების შეუცნობლობა გაცილებით უცხოველებდა ინტერესს რომეროს თაყვანისმცემლებს, თუმცა, მისი პოეზია თავისთავად მაინც იმდენად კარგი იყო, რომ ფესვების გაშიშვლება პოეტის ღირსებას ვერაფერს დააკლებდა.

ერთხელ, როდესაც სწორედ ამგვარი შეკრების შემდეგ გამოდიოდა კაფედან, სადაც თანამოსაუბრეებმა კვლავინდებურად ზოგადი ქება-დიდება

¹ ე. კარიეგო და ა. სტორნი, ალმა-ფუერტე (პედრო პალასიოსი) და ე. დე ლა პუა — ჩვენი საუკუნის პირველი ათწლეულის არგენტინელი პოსტმოდერნისტული პოეზიისა და პროზის წარმომადგენლები.

მიუძღვნეს რომეროს, ფრაგამ იგრძნო ამ პოეტის აუცილებლად შესწავლის და-
 ყინებული მოთხოვნა, მაგრამ იმასაც მიხვდა, რომ ამჯერად არ შეეძლო მარ-
 ტოდენ წმინდა ფილოლოგიური ძიებით შემოფარგლულიყო, მისთვის უმაღ-
 ნათელი შეიქნა, რომ — უნდა აღედგინა ბიოგრაფია ამ სიტყვის ყველაზე
 ფართო მნიშვნელობით: პიროვნება, წრე, შემოქმედება ^{მათ — განუყოფელ}
 მთლიანობაში; თუმცაღა ამოცანა ძნელად გადასაწყვეტი ეჩვენებოდა, რადგან
 დროს წარსული პუნდოვანების სქელი საბურველით დაეფარა. თავდაპირვე-
 ლად საჭირო იყო დაწვრილებით კარტოთეკების შედგენა, მერე კი, პოეტის
 კვალზე მავალს თავიდან ბოლომდე მის მღვერად ქცეულს, უნდა ეცადა მთე-
 ლი მასალის სინთეზირება. მხოლოდ აი, ასეთი გზით შეეძლო გაეხსნა რომე-
 როს შემოქმედების ჭეშმარიტი აზრი.

ამ საქმისათვის ხელის მოკიდება რომ გადაწყვიტა, ფრაგა თავისი ცხოვ-
 რების კრიტიკულ ხანაში იმყოფებოდა. უკვე მოეპოვებინა ცნობილი მეც-
 ნიერის ავტორიტეტი და დოცენტის წოდება, პატივს სცემდნენ კოლეგები და
 სტუდენტები. იმავე დროს ცოტა ხნის წინანდელი მისი ცდა, მიეღწია ოფი-
 ციალური მხარდაჭერისათვის ევროპაში გასამგზავრებლად — იქაურ ბიბლი-
 ოთეკებში სამუშაოდ, ბიუროკრატიულ დაბრკოლებებს წააწყდა და სავალა-
 ლოდაც დასრულდა. მისი პუბლიკაციები ისეთი არ გახლდათ, ფართოდ რომ
 უღებენ კარს სამინისტროები. მოდაში მყოფ რომანიტსა და საგაზეთო სვე-
 ტის მასშტაბის კრიტიკოსს შეეძლოთ გაცილებით მეტის იმედი ჰქონოდათ,
 ვიდრე მას. ფრაგას მშვენივრად ესმოდა, რომ თუკი რომეროზე დაწერილი მისი
 წიგნი წარმატებას მოიპოვებდა, ბევრი რთული საკითხი თავისთავად გადაიჭ-
 რებოდა. ის არ ყოფილა დიდების უზომო მოყვარული, მაგრამ აღშფოთებისა-
 გან გულს ასკდებოდა, როცა ხედავდა, რა იოლად იტოვებდნენ უკან მარჯვე
 მჯღაბნელები. თავის დროზე თვითონ კლაუდიო რომეროც მწარედ განიცდი-
 და, „მაღალი წრის მოლექსეებისათვის“ ხელმისაწვდომი რომ ხდებოდა ისეთი
 დიპლომატიური პოსტი, რაზედაც მას, რომეროს, უარს ეუბნებოდნენ.

ორწელიწადნახევარს ავროვებდა ფრაგა წიგნისათვის მასალას. სამუშაო
 არ გასძნელებია, თუმცა საჯახირო და შიგადაშიგ მომქანცველი გამოდგა.
 ხშირად უხდებოდა გამგზავრება პერგამინოში, სანტა-კრუსსა და მენდოსში;
 უხდებოდა ბიბლიოთეკარებთან და არქივარიუსებთან მიწერ-მოწერა, გაზე-
 თებისა და ჟურნალების ქექვა, აუცილებელი რამეების ამოწერა, და ამასთან
 იმდროინდელი ეპოქის ლიტერატურულ მიმდინარეობათა შესწავლა. 1954
 წლის ბოლოს უკვე მკაფიოდ გამოიკვეთა მომავალი წიგნის ძირითადი მი-
 მართულება, თუმცა ფრაგას ჯერჯერობით ერთი ფრაზა, ერთი სიტყვაც არ
 დაეწერა.

სექტემბრის ერთ საღამოს ბარათების შავ ყუთში ახალ ბარათს რომ
 დებდა, უნებურად ჰკითხა საკუთარ თავს; ხომ არ აღემატებოა ჩემს შე-
 საძლებლობას ეს ამოცანა? სიძნელეები არ აღელვებდა, უფრო პირიქით იყო—
 აღელვებდა სიადვილე, როგორც გატკეპნილ გზაზე სიარული. ყველა მონა-
 ცეში შეეგროვებინა და აღარათფერი საინტერესოს მიგნება აღარ იყო მოსალოდ-
 ნელი, არც არგენტინის წიგნსაცავებში და არც თანამედროვეთა მოგონებებში.

მას შეეკრიბა მანამდე უცნობი თითქმის ყველა ცნობა, რასაც შეიძლო რითიმე ნათელი მოეფინა რომეროს ცხოვრებისა და შემოქმედებისათვის. მთავარი ახლა ის იყო, შეუცდომლად, სწორად მოეხაზა თხრობის თანმიმდევრობა და მომავალი წიგნის კომპოზიცია.

„მაგრამ რომეროს სახე... არის თუ არა იგი ჩემთვის საკმაოდ ნათელი? — ეკითხებოდა საკუთარ თავს დაფურფლილი სიგარეტის ბოლოს მიშტერებული ფრაგა, — პო, ჩვენს მსოფლმხედველობათა შორის არსებობს მსგავსება. ჩვენს ესთეტიკურსა და პოეტურ გემოვნებათა შორისაც შეინიშნება გარკვეული ერთობა, არსებობს ყველაფერი, რაც აუცილებლად განაპირობებს ბიოგრაფის არჩევანს, მაგრამ სათქმელს ზომ არ ჩამომამშორებს ეს და ფაქტურად ზომ არ მიბიძგებს საკუთარი ბიოგრაფიის შესაქმნელად?“. მას უფლება ჰქონდა გამოტყდომოდა საკუთარ თავს, რომ თვითონ არასოდეს გააჩნდა პოეტური ნიჭი, თავად პოეტი კი არა, პოეზიის მოყვარული იყო მხოლოდ და რომ მისი საკუთარი შესაძლებლობა შემოიფარგლებოდა ლიტერატურული კრიტიკით, იმ ტკბობით, რომელიც ცოდნას მოაქვს, ოღონდ, ფხიზლად უნდა ყოფილიყო, რათა პოეტის შემოქმედებითი პროცესის ანალიზისას შემთხვევით არ გაეთავისებინა სხვისი როლი. არა, არავითარი მიზეზი არ გააჩნდა, შაში გაეგლო გულში რომეროსადმი სიმბათიისა და მისი პოემებით გატაცების გამო. საჭირო იყო მხოლოდ, როგორც ფოტოსურათის გადაღებისას ხდება ხოლმე, აპარატი ისე მიემარჯვებინა, რომ ჩარჩოს ობიექტისათვის ფეხები არ გადაეჭრა.

მაგრამ, როცა უკვე მის წინაშე სუფთა ქალაქის ფურცელი იდო — იმ კარივით, რომელიც კარგა ხანია ელის გაღებას, ფრაგა კვლავ ეჭვმა შეიპყრო: გამოუვიდოდა თუ არა წიგნი ისეთი, როგორიც სურდა. პოეზიაში კრიტიკული ექსკურსიებით ცხოვრების ჩვეულებრივი აღწერა ავტორს მსუბუქ თავშემაქცევრობამდე დაშვებით ემუქრება, თუკი ისეთი ყაიდის მკითხველზე აიღებდა ორიენტაციას, რომელიც ყველა წიგნისაგან მორუასეულ კინოტრიუკებსა და სენტენციებს ელის. მეორეს მხრივ, არაფრით არ შეიძლებოდა ამ უსახელო მასობრივი მომხმარებლის დაკარგვა, რომელსაც მეგობარი სოციალისტები „ხალხს“ ეძახიან; არ შეიძლებოდა მათი არად ჩაგდება თავისი ერთი მუჭა კოლეგა-ერუდიტების საამებლად. აუცილებელი იყო მასალის იმგვარად გადმოცემა, რომ წიგნს ფართო ინტერესი გამოეწვია, მაგრამ ბანალურ ბესტსელერადაც არა ქცეულიყო; ერთდროულად მოეპოვებინა სამეცნიერო სამყაროს აღიარებაც და შაბათ საღამოს სავარძელში მყუდროდ მოკალათებული ობივატელის სიყვარულიც.

დიახ, თითქოსდა ფაუსტის განცდები, გარიგების წუთები ყოფილიყოს. ფანჯრის მიღმა რიჩრაჟი იდგა, მაგიდაზე — ნამწვთა გროვა, უღონოდ მოწყვეტილ ხელში ღვინის ბაკალი შერჩენოდა. „ღვინოვ, ხელთათმანივით შენც დროს ფარავ“, — წერდა სადღაც კლაუდიო რომერო.

„რატომაც არა, — უთხრა საკუთარ თავს ფრაგამ და სიგარეტი გააბოლა, — ახლა რომეროზე ჩემდენი თითქმის არავინ იცის და უდიდესი სისულელე იქნებოდა, ჩვეულებრივი, რაღაც სამას ეგზემპლარიანი ტირაჟით გამოსაცემი მოთხრობის დასაწერად შემეწუხებინა თავი; მაგისტანა რამეებს არც ხუარესი და რიკარდო გამოაცხობენ ჩემზე ურიგოდ. სუსანა მარკესზე კი ძეხორციელს დღემდე არაფერი არა სმენია“.

კლაუდიო რომეროს გარდაცვლილი მეგობრის უმცროსი ძმის, ბრაგადოელი მომრიგებელა მოსამართლის უნებურად წამოცდენილმა სიტყვამ ფრაგა საგულისხმო კვალზე დააყენა. ქ. ლა-პლატის მოქალაქეთა მდგომარეობის აქტების სარეგისტრაციო ბიუროს ჩინოვნიკმა კარგა ხნის ძებნის შემდეგ მოუწახა მას პილარეში სასურველი მისამართი. სუსანა მარკესის ქალიშვილი ოცდაათიოდე წლის ჩაფუნთუშებული, პატარა ტანის ქალი აღმოჩნდა; თავდაპირველად მოუცლელობის მოსაბაბებით (მწვანილეულობის დუქანში ვაჭრობდა), იგი შეეცადა თავი აერიღებინა ფრაგასთან საუბრისათვის, მაგრამ მერე ოთახში შეიპატიჟა, შტერაან სავარძელზე მიუთითა და საუბარზე დათანხმდა. პირველი შეკითხვის შემდეგ ქალი ერთხანს დუმილით მიაშტერდა ფრაგას, მერე გულამოსკვნილი ასლუკუნდა და ცრემლების წმენდით დაიწყო თავისი საბრალო დედის ამბის თხრობა. ფრაგამ შეცბუნება დასძლია და გადაკვრით უთხრა, კლაუდიო რომეროსა და სუსანას ურთიერთობის ამბავი ყურმოკრულად მსმენიანო, მერე კი, სათანადო დელიკატურობით, ცოტაოდენი წაიფილოსოფა კიდევ იმის თაობაზე, რომ პოეტის სიყვარული ხშირად გაცილებით მეტს ნიშნავს, ვიდრე ქორწინების მოწმობა. კიდევ რამდენიმე ამგვარი ქათინაურის შემდეგ ქალმა ირწმუნა მისი სიტყვები და გულაჩუყებულმა საიდუმლოც გაანდო. ცოტა ხნის შემდეგ ქალს ხელში ეჭირა ორი ფოტოსურათი — ერთი რომეროს იშვიათი, გამოუქვეყნებელი სურათი, მეორე გაყვითლებული ფოტოსურათი, სადაც რომეროს გვერდით იჯდა თავისი ქალიშვილივით ჩაფუნთუშებული, სანდომიანი ქალი.

— წერილებიც მაქვს, ეგებ გამოგადგეთ, თუკი, როგორც ბრძანებო, მართლაც აპირებთ რაიმეს დაწერას... — თქვა რაქელ მარკესმა.

ის დიდხანს იქეჭებოდა ნოტების თაროებზე დახვავებულ ქაღალდებში, ბოლოს ფრაგას სამი წერილი გაუწოდა. ფრაგა დარწმუნდა თუ არა, ხელნაწერი ნამდვილად რომეროსიაო, წერილები უმალ პორთფელში შეინახა. საუბრისას უკვე მიხვდა, რაქელი არ იყო პოეტის ქალიშვილი, რადგან პირველსავე წინდახედულ შეკითხვაზე ქალმა, ვითომცდა ჩაფიქრებულმა, თავი ძირს დახარა და დუმილი ირჩია. მერე თქვა, რომ დედამისი ცოლად გაჰყვა ერთ ბალიკარსელ ოფიცერს (ფანხიოს¹ თანამემამულეს, თითქოს ნათქვამის დასადასტურებლად დაუმატა მან), რომ ორივენი მაშინ დაიხოცნენ, როცა თვითონ რვა წლისა იყო, და რომ დედა კარგად ახსოვდა, მამა კი — თითქმის არა, სიმკაცრით კი ნამდვილად მკაცრი იყო.

ფრაგამ ბუენოს-აირესში დაბრუნებისთანავე წაიკითხა სუსანასადმი მიწერილი კლაუდიო რომეროს წერილები — და მოზაიკური სურათის ბოლო ნაწილში ყველაფერი თავ-თავის ადგილზე დალაგდა; მას მოულოდნელად ხელთ შერჩა სრულიად დასრულებული კომპოზიცია, გაიხსნა დრამა, დრამა, რომელიც პოეტის უმეცარსა და ფარისეველ თაობას ფიქრადაც არ მოუვიდოდა. 1917 წელს რომერომ გამოაქვეყნა ორენი პასისადმი მიძღვნილი რამდენიმე პოემა, მათ შორის ცნობილი „ოდა შენს ორმაგ სახელს“², რომელიც კრიტიკამ სიყვარულის ყველაზე მშვენიერ პოემად აღიარა არგენტინაში მანამდე დაწერილ პოემათა შორის. ამავე დროს ამ პოემის გამოჩენამდე ერთი

¹ ცნობილი არგენტინელი ავტომსრბოელი 50-იან წლებში.

² Paz — მშვიდობა, მკუდროება (ესპ.).

წლით ადრე მეორე ქალი დებულობს რომეროს საუკეთესო პოეტურ ქმნილებათა სულისკვეთებით გამსჭვალულ, ეგზალტიციითა და თავგანწირულობით აღსავსე სამ წერილს, სადაც ავტორს, ბერძნული გუნდის მთავარი გამრიფით, ერთდროულად საკუთარი სულიც გაეშიშვლებინა და თავისი ბედ-იღბლის გადაწყვეტაც ედვა თავს. წერილების წაკითხვამდე ფრაგა ვარაუდობდა, რომ ეს იქნებოდა ინტიმური გრძნობების სარკისებურად ამრეკლავი, ჩვეულებრივი სასიყვარულო მიმოწერა, რომელსაც მარტოოდენ ორი ადამიანისათვის აქვს ზოლმე მნიშვნელობა, სინამდვილე სხვაგვარი გამოდგა — ის ყოველ ფრაგაში პოულობდა დიდი პოეტისათვის ნიშანდობლივ სულიერ სამყაროს, სიყვარულის ყოვლისმომცველი აღქმის ძალმოსილებას. სუსანა მარკესისადმი რომეროს ვნება პოეტს სრულებითაც არა სწყვეტდა დედამიწისაგან, პირიქით, ყოველ სტრიქონში იგრძნობოდა ზოგადკაცობრიული მღელვარება — რაც კიდევ უფრო ამაღლებდა საყვარელ ქალს — იგრძნობოდა ცხოვრებისეული, მებრძოლი პოეზიის თვითდამკვიდრება და გამართლება.

ამბავს თავისთავად რთული არ ეთქმოდა. რომეროს სუსანა გაუცვნილა-პლატის ერთ, არც თუ საჩინო ლიტერატურულ სალონში და მათი რომანი ემთხვეოდა პოეტის თითქმის სრულ დუმილს. დუმილს, რომელსაც მისი ვიწროშუბლა ბიოგრაფები ვერაფრით ხსნიდნენ, ანდა იმას აბრალებდნენ, რომ ქლექის პირველი ნიშნები იმ ხანებში გამოაჩნდათ, რამაც ორი წლის შემდეგ სამარეშიც ჩაიყვანა, საშუალო სკოლის უმუშევარი მასწავლებლის, მოხუცი და ღარიბი მშობლების ერთადერთი ქალიშვილის, თაყვანისმცემელ მამაკაცთა წრეს მოკლებული სუსანა მარკესის არსებობის შესახებ არავინ არაფერი არ იცოდა — თითქოსდა იგი მაშინაც, როგორც შემდეგში, მხოლოდ და მხოლოდ ბუნდოვანი გამოსახულება ყოფილიყო ფერგადასულ ფოტოსურათზე, სურათიდან კი მარტოოდენ ვეება, შეშინებული თვალები იცქირებოდნენ. პოეტის მოღვაწეობის ხანა, როდესაც იგი აღარ მონაწილეობდა ლა-პლატის ლიტერატურულ საღამოზე, დაემთხვა ევროპის ომის მეტად დრამატულ პერიოდს, ახალი საზოგადოებრივი ინტერესების გამოღვიძებას, ახალი პოეტური ხმების გამოჩენას. ამიტომაც ფრაგას შეეძლო თავი ბედნიერად ჩაეთვალა, პროვინციის მომრიგებელი მოსამართლის მიერ გაკვრით ნათქვამი სიტყვების გამო. ჩაავლო თუ არა ხელი ამ უწვრილეს ძაფს, ფრაგამ მიაკვლია ბურაკოს ერთ პირქუშ სახლს, სადაც რომეროსა და სუსანას თითქმის ორი წელი გაეტარებინათ; რაქელის მიერ მისთვის გადაცემული წერილები ამ ორწლიანი პერიოდის ბოლო ხანებს ეკუთვნოდა. ლა-პლატის შტამპელიანი პირველი ბარათი გაგრძელება ჩანდა ადრე გაგზავნილი წერილისა, სადაც, ეტყობა, პოეტისა და სუსანას შესაძლო ქორწინებაზე უნდა ყოფილიყო საუბარი. ახლა პოეტი დიდ სინანულს გამოთქვამდა თავისი ავადმყოფობის გამო და ფიქრადაც არ სურდა გაეელო სუსანაზე დაქორწინება, ვისაც, ვაი რომ, მესასთუმლის ბედი უფრო ელოდა, ვიდრე მეუღლისა. მეორე წერილმა ის პირდაპირ აღაფრთოვანა: მგზნებარე ფიცი ადგილს უთმობდა რაღაც არაჩვეულებრივ, ამაღელვებელ, გულწრფელ მუდარას, თითქოსდა რომერო ცდილობდა, როგორმე ჩაეგონებინა თავისი მიჯნურისათვის, რათა მასსავით შეგნებულად შეგუებოდა ტრაგედიას და მედგრად გადაეტანა სულიერი ტკივილი. ერთ პატარა ნაწყვეტში ყველაფერი იყო ნათქვამი: „ჩვენს ცხოვრებასთან არავის ესაქმება, გირჩევ, თავისუფლება ამჯობინო და დუმილი დაიცვა.“

მაშინ ჩვენ, ქორწინების უღლისაგან თავისუფალი, კიდევ უფრო ძლიერი და სამარადქამო კავშირი შეგვაერთებს. კანონით შეუღლებისას მე მუდამ შენს ჯალათად ვიგრძნობდი თავს, როგორც კი ჩემს სავანეში ვარდებით ხელ-დამშვენებულს დაგინახავდი“, მერე იქვე მკაცრად დასძენდა: „მე არა მსურს პირში გახველო, არა მსურს ოფლსა მწმენდდე, შენ სხვა სხეულის მოწამე იყავი, მეც სხვა ყვავილებს ვთავაზობდი. ღამე მხოლოდ მე ერთს მჭირდება და ნებას არ მოგცემ მიყურებდე, როგორა ვტირი“. მესამე წერილი გაცილებით მშვიდ კილოზე იყო დაწერილი. ჩანს, სუსანა უკვე დათანხმდა, მიეღო პოეტის მსხვერპლი. ერთ ადგილას ნათქვამი იყო: „შენ ირწმუნები, მოგაჯადოვე და გაიძულე, დაპყვე ჩემს ნებას... მაგრამ ეს ნება — მომავალია შენი და უფლება მომეცი, დავთესო ეს თესლი, რაც სამაგიერო ჯილდოს მომაგებს უაზრო სიკვდილისთვის“.

ფრაგას მიერ დადგენილი ქრონოლოგიის მიხედვით მონოტონურ-მშვიდ კალაპოტში მოქცეული კლავდიო რომეროს ცხოვრება ამ ხანებში უშფოთველად მიედინებოდა მშობლიური სახლის კედლებს შორის. აღარაფერი ამქლავებდა სუსანა მარკესთან მის შემდგომ შეხვედრებს, მაგრამ საწინააღმდეგოს მტკიცებაც ძნელი იყო. თუმცა იმის საუკეთესო საბუთად, რომ შედგა რომეროს თავგანწირვა და სუსანამ, ბოლოს და ბოლოს, ავადმყოფ ადამიანთან ცხოვრების დაკავშირებას თავისუფლება არტია, რომეროს პოეტური ცის კაბადუნზე ახალი, საოცრად კაშკაშა ვარსკვლავის გამოჩენაც იკმარებდა. ამ მიმოწერისა და სუსანასთან განშორებიდან ერთი წლის შემდეგ ბუენოს-აირესის ერთ-ერთ ჟურნალში გამოჩნდა ირენი პასისადმი მიძღვნილი „ოდა შენს ორმაგ სახელს“. რომეროს, ეტყობოდა, ჯანმრთელობა გაუუმჯობესდა და პოემამ, რომელსაც პოეტი თავად კითხულობდა სხვადასხვა სალონში, იგი უეცრად დიდების მწვერვალზე აიყვანა, იმ დიდებისა, რომელიც თანდათანობით იჭედებოდა პოეტის მთელი ადრეული შემოქმედებით. ბაირონის მსგავსად, მასაც შეეძლო ერთ მშვენიერ დილას ეთქვა, რომ სახელგანთქმულს გამოეღვიძა, — და აკი თქვა კიდევ სინიდიის უქენჯნელად მიუხედავად ამისა ირენი პასისადმი აღძრული პოეტის ვნება უპასუხო დარჩენილა და ამიტომაც, მაღალი საზოგადოების ურთიერთგამომრიცხველი ზოგიერთი ჭორის მიხედვით, რასაც იმდროინდელ ღირსეულ ადამიანთა თადარიგანობის წყალობით მოეღწია შთამომავლობამდე, პოეტის პრესტიჟი სერიოზულად შელაბულა, თვითონ კი, მეგობრებისა და თაყვანისმცემლებისაგან მიტოვებული, კვლავ მშობლიურ ჭერქვეშ განმარტოებულა. მალე გამოდის პოეტ რომეროს უკანასკნელი კრებული. რამდენიმე თვის შემდეგ მას პირდაპირ ქუჩაში უღებინებია სისხლი და სამ კვირაში კიდევ გარდაცვლილა. დაკრძალვაზე ბევრ მწერალს მოუყრია თავი, მაგრამ როგორც ნეკროლოგები და ჭრონიკები იუწყებიან, იმ სამყაროს, რომელსაც ირენი პასი ეკუთვნოდა, არ გაუცილებია პოეტი თავის უკანასკნელ გზაზე და მისი ხსოვნისათვის არ უცნია პატივი, რაც, ასე თუ ისე, მაინც მოსალოდნელი იყო.

ფრაგას არ გასჭირვებია იმის წარმოდგენა, რომ ირენი პასისადმი რომეროს საყვარულს შეიძლება ერთნაირად პატივისცემაც გამოეწვია ბუენოს-აირესისა და ლა-პლატის არისტოკრატიაში და სირცხვილშიც ჩაეგდო. თვითონ ირენზე კი ვერა და ვერ შეიქმნა ნათელი წარმოდგენა. ფოტოსურათს თუ დაუჭერებდა, ლამაზი უნდა ყოფილიყო ოცი წლის ასაკში, დანარჩენი

ცნობების ამოკრეფა მხოლოდ მაღალი საზოგადოების საგაზეთო კრონიკებიდან შეიძლება მოეხერხებინა. ძნელი წარმოსადგენი მაინც არ იყო, როგორ უნდა დამყარებულიყო ურთიერთობა რომეროსა და პასების ოჯახის ტრადიციების თავგამოდებულ დამცველ ქალიშვილს შორის; ქალი, უცხოელია, პოეტს რომელიმე იმ საღამოზე შეხვდებოდა, რომელსაც დრო დრო მისი მშობლები აწყობდნენ ხოლმე, რათა მოესმინათ, როგორც თავად იტყოდნენ. მოდური „მგოსნებისა“ და „არტიტებისათვის“, თანაც წინწყლებში ჩასმული სიტყვების წარმოთქმისას ხმას ალბათ გამომწვევად მიმოაქცევდნენ. მოიხიბლა თუ არა ქალიშვილი „ოდით“, აიძულა თუ არა მშვენიერმა სათაურმა, ერწმუნა ქეშმარიტება დამაბრმავებელი ვნებისა, „ამქვეყნიური ცხოვრების უამურობის“ არაფრად ჩაგდებისკენ რომ მოუხმობდა, — ამაზე პასუხის გაცემა ალბათ მხოლოდ რომეროს შეეძლო, თანაც სათუთა, რომ ეს პასუხი დადებითი იქნებოდა. მაგრამ ფრაგა თვითონვე მიხვდა, აქ თავსამტვრევი არაფერი იყო, და რომ ამ თემას არ ჰირდებოდა შემდგომი განვითარება. კლასიკური რომერო საკმაოდ ჭკვიანი გახლდათ საიმისოდ, რათა თუნდაც წუთით ერწმუნა საპასუხო გრძობის შესაძლებლობა. მათ შორის არსებული სოციალური უფსკრული და ათასგვარი დაბრკოლება, თავისი ქასტის ერთგული დამცველის — თვით ირენისა და მისი არისტოკრატიული ოჯახის მიერ აღმართული ორმაგკედლიანი საბყრობილე, სადაც ირენი იყო გამომწყვდელი, ქალს იმთავითვე მიუწვდომელს ხდიდა ფრაგასათვის. „ოდის“ კილოც არა ტოვებდა საამისოდ ეჭვს, მის ზეიმურ ამალღებულობას არავითარი საერთო არა ჰქონდა პოეტის სასიყვარულო ლირიკასთან. რომერო პოემაში თავის თავს „თოვლისებრ ქათქათას ფეხით დაცემულ იკაროსს“ უწოდებს — აქ რომერო ჟურნალ „კარასა და კარეტას“ ერთ-ერთი კორიფეს მიერ მისთვის შერქმეულ სახუმარო მეტსახელს იყენებს, თვითონ პოემა კი სხვა არაფერს მოასწავებდა, თუ არა მიუწვდომელი იდეალისადმი წარმოუდგენლად უზომო სწრაფვას, რის გამოც მოიპოვა არამქვეყნიური მშვენიერება: პოეზიით ფრთაშესხმული ადამიანის სასოწარკვეთილმა სწრაფვამ მზისაკენ, რომელმაც იგი დაწვა და დაფერფლა. პოეტის სიკვდილისწინა განმარტოება და ღუმილი დამავირგვინებელი ტრაგიკული ეტაპი იყო მისი თავგანწირულობისა და დედამიწაზე სავალალო დაბრუნებისა, რომლისგანაც მოწყვეტას ცდილობდა რეალობისაგან დაშორებულ თავის ოცნებებში.

„დიახ, — გაიფიქრა ფრაგამ და ღვინო დაისხა, — ყველაფერი ერთმანეთს ემთხვევა, ყველაფერი თავის რიგზეა. ისღა დამრჩენია, წერას შევუდგე“.

„ერთი არგენტინელი პოეტის ცხოვრების“ წარმატებამ, როგორც ავტორის, ისე გამომცემელთა ყოველგვარ მოლოდინს გადააჭარბა. პირველ ორ კვირაში თითქმის არავითარი კომენტარი არ დაბეჭდილა, მაგრამ შემდეგ გაზეთ „ლა როსინის“ ფურცლებზე უცებ გამოჩნდა ქების რეცენზია და გამოცოცხლდა დედაქალაქის ფლეგმატური და აზრის გამოთქმაში წინდახედული საზოგადოება: უმნიშვნელო უმცირესობის გამოკლებით, ყველა ამ წიგნზე ლაპარაკობდა. ჟურნალი „სური“, გაზეთი „ლა ნასიონი“, გავლენიანი პროვინციული პრესა ენთუზიაზმით მსჯელობდნენ სენსაციურ სიახლეზე, რაც ანაზღეულად ქცეულიყო ყოველი თავშეყრის საუბრის თემად. გამოქვეყნე-

ბულმა ორმა ცხარე დისკუსიამ (რომეოზე დაროს¹ გავლენასა და ქრონოლოგიის უტყუარობას რომ შეეხებოდა) კიდევ უფრო გააცხოველა საზოგადოების ინტერესი. პოეტის ცხოვრების პირველი გამოცემა ორ თვეში გასაღდა, მეორე — თვე-ნახევარში. ფრაგამ ვერ გაუძლო ოქროს კერპის ცდუნებას, ანგარიში გაუწია ვითარებას და შექმნა „პოეტის ცხოვრების“ ნასცენო რედაქცია და რადიოკომპოზიცია. ეტყობა, დგებოდა მომენტი, როცა ნაწარმოების გარშემო ატეხილი ხმაური და ვნებათა ქარტეხილი პიკს აღწევს ხოლმე — ანდა, თუ ვნებავთ, აღწევს იმ სახიფათო მწვერვალს, საიდანაც ამოტივტივებას იწყებს საზოგადოების მორიგი რჩეული. ამ არასასიამოვნო აუცილებლობის გამო თითქოსდა ამის კომპენსაციისათვის ფრაგას ეროვნული პრემია მიანიჭეს; თუმცა ეს არ მომხდარა მისი ორი მეგობრის დაუხმარებლად, რომლებმაც დაასწრეს ტელეფონის პირველ წკრიალს, დაასწრეს უამრავ მომლოცველს და ყველაზე ადრე ახარეს ახალი ამბავი. ფრაგამ სიცილით თქვა, ანდრე ჟიდისთვის ნობელის პრემიის მინიჭებას ხელი სულაც არ შეუშლია, იმავე საღამოს წასულიყო და ფერწანდელის მონაწილეობით ფილმი ენახათ. შესაძლოა სწორედ ამიტომაც დაიმალა სასწრაფოდ მეგობრის სახლში და იქიდან ისეთი გულგრილობით ადევნებდა თვალყურს, როგორ იგრაგნებოდა საზოგადოების აღფრთოვანების მეცხრე ტალღა, რომ თვით სტუმარმოყვარე „სატუსალოს ზემდეგს“ არაბუნებრივად და ლამის ფარისევლურად მოეჩვენა ასეთი საქციელი. მაგრამ ფრაგას იმ დღეებში ფიქრისათვის თავი ვერ დაეღწია. მას თანდათან ეძალებოდა გაურკვეველი სურვილი, განცალკევებულიყო ხალხისაგან და გამიჯნოდა პოპულარულ საკუთარ „მეს“, რომლის შესახებ გაპკიოდნენ გახეტები თუ რადიო, გამიჯნოდა სახელგანთქმულობას, რომელსაც გადაელახა ბუნოს-აირესის საზღვრება, მიეღწია პროვინციულ ინტელიგენციამდე და ლამის სამამულო კულტურის სფეროს ფარგლებსაც კი გასცდენოდა. ეროვნული პრემია თითქოს ცით მოვლენილი მადლი კი არა, რალაც სატისფაქცია ყოფილიყოს. ახლა აღარც სხვა რამ დარჩებოდა ცხრამთას იქით — ის, რაც, სიმართლე რომ ითქვას, ყველაზე მეტად შთააგონებდა მას „პოეტის ცხოვრების“ წერის დროს. არც შემცდარა: ერთი კვირის შემდეგ საგარეო საქმეთა მინისტრმა შინ მიიწვია („ჩვენ, დიპლომატებმა, ვიცით, რომ კარგ მწერლებს არ იზიდავთ ოფიციალური მიღება“) და ევროპის ერთ-ერთ ქვეყანაში კულტურის ატაშეს პოსტი შესთავაზა.

ფრაგას თავი სიზმარში ეგონა და ისე დარღვეოდა ცხოვრების ჩვეულებრივი რიტმი, რომ თავს ძალას ატანდა დიდების კიბის მომდევნო საფეხურზე ასასვლელად. პირველი ინტერვიუს, გამომცემელთა პირველი გაღიმებისა და მოფერების შემდეგ, ლიტერატურულ წრეებსა და საზოგადოებებში პირველი მიწვევის შემდეგ მან, ბოლოს და ბოლოს, კიბის იმ მოედნამდე მიაღწია, საიდანაც თითქმის თავდაუდრეკლად შეეძლო თვალი მოეველო მაღალი საზოგადოების ლიტერატურული სამყაროსათვის, ლამის მის მბრძანებლად ეგრძნო თავი და ძირიძირობამდე, თოვლივით ქათქათა გულისპირებიანად და შინშილის ტახტრევანდებიანად განეჩხრიკა ლიტერატურის მეცენატი კაცები თუ

¹ ლაპარაკია XX საუკუნის დასაწყისის ლათინური ამერიკის უდიდეს პოეტზე, რუბენ დაროზე.

ქალები, ბატის ღვიძლის პაშტეტთან ბუტერბროდებს რომ ლოღნიან და ისე მსჯელობენ დილან ტომასზე. სადაც შორს კი — ან იქვე ახლოს, რაც დამოკიდებული იყო იმჟამინდელ თვალსაზრისსა თუ განწყობილებაზე — ის ხედავდა გაზეთის მშთანთქმელთა, ტელემაყურებელთა თუ რადიომსმენელთა გამოყვეყნებულსა და მორჩილ ბრბოს, რომელთა უმრავლესობასაც არ ვაგვება რისთვის ან რატომ ემორჩილება მოთხოვნილებას — იყიდოს სარეცხის მანქანა, ანდა დიდტანიანი რომანი — ორმოცდაათი კუბური სანტიმეტრის მოცულობის ან სამას ოცდარვაფურცლიანი საგანი — და მაინც ყიდულობს, დაუყოვნებლივ იტაცებს, ზოგჯერ არსობის პურსაც სწირავს, და მიარბენინებს შინ, სადაც მეუღლეცა და ბავშვებიც სულმოუთქმელად ელიან „ამას“, იმიტომ, რომ „ეს“ უკვე აქვს მეზობელს, იმიტომ, რომ დედაქალაქის რადიოსადგურ „ელ მუნდოს“ პოპულარულმა მიმომხილველმა თავის გამოსვლაში, ზუსტად თერთმეტ საათსა და ორმოცდათხუთმეტ წუთზე „ის“ კვლავ ცამდე აიყვანა. ყველაზე საოცარი ის იყო, რომ მისი წიგნი მოხვდა შესაძენად და წასაკითხად რეკომენდირებულ ნაწარმოებთა კატალოგში, თუმცა მანამდე კლუდიო რომეროს ცხოვრება და შემოქმედება მართოდენ ინტელექტუალებს, ესე იგი, პრაქტიკულად ძალზე ცოტა ვინმეს აინტერესებდა. როდესაც ფრაგა კვლავ იგრძნობდა ხოლმე საკუთარ თავთან განცალკევების აუცილებლობას, მისი გარშემო დატრიალებული ამბების გასააზრებლად (ახლა ჯერი კინოპროდიუსერებთან მოლაპარაკებაზე მიმდგარიყო) თავდაპირველი გაცემა თანდათანობით ადგილს უთმობდა რაღაც საგანგაშო მოლოდინს, თუმცა შეუძლებელი იყო, წინ სხვა რამ დახვედროდა, გარდა დიდების კიბის მომდევნო საფეხურისა; თუკი ანგარიშში არ ჩავაგდებთ იმ გარდუვალ დღეს, როდესაც, როგორც ბალის პატარა ხიდეებზე ხდება ხოლმე, აღმართის უკანასკნელ საფეხურს, მოჰყვებოდა პირველი საფეხური — ღირსეული სვლა ქვემოთ, მოყირკებული საზოგადოებისაკენ, რომელიც ახალი ემოციების ძიებაში, პირს იბრუნებდა მისგან. იმ ხანებში, როდესაც ეროვნული პრემიის გადაცემის ცერემონიაზე გამოსასვლელი სიტყვის დასაწერად განცალკევებას აპირებდა, მთელი მისი შეგრძნება, უკანასკნელ კვირათა განმავლობაში მიღწეული თავბრუდამხვევი წარმატებიდან მოკიდებული, ერწყმოდა რაღაც ირონიულ თვითკმაყოფილებას, რის გამოც ტრიუმფიც თავისებურ ანგარიშგებად ეჩვენებოდა, ამასთან ერთად, კიდევ უფრო აღონებდა მოძალეებული შეუცნობელი მღელვარება, ანაზღეულად სულით-ხორცამდე რომ მოიცავდა ხოლმე და იმ ნაპირისკენ გაქანებით ემუქრებოდა, საითკენაც გეზის აღებას გადაჭრით ეურჩებოდა სალი აზრი და თავდაცვის გუმანი. მას იმედი ჰქონდა, რომ გამოსასვლელი ტექსტის მომზადება დაუბრუნებდა შრომის სინარულს და სამუშაოდ ოფელია ფერნანდესის მამულში გაემგზავრა, სადაც თავს მუდამ კარგად და უდარდელად გრძნობდა.

ზაფხულის მიწურული იდგა, პარკი შემოდგომის ფერებით მორთულიყო, ფრაგა აივნიდან ტკბებოდა მისი მზერით, თანაც ოფელიასთან გაება საუბარი და ძალს ეფერებოდა. კარტოთეკებით სავსე მისი სამუშაო მაგიდა პირველ სართულზე იდგა. ფრაგამ თავისკენ მიიციურა მთავარი ყუთი და პიანისტის მსგავსად, დასაკრავად რომ ცდილობს განაწყოს თავი, თითებით დაბნეულად ისე გადასინჯა მოშარიშურე ბარათები, თან იმეორებდა, რომ ყველაფერი რიგზეა, რომ მიუხედავად ვულგარული პრაქტიციზმისა, გარდუვალი იყო

მიღწეული დიდი ლიტერატურული წარმატება. რომ „პოეტის ცხოვრება“ ღირსეულ ნაღვაწს, სამშობლოსა და ერისათვის მიძღვნას წარმოადგენდა და შეეძლო გულარხეინად შესდგომოდა გამოსასვლელი სიტყვის წერას. მიელო პრემია და თადარიგი დაეჭირა ევროპაში გასამგზავრებლად. თარიღები და ციფრები ხელშეკრულების პარაგრაფებთან და სადილზე მიწვევის საათებთან დომხალივით ერეოდა თავში. სადაცაა მოვიდოდა ოფელიაც, მოიტანდა ერთ ბოთლ ხერესს, უსიტყვოდ დაჯდებოდა მოშორებით და მის მუშაობას ინტერესით დაუწყებდა ყურებას. ყველაფერი მშვენივრად აეწყო, ისღა დარჩენია, აიღოს ქაღალდის ფურცელი, ახლოს მიიციუროს ლამპა და მოუკიდოს სიგარეტს; თან ყური მიუგდოს, როგორ ჭყივის სადღაც ჩიტი ტერო.

შემდეგ მას ვერასდიდებით ველარ გაეხსენებინა — სწორედ იმ წამს შეიცნო ჭეშმარიტება თუ უფრო გვიან, როდესაც ოფელიასთან ერთად იწვა ლოგინში, ტკბებოდნენ სიყვარულით, სიგარეტს აბოლებდნენ და ფანჯრიდან შესცქეროდნენ პატარა მწვანე ვარსკვლავს. ათვალწუნების გრძნობამ, ასე დავარქვათ მას (თუმცაღა, შეგრძნების ზუსტ სახელდებას, ანდა მის არსს არა ჰქონია მნიშვნელობა), შეიძლება თავი იჩინა გამოსასვლელი ტექსტის პირველი ფრაზის დაწერისთანავე, რომელიც დაწყებით იოლად დაიწყო, მაგრამ შეფერხდა იმ ადგილას, საიდანაც ყველაფერი ჯანდაბას იქით გაუდგა გზას და აზრი დაკარგა, თითქოსდა ჭარს გაეყოლებინოს. შემდეგ შეწყდა კალმის წრიპინი და მკვდრულმა სიჩუმემ დაისადგურა — დიახ, ეტყობა, ასეა: იმ პატარა სასტუმრო ოთახიდან გამოსვლისთანავე იცოდა უკვე ყველაფერი, იცოდა, მაგრამ არა სურდა თავს გამოტყდომოდა, და ეს სიჩუმე საფეთქლებზე ისე აწვებოდა, როგორც შაკიკის შემოტევისას ანდა გრიპის შეყრის წინ იცის.

ანაზღეულად, სულიერი შეჭირვების რალაც მოუხელთებელ წამს, ბუნდოვანების ბნელი საბურველი სადღაც გაქრა და რწმენად იქცა: „პოეტის ცხოვრება“ თავიდან ბოლომდე გამოგონილია, კლაუდიო რომეროს ამბავს არაფერი აქვს საერთო მთელ მის ნაჯღაბთან. არ არსებობს საფუძვლიანი მოსაზრება, არ არსებობს პირდაპირი დამამტკიცებელი საბუთი, და მაინც ბიოგრაფია — გამოგონილია თავიდან ბოლომდე; კლაუდიო რომეროს არ გაუწირავს თავი სუსანა მარკესის გულისათვის, თავგანწირვის ფასად არ დაუბრუნებია მისთვის თავისუფლება და არც იკაროსი ყოფილა ირენი პასის თოვლივით ქათქათა ფეხთით დაცემული. ის კი, ბიოგრაფი, დინებას წყალქვეშ თითქოს აღმა მიჰყვებოდა, თავის ამოყოფის ძალა არ შესწევდა, რადგან არ სურდა, ტალღებს პირდაპირ სახეში ერტყა. — და მან იცოდა სიმართლე. მაგრამ წამება ამით არ დამთავრებულა: უკან, დინების ქვემოთ მღვრიე და ჭუჭყიანი ყურის ფსკერზე დაღეჭილიყო რწმენა იმისა, რომ მან იმთავითვე იცოდა სიმართლე.

უსარგებლოდ მოეჩვენა მეორე სიგარეტის მოწვევა, ატრუებული ნერვების დადანაშაულება, სიბნელეში ოფელიას თხელი, დამყოლი ტუჩების კოცნა. უსარგებლოდ მოეჩვენა საკუთარი თავისათვის იმის თქმა, რომ თავისი გმირით მეტისმეტად გატაცებისაგან აგზნებულს გონება დაუბნელდა, რომ მისი უღონობა შეიძლება გამართლებულიყო თავდაუზოგავად დახარჯული ენერ-

გით. ოფელიას ხელი ნაზად ესათუთებოდა მკერდზე, მისი ცხელი, ნაწყვეტ-ნაწყვეტი სუნთქვა ზედ ყურის ძირთან უღიტინებდა, მას კი მაინც ჩაეძინა.

დილით კარტოთეკების ღია ყუთსა და ქაღალდებს რომ მოჰკრა თვალი, ყოველივე ეს გაცილებით უფრო უცხოდ მოეჩვენა, ვიდრე დამეფული განცდები. ქვემოთ მატარებლების განრიგის გასაგებად ოფელია სადგურში რეკავდა, პილარამდე თორმეტის ნახევრამდე მიალწია და პირდაპირ ბოსტნეულის ფარდულისკენ აიღო გეზი. სუსანას ქალიშვილი ნაცემი ძალღივით მორჩილად და ყურებდაცქვეტილი შესცქეროდა. ფრაგამ სთხოვა, ხუთიოდე წუთი დაეთმო მისთვის; ფრაგა კვლავ შევიდა მტვრიან სასტუმრო ოთახში და ჩაქდა იმავე თეთრშალითიან სავარძელში. დიდხანს ლაპარაკი არ დასჭირვებია, ვინაიდან სუსანას ქალიშვილმა, ცრემლების წმენდით, მისი სიტყვების დასტურად უმაღ დაიწყო თავის კანტური და ბოლოს სულ ჩაქინდრა.

— დიახ, დიახ, სენიორ, სწორედ ასე იყო, სენიორ.

— მაშ, თავიდან რატომ არ მითხარით?

ძნელია იმის თქმა, რატომ თავიდანვე არა თქვა ყველაფერი, დედამ დამაფიცა, რალაც-რალაცები არასოდეს და არავისთან არ დასცდენოდა, მით უფრო მას შემდეგ, რაც დედა ბალიკარსელ ოფიცერზე დაქორწინდა... მაგრამ ახლა, როცა ფრაგას წიგნზე ასეთი ხმაური ატყდა, ძალიან, ძალიან უნდოდა წერილი მიეწერა, იმიტომ, რომ...

ქალი შეშინებული მისჩერებოდა, თან ცრემლები ლაპალუპით ჩამოსდიოდა.

— თქვენ რანაირადლა გაიგეთ? — ჰკითხა ბოლოს ქალმა.

— მაგაზე ნუ დარდობთ, გაუგებარი არაფერი რჩება.

— წიგნში სულ სხვაგვარადა წერთ, მე უკვე წავიკითხე, თავიდან ბოლომდე წავიკითხე.

— სწორედ თქვენს გამო ვწერ სხვაგვარად. ვიცი, დედათქვენთან მოწერილი რომეროს სხვა წერილებიც გაქვთ, თქვენ კი მხოლოდ ისინი მომეცით, რისი მოცემაც გასურდათ, რაც საუკეთესოდ გამოაჩენდა რომეროსაც და, მასთან ერთად, დედათქვენსაც. მე მჭირდება და დაუყოვნებლივ მომცემთ დანარჩენ წერილებს.

— მართო ერთი წერილია, მაგრამ დედამ დამაფიცა, სენიორ, — თქვა რაქელ მარკესმა.

— თუკი დედათქვენს არ დაუწვავს, მაშასადამე, არაფერია მასში ისეთი საშინელება. მომეცით, მე მას ვყიდულობ.

— სენიორ ფრაგა, მაგიტომ სულაც არ ვაპირებდი, არ მომეცა...

— აჰა, ფული, — მკაცრად უთხრა ფრაგამ, — მაგდენს შენს გოგრაშიც ვერ იშოვი.

ფრაგა უყურებდა, როგორ იქეჩებოდა ქალი სანოტო თაროედზე და ფიქრობდა, რომ ის, რაც მან ახლა გაიგო, ადრეც იცოდა (შეიძლება რალაც სხვაგვარად, მაგრამ მაინც იცოდა) რაქელ მარკესის პირველი ნახვისთანავე. ესეაა გამოაშკარავებული ჰეშმარიტება სულაც არ დასტეხია თავს ანაზღუდულად და ახლა შეეძლო უკან მიეხედა და როგორც სურდა ისე დაედანაშაულებინა თავი, ჩაპკითხებოდა საკუთარ თავს, რატომ დაამთავრა სუსანას ქალიშვილთან ასე პაიპარად თავისი პირველი პაემანი; რატომ გაახარა ასე სამმა

წერილმა, თითქოსდა ამქვეყნად მართო ეს წერილები ყოფილიყო. წერილების სამაგიეროდ რატომ არ შესთავაზა რაქელს ფული, რატომ არ გამოჰკითხა ყველაფერი, დიახ, ყველაფერი გამოწვლილივით, რაც მან იცოდა, მაგრამ დუმდა. „სისულელეა, — გაიფიქრა უმაღ, — არ შეიძლება იმ წუთში მცოდნოდა, რომ სუსანა რომეროს გამო იქცა მეძავად“. აბა, შეაზნე რატომ გაწყვიტა რაქელთან მაშინდელი საუბარი, რატომ დაკმაყოფილდა მხოლოდ უფრო ტოსურათებითა და სამი წერილით: „ეპ, ვიცოდი, ღმერთმა უწყის, საიდან, მაგრამ, ვიცოდი და მაინც დავწერე წიგნი; შესაძლოა მკითხველმაც იცის, იცის კრიტიკამაც და ირგვლივ სიცრუის ორომტრიალია, რომელშიც უკლებლივ ყველანი ყელამდე ჩავფლულვართ..“ მაგრამ იოლზე იოლი იყო განზოგადების გზას დასდგომოდა და მხოლოდ ნაწილობრივ დეადანაშაულებინა საკუთარი თავი. ესეც სიცრუედ მოეჩვენა. დამნაშავე ის იყო, მხოლოდ და მხოლოდ ის.

უკანასკნელი წერილი ფრაგას ვარაუდის სიტყვიერი დადასტურება გამოდგა, თუმცა ოდნავ შეცვლილი სახით და კამათის შემთხვევაში ფრაგას შეეძლო წერილი თავის სასარგებლოდ გამოეყენებინა, როგორც „ნივთიერი მტკიცებანი“. მას შემდეგ, რაც უკვე ჩამოგლეჯილ იქნა ნილაბი, ვილაც, კლაუდიო რომეროს სახელით, უღმობელ ლოგიკას რომ ფლობდა, მხეცურად აღჭრიალებდა კბილებს უკანასკნელ ფრაზებში. სინამდვილეში სუსანასათვის თავზე მას მოეხვია ურცხვი ხელობა, რომელსაც ქალი იმ დღიდან მოკიდებული სიცოცხლის ბოლომდე მისდევდა. — ეს თითქმის პირდაპირ იყო მიწინაშეული ორ დიდებულ პასაჟში — რომერო ქალს ურჩევდა: „ხმა არ ამოიღო, თავი არ მომაბეზრო, და, საერთოდ, ჯანდაბას იქით გქონიაო გზა“. აბუჩად ავდებოდა და დაშინებით უბიძგებდა ქალს იმ უფსკრულისკენ, რომელსაც მთელი ორი წლის განმავლობაში თავად უთხრიადა, როდესაც აუჩქარებლად, თანდათანობით რყვნიდა მიამიტ არსების. კაცი, რომელიც რამდენიმე კვირის წინათ სწერდა: „ღამე მხოლოდ მე ერთს მჭირდება და ნებას არ მოგცემ, მიუხრებდე, როგორა ვტირიო“, ახლა თავის უკანასკნელ წერილს უხამსზე უხამსი რჩევით აბოლოვებდა, რომლის შესრულებაზეც, ეტყობა, მას თავისი ანგარიში ჰქონდა, ამას ზედ მოაყოლებდა ბილწ რეკომენდაციას და დამცინავ ჭკუის სწავლებას, გამოსამშვიდობებელი სიტყვების ნაცვლად კი უსურვებდა „წარმატებას დროსტარების სარბიელზე“, თან პოლიციით ემუქრებოდა, თუ ვინიცობაა, სუსანა გაბედავდა და თვალით კიდევ დაენახვებოდა.

წაკითხულიდან ფრაგას აღარაფერი აკვირვებდა, მაგრამ ვაგონის ფანჯრის წირთხლზე მხრით უღონოდ მიყრდნობილი კიდევ დიდხანს იჯდა წერილით ხელში, თითქოსდა მის არსებაში ვილაც ცდილობდა თავი დაეღწია კოშმარული, აუტანლად გაჭიანურებული სიზმრისათვის. „ეს ნათელსა ჰფენს დანარჩენსაც“, — მოესმა გახშიანებული საკუთარი ფიქრი, დანარჩენი კი იყო ირენი პასი და „ოდა შენს ორმაგ სახელს“ — კლაუდიო რომეროს ფინალური კრახი. რილას მაქნისი იყო საფუძვლიანი მოსაზრებანი და აშკარა დამამტკიცებელი საბუთები, თუკი მოვლენათა სხვაგვარი ვითარების დიდი ხნის წინანდელ ღრმა რწმენას, არც წერილებსა და არც ვინმეს დამოწმებას რომ არ საჭიროებდა, ახლა თვითონვე ჩაემწკრივებინა რომეროს ცხოვრების ბოლო დღეები იმ კაცის აზრის თვალსაწიერზე (მისი სახელი კი, საერთოდ, არა თამაშობს რაიმე როლს), ვინც ახლა პილარიდან მატარებლით მოდიოდა და

სენიორ მგზავრებს ცოტა ვერმუტგადაკრული ეჩვენებოდათ. თავის სადგურზე რომ ჩავიდა იქნებოდა ასე ნაშუადღევის ოთხი საათი. ჟინტულავდა. შარაბანში, რომელმაც იგი ოფელიას კარმიდამომდე მიიყვანა, ცაოდა, ამასთან იდგა დანოტიებული ტყავის სუნი. რაოდენ წინდახედული იყო ამპარტავანი ირენი პასი, რაოდენ ძლიერი იყო ზნე-ჩვეულებანი არისტოკრატისა, რომელიც მომაკვდინებელ ზიზღს მიაგებდა ყველას, ვინც მათ წრეში შეღწევას მოიწადინებდა. რომერო ფლობდა ბიბლს, რითაც შეეძლო თავგზა აებნია საბრალო ქალისთვის, მაგრამ სულაც არ ყოფილა იკაროსი და თავისი მშვენიერი პოემაც არ შეიძლება ფრთებად ჰქცეოდა. ირენი, ან ის კი არა, დედამისი, ანდა მისი ძმები ტალანტის გამობრწყინების მიღმა უმაღლესი შეიცნობდნენ კარიერისთვის სწრაფვას, გაიძვერის ქვებუღანობას, რომელიც იწყებს იმით, რომ თაკილობს თავისი წრის ადამიანებს, მერე კი მზადაა, თუკი დასჭირდა, დაწიბლოს და მიწასთან გაასწოროს ისინი (ასეთ დანაშაულთან იყო სათქმელი დანაშაული სკოლის მასწავლებელ სუსანა მარკესთან), ფრაგასაგან თავის დასაღწევად არისტოკრატებს — ყელამდე ფულეებში ჩაფლულებს და ალლოიანი ლაქიებით გარშემორტყმულებს — მისთვის ცალკედ გაღიმება, მიწვევაზე უარის თქმა და თავიანთ მამულებში გამგზავრებაც ეყოფოდათ. მათ პოეტის დაკრძალვაზე დასწრებითაც კი არ შეუწყუხებიათ თავი.

ოფელია მას კარებში უცდიდა. ფრაგამ უთხრა, დაუყოვნებლივ უნდა დავჯდეო სამუშაოდ. როცა საშინლად გადაქანცულმა სივარეტი კბილებშია მოიქცია და თვალი მოავლო წინა საღამოს დაწერილ პირველ სტრიქონებს, საკუთარ თავს გამოუტყდა, რომ მის გარდა არავინ არაფერი არ იცოდა... ის თითქოს ხელახლა აპირებდა „პოეტის ცხოვრების“ წერას და კვლავ ქცეულიყო ერთადერთი წყაროს ბატონ-პატრონად. ფრაგას ჩუმად ჩაეცინა და შეუდგა საპასუხო სიტყვის წერას. კარგა მოგვიანებით, როდესაც რომეროს წერილი გაახსენდა, მიხვდა, სადღაც დაჰკარგოდა — ეტყობა, მატარებელშივე დარჩა.



ყველას, ვისაც სურს, შეუძლია გადაქეჩოს არქივი და წაიკითხოს იმ წლების ბუენოს-აირესის გაზეთებში ცნობა ეროვნული პრემიის გადაცემის თაობაზე, იმის თაობაზე, რომ ხორხე ფრაგამ მოულოდნელად, სრულიად უმიზეზოდ, დააბნია და განარისხა კეთილგონიერი ხალხი, როცა ტრიბუნიდან წამოაყენა თავისი ახალი, პოეტ კლაუდიო რომეროს ცხოვრების სრულიად უცხო ვერსია. ერთ-ერთი ქრონიკის ავტორი წერს, ფრაგას აშკარად ეტყობოდა, მაინცდამაინც ჯანმრთელად ვერ უნდა ყოფილიყო (სრულიად ნათელი ევფემიზმია!), ვინაიდან, სხვას რომ თავი დავანებოთ, ლაპარაკში გართული, ზოგჯერ რომეროს პირით მეტყველებდომ; მართალია, ორატორი თავის შეცდომას ამჩნევდა, მაგრამ იმავე წამს უარეს დღეში ვარდებოდაო. მეორე კორესპონდენტი აღნიშნავს — ფრაგას ხელში ეჭირა ორი თუ სამი ნაწერით გაჭედული ფურცელი, მაგრამ შიგ ერთხელაც არ ჩაუხედავს, და ისეთი შთაბეჭდილება იქმნებოდა, თითქოს იგი თავის თავს ელაპარაკებოდა, ხან მხარს უჭერდა, ხან უგულვებელყოფდა ეს-ესაა გამოთქმულ საკუთარ მოსაზრებას, რითაც სულ უფრო მეტად აღიზიანებდა — მერე კი თანდათან აღშფოთებდა კიდევ მრავალრიცხოვან აუდიტორიას, რომელსაც თავი მოეყარა ერთი გან-

ზრახვით, გამოეხატა ავტორის მიმართ თავისი გულწრფელი აღტაცება. ერთ-ერთი გაზეთი იტყობინება, რომ სიტყვის დამთავრების შემდეგ ფრაგას და დოქტორ ხოველიანოსის შორის ცხარე კამათი გაიმართათ. ბევრნი თურმე ხმამაღლა გამოთქვამდნენ თავიანთ აღშფოთებას და დარბაზს ტოვებდნენ; იქვე ნიშნისმოგებით ისიცაა ნათქვამი, რომ დოქტორ ხოველიანოსის მიუბრა-ნაზე, — წარედგინა უტყუარი საბუთები იმ მერყევი ბრალდებულების ერთად ჩირქსა სცხებდა კლაუდიო რომეროს წმილათაწმიდა ხსოვნას, ლაურეატს მარტო მხრები აუჩიჩია და შუბლი მოუსრესია, ამით გეგონება, იმისი თქმა სურდა, რომ ეს ყველაფერი პირადი რწმენა იყო, მერე კი, პოსტრაციაში ჩა-გარდნილი, ველარ ამჩნევდა თურმე ველარც დასაშლელად გამზადებული ხალხის დრტვინვას და ვერც იმ რამდენიმე ყმაწვილი კაცისა და იუმორის მოყვარულთა მხურვალე ტაშს, რომლებიც, ეტყობა, აღფრთოვანებულნი იყ-ვნენ ეროვნული პრემიის მინიჭების გამო ასეთი ორიგინალური პასუხით:

საზეიმო ცერემონიიდან ორი საათის შემდეგ ოფელიას კარმიდამოში დაბ-რუნებულ ფრაგას ქალმა ხმაამოუღებელივ გაუწოდა ტელეფონით მოძლო-ცველთა კარგა გრძელი სია — ვილა არ იყო აქ — საგარეო საქმეთა მინისტრიდან მოკიდებული, ფრაგას ერთ-ერთი ძვირძალი ძმით დამთავრებული. რომელსაც ადრე არასოდეს არ დაურეკავს. ის დაბნეული დაპყრებდა გულ-მოდგინედ გამოყვანილსა თუ დაუდევრად მიფხაჰნალ გვარების რიგს... მეორე ფურცელი ხელიდან გაუვარდა და ნოხს დაეცა, ფრაგა გაოგნებული აუჯვა კიბეს კაბინეტისაკენ.

კარგა დრომ განგლო, სანამ ოფელია გაიგონებდა თავის კაბინეტში წან და უკან მოსიარულე ფრაგას ფეხის ხმას. ქალი დაწვა და თავი აიძულა, აღ-რაფერზე აღარ ეფიქრა. ნაბიჯების ხმა ხან უახლოვდებოდა, ხან სცილდებო-და, ხანდახან კი სულ წყდებოდა; საწერ მაგიდასთან შეჩერებული ფრაგა, ეტყობა, რაღაცას ფიქრობდა. ერთი საათის შემდეგ ქალს კიბის ჭრიალი და საძინებელი ოთახის კართან მოახლოვებული ნაბიჯების ხმა მოესმა. მას თვალთ არ გაუხელია ისე იგრძნო სხეულის სიმძიმისაგან როგორ დაიწია საწოლის ზამბარამ და როგორ გაიშოტა ფრაგა გულაღმა მის გვერდით. ფრაგას ცივი ხელი ქალის ხელს შემოეჭდო, ოფელიამ სიბნელეში ლოყაზე აკოცა.

— მარტო ის ვერ გამიგია... — თქვა ფრაგამ და თითქოს ქალს კი არა, სიცარიელეს მიმართავდა, — რატომ ამდენ ხანს ვერ მოვისაზრე, რომ ყველა-ფერი აღრევე ვიცოდი. სისულელე იქნებოდა იმაზე ფიქრი, თითქოს მედი-უმი ვიყო. მე არაფერი მაქვს მასთან საერთო. დღემდე მაინც არაფერი მჭო-ნია საერთო.

— კარგი იქნებოდა, ცოტა დაგეძინა, — უთხრა ოფელიამ.

— არა, როგორმე უნდა გავერკვე, ორი რამ შეიძლება არსებობდეს: ის, რაც არ ძალმიძს ჩავწვდე, და ის, რაც ხვალ უნდა დაიწყოს, უფრო სწორად, რაც უკვე დაიწყო დღეს საღამოს. ჩემი საქმე წასულია, გესმის? არასოდეს არ მაპატიებენ, რომ ჯერ კერპი შევუქმენი მათ, მერე კი ხელიდან გამოვტა-ცე და ნამსხვრევებად ვაქციე. ვერ წარმოიდგენ, რა საოცარია და სასაცილო ყოველივე ეს: რომერო მაინც დარჩება მეოცე საუკუნის პოემების ავტო-რად. კერპს კი არ შეიძლება ჰქონდეს თიხის ფეხები; და ამას ასეთივე ცინიზ-მით ხვალვე მომახლიან პირში ჩემი ძვირფასი კოლეგები.

— მაგრამ შენ თუ შენს მოვალეობად მიიჩნევი სიმართლის თქმას...

— მე არაფერს არ მივიჩნევდი, ოფელია. ვთქვი და გათავდა. ანდა ჩემს მავივრად ვილაც სხვაში თქვა. იმ ღამეს მომეჩვენა, რომ ეს ერთადერთი გზა იყო, სხვანაირად არ შემეძლო მოვქცეულიყავი.

— იქნებ ჯობდა, ცოტა მოგეცადა, — მოკრძალებით შევბედა ოფელიამ, — თორემ ასე უეცრად პირში მიხლა....

ქალს სურდა ეთქვა „მინისტრისთვის“ და ფრავამ ეს სიტყვა ისევე მკაფიოდ გაიგონა, თითქოს წარმოთქმულიყოს. ფრავას გაეცინა და ქალს ხელზე მიეფერა, თანდათან დაშოშმინდა — რაღაც ბურუსით მოსილს ბინდი ნელ-ნელა ჩამოსცილდა და უფრო ნათლად გამოიკვეთა. ოფელიას ნაღვლიანი, გაბმული ღუმილი ფრავას შველოდა, გონება მოეკრიბა და ყური მიეგდო საკუთარი თავისთვის, და იგი სიბნელეს გახელილი თვალებით შესცქეროდა. არა, მისთვის ალბათ სამუდამოდ გაუგებარი დარჩებოდა, რატომ ადრე ვერ შეიცნო ის, რაც დღესავით ნათელი იყო, ვერ შეიცნო მანამდე, სანამ სპობლოოდ თავს არ გამოუტყდა, რომ თვითონაც ისეთივე გაქნილი და მულრეგი იყო, როგორც რომერო. თვით აზრი ამ წიგნის დაწერისა გულისხმობდა სურვილს, რევანში აეღო საზოგადოებაზე, მიედწია იოლი წარმატებისათვის, დაებრუნებინა ის, რაც სამართლიანად ერგებოდა და, რაც მომხვეჭელობაზე გამეცადინებულებს წაერთვათ მისთვის. გარეგნულად წუნდაუდებლად ზუსტი, ყველა საჭირო ატრიბუტით შემკული „პოეტის ცხოვრება“ დაიბადა იმისათვის, რათა გზა გაეკაფა წიგნის დახლისაკენ: „ცხოვრების“ ტრიუმფალური სვლის ყველა ეტაპი წინასწარ იყო მოსალოდნელი და ყოველი თავით, ყოველი ფრაზით, საგანგებოდ, სკრუპულოზურად მზადდებოდა. აქედან იღებდა სათავეს მისი ირონიული დამოკიდებულება და მზარდი ქედმაღლური გულგრილობა ამ ტრიუმფალური ეტაპების მიმართ, რაც ასევე არ სცილდებოდა მთელი ამ ბინძური განზრახვის ჩარჩოებს. „ცხოვრების“ ბრწყინვალე ყდის ქვეშ უმაღ დაიწყეს ბუდის კეთება რადიოგადაცემებში და ტელეფილმებში, ევროპაში დიპლომატურმა პოსტმა და ეროვნულმა პრემიამ, სიმდიდრემ და დიდებამ. მარტო ზედ ფინიშთან ელოდა რაღაც გაუთვალისწინებელი, რათა დაფუშულიყო გულმოდგინედ აწყობილი მექანიზმი და ნამსხვრევების გროვად ქცეულიყო. ამას იყო ახლა. ფიქრი იმ „გაუთვალისწინებელზე“, ამას იყო გულის ხეთქვა და გაგიჟება საქმის წახდენის გამო.

— მე არაფერი მაქვს მასთან საერთო, — გაიმეორა ფრავამ და თვალები დახუჭა, — არ ვიცი როგორ მოხდა ეს, ოფელია, ჩვენ სრულიად სხვადასხვანი ვართ.

ფრავამ იგრძნო, ქალი უხმოდ ტიროდა.

— მაგრამ მაშინ მით უარესი, ისე გამოდის, თითქოს ერთი და იგივე ვირუსით ვყოფილიყოთ დაავადებულნი, ოღონდ ჩემი დაავადება ფარულად მიმდინარეობდა, მერე კი უეცრად იჩინა თავი და მთელი სისაძაგლე აშკარა გახდა. ყოველთვის, როდესაც ამ კაცის გულისათვის რაიმის არჩევანი ან გადაწყვეტილების მიღება მიხდებოდა, ყველაფერს ზუსტად ისევე ვაკეთებდი და ისე ვწყვეტიდი, როგორც თვითონ ისურვებდა სიცოცხლეში. სახის ჩემეული გადაწყვეტა არ სცილდებოდა მისეულს და არავის აზრად არ მოუვიდოდა, ეჭბნა მისი ცხოვრებას, მისი წერილების, თვით მისი ბოლო წლების სხვაგვარი სიმართლე, როდესაც სიკვდილის სიახლოვემ გააშიშვლა და გამოამქლავნა მთელი მისი არსი. მე არ მიხდოდა არაფერში ეჭვის შეტანა, არა მსურ-

და. მიმეღწია ჰეშმარიტებისათვის. ვინაიდან მაშინ, ოფელია, მაშინ რომელიმე იქნებოდა ის პერსონაჟი, რომელიც მჭირდებოდა მე, რომელიც ესაჭიროებოდა თავად მას, რათა შექმნილიყო ლეგენდა, რათა...

ის დადუმდა, მაგრამ ყველაფერი მაინც თავისთავად დალაგდა და დასრულდა ლოგიკურად. ახლა მან სავარაუდოდ მიიჩნია, რომ ისაა და რომ მერო იმთავითვე იყვნენ გაიგივებულნი და ამას არამც და არამც არა ჰქონია არავითარი საერთო სპირიტუზმთან. ისინი თანამოძმენი იყვნენ ფარსსა და სიცრუეში, თავბრულამხვევი აღმაფრენისადმი სწრაფვაში, თანამოძმეები იყვნენ უბედურებაში, რამაც ორივე გაანადგურა და ფერფლად აქცია. ფრაგამ ნათლად და უბრალოდ წარმოიდგინა, რომ ისეთი ხალხი, როგორც თავად იყო. მუდამ იქცევიან კლაუდიო რომეროებად. გუშინდელი და ხვალისდელი რომეროები კი ყოველთვის ხორხე ფრაგებად გადაიქცევიან. მოხდა სწორედ ის, რისიც ასე უშინოდა იმ შორეული სექტემბრის საღამოს: მან მაინც დაწერა „საკუთარი“ ბიოგრაფია; უცებ მოუნდა ხმამაღლა გადაეხარხარა, მაგრამ იმავე დროს საწერ მაგიდაში შენახული რევოლვერი გაახსენდა.

მას ვერა და ვერ გაეხსენებინა, ოფელიამ იმ წუთში უთხრა თუ უფრო გვიან: „მთავარი ისაა, რომ შენ დღეს იმათ სწავრთლე უთხარიო“, ამაზე მაშინ არც ფიქრობდა, აღარ უნდოდა ხელახლა განეცადა თითქმის დაუჭერებელი წუთები, როდესაც ის ლაპარაკობდა და პირდაპირ თვალეში შესცქეროდა მათ, ვის სახეზეც აღფრთოვანებული თუ თავაზიანი ღიმილი თანდათანობით ადგილს უთმობდა გაბოროტებულსა და ზიზღნარევ გრემასებს, იმათ, ვისაც გულისწყრომის ნიშნად ხელები მაღლა აღემართათ. მაგრამ ეს ერთადერთი რამ იყო, რასაც ფასი ჰქონდა, ერთადერთი ჰეშმარიტი და წარუვალი მთელს ამ ამბავში. არავის არ შეეძლო, წაერთვა მისთვის ის წუთები, წუთები მისი ნამდვილი ტრიუმფისა, რომელსაც, ოღონდაც რომ, არა ჰქონია არაფერი საერთო არც ფარისევლურ განზრახვასთან და არც დიდების ძიებასთან. როდესაც ოფელიასკენ დაეხარა და ნაზად მოეფერა, ერთი წამით მოეჩვენა, რომ ის სუსანა მარკესი იყო, და რომ ფრაგას მგრძნობიარება ჭაღს გადაარჩენდა, მის გვერდით დააკავებდა. იმავე დროს, ერთგული პრემია, დიბლომატის პოსტი ევროპაში და ყველა სხვა სიკეთე იყო ირენი პასი, რაღაც ისეთი რამ, რაც არაფრად არ უნდა ჩაეგდო და უარეყო, თუკი არა სურდა საბოლოოდ დამსგავსებოდა რომეროს და კვალზე მიჰყოლოდა წიგნისა თუ რადიოდანგმების ამ ცრუ გმირს.

შემდეგ — იმავე ღამით, რომელიც მშვიდად აბრუნებდა ვარსკვლავებით მოჭედებულ ცარგვალს, ათასნაირი ვარაუდი გაისივრძეგანა ძილგამკრთალი კაცის უსაზღვრო მარტოობამ. დილას თან მოჰყვებოდა ტელეფონების ზარი. გაზეთები, ორ სვეტზე გაჭიმული სკანდალი, მას უაზრო სისულელედ მოეჩვენა ეფიქრა იმაზე, რომ ყველაფერი დაკარგული იყო, როცა სულ ცოტაოდენი სიყოჩაღისა და გერგილიანობის გამოჩენაც კმართდა, რათა თამაში საბოლოოდ მოეგო. ყველაფერი დამოკიდებული იყო მოქმედების სისწრაფესა და რამდენიმე ვიზიტზე. თუკი მოისურვებდა, ჯერ კიდევ არ იყო გვიან, შეეჩერებინა პრემიის გაუქმებაც და მის კანდიდატურაზე საგარეო საქმეთა სამინისტროს უარიც. კვლავ შემობრუნებულიყო ასოთხმოცი გრადუსით უკან — და კვლავ აღმოჩენილიყო მასობრივი ტირაჟების, მთარგმნელობითი გამომცემლობებისა და საერთაშორისო აღიარების წინაშე. მაგრამ მას შეეძ-

ლო, რაღა თქმა უნდა, განეგრძო ლოგინში წოლა, შეეწყვიტა ყოველგვარი
ვიზიტი, თვეობით ეცხოვრა ამ მყუდრო კარმიდამოში. განეახლებინა და გა-
ეგრძელებინა თავისი ფილოლოგიური ძიებანი, აღედგინა ძველი, კეთილი,
უკვე შეწყვეტილი ნაცნობობა. ნახევარი წლის შემდეგ ~~შეეძინა~~ ^{შეეძინა} დაიწყო,
როდესაც ფორტუნა აფიშაზე მას, სრულიად უმტკივნეულოდ, შეცვლიდა
ვინმე მორიგი, გაცილებით უიღბლო ცრუპენტელათი.

ორივე გზა ერთნაირად მარტივი და ერთნაირად საიმედო იყო. ისღა
დარჩენოდა, გადაწყვეტილება მიეღო, და თუმცა ყველაფერი გადაწყვეტილი
ჰქონდა უკვე, ფიქრს მაინც განაგრძობდა, ფიქრობდა მხოლოდ იმისათვის,
რათა ეფიქრა, ყოველმხრივ განესაჯა, აეწონ-დაეწონა, საკუთარი თავისთვის
დაემტკიცებინა არჩევანის სისწორე, სანამ განთიადის სხივები ჯერ არ დაღვ-
რილიყო სარკმელსა და მძინარე ოფელიას თმაზე, სანამ ბაღში სეიბის¹ ბუნ-
დოვანი სილუეტი თვალდათვალ არ შემჭიდროებულყო მომავალივით, რო-
მელიც ნივთდება აწმყოში, თანდათან მყარდება, ღებულობს თავის ჩვეულებ-
რივ ფორმებს, ეგუება მათ და ახალი დღის შუქზე განსჯის იმათ ავსა თუ
კარგს.



¹ სეიბა — ტოტებგაბარჯული ტროპიკული ხე.



ღები რომაელები

ფრანგულიდან თარგმნა ია ნასვლიშვილმა

ვუძღვნი უორე დე პორტო-რიშე

I

რა, — თქვა პიერ ეუნევემ, — იტალიას სრულებით არ ვიცნობ. ბარე ორჯერ ვცადე გამგზავრება, მაგრამ ორივეჯერ საზღვარზე შემაჩერეს და გზის გაგრძელება შეუძლებელი გახდა. და მაინც ამ ორმა ცდამ რაღაც უცხო, მომხიბლავი შარავანდედობა შემოსა ეს მშვენიერი ქვეყანა, ისე რომ დასათვალიერებელი მაქვს ქალაქები, მუზეუმები, ხელოვნების შედეგები, რომლებითაც პირდაპირ მოფენილია ეს მიწა: მომავალში, როგორც კი შემთხვევა მომეცემა, გავბედავ და ისევ ვეცდები ამ მიუწვდომელ, საოცნებო ქვეყანაში შეღწევას.

ვერ გამიგეთ? ახლავე აგიხსნი.

1874 წელს ვენეციის, ფლორენციის, რომისა და ნეაპოლის დათვალიერების მძაფრმა სურვილმა შემიპყრო. პირველად ეს აზრი ივნისის შუა რიცხვებში დამებადა, როდესაც გაზაფხულის ამაფორიაქებელი სუნთქვა გულს მოგზაურობისა და სიყვარულის სურვილით უნთებს კაცს.

მაინცდამაინც მოგზაურობის დიდი ტრფიალი არა ვარ. ჩემი აზრით, ადგილის გამოცვლა უსარგებლო და დამღლევი რამ არის. ვატარებულში გატარებული ღამეები, ვაგონის ნჯღრევით გატეხილი ძილი, თავის ტკივილი და ტეხა კიდურებში, მთელ ტანში, მძიმე გუნებაზე გამოღვიძება ამ მოჯანჯღარე კოლოფში, ქუტყის შეგრძნება ტანზე, მტვრით გავსებულ თვალები და თმა, ქვანახშირის სუნი, რომელსაც ძალაუნებურად ასუნთქავთ, გულისამრევი სადილები სადგურების ფარღალა ბუფეტებში — ჩემი აზრით. ეს ყველაფერი ამაზრზენი დასაწყისია მომავალი სასიამოვნო მოგზაურობისათვის.

ახლა ამ სარკინიგზო შესავალს, დავუმატოთ სასტუმროს მოწყენილობა, უზარმაზარი, ხალხით გაჭედული და ამავე დროს ესოდენ ცარიელი სასტუმროსი! უცნობი, სევდის მომგვრელი ოთახი და საეჭვო საწოლი! ჩემთვის საწოლი მეტად მნიშვნელოვანი რამ არის, წმიდათაწმიდაა, მას ხომ შიშველ, დაღლილ სხეულებს ანდობენ, რათა დაასვენოს და გამოაცოცხლოს კათქათა ზეწრებსა და ბუმბულის სითბოში.

ჩვენ ხომ სწორედ მასში ვატარებთ არსებობის ყველაზე ტკბილ წუთებს — ძილის და სიყვარულის წუთებს. საწოლი წმინდაა. იგი უნდა ვადიდოთ, პატივი ვცეთ. უნდა გვიყვარდეს, როგორც ყველაზე ძვირფასი და სიხარულის

მომგვრელი რამ დედამიწის ზურგზე. მე არასოდეს გადამიწევია სასტუმროს საწრლის ზეწარი ზიზღნარევი გრძნობის გარეშე. ვინ იწვევს ამ ლოგინში წუხელ? ვინ იცის, როგორ უსუფთაო, საძაგელ ადამიანებს ეძინათ ამ ლეიბზე, და მე ვფიქრობ ყველა იმ ზიზღის მომგვრელ ქმნილებაზე, რომელთადაც ყოველდღე გვიხდება შეხვედრა, საზარელ კუზიანებზე, დამსუფთავებულ სახეულებზე, კუჭკისაგან ჩაშავებულ ხელებსა და ფეხებზე. მე ვფიქრობ ადამიანებზე, რომელთა შეხვედრისასაც ცხვირში ნივრისა და სხეულის გულისამრევი სუნის გეცემათ. ვფიქრობ ადამიანების ჩირქიან იარებსა და ოფლზე, ადამიანების ყველა სისაძაგლესა და სიბინძურეზე.

და ყველაფერი ეს შეხებია ლოგინს, რომელშიც მე უნდა დავიძინო. ამიტომ, როგორც კი ფეხს საბანში შევაცურებ, გული მერევა.

ახლა სასტუმროში სადილობას აღარ იტყვით, ზანგრძლივ სადილობას საერთო მაგიდასთან, აუტანელსა და სასაცილო, უცნაურ საზოგადოებაში, ანდა უბღრუკ სადილობას რესტორანში, როცა მარტოდმარტო უზიზღარ ერთი ბუწო მაგიდას და წინ საცოდავად მბჟუტავი სანთელი გიდგას.

ახლა კიდევ მოსაწყენი საღამოები უცნობ ქალაქში. რა უნდა იყოს უცხო ქალაქში შემოდამებაზე უფრო სევდიანი! მიდიხარ უაზროდ, ბრბოს დინებას მიჰყვები, რომლის ზუზუნნი და მუჯღუგუნები სიზმრადმყოფივით გაკრთობს და გაშინებს.

უყურებ სახეებს, რომლებიც არასოდეს გინახავს და ველარც ნახავ ოდესმე. ისმენ საუბარს, რომელიც სრულიად არ გაინტერესებს, თანაც იმ ენაზე, რომლისაც არაფერი გაგეგება და მიუსაფრობასა და უთვისტომობას გრძნობ. გული გეკუმშება, ხელ-ფეხი გიდუნდება, სული გიკვნესის. ისე დადიხარ, თითქოს რაღაცას უფრთხი, გაურბიხარ, დადიხარ, მხოლოდ და მხოლოდ იმისათვის, რომ სასტუმროში არ დაბრუნდე, სადაც თავს უფრო დაკარგულიდ იგრძნობ, რადგან იქ თითქოს „სახლში“ ხარ, მაგრამ ეს ხომ ყველას „სახლია“, ვინც კი ფულს გადაიხდის. დაბოლოს ქანცგამოცლილი დაეგდები სკამზე რომელიმე გაჩირადდნებულ კაფეში, რომლის ოქროსფერი ვარაყები და სინათლე უფრო მეტად გთრგუნავს, ვიდრე ქუჩაში გამეფებული წყვდიადი. პოდა როცა წებოვან ლუდის კათხას დაგიდგამს წინ ოფიციანტი, რომელიც მუდამ ციბრუტივით ტრიალებს, ისეთი სიმარტოვე გეუფლება, ლამისაა გაიქცე, სულერთია სად, ოღონდ კი მოშორდე აქაურობას, ოღონდ აღარ იქდე მარმარილოს მაგიდასთან, გაჩახჩახებულ ქალის ქვეშ და მხოლოდ ახლა მიხვდები უცრად, რომ სინამდვილეში ყველგან და ყოველთვის მარტო იყავი, ოღონდ ყოველდღიური შეხვედრები, და ისიც ნაცნობ ადგილებში, გიქმნიდა ილუზიას ადამიანთა ძმობაზე. უცხო ქალაქში, სადაც თავს სრულიად უთვისტომოდ თვლი და უსიამო სიმარტოვეს განიცდი, გონება უფრო თავისუფლად, ნათლად და ღრმად მუშაობს. თვალს გადაავლებ მთელ განვლილ ცხოვრებას და მას ძველებურად მარადიული ოცნებების ვარდისფერი სათვალისაგან კი აღარ ხედავ, არამედ განძარცულს ყველაფერ მოჩვენებითისაგან, რასაც წლების განმავლობაში შეძენილი ჩვევები ქმნის, შეუღამაზებელს ნალოლიაგები ბედნიერების მოლოდინით.

როცა სადმე შორს გაემგზავრები, მხოლოდ მაშინ თუ მიხვდები, რომ ყოველივე ერთი ხელის გაწვდენაზეა, შეზღუდულია, არარაობაა. მხოლოდ შეუცნობლის ძიებისას თუ შეამჩნევ, როგორი ჩვეულებრივი და სწრაფწარმავალია

ყველაფერი. თუ მთელ დედამიწას შემოვივლი, მხოლოდ მაშინ თუ დაინახავ, რა პატარა და ერთფეროვანია ეს ქვეყანა.

ოპ, ეს პირქუში სალამოები და უმიზნო ხეტიალი უცნობ ქუჩებში! გამომიცილია და ამიტომაც ყველაზე მეტად ქვეყანაზე ამ სალამოებისა მეშინია. და რადგანაც არაფრის გულისათვის არ მინდოდა იტალიაში მარტო გამგზავრება, ჩემი მეგობარი პოლ პავილი დავითანხმე წამომყოლოდა.

ხომ იცნობთ პოლს. მისთვის მთელი სამყარო, მთელი სიცოცხლე ქალით შემოიფარგლება. არცთუ იშვიათად შეხვდებით მსგავს მამაკაცებს. სიცოცხლეს მისთვის მხოლოდ იმიტომ აქვს აზრი, რომ ქალები არსებობენ, მხოლოდ ქალების ეშხითაა ამქვეყნიური ცხოვრება გაციკროვნებული. დედამიწაზე ცხოვრება მხოლოდ ქალების გულისთვის ღირს. მზე იმიტომ ბრწყინავს და გვათბობს, რომ მათ უნათებთ. პაერსაც იმიტომ ვისუნთქავთ სიამოვნებით, რომ ჯერ მათ ნაზ კანს შეეხო, მსუბუქად შეუთამაშა პატარა კულულები საფეთქლებთან. მთვარეც იმიტომაა ასე წარმტაცი, რომ მათ ოცნების სურვილს აღუძრავს და სიყვარულსაც მიბნედილი მომხიბვლელით ავსებს. ასე რომ, პოლის ყოველი მოქმედების შთამაგონებულნი ქალები არიან, მისი ფიქრები მათკენ მიილტვის, მის იმედსა და სწრაფვას ისინი ასაზრდოებენ.

ერთმა პოეტმა ასე შეამკო პოლის მსგავსნი:

პატივს არა ვცემ მე იმ პოეტს, ვინც კი ვარსკვლავსაც ხმობს ქალის სახელს, რა მოხიბლა მისმა კაშკაშმა, გვერდით კი ვიღაც ნინონი ჰყავს, ანდა ლიზეტა, რადგან უმისოდ ცის მშვენიება აღარ იზიდავს... მისთვის ცხოვრებაც მოსაწყენი არის უმისოდ... და ხალხს ბუნების სიყვარული რომ გაუღვიძოს, — ხან მწვანე ბორცვზე ქვეშ დიაცის მანდილს გაიფენს, ხან კი ქვედატანს ჰკიდებს ხეზე ტყბილ მუსაიფით...

პოი, ბუნებაე! მარადიულ შენს საგალობლებს ვეღარ მოისმენს და მადლობას ვერ გიწყალობებს, — ვინც უკაცრიელ ტრამალებზე მარტო, ეულად, ქარის სტვენაზე ნაზ გრძობებებად არ დანთხეულა, ან არ ჰფენია ნახნავეების ორთქლი თვალებზე, ან ფაფუკ მდელოს ვინც აღარებს ზიარ სარეველს, და ტყის შრიალიც ვისაც ქალის სუნთქვად ჩაესმის, — ის ვერ იწამებს, რომ შენშია უზენაესი*.

პოლს იტალიაში გამგზავრებაზე რომ ჩამოვუგდე ლაპარაკი, თაედაპირველად სასტიკად იუარა, პარიზიდან ფენსაც არ მოვიცვლიო, მაგრამ არ მოვასვენე, ვეჩიჩინებოდი, გზაში მრავალი თავგადასავალი გველის, ხოლო იტალიელი ქალები სილამაზით განთქმულნი არიან-მეთქი. როდესაც აღვუთქვი, რომ ნეაპოლში საუცხოო სიამოვნებანი გველოდა და ის სარეკომენდაციო წერილიც ვახსენე, რომელსაც ვინმე სინიორ მიქელ ამოროზოსთან მატანდნენ, ვისი ნაცნობობაც დიდად გამოგვადგებოდა, იგი დამთანხმდა.

* თარგმნა ბათუ დანელიამ.

ხუთშაბათ საღამოს, 26 ივნისს, ჩქარ მატარებელში ჩავსხედით. წელიწადის ამ დროს სამხრეთში მოგზაურობის მსურველი მაინც ბევრი არ არის, ასე რომ, ვაგონში მარტონი აღმოვჩნდით. ორივენი საშინელ გუნებაზე ვიყავით, ვდარდობდით, პარიზს რომ ვტოვებდით. მაინც რა უშმაკად აგვეკვიატა ეს მოგზაურობა. მივტიროდით დაჩრდილულ მარლის, კობტა ნაპირებიან სენას, იმ მშვენიერ დაუფიწყარ დღეებს, როცა ნავეთ დაგსვირობდათ. მშვენიერ საღამოებს, დაღამების მოლოდინში სანაპიროზე ტკბილ თვლვებაში რომ გაგვიტარებია.

პოლი თავის კუთხეში მიიკუნჭა და, როგორც კი მატარებელი დაიძრა, განაცხადა, რა სისულელეა ჩვენი იქ გამგზავრებაო, და რაკი გადაწყვეტილების შეცვლა უკვე გვიანი იყო, ვუთხარი:

— მაშ რაღას მოდიოდი.

არაფერი მიპასუხა. ისეთი გაბრაზებული და დებლვერილი იყო, მის შემყურეს სიცილი მახრჩობდა. პოლი, უეჭველია, ძალიან წააგავს ციყვს. ყოველი ჩვენგანის სახის ნაკვთებს ადამიანურის გარდა რაღაც ცხოველური იერიც დაჰკრავს, რაც მემკვიდრეობით მიუღია თავისი პირვანდელი მოდგმისგან.

რამდენ ადამიანს აქვს ბუღლოგის, ვაცის, კურდღლის, ცხენის, ხარისებური ცხვირ-პირი! აი, პოლი ადამიანად ქცეული ციყვია. ამ ცხოველივით ცოცხალი თვალები, წითური ბალანი, წვეტიანი ცხვირი და პატარა ტანი აქვს, ერთი ბეწო, მოქნილი და მოუსვენარი. საერთოდ პოლის მთელ გარეგნობაში ჩანს რალაცნაირი მსგავსება ამ ცხოველთან. როგორ ვითხრათ, მსგავსება ქცევაში, მოძრაობებში, ჩვევებში, თითქოს თავდაპირველი არსებობის ბუნდოვანი გამოძახილიაო.

როგორც იქნა, ორივეს ჩაგვეძინა, მაგრამ მატარებელი ისე ხმაურობდა და თან ისე უეცრად ჩერდებოდა ხოლმე, რომ მაღიძვალ გვეღვიძებოდა, კისერსა და მკლავებშიც საშინლად გვტეხდა.

დილით რომ გამოგვეღვიძა, უკვე რთნას ნაპირს მივუყვებოდით. ფანჯარაში შემოიჭრა კუტკალიების გაბმული ჭრიჭინი, თითქოს გახურებული მიწის ხმა არისო — ნამდვილი პროვანსული სამღერა, ამ სიმღერამ აგვივსო გული და სული, გვაგრძნობინა სამხრეთის სიხლოვე, გადაბუგული გვალვიანი მიწის მძაფრი სუნოქვა — მომწვანო-მონაცრისფროდ შეფოთლილი ზეთისხლის ხეების მზიური და ქვიანი სამშობლოს სუნოქვა.

მატარებელი სადგურში გაჩერდა. ერთმა რკინიგზელმა ვაგონებს ჩაურბინა ყვირილით: ვალანსი, ვალანსიო, და ნამდვილი სამხრეთული კილოთი წარმოთქმულმა ამ სიტყვამ კუტკალიების ყურისწამლები ჭრიჭინის მსგავსად კვლავ გვაგრძნობინა პროვანსის სურნელი.

მარსელამდე არაფერი საინტერესო არ მომხდარა. მარსელში სასაუზმოდ ბუფეტში წავედით. როდესაც ვაგონში დავბრუნდით, იქ ვიღაც ქალი დაგვიხვდა. პოლმა აღფრთოვანებული მზერი მესროლა. ჩვეული მოძრაობით თავისი მოკლე უღვაშები აიპრიხა, შემდეგ თითქოს სავარცხელიაო, ხუთი თითით ძილის დროს საშინლად აწეწილი თმა გაისწორა და უცნობ ქალს პირისპირ დაუქდა.

ყოველთვის, როდესაც ახალ სახეს ვხედავ, ვზაში იქნება ეს თუ სადმე თავშეყრის ადგილას, მძაფრი სურვილი მიბურობს. ამოვიცნო, როგორც სული, გონება და ხასიათი იმალება ამ ნაკვეთებს შიღმა.

ჩვენი თანამგზავრი — სამხრეთის ჭეშმარიტი შვილი, ძალიან ღვაწლზე უმჯობესი ქალი იყო. მას არაჩვეულებრივი თვალები და ისეთი ჭაღვინიანი შავი ტალღოვანი ხშირი და გრძელი თმა ჰქონდა, რომ თვალის ერთი შევლებითაც კი იგრძნობდით მის სიმძიმეს. თავით ფეხამდე მორთულ-მოკაზმულს სამხრეთელისათვის დამახასიათებელი უვემოვნება ეტყობოდა და საკმაოდ ვულგარულადაც გამოიყურებოდა. მის სწორ სახის ნაკვეთებს არ ჰქონდათ ის სიკობტავე, ის სიმსუბუქე და სინატიფე, რაც, როგორც კეთილშობილი სისხლის ნიშანი, არისტოკრატთა შვილებს მუცლიდანვე დაჰყვებოდა.

სამაჯურები ძალზე ფართო იყო საიშისოდ, რომ თქრო გგონებოდათ, საყურეები კი ისეთი დიდი, გამჭვირვალე ქვეებით იყო შემკული, რომ ბრილიანტებად ვერც ისინი გასაღებოდნენ. საერთოდ მთელ მის გარეგნობაში იყო რაღაც უბრალო და მდაბიური. ეტყობოდა, ნამამალა ლაპარაკი ეყვარებოდა და შემთხვევას არ გაუშვებდა, რომ არ აყვირებულყო და ხელები არ ეჭნია.

მატარებელი დაიძრა.

კოპებშეკრული ქალი უძრავად იჯდა, თვალები ერთი წერტილისათვის მიეშტერებინა, რატომღაც განაწყენებული და იმედგაცრუებული ჩანდა. მას ერთხელაც არ შემოუხედავს ჩვენთვის.

პოლმა საუბარი გაშიბა, ისეთ რამეებს ყვებოდა, რომ არ შეიძლებოდა მსმენელი გულგრილი დარჩენილიყო. ისეთ ღამაზ-ღამაზ სიტყვებს აფრქვევდა, ვაჭარი მომაგონა, მუშტრის მოსაზიდად საუკეთესო საქონელს რომ გამოუყენს ხოლმე დახლზე.

მაგრამ ქალს თითქოს არაფერი ესმოდა.

— ტულონი! გაჩერება ათი წუთი! ბუფეტი! — დაიყვირა გამცილებელმა.

პოლმა მანიშნა. ვაგონიდან ჩავიდეთო, და როგორც კი ბაქანზე აღმოვჩნდით, მკითხა:

— შენი აზრით, ვინ უნდა იყოს ეს ქალი?

სიცილი ამიტყდა.

— შე რა ვიცი, ან რა ჩემი საქმეა.

პოლი აენტო.

— რა უღვთოდ ღამაზი და ქორთვაა ეს საძაგელი! რა თვალები აქვს! მაგრამ რაღაცით უკმაყოფილო უნდა იყოს! ალბათ რაიმე უსიამოვნება შეემთხვა, არაფრის გული არა აქვს.

ტყუილად ირჯები-მეთქი, — წავიბურტყუნე.

პოლი გაბრაზდა.

— სულაც არ ვირჯები, ჩემო ძვირფასო, უბრალოდ ეს ქალი ძალიან მომწონს, მორჩა და გათავდა. გამოლოპარაკება რომ ვცადოთ? მაგრამ რითი დავიწყოთ? შენ მაინც მოიფიქრე რამე. როგორ გგონია, ვინ უნდა იყოს?

— ზუსტად არ ვიცი, მე გგონი, ვინმე უბრალო მსახიობი უნდა იყოს, რომელიც მორიგი სასიყვარულო თავგადასავლის შემდეგ თავის დასს უბრუნდება.

პოლი ამ სიტყვებში ისე შეურაცკყო, თითქოს მისთვის ძალზე საწყენი რამ შეთქვას, და შემომედავა:

— საიდან მოიგონე, ვითომ რაზე ემჩნევა? ჩემი აზრით, ძალზე წესიერი ქალის გარეგნობა აქვს.

მე ვუპასუხე:

— ძვირფასო, ერთი მაგის სამაჯურებს შეხედე, საყურეებს, მთელ ჩაცმულობას დააკვირდი. სულაც არ გამიკვირდება, ჩვენი ლამაზი ასული მოცეკვავე რომ აღმოჩნდეს. ანდა სულაც ცირკის მოჭირით. არა, არა უფრო მოცეკვავე უნდა იყოს. მის გარეგნობაში არის რაღაც ისეთი, რაც თეატრზე მიგვანიშნებს.

ამ აზრმა აშკარად შეაწუხა პოლი.

— კი მაგრამ, ძვირფასო, ის ხომ ძალიან ახალგაზრდაა, ოცი წლის ძლივს იქნება.

— მაგრამ, განა ცოტაა, ჩემო კარგო, ისეთი რამ, რასაც ადამიანმა ოცი წლის ასაკამდე შეიძლება მოჰკიდოს ხელი. მაგალითად, ცეკვა, დეკლამაცია; სხვა რაღაც-რაღაცებზე რომ არაფერი ვთქვათ, რასაც ალბათ მისდევს ჩვენი გოგო.

— ნიცა-ვენტიმილის ექსპრესის მგზავრებო, დაიკავეთ ადგილები — დაიყვირა გამყოლმა.

ვაგონებში დაბრუნება მოგვიხდა. ჩვენი მეზობელი ფორთოხალს შეექცეოდა. მის ქცევას მართლაც არ ეთქმოდა ნატიფი და დახვეწილი, რომ გენახათ, როგორ აცლიდა ნაყოფს ოქროსფერ კანს, როგორ აღებდა პირს და წინ სწევდა ტუჩებს ფორთოხლის შესაკმელად, ან როგორ აფურთხებდა კურკებს ფანჯრიდან, მიხვდებოდით, რა აღზრდაც მიეღო.

თითქოს უწინდელზე უფრო მოღუშული იყო და ფორთოხალს ისე გააფთრებით ნთქავდა, კაცს გაეცინებოდა.

პოლი ქალს პირდაპირ თვალებით ჭამდა, აღარ იცოდა რითი მიექცია მისი ყურადღება, როგორ გაეღვიძებინა მისი ცნობისმოყვარეობა, და კვლავ გამიბა მაღალფარდოვანი საუბარი. ცნობილი ადამიანების გვარებს შინაურულად ასახვლებდა, მაგრამ მის ცდას არც ახლა გამოუღია ნაყოფი.

ამასობაში გავიარეთ ფრეუუსი, სენ-რაფაელი. მატარებელი ახლა აყვავებულ ბაღებს შორის მიქროდა, მიქროდა სამოთხისებურ ვარდნარში, ფორთოხლისა და ლიმონის ჭალებს შორის, რომლებიც ერთდროულად თეთრი ყვავილებითაც იყვნენ შემკულნი და ოქროსფერი ნაყოფითაც, მიქროდა სურნელოვანი ყვავილების სამეფოში, თვალწარმტაცი სანაპიროს გასწვრივ, რომელიც მარსელიდან გენუამდეა გადაჭიმული.

ამ მხარეს სწორედ ივნისის თვეში უნდა ესტუმროთ, როდესაც მთელი არემარე, ვიწრო ხეობები თუ გორაკები ულამაზეს ველურ ყვავილებს დაუშვენებია. საითაც არ გაიხედავ, ყველგან ვარდები მოჩანს: ვარდების მიწდვრები და ჭალები, ვარდები აცოცებულან კედლებზე, გადაშლილან სახურავებზე, ხეებს ჩახვევიან და ფოთლებიდან თეთრად, წითლად, ყვითლად ანათებენ დიდები თუ პატარები, წვრილები თუ მოზრდილები. ზოგი ნაზია, მორცხვი, ზოგიც ხავერდოვანი, მდიდრული სამოსელით დამძიმებული.

ვარდების დამათრობელი სურნელით გაქდენთილი ჰაერი ნაზია და ყნოს-

ქას საამოდ აღიზიანებს, ზოლო ფორთოხლის ყვავილის მძაფრი სუნი თითქოს უფრო ატკბობს მას.

გარინდებული ხმელთაშუა ზღვა ნაზად ელამუნება ჩამუქებულ კლდოვან სანაპიროს. ზაფხულის მცხუნვარე მზე გავარვარებულ საბურველს ჰტყნს მთებს, ქვიშოვან ნაპირს და მუქლურჯად მოლივლივე ზღვას. მატარებელი კი მიქრის, ხან გვირაბში გაუჩინარდება, ხან გორაკებზე მისრიალებს, ხანაც ზედ ზღვაზე დაკიდულ კლდეზე გადაიქროლებს. გამხმარი წყალმცენარეების ნაზი, ოდნავ მარილიანი სუნი დროდადრო ყვავილების მძაფრსა და ამაფორიაქებულ სურნელს ერევა.

მაგრამ პოლს აღარაფერი ესმოდა, ველარაფერს ხედავდა და გრძნობდა. ჩვენს მშვენიერ თანამგზავრს დაეპყრო მთელი მისი ყურადღება.

კანში რომ შევიდა მატარებელი, ისევე მანიშნა, ძირს ჩავიდეთო, რადგან ჩემთან დალაპარაკება უნდოდა.

როგორც კი ვაგონიდან ჩავედიოთ, ხელკავი გამოიყარა.

— ოჰ, რა მომხიბლავია! რა თვალები აქვს, რა თმა! ასეთი თმა ჯერ არ მინახავს!

მე ვუთხარი:

— კარგი, დაწყნარდი, ან თუ რამეს აპირებ, რაღას უცდი, ჩემი აზრით, არც ისე უკარება უნდა იყოს, თუმცა დიდი ჯუჯლუნა ვინმე კი ჩანს.

— შენ ხომ ვერ გაუბამდი საუბარს? მე ვერაფერი მომიფიქრებია. თავდაპირველად საშინელი უხერხულობა შემიპყრობს ხოლმე. ძალიანაც რომ მინდოდეს, ქუჩაში ქალს ვერ ავეკიდები, განა არა, უკან მივდევ, შორიახლო ვუტრიალებ, მივუახლოვდები კიდევ, საჭირო სიტყვებს კი ვერ ვპოულობ. მხოლოდ ერთხელ ვცადე გამოლაპარაკება, რადგან აშკარად ვატყობდი, ჩემგან საუბრის დაწყებას ელოდნენ და რაღაც უნდა მეთქვა. ესლა მოვახერხე — წავიბურტყუნე: „როგორ ბრძანდებით, ქალბატონო?“ ამაზე ქალს სიცილი აუტყდა, მე კი გაქცევით ვუშველე თავს.

პოლს შეეპირდი, რომ ლაპარაკის გასაბმელად ყოველ ღონეს ვიხმარდი, და ადგილზე დავბრუნდით თუ არა, ჩვენს მეზობელს თავაზიანად ვკითხე:

— ქალბატონო, თამბაქოს კვამლი ხომ არ გაწუხებთ?

მან მიპასუხა :

— Non capisco!

მაშ იტალიელი ყოფილა! აი, სეირი! პოლს ხომ იტალიურის არაფერი გაეგებოდა. თარჯიმნის როლი უნდა შეკისრა. მეც დავიწყე ამ როლის შესრულება და ქალს უკვე იტალიურად გავუშეორე:

— მე გკითხეთ, ქალბატონო, თამბაქოს ბოლი ხომ არ გაწუხებთ-მეთქი. გაჯავრებულმა მომაძახა:

Che mi fa!

ჩემთვის არც კი შემოუბნედავს. მე კი აღარ ვიცოდი რა მექნა, ეს „ჩემთვის სულერთია“ თანხმობად მიმელა თუ უარად, გულგრილობის ნიშნად თუ უბრალო სიტყვებად: თავი დამანებეთო.

მე ისევე დავიწყე:

¹ არ მესმის (იტალ.).

— ქალბატონო, თუ კვამლი ოღონე მაინც გაწუხებთ...

მაშინ ქალმა მომადება: „Mica“¹ ეს ისეთი კილოთი იყო შოქვამი, აშკარად გვაგრძობინა, თავი დამანებეთო, მაგრამ მაინც ეს უკვე ნებართვა იყო და პოლს ვუთხარი, შეგიძლია მოსწიო-მეთქი.

პოლმა ისეთი ცნობისმოყვარეობით სავსე მზერა მომხმარო, უცხო, გაუგებარ ენაზე საუბრის მოსმენისას რომ აქვთ ხოლმე ადამიანებს.

— რა უთხარი? — მკითხა მან.

— ვკითხე, მოწევა თუ შეიძლება-მეთქი.

— სულ არ იცის ფრანგული?

— არც ერთი სიტყვა.

— რა გიპასუხა?

— რაც გინდათ, ის ჰქენითო.

სიგარა გავაბოლე.

პოლმა ისევ მკითხა:

— მეტი არაფერი უთქვამს?

— ძვირფასო, შენ რომ მისი სიტყვები დაგეთვალა, შეამჩნევდი, ეჭვსი სიტყვის მეტი არ უთქვამს, აქედან ორით გამაგებინა, რომ ფრანგულის არაფერი გაეგება, დაგვრჩა მხოლოდ ოთხი სიტყვა და არა მგონია, ამ ოთხი სიტყვით დიდი რამის თქმა შეიძლებოდეს.

პოლს მთლად გაუბედურებული, იმედგაცრუებული და მოტყუებული კაცის სახე ჰქონდა.

მაგრამ უეცრად იტალიელმა ქალმა ისევ იმ უკმაყოფილო კილოთი მკითხა, რაც ალბათ მისთვის ბუნებრივი უნდა ყოფილიყო:

— ხომ არ იცით, რომელ საათზე ვიქნებით გენუაში?

— საღამოს თერთმეტ საათზე, ქალბატონო, — ვუპასუხე მე.

ცოტა ხნის შემდეგ ისევ განვაგრძე:

— მე და ჩემი მეგობარიც გენუაში მივდივართ და თუ რამეში გამოგადგებით, დიდად მოხარულნი ვიქნებით.

და რაკი არაფერი მიპასუხა, ისევ მე მივმართე:

— თქვენ მართო მგზავრობთ და თუ ჩვენი დახმარება გჭირდებათ...

მან ისევ გამოსცრა კბილებშუა „mica“ და თანაც ისეთი „mica“ რომ მაშინვე გავჩერდი.

პოლმა მკითხა:

— რა გითხრა?

— შენზე მითხრა, ძალიან მომწონსო.

მაგრამ მას არ ეხუმრებოდა და ცივად მითხრა, ნუ დამცინიო. მაშინ გადავუთარგმნე ჩვენი მეზობლის კითხვა და ჩემი თავაზიანი წინადადება, რომელიც ასე მკაცრად უარყვეს.

პოლი გალიაში გამომწყვდეული ციყვივით აფორიაქდა:

— რომ ვიცოდეთ, რომელ სასტუმროში გაჩერდება, ჩვენც იქ ჩამოვხდებოდით. იქნებ როგორმე დასტყუო. რაიმე მიზეზი გამოჩნდება, რომ კვლავ დაე-ლაპარაკო.

ეს მართლაც რომ აღვილი არ იყო და აღარ ვიცოდი, რა მომეფიქრებინა,

¹ სრულებითაც არა (იტალ.).

მით უმეტეს, რომ მეც მომინდა ამ ჯიუტი და უცხვირპირო არსების გაცნობა. გავიარეთ ნიცა, მონაკო, მენტონა და მატარებელი გაჩერდა საზღვარზე, სადაც ბარგი უნდა შეეშოწმებინათ.

თუმცა ვერ ვიტან ცუდად აღზრდილ ადამიანებს, რომლებიც ვაგონში საუბრობენ და სადილობენ, მაინც უამრავი სანოვაგე ვიყიდე, რათა უკანასკნელი საშუალება მეცადა — ჩვენი თანამგზავრის მაღაზე ვამყარებდი იმედს. ვგრძნობდი, რომ ეს გოგო ჩვეულებრივ გარემოში არცთუ ისე სიტყვაძვირი იქნებოდა. რაღაც უსიამოვნება შეხვედროდა და გაგულისებული იყო, მაგრამ სულ მცირე რამ იკმარებდა — მისი სურვილის გამოცნობა, ერთი უბრალო სიტყვა ან დროულად შეთავაზებული წინადადება, რომ მისი გული მოგვეგო და გაგვემხიარულებინა.

მატარებელი დაიძრა. ვაგონში ისევ სამნი ვისხედით. მე მთელი ხორაგი სკამზე გავშალე. დავჭერი ქათამი, შაშხის ნაკრები ქალაღზე ლამაზად დავაღვე, ქალის მახლობლად კი განგებ ტკბილეული დავაწყვე: მარწყვი, ქლიავი, ალუბალი, ნამცხვარი და კანფეტები.

როდესაც ქალმა დაინახა, რომ ჭამას ვაპირებდით, თვითონაც შოკოლადი და ორი ფუნთუშა ამოიღო პატარა ჩანთიდან და თავისი ლამაზი, ბასრი კბილებით ღრღნა დაუწყო.

პოლმა ხმადაბლა მითხრა;

— რაიმე მაინც შესთავაზე.

— მეც სწორედ მაგას ვაპირებ. მაგრამ როგორ დავიწყო, არ ვიცი.

ამასობაში ქალი შიგადაშიგ ისე ცერად გადმოხედავდა ხოლმე ჩვენს სანოვაგეს, რომ მივხვდი, ის ორი ფუნთუშა ვერ დაანაყრებდა. მაინც დავაცადე, სანამ თავის უბრალო სადილს მოათავებდა და ვუთხარი:

— ქალბატონო, ნუთუ პატივს არ დავგდებთ და ამ ხილს არ გასინჯავთ.

მან ისევ მესროლა «mica», მაგრამ ხმაში ისეთი გაბოროტება აღარ ემჩნეოდა. არ მოვეშვი:

— მაშინ ნება მიბოძეთ, ცოტა ღვინო შემოგთავაზოთ, თქვენ ხომ არაფერი დაგიღვევიათ. ეს თქვენებური ღვინოა, იტალიური და რაკი ამჟამად თქვენი სტუმრები ვართ, ძალზე გვასიამოვნებთ, თუ მოსვამთ თქვენი მეზობლების — ფრანგების მიერ შემოთავაზებულ ღვინოს თქვენი ლამაზი იტალიური ტუჩებით.

უარის ნიშნად თავს ნაზად აქნევდა, მაგრამ, ეტყობოდა, დიდი პატივი აღარ დასჭირდებოდა. მან ერთხელ კიდევ თქვა «mica», მაგრამ ეს «mica» უკვე თავაზიანად იყო ნათქვამი. იტალიურ ყაიდაზე ჩაღით მოწნული ბოთლი ავიღე, ჭიქები შევავესე და ერთი მას მივაწოდე.

— დალიეთ, სასიამოვნო მოგზაურობა გვისურვით თქვენს ქვეყანაში.

მან ჭიქა უკმაყოფილოდ გამომართვა, თითქოს წყურვილი კლავსო, სულ-მოუთქმელად გამოცალა და მადლობის მოუხდელად უკანვე დამიბრუნა.

ახლა ალუბალი მივაწოდე.

— მიირთვით, ქალბატონო. ძალიან გვასიამოვნებთ, თუ უარს არ გვეტყვით.

მან ერთხელ კიდევ გამოხედა ცერად სკამზე გაფენილ ხილს და ისე სწრაფად წარმოთქვა, რომ ძლივს გავარჩიე:

— *Ame non piaciono ne le ciliegie, ne le susine, amo soltanto le fragole.*

— რას ამბობს? — მკითხა მაშინვე პოლმა.

— რა და არც ალუბალი მიყვარს, არც ქლიავი, მარტო მარწყვიო, — და ქალს მუხლებზე მარწყვით სავსე გაზეთი დავუდე. იგი მაშინვე შეუდგა ჭამას. ელვის სისწრაფით ჭამდა. თითის წვერებით იღებდა ნაყოფს და იყრიდა პირში, რომელსაც ძალზე კეკლუცად და მომხიბვლელად აუღებდა. მისი თითების სწრაფი მოძრაობის წყალობით ჩვენ თვალწინ თანდათან ილეოდა მარწყვის წითელი გროვა და რამდენიმე წუთში გაქრა კიდეც.

— კიდეც რა შემოგთავაზოთ? — ვკითხე.

ქალმა მიბასუხა.

— ცოტა ქათმის ხორცს შევჭამდი.

და მან ხელად გაანადგურა თითქმის ნახევარი ქათამი. ისე ლონივრად იჭნევდა ყბებს, მტაცებელი ცხოველი მოგავგონდებოდათ. ქალმა ბოლოს გადაწყვიტა გაესინჯა ალუბალიც, რომელიც არ უყვარდა, შემდეგ კი ქლიავი და ნამცხვარიც. მერე თქვა, საკმარისიაო, და ისევ თავის კუთხეში მიიკუნჭა. ქალის საქციელმა ძალიან გამართო, ვიფიქრე, მოდი ვცდი, იქნებ კვლავ შევაჭამო-მეთქი რამე. არ დავაკელი თავაზიანი თხოვნა და ქათინაურები, რომ დამეთანხმებინა, მაგრამ უეცრად ქალმა ისევ მძვინვარე სახე მიიღო და ისეთი მრისხანე «mica» მესროლა, რომ მაშინვე გამიქრო სურვილი მისთვის საჭმლის მონელებაში ხელი შემეშალა.

ჩემს მეგობარს მივუბრუნდი:

— საწყალო პოლ, მგონი, სულ ტყუილად ვირჩებიო.

ლამდებოდა. ნელა წვებოდა ზაფხულის თბილი ბინდი გახურებულ და ნოქანცულ დედამიწაზე. შორს, კონცხებსა და კლდოვანი სანაპიროს ქიმებზე სინათლეები აინთო, ჩამუქებულ ცის დასალიერზე კი ვარსკვლავები აკიაფდნენ, რომლებსაც ხანდახან შუქურების შუქისგან ვერ ვარჩევდი.

თანდათან მატულობდა ფორთოხლის ყვავილების სურნელიც. ხარბად, რაც შეიძლება ღრმად ვსუნთქავდით, რათა ფილტვები ამ დამათრობელი სუნით გაჟღენთილიყო. ჰაერში საოცრად ნაზი, ღვთაებრივი კეთილსურნელება ტრიალებდა.

უცბად რკინიგზის გასწვრივ ჩამწყრივებულ, ჩამუქებულ ხეებში ვარსკვლავების წვიმისმაგვარი რამ შევამჩნიე. თითქოს ნაპერწკლები დახტიან და ციმციმებენო ფოთლებში, თითქოს პატარა ვარსკვლავები ჩამოცვენილანო ციდან. ეს ციციანათელები იყვნენ, მოკიაფე მწერები, რომლებიც სურნელოვან ჰაერში უცნაურ ცეცხლოვან ცეკვას ასრულებდნენ. ერთი ციციანათელა შემთხვევით ჩვენს ვაგონშიც შემოფრინდა. იგი ფართატებდა, თავის მოციმციმე შუქს აფრქვევდა, ხან ძლიერ აციმციმებდა, ხანაც ჩაქრებოდა. ლამპას ცისფერი ფარდა ჩამოვაფარე, რომ უფრო დავმტკბარიყავი ამ ფანტასტიკური მწერის ცქერით, რომელიც აქეთ-იქით აწყდებოდა. უცბად ჩვენი მეზობლის შავ თმაზე დასკუბდა, რომელმაც სადილის შემდეგ ჩათვლიმა. პოლი აღფრთოვანებული შეპყურებდა ჩაძინებული ქალის თავზე ცოცხალ სამკაულად მოელვარე კაშკაშა წერტილს.

იტალიელმა ქალმა დაახლოებით თერთმეტას ნახევარზე გამოიღვიძა. გამოღვიძებული რომ დავინახე, ვუთხარი:

— ქალბატონო, გენუაში შევდივართ.

ქალს ჩემთვის არ უპასუხია, თავისთვის ჩაილაპარაკა, თითქოს ხმამაღლა ფიქრობსო:

— ახლა რაღა ვქნა?

და უცებ მითხრა:

— თუ გინდათ, თქვენთან ერთად წამოვალ.

გავოცდი, ვერაფერი გავიგე.

— როგორ თუ ჩვენთან ერთად? მაგითი რისი თქმა გნებავთ?

მან გაბრაზებულმა გამიმეორა:

— თუ გინდათ, თქვენთან წამოვალ.

— დიდი სიამოვნებით, მაგრამ სად ისურვებდით წასვლას? სად მიგიყვანოთ, სად მიგაცილოთ?

მან გულგრილად აიჩეჩა მხრები.

— საცა გენებოთ, ჩემთვის სულერთია.

და ორჯერ გამიმეორა:

Che mi fa!

— კი მაგრამ, ჩვენ ხომ სასტუმროში მივდივართ.

ქალმა ზიზლით მითხრა:

— პოდა, წავიდეთ სასტუმროში.

პოლს მივუბრუნდი და ვუთხარი:

— გვეკითხება. თქვენთან წამოსვლა თუ შეიძლებაო.

ჩემი მეგობრის უსაზღვრო გაოცებამ სიმშვიდე დამიბრუნა.

მან წაიდუღუნა:

— ჩვენთან? სად? რატომ? როგორ?

— არაფერი არ ვიცის ხომ გესმოდა, როგორი გაცხარებული მელაპარაკებოდა. ვუთხარი, სასტუმროში მივდივართ-მეთქი. მან კი განაცხადა, ძალიანაც კარგი, წავიდეთ სასტუმროშიო. მგონი, ჭიბეში ერთი სუც არ უჭყავის. გაცნობის ძალზე უცნაური წესი კი ჰქონია.

ათრთოლებულმა პოლმა შეჰყვირა:

— რა თქმა უნდა, თანახმა ვარ! უთხარი, სადაც მოინდომებს, იქ წავიყვანთ!

მერე გაჩუმდა და ცოტაოდენი ყოყმანის შემდეგ მითხრა:

— ოღონდ ის მაინც გავიგოთ, ვისთან წამოვა, შენთან თუ ჩემთან?

მე ქალს გადავხედე, რომელსაც ჩვეული გულგრილობა დაბრუნებოდა და, ეტყობოდა, საუბარი სრულიადაც არ აინტერესებდა.

— ძალიან ბედნიერი ვიქნებით, ჩვენთან წამოსვლას თუ ინებებთ, ოღონდ ჩემს მეგობარს აინტერესებს, დასაყრდნობად ჩემს მკლავს ინებებთ თუ მისას?

იგი თავისი ფართოდ გახელილი დიდრონი შავი თვალებით შემომჩაჩერდა და გაოცებულმა მითხრა:

Che mi fa!

ავუხსენი:

— მე მგონი, იმ კაცს, რომელიც ქალის ყოველი სურვილის ასრულებას თავის თავზე იღებს და ყველა მის ჟინსა და ახირებას აკმაყოფილებს, იტალიაში patito-ს ეძახიან. რომელ ჩვენგანს აირჩევდით თქვენს patito-დ?

მან უყოყმანოდ მიპასუხა:

— თქვენ.

პოლს მივუბრუნდი და ვუთხარი.

— ძვირფასო, ბედი არ გქონია, მე ამომიჩხია.

დადარდიანებულმა პოლმა თქვა:

— მით უკეთესი შენთვის.

ცოტა ხნის ფიქრის შემდეგ კი დაუმატა:

— ნუთუ მართლა ფიქრობ ამ კახის წამოყვანას? მთელ მოგზაურობას ჩაგვიმწარებს, რა უნდა ვუყოთ. ღმერთმა დასწყევლოს, რასა ჰგავს. მაგასთან ერთად არც ერთ წესიერ სასტუმროში არ მიგვიღებენ.

მაგრამ, თითქოს განგებ, სწორედ ამ დროს შევამჩნიე, რომ ქალი ბევრად უფრო ლამაზი იყო, ვიდრე თავიდან მეგონა. მტკიცედ გადავწყვიტე მისი წაყვანა და ახლა ველარავინ გადამათქმევინებდა. მთლიანად შემიპყრო ამ ფიქრმა, სხეულში უკვე ვგრძნობდი იმ მსუბუქ ერუანტელს, რომელიც სასიყვარულო ღამის მოლოდინში გვიპყრობს და ძარღვებში სისხლს გვიჩქროლებს.

ამიტომაც პოლს ვუთხარი:

— ჩემო ძვირფასო, ჩვენ უკვე თანხმობა განეუცხადეთ და ახლა ხომ აღარ გადავთქვამთ. თანაც პირველმა შენ არ მითხარი, თუ წამოგყვა, უარს ნუ ეტყვიო!

მან შემომიღრინა:

— რა სისულელეა, რაც გინდა, ისა ქენი.

მატარებელმა დაუსტვინა და სვლა შეანელა. როგორც იქნა, ჩამოვედით. ვაგონიდან პირველი გადმოვედი და ჩემს ახალ მეგობარს ხელი შევაშველე. იგი ბაქანზე მკვირცხლად ჩამოხტა და ზიზლით გამომდო ხელკავი. ბარგი რომ მივიღე, ქალაქში გავედით. პოლი მდუმარედ და ნერვიულად მოაბიჯებდა.

ვკითხე:

— რომელ სასტუმროში წავიდეთ? მე მგონი, „სიტე დე პარიში“ ქალთან ერთად, მით უმეტეს ამ ქალთან ერთად, მისვლა უხერხულია.

პოლმა შემაწყვეტინა:

— დიახ, უხერხულია. რადგან ქუჩის ქალს უფრო ჰგავს, ვიდრე პერცოვის მეუღლეს. ყოველ შემთხვევაში, ეს მე სულაც არ მეხება. როგორც გინდა, ისე მოიქეცი!

საგონებელში ჩავვარდი. „სიტე დე პარიში“ ხომ აღრევე შევუკვეთეთ ოთახები... ახლა კი... აღარ ვიცოდი, რა მექნა.

უკან ჩემოდნებით დატვირთული ორი მეზარგული მოგვეყვებოდა.

პოლს ვუთხარი:

— წინ მაინც წადი, სასტუმროს პატრონს გააფრთხილებ, რომ ჩამოვედით და მალე მოვალთ. თან სიტყვას გადაუკრავ, რომ... მეგობარი ქალი მახლავს და ცალკე ბინა გვინდა, სხვა მობინადრეებს რომ არ შეეხვდეთ. იგი ყველაფერს მიხვდება და როგორ პასუხსაც მოგვცემს, ჩვენც ისე მოვიქცევით.

პოლმა დაიქუხა:

— დიდი მადლობა, ეგ დავალება და როლი სრულებითაც არ მეპიტნავენა. აქ იმისათვის კი არ ჩამოვსულვარ, რომ ბინის საქმე მოგიგეარო, ან შენს სიამოვნებაზე ვიზრუნო.

მაგრამ მე არ ვეშვებოდი.



— კარგი, რა მოგივიდა, ნუ ბრაზობ, ცუდ სასტუმროში ხომ არ წავალთ? რა გიჭირს, სასტუმროს პატრონს სამი განცალკევებული ოთახი სთხოვს საერთო სასადილოთი?

სიტყვა „სამს“ ხაზი გავუსვი და ამან გასჭრა.

პოლი დაწინაურდა და დავინახე, როგორ შევიდა ლამაზი სასტუმროს უზარმაზარ კარში. მე კი ქუჩის მოპირდაპირე მხარეს გავჩერდი ჩემს მუნჯ იტალიელ ქალთან ერთად და ლოდინი დავუწყე. მეზარგულები ჩვენ უკან აღგნენ.

ბოლოს, როგორც იქნა გამოჩნდა, ისეთივე პირქუში გამომეტყველება ჰქონდა, როგორც ჩემს თანამგზავრ ქალს.

— ცალკე ბინას გვაძლევენ, — თქვა მან, — მაგრამ ოთახი მხოლოდ ორია, ახლა, როგორც გინდა, ისე მოიქეცი.

რალს ვიზამდი, გავყევი და ასეთ საეჭვო საზოგადოებაში ყოფნის გამო უსაზღვროდ დარცხვენილმა სასტუმროში შევაბიჯე.

ჩვენთვის გამოყოფილ ორ ოთახს პატარა სასტუმრო ჰქონდა. მოვითხოვე, ცივი ვახშამი ამოეტანათ, და ცოტა დარცხვენილი მივუბრუნდი ქალს:

— ქალბატონო, მხოლოდ ორი ოთახი გამოგვიყვეს, რომელიც გინდათ, ის ოთახი აირჩიეთ.

მან თავისი აკვიატებული „Che mi fa“ მიპასუხა. მაშინ იატაკიდან ნამდვილი მოახლე ქალის შესაფერისი ხის შავი სკივრი ავიღე და მარჯვენა ოთახში შევიტანე, რომელიც მისთვის... ჩვენთვის ივირჩიე. სკივრზე მიწებებულ ოთხკუთხა ქალაქზე ფრანგულად ეწერა: „მადმაზელ ფრანჩესკა რონდოლი, გენუა“.

— ფრანჩესკა გქვიათ? — ვკითხე მე.

მას არც უპასუხია, მხოლოდ თავი დამიკრა თანხმობის ნიშნად.

მე განვაგრძე:

— ვახშამს ახლავე მოგვართმევენ. იქნება გნებავთ მანამდე თავი მოიწესრიგოთ?

პასუხი კვლავ „mica“ იყო, სიტყვა, რომელიც მის ბაგეთაგან ისევე ხშირად მესროდა, როგორც „Che mi fa“.

მე არ ვეშვებოდი.

— მატარებლით მგზავრობის შემდეგ ძალიან სასიამოვნოა წყლის გადავლება.

მერე ვიფიქრე, იქნება ქალისათვის საჭირო ტუალეტის საგნები თან არა აქვს-მეთქი, რადგან მომეჩვენა, რომ რაღაც უჭირდა და ჩემი ნესესერი მივუტანე.

ნესესერიდან ამოვალაგე ფრჩხილების ჯავრისი, უხმარი კბილის ჯავრისი — მოგზაურობაში ყოველთვის რამდენიმე კბილის ჯავრისი მიმაქვს, — მაკრატლები, პატარა ქლიბები, ღრუბელი, სახურავი მოვხადე სურნელოვანი ლეანდისა წყლისა და „New mowa hay“-ს შუშებს, რათა არჩევა შესძლებოდა. გავხსენი აგრეთვე პუდრის კოლოფი. ჩემი ერთ-ერთი საუკეთესო პირსახოცი წყლიან დოქზე გადავკიდე და თასის გვერდზე ახალთახალი საპონიც დავდე.

ქალი ჩემს მოქმედებას ფართოდ გახელილი, მრისხანე თვალებით უყურებდა. ეტყობოდა, ჩემი ზრუნვა სრულებითაც არ აოცებდა, მაგრამ არც სიამოვნებდა.

ბოლოს ვუთხარი:

— ქალბატონო, აქ ყველაფერია, რაც შეიძლება დაგჭირდეთ, როდესაც ვახშამს მოიტანენ, დაგიძახებთ.

სასტუმრო ოთახში დავბრუნდი. პოლს მეორე ოთახი დაუსაჯურებიანა და შიგ ჩაკეტულიყო, ისე რომ მარტოს მომიხდა ლოდინი.

ლაქია განუწყვეტლივ მიდი-მოდიოდა, მოქონდა თევზები, ჭიქები, როდესაც მოხარშული დედალიც დადო მაგიდაზე, მომახსენა, ვახშამი მზად არისო. მადმაზელ რონდოლის კარზე ფრთხილად დავაკაკუნე, მან დაიყვირა: შე-მოდიეთო. შევედი და მაშინვე საპარიკმახეროებისათვის დამახასიათებელმა პარფიუმერიის მძიმე და მძაფრმა სუნმა შემიკრა სუნთქვა.

ქალი ისე ჩამომჯდარიყო თავის სკრებზე, თითქოს იმედგაცრუებული მე-ოცნებეა ანდა დათხოვნილი მოხელე ქალიო. თვალის ერთი შევლებით მივხვ-დი, როგორც ესმოდა თავის წესრიგში მოყვანა. დაკეცილი პირსახოცი ისევ წყლით სავსე დოქზე იყო გადაფენილი, საბონიც ისევ ხელუხლებლად იდო ცარიელ თასთან, მაგრამ იტყოდით, ამ ახალგაზრდა ქალს ნახევარი სუნამო მაინც დაუღლეიაო, თუმცა ოდეკოლონი შედარებით დაენდო, მხოლოდ მესამედი თუ აკლდა, სურნელთგანი ლავანდის წყლისა და „New mowa hay“-სთვის პირდაპირ მუსრი გაეგლო, სახე და კისერი ისე შეეპურდა, რომ ჰაერში ისევ დაფარფატებდა პუდრის მსუბუქი ღრუბელი. წამწამებზე, წარბებსა და საფე-თქლებზე თითქოს თოვლი შეუყრიათო, ლოყებზედაც სქლად ედო პუდრი, ცხვირზეც, ნიკაპის ფოსო და თვალის უბეებიც ამ გაჯისმაგვარი მასით ამოვ-სებოდა.

როდესაც ქალი წამოდგა, ისეთი მძაფრი სურნელება დაიფრქვია, რომ თავი ამტკივდა.

მაგიდას შემოვუსხედით, პოლი საშინელ გუნებაზე იყო. მხოლოდ იმისა-თვის თუ დაილაპარაკებდა, რომ წაებუზღუნებინა და უსიამოვნო შენიშვნები ან გესლიანი ქათინაურები წამოესროლა.

მადმაზელ ფრანჩესკა საკმელს უძირო უფსკრულივით ნთქავდა. როგორც კი ჭამა მოათავა, სავარძელშივე ჩასთვლიმა. მე კი მოუსვენრობამ შემიპყრო, რადგან ახლოვდებოდა დრო, როდესაც დასაძინებლად უნდა წავსულიყავით. გადავწყვიტე უფრო გაბედულად შემოქმედა. ქალს გვერდით მივუჯექი და ხე-ლზე თავაზიანად ვაკოცე. მან დაღლილი თვალები გაახილა და ოდნავ გაღე-ბული ქუთუთოებიდან ნაშმინარევი და, როგორც ყოველთვის, უკმაყოფილო მზერა მესროლა.

მე ვუთხარი:

— რადგან მხოლოდ ორი ოთახი გვაქვს, ნებას ხომ არ დამრთავთ, რომ თქვენს ოთახში დავიძინო?

მან მიპასუხა:

— როგორც გნებავთ, ისე მოიქეცით, Che mi fa.

ამ გულგრილობამ გული დამწყვიტა.

— მაშ თქვენთვის უსიამოვნო არ იქნება ჩემი იქ ყოფნა?

— ჩემთვის სულ ერთია, ისე მოიქეცით, როგორც გენებოთ.

— ახლავე ხომ არ ინებებთ დაწოლას?

— დიახ, ძალიან მეძინება.

ქალი წამოდგა, დაამოქნარა და გაგულისებულ პოლს ხელი გაუწოდა, და-

სამშვიდობებლად. მერე მე ჩვენი ოთახისაკენ გავუძეხი. მაგრამ მაინც მოუსვენრად ვიყავი.

— იი, აქ ყველაფერია, რაც გჭირდებათ, — კვლავ გავუშეორე.

მე თვითონვე ჩავუსხი თასში წყალი და პირსახოცი საპონთან ახლოს მივუწიე. შემდეგ პოლთან დავბრუნდი. შესვლისთანავე მომახალსა:

— კარგი ვინმე კი მოათრიე!

გამეცინა.

— მეგობარო, სანამ გემოს არ გაუსინჯავ, ნუ იტყვი, ყურძენი მკვებიაო! მან კი შენიღბული გესლიანობით დაუმატა:

— ფრთხილად იყავი, ჩემო ძვირფასო, მაგ ყურძენმა ავად არ გავხადოს! შეეკრთი, უცებ შემიბყრო იმ მტანჯველმა შიშმა, საეჭვო სასიყვარულო თავგადასავლების შემდეგ ყოველთვის თან რომ გდევს, შიშმა, ყველაზე მომხაბვლელ შეხვედრებს, შემთხვევით აღერსსა და ნაპარავ კოცნას რომ გვიმწარებს. მაგრამ არ შევიმჩნიე და ვუთხარი:

— კარგი ერთი, რას ამბობ, ეს გოგო მართლა მეძაფე ხომ არ არის.

მაგრამ ახლა უკვე ხელში ვყავდი ამ გაიძვერას. არც ჩემს სახეზე გაელვებული შეკრთომა გამოჰპარვია:

— რა იცი, ვინ არის? პირდაპირ მოიცემა! მატარებელში აიკიდე ვილაც იტალიელი ქალი, რომელიც მარტოდმარტო მოგზაურობს და რომელიც შეუღლებელი ცინიზმით სთავაზობს მასთან ღამის გატარებას ნებისმიერ სასტუმროში. შენც მოგყავს, და კიდევ მიმტკიცებ, ნათრევი არ არისო! თანაც თავს ირწმუნებ, თითქოსდა ამ საღამოს ისეთივე ხიფათი არ გელოდეს, როგორც... ვთქვათ, ყვავილით დაავადებული ქალის საწოლში!

მან ბოროტად, გამაღიზიანებლად გაიცინა. ეჭვებით აფორიაქებული იქვე ჩამოვჯექი. რა მექნა? პოლი მართალი იყო და ჩემს არსებაში დაიწყო შიშისა და სურვილის საშინელი ბრძოლა.

პოლმა განაცხადა:

— რაც გინდა, ისა ჰქენი. მე გაგაფრთხილე, მერე ჩივილი არ დაიწყო!

მაგრამ მის თვალეში ისეთი ბოროტი ირონია, შურისძიების ისეთი სიხარული დაეინახე, ისე თავხედურად დამცინოდა, რომ წამითაც აღარ შეეყოვნებულვარ.

— ღამე მშვიდობისა, — ვუთხარი და ხელი გავუწოდე. — ღმერთმანი გამარჯვება ღირს იმად, კაცი საფრთხეს არ მოერიდოს. საფრთხის გარეშე გამარჯვებას ჩალის ფასი აქვს!

და მტკიცე ნაბიჯით შევაბიჯე ფრანჩესკას ოთახში, ზღურბლზევე გავშეშდი, გაოცებული და აღფრთოვანებული. ქალს უკვე ეძინა, მთლად შიშველი იყო. ეტყობოდა, ძილი მაშინვე სწვეოდა, ტანსაცმელს როცა იხდიდა, და ტიცციანის ქალივით წარმტაც და დიდებულ პოზაში იწვა. აღბათ ძალზე დაღლილი იყო, რადგან წინდების გახდისას საწოლზე მიწოლილიყო — წინდები იქვე ზეწარზე მიეყარა. მერე უცბად რაღაც სასიამოვნო თუ მოჰგონებია, რადგან წამოდგომა აღარ უჩქარია, რათა ბოლომდე დამტკბარიყო თავისი ზმანებით, მერე კი თვალეშიც თავისით დახუჭვია და ძილისთვის მიუცია თავი. მაღაზიაში ნაყიდი, საყულოდაქარგული ღამის პერანგი — ახალბედის ფუფუნების საგანი — იქვე სამზე ეგდო.

ქალი მომაჯადოებელი იყო — ახალგაზრდა, ჩამოქნილი და ქორთა.

რა უნდა იყოს მძინარე ქალზე უფრო მშვენიერი! მისი სხეულის ყოველი ხაზი უნაზესია. ყოველი ნაკვთი ისეთი დამატყვევებელია და გულს ისე გიჩქროლებთ, თითქოს ღმერთს იმისათვის შეუქმნია, რომ აწ და მარადის ასე უბრაოდ განისვენებდეს სარეცელზე. ტალღოვანი ხაზი, რომელიც წელთან ღრმავდება, თქმოსთან ისევ ზევით იწევს, ხოლო შემდეგ ფეხის მთელ სიგრძეზე მსუბუქად და მნოიანად ეშვება ძირს, რათა ასე კეკლუცად დაბოლოვდეს ფეხის თითებთან, მხოლოდ ქათქათა ზეწარზე გაწოლილი თუ წარმოაჩენს მთელ თავის დახვეწილ სიტურფეს!

წამიც და მზად ვიყავი დამევიწყებინა ჩემი მეგობრის გონივრული რჩევა, მაგრამ უცბად ტუალეტის მაგიდისკენ გავიხედე, სადაც ყველაფერი ისევ ბელუბლებლად ეწყო და შეწუხებული ჩამოვჯექი, რადგან არ ვიცოდი, რამექნა.

დიდხანს, ძალიან დიდხანს, ალბათ ერთი საათი მაინც ვიჯექი ასე. ვერაფერი მომეფიქრებინა, ვერც რამე გამებედა, ვერც გაქცევა გადამეწყვიტა, არადა, უკანდასახევი გზა აღარ მქონდა, ან ასე მჯდომარეს უნდა გამეთენებინა ღამე, ან არადა დავწოლილიყავი და განსაცდელში ჩამეგდო თავი.

მაგრამ ან საწოლზე რა დამაძინებდა, ან სავარძელში. მე ხომ გონება ძალზე აღზნებული მქონდა, თვალები კი ძალზე დაკავებული.

სიცხიანივით მაკანკალებდა და ვწრიალებდი, ადგილს ვერ ვპოულობდი უზომოდ აღელვებული. ბოლოს თავს ჩავაგონე; დაწოლა ეს ჯერ კიდევ არაფერს ნიშნავს, განა ლოგინში უკეთესად არ დავიძინებ; ვიდრე სკამზე-მეთქი?

და ნელ-ნელა დავიწყე გახდა, მერე ჩაძინებულ ქალს გადავაბიჯე, კედლის მხარეს დავწექი და ცდუნებას ზურგი შევაქციე.

დიდხანს ვიწექი ასე, არაფრით არ დამეძინა. მაგრამ უეცრად ქალს გამოვლვიძა, გაახილა გოცვებული და, როგორც ყოველთვის, უკმაყოფილო თვალები და როცა შეამჩნია, რომ შიშველი იწვა, წამოდგა და ღამის პერანგი ისე გულგრილად გადაიცვა, თითქოს მე იქ არ ვყოფილიყავი.

მაშინ... ეშმაკმა დალახვროს... გარემოება გამოვიყენე, რასაც, იგი, ეტყობოდა, სრულებითაც არ შეუწყობებია. თავი მარჯვენა მკლავზე დაიდო და ისევ მშვიდად დაიძინა.

მე კი დიდხანს ვფიქრობდი ადამიანის წინდაუხედაობასა და სულმოკლეობაზე. ბოლოს, როგორც იქნა, ჩამეძინა.

ქალი ადრე ადგა, თითქოს დილიდანვე ფუსფუსს არის მიჩვეულიო. ხმაურზე მეც გამომეღვიძა და ნახევრად გაღებულ ქუთუთოებიდან მალულად ვუთვალთვალე ბიძი.

იგი ისე მიდი-მოდიოდა, თითქოს უკვირს, საქმე რომ არაფერი აქვს გასაყეთებელიო. ბოლოს გაბედა, ტუალეტის მაგიდას მიუახლოვდა და ერთ წუთში დააცარიელა, რაც კი ჩემს შუშებში სუნამო დარჩენილიყო. მართალია წყალიც ისხურა, მაგრამ ძალიან ცოტა.

საბოლოოდ რომ გამოეწყო, თავის სკივრზე ჩამოჯდა, ხელები მუხლებზე შემოიხვია და ჩაფიქრდა.

ასე მოვაჩვენე თავი, თითქოს ახლა გამომეღვიძა და ვუთხარი:

— დილა მშვიდობისა, ფრანჩესკა.

მან კი (ეტყობოდა, გუშინდელს აქეთ გუნება ოღნავადაც არ გამოჰკეთებოდა) პასუხად წაიბურტყუნა:

— დილა მშვიდობისა.

მე ვკითხე:

— კარგად გეძინათ?

პასუხად მხოლოდ თავი დამიქნია. საწოლიდან წამოვხტი და საკრებლად მივეტანე.

მან იმ ბავშვივით მომიშვირა სახე, რომელსაც არ უნდა, მაგრამ ძალად ეფერებოდა. შემდეგ ნაზად მოვებვიე (ღვინო დასხმული იყო და სულელი უნდა ვყოფილიყავი, არ დამელია, და ნელ-ნელა დავუწყე კოცნა დიდროს თვალებს, რომლებსაც იგი გამწყრალი ხუჭავდა, ქორფა ლოყებს, სავსე ტუჩებს, სულ ერთთავად რომ გამირბოდნენ.

იძულებული ვიყავი მეკითხა:

— იქნებ ჩემი კოცნა არ გსიამოვნებთ.

— mica! — მიპასუხა მან.

მის გვერდით ჩამოვჯექი სკივრზე, წელზე ხელი მოვხვიე და ვუთხარი:

— Mica! Mica! ყველაფერზე Mica! ამიერიდან მადმუაზელ Mica-ს დაგიძახებთ!

ამ სიტყვებზე ბაგეზე პირველად დავუნახე რაღაც ღიმილისმაგვარი, მაგრამ ისე მალე გაუქრა, რომ დავეჭვდი, რომ არ მომეჩვენა-მეთქი.

— კი მაგრამ, თუ ყველაფერზე mica მიპასუხებთ, როგორღა გავიგო რა გესიამოვნებათ, ან რითი ვაგართოთ. აი, მაგალითად, დღეს რა ვქნათ?

იგი შეყოყმანდა, თითქოს თავში რაღაც აზრმა გაუელვავა, მერე კი გულგრილად თქვა:

— ჩემთვის სულერთია, რაც გინდათ.

— კარგით, მადმუაზელ Mica, ეტლი დავიჭირავოთ და გავისეირნოთ.

მან ისევ წაიჩურჩულა:

— როგორც გენებოთ.

პოლი სასადილო ოთახში გვიცდიდა სასიყვარულო ამბავში გახვეული მესამე პირისათვის დამახასიათებელი გაბეზრებული გამომეტყველებით. მე აღფრთოვანებული სახე მივიღე და ჩემი საზეიმო განწყობილება ენერგიული ხელის ჩამორთმევით ვამცნე.

პოლმა მეკითხა:

— დღეს რის გაკეთებას აპირებთ?

— ცოტა ხანს ქალაქში ვისეირნებთ, შემდეგ ეტლი დავიჭირავოთ და გარეუბნები დავათვალიეროთ.

საუზმემ უხმოდ ჩაიარა, მერე კი მუზეუმების დასათვალიერებლად წავედით. სასახლიდან სასახლეში გადავდიოდით. ფრანჩესკას ხელს არ ვუშვებდი. მოვიარეთ სპინოლას, დორიას, მარჩელო დურატოს, აგრეთვე თეთრი და წითელი სასახლეები. ქალი არაფრისადმი არ იჩენდა ყურადღებას, მხოლოდ იშვიათად თუ მიაპყრობდა ზანტ და უხალისო მზერას ხელოვნების რომელიმე შედეგს. გაჯავრებული პოლი უკან მოგვდევდა და იღრინებოდა. შემდეგ ეტლით ქალაქგარეთ გავისეირნეთ. ვზაში არც ერთს ხმა არ ამოგვიღია.

ბოლოს სასადილოდ სასტუმროში დავბრუნდით.

იგივე განმეორდა მეორე და მესამე დღესაც.

მესამე დღეს პოლმა მითხრა:

— იცი რა, აქედან უნდა გავემგზავრო. მეტი საქმე არა მაქვს, სამი კვირა აქ ვიჯდე და შენსა და იმ კახპის სიყვარულობანას ვუყურო!

ძალიან შევწუხდი, მეუხერხულა, რადგან ჩემდა გასაოცრად ფრანჩესკამ ძალიან გამიტაცა და მივეჩვიე. ადამიანი სუსტია და სულელი, სულ პატარა რაღაც აცუნდრუკებს, ხოლო როცა მისი გრძნობები აღგზნებულია და გული დაბყრობილი, სულმდებლობაც კი ეუფლება.

ჩემთვის ძვირფასი გახდა ეს უტყვი, მუდამ უკმაყოფილო გოგო, რომელსაც სრულიად არ ვიცნობდი. მომწონდა მისი მოღრუბლული სახე, გაბუტული ტუჩები, მოწყენილი მზერა, მომწონდა მისი მოღლილი მოძრაობა, ზიზღით აღსავსე დაყოლა ალერსზე, თვით მისი გულცივი ალერსიც კი. რაღაც უხილავმა ძაფებმა, ხორციელი სიყვარულის საიდუმლო ძაფებმა, იმ იდუმალმა სწრაფვამ, რომელსაც უძღები სურვილი წარმოშობს, მას მიმაჯაჭვა. ეს ყველაფერი გულწრფელად ვუთხარი პოლს. მან სულელი მიწოდა და მითხრა:

— კარგი, მაშ ისიც წამოიყვანე.

მაგრამ ქალმა სასტიკი უარი თქვა გენუიდან გამგზავრებაზე, თუმცა მიზეზი არ დაუსახელებია. არც ხვეწნა-მუდარამ გაჭრა. არც დაპირებებმა.

მეც დავრჩი.

მაშინ პოლმა განაცხადა, მარტო გავემგზავრებით, ჩემოდანიც კი ჩაალაგა, მაგრამ მაინც დარჩა.

ამასობაში გაიარა ორმა კვირამ.

ძველებურად გაჯავრებული და ჩუმი ფრანჩესკა უფრო ჩემ გვერდით ცხოვრობდა, ვიდრე ჩემთან. ყველა ჩემს თხოვნას და წინადადებას თავისი აკვიატებული „Che mi fa?“ და არანაკლებ აკვიატებული „mica“-თი პასუხობდა.

ჩემი მეგობარი კი გაუთავებლად ბრაზობდა. ყოველ ბრაზიან გამოხდომაზე ასე ვეუბნებოდი:

— აქ თუ მოგბეზრდა, შეგიძლია გაემგზავრო, მე ხომ არ გიჭერ.

ამაზე პოლი წამოენთებოდა ხოლმე, მლანძღავდა და მსაყვედურობდა:

— ახლა სადღა უნდა წავიდე? დრო სამი კვირა გვქონდა და ორი უკვე გავიდა! გზის გაგრძელებას აზრი აღარ აქვს! ანდა ვენეციაში, ფლორენციასა და რომში მარტო ხომ არ გავემგზავრები. მაგრამ გაზღვევინებ იცოდე, და უფრო მეტადაც, ვიდრე შენ გგონია. გაგიგონიათ, ადამიანი პარიზიდან წამოიყვანონ და გენუის სასტუმროში იტალიელი ნათრევი ქალის გულისათვის ჩაკეტონ!

მე კი მშვიდად ვეუბნებოდი:

— რაღას იზამ, ისევ პარიზში დაბრუნდი.

ისიც აყვირდებოდა:

— მეც სწორედ მაგას ვაპირებ და ხვალვე გავემგზავრები!

მაგრამ მეორე დღესაც ისევ ისე ლანძღვა-გინებაში აღამებდა.

ქალაქში უკვე გვცნობდნენ. დილიდან საღამომდე დავხეტებოდით გენუის ვიწრო, უტროტუარო, მიწისქვეშა გადასასვლელების მსგავსი დერეფნებით გადასერილ ქუჩებში, რომლებიც ქალაქს მოთარეშე ქარის ბინადქცეულ ქვის ლაბირინთს ამსგავსებდა. დავდიოდით შესახვევებსა და შუკებში და ცის პატარა ნაგლეჯისთვისაც კი ვერ შეგვესწრო თვალი. ხანდახან ვხვდებოდით ფრანგებს, რომლებიც გაოცებულნი შემობრუნდებოდნენ ხოლმე, თავიანთ თანამემამულეებს ჰყვებოდა ტანსაცმელში გამოწყობილ მოწყენილ გოგოსთან ერთად რომ ხედავდნენ, რომლის ქცევაც იმდენად საოცარი იყო, პირდაპირ თავსა გვჭრიდა.

ჩემს ხელს დაყრდნობილი ქალი სეირნობისას ზედაც არაფერს უყურებ-

და. მაშ რატომღა რჩებოდა ჩემთან, ჩვენთან, თუკი, როგორც ვამჩნევდით. მაინცდამაინც დიდ სიამოვნებას ვერ ვანიჭებდით? ვინ არის? სალაურია? რა საქმეს ეწევა? ნეტავ აქვს გეგმები ან ჩანაფიქრი, თუ ბედს არის შინდობილი და შემთხვევითი შეხვედრებით ცხოვრობს? ამოდ ვცდილობდი, რაიმეს ვაგებბას, განჭვრეტას, ახსნას. რაც უფრო ახლოს ვეცნობოდი, მით უფრო მეტად მაოცებდა და გამოცანად მესახებოდა. ერთი კი ცხადი იყო, ის არ ეკუთვნოდა უნამუსო, გარყვნილი ქალების რიცხვს, რომელთაც სიყვარული შემოსავლის წყაროდ გაუხდიათ. ჩემი აზრით, უფრო ღარიბი ოჯახის ქალიშვილი უნდა ყოფილიყო, რომელიც აცდუნეს, წაიყვანეს, მოატყუეს და მიიტოვეს, ახლა კი გაოგნებულმა აღარ იცის, რა გზას დაადგეს. რას აპირებდა? რას ელოდა? ის ხომ სრულიად არ ცდილობდა ჩემს მოხიბვლას, თავის მოწონებას, ანდა ჩემგან რაიმეს გამორჩენას.

ყველანაირად ვცდილობდი, რომ მისი ამბავი გამეგო. ვეკითხებოდი ბავშვობის წლებზე, ოჯახზე, მაგრამ არაფერს მპასუხობდა. და მეც ვრჩებოდი მასთან, გული თავისუფალი მქონდა, ხორცი კი დატყვევებული. მე ხომ არ მწყინდებოდა ამ პირქუში, დიდებული ძუს ხვევნა, მასთან შეერთება გრძნობამორეული, გამძვინვარებული ცხოველივით. რაღაც გრძნობიერი თილისმით ვიყავი დატყვევებული, მხიბლავდა სინორჩე და სიჯანსაღე, რომელიც გამოსჭვიოდა მისგან, მისი სურნელოვანი კანიდან, მისი ღონიერი, მკვრივი სხეულიდან.

განვლო კიდევ ერთმა კვირამ. ჩემი მოგზაურობა უკვე დასასრულს უახლოვდებოდა, 11 ივლისს პარიზში უნდა ვყოფილიყავი. პოლიც თითქოს ბედს შეურვიდა, მაგრამ ისევ მებუზლუნებოდა, მე კი ვცდილობდი მომეგონებინა ახალ-ახალი გასართობები, სიამოვნებანი და სეირნობანი ჩემი საყვარლისა და მეგობრის გასართობად. პირდაპირ თავს არ ვზოგავდი.

ერთხელ სანტა-მარგარეტაში გასეირნება შევთავაზე ორივეს. ბაღებით გარშემორტყმული ეს პატარა ქალაქი კლდოვანი ნაპირის ძირას შეყუყულა, რომელიც შორს, სოფელ პორტო-ფინომდე შეჭრილა ზღვაში. სამივენი გავუდევით ულამაზეს გზას, რომელიც მთის გაყოლებით მიიკლაკნებოდა. უეცრად ფრანჩესკამ მითხრა:

— ხვალ სასეირნოდ ველარ გამოგყვებით, სახლში უნდა წავიდე.

იგი გაჩუმდა. ვიცოდი, რომ პასუხს მაინც ვერ ველირსებოდი და აღარაფერი მიკითხავს.

მეორე დღეს, მართლაც ძალიან ადრე ადგა და, რაკი მე ისევ ვიწეტი, ფეხთით ჩამომიჯდა და გაუბედავად მითხრა:

— სალამომდე თუ არ დავბრუნდი, არ მომაკითხავთ?

— რასაკვირველია. სად უნდა მოვიდე?

ფრანჩესკამ ამიხსნა:

— ჯერ ვიქტორ-ემანუელის ქუჩას გამოჰყვებით, შემდეგ ფალკონესა და სან-რაფაელის შესახვევებსაც გაივლით და ავეჯით მოვაჭრის სახლს დაინახავთ; ეზოს სიღრმეში, მარჯვენა ფლიგელში ქალბატონ რონდოლის იკითხავთ. მეც იქ ვიქნები.

ფრანჩესკა წავიდა. გაოცებისაგან ხმას ვერ ვიღებდი. მარტო რომ დამინახა, ჩემზე არანაკლებ გაოცებულმა პოლმამ მკითხა:

— ფრანჩესკა სადღაა?

მეც ყველაფერი მოვუყევი, რაც მოხდა.

მან შეჰყვირა:

— ძალიან კარგი, მეგობარო, ვისარგებლოთ შემთხვევით და იქედან მოვუსვათ. მით უმეტეს, რომ ჩვენი გამგზავრების დროც დადგა, რომელი დღე იქნება თუ იქით, რა მნიშვნელობა იქვს. გზას გავუდგეთ, გზას ჩაალაგე ჩემოდნები! გავემგზავროთ!

მე არ ვეთანხმებოდი:

— კი, მაგრამ, ძვირფასო, სამი კვირა ერთად გაგვიტარებია და ამ გოგოს ასე ხომ ვერ მივატოვებ? ხომ უნდა გამოვემშვიდობო და დავითანხმო, რომ რამე გამომართვას. არა და არა! ვინმე სალახანასავით ხომ ვერ მოვიტყევი.

მაგრამ მას არაფრის გაგონება არ სურდა. მაჩქარებდა და საშველს არ მადლევდა. მე მაინც არ ვუთმობდი.

ფრანჩესკას მოლოდინში გარეთ ფეხი არ გამიდგამს, მაგრამ იგი არ დაბრუნებულა.

სალამოს, ვახშამზე პოლი ზეიმობდა:

— თვითონ მიგატოვა, ჩემო ძვირფასო. აი, სეირი თუ გნებავთ, ნამდვილი სეირი.

უნდა გამოვტყდე, რომ გაოცებული და ცოტა ნაწყენიც ვიყავი. პოლი კი პირში დამცინოდა და მაბითურებდა.

— თუმცა ძალიან უბრალო და მარტივი საშუალებებისათვის მიუმაართავს, მაგრამ ვერაფერს იტყვი, კარგად კი მოუფიქრებია: „მომიცადეთ, სალამოთი დავბრუნდები“. დიდხანს აპირებ ლოდინს? ვინ იცის, იქნება იმდენი დოკუმენტობა გამოიჩინო, რომ მაგ მისამართით წახვიდე და მიაკითხო: „აქ ცხოვრობს ქალბატონი რონდოლი?“ „აქ ასეთი არავინ ცხოვრობს, ბატონო“. სანაძლეოს ვდებ, რომ იქ წასვლას აპირებ.

მე ვიუარე:

— არა, არა, ძვირფასო, გარწმუნებ, თუ ხვალ დილით არ დაბრუნდა, რვა საათის მატარებლით მივემგზავრები. ასე რომ, ოცდაოთხ საათს მოვუცდი. ეს დრო სავსებით საკმარისია და სინდისიც დამშვიდებული მექნება.

მთელი სალამო მოწყენილი ვიყავი და ვწრიალებდი. ვნერვიულობდი. ვგრძნობდი, რომ გული მისთვის მიკვნესოდა, შუალამისას დავწეჭი. ძალიან ცუდად მეძინა.

ექვს საათზე უკვე ფეხზე ვიყავი. პოლი გავაღვიძე, ჩემოდანი ჩავალაგე და ორი საათის შემდეგ უკვე საფრანგეთისკენ მივქროდი.

I I I

ისე მოხდა, რომ მეორე წელს, ზუსტად იმავე დროს, ციებ-ცხელებასავით შემიპყრო იტალიის ნახვის ხელახალმა მძაფრმა სურვილმა. მაშინვე გადაწყვიტე გამგზავრება, რადგან განათლებული კაცისათვის ფლორენციის, ვენეციისა და რომის დათვალიერება აუცილებელია. ამას გარდა, ეს ხომ საზოგადოებაში მრავალ სასაუბრო თემას და ხელოვნებაზე ბანალური ფრაზების წარმოთქმის საშუალებასაც იძლევა, რომელნიც უჩვეულოდ ღრმავროვანნი ჩანან. ამჯერად მარტოკა გავემგზავრე და გენუაშიც ზუსტად იმავე დროს ჩავე-

დი, რა დროსაც ჩავედი გასულ წელს, ოღონდ გზაში არაფერი გადამხდენია. ისევ იმ სასტუმროში გავჩერდი და სრულიად შემთხვევით ოთახიც ისევ ის მერგო.

მაგრამ დაეწევი თუ არა, მოგონებებმა ფრანჩესკაზე, რომლის სახეც უკვე წინააღმდეგ ბუნდოვნად გაკრთებოდა ხოლმე ჩემს გონებაში, მთავრად შემომიტიეს.

ნუთუ არ აგკვირებიათ ქალზე ფიქრი, როცა დიდი ხნის შემდეგ იმ ადგილებში დაბრუნდებით, სადაც გიყვარდათ და ფლობდით მას.

ეს ერთი იმ მძაფრ და მტანჯველ გრძნობათაგანია, როგორც კი ოდესმე განმიცდია. გელანდება, რომ ახლა შემოვა იგი, გაგიღიმებს და გადაგხვევა. მისი ხატება ხან ბუნდოვანია, ხან კი ცხადი, ხან გამოჩნდება, ხანაც გაქრება. იგი გატყვევებს, შენს სულსა და გულს ეუფლება, აჩრდილივით დაგყვება და გრძნობებს გიფორიაქებს. ხედავ მას, თან გდევს მისი სურნელი, ტუჩებზე მის კოცნას გრძნობ, სხეულზე — მის შეხებას, შენ ახლაც მარტო ხარ, ძალიან კარგად იცი ეს, მაგრამ მაინც ენით უთქმელი მღელვარება ვიპყრობს, არ გასვენებს მისი აჩრდილი. გული გიკვნესის, გეჩვენება, რომ ეს-ეს არის სამუდამოდ მიგატოვებს. ყველაფერი, რაც შენ გარშემოა, სასოწარკვეთილებას გვვრის, ფიქრობ, რომ დაგივიწყებს და მთელ შენს არსებაში სიმარტოვის საშინელი განცდა იბუდებს, ოჰ, აღარასოდეს აღარ დაბრუნდეთ იმ ქალაქში, სახლში, ოთახში, ტყეში, ბაღში, სადაც საყვარელ ქალს ეხვეოდით!

მთელ ღამეს ფრანჩესკა შედგა თვალწინ და ნელ-ნელა შემიპყრო მისი ხელახალი ნახვის სურვილმა, თავდაპირველად გაუბედავმა, შემდეგ კი ძლიერმა, მწვავე და მხურვალე სურვილმა. გადავწყვიტე, მეორე დღეც გენუაში გამეტარებინა და ფრანჩესკა მომეძებნა, ხოლო თუ ვერ ვიპოვიდი, სალამოს მატარებლით გავმგზავრებულყავი.

ამიტომაც დილიდანვე შევუდევი ძებნას. შესანიშნავად მახსოვდა მისამართი, განშორებისას რომ მომცა: ვიქტორ-ემანუილის ქუჩა, ფალკონეს გასასვლელი, სან-რაფაელის შესახვევი, ავეჯის გამყიდველის სახლი, მარჯვენა ფლიგელი ეზოს სიღრმეში.

როგორც იქნა, გავიგენი გზა და ნახევრად დანგრეული პატარა სახლის კარზე დავაკაკუნე. კარი ვილაც სქელმა ქალმა გაძილა, რომელიც ოდესღაც საოცრად ლამაზი უნდა ყოფილიყო, ამჟამად კი მხოლოდ საოცრად ჭუჭყიანი იყო. მიუხედავად უზომო სიმსუქნისა, მის სახის ნაკვთებს მაინც შემორჩენოდა არაჩვეულებრივი სიდიადე. დაუფარცხნელი თმის კულულები შუბლსა და მხრებზე ჩამოსწეწოდა, დალაქულ საშინაო ფართო კაბაში, ფაშფაშა, დუნე სხეული უთამთამებდა. ყელზე უშველებელი მოოქროვილი ყელსაბამი ეკიდა, მაჯაზე კი შესანიშნავი გენუური ფილიგრანული სამაჯურები ეკეთა. მან მტრულად შემომიბღვირა:

— რა გნებავთ?

მე ვკითხე:

— მადმუაზელ ფრანჩესკა რონდოლი აქ ცხოვრობს?

— მერედა, რა გნებავთ?

— მე ბედნიერება მქონდა გასულ წელს ვამეცნო იგი და ახლა კვლავ ვისურვებდი მის ხილვას.

მოხუცი ქალი ეჭვის თვალით მიმზერდა.

- სად გაიცანით?
- აქვე, გენუაში.
- რა გქვიათ?

წამით შევყოყმანდი და ჩემი გვარი ვუთხარი.

ქალმა ბოლომდე არც მითქმევინა, ხელები ისე გაშალა, თუ ფეხებს უნდა გადამეხვიოსო:



— აჰ, თქვენ ხართ ის ფრანგი! როგორ მიხარია თქვენი ნახვა! მაგრამ გამწარეთ კია საწყალი გოგო! მთელი თვე გიცდიდათ, ბატონო, მთელი თვე. პირველ დღეს ფიქრობდა, რომ მოაკითხავდით. უნდოდა გაეგო, ნამდვილად გიყვარდათ თუ არა! აჰ, რომ გენახათ, როგორ ტიროდა, როდესაც მიხვდა, აღარ მოხვიდოდით! დიახ, ბატონო, იმდენი იტირა, ცრემლი გაუშრა პირდაპირ! მერე სასტუმროშიც წამოვიდა, მაგრამ თქვენ იქ აღარ დაუხვდით, ჯერ ფიქრობდა, რომ იტალიაში მოგზაურობდით, უკან დაბრუნებისას ისევ გამოივლიდით გენუაში და მასაც ნახავდით, რადგანაც მან ხომ არ მოინდომა თქვენთან ერთად წამოსვლა. თვეზე მეტი გიცადათ. დიახ, ბატონო! ნაღვლობდა, მერედა, როგორ ნაღვლობდა! მე დედამისი ვარ!

ცოტა არ იყოს, შევცბუნდი, მაგრამ არ შევიმჩნიე და ვკითხე:

— ახლა შინ არის?

— არა, ბატონო, პარიზშია, ერთ მხატვართან, შესანიშნავ ახალგაზრდასთან, რომელსაც ძალიან უყვარს, ბატონო, ისე უყვარს, რომ რასაც მოსთხოვს, ყველაფერს ჩუქნის. აი ნახეთ, რა გამომიგზავნა ფრანჩესკამ, ხომ ლამაზებია?

წმინდა სამხრეთული აღფრთოვანებით მიტრიალებდა თვალწინ ფართო სამაჯურებს და მძიმე ყელსაბამს.

— კიდევ მაქვს ლამაზთვლიანი საყურეები, აბრეშუმის კაბა, ბეჭდები, მაგრამ დილით რად მინდა. აი, სადმე რომ მივდივარ, მაშინ გამოვეწყობი ხოლმე. რომ იცოდეთ, როგორი ბედნიერია ახლა! ძალიან გაუხარდება, როცა მივწერ, რომ ჩვენთან იყავით! შემოდით, ბატონო, ცოტა ხანს ჩამოჯექით, რამეს მაინც დაგაღვიძებთ, შემოდით.

მე ფუარობდი. მინდოდა პირველივე მატარებლით გავმგზავრებულიყავი, მაგრამ ქალმა ხელი მტაცა და შინ ძალით შემიყვანა.

— შემოდით, ბატონო, ხომ უნდა მივწერო, რომ ჩვენთან იყავით, — ასე აღმოვჩინდი ნახევრად ბნელ, პატარა ოთახში, სადაც მხოლოდ მაგიდა და რამდენიმე პატარა სკამი იდგა.

ქალი ისევ აღაპარაკდა:

— ო! ჩემი შვილი ახლა ძალიან ბედნიერია, ძალიან ბედნიერი. მატარებელში როცა შეხვდით, დარდიანი იყო. მეგობარმა კაცმა მარსელში მიატოვა და საცოდავი ბავშვი შინ მართო ბრუნდებოდა. მაშინვე ძალზე მოსწონებინართ, მაგრამ ხომ გესმით, ნაღველი ჯერ კიდევ არ განელეებოდა, ახლა კი არაფერი არ აკლია. ყველაფერსა მწერს, არაფერს მიმალავს. იმ კაცის გვარი ბელმენია: ამბობენ, თქვენში დიდი მხატვრის სახელი აქვს. ქუჩაში შეხვდა ფრანჩესკას, დიახ, ბატონო, ქუჩაში და მაშინვე შეუყვარდა. მართლა, ჭიქა სიროფს ხომ არ მიირთმევდით, ძალიან გემრიელია. წლეულს რა, მართო ჩამოხვედით?

— დიახ, სულ მართო, — ვუპასუხე მე.

გამიარა პირველმა იმედგაცრუებამ, რომელიც ქალბატონი რონდოლის სიტყვების შემდეგ დამეუფლა, და ახლა ერთი სურვილი მქონდა ბმამაღლა გა-

დამეჩარხარა. სხვა გზა აღარ იყო და სიროფის დაღვევა მომიხდა. ქალი კი ისევ ლაპარაკობდა:

— მაშ, სულ მარტო ჩამოხვედით? აჰ, როგორ მწყინს, რომ ფრანჩესკა აქ არ არის: სანამ აქა ხართ, ამხანაგი გეყოლებოდათ. აბა, მარტო სეირნობა რა სასიამოვნოა; ფრანჩესკასაც გული დასწყდება.

ასადგომად წამოვიწიე თუ არა, ქალმა იყვირა:

— მოიცათ, არ გინდათ, კარლოტა გამოგაყოლოთ? სასეირნო ადგილებს შესანიშნავად იცნობს. კარლოტა, ბატონო, ჩემი მეორე ქალიშვილია.

ქალმა ჩემი გაოცება აღბათ თანხმობად ჩათვალა, წამსვე ჩაბნელებულ კიბესთან გაჩნდა და დაიძახა:

— კარლოტა! კარლოტა! ერთი აქ ჩამოდი, ჩქარა!

მინდოდა მეტყვა, ნუ ეძახით-მეთქი, მაგრამ ვინ დამაცალა. ხმა ირ ამომადგებინა.

— არა, არა, კარლოტა ამხანაგობას გაგიწყვეთ. ფრანჩესკაზე დამყოლი და მხიარული ხასიათისაა, კარგი გოგოა, კარგი, და ძალიან მიყვარს.

ამ დროს კიბის საფეხურებზე ფოსტლების ფლასაფლუსი მოისმა და გამოჩნდა მალალი, შავთმიანი, ლამაზი და კობტად მოყვანილი ქალიშვილი. ისიც თმაგაწეწილი იყო. დედამისის ნაქონ ძველ კაბაში მისი ნორჩი და ჩამოქნილი სხეული იკვეთებოდა.

ქალბატონმა რონდოლიმ მაშინვე აუხსნა, როგორც იყო საქმე.

— ეს ფრანჩესკას ფრანგი მეგობარია, გასულ წელს რომ გაიცნო. ფრანჩესკას სანახავად მოვიდა. ამჯერად მარტო ჩამოსულა საბრალო. ავდექი და ვუთხარი, კარლოტა წამოგყვებათ, ცოტა გულს გადააყოლებთ-მეთქი.

კარლოტამ ლამაზი თაფლისფერი თვალები შემომანათა, გაიღიმა და წაიჩურჩულა:

— თვითონ თუ უნდა, მე თანახმა ვარ.

უარს ვინ იტყოდა.

ქალბატონმა რონდოლიმ კარლოტას კარისკენ უბიძგა.

— წადი ჩაიცვი, ოღონდ ჩქარა, ჩქარა. ცისფერი კაბა ჩაიცვი, ყვავილებიანი ქუდიც არ დაგაევიწყდეს, იცოდე, ბევრი არ გვალოდინო!

როცა კარლოტა გავიდა, ქალმა მითხრა:

— ორი ქალიშვილი კიდევ მყავს, მაგრამ ისინი ჯერ პატარები არიან. წარმოგიდგენიათ, ბატონო, რა ფული ჯდება ოთხი შვილის აღზრდა! კიდევ კარგი, უფროსი მაინც დაბინავებული მყავს.

მერე მიამბო თავის ცხოვრებაზე, გარდაცვლილ ქმარზე, რომელიც თურმე რკინიგზაზე მუშაობდა, და ძალიან მიქო თავისი მეორე ქალიშვილი კარლოტა.

კარლოტა მალე დაბრუნდა, მასაც უფროსი დის გემოვნება ჰქონდა — მასავით მყვირალა და უცნაური კაბა ეცვა.

დედამ თავით ფეხამდე შეათვალა და, ეტყობა, კმაყოფილი დარჩა:

— ახლა კი წადით, შვილებო!

მერე ქალიშვილის მიმართა:

— ოღონდ ათ საათს არ გადააცილო. ხომ იცი, კარი დაკვტილი იქნება.

— ნუ გეშინია, დედა! — დაამშვიდა კარლოტამ.

მან ხელკავი გამოძლო და სასეირნოდ წავედით. სწორედ ასე ვსეირნობდი მის დასთან ერთად გასულ წელს.

სასადილოდ სასტუმროში დავბრუნდით, მერე კი ჩემი ახლო მეგობარი სანტა-მარგარეტაში წავიყვანე, სადაც მე და ფრანჩესკამ უკანასკნელად გავისეირნეთ.

და რადგანაც კარგად ახსოვდა, რომ კარი ათი საათის შემდეგ დაკეტილი დაუხვდებოდა, იმ საღამოს კარლოტა შინ აღარ დაბრუნებულა.

იმ ორი კვირის განმავლობაში, რომელიც ჩემს განკარგულებაში იყო, მე და კარლოტამ მოვიარეთ მთელი გენუის შემოგარენი. მის დაზე სრულიადაც აღარ მიდარდია.

გამგზავრების დღეს აცრემლებულ კარლოტას გამოვემშვიდობე და საჩუქარი დავუტოვე, ოთხი სამაჯური დედამისთანაც გავატანე.

გადაწყვეტილი მაქვს ახლო მომავალში კვლავ გეწვიო იტალიას. ცოტა არ იყოს ვდელავ, მაგრამ მაინც იმედიაანად ვარ, ქალბატონ რონდოლის ხომ ორი ქალიშვილი კიდევ ჰყავს!

ანდრეს ავადმყოფობა

გუძღვნი იდგარ კურტუს

ნოტარიუსის სახლის ფასადი მოედანზე გამოდიოდა. სახლს უკან ლამაზი ბაღი იყო გადაჭიმული პიკის უკაცრიელ გასასვლელამდე, რომლისგანაც მაღალი კედელი ჰყოფდა.

სწორედ ამ ბაღის განაპირას დაენიშნა მეტრ მოროს ცოლს პირველი პაემანი კაპიტან სომერივისთვის, რომელიც კარგა ხანი იყო გასაქანს აღარ აძლევდა.

ქმარი რვა დღით პარიზს გაემგზავრა და ქალი მთელი ერთი კვირა ჩიტვით თავისუფალი იყო. კაპიტანი იმდენს ეხვეწა, იმდენი ნაზი და ტკბილი სიტყვა დახარჯა, რომ ქალმა ირწმუნა, სიგიჟემდე ვუყვარვარო. თვითონ კი ისეთ სიმართლევს გრძნობდა, ისე უყურადღებოდ იყო მიტოვებული — ნოტარიუსი ხომ დღენიადავ თავისი ხელშეკრულებებითა და ათასგვარი თამასუქებითა თუ ანდერძებით იყო დაკავებული — რომ კაპიტანს გული და თანაგრძნობა აღუთქვა, მაგრამ ამას რა მოჰყვებოდა, აღარ დაფიქრებულა.

რამდენიმე თვე შორით ტრფობის, ერთი-ორჯერ ხელზე ხელის მოჭერისა და კარს უკან მოპარული, ნაჩქარევი კოცნის შემდეგ კაპიტანმა განუცხადა, რომ სხვაგან გადაყვანას მოითხოვდა და სასწრაფოდ დატოვებდა ქალაქს, თუ პაემანს არ დაუნიშნავდა, ნამდვილ პაემანს ხეების ჩრდილქვეშ, ქმრის შინ არყოფნის დროს.

ქალმა დაუთმო და, მოვალთ, შეჰპირდა. ახლა სწორედ მას ელოდა გულის ფანქალით და, კედელზე აკრულს, სულ ოდნავი ჩქამიც კი აკრთობდა.

უცბად გაიგონა, რომ კედელზე ვიღაც მოცოცავდა და კინალამ გაიქცა. ის რომ არ იყოს? იქნებ ქურდია? მაგრამ არა, ყურს მისწვდა ნაზი ხმა: „მატილდა“. ისიც გაეპასუხა: „ეტიენ“. იმწამსვე კედლიდან კაცმა ისკუპა და ხმლის ჩხარაჩხურით ბილიკზე დახტა.

ის იყო, ის! რა მხურვალე იყო მათი კოცნა! დიდხანს იდგნენ ასე ჩაკრუ-

ლები, ტუჩებზეწებებულები. მაგრამ უცრად ფოთლებზე წვიმის წვეთები ახ-
მაურდა და ქალი შეკრთა კისერში ჩაცურებული წვეთები რომ იგრძნო.

კაცი ეუბნებოდა:

— მატლდა, ძვირფასო, ჩემო ანგელოზო, ავიდეთ თქვენთან, უკვე შუა-
ღამეა, საშიში არაფერია, წავიდეთ თქვენთან, გვედრებით.

ქალი პასუხობდა:

— არა, ჩემო სიყვარულო, მეშინია, ვინ იცის, რა განსაცდელი გველის!
მაგრამ კაცი უფრო და უფრო მაგრად იხუტებდა გულში და ყურში ჩას-
ჩურჩულებდა:

— თქვენს მსახურს სძინავს მეოთხე სართულზე, მოედნის მხარეს, თქვენი
ოთახი კი მეორე სართულზეა, ფანჯრები ბაღში გადის. ვერავინ ვერაფერს ვერ
გაიგებს. მიყვარხართ, ახლა მინდა სულ ჩემი გახდეთ, თავით ფეხამდე.

და სულ უფრო და უფრო ვნებიანად კოცნიდა.

ქალს თან ეშინოდა, თან რცხვენოდა და უარზე იყო, მაგრამ კაცმა ხელ-
ში აიტაცა და გააქანა წვიმაში, რომელიც თანდათან უფრო ძლიერდებოდა.

კარი ღია დახვდათ. სიბნელეში კიბეზე ფეხაკრეფით ავიდნენ. ბოლოს,
როგორც იქნა, საძინებელ ოთახში შევიდნენ და, სანამ კაცი ასანთს აანთებდა,
მატილდამ კარი ურდულით ჩაკეტა.

ღონემიხდილი ქალი სავარძელში ჩაეშვა, კაცმა მის წინ ჩაიმუხლა და ნელა
დაუწყო გახდა. პირველად ფეხსაცმელები ფე წინდები გახადა, სურდა მისთ-
ვის ფეხები დაეკოცნა.

სუნთქვაშეკრული ქალი ემუდარებოდა:

— ო, არა, ეტიენ, გემუდარებით, მაგას ნუ იზამთ, ნუ შემობლაღვთ პატი-
ოსნებას, იცოდეთ, ამისათვის შეიძლება შემძულდეთ კიდეც! ფუ. რა საშინე-
ლებაა! ნუთუ არ შეიძლება მხოლოდ სულიერად გვიყვარდეს ერთმანეთი?
ეტიენ!

კაცი კი პირისფარეში ქალის გაწაფულობით და მოწყურებული კაცის
სულწასულობით უხსნიდა ღილებს, ბაბთებსა და ზონრებს. ქალმა წამოიწია,
რათა გაქცეოდა ამ კაღნიერებასა და უტიფრობას, მაგრამ როგორც ვი წამოდ-
გა, კაბა, ქვედაკაბები და საცვალი ჩასძვრა და უცბად სახელოდან გამოყოფი-
ლი ხელივით გაშიშვლდა.

თავგზააბნეული ქალი ფარდებჩამოფარებული საწოლისკენ გაიქცა, რათა
სიშიშვლე დაემალა. კაციც მაშინვე უკან გაედევნა, მაგრამ ისე ჩქარობდა,
რომ ხმალი დაუვარდა და იატაკზე გაიყლარუნა.

იმწამსვე გაისმა ბავშვის ყურისწამლები, გაბმული ღრიალი, ხმა მოდიო-
და მეზობელი ოთახიდან, რომლის კარიც ღია დაეტოვებინათ.

ქალმა წაიჩურჩულა:

— ოჰ, ანდრე გააღვიძეთ, ახლა რაღა დააძინებს!

წლისა და სამი თვის ვაჟს დედასთან ახლოს ეძინა, რომ, თუკი საჭირო იქ-
ნებოდა, მაშინვე მიეხედა ბავშვისათვის.

ვნებისაგან გახელებულ კაპიტანს არაფრის გაგონება არ სურდა.

— ეტიროს, მერე რა მოხდა? მიყვარხარ, ჩემი ხარ, მატლდა!

ქალი კი ეწინააღმდეგებოდა, შეწუხებული და შეშინებული:

— არა, არა! გესმის, როგორ კივის? ძიძას გაედვიძება და დავიღუპებით,
რაღა გვეშველება! მისმინე, ეტიენ, როდესაც ღამე ტირილს იწყებს, მამამისს

ჩვენს საწოლში გადმოჰყავს ხოლმე დასამშვიდებლად და ისიც მაშინვე, მაშინვე იძინებს. მეტი გამოსავალი არა გვაქვს, ეტიენ, ახლავე მოვიყვან.

ბავშვი ისე ღრიალებდა, ყველაზე სქელ კედლებში ვაატანდნენ შისი ხმა და, ალბათ ქუჩაში გამვლელებიც კი გაიგონებდნენ.

სხვა გამოსავალი მართლაც აღარ იყო და დადარდიანებული კაპიტანი წამოდგა. მატლდამ პირმშო გადმოიყვანა და, როგორც ვე ვაწოლში ჩააწვინა, ბავშვი მაშინვე გაჩუმდა.

ეტიენი სკამს გადააჯდა და პაპიროსი დაახვია. ხუთი წუთიც არ გასულა, რომ ბავშვს ჩაეძინა. დედამისმა წაიჩურჩულა: ახლა თავის ოთახში გავიყვანო, გაიყვანა და უდიდესი სიფრთხილით ჩააწვინა აკვანში.

როდესაც ოთახში დაბრუნდა, კაპიტანი უკვე მკლავებგაშლილი ელოდებოდა. ვნებით გახელებულმა კაცმა გულში მხურვალედ ჩაიკრა. ბოლოს და ბოლოს ქალი თვითონაც აენტო და მიეკრა, თან ლუღლუღებდა:

— ეტიენ, ეტიენ... ჩემო სიყვარულო! ოხ, რომ იცოდე, როგორ... როგორ...

ამ დროს კვლავ გაისმა ანდრეს ბლავილი. გაცეცხლებულმა კაპიტანმა შეიგინა:

— ეშმაკმა დასწყევლოს, აღარ გაჩუმდება ეს ცინგლიანი!

მართლაც არ ჩუმდებოდა „ეს ცინგლიანი“ და, რაც ძალა და ღონე ჰქონდა, ბლავდა.

მატილდას ზემოდან რაღაც ხმაური შემოესმა. ალბათ ძიძამ თუ გაიღვიძა. მაშინვე წამოხტა, ბავშვი აიყვანა და ისევ საწოლში ჩააწვინა. ისიც მაშინვე გაჩუმდა.

მერე კიდევ სამჯერ ამოიყვანეს და ჩააწვინეს აკვანში.

კაპიტანი სომერივი გათენებამდე ერთი საათით ადრე წავიდა და თან ყურით გაუგონარი, უშვერი სიტყვებით იგინებოდა.

ცოტა მაინც რომ დაეწყნარებინა, მატლდა შეჰპირდა, ამ საღამოს ისევ მიგიღებო.

იმ საღამოსაც მოვიდა კაცი, ლოდინისაგან გამწარებული, უფრო მოუთმენელი და უფრო ანთებული.

ამჯერად ხმალი უფრო ფრთხილად შეიხსნა და საფარძლის სახელურებზე გადო, ფეხსაცმელებიც ქურდივით ფრთხილად გაიხადა, ისე ჩუმად ლაპარაკობდა, რომ მატლდას არც კი ესმოდა. დაბოლოს, როდესაც ბედნიერებისათვის, სრული ბედნიერებისათვის უნდა მიედწია, რაღაცამ დაიჭრიალა, ალბათ იატაკმა ან კარადამ. ან შეიძლება თვით საწოლმაც. ამას ტკაცანი მოჰყვა და მაშინვე ბავშვის ტირილიც მოისმა, ჯერ ჩუმი, მერე კი ყურისწამლები ანდრემ გაიღვიძა.

მელიასავით წკავწკავებდა. ასე რომ გაეგრძელებინა, ალბათ მთელ სახლს ფეხზე დააყენებდა.

გამწარებულმა დედამ ბავშვი გამოიყვანა. კაპიტანი არ ამდგარა. გაცოფებული იყო. ჩუმად გაიწოდა ხელი, ორ თითშუა მოიმწყვდია პატარას ხორცი, ვერც მიხვდა, რა იყო, ბარძაყი თუ უკანალი, და უჩქმიტა. ტკივილისაგან ბავშვი ყურისწამლებად აკივლდა. მაშინ კაპიტანი მთლად გადაირია და უფრო განეტებით დაუწყო ჩქმეტა. რაც უფრო მეტს ყვიროდა ბავშვი, მით უფრო მეტად ერეოდა ბრაზი კაპიტანს, და საღაც კი მისწვდებოდა, ყველგან ჩქმეტდა,

სწრაფადვე უშვებდა ხელს, რომ ახლა სხვა ადგილი მოეძებნა და იქ ეჩქმეტა. ბავშვი ხან დასაკლავი გოჭივით ჰყვიტინებდა, ხან კი ნაცვები ძაღლივით წკაფწკაფებდა.

აცრემლებული დედა ეფერებოდა, ჰკოცნიდა, უნდოდა კოცნით ჩაეხშო ეს საშინელი ყვირილი, მაგრამ ანდრე თითქმის მთლად გალურჯდა, ისე ნაცოდებად აფართხალებდა თავის პატარა ხელებს და ფეხებს, თითქოს საცაა კრუნჩხვამ უნდა მოუაროსო.

კაპიტანმა ქალს უთხრა:

— თავის აკვანში გადაიყვანეთ, იქნებ იქ მაინც დამშვიდდეს.

ჰოდა, მატრლდამაც მეორე ოთახში გაიყვანა მკერდში ჩახუტებული ბავშვი.

როგორც კი დედის საწოლიდან ამოიყვანეს, ბავშვმა ყვირილს უკლო, ხოლო როცა თავის აკვანში ჩააწვინეს, რამდენჯერმე ამოისლუკუნა და ბოლოს სულ გაჩუმდა, დილამდე მშვიდად იყო, კაპიტანიც საწადელს ეწია.

მეორე ღამეს კაპიტანი კვლავ ეწვია მატრლდას, როგორც კი ცოტა ხმამალლა დაიწყეს ლაპარაკი, ანდრემ ისევ გაიღვიძა და ატირდა. დედამ მყისვე თავის ოთახში გამოიყვანა, მაგრამ კაპიტანი ისე მაგრად და მარჯვედ ჩქმეტდა, რომ პატარას სუნთქვა შეეკრა, თვალები ამოატრიალა და პირზე ღუფი მოადგა.

ისევ თავის აკვანში რომ დააბრუნეს, მაშინვე გაჩუმდა.

ოთხი დღის შემდეგ ბავშვს აღარ მონღობებია დედის საწოლში ჩაწვენა.

ნოტარიუსი შაბათ საღამოს დაბრუნდა და თავის კუთვნილი კანონიერი ადგილი დაიბრუნა კერიასთან და სარეცელზე.

მგზავრობით დაღლილი ადრე დაწვა და, როდესაც წესრიგის მოყვარული აკურატული კაცის ყველა მოვალეობა გულდასმით შეასრულა, უეცარმა აღმოჩენამ გააკვირვა:

— დახე, რატომღაც დღეს ანდრე არ ტირის, მატრლდა, მოიყვანე ერთი მიყვარს, როდესაც შუაში ჩავიგორებთ ხოლმე.

ქალი მაშინვე წამოდგა პატარას მოსაყვანად. მაგრამ როგორც კი ბავშვი იმ საწოლში ჩააწვინეს, სადაც ძილი რამდენიმე დღის წინ ძალიან მოსწონდა, ერთიანად მოიკრუნჩხა და ისე გაშმაგებული აღრიალდა, რომ მაშინვე თავის აკვანში გადაიყვანეს. მეტრ მორო საგონებელში ჩავარდა:

— რა მოუვიდა, რა დაემართა, ავად ხომ არ არის?

ცოლმა უთხრა:

— რაც წახვედი, სულ ამ დღეშია, რამდენჯერაც ჩავიწვინე, თავი მოაკლა ტირილით.

დილით რომ გაიღვიძა, ბავშვმა კისკისი მორთო და თამაში დაიწყო, თან თავის პატარა ხელებს მხიარულად იქნევდა.

გულაჩუყებულმა ნოტარიუსმა მიიბრინა, აკოცა პირმშოს და ხელში აიყვანა; უნდოდა ახლა თავისთან ჩაეწვინა.

ანდრე გულთანად იცინოდა, როგორც პატარებმა იციან ხოლმე, მაგრამ უცებ საწოლს მოჰკრა თვალი, რომელშიაც დედამისი იწვა, და გაშუქებული სახე იმწამსვე მოეცყანა. ისეთი კვილი ატეხა, ისე აფართხალდა, თითქოს საწამებლად მიჰყავდათ.

გაკვირვებულმა მამამ ჩაილაპარაკა, ამ ბავშვს უთუოდ რამე უნდა სჭირდესო, და ჩვეული მოძრათობით პერანგი აუწია.

ნოტარიუსს გაოცების შეძახილი აღმოხდა. ბავშვის მთელი სხეული, ზუ-

რგი და უკანალი შაურისოდენა დალურჯებულ ადგილებს დაეფარა.

მეტრ მორომ დაიყვირა:

— მატლდა, შეხედე, რა საშინელებაა!

გულგახეთქილი დედა ბავშვს მივიარდა. ყოველი დალურჯებული ადგილის შუაგულში იისფერი სისხლნაქუნთი მოჩანდა. ალბინი, ასეთივე რაღაც საშინელი, კეთრისმაგვარი ავადმყოფობის დასაწყისი, რაღაც სენსიტივობის დროსაც ადამიანს კანი გომბეშოსავით მეჭეჭიანი უხდება, ან არადა ნიანგივით ეჭერცლება.

შეშინებული მშობლები ერთმანეთს შეპყურებდნენ. მეტრ მორომ შეპყვირა:

— ახლავე ეჭიმი უნდა გამოვიძახოთ!

მაგრამ მკვდარივით გაფითრებული მატლდა გაქვავებული შეპყურებდა ავაზასავით აჭრელებულ ვაჟიშვილს. უცბად ყვირილ აღმოხდა. ასეთი ყვირილი დიდი აღშფოთებისა და შეძრწუნებისაგან ამოხდებოდა ხოლმე:

— ო, საზიზღარო!

გაოცებულმა მეტრ მორომ ჰკითხა:

— საზიზღარიო? ვისზე ამბობ?

ქალი თმის ძირებამდე გაწითლდა და უთხრა:

— ისა... იცი... მე რაღაცას ვხვდები... ეს... ეჭიმის მოყვანა საჭირო აღარ არის... რასაკვირველია, საზიზღარი ძიძა ჩქმეტს ხოლმე ატირებულ ბავშვს, რომ გააჩუმოს.

გაფითრებული ნოტარიუსი ძიძის მოსაძებნად გაიქცა და კინალამ არ სცემა. ძიძა ჭიუტად უარყოფდა დანაშაულს, მაგრამ მაინც დაითხოვეს.

ამ უგვანო საქციელმა, რომლის შესახებ მუნიციპალიტეტსაც კი აცნობეს, ხელი შეუშალა სხვა ადგილი ეშოვა.

ორლა

ფრანგულიდან თარგმნა გიორგი მაიხაშვილმა

8 მაისი — რა შესანიშნავი დღეა! მთელი დღია ბალახზე ვიყავი გულაღმა გამოტოლი ჩემი სახლის წინ, უზარმაზარი ჩინარის ძირში. სახლი ხის ჩრდილშია შეყუდებული და ხეც კრუხივით გადაფორებულია თავს. მიყვარს ეს მხარე. აქ ცხოვრებაც მიყვარს, რადგან სწორედ აქაა ჩემი ფესვები, ღრმა და სათუთი ფესვები, რომელიც ადამიანს იმ მიწასთან აკავშირებს, სადაც ერთ დროს იშვნენ და მერე მიიცვალნენ მისი წინაპრები, აკავშირებს იმასთან, რასაც ფიქრობს ან რითაც იკვებება, ზნე-ჩვევებთან, კუთხურ სიტყვა-პასუხთან, გლეხურ გამოთქმასთან, მიწის სურნელთან, სოფლებთან და თვით ჰაერთან.

მე მიყვარს სახლი, სადაც დავიბადე და ფეხი ავიდგი. ფანჯრიდან სენას ვხედავ. მდინარე აქვე, ბაღის გასწვრივ მიედინება; ასე მგონია, ჩემს ოთახზე გაღის-მეთქი... წყალუბვი, აღმა-დაღმა მოსრიდლე გემებით დახუნძლული ფართო სენა, რომელიც რუანიდან ჰაერისკენ მიეშურება.

მარცხნივ, იქით, რუანია... ლურჯი სახურავები, ცად ასხლეტილი გოთური სამრევლოები და ტაძრების ამაყად აწვევრილი კოშკები. ზოგი სამრევ-

ლო ჰაეროვანია, ზოგიც მედიდური. ურიცხვი ზარი, დილაობით ხასხასა ლურჯ ჰაერს აზანზარებს. მე ჩამესმის მათი ნაზი და შორეული ბუბუნნი. ბრინჯაოს სიმღერა ნიავს მოპყვება, თუ კარგად დაუბერა — ძლიერი, ყურისწამღებო; ზოგჯერ კი, უქარობისას, — მოგუდული და მიმჭრალი. ვერაფერი ვიშ, რა დილაა!

თერთმეტ საათზე ჩემი ეზოს მესერთან გეშების ქარავანმა ჩაიარა. ქარავანს ნეხვის ბუზივით გაბერილი ბუქსირი შიათრევედა; მეტი ჯაფისგან ხრიალებდა და ხშირ, შავ კვამლს ბოლქვეზად უშვებდა.

ორ ინგლისურ კარჭაბს, რომელთა წითელ ბაირალებს ქარი ათამაშებდა, დიდებული ბრაზილიური სამანძიანი გემი მოყვებოდა. გემი თეთრად ქათქათებდა და მზეზე ბრწყინავდა. მე ხელი ავწიე და მივესალმე. არ ვიცი კი რატომ. შეიძლება იმიტომ, რომ კარგი რამ სანახავი იყო.

12 მაისი — ეს რამდენიმე დღეა სიცხე მაქვს. თავს კარგად ვერ ვგრძნობ, უფრო ზუსტად კი კაეშმანმა დამრია ხელი. მაცოდინა მაინც, საიდან მოდის ეს იდუმალი ძალა, რომელიც ბედნიერებას უბედობად აქცევს, ნებისყოფას კი უიმედობას უნაცვლებს? კაცი იფიქრებს, თვით ჰაერია გაქლენთილი ამ შეუცნობელი ძალებით, რომელთა უჩინარი მეზობლობა ესოდენ ავბედით გავლენას ახდენს ჩვენზე. დღეს ბედნიერ ფეხზე ავდექი. ისე ამიტაცა სიხარულმა, რომ ცოტაც და ავმღერდებოდი — რატომ? წყლის პირას ჩავედი. აი, ახლა კი ხანმოკლე გასეორნების შემდეგ, ისეთი მისავათებული ვბრუნდები, თითქოსდა შინ საშინელი უბედურება მომელოდეს. რატომ? ნუთუ სიცივემ შეატანა ძვალ-რბილში და სული ამიფორიაქა? იქნებ ღრუბელთა სრბოლამ, დღის ნათელმა და საჯანთა თვალშეუვლებმა ფერისცვალებამ ამიწეწა აზრები? ისიც ხომ შეიძლება, რომ ყოველივე, რაც ვარს გვარტყია, რასაც ვუყურებთ და ვერ კი დაგვინახია, ვეხებით და ვერ კი მოგვიხელთებია, ჩვენს გრძნობებზე და მერე უკვე მათი მეშვეობით ჩვენს აზრებზეც და ჩვენს გულზეც რაღაც წამიერ, საოცარ და აუხსნელ ზემოქმედებას ახდენს?

ო, რაოდენ ღრმია უჩინარი ძალის ეს იდუმალება! როგორ გინდა ჩაწვდე ამ უძირო უფსკრულს ჩვენი უსუსური გრძნობებით? ჩვენი თვალი ხომ ვერც უმცირესს რასმე არჩევს და ვერც ერთობ დიდს, ვერც ძალზედ დაახლოვებულს და ვერც ძალზედ დაშორებულს. ვერც ვარსკვლავთ ბინადართ ჭერეტს და ვერც წყლის წვეთში მოქცეულ სამყართს. ჩვენი ყურიც ხომ წამდაუწუმ გვაცდუნებს, რამეთუ ჰაერის უმცირეს თრთოლვასაც კი ხმამაღალ ბგერებად წარმოგვიდგენს; ზღაპრული ფერიას მსგავსად, რაღაც სასწაულით, ჰაერის რხევას ხმაურად აქცევს და ამ სახეცვლის წყალობით მუსიკას ბადებს. მუსიკა კი, თავის მხრივ, ბუნების იდუმალ ნაწივს სიმღერად გარდაქმნის. ადამიანის ყნოსვაც ხომ ძალღის ყნოსვაზე გაცილებით სუსტია. გემოსაც ვერ დაენდობი! ის კი არადა, ღვინის წლოვანებაც ვერ გაგვირჩევია! რა იქნებოდა, გამჩენს სხვა გრძნობებიც მოეცა, რომლებიც, ჩვენდი საბედნიეროდ, სასწაულს მოახდენდა და ჩვენ ირგვლივ განფენილ უთვალავ საიდუმლოს ფარდას ახდიდა.

16 მაისი — ეჭვიც არ შეპარება, რომ ავად ვარ. არადა, ეს ბოლო თვე კარგად ვიყავი! ციება შემეყარა, საშინელი ციება, უფრო ზუსტად, ნერვიული ციება, რომელიც ჩემს სულსაც ისე ტანჯავს, როგორც სხეულს.

ვერსად ვემალები გარდუვალი ხედათის საშინელ განცდას, რომელიც არ ვიცი საიდან მომხიბტება. ვერც სიკვდილის შიშს, რომელიც აქვია, სულ ახლოს, ვერც შეუცნობელ უბედურების მოლოდინს, რომელიც ჩემს სისხლსა და ხორცში თესლივით ღვივდება.

18 მაისი — ეს-ეს არის ჩემს ეჭიმს გავესინჯე და შევჩხვლე, ძილი გამიტყდა-მეთქი. მაჯაც აჩქარებული გაქვს და თვალის გუბებს გაგფართობიაო, მითხრა. მაგრამ საგანგაშო ვერაფერი ნახა... შირჩია, ციფ წყალში იბანა-ვე და კალიუმის ბრომი დალიეო.

25 მაისი — არავითარი ცვლილება! მართლაცდა, საოცრება მემართება! საღამო ჩამოწვება თუ არა, შეუცნობელი შფოთი მეუფლება, თითქოსდა რამე საშინელ უბედურებას მიმზადებდეს. ნაძქარევად წავიხემსებ, მერე ვცდილობ წიგნი ვიკითხო, მაგრამ სიტყვების აზრს ვერ ვწვდები, ძლივს თუ ვარჩევ ასოებს. ოთახში ბოლთას ვცემ და დაუძლეველი შიში მომეძალება... ძილისა და საწოლის შიში...

ათ საათზე საწოლ ოთახში ავდივარ. შევალ თუ არა, წამსვე კარს გადავრაზავ და ურდულს ვუყრი — მეშინია... რისი? აქამდე ზომ არაფრისა მეშინოდა. კარადას ვაღებ, საწოლის ქვეშ ვიხედები, მივაყურადებ, ვუსმენ... რას? განა საოცარი არ არის, რომ რაღაც სულ უბრალო სასუსტე, მცირე წერფული გალიზიანება, ჩვენი არცთუ ისე სრულქმნილი სხეულის ჩვეული რიტმის წამიერი დარღვევა, ლად და გულად კაცს მელანქოლიკად და ლაჩრად აქცევს? მერე ვწვები და ისე ველი ძილს, როგორც სიკვდილმისჯილი თავის ჯალათს — ველი და მაშინებს მისი მოსვლა, გული ყელში მებჯინება, მუხლები მიცაცაცაბებს; მთელი სხეულით ვკანკალებ საბნის სიმბურვალეში, სანამ ერთბაშად არ დავინთქები სიმშვიდის სამეუფოში, მსვავსად იმ თვითმკვლელისა, რომელსაც თავის დახრჩობა განუზრზნავს და მორევში ვარდება. უწინდებურად ველარ ვგრძნობ, როგორ მიახლოვდება ცბიერი ძილი, აქამდე სადღაც ჩემს გვერდით მიყუყული, რომელიც ერთხანს მითვალთვალებს, მერე ერთბაშად მომვარდება, თვალებს მიხუჭავს და არყოფნის ბნელეთში მომისვრის.

მძინავს — დიდხანს — ორი თუ სამი საათი — შემდეგ სიზმარი — არა, საშინელი ზმანება მიხუთავს სულს... კარვად ვგრძნობ, რომ ვწევარ და მძინავს... დიახ, ვგრძნობ და ვიცი... იმასაც ვგრძნობ, რომ ვიღაც მიახლოვდება, მიყურებს, ხელს მიფათურებს, საწოლზე მობობდავს, ხელებს ყელში ჩამავლებს და მიჭერს, მიჭერს მთელი ძალითა და ღონით, თითქოს ჩემს დახრჩობას ლამობსო.

მე კი ვებრძვი, თუმცა ის საშინელი უძლეურება, სიზმარში რომ შევიგრძნობთ ზოლმე, ხელს-ფეხს მიბორკავს; უვირილი მინდა — ხმა არ მომდევს, მინდა გვერდი ვიცვალო — თითხაც ვერ ვანძრევ; სუნთქვაშეკრული სხეულს ვძაბავ და მსურს გავიბრძოლო, რომ ეს საშინელი არსება მოვისროლო, რომელიც მახრჩობს და მსრესს — არაფერი გამომდის.

ერთბაშად ვიღვიძებ, ოფლში გახვითქული, გონებაარეული. სანთელს ვანთებ. მარტო ვარ.

ამ ზმანების შემდეგ, რომელიც ყოველლამ მეორდება, მშვიდად და უდრტვინველად ვიძინებ გათენებამდე.

2 ივნისი — უარესად ვარ. რა მემართება? ბრომი არაფერს მშველის, არც შხაპი. ზოგჯერ, ისედაც მისუსტებული სხეული კიდევ მეტად რომ გავ-

თანვთ, რუმარის ტყეში ვსვირნობ. თავდაპირველად ისიც ვიფიქრე, ბალახისა და ფოთლების სურნელით გაყდენთილი სუფთა და ლბილი ჰაერი ძირღვებში ახალ სისხლს ჩამისხპმს, — გულს კი მაცოცხლებელ წვეწვს მიწვდის მუთქი. ჩვეულებისამებრ მონადირეთა ხეივანს დაეუყევი. შემდეგ ვიწრო ბილიკით ბუისკენ გავწიე. ბილიკს ორთავე მხარეს უზარმაზარი ხეები დაფიქვრულა და მათი ხშირი ფოთლები მუქ-მწვანე თაღად გადახლართულიყო ჩემსა და ზეცას შორის. უეცრად, ვრეოლამ დამიარა. არა, სიცვიცა არ იყო, კაეშნის უცნაურ შემოტევას უფრო ჰგავდა.

ნაბიჯს ავეუჩქარე. ტყეში მარტოობისა შემეშინდა. უმიზეზო შიში იყო, სულელური, სრული სიმარტოვისას რომ განიცდის კაცი, სწორედ ისეთი მომეჩვენა, რომ ვიღაც ფეხდაფეხ მომდევდა, სულ ახლოს, სადაცაა ხელსაც მტაცებდა. ერთბაშად შემოვბრუნდი. არავინ იყო. ჩემ უკან მხოლოდ სწორ და ფართო ხეივანს ვკიდე თვალი. მაღალი ხეებით შემოსაზღვრული ხეივანი შიშისმომგვრელად ცარიელი მეჩვენა. ჩემ წინაც იგივე ხეივანი გადაჭიმულიყო, უსასრულოდ გრძელი და შიშისმომგვრელი.

თვალეზი დავხუჭე. რატომ? ქუსლზე ტრიალი ვიწყე. უფრო და უფრო ავეუჩქარე და ჩიკორივით დავბზრიადდი. ცოტაც და მიწაზე მოვადენდი ზღარ-თანს. თვალეზი გავახილე. ჩემ გარშემო ხეები ფერხულს უვლიდნენ, ფეხქვეშ მიწა ირწეოდა. ხის ძირში ჩამოვჯექი. ახლა იმასაც ველარ ვიხსენებდი, რომ გორ აღმოვჩნდი აქ. უცნაურია, ღმერთმანი! ერთობ უცნაური აღარაფერი მესმოდა. ხელმარჯვნივ გავუხვიე და სწორედ იმ ხეივანში ამოვყავი თავი, რომელმაც ადრე შუა ტყეში შემიტყუა.

3 ი ვ ნ ი ს ი — საშინელი ღამე გავათენე! რამდენიმე კვირით სახლს გავერიდები. ხანმოკლე მოგზაურობა, იმედია, მიწამლებს.

2 ი ვ ლ ი ს ი — განკურნებული ვბრუნდები შინ. სასიამოვნო მოგზაურობა კი იყო სენ-მიშელის მთა მოვინახულე, რომელიც აქამდე არც მენახა.

ერთი გაცოდინათ რა სანახაობას გადააწყდება კაცი აი, ასე ჩემსავით, ღლის მიწურულს რომ მიადგები ავრანშს. ქალაქი დაბალ გორაკებს შეჰფენია. მე ბაღში წამიყვანეს, ქალაქის ბოლოს. გაოცების შეძახილი აღმომხდა. ჩემ წინ, თვალის გადაწვდენამდე, უზარმაზარი ყურე გადაჭიმულიყო... ორ დაშორიშორებულ ნაპირს შორის მოქცეული წყალი ნისლში ითქვიფებოდა. ამ უკიდევანო, ყვითელი ყურეს შუაგულში კი, ოქროსფერი და მხურვალე ზეცის ქვეშ, ქვიშის კუნძულზე, პირქუში და წამახვილებული უცნაური მთა ამოზიდულიყო. ჩამავალი მზით აელვარებული პორიზონტის ფონზე მკვეთრად ისახებოდა ამ ფანტასტიკური კლდის პროფილი, რომელსაც თავზე ასევე ფანტასტიკური ძეგლი ედგა.

ინათა თუ არა, მთისკენ გავუყევი. ზღვა ისეთივე მშვიდი დამიხვდა, როგორც წინადლით. რაც უფრო ვუახლოვდებოდი მთას, მით უფრო მკაფიოდ იკვეთებოდა ეს გასაოცარი სააბატო. რამდენიმე საათის შემდეგ დახვეუებული ქვების უზარმაზარ მთას მივალწიე. ქალაქი მთის კალთებზეა გაშენებული. მაღლით ტაძარი დაჰყურებს. ვიწრო, დაკლაკნილი ქუჩა ავითავე და უეცრად დედამიწის ზურგზე ღმერთის სადიდებლად აგებულ ყველაზე სრულქმნილ გოთურ სამლოცველოში აღმოვჩნდი. ერთი ქალაქის ოდენა ტაძარი იყო, დაბალთაღებიანი დარბაზებითა და ჰაეროვან სვეტებზე აზიდული დერეფნებით. კრძალვით შევდგი ფეხი ამ გიგანტური გრანიტის სამკაულში.

მაქმანივით მსუბუქ ტაძარს უამრავი კოშკი და ნათელი სამრეკლო ამშვენებს. კოშკებზე ხვეული კიბეები აღის. დღეა თუ ღამე, ტაძარი ღრუბლსავეთ აღელენს ცისკენ უცნაური ჭიმერებით, ეშმაკებით, ზღაპრული ცხოველებით და ჭერაც უხილავი ყვავილებით მოხატულ კოშკებს, რომლებიც მოჩუქურთმებული კამარებით გადაჭდობიან ერთმანეთს.

ტაძრის ქიმზე რომ ავედი, ჩემს მეგზურ ბერს მოვუბრუნდი: „მამო ჩემო, რა საამო უნდა იყოს აქ ცხოვრება!“ მან მიპასუხა: „ძლიერი ქარი იცის, ბატონო ჩემო“. ჩვენ საუბარს შევუყვებით და თან მღელვარე ზღვას გადავყურებდით, რომელიც ქვიშნარს ლოკავდა და სანაპიროს ტალღების აბჯარს ასხამდა.

ბერმა ამ მხარის ძველისძველი თქმულებები და არაკები მიაჩნო... ბევრი ლეგენდის მსმენელი გავხდი იმ დღეს.

განსაკუთრებით ერთმა მათგანმა გამაოცა. აქაურები, უმეტესად მთიელები, ირწმუნებიან, თითქოს ღამით, ქვიშიან სანაპიროზე რაღაც ხმები ესმით, ხანდახან ორი თხაც გაბმულად პეტელობს ხოლმე. ერთი უფრო ხმამაღლა გაპყვირის, მეორეს კი სუსტი ხმა აქვს. ურწმუნონი ამტკიცებენ, ესა ზღვის ფრინველთა ხმებიაო, ზოგჯერ თხის პეტელს ემგვანება, ზოგჯერ კი — ადამიანის მოთქმასო. შეგვიანებული მეთევზეები კი იფიცებიან, ხშირად გვინახავს ქვეყნის კიდეზე გადაკარგულ ჭალაქის კედლებთან, ქვიშის ბორცვებს შორის მოხეტიალე ვიღაც მოხუცი მწყემსი. თავ-ბირი მოსასხამით აქვს შებურვილი. მოხუცი ორ თხას მოერეკება, ვაცს მამაკაცის სახე აქვს, ნეზვს კი ჭალისა. ორთავეს გრძელი, თეთრი ბეწვი მოსავს. ისინი გაუთავებლად ლაპარაკობენ, რაღაც გაუგებარ ენაზე კამათობენ, მერე უცებ სიტყვას შეწყვეტენ და ხმამაღლა პეტელს მოპყვებიან.

— თქვენ გჯერათ? — შევეკითხე ბერს.

— არ ვიცი, — წაიჩურჩულა მან.

მე სიტყვა გავაგრძელე: „თუკი დედამიწაზე ჩვენ ვარდა კიდეც სხვა რამ სულიერნიც არსებობენ, აქამდე რატომ არაფერი გვსმენია მათზე? ან კი როგორ მოხდა, რომ არც თქვენ შეგხვედრიათ ისინი და არც მე?“ მან მიპასუხა: „ჩვენ ყოველი არსებულის ერთ მეშილიონე ნაწილსაც ვერ ვხედავდით, ჩემო ბატონო. აი, თუნდაც ქარი ავიღოთ, ბუნების ყველაზე ძლიერი სტიქიონი. ქარი ადამიანებს მიწაზე სცემს, შენობებს ანგრევს, ხეებს ძირფესვიანად გლეჯს, ზღვას მთისოდენა ტალღებად ფოფრავს, კლდეებს ძირს უთხრის და დიდრონ გემებს მორევში ითრევს. ქარი ანგრევს, კვნესის, ღრიალებს — მაგრამ გინახავთ კი იგი, ან შეგიძლიათ მისი ხილვა? პოდა, ქარი ხომ მაინც არსებობს?“

რა უნდა მეპასუხა? ეს კაცი ან ბრძენი უნდა ყოფილიყო ან ბრიყვი. მეტს ვერაფერს მოგახსენებთ. მეც ბევრი მიფიქრია იმაზე, რასაც ახლა იგი მეუბნებოდა.

3 ივლისი — ცუდად მეძინა. აშკარაა, რაღაც სენი ტრიალებს ამ მიდამოში იმიტომ, რომ ჩემი მეეტლეს ჩემსავით წუხს. გუშინ, შინ რომ დავბრუნდი, უცნაურად ფერმკრთალი დამიხვდა. ჟან, რა დაგმართნია-მეთქი? — ჩავეძიე.

— მოსვენება დავკარგე, ბატონო ჩემო. ღამეები დამიგრძელდა. მას შემდეგ რაც გავმგზავრეთ, თითქოს ვიღაცამ გამთვალა.

სხვა მსახურებს არაფერი ეტყობათ. მე კი მეშინია, ხელმეორედ არ მო-
მიაროს ავადმყოფობამ.

4 ი ვ ლ ი ს ი — ასეცაა, ისევ წამომიარა. ძველი ზმანებებიც დაიბრუნ-
და. ამ ღამეს ვიგრძენი, რომ ვილაც ზემოდან მაზის, პირი პირთან მოუტანია
და ჩემს სიცოცხლეს ისუნთქავს. დიან, სწორედ რომ ასეა, წურბელისავით ის-
რუტავს. მერე, გული რომ იჭერა, ზეზე წამოიღა და მეც გაშეღვიძა. გათან-
გულსა და სასომიხდილს განძრევის თავიც არ მქონდა. რამდენიმე დღეს კი-
დედ დავახანებ, პოდა, თუკი ყველაფერი თავიდან დაიწყება, უეჭველად გა-
ვემგზავრები.

5 ი ვ ლ ი ს ი — ნუთუ ჭკუას გადაეცდი? ეს, რაც ამ ღამით მოხდა და
რაც საკუთარი თვალით ვიხილე, იმდენად უცნაურია, რომ ახლაც გონზე
ვერ მოვსულვარ.

ამ ბოლო დროს დამჩემდა — ძილის წინ ოთახის კარს გულდაგულ ჩავ-
რაზავ ხოლმე. ახლაც ასე მოვიქეცი. მერე, მომწყურდა და ნახევარი ჭიქა
წყალი დავლიე. სწორედ მაშინ შევამჩნიე, რომ წყლის სურა პირთამდე იყო
სავსე. დავწეჭი თუ არა, წამსვე გადავეშვი საშინელ ზმანებაში, საიდანაც,
ორი საათის შემდეგ, რაღაც ბიძგმა გამომიყვანა.

წარმოიდგინეთ კაცი, რომელსაც სძინავს და რომელსაც ძილში ჰკლა-
ვენ. იგი იღვიძებს, ფილტვში დანა აქვს გაყრილი, ბროტინებს, პირიდან სის-
ხლი სდის, ველარც სუნთქავს და სადაცაა სულს განუტევენ. თვითონაც არ
იცის, რა მოსდის. აი, სწორედ ასე დამემართა.

გონება მოვიკრიბე და ვიგრძენი, მწყუროდა. სანთელი ავანთე და მაგი-
დასთან მივედი, სადაც სურა მეგულებოდა. სურის ტუჩი ჭიქაზე დავხარე, მაგ-
რამ წყალი არ გადმოიღვარა. სურა ცარიელი იყო. წვეთიც არ შერჩენი-
ლიყო ჭურჭელში. თავდაპირველად ვერაფერი ვიაზრე. მერე ერთბაშად ისე
ავდელდი, რომ იქვე, სკამზე დავენარცხე. მყისვე ფეხზე წამოვხტი და მიმო-
ვიხედე. მერე გაოცებისგან და შიშისგან რეტდასხმული ისევ სკამზე დავჯექი
და გამჭვირვალე სურას მივაშტერდი. ვუყურებდი და ვცდილობდი რასმე მივმ-
ხვდარიყავი. ხელები მიცახცახებდა. გამოდის, წყალი ვილაცამ დალია! კი მაგ-
რამ. ვინ? მე? რა თქმა უნდა, მე. აბა სხვა ვინ იქნებოდა? მაშ, მთვარეული
ვეოფილიყავ და ეგაა. ეტყობა, აქამდე ისე ვცხოვრობდი, რომ ჩემი ორეულის
არსებობა ეჭვადაც არ გამივლია. ორგვარი ცხოვრებით მიცხოვრია და ესაა.
მეორე ცხოვრება სწორედ ის იდეალური ყოფიერებაა, კაცს რომ გაფიქრები-
ნებს, ჩემს არსებაში ორი პიროვნება შერწყმია ერთმანეთსო. შეიძლება ისიც
იწამო, რომ ვილაც უცნობს დაუსადგურებია შენს არსებაში, ვილაც შეუცნო-
ბულს და უჩინარს. პოდა, როდესაც ჩვენი სული მიიძინებს, ის მეორეა, სწო-
რედ ყველა ჩვენს ქცევას რომ განაგებს. ჩვენი სხეულიც მას ჰმორჩილებს,
ვინ იცის, შეიძლება უფრო მეტადაც, ვინემ ჩვენ.

ვინ გაიგებს ჩემს გულისამრევ კავშანს? ვინ გაუგებს კაცს, გონიერს,
ეს-ესაა გამოღვიძებულს, შიშისგან გაფართოებულ თვალეებით რომ მისჩე-
რებია წყლის სურას, რომელშიც წყალი თავისთავად დაწრეტილა? გათენე-
ბამდე ასე ვიჯექი. დაწოლა ვერ გავბედე.

6 ი ვ ლ ი ს ი — მგონი, ვგიჟდები. ამ ღამითაც გამომიცალეს სურა. სხვა
ვინ უნდა იყოს? მართლა მე დავლიე? მე ვიყავი? ან კი სხვა ვინ უნდა იყოს?
ო, ღმერთო ჩემო! ნუთუ გავგიჟდი? ვინ მიშველის?

7 ივლისი — გასაოცარი ცდები ჩაეატარე.

ცხადია, ვიქი ვარ, მაგრამ ცდა ბედის მონაბეგრეაო, ამბობენ.

8 ივლისს, დაწოლის წინ, ჩემს მაგიდაზე ღვინო, რძე, წყალი, პური და მარწყვი შემოვდგი.

წყალი და ცოტაოდენი რძე შეუსვამთ. იქნებ მე ^{საჭიროა} შეესვი? არც ღვინისთვის და არც მარწყვისთვის ხელი არ უხლიათ.

9 ივლისი — ცდა გავიმეორე. შედეგი იგივე იყო.

10 ივლისი — წყალი და რძე აღარ დამიდგამს მაგიდაზე. ყველაფერი ხელუხლებელი დამხვდა.

11 ივლისი — ახლა მხოლოდ წყალი და რძე დავტოვე. ჭურჭელი თეთრ ქსოვილში შევფუთე და თავი მაგრად მოვუკარი. მერე ტუჩებზე, წვერზე და ხელებზე გრაფიტი წავისვი და დავწეე.

ღრმა ძილმა შემიბყრო. მაგრამ ცოტა ხნის შემდეგ, ისევ იმ უხეშმა ბიძგმა გამაღვიძა. ეტყობა, ძილში გვერდიც არ მიცვლია. საბანსაც არსად ეტყობოდა შავი ლაქები. მაგიდას მივევარდი, ბოთლების თეთრ შალითებს არაფერი ეტყობოდა. თუკს ვხსნიდი და თან შიშისგან ვკანკალებდი. მთელი წყალი შეუსვამთ! რძის ბოთლიც გამოუშრიათ! ო, ღმერთო დიდებულო!

ახლავე პარიზს მივემგზავრები!

12 ივლისი — აჰა, პარიზიც! ამ ბოლო დღეებმა ხომ სულ მთლად ამირია გზა-კვალი. ეტყობა, საკუთარი წარმოსახვის ტყვედ ვიქეცი. თუკი, რატომ უნდა, მართლაც მთვარეული არა ვარ. ან იქნებ იმ აუხსნელი ძალის გავლენას განვიცდი, რომელსაც შთაგონებას უწოდებენ? ვინ იცის, შეიძლება ჩემი შიში სიგიჟეშიც კი გადაზრდილიყო, მაგრამ პარიზამდე ერთი დღე-ღამის მგზავრობამ ისევ ჩვეულ კალაპოტში ჩამაყენა.

გუშინ მთელი დღე ქალაქში სირბილსა და ვიზიტებს მოვუწიე. იმან ახალი სული შთამბერა თითქოს. საღამოს კომედი-ფრანსეზში ალექსანდრე დიუმამ უმცროსის პიესა ვნახე. დიუმას მჭლავრი და მახვილი გონება მეც მაღლად გადმომედო. ეჭვს გარეშეა, გამუდმებით ჯაფაში მყოფი გონებისათვის მარტობა საშინელი სენია. ამიტომაც, რომ გვერდით ისეთი ადამიანებიც გვჭირდება, ვინც ფიქრობს და ნაფიქრალს სხვასაც უმხელს. როდესაც დიდი ხნის განშავლობაში მარტონი ვრჩებით, სიმარტოვეს ჩვენივე ქიშკრებით ვავსებთ.

ერთობ მზიარულ ვუნებაზე დავბრუნდი, ბულვარებზე გავლით, სასტუმროში.

ხალხის ტალღას მივაპობდი, გამვლელებს ვეხებოდი და ჩემი წინანდელი შიში და განცდები ახლა უკვე სასაცილოდ მეჩვენებოდა. არც ის მაღარდებდა, რომ რაღაც უჩინარმა არსებამ ჩემს ჭერქვეშ დაიდო ბინა. ჩვენივე გონების სისუსტის ბრალი თუა, რომ უმნიშვნელო მოვლენა ევრე ძალუმად აგვაფორიაქებს.

იმის ნაცვლად, რომ თავს ვუთხრათ, არ მესმის იმიტომ, რომ მიზეზი ვერ მიპოვნიაო, რას არ მოვიგონებთ და რა ზებუნებრივ ძალებს არ გამოვჩხრიკავთ ხოლმე!

14 ივლისი — რესპუბლიკის დღეა.¹ ქუჩაში გავისეირნე. მაშხალები და დროშების ფრიალი ბალდივით მართობდა. ისე, დიდი სისულელე კია, იმხიარულო ერთ რომელიმე გარკვეულ დღეს და ისიც მთავრობის განკარ-

¹ 14 ივლისი საფრანგეთის ეროვნული დღესასწაულია.

გულებით, ხალხი ბრყვების ბრბოა, ხან მონურად მორჩილი, ხან კი პირუტყვეულად აღტყინებული. „მიდი, გაერთე“, — ეტყვიან და ისიც ერთობა. „მეზობელს მიუვარდი“, — თუ უბრძანეს, წამსვე საომრად გაემზადება. „ხმა მიეცი იმპერატორს!“ — ერთს შეუძახებენ და ისიც მზადაა. „ახლა რესპუბლიკას დაუჭირე მხარი“, — ეტყვიან და ამაზეც თანახმაა.

ხალხის გამგებელნიც ბრყვები არიან. მაგრამ ისინი უღამინესესნი არაა, — სულელურ, მწირ და ყალბ პრინციპებს ემორჩილებიან. პრინციპი, აბა, სხვაგვარი როგორ იქნება! ეს ხომ სწორედ ის იდეებია, რომელიც ადამიანებს უცილობელ და ურყვევ კატეგორიებად დაუსახავთ, მაშინ როცა ამქვეყნად არავის არაფრისა სწამს, რამეთუ თვით სინათლევც და ხმაურიც ფუჭი ილუზიაა და სხვა არაფერი.

16 ივლისი — გუშინ ისეთი ამბის მოწმე გავხდი, რომ ახლაც გონს ვერ მოვსულვარ.

ჩემს ბიძაშვილთან, ქალბატონ საბლესთან ვსადილობდი. მისი ქმარი ლიმთეში დაბანაკებული 76-ე მსროლელი პოლკის მეთაურია. სადილზე ჩემს გარდა, ორი ახალგაზრდა ქალიც იყო მოწვეული. ერთის ქმარი, ექიმის პატანტი წერვულ სწეულებებს იკვლევს. ამასთან ერთად პიპნოზისა თუ შთაგონების დროს აღნუსხულ არაჩვეულებრივ გამოვლენებსაც სწავლობს.

ექიმი პატანტი ინგლისელი მეცნიერებისა და ნანსის სამედიცინო სკოლის ძიებათა სასწაულებრივ შედეგებზე ზგესაუბრებოდა კარგა ხანს.

ექიმის მიერ მოხმობილი ფაქტები დაუჭერებელი მეჩვენა და უნდობლობის დამალვა არც მიცდია.

„ჩვენ, — განაცხადა ექიმმა, — სადაცაა აღმოვაჩინო ბუნების ერთ-ერთ მნიშვნელოვან საიდუმლოს, უფრო ზუსტად ბუნების იმ ერთ-ერთ უმნიშვნელოვანეს საიდუმლოს, რომელიც კი დედამიწის ზურგზე გვხვდება. ისიც უნდა ითქვას, რომ ბუნებას შეიძლება კიდევ სხვაგან სადმე პქონდეს საიდუმლოებანი, ვთქვათ, ვარსკვლავეთში. მას შემდეგ, რაც ადამიანმა აზროვნება იწყო და შესძლო გამოეთქვა ან დაეწერა საკუთარი აზრი, იგი გრძნობს, რომ მუდამ რაღაც საიდუმლოს ეხლება, რომელსაც თავისი უბეში და უსუსური გრძნობებით ვერ ჩაწვდომია. პოდა, ისიც ცდილობს გრძნობათა უკმარისობა გონების მცდელობით აინაზღაუროს. ადამიანური გონების განვითარების დაბალ საფეხურზე ამ უჩინარმა ფენომენმა საშიში და საზარელი სახე მიიღო. სწორედ აქედან იშვა ზებუნებრივი ძალების რწმენა, უმწიფარი გონების მიერ დაბადებული, ფერიებით, პოჩვენებებითა და ჭყვებით სავსე უამრავი ლეგენდა და ზღაპარი. ცხადია, ღმერთის რწმენაც ამასვე ემყარება, რადგანაც სამყაროსა და ადამიანთა შემოქმედების ცნება, რომელ რელიგიასაც არ უნდა განეკუთვნებოდეს ის, დაშინებული ადამიანის გონების ნაყოფია და სხვა არაფერი. მოსწრებულად თქვა ვოლტერმა: „თუკი ღმერთმა სახითა თვისითა შეგვექმნა, ჩვენ სათანადო მივუზღოთ“, მაგრამ აი, უკვე მთელი საუკუნეა ახალი აღმოჩენის ზღურბლთან ვდგავართ. მესმერმა და სხვებმა აქამდე უბილაგ გზაზე დაგვაყენეს და ეს ოთხი თუ ხუთი წელია განსაცვიფრებელ შედეგებს მივადწიეთ“.

ჩემი ბიძაშვილი ექვით აქნევდა თავს და იღიმებოდა. „გნებავთ დაგაძინოთ, ქალბატონო?“ — მიუბრუნდა ექიმი პატანტი ქალს. „კეთილი ინებეთ, ბატონო“, — გაეპასუხა ჩემი ბიძაშვილი და სავარძელში მოხერხებულად მოკალათდა. ექიმმა თვალი თვალში გაუყარა და სუანსი დაიწყო, მე შევეცბუნდი,

გული ამიძგერდა და ნერწყვი გამიშრა, კარგად ვხედავდი როგორ ჩამოუვრძელდა სახე ჩემს ბიძაშვილს, მერე პირიც გვერდზე მოექცა და მალევე სუნთქვას მოპყვა.

ათი წუთის შემდეგ მადამ საბლეს დრმა ძილით, ეძინა მისი „სახეჯექით“, — მიიხრა ექიმმა.

მე ქალის უკან დავჯექი, ექიმმა ქალს სავიზიტო ბარათი ჩაუდო ხელში: „ეს სარკეა, რას ხედავთ შიგში?“

— ჩემს ბიძაშვილს, — უბასუბა ქალმა.

— რას აკეთებს?

— უღვაშს იწიწკნის.

— ახლა?

— ვიბიდან ფოტოსურათს იღებს.

— რა სურათია?

— საკუთარი ფოტოა.

დიახ, რომ ასე იყო ეს სურათი სწორედ იმ საღამოს გადმომცეს სასტუმროში.

— როგორ გამოიყურება თქვენი ბიძაშვილი?

— ფეხზე დგას, ხელში ქუდი უჭირავს.

ქალი იმ თეთრ, გლუვ სავიზიტო ბარათში ისე ხედავდა, თითქოს მართლა სარკე ეკავა ხელში.

„გეყოფათ, გეყოფათ!“ — აკვილდნენ შეშინებული ქალები. მაგრამ ექიმი თავისას არ იშლიდა: „ხეალ, მ საათზე აღგებით, შემდეგ თქვენს ბიძაშვილს ეახლებით სასტუმროში და იმ 5000 ფრანკს დაესხებით, რომელსაც მეუღლე გთხოვდათ თავისი მომავალი მოგზაურობისათვის“.

მხოლოდ ამის შემდეგ გააღვიძა ექიმმა ქალი.

სასტუმროში რომ ვბრუნდებოდი, სულ ეს უცნაური სევანსი მედგა თვალწინ. ჩემი ბიძაშვილის გულწრფელობაში, რა თქმა უნდა, ეჭვს ვერ შევიტანდი. მას ხომ ბავშვობიდან ვიცნობდი და დასავით მიყვარდა. ექიმმა თუ იცუღლუტა-მეთქი, ვფიქრობდი. შეიძლება საღმე სარკეც ჰქონდა დამალული და ჩემდა უჩინრად, მიძინებულ ქალს ბარათთან ერთად შეაჩერა. განამარჩივლები ამაზე უარესს არ სჩადიან? სასტუმროში დავბრუნდი და დავწექი.

ამ დღით რვის ნახევარზე მოახლემ გამაღვიძა:

„ქალბატონი საბლე თქვენს ნახვას ითხოვს: გადაუღებელი საქმე მაქვსო — მოგახსენათ“.

ნაჩქარევად ჩავიცვი და სტუმარს შევეგებე.

ქალი შეწუხებული ჩანდა: პირბადე არ აუწევია და თავდახრილი მელაპარაკებოდა:

— ძვირფასო ძმაო, ერთი დიდი სათხოვარი მაქვს თქვენთან.

— გისმენთ.

— მრცხვენია კი ამაზე ლაპარაკი, მაგრამ მაინც უნდა გაგებდოდ. 5000 ფრანკი მჭირდება გადაუღებლად.

— თქვენ გჭირდებათ?

— დიახ, მაგრამ, სამართლზე თუ გნებავთ — ფულის შოვნა ჩემმა მეუღლემ დამავალა.

ისე ვიყავი გაოცებული, რომ პასუხად არც კი ვიცი რა წავილულულე.

ისიც კი გავიფიქრე, ჩემმა ბიძაშვილმა და ექიმმა პირი ხომ არ შეკრეს და ჩემი გაცრუება ხომ არ ისურვეს-მეთქი. აღრევე შემზადებულ და რუსტად გამიზნულ ხუმრობის ჰგავდა ეს ყველიფერი.

მაგრამ ბიძაშვილს რომ შევხედე, უკანასკნელი ეჭვიც გამიქრწოვდა. ქალი მთელი სხეულით კანკალებდა. ჩანდა, ძალზე გაუჭირდა ამ მოსხვერვა-უნაზუც ემჩნეოდა, რომ ყელში მობჯენილ ქვითინს ძლივს იკავებდა.

კარგად ვიცოდი, რომ ჩემი ბიძაშვილი ძალზე მდიდარი იყო.

— როგორ, — შევეკთხე მე, — განა თქვენს მეუღლეს 5000 ფრანკი გაუხნდა საშოვნელი? აბა, ერთი კარგად დაფიქრდით! დარწმუნებული ხართ, რომ სწორედ მან დაგავალათ ფულის სესხება?

ქალი შეყოყმანდა, თითქოსდა რაღაცის გახსენებას ლამობსო, შემდეგ კი მიპასუხა:

— დიახ... დიახ... დარწმუნებული ვარ.

— წერილი მოგწერათ?

ქალი ისევ შეყოყმანდა და ჩაფიქრდა. მე მივხვდი, რა სატანჯველშიც იყო. რაღაც ბუნდოვანი, შეუცნობელი აზრის მოხელთებას ცდილობდა და ვერ ახერხებდა. ვერაფერი გაეგო. ერთი კი იცოდა — ჩემთან იმიტომ მოვიდა, რომ თავისი ქმრისთვის 5000 ფრანკი ესესხა. სწორედ ამიტომაც გაბედა და იცრუა.

— დიახ, წერილი მომწერა.

— როდისღა? გუშინ ამის თაობაზე არაფერი ვითქვამთ?

— წერილი ამ დილით მომიტანეს.

— ხომ ვერ მაჩვენებთ?

— არა, არა... ერთობ ინტიმური ბარათია... პირად საქმეებს ეხება... მე იგი... დიახ, იცით, მე იგი დავწვი.

— გამოდის, თქვენი ქმარი ვალებს იღებს.

ქალი შეცბა, მერე კი წაიჩურჩულა:

— არ ვიცი.

— საქმე ის გახლავთ, რომ ასეთი თანხა თან არა მაქვს, — მტკიცედ განვუცხადე ქალს.

ჩემს ბიძაშვილს ტანჯვის ოხვრა აღმოხდა.

— გთხოვთ, გაისარჯოთ. იქნებ სადმე მაინც მიშოვოთ.

ქალი აღელდა, ხელები ვედრებით ალაბყრო და მუდარით შემომცქეროდა. ვიგრძენი, რარიგ შეეცვალა ხმა. ზღუქუნებდა და თან რაღაცას ბუტბუტებდა. ეტყობა, გუშინ მიღებული ბრძანების მონა-მორჩილად ქცეულიყო.

— გეშუდარებით, გენუდარებით... რომ იცოდეთ, რარიგ ვიტანჯები, ფული დღესვე მჭირდება.

ქალი შემებრალა.

— ფულს ახლავე მიიღებთ, პირობას გაძლევთ.

— თ, გმადლობთ, ეჭვიც არ მეპარებოდა თქვენს სიკეთეში! — წამოიძახა ქალმა.

მე სიტყვა გავაგრძელე:

— გახსოვთ, რა მოხდა გუშინ საღამოს?

— დიახ.

— ექიმმა პატანტმა რომ დაგაძინათ, ისიც გახსოვთ?

— დიან.

— ჰოდა, სწორედ მაშინ გიბრძანათ, ამ დილითვე ჩემგან 5000 ფრანკი გეხსენათ. ახლა თქვენ მის ბრძანებას ასრულებთ.

ქალი წუთით ჩაფიქრდა და მიბასუხა:

— კი მაგრამ, ფულს ხომ ჩემი ქმარი მთხოვს?

მთელი საათი მოვუწიდი სიმართლის მტკიცებას, მაგრამ აზრი ვერ იქნა და ვერ შევაცვლევინე.

ქალი რომ გავისტუმრე, ეჭიმთან გავეშურე. სულზე მივუხსარი, ღიმილით მომისმინა და მერე მითხრა:

— ახლა ხომ დარწმუნდით?

— მეტი რა ძალაა?

— თქვენს ბიძაშვილთან წავიდეთ.

არაქათგაცლილი ქალბატონი საბლეს სავარძელში თვლებდა. ეჭიმმა მაჯა გაუსინჯა. რამდენიმე ხანი დაკვირვებით უყურა. ხელი თვალებზე ააფარა და ქალბატონელ-ნელა მოხუჭა თვალები. ეტყობა, მაგნიტურ ძალას ვეღარ გაუძლო.

ქალმა რომ მიიძინა, ეჭიმმა შეგონება დაუწყო:

— თქვენს ქმარს აღარ სჭირდება 5000 ფრანკი. დაივიწყეთ, რომ ბიძაშვილს ფული სთხოვეთ და თუკი ამიზე სიტყვა ჩამოგიგდოთ, არაფერი შეიმჩნით. მერე ეჭიმმა ქალი გააღვიძა. მე საფულე ამოვიღე:

— აი, ძვირფასო, დილით რომ მთხოვეთ, ის ფული მოგართვით.

ქალი ისე გაოცდა, რომ ძალის დატანება ვეღარ შეგებდებოდა. მაინც შეეცადა დილანდელი ამბავი შემეხსენებინა, მაგრამ ქალი უარზე იდგა. დამცინითო, სულ ამას იმეორებდა და ბოლოს გაგულისდა კიდევ.

ჰი, ასე იყო! სასტუმროში დავბრუნდი. ამ ცდამ ისე ამაფორიაქა, რომ საუზმეს პირიც ვერ დავაქარე.

19 ივლისი — ბევრმა, ვისაც ეს ამბავი მოვუყვები, სიცილი დამიფარა. აღარ ვიცი, რა ვიფიქროს ერთ ბრძენკაცს უთქვამს: „დიადი „ვინ იცის“, მოსახილველად მივდივარო“.¹

21 ივლისი — ბუფიალში ვისადილე; სალამო კი აფროსნობის მოყვარულთა მეჯლისზე გავატარე. როგორც ჩანს, ყველაფერი იდგილსა და გარემოზეა დამოკიდებული. „ბაყაყების კუნძულზე“ იყო კაცი და რაღაც ზებუნებრივ ძალებზე ფიქრობდებოდა? მართლაც რომ სიგიჟეა... მაგრამ სენ-მიშელის მთა? ინდოეთი? გარემო მართლაც რომ დიდ ზეგავლენას ახდენს აღამიანზე. ერთ კვირაში შინ დავბრუნდები.

30 ივლისი — გუშინ ჩამოვედი. ყოველივე რიგზე.

2 აგვისტო — ახალი არაფერია. ბრწყინვალე ამინდია. მთელი დღეები სუნის დინებას ვადევნებ თვალს.

4 აგვისტო — ჩემი მსახურები წაკამათდნენ. იფიცებიან, ღამით ვიღაც ჭიჭებს ამსხვრევს კარაღაშიო. მოახლე მზარეულს დებს ბრალს, მზარეული მრეცხავს ქალს ადანაშაულებს, ეს კი ორთავეს ეჭვის თვალით უყურებს. ბოლოს და ბოლოს ვინ არის დამნაშავე? გულთმისანი უნდა იყო, სიმართლე რომ დაადგინო.

¹ გადმოცემის თანახმად, ეს სიტყვები მომაკვდავ ფრანსუა რაბლეს ეკუთვნის.

ნ ა გ ვ ი ს ტ ო --- ამჯერად, სიგიჟეს ველარ დავიბრალებ. ჩემი თვალით ვნახე... დიან, ვნახე! ეჭვიც აღარ მეპარება! ყოველივე ჩემ თვალწინ მოხდა. 'შიშმა' თავით-ფეხამდე დამიარა. ახლაც კი მაჯრუოლებს. ორი საათი იყო. ბაღში, ვარდის ბუჩქებითან ვსეირნობდი. შემოდგომის გვიანი ვარდები გაფურჩქვნას ეპირებოდნენ.

ის იყო „მეომარ ღვეგმირთან“ შევჩერდი და მის სამ მშვენიერ ყვავილს დავაკვირდი, რომ უეცრად იქვე, ჩემს ახლოს, ერთი ვარდის ღერო გადაიზნინა და გადატყდა, თითქოსდა რაღაც უხილაგმა ხელმა გადატეხაო. მერე ყვავილი იმ უხილაგ ხელს აჰყვა, ჰაერში აიზიდა და გაქვავდა... ჩემგან საშიოდენ ნაბიჯზე მჭვირვალე ჰაერში ხასხასა სისხლისფერ ლაქად ბრდღვიალებდა წითელი ვარდი.

გიჟივით ვეცი ყვავილს, მაგრამ ამოდ, ისე უცებ გაუჩინარდა, თვალის ვერ მოვატანე. თავს შევუწყური: დინჯ და გონებადალაგებულ კაცს ასეთი მოჩვენებები არ ეკადრება-მეთქი.

ნუთუ მართლა მოჩვენება იყო? ღეროს დავუწყე ძებნა და წამსვე ვიპოვე. ეს-ეს არის გადატეხილი, ორ სხვა ვარდს შორის გაჩხერილიყო ბუჩქზე.

შეცბუნებული შევბრუნდი სახლში. ახლა უკვე დღესავით ნათელია, რომ ჩემს გვერდით რაღაც უხილაგი არსება დააბიჯებს, რომელიც რძეს და წყალს ხვრებს, საგნებს ეხება და იდგის უცვლის. იმ არსებას, რომელიც ახლა ჩემს პერქვეშ ბინადრობს, ჩვენი გრძნობებისთვის შეუღწევადი ნივთიერი ბუნება გააჩნია.

ნ ა გ ვ ი ს ტ ო --- უშფოთველად მეძინა. იმან წყალი დალია, მაგრამ ჩემთვის ძილი არ დაუფრთხია.

ხომ არ შევიშალე-მეთქი, ვფიქრობ, როდესაც მზის გულზე, მდინარის პირას ვსეირნობ. ეჭვი მიბჰრობს, კიდევ გონზე ვარ თუ არა. ეს უკვე ადრეული, ბუნდოვანი ეჭვი კი არა, გამოკვეთილი და მკაფიო აზრია. მე მინახავს გიჟები. ისეთებსაც ვიცნობ, ვინც თითქმის ყველა ცხოვრებისეულ მოვლენას ერთობ საღად და გონიერულად აღიქვამს, მაგრამ რაჯამს იმ ზღვარს მიუახლოვდებიან, საიდანაც მათი ავადმყოფობა იწყება. აქამდე ნათელი და ღრმა მსჯელობა ერთბაშად სახეს იცვლის, პოდა, მათი აზრიც იზვირთებულ, აბოპოქრებულ და ნისლიან ოკეანეში დაინთქმება, რასაც ჩვენ „სიგიჟეს“ ვუწოდებთ.

რაღა თქმა უნდა, მეც გიჟად ჩავთვლიდი თავს, მაგრამ იმასაც კარგად ვხედავ, რომ საღი მსჯელობის უნარი ჯერ კიდევ შემრჩა. ერთი სიტყვით, პალუცინაციებით შებჰრობილი გონიერი ადამიანი ვარ. აბა, სხვა რა ვიფიქრო?

ტვინი რაღაც უცნაურმა ღელვამ ამიფორიაქა. სწორედ ისეთმა, რომლის იტყერას ცდილობენ თანამედროვე ფიზიოლოგები. ეს შფოთი სწორედ ჩემი გონებისა, აზრების მწყობრ სვლას არღვევს და ნაპრალს აჩენს. მსგავსი ფენოშენი სიზმარში გვევლინება უმეტესწილად და წარმოუდგენელ ფანტასმაგორიებში გადაგვისვრის, ისე რომ, არც კი გავიოცებთ, რადგანაც მოვლენათა განმსჯელი აპარატი და კონტროლის უნარიც ერთნაირად დაქვეითებული ან სულაც მიძინებულია. წარმოსახვა კი ფხიზლობს და თავის საქმეს განაგრძობს. შეიძლება ჩემი გონებრივი კლავიატურის ერთი რომელიმე კლავიში დაზიანდა? რაიმე უბედური შემთხვევის შედეგად ადამიანები მეხსიერებას კარგავენ, ან სახელებს ივიწყებენ ან კიდევ სიტყვებს და ციფრებს, ისიც ხდება,

რომ მხოლოდ თარიღები ამოუვარდებათ მეხსიერებიდან. აზრის ყველა ნაწილაკის ლოკალიზაციის შესაძლებლობა დღეს უკვე ეჭვს აღარ იწვევს. პოდა, თუკი ასეა, რაღა გასაკვირია, რომ მეც ზოგიერთი პალეონოციის კონტროლის უნარი დამიქვეითდა? მდინარის ნაპირს მივყვებოდი და ამაზე ვფიქრობდი. მზე წყლის ზედაპირს ელამუნებოდა და მიწას მსუბუქ კავალში ახვევდა. თვალეში სხივი ჩამიდგა. სიცოცხლეც მიყვარდა, ეს მეტროსტებიც, რომელთა აღმა-დაღმა სრიალი სინარულს მგვრიდა და ნაპირზე ამოქოჩრილი ბალიხიც, რომლის ჩუმი თრთოლვა ბედნიერების ჰანგებად ჩამესმოდა.

მაგრამ თანდათან რაღაც კაეშანი შემომეძალა, რაღაც იდუმალი, მისტიური ძალა ფეხებს მიბორკავდა, სიარულს მიშლიდა და უკან მეზიდებოდი. ასეთი მწველი განცდა ადამიანს იმ დროს ეუფლება, როცა შინ სწეული საყვარელი არსება ეგულება და ერთბაშად შიში იპყრობს, ვაითუ ავადმყოფის მდგომარეობა კიდევ უფრო გაუარესდესო.

ჩემდა უნებურად უკან გამოვბრუნდი. დარწმუნებული ვიყავი, სახლში უბედურებას მაცნე წერილი ან დებეშა მაინც მელოდა, მაგრამ მოეტყუვდი. ამან კიდევ უფრო მეტად გამაოცა და ამაღელვა, ვინემ ფანტასტიკური ზმანების ხილვამ.

8 აგვისტო — საშინელი საღამო გავატარე. ზედვით ვერ ვხედავ, მაგრამ ფგრძნობ კი, რომ იგი ჩემს გვერდითაა... გამუდმებით მითვალთვალეებს და სულ უფრო და უფრო მიმონებს. უჩინარი და მალული უფრო საშინელი მეჩვენება. მირჩევნია, ზებუნებრივი ხერხებით გაამეღავნოს თავისი თვალშეუვლელი არსებობა... და მაინც კარგად მეძინა.

9 აგვისტო — არაფერი მომხდარა, მაგრამ მაინც მეშინია.

10 აგვისტო — დღესაც არაფერი შეცვლილა. რა მომელის ხვალ?

11 აგვისტო — ყველაფერი ძველებურადაა. გული არ მიდგება შინ. ერთხელ აკვიატებული შიში მოსვენებას არ მაძლევს. უნდა გავემგზავრო.

12 აგვისტო — საღამოს 10 საათია. მთელი დღე გამგზავრებას ვეპირებოდი, მაგრამ ვერ შევძელი. მსურდა თავისუფლების ეს მეტად უბრალო და მარტივი საქმე მაინც შემესრულებინა — ეტლში ჩავმჯდარიყავი და რუანისკენ ამელო გეზი. ვერა და ვერ მოვახერხე. რატომ?

13 აგვისტო — კაცს რომ მავანი სენი შეგიპყრობს, თითქოსდა მთელი სხეული გეშლება, ენერგიისგან იცლები, ჯანი გისუსტდება, ძვალი ხორცივით დუნე გიხდება, ხორცი კი წყალივით ბლანტი. ეს განცდა მთელ ჩემს არსებას მოედო და ახლა შიგნიდან მღრღნის. იმის ძალაც აღარ შემწევს, რომ ახსნობა მოვიკრიბო და თავი მოვთოკო. ვატყობ, ნებისყოფაც მლიღიტობს. აღარავითარი ვნება-სურვილი არ მაღელვებს, სხვის ნებას კი ვემორჩილები.

14 აგვისტო — აღარაფერი მეშველება! ვილაც ჩემს სულს დაეპატრონა და თავის ნებაზე მათამაშებს. ყოველ ჩემს ქმედებას, მოძრაობას თუ აზრს ის ვილაც განაგებს. თითქოსდა საკუთარი არსობისაგან დავიცალე და ჩემივე მოქმედებების პასიური მხილველი შევიქენი. მინდა გარეთ გავიდე. არ შემიძლია, რადგანაც მას არ სურს. პოდა, ვაქვავებული და თავზარდაცეული სავარძელში ვრჩები. მინდა ავდგე, წამოვიწიო მაინც, რომ საკუთარი სხეულის ბატონ-პატრონად ვიგრძნო თავი. ამასაც ვერ ვახერხებ. გეგონებათ, სავარძელს მიმაკრესო. ჩემი სავარძელიც ისე მყარადაა იატაკს დაბჯენილი, რომ ვერავითარი ძალა, გერც ერთს და ვერც მეორეს ვერ დაგვძრავს. ერთბა-

შად ბაღში გასვლისა და მარწყვის ჭამის დაუთკებელი სურვილი ამიტაცებს. ასეც ვიქცევი. მარწყვს ვკრეფ და მუქა-მუქა ვიყრი პირში. ო, ღმერთო ჩემო! ღმერთო ჩემო! არსებობს კი ღმერთი! ჰოდა, თუკი არსებობს დამრბნას კიდევ! ღმერთო, მიხსენი შემიწყალე და შემიბრალე! მადლი მოისხი და განსაცდელს განმარიდე! ოო, რა სატანჯველში ვარ! რა წამებაა! რა საშინალებაა!

15 აგვისტო — ახლალა ვხვდები, რა დღეში იყო ჩემი ბინადრული, ფულის სასესხებლად რომ მეწვია. იგი მისსავე არსებაში ჩაბუდებულ უცხო, პარაზიტულ და ყოვლისმომცველ ნებას ემორჩილებოდა. სამყაროს დასასრული ხომ არ ახლოვდება? ვინ არას ის უჩინარი, თავის ნებაზე რომ მათამაშებს? ეს შეუცნობელი, ზებუნებრივი წარმომავლობის მონეტიალე ძალა რაღაა?

გამოდის, უხილავი არსებანი მართლაც არსებობენ?! თუ ასეა, სამყაროს დასაბამიდან დღემდე რატომ არ გამოამჟღავნეს თავი? რაღა ჩემთვის მოიციალეს? იმ ამბის მსგავსი, რაც ჩემს ჰერკულეს ხდება, არც წამიკითხავს და არც მომისმენია. ო, სახლის დატოვება და საღმრთო გადახვეწა რომ შემეძლოს, უკან-მოუხედავად მოვქუსლავდი. კიდევაც გადავრჩებოდი, მაგრამ უბედურება ისაა, რომ ამის გაკეთება არ შემიძლია.

16 აგვისტო — დღეს, როგორც იქნა, ორი საათით გამოვიპარე სახლიდან. თითქოს პატიმარი ვყოფილიყავი და დარაჯს საკნის კარი შემთხვევით ღია დარჩენოდა. უეცრად ვიგრძენი, რომ თავისუფალი ვიყავი. ისიც აღარ იყო ჩემ გვერდით. ცხენების შებმა ვუბრძანე და რუანისკენ გავწიე, რა ბედნიერებაა, როცა შეგიძლია ვილაცხას უბრძანო: „აბა, რუანისკენ გაუყევი“, და ისიც გემორჩილება.

ბიბლიოთეკასთან შევჩერდი და დოქტორ ჰერმან ჰერესტაუსის ის დიდტანიანი ნაშრომი მოვიკითხე, რომელიც ანტიკური და თანამედროვე სამყაროს უცნობ ბინადრებს ეხება.

მერე ეტლში ასვლისას, ის იყო მეეტლესთვის უნდა მეთქვა, სადგურისკენ გაუხვიე-მეთქი, რომ ჩემდა უნებურად ხმამალლა შევძახე, არა, კი არ შევძახე, ისე ვიღრიალე, სახლისკენ გაუტიე-მეთქი, რომ გაოცებული განკლდელებიც კი მომიტრიალდნენ, სურთქვაშეკრული, ეტლის მუთაქებზე გადავესვენე. აქაც მომაგნო და დამიმონა!

17 აგვისტო — ო, რა ღამე იყო! რა ღამე! მაინც ვფიქრობ, რომ საქმე არც ისე ცუდაა. პირველ საათამდე ვიკითხე. ფილოსოფიისა და თეოლოგიის დოქტორ ჰერმან ჰერესტაუსს ადამიანების გვერდით მარადჟამს მონეტიალე ან კიდევ ადამიანური წარმოსახვით დაბადებული, უჩინარ არსებათა მთელი ისტორია შეუქმნია. წიგნი ვრცლად მოგვითხრობს მათ წარმომავლობაზე; მათ სამეუფოსა და მათ ძლიერებასაც აღწერს. მაგრამ ვერც ერთი მათგანი ვერ მივამსგავსე იმას, ვინც ესოდენ მტანჯავს და მაწვალებს. ეტყობა, ადამიანმა აზროვნება იწყო თუ არა, რაღაც ახალი არსების მომავალი აღზვევა იწამა და ერთდროულად მისდამი შიშიც შეიქნა. იგი, მომავალი მემკვიდრე, ადამიანზე მეტად ძალმოსილი უნდა ყოფილიყო, რადგანაც ქვეყნიერების ამ ახალი ბატონ-პატრონის ბუნება შიშით შეპყრობილმა ადამიანმა, ვერ იქნა და ზუსტად ვერ განსაზღვრა. შეიძლება ამიტომაცაა, რომ ოკულტური და ფანტასტიკური ქიმერებით დაასახლა დედამიწა.

პირველ საათზე კითხვას თავი ვანებე და ფანჯარასთან მივჯექი, რათა მრუმე ღამის ნიავეთ გამეგრებინა გადახურებული ტვინი.

წყნარი ამინდი იდგა. რარიგ მიყვარდა ასეთი ღამეები! მთვარე არ ჩანდა. შავად ჩაქუფრულ ცაზე ვარსკვლავები კიაფობდნენ. ვინ ცხოვრობს ამ ვრცელ სამყაროში? რა ფორმები, რა ცოცხალი არსებები, რა ცხოველები ან რა ნარგავები? ნეტავ შორეული სამყაროს მოაზროვნე ბინადრებმა თუ იციან ჩვენზე მეტი? ჩვენზე მეტი ძალისხმევა თუ აქვთ? ხედავენ რასმე ისეთს, რასაც ჩვენ ვერ ვხედავთ? შეიძლება, რომელიმე მათგანმა სივრცის საზღვარი გაარღვიოს და დედამიწის დასაპყრობად გამოეშუროს, როგორც ერთ დროს ნორმანებმა გადაჭრეს ზღვა უფრო სუსტი ხალხების დასამონებლად?

რაოდენ უსუსურნი, დაუცველნი, უვიცნი და მცირენი ვართ ადამიანები, ამ ტალახის გუნდაზე რომ ვცხოვრობთ, წყლის პატარა გუბეში.

ღამის სიგრილემ დამიამა და ამ ფიქრებში კიდევ ჩამთვლიმა.

ორმოციოდე წუთი თუ მეძინა. მერე თვალები გავახილე, ისე რომ არც შევნიშნულვარ. რალაც ბუნდოვანმა შეგრძნებამ გამაღვიძა. ჯერ ვერაფერი გავარჩიე. მერე დავინახე, რომ ჩემს მაგიდაზე გადახსნილი წიგნის ფურცელი თავისით გადაიშალა. ფანჯრიდან ნიავის სუნთქვაც ვერ ატანდა. გაცოცხლებული ველოდი, რა მოხდებოდა. ორმოცი წუთას შემდეგ საკუთარი თვალით ვინახე, რომ მომდევნო ფურცელიც წინას მიყვა. თითქოსდა უხილავმა ხელმა გადაფურცლაო. ჩემი სავარძელი ცარიელი იყო, ყოველ შემთხვევაში ასე მეჩვენა. მაგრამ წამსვე ვიაზრე, რომ ის აქ იყო, ჩემს ადგილზე იჯდა და კითხულობდა. გონდაკარგული მხეცი რომ ეძგერება თავის მომთვინიერებელს, სწორედ ისეთი შმაგი ნახტომით გადავჭერი ოთახი, რათა ხელი მეტაცა მისთვის, მკლავებში მომეგდო და მომეხრჩო. მაგრამ ნაბიჯის გადადგმაც ვერ მოვასწარი, რომ სავარძელი აყირავდა. თითქოს ვილაც უხილავმა ფეხი ჰკრა და გაიქცა... მაგიდა შეინძრა, ლამპაც ჩამოვარდა და ჩაქრა. ფანჯარა ზათქით მოიხურა, იფიქრებდით, დანაშაულის ადგილზე გამოჭერილი ქურდი დარაბებს მოეჭიდა და გარეთ ისკუპაო.

გამოდის, გაქცევით უშველა თავს. შეეშინდა. დიახ, ჩემი შეეშინდა!

ამრიგად... პო, სწორედ რომ ასეა! ერთ მშვენიერ დღეს მოვიხელოვებ და მიწაზე დავცემ. ზოგჯერ ძალღიჯ ხომ კბენს და ყელსაც გამოლადრავს თავის პატრონს?

18 აგვისტო — მთელი დღე ფიქრსა და განსჯაში გავატარე. მაშ ასე, ქედს მოვიდრეკე, ყველა მის აზრებას ავყვები, ყველა მის სურვილს ავასრულებ, ლაჩრად და უნდილად მოვაჩვენებ თავს. იგი ხომ ყველაზე ძლიერია! მაგრამ, დრო მოვა და...

19 აგვისტო — მივხვდი... საიდუმლოს ფარდა აეხადა... ეს-ეს არის „სამეცნიერო სამყაროს ჟურნალში“ ამოვიკითხე: „უცნაური და ყურადსაღები ცნობა მივიღეთ რიო-დე-ჟანეიროდან. სიგაჟის ეპიდემია, მსგავსი იმ გადამდები სენისა, რომელიც შუა საუკუნეების ევროპის ერებს მოედო, მძვინვარებს სან-პაულოს პროვინციაში. აფორიაქებული და დაშინებული მოსახლეობა საცხოვრებელს ტოვებს და სოფლებს აცარიელებს. ღვთის ანაბარა რჩება მინდვრები და ბაღები. თითქოსდა პირი შეკრესო „ლტოლვილები ერთხმად აცხადებენ, რომ უჩინარმა, მაგრამ შეგრძნებადმა არსებებმა დაიმორჩილეს მათი ნება, ფარასავით მიერეკებიან და ზღაპრული ურჩხულების

მსგავსად ძილში სისხლს წოვენ. ვარდა ამისა, წყალსა და რძეს სვამენ, მაგრამ სხვა რამ საკვებს პირს არ აკარებენ.

პროფესორი დონ პედრო ენრიკესი რამდენიმე მეცნიერის თანხლებით სან-პაულოს პროვინციაში გაემგზავრა, რათა ადგილზევე გაარკვიოს ამ უცნაური სიგიჟის წარმომავლობა და ნიშნები. იგი იმპერატორს წარუდგენს თავის მოსაზრებას იმის თაობაზე, თუ რით და როგორ შეიძლება გონდაკარგული ხალხის დაშოშმინება.

ჰოდა, მეც იმეამინდელი ბრაზილიური სამანძიანი გემი გამახსენდა. სწორედ ის, ჩემი ფანჯრების წინ, სენის დინებას აღმა რომ მიუყვებოდა, მ მაისის დილას. რაოდენ ლამაზი, ხალისიანი და ქათქათა მეჩვენა! ის არსებაც იმ გემზე იყო, სამშობლოდან მოეშურებოდა ეტყობა, სწორედ მაშინ მკიდა თვალი. ჩემი თეთრი სახლიც შეამჩნია და გემიდან ნაპირზე გადმოეშვა. ო, ღმერთო ჩემო!

ახლა უკვე ყოველივე ცხადია: ადამიანის მეუფება დასრულდა... და პა, მოვიდა იგი, ვინც გულუბრყვილო ხალხების პირველქმნილი შიშისა და ძრწოლისაგან იშვა, ის, ვისაც კრულვას უფლიდნენ შეშფოთებული ქურუმნი, ვისაც უკუნი ღამით იხმობდნენ ჯაღოქრები, ვინც არვის ეჩვენებოდა და ვისაც ამ ქვეყნის წარმავალ მეუფეთა წინათგრძობა ხან ჯუჯად წარმოიდგენდა, ხან კი მოჩვენებად, ხან ფერხას სამოსში ხვევდა, ხან კი უწმინდურ ძალად სახავდა. პირველყოფილ უსწეს წარმოდგენას უფრო გონიერმა ადამიანებმა საღი აზრი და ნათელი ხილვა შეუნაცვლეს. მესმერმა იგი ამოიცნო, ეჭიმები კი აი, უკვე ათი წელია ზუსტად აღწერენ მისი ძლიერების არსსა და ხასიათს. ის დღეც არ არის შორს, როცა იგი თვითვე გამოამყლავენებს საკუთარ ძალისხმევას. ადამიანები გაეთამაშნენ ამ ახალი ბატონის სასტიკ იარაღს, რომელიც ადამიანის სულს მაჭლაჭუნასავით აწვება და იმორჩილებს. რა სახელი არ გამოუძებნეს: მაგნეტიზმიო, პიპნოტიზმიო, შეგონებაო... და ვინ იცის კიდევ რა. უგუნური ბავშვებივით ელლაბუცებოდნენ ამ ყოვლისმომსხვრელ ძალას. ვაგლახ ჩვენი ვაი, შენი ცოდვის ბრალი, ადამის ძეო! იგი მოვიდა, აი, ის... რა პქვია? ასე მგონია, თითქოს სახელს ჩამძახის, მე კი არ მესმის. ჰო, სწორედ რომ ასეა. სახელს მეუბნება... ვაყურადებ... ვერ ვარჩევ.. გაიმეორე... ორლა გავიგონე... ორლა... დიახ, ის არის.. ორლა... ორლა.. აჰა, მოვიდა!..

ძერამ მტრული მოინადირა, მგელმა ცხვარი შეჭამა, ლომმა რქააპრეხილი კამეჩი დაგლიჯა, ადამიანმა ისრით, მახვილით თუ ტყვიით ლომს სულღი გააფრთხობინა. ორლაც ისევე მოექცევა ადამიანს, როგორც ერთ დროს ჩვენ მოვექვეცით ცხენსა და ხარს: მხოლოდ საკუთარი ნებისყოფის წყალობით საკუთარ ნივთად, მსახურად და საკვებად გვაქცევს. განკითხვის უამიღებდა!

მაგრამ ისიც ხომ ხდება, რომ ზოგჯერ ამბობებული მხეცი თავის მომთვინიერებელს პკლავს. მეც მსურს... მეც ხომ შემიძლია.. მაგრამ ამისთვის საჭიროა ვიცნობდე მას, ხელი შევახო. დავინახო! მეცნიერთა აზრით, ცხოველის თვალი ადამიანის თვალისგან განსხვავებით სავნებს ერთიმეორისაგან ვერ არჩევს, ჰოდა, აი ჩემი თვალიც იმ ახლად გამოცხადებულ არსებას, რომელიც ასერიგად მტანჯავს, ვერა და ვერ ხედავს.

რატომ? სუნ-მიშელის მთის ბერის სიტყვებს ვიხსენებ: „ჩვენ ყოველი

არსებულის შემოღონე ნაწილსაც ვერ ვხედავთ. აი, თუნდაც ქარი, ბუნე-
ბის ყველაზე ძლიერი სტიქიონი ავიღოთ. ქარი ადამიანებს მიწაზე სცემს, შე-
ნობებს ანგრევს, ხელებს ძირფესვიანად გლეჯს, ზღვას მოსოღენს ტალღებად
აფოფრავს. კლდეებს ძირს უთხრის და დიდრონ გემებს წყლის უფსკრულში
ისვრის. ქარი ანგრევს, კივის, კვნესის, ღრიალებს, მაგრამ გზნახტეწი იგი? ან
კი შეგიძლიათ მისი ხილვა? მიუხედავად ამისა, ქარი არსებობს!

ჰოდა, მეც ვფიქრობ: ჩემი ხედვა ისე სუსტია, რომ შუშასავით გამჭვირ-
ვალე მყარი სხეულების გარჩევაც კი არ ძალუძს. წინ რომ უჩიარხო სარკე
დამიდონ, მერწმუნეთ, ცხვირ-პირს შევახეთქებ, მსგავსად ოთახში შემოღრე-
ნილი ჩიტისა, რომელიც ბრმად ეხლება ფანჯრის მინებს. ვინ იცის, რამდენი რამ
აქედუნებს ჩვენს ხედვას? ყველაფერ ამის შემდეგ აბა რა გასაკვირია, თუკი
ჩემი თვალი იმ ჰაერით უჩინარ, ახალმოვლენილ სტუმარსაც ვერ არჩევს?

ახალი არსება! რატომაც არა? იგი უცილობლად უნდა მოსულიყო! ან კი
რატომ უნდა იყოს ადამიანი დედამიწის უკანასკნელი ბინადარი? ჩვენ მას
ვერ ვხედავთ, ვერც ჩვენმა წინაპრებმა შეიცნეს იგი. იმიტომ, რომ მისი ბუ-
ნება ჩვენსაზე უფრო დახვეწილია. მისი სხეული კი უფრო სრულყოფილი და
დასრულებულია. რაოდენ უსუსური მეჩვენება ადამიანის სხეული, მოუქნელი,
მუდმივ გადაღლილი ორგანოებით აღჭურვილი, რთული მექანიზმის
ზამბარასავით მუდამეჭამს დაჭიმული, მცენარისა და პირუტყვის არსებო-
ბის დონეზე დასული, ჰაერით, ბალახბულახითა და ხორციტ რომ გააქვს
თავი. ეს ხომ ცოცხალი მანქანაა, სნეული, მუდმივ ცვალებადი, ხრწნადა,
ძლივსლა რომ უდგას სული, უვიცი და უცნაური, უხეშად აწყობილი, ვილაცის
გაუწაფავი აზრითა და ხელით შექმნილი, მხოლოდ და მხოლოდ მკრთალი მო-
ნახაზი იმ არსებისა, რომელიც ერთ მშვენიერ დღეს გონიერებისა და სრულ-
ყოფის უმაღლეს საფეხურზე უნდა ასულიყო.

ჩვენ ხომ არც ისე ბევრი ვართ მიწაზე, ლოკოკინათი დაწყებული და
ადამიანით დამთავრებული? მაშ, რატომ არ შეიძლება ერთით მეტი ვიყოთ?
მით უმეტეს, თუკი იმასაც ვივარაუდებთ, რომ ახალი სახეობების წარმოშო-
ბის ყამი დადგა?

რატომ არ შეიძლება-მეთქი, გეკითხებით? განა ძნელია იმის წარმოდგენა,
რომ სადღაც ხარობს უზარმაზარი ხე, რომლის ვეება ყვავილების სურნელი
მთელ გარემოს აბრუებს? ხომ შეიძლება არსებობდეს კიდევ რაიმე სხვა ნიყ-
თიერება ცეცხლის, ჰაერის, მიწისა და წყლის გარდა? ნუთუ მხოლოდ ეს
ოთხია ყოველი არსებულის დედა-მშობელი? დასანანიია! დაე, ოთხის ნაცვლად
ყოფილიყო ორმოცი, ოთხასი, ოთხი ათასი! ყოველივე რარიგ მწირია, გასაცო-
დავებული და დაგლახებული! მისხალ-მისხალ მოზომილი, ზერელედ გააზრე-
ბული და ნაჩქარევად გაკეთებული! აგე, სპილოები და პიპობოტამები! აი,
ვისა აქვს კეშმარიტი ზიბლი! ან, თუ გნებავთ, აქლემების სინარნარე გაიხსე-
ნეთ! მაგრამ პეპელაზე ან ჰაერში მოფარფარე ყვავილზე რაღას იტყვიანო,
შემეპასუხებით. ჩემს წარმოდგენაში ვხატავ უზარმაზარ, ას სამყაროსოდენა
პეპელას უკიდევანო ფრთებით, რომლის ვერც მოხაზულობას, ვერც მშვენიე-
ბას, ვერც ფერებს და ვერც რხევას ვერ აგიწერთ! მაგრამ იგი ახლაც თვალ-
წინ მიდგას. პეპელა ვარსკვლავიდან ვარსკვლავისკენ მიფრინავს და თავისი
მძლავრი ფრთებით სივრილესა და სურნელს აკმევს ციურ მნათობთ, ხოლო

მონუსხული და მოჯადოებული ზეცის მოსახდენი მისი მეფური ფრენის ცქერით ტკბებიან.

რა მემართება? ორლა... დიახ, ისაა, გონებას რომ მირევს და ამ გრძელ ზმანებას მიხატავს. იგი ჩემს არსებაში ჩასახლდა, სულისგან დაშორდა და მისი ადგილი დაისაკუთრა. მე მას... მოვაშთობ!..

19 აგვისტო — მე მას მოვკლავ! მე იგი დავინახე! გუშინ საღამოს მაგიდასთან ვიჯექი.. თავი ისე მოვაჩვენე, თითქოს წერით ვიყავი გართული. კარგად ვიცოდი, რომ ირგვლივ მიტრიალებდა, აქვე, სულ ახლოს, ხელის გაწვდენაზე. რა მოხდება, ხელში რომ მოვიგდო? იმედგადაწურული კაცის მხხეობით შევუტევე. აგე, ხელებიცა მაქვს, მუხლებიც, მკერდიც, მუბლიც... სხვა თუ არაფერი, ყელის გამოსაღადრად კბილებიც ივარგებს. დავკბენ, დავახრჩობ, ნაკუწებად დავფლეთ.

ასე ძარღვებაწეწილი ველოდი...

ორი ლამაზ ავანთე და რვა სანთელი შემოვდგი ბუხარზე. ვიფიქრე, ამ ბრდღვიალა სინათლეში უფრო ადვილად მოვიხელთებ-მეთქი. ჩემ წინ ჩემი ძველი, ფეხებიანი საწოლია, მარჯვნივ ბუხარი, ხელმარცხნივ ჩარაზული კარი, რომელიც კარგა ხნით ღია დავაგდე იმ იმედით, იქნებ შემოვიტყუო-მეთქი. უკან მაღალი, სარკიანი კარადაა. ამ კარადის წინ წვერს ვიპარსავ. ვიცვამ და როცა კი წინ ჩავუვლი, თხემით ფეხებამდე ავათვალ-ჩავათვალიერებ ხოლმე საკუთარ თავს.

ჰო, იმას ვამბობდი, თავი მოვიკატუნე და ვცდილობდი მეჩვენებინა, ვითომც წერით ვიყავი გატაცებული. მინდოდა შემეცდინა, რადგანაც ვიცოდი, ისიც მითვალთვალებდა. ერთბაშად ნათლად ვიგრძენი, ჩემ უკან ატუზულიყო და ნაწერს კითხულობდა. მისი სუნთქვა ყურში ჩამესმოდა.

სკამიდან წამოვხტი. ხელები წინ გავიწვდინე და ისე მკვირცხლად შემოვტრიალდი, რომ კინალამ იატაკზე გავიშოტე. იცით, რა მოხდა? დღენათელი იყო, მაგრამ სარკეში საკუთარი გამოსახულება ვერ დავლანდე. სარკეცარიელი იყო, პრიალა, ღრმა და სინათლით სავსე... ჩემი ორეული კი... არადა ზუსტად სარკის წინ ვიდექი. კარგად ვხედავდი სარკის გლუვ ზედაპირს. თვალები გადმოვქაჩე. ფეხიც ვერ წავდგი წინ, ხელიც ვერ გავანძრაე, თუმცა დარწმუნებული ვიყავი, იგი აქვე იყო. მაგრამ იმასაც ვხვდებოდი, ახლაც ხელიდან დამისხლტებოდა. სწორედ მისმა უხილავმა სხეულმა შთანთქა ჩემი ანარეკლი.

შიშმა ამიტანა. მერე, უცებ სარკეში საკუთარი ორეულიც წარმომიდგა. თითქოს ნისლიდან გამოლიოდა, სარკის სიღრმიდან, წყლის ჭავლის უკან. წყლის წვეთები მარცხნიდან მარჯვნივ ხაზავდა სარკის ზედაპირს და წუთიდან წუთზე ჩემი გამოსახულება სულ უფრო მკაფიო ხდებოდა. გონება გამინათდა. იმას, რაც აქამდე სარკეში საკუთარი თავი დანახვას მიშლიდა მკაფიოდ, კონტურები არ უნდა ჰქონოდა. ბუნდოვანი გამჭვირვალეა იყო და სხვა არაფერი.

დაბოლოს მთელი ტანით გამოვჩნდი სარკეში, ასე, როგორც ჩვეულებრივ ხდება ხოლმე.

მე იგი დავინახე! იმდღევანდელი შიში ახლაც ტანში მაქვს გამჯდარი.

20 აგვისტო — როგორ მოვეკლა? ხელში მოგდებაც რომ არ შემოიძლია? საწამლავეით? მაგრამ ხომ დაინახავს, წყალში რომ შევურევ? ისიც

საკითხავია, იმოქმედებს თუ არა მასზე საწამლავი? რა თქმა უნდა, არა. მაშ რა ვიღონო?

21 აგვისტო — რუანიდან ხელოსანი მოვიწვიე და ჩემი ოთახის ფანჯრებისთვის რკინის დარაბები შევუკვეთე. სწორედ ისეთი პირობებში, ზოგიერთი კერძო სახლის პირველ სართულს რომ ააკრებენ ხელს, საქაოდი, ქურდი არ შეიპაროსო. რკინის კარსაც გამოიკეთებს. რა თქმა უნდა, სიმბდალეა, მაგრამ ვისაც რა უნდა, ის თქვას!

10 სექტემბერი — რუანი, ოტელი „კონტინენტალი“. აღსრულდა! მაგრამ მართლა მოკვდა კი? იმ საშინელმა სურათმა სულის სიღრმემდე შემძრა...

ვუშინ ხელოსანი საქმეს რომ მორჩა, ფანჯრები და კარი უშალამემდეღია დავტოვე, თუმცა კი საკმაოდ გრილოდა.

უცებ ვიგრძენი, რომ იქ იყო. გიჟურმა სიხარულმა ამიტაცა. ნელა წამოვდექი... და რომ არ დამფრთხალიყო ბოლოს ცემას მოვყევი. საწოლთან მივედი, კიდეზე ჩამოვჯექი, ფეხსაცმელები წავიძრე და ფლოსტებში წავყავი ფეხები. მერე დარაბები მივხურე და კარსაც ჩავრაზე. ფანჯრებისკენ გამოვბრუნდი. საკეტები ჩავკეტე და გასაღები ჯიბეში ჩავისრიალე.

მყისვე ვიგრძენი, როგორ აწრიალდა. ეტყობა, მასაც შეეშინდა. გარშემო მიტრიალებდა, თითქოსდა მიბრძანებდა, კარი გამიღეო. ცოტაც გაწყდა და არ დავუთმე. თავი შევიკავე. კარს მივეყრდენი და ფრთხილად გამოვალე, ისე, რომ, ლიობში გავტეულიყავი. მაღალი ტანის ვარ და კარის ძვიდეს თავით ვწვდებოდი. ახლა კი ეჭვიც არ მეპარებოდა, რომ თავს ვერ დაიძვრენდა. კარი გამოვიხურე და ოთახი ჩავკეტე. ო, რა შვება ვიგრძენი! გამოვიჭირე და ეგაა! კიბე სირბილით ჩავათავე. დარბაზში ორივე ლამპას ვტაცე ხელი და ნავთი ავეჯს მოვასხურე. კუთხე-კუთხულის არ დამიტოვებია. შემდეგ ცეცხლი წავუკიდე, შემოსასვლელი კარი გულდაგულ გადავრაზე და თავს ვუშველე.

ბალის მივარდნილ კუთხეში შევიყუჩე, დაფნის ბუჩქებთან. დრო უსამველოდ გაიწელა. სიბნელე და მდუმარება სუფევდა ირგვლივ. ჰაერიც არ იძროდა და ერთი ვარსკვლავიც არ ცრიატებდა ცაზე. უხილავი ღრუბლების მთელი მთა მედო გულზე და სულს მიხუთავდა.

სახლს ვუყურებდი და ველოდი. ლოდინი დაუსრულებელი მეჩვენა. ის იყო გავიფიქრე, შეიძლება ცეცხლი ჩაქრა ან თვითონ ჩააქრო-მეთქი, რომ ქვედა სართულის ფანჯარამ მოწოლილი ცეცხლისგან ზათქი მოიღო და ვეებერთელა, წითელ და ყვითელ ფერებად აბრდღვიალებული გრძელი, ნებიერი და მხურვალე ოლი ლოკვით აუყვა თეთრ კედელს. რაღაც უცნაური შუქი გადაენტო ხეთა ტოტებსა და ფოთლებს... ბაღს შიშის ნიაგმა გადაურბინა. ჩიტებს ძილი დაუფრთხათ... ძაღლი აყეფდა... ესაა და გათენდა-მეთქი — ვიფიქრე. კიდეც ორმა ფანჯარამ დაიზრიალა და ქვედა სართული საშინელ ნახანძრალს დაემსგავსა. უცებ გულისშემძვრელმა, განწირულმა კვილმა გავეთა ღამე. ქალის ხმა იყო. ზედა სართულის ფანჯრები გაიღო. მაშინღა გამახსენდა მოახლე ქალების ახლა მათ შიშისგან საზარლად დამანქულ სახეებს და შიშველ მკლავებს ვხედავდი, უმწეოდ რომ ასავსავებდნენ ჰაერში.

თავზარდაცემული სოფლისკენ გავქანდი, თან ვღრიალებდი: „გვიშველეთ, გვიშველეთ, ხანძარია!“ გზად სახლისკენ მომავალ ხალხს გადავეყარე და მათთან ერთად უკან გამოვეშურე, რათა კიდეც ერთხელ მეხილა ჩემი ნახელავი!

სახლი ერთ დიდ საშინელ და თვალისმომჭრელ კოცონად გიზვიზებდა. მართლაც რომ არნახული სანახაობა იყო! მხურვალე ცეცხლში იწვოდნენ ადამიანები და მათთან ერთად ისიც, ჩემი ტყვე, ახალი არსება, ახალი ბატონი, ორლა!

უცებ სახურავი გამაყრუებელი ხმაურით დაენტქა კედლებს... და ცეცხლის ალი ზეცად აიჭრა. ღია ფანჯრებიდან, თითქოსდა ღუმელის სარკმელებიაო, მოგიზგიზე ცეცხლს ვხედავდი და ვფიქრობდი, რომ ის, უკვე მკვდარი, ამ საშინელ საკირეში იფერფლებოდა.

მაგრამ, მოკვდა კი? ვინ იცის? მერედა, მისი სხეული? შეიძლება ყოველივე ის, რაც ადამიანისთვის დამღუპველია, სრულიად უვნებელი გამომდგარიყო ამ უსახო და უხორცო სხეულისათვის, რომელიც დღის სინათლეში ითქვიფება?

ჰოდა, თუკი არ მოკვდა? შეიძლება მხოლოდ დრო იყოს ამ უჩინარი და საშინელი არსების ერთადერთი ჯალათი! მაშ, რაღად უნდა ეს გამჭვირვალე და მოუხელთებელი სხეული, თუკი ჩვენებრ ემონა ტკივილს და ჭრილობას, ან კიდევ ადრეულ სიკვდილს?

ადრეული სიკვდილი... დიახ, სწორედ ეს არის თავი და თავი ადამიანური ტრაგიზმისა. ადამიანის შემდეგ ორლა მოვა... იმას, ვისაც ყოველ წამს, ყოველ წუთს, ყოველდღე და ყოველი მხრიდან ემუქრება საბოლოო განადგურება, შეცვლის დიადი არსება, ის, ვინც მისთვის განკუთვნილ დღეს, საათსა და წამს თუ მოკვდება სწორედ მაშინ, როცა თავის არსებობის უკიდურეს ზღვარს მიაღწევს.

არა.... არა... ეჭვიც არ მეპარება!.. იგი არ მომკვდარა. ჰოდა, თუკი ასეა, ახლა ისღა დამრჩენია, თვითონ მოვიკლა თავი!..

1886 წელი





ლატვიურიდან თარგმნა რენე კალანდიამ

* * *

მიხსენი ზღვაო, მომეშველე,
მე ვიძირები!
ვიხრჩობი რუხ მოგონებებში,
ტყუილუბრალთა მოლოდინში...
და თუნდ იმედის უმწეო ხავსსაც
აქ, ამ ნაპირზე —
არ გამომიწვდის არავინ.
ჩემს პირისახეს ეფინება, —
წალეკავს, წაშლის, —
მწარე გემო გარდასულ დღეთა ამბორის მძივის,
წყალცემა წარსულ მოფერებათა
დრუბლად იკვრება — ჩემს თავს ზემორე.
ზღვაო,
შენსკენ მოვდევარ, რათა
ჩემი ლოყები თუ იქნება მარილიანი,
დაე, იქნეს,
ოღონდ იწვოდნენ ქაფმორეული ტალღების ენით,
უკეთუ კვნესა,
დაე, იქნეს ქარის მუშტისგან, —
მკერდში რომ მომხვდა უცაბედად, მოულოდნელად,
უკეთუ სევდა,
დაე, იქნეს, რადგანაც მზეს — სისხლგამოლეულს,
დაისით დაჭრილს, —
საშინლად უმძიმს გარდაცვალება.
მიშველე, ზღვაო!
შენ — ერთადერთი,
ხარ სიყვარულზე უფრო დიდი,
უფრო ვრცელი, ვინემ ნაღველი
და უფრო სადა — გამოუთქმელი უბრალოება,
ვინემ ალერსი.
მიხსენი, ზღვაო,

მომეშველე,

მე ვიძირები!

უნდა გადავხტე,

გადავვარდე შენს სივრცეებში,

რათა ისევ მყარ მიწად იქცეს

მოგონებებით დაღრღნილი, — სევდით დახრული ნაპირი.



ქართული

საქმიანობა

სიტყვაჲი სიტყვაჲის შესახებ

სიტყვები სიზმარში მოვიდნენ. ჩემს ირგვლივ იდგნენ ბიჭუნებიც, რომელთა ცელქობის გამო დედას მილიციაში იბარებენ. ყველაზე პატარასა და საყვარელ სიტყვას პაწაწინა, მრგვალი პირი გვერდულად მოექცა, შინდისფერი ბაგეები აუცახცახდა. მომეჩვენა, რომ აი, საცაა იყვირებს: აწი, არ ვიზამ!..

ტყუილუბრალოდ მომეჩვენა. იგი არ იყო მყვირალა სიტყვა... და მაშინ მე ვთქვი:

ჩემო სიტყვებო, როცა ხელახლა დაგვიწყებენ გასამართლებას, ნუ დახრით თავებს!.. საბრალდებო სკამი მხოლოდღა ზღურბლია, რასაც მტკიცედ უნდა გადაჭაბიჯოთ, რათა ჩვენს თვალწინ გადაიშალოს უსასრულო ქვეყნიერება — ყოველგვარა კედლის გარეშე, — მიწა, რომელიც ოთახს არა ჰგავს.

ჭეშმარიტება: თვითუფლი ჩვენთაგანი სიცოცხლის გზისთვის კვერცხიდან უნდა გამოიჩეკოს.

ეს ცნობილია ფრინველებისთვის. იცის ყველამ. თავად ქათამმაც.

ეს ცნობილია ფრინველებისთვის. პოეტებისთვის და სიტყვებისთვის. ხოლო სასჯელის უმაღლესი ზომა არის თავისუფლება, რასაც აწ უკვე ვერ წაგვევრიან ველარასოდეს.

თვალსაწიერის უსასრულო ველად გაჭრილს აღარ სჭირდება, — უკუმოხედვის უსუსურობა, — კედლებისკენ, ცხოვრებისაკენ.

ისევ კვდებიან ფრინველები და პოეტები. მაგრამ ნაჯახის პრილა ფხასაც, მწამს, რომ არ ძალუძს ამოკვეთოს აღსასრულის წინ გამშრალ ყელიდან ამოხეთქილ სიტყვის ნათელი, სიტყვის, რომელიც მხოლოდ ერთხელ თუ დაიღვრება, ვით პირველქმნილი მდინარის ტალღა.

ჭეშმარიტება: სიტყვის მდინარეს ვერ ამოხაპავს ველარავინ, ველარასდროს აწ ქვეყანაზე, —

ვითარცა მერცხალს — ლაუვარდად აჭრილს ვერ დაეწევა ძეხორციული.

ჩემო სიტყვებო, ნუ შემიცოდებთ,

თესლმა არც უნდა შეიბრალოს საყანურის შრილა სივრცე,

სადაც იზრდება ოქროს თავთავი;

თვით მიწის მკერდიც გაღატაკდება — თუ დაივანგა სახნისი და
 ამოთავთავდა აღმოცენება.
 უფრო თამამად გაუხსენით მიწას საკინძე, —
 ახალ აზრთა აკვირებებისთვის.
 ჩემო სიტყვებო, გუნდრუკს გიკმევენ თუ საბრალდებთ სკანს გმზადებენ, —
 სულაც არ არის ბედნიერება,
 სულაც არ არის უბედურება;
 ახალი ლექსის დამთავრებისას იკეტება ჩემი ჭიშკარი.
 აწ თავად წადით შორეულ გზებით...
 რადგან სიცოცხლით დაგამწყალობეთ,
 ყველაფრის გამო მე ვაგებ პასუხს — სიტყვებო, ჩემო...
 ჩემო სიტყვებო.

* * *

არ შემიძლია, რომ ვიფიქრო იმაზე, რაც ჩვენ ერთურთს გვაშორებს.
 მთელი სადამო ვკითხულობდი ლექსებს...
 ღამით კი, —
 მთელი ღამე ჩემს სიზმარში ჰყვოდნენ იაჟუჟუნები:
 კენწეროებზე ივნისის ცის იისფერი ღრუბლის ფთილა წევს,
 ცის ქვეშ — ყვითელი ჩირაღდნებია...
 მოაშორე ერთი მეორეს —
 არ იარსებებს იაჟუჟუნა.

ლატვიის ისტორიული პოეზია: ქველი რიგა

ქარები ქრიან. ქარები სწუხან. რიგა ისევ სდუმს.
 სდუმს ქვის შიშველი დედაჭი და...
 პერალდიკური მხეცები სდუმან.
 სდუმან კოშკები. და კოშკების კენწეროებზე —
 მამლები სდუმან.

ქართა თარეში. ღრიალი ქართა. რიგა ისევ სდუმს.
 როგორც ბოქლომი ისტორიული,
 როცა რკინაზე ორთქლის წვეთი აციმციმდება, —
 შემატყვებარი მაჯისცემისა...
 დამპყრობელთათვის დაცემაა გარდაუვალი.
 და მათი სისხლი
 ქვაფენილზე
 სდუმს.

ქარების რისხვა. ქართა სტვენა. რიგა ისევ სდუმს.
 უდარდულობა? უკმეხობა? სულმოკლეობა?
 ნულარ იკითხავ. არ გიპასუხებს.
 უნდა იყვირონ გარდასულლებმა.
 მათ თავი უნდა გაიმართლონ ყველას წინაშე.
 უკვდავთათვის კი — დუმილია ნებადართული.



მოთხრობა

გერმანულიდან თარგმნა მარინა ბარამიძემ

გეორგ ბიუჰნერი (1813-1837) იმ გენიოსთა რიცხვს მიეკუთვნება, რომელთაც შესძლეს თავიანთი ხანმოკლე ცხოვრების მიუხედავად წარუშლელი კვალი დაეტოვებინათ ეროვნულ და მსოფლიო ლიტერატურაში. ბიუჰნერი, ისევე როგორც XIX ს-ს დასაწყისის ყველა მოწინავე გერმანელი ახალგაზრდა, საფრანგეთის ივლისის რევოლუციის იდეებს იზიარებდა და სიტყვით თუ საქმით თავისი ქვეყნის კეთილდღეობისათვის იბრძოდა. ამის დამადასტურებელია მისი მცირერიცხოვანი ლიტერატურული შემოქმედრობაც: სამი დრამა: „დანტონის სიკვდილი“, „ლუონსი და ლენა“, „ვოიციკი“, ერთი ნოველა „ლენცი“ და ბროშურა „პესენელი შიკრიკი“, აგრეთვე რამდენიმე ფილოსოფიური ნაშრომი, ლექსები და წერილები. როგორც დრამები, ისევე ბროშურა მეტერნიხის დროინდელ გერმანიაში არსებული პოლიტიკური, სოციალური და მორალური ხრწნადობის მხილებას წარმოადგენენ. სრულიად განსხვავებული სახის ნაწარმოებია „ლენცი“.

ცნობილი გერმანელი კლასიკოსი იაკობ მიქაელ რაინჰოლდ ლენცი (1751-1792) „შეტევისა და ქარიშხლის“ (Sturm und Drang) ერთ-ერთი ყველაზე აქტიური წარმომადგენელია. მის კალამს ეკუთვნის ცნობილი დრამები: „აღმზრდელი“, „ჯარისკაცები“, „ახალი მენდოზა“, აგრეთვე შტურმერების დრამატურგიული მანიფესტი: „შენიშვნები თეატრზე“. ოცდაექვსი წლის არ იყო ლენცი, სულით ავადმყოფობის ნიშნები რომ გამოაჩნდა. ხანმოკლე მკურნალობის შემდეგ რუსეთს გაემგზავრა, სადაც თერთმეტი წლის შემდეგ მოსკოვში გარდაიცვალა სრულიად ეული და გატანჯული.

ცნობილია, რომ სტრასბურგში სწავლისას ბიუჰნერმა გაიცნო ლენცის მეგობარი, იმ დროისათვის უკვე ჭარმაგი, ერთობ ერუდირებული მოძღვარი ობერლინი. მოძღვარი ბიუჰნერს ხშირად ესაუბრებოდა ლენცზე, შესაძლებელია სწორედ ამან განაპირობა ბიუჰნერის ამ მეტად საინტერესო და ტრაგიკული ცხოვრების მქონე მწერლის ბედით დაინტერესება. ნოველა პირველ რიგში აშუქებს ლენცის ლიტერატურულ-ესთეტიკურ შეხედულებებს და მძიმე ხენით შეპყრობილი მწერლის სულიერ სამყაროსა და განცდებს. მართალია, ამ ნაწარმოების შექმნის შემდეგ თითქმის საუკუნუნახევარი გავიდა, მაგრამ იგი როგორც თემატურად, ასევე სტილისტურად ცხოველ ინტერესს იწვევს დღევანდელ ლიტერატურათმცოდნეებსა და მწერლებში, ამიტომაც, რომ მას თანამედროვე გერმანელი მწერლები არაერთგზის მიმართავენ და მასზე უშუალო დაყრდნობით ან მისი გადაშუშავებით ვშნიან ახალ ნაწარმოებებს (პ. შნაიდერი — „ლენცი“, პ. კიფჰარდტი — „მერცი“, მ. ვალზერი — „გალისტლისებური სენი“).

ბიუჰნერი უაღრესად პოპულარულია მთელს ევროპაში, განსაკუთრებით კი გერმანიის დემოკრატიულ რესპუბლიკაში. სამწუხაროდ, ქართველი მკითხველი არ იცნობს მის თხზულებებს. ჩვენი თარგმანი მიზნად ისახავს ამ ხარვეზის ნაწილობრივ ამოვსებას.

ქართულში
გიუანარი



მ ცი იანვარი იყო. ლენცი მთას მიუყვებოდა. გადასავლელი ჰქონდა თოვლიანი მწვერვალები და ქედები, რუხლორიანი ხეობები, მწვანე მდელოები, კლდეები და ნაძვნარი.

სიციფე ძვალსა და რბილში ატანდა; ჭიუხებიდან მოჩქრიალე ჩანჩქერი ბილიკს ჰკვეთდა. ნესტიან ჰაერში მძიმედ იზნიქებოდნენ ნაძვის ტოტები. ცახე რუხი ღრუბლები მწკრივად მიცურავდნენ, ნისლი კი ზანტად, ტლანქად დგებოდა და ნესტით დამძიმებული ეფინებოდა ბუჩქნარს.

ლენცი გულგრილად მიუყვებოდა გზას, ხან აღმა, ხანაც დაღმა, არაფერია აბრკოლებდა, არც დაღლას გრძნობდა, მხოლოდ დროდადრო თუ ინატრებდა, ნეტავი თავდაყირა სიარული შემეძლოსო.

როცა ფეხქვეშ ქვა ასხლტებოდა, დაბლა ჰაღარა ტყე შეირხეოდა და ნისლი ვეება მთებს ხან შთანთქავდა, ხანაც სანახევროდ გააშიშვლებდა, მაშინ აფორიაქდებოდა ლენცი, ისე ეძებდა რაღაცას, როგორც გარდასულ სიზმრებს, თუმცა ვერას პოულობდა. ისე გალუმბული და უსუსური ესახებოდა ყოველივე, რომ სურდა გათოშილი დედამიწა ლუმელთან მიეტანა და გაეთბო. უკვირდა, რა ღიდხანს უნდებოდა ერთი ფერდობის ჩაღევას და შორეულ მიზნამდე მიღწევას. ასე ეგონა, ქვეყანას ორი ნაბიჯით შემოვივლიო, მაგრამ, როცა ქარიშხალი ღრუბლებს ხეობებისკენ მოისვრიდა და ტყეს ოხშივარი აუვიდოდა, როცა კლდეები აგუჯუნდებოდნენ, ჯერ ყრუდ დაიქუხებდნენ, მერე კი ისე მკვექარედ, თითქოს ველური ზარ-ზეიმით დედამიწისთვის ხოტბის შესხმა სწადიათო, როცა ღრუბლები აწყვეტილი ცხენებივით მიჭიხვინებდნენ, მათ შორის კი მზის შუქი იღვრებოდა და თავის მოელვარე მახვილს თოვლიან მაღლობზე მიასრიილებდა, ისე რომ ნათელი, თვალისმომკრელი შუქი მწვერვალებს გადაღმა ხეობაში იჭრებოდა, როცა ქარიშხალი ღრუბლებს დაბლა მიელალებოდა და მათ შორის ცისფერ ტბას გამოჭრიდა, როცა ქარი დადუმდებოდა, მერე კი ღრმა უფსკრულებიდან და ნაძვების კენწეროებიდან იავნანის მსგავსად ან ზარების რეკვასავით ამოიზუზუნებდა, როცა მუქი სილურჯე ნაზი წითელით შეფერადდებოდა და მასზე ვერცხლის ფრთაშესხმული პატარა ღრუბლები გალივლივდებოდნენ, როცა ყველა მწვერვალი, წამახული და ძლიერი, მიწიდან შორს აღმართული აკიაფდებოდა და აელვარდებოდა, მაშინ ჩასწყდებოდა ლენცს რაღაც გულში, აქოშინებული შედგებოდა, წინ გადაიხრებოდა, თვალებს და პირს ისე ფართოდ გააღებდა, თითქოს ქარიშხლის შესრუტვას, ყველაფრის საკუთარ თავში მოქცევას ლამობსო. მიწას გაეკვროდა, გაიშოტებოდა, სამყაროს შეერწყმოდა და ეს სიამოვნება ტკივილს უფრო უღვივებდა; ანდა იყო მდუმარედ, ხავსში თავჩარგული, თვალეზმილულული; მაშინ ლენცი სადღაც შორეთში დაჰქროდა, მის ფეხქვეშ დედამიწა იკუმშებოდა, მოძრავი ვარსკვლავივით პატარავდებოდა და იქვე მო-

ჩუხჩუხე ანკარა დინებაში იკარგებოდა. ეს მხოლოდ წამიერი ზმანება იყო; შემდეგ წამოდგებოდა სალი, ძლიერი, მშვიდი, თითქოსდა მის თვალწინ აჩრდილებმა გაიღვესო — აღარაფერი ახსოვდა.

მიმწუხრისას ქედი გადაიარა და თოვლიან ზეგანს მიაღწია; აქედან დასავლეთ დაბლობისკენ ბილიკი ეშვებოდა. დაჯდა, საღამოს პირის სიწყნარე სუფევდა; ღრუბლები უძრავად მიჰკვროდნენ ცას; თვალი მხოლოდ მწვერვალებსა და დაქანებულ განიერ ფერდობებს სწვდებოდა, ისინიც საოცრად გარინდებული, რუხი და დაბინდული ჩანდნენ. ლენცმა თავი მეტად ეულად იგრძნო; მარტო იყო, სრულიად მარტო. საკუთარ თავთან სურდა ლაპარაკი, არ კი შეეძლო, სუნთქვასაც კი ძლივს ბედავდა, საკუთარი ნაბიჯის ხმა ჭექა-ჭუხილად ეჩვენებოდა, იძულებული გახდა დამჯდარიყო. ამ უკაცრიელობაში ენით აუწერელმა შიშმა აიტანა, სიცარიელემ შთანთქა. სასწრაფოდ წამოხტა და ფერდობი ჩაირბინა.

შებინდებულიყო, ცა და დედამიწა ერთმანეთს შერწყმოდნენ. მოეჩვენა, თითქოს რაღაც კვალდაკვალ მისდევდა, რაღაც საშინელი და შემაზრზენი ძალა ეწეოდა, ძალა, რომელსაც ადამიანები ვერ უმკლავდებიან; თითქოს მისკენ თავად სიგიჟე მიაჭენებდა ბედაურს.

როგორც იქნა ხმები გაიგონა, აქა-იქ შუქიც დალანდა და ცოტა გულზე მოეშვა. აქ შეიტყო, რომ ვალდებამდე მხოლოდ ნახევარი საათის სავალია დარჩენოდა.

სოფელს გაუყვა. ფანჯრებიდან შუქი გამოკრთოდა, შორიახლოს ჩავლისას ლენცი შიგ იჭვრიტებოდა: მაგიდას ბავშვები, მოხუცი ქალები და გოგონები უსხდნენ, მშვიდი სახეები ჰქონდათ. ასე ეგონა, შუქს ისინი ასხივებენო. თავი უკეთ იგრძნო, და სულ მალე ვალდების მოძღვრის სახლსაც მიაღწია.

შევიდა, მაგიდის გარშემო ხალხი იჯდა. ტანსაცმელშემოგლეჯილ ლენცს გაფითრებულ პირსახეზე ქერა კულულები ჩამოყროდა, თვალი უცემდა, ბავის კუთხეები უთრთოდა. ობერლინს ხელოსანი ეგონა და შინ შეიპატიჟა:

- კეთილი იყოს თქვენი მობრძანება, ვერ კი გიცანით.
- კაუფმანის¹ მეგობარი გახლავართ, მოკითხვა დამაბარა თქვენთან.
- რა გვარი ბრძანდებით?
- ლენცი.

— ოჰო, ეს გვარი ხომ დაბეჭდილი მინახავს. ამ გვარის კაცის რამდენიმე პიესა მაქვს წაკითხული.

— შესაძლებელია, ოღონდ იმ პიესებით ნუ შემათავსებთ.

საუბარს შეუყვნენ, ლენცი სიტყვებს ეძებდა, მერე კი სხაპასხუბით, მაგრამ ნაწყვეტ-ნაწყვეტ ლაპარაკობდა; თანდათან დაწყნარდა — სიბნელიდან იდუმალი ოთახი და დედა-შვილის მშვიდი სახეები გამოიკვეთნენ; ბავშვს პირსახეზე თითქოს ნათელი დასდგომიაო, ცნობისმოყვარედ და სანდომიანად შეპყურებდა ბნელ სიღრმეში ანგელოზივით გაყუჩებულ დედას. ლენცმა მშობლიური მხარე გაიხსენა; თავისი ეროვნული ტანსაცმლის ხატვას მოჰყვა,

¹ კრისტოფ კაუფმანი — ექიმი, ძლიერ ბაძავდა იმ დროინდელ ელიტარულ საზოგადოებაში მიღებულსა და დაფასებულ თვალთმაქცს, კალისტროს. გოეთეს მასზე რამდენიმე ეპიგრამა აქვს დაწერილი.

ოჯახის წევრები ცნობისმოყვარეობით შემოეხვივნენ გარს; ერთბაშად თავი შინაურად იგრძნო. ფერმკრთალი ბავშვური სახე გაბადროდა, რაღაცას გატაცებით ყვებოდა. დამშვიდდა, ასე ეგონა, კვლავ ძველი ნაცნობები, მივიწყებული სახეები ამოტივტივდნენ ბნელიდან და ადრინდელმა სიმღერებმა გაიღვიძესო. ის შორს იყო, ძალიან შორს.

ბოლოს მისი წასვლის დროც დადგა. ქუჩის მეორე მხარეს გადაიყვანეს. მოძღვარს პატარა ბინა ჰქონდა, ამიტომ ოთახი სკოლის ეზოში მიუჩინეს. მაღლა ავიდა, იქ სიცივე და დიდი, ცარიელი ოთახი დახვდა. სიღრმეში მაღალი საწოლი იდგა. სანათური მაგიდაზე დადგა და ბოლოს ცემას მოჰყვა. თვალწინ გასული დღე წარმოუდგა, გაახსენდა როგორ მოეშურებოდა აქეთკენ. სინათლითა და სანდომიანი სახეებით გაცისკროვნებული მოძღვრის ოთახი ზმანებად, სიზმრად ეჩვენა და უმალ ისეთივე სიცარიელე დაეუფლა, მწვერვალზე დგომისას რომ სტანჯავდა. აუწერელმა შიშმა აიტანა. წამოხტა, ოთახიდან გავარდა, კიბე ჩაირბინა და პარმალზე შეჩერდა. ირგვლივ წყვდიადი გამეფებულიყო, სულიერიც კი არსად ჰაჰანებდა. ვერ გამორკვეულიყო, გონება დაბნელებოდა, თვითონ ქცეულიყო საკუთარი თავის ლანდად. ხარბად ჩაებლაუჰა გონებაში ამოტივტივებულ დაქუცმაცებულ აზრებს, ისეთი გრძნობა დაეუფლა, თითქოს „მამაო ჩვენო“ უნად ემეორებინა, წრიალებდა, ყრუ ინსტინქტი კი გადარჩენისაკენ უბიძგებდა, ქვებზე ბორძიკობდა, ფრჩხილებით კანს იხოკავდა, ტკივილმა თანდათან დაუბრუნა ცნობიერება, დელეში მოადინა ზღართანი და თხელი წყალი აადგაფუნა.

ხმაურზე ხალხი შეიყარა, ლენცს უხმობდნენ. ობერლინმაც მოირბინა, ლენცი ერთბაშად გამოერკვა, ნათლად წარმოიდგინა, სად იმყოფებოდა და შვებით ამოისუნთქა. შემდეგ კი დაირცხვინა და აიწურა, ეს კეთილი ხალხი როგორ დავაფეთეო, ცივ წყალში ბანაობა მჩვევიაო, ჩაიბუტბუტა და ოთახში ავიდა. არაქათგამოცლილს მაშინვე ჩაეძინა.

მომდევნო დღემ უშფოთველად ჩაიარა. ობერლინთან ერთად ცხენზე ამხედრებული ხეობას შეუყვავა. თვალწინ გადაეშალათ ფართო, დაქანებული ფერდობები, ვიწრო, დაკლაკნილ ხეობაში რომ იკარგებოდნენ, ხეობაში, რომელიც ყველა მიმართულებით მიცოცავდა მწვერვალებისაკენ. ბუმბერაზი ძირგანიერი კლდეები და შეჩხერი ტყე რუხ, მკაცრ საბურველში გახვეულიყვნენ; დასავლეთით დაბლობსა და მთათა ჯაჭვზე ხედი იშლებოდა, სამხრეთიდან ჩრდილოეთის მიმართულებით უდრტვინველად და შეუდრეკლად, დარბაისლური სიდინჯით მთის მწვერვალები აღმართულიყვნენ. ეს სურათი შეღამების სიზმარს ჰგავდა. სინათლის ფართო ჰავლები დროდადრო ოქროს ნაკადივით ამოიფრქვეოდნენ ხეობებიდან, შემდეგ კვლავ ღრუბელი გამოჩნდებოდა, ყველაზე მაღალ მწვერვალზე გართხმული, ტყეს გადასერავდა, ხეობისკენ გალივლივდებოდა და მფრინავი ვერცხლის მოჩვენებასავით მზის ელვარებაში აფარფატდებოდა. ჩამიჩუმი არ ისმოდა, არც ჩქამი, არც მოძრაობა, არც ჩიტის ფრთხილი, მხოლოდ ქარი თუ დაბერავდა ხან იქვე ახლოს, ხან სადღაც შორს. აქა-იქ ქოხებსაც დაინახავდა კაცი, ჩალით დახურულ ფიცრულებს თალხი უნდილი ფერი ედოთ. მდუმარე და ნაღვლიანი მობინადრენი მხედრებს უსიტყვოდ ესალმებოდნენ, თითქოს ხეობის სიმყუდროვის დარღვევას ერიდებიანო.

ქოხებს გამოცოცხლება დაეტყო, ხალხი ერთთავად ობერლინს ეხვეოდა, მოძღვარი მათ სიკეთისკენ მოუწოდებდა, რჩევა-დარიგებას აძლევდა,

ამშვიდებდა, სტუმრები რწმენითა და ნდობით აღსავსე მზერათა გარემოცვაში იმყოფებოდნენ. ეს ადამიანები ობერლინს ჯერ თავიანთ სიზმრებსა და წინათ-გრძნობებს ქუზიარებდნენ, შემდეგ კვლავ ცხოვრებისეულ საკითხებს უბრუნებდნენ: გზები გაგვყავს, არხებს ვჭრით, ბავშვები სკოლაში დაგვყავსო — ამბობდნენ.

ობერლინი ერთობ ენერგიული კაცი აღმოჩნდა, ლენციც მისი მტდმივი თანამგზავრი გახდა, საქმეზეც და ბუნების წიაღშიც. მუდამ თან ახლდა; ეს ყველაფერი მასზე კარგად და დამამშვიდებლად მოქმედებდა. ხშირად ამტერდებოდა ობერლინს თვალეში, რათა უფრო მეტად ეგრძნო ის უსაზღვრო სიმშვიდე, მიძინებულ ბუნება ადამიანის სულს რომ მოჰფენს ხოლმე ზაფხულის მიწურულს, მთვარით განათებულ ღამეებში, უღრან ტყეში ყოფნისას; ეგრძნო სიმშვიდე, მისი წყნარი თვალებიდან და დარბაისლური, დინჯი სახიდან რომ გამოსჭვიოდა. ლენცი მოკრძალებით იყო, თუმცა კი კამათობდა და საკუთარი დასკვნებიც გამოჰქონდა. მასთან საუბარი ობერლინს დიდ სიამოვნებას ჰგვრიდა, მისი სათნო გამომეტყველება კი სიხალისეს ჰმატებდა.

ლენცი მხოლოდ მანამდე იყო ყოჩაღად, სანამ ხეობას მზე დაჰნათოდა. შებინდებასთან ერთად უცნაური შიშის გრძნობა ეუფლებოდა და ისე იწყებდა ცმუკვას, თითქოს სურდა, მზეს თან გაჰყოლოდა. წყვდიადი რომ ჩამოწვებოდა, გარემო გრძნეულ და შემაზრზენ სახეს იღებდა და ლენცი კრთებოდა როგორც უკუნეთ ღამეში მძინარე ბავშვი, ეჩვენებოდა, ვბრმავდებო. დიდდებოდა, იზრდებოდა სიგიჟის კოშმარი და მის ფერხთით იკალათებდა. ლენცი სასოწარკვეთილებას მიეცა, ალბათ ყველაფერი შესიზმრებო. თითოეულ საგანს ებლაუჭებოდა, თვალწინ აცეკვებული უცხო სხეულებისკენ მიიწევდა, მერე ხვდებოდა, ჩვეულებრივი ჩრდილები მოძრაობენო, ერთბაშად ძალა გამოეცლებოდა და ხელ-ფეხი გაუშეშდებოდა, ლაპარაკობდა, მღეროდა, შექსპირს კითხულობდა, იმას ეპოტინებოდა, რაც ოდესღაც სისხლს უჩქროლებდა, რას არ ცდილობდა, მაგრამ ამაოდ — სციოდა, იყინებოდა. ხანდახან გარეთ გავარდებოდა. წყვდიადს რომ შეაჩვევდა თვალს, ღამეში გაფანტულ მკრთალ ნათელსაც დაინახავდა და ეამებოდა. მერე ღელეს მიაშურებდა, წყლის მაცოცხლებელი ძალა გამოაფხიზლებდა, თან ავად გახდომის იმედიც მიეცემოდა — ამიტომ ცდილობდა უხმაუროდ ებანავა.

აქტიურ ცხოვრებას მიჰყო ხელი. რამაც სულიერი სიმშვიდე აპოვნინა. ობერლინს ეხმარებოდა, ხატავდა, ბიბლიას კითხულობდა, ძველმა, მივიწყებულმა იმედმაც თავი იჩინა; ახალი აღთქმა სხვაგვარად წარმოესახა... ობერლინმა უამბო, ერთხელ ხიდზე უხილავმა ხელმა შემაჩერა, სივრცეში უცბო ელვარებამ თვალი მომჭრა და წყვდიადში ჩემს ყურამდე უცნობმა ხმამ მოაღწიაო; ასე გამოსცხადებია ღმერთი. ობერლინსაც, იმის გასაგებად, მომავალში როგორ ვიმოქმედოო, უფლის ჰიზიდან გულუბრყვილოდ თურმე თვასი ხვედრი ამოეღო, ასე ჩაწვდა იგი წმინდა წიგნის არსს, რომელიც რწმენას, ზეცის მარადიულობასა და ღვთაების ყოვლისმომცველობას ღაღადებს. თითქოს ზეციური მისტერიით მოცული ბუნება მიუახლოვდა ადამიანს, ბუნება, რომელსაც არა მკაცრი დიდებულება, არამედ რაღაც თბილი და ნაცნობი ამკობდა.

ერთ დღიას ლენცი შინიდან გამოვიდა. მოეთოვა, ველზე მზის კაშკაშა შუქი გართხმულიყო, შორს კი მთელი მიდამო ნისლს შთაენთქა. გზიდან მალე

გადაუხვია, ნაძვნარი გაიარა და რბილ მაღლობს აუყვია; ადამიანის ნაფეხური აქეთ აღარსად სჩანდა, მზე მარგალიტებს აფრქვევდა; ფაფუკ ბოვლზე აქა-იქ მთისკენ მიმავალი ნადირის კვალი თუ შეიმჩნეოდა. ~~არგვლივ უველაფერი~~ გარინდულიყო, მხოლოდ სიოს ნელ ქროლვას ან ჩიტის გაფაჩუნებას თუ გაიგებდა კაცი. ყველაფერი განაბულიყო, შორს, ჰაერში ხეებზე ~~მთის წიწვებს~~ არხევდნენ. ლენცს იდუმალება იპყრობდა. ის ერთფეროვანო, ვეება ლაქები და ხაზები, დროდადრო გუგუნით რომ მოიწვევდნენ მისკენ, ახლა მსუბუქი ნისლივით გაფანტულიყვნენ. შობის სადღესასწაულო განწყობილება ეუფლებოდა. ხანდახან ისიც ერვენებოდა, ერთერთ ხეს მაღალი ქალი, დედაჩემი ამოფარებია, საცაა ჩემკენ წამოვა და შეტყვის, ეს ყოველივე შენთვის მიჩუქნიაო. მთიდან რომ ეშვებოდა, შეამჩნია, მისი ჩრდილის გარშემო სხივებს ცისარტყელა შემოერკალათ. მოელანდა, თითქოს შუბლზე ვიღაცამ ხელი შეახო და გამოელაპარაკა კიდევ. შინ დაბრუნებულს ობერლინი ოთახში დახვდა, ლენცი ხალისიანად მიეახლა და განუცხადა, ძალიან მინდა, წირვა ჩავატაროთ.

- თეოლოგი ბრძანდებით?
- დიახ.
- მაშ, მომავალ კვირას სწირეთ.

გახარებულმა ლენცმა თავის ოთახს მიაშურა. ქადაგების წერას შეუდგა და ფიქრებში ჩაეფლო; რამდენიმე ღამემ უშფოთველად ჩაიარა. კვირა დილა ც დადგა, ზამთრის თბილი დილა. მწკრივში ჩაწყობილ ღრუბლებს შორის სილურჯე აქყიტებდა. საყდარი იქვე ახლოს, გორაკზე, შუაგულ სასაფლაოზე იდგა. ზარების რეკვა ატყდა, ლენცი სამრეკლოზე იდგა და იქიდან უყურებდა ბილიკებზე შეფენილ მრევლს. ყოველი მხრიდან მოედინებოდნენ შაოსანი ქალები და გოგონები, ლოცვანზე თეთრი მაქმანიანი ცხვირსახოცები და როზმარინის ტოტები ეწყოთ. ხეობას დროგამოშვებით მზის შუქი ელამუნებოდა, ნელა იძვროდა თბილი ჰაერი, გარემოს საამო სურნელი მოჰფენოდა, ზარების ხმას მოეცვა არემარე — ეს ყოველივე ერთ ჰარმონიულ ტალღად ქცეულიყო.

საყდრის პატარა ეზოში თოვლი დამდნარიყო, შავ ჯვრებქვეშ მუქი ხავსი მოჩანდა, გალავანს გვიანი ვარდის ბუჩქი აკვროდა, ხავსიდან ზამთრის ყვავილებს ამოეყოთ თავი; მზე დროდადრო გამოაქყიტებდა, მერე ისევ ჩამობნელდებოდა. დაიწყო წირვა; ხალხის ვალობა ერთიან, სუფთა, ნათელ ბგერად იქცა, ეს ბგერა კამკამა, გამჟვირვალე მთის წყაროს მოგაგონებდათ. ვალობა მიწყდა და ლენცმა ქადაგება დაიწყო. გაუბედავად იყო. ვალობის დროს გაქარწყლებულ შინაგან დაძაბულობას კვლავ ეჩინა თავი, ტკივილი გულს, უწიწქნიდა, მერე უსაზღვრო სიამის ტკბილი გრძნობა შეეპარა. ხალხს ვასაგებად მიმართავდა; ეს ადამიანები ხომ მასავით იტანჯებოდნენ, ჰოდა, რამხეგრიდა, ნაწამებ გულს კი სიმშვიდეს აზიარებდა, თუკი შესძლებდა მათი ყოველდღიური სიდუხჭირით გატანჯული ყოფის და გულისგამაწერილებელი ტკივილების ზეცის საშუალებით დაძლევის. ქადაგების დასასრულს აღმაფრენა შეემატა. და კვლავ გაისმა ვალობა:

რად დამეტოვე გულნი ტკივილი,
და მერე ტკივილს შემუსრულილი საკლერტურები რატომ წაება.

რას ვესწრაფოდით, რა შეშრჩა ბოლოს,
მხოლოდ ვაება*.

ლენცი შინაგანმა ღელვამ, მუსიკამ და ტკივილმა ალაგზნა. მისი წარ-
მოდგენით, სამყარო ნაიარევი იყო. ეს აზრი ღრმა, აღუწერელ ტკივილს
ჰგვრიდა. მერე სხვა სურათი აეკვიატა; ღვთაებრივი, მთრთოლავანი მსგეხები
იხრებოდნენ მისკენ და ტუჩებზე ეკონებოდნენ, თავის განმარტრებულ ოთახს
მიაშურა. მარტო იყო, სრულიად მარტო! აი, წყარო აჩუხჩუხდა, ნაკადულებმა
იღინეს თვალებიდან, მოიკუნტა, ხელ-ფეხი აუკანკალდა, ასე ეგონა, სა-
ცაა დავიშლებიო, აღარც საამო ტკივილს უჩანდა ბოლო. მერე გონება და-
ებინდა: უტყვი და ღრმა სიბრაღულით განიმსჭვალა საკუთარი თავის მიმართ,
თავის თავს გლოვობდა. მერე თავი მკერდზე ჩამოუვარდა და ჩაეძინა. ცაზე
სავსე მთვარე ანათებდა. ლენცს საფეთქლებსა და პირისახეზე კულულები
ჩამოყროდა, ცრემლს წამწამები დაენამა და ლაწვებზე შეშრობოდა — აი
ასე იწვა, მარტოდ-მარტო, გარემო კი იყო საოცრად მშვიდი, უძრავი და ცივი
და მთელი ღამე მთვარე დაჰნათოდა მთებს.

გათენდა თუ არა, ლენცი დაბლა ჩავიდა და ისე, სხვათა შორის უამბო
ობერლინს, დედა გამომეცხადა ძილშიო: ეკლესიის ბნელი ვალავნიდან გამო-
ვიდა, თეთრი კაბა ემოსა, მკერდზე ერთი თეთრი და ერთიც წითელი ვარდი
ენნია, შემდეგ ვალავნის ერთ კუთხეში გაუჩინარდა, მის ადგილას კი ვარ-
დები ამოვიდნენო. ნამდვილად მოკვდაო, დასძინა ბოლოს ლენცმა უშფოთვე-
ლად. თავის მხრივ, ობერლინმაც უამბო, ერთხელ მინდორში უხილავმა ხმამ
ჩამავონა, მამაშენი აღარ არისო, შინ დაბრუნებულს მართლა გარდაცვლილი
დამხვდაო. ასე შეპყვნენ საუბარს. ობერლინმა სიტყვა მთიელებზე ჩამოავდო.
ის გოგონები გაიხსენა, დედამიწაში წყალსა და ლითონს რომ შეიგრძნობდ-
ნენ; იმ კაცებზე მოუთხრო, მწვერვალზე ყოფნისას მოჩვენება რომ შეფეთე-
ბიათ და ჭიდილი გაუმართავთ მასთან. ისიც უამბო, ერთხელ მთაში სუფთა,
ანკარა წყაროში ცქერისას ერთგვარმა სომნამბულიზმმა შემიპყროო. ლენცმა
განუმარტა, წყლის სული დაგებატრონათ და იმ წუთს სტიქიის მუდმივ მდგო-
მარეობას თუ შეიგრძნობდითო. შემდეგ განავრძო: მარტივი და შეურყვნე-
ლი ბუნების ადამიანები სტიქიასთან მეტად ახლო კავშირში არიან, რამდენა-
დაც დახვეწილია ადამიანის აზროვნება და გრძნობები, იმდენად დაწლუნ-
გებულია პირველადი მოვლენების განცდაო; ადამიანის ამ მდგომარეობას
ლენცი განვითარების მაღალ საფეხურად არ მიიჩნევდა, რადგან მას დამოუ-
კიდებლობას მოკლებულად სთვლიდა. ამავე დროს ამტკიცებდა, რომ სიცო-
ცხლის ყოველ არსებულ ფორმასთან შეხება ადამიანის სულში უსაზღვრო სი-
ამოვნებას უნდა იწვევდეს, ადამიანის სული უნდა იტევდეს ყველაფერს —
ქვა იქნება ის, ლითონი, წყალი თუ მცენარე, რათა შესძლოს ბუნების ყველა
მოვლენის ისე მოხდენილად აღქმა, როგორც ყვაგილები ისუნთქავენ ჰაერს
მთვარის ცხრომა-ავსებასთან ერთად.

მერე ლენცმა თავისთვის განავრძო: „ირგვლივ ყოველივე ზომ ენით გა-
მოუთქმელი პარმონიის და ნეტარების შემცველია. განვითარების მაღალ სა-
ფეხურზე მდგომი არსებანი ამ თვისებებს სხვადასხვა საშუალებებით გამო-
ამყლავნებენ, ააყლერებენ და შეისისხლხორცებენ, ეს პროცესები კი, ორგა-

* ლექსები თარგმნა როსტომ ჩხეიძემ.

ნიშნის გაღიზიანებას იწვევენ, დაბალ განვითარების არსებებში ყველაფერი დათრგუნული და შევიწროებულია, სამაგიეროდ მათში სიმშვიდე ჰარბობს...“ ასე მსჯელობდა ლენცი, სანამ ობერლინმა სიტყვა არ გააწყვეტინა — თქვენს ჩვეულ სადა, სასაუბრო ენას რად დალატობთო. ერთხელაც ობერლინმა ლენცს ფერადი დაფები უჩვენა, თან აუხსნა, თუ როგორ მიმართებაშია თითოეული ფერი ადამიანთან, თორმეტი მოციქულის მაგალითიც მოუყვანა და უთხრა, თითოეულ მათგანს სიმბოლურად ერთი გარკვეული ფერი შეესაბამებაო. ეს თემა ლენცმა ხელად აიტაცა, უფრო განავრცო, თავი მშფოთვარე ოცნებებს მისცა, შტილინგივით! აპოკალიფსის კითხვას მოჰყვა და ბიბლიაც სულერთავეად ხელთ ჰქონდა.

ამასობაში შტაინთალში კაუფმანი ჩამოვიდა მეუღლითურთ. თავდაპირველად ლენცს მისი ჩამოსვლა არ ეპიტნავა; ეს მყუდრო კუთხე და აქ ნაპოვნნი მცირედი სიმშვიდე მეტად ძვირად უღირდა, ამ ჩამოსულ კაცთან ურთიერთობა კი არ ასცდებოდა — ეს კაცი ხომ მის ცხოვრებაში კარგად იყო ჩახედული და ვინ იცის — კიდევ რამდენ მოგონებასთან დაკავშირებული! ლენცის ამ განცდებს ობერლინი რა თქმა უნდა, ვერ ხვდებოდა. მოძღვარს ლენცი ღვთის მიერ მოგზავნილად მიაჩნდა, ამიტომაც შეეკედლებინა, გულში ჩაეკრა და მთელი არსებით შეეყვარებინა ბედკრული. სხვები კი ლენცის იქ ყოფნას ჩვეულებრივ მოვლენად თვლიდნენ და ისე შესისხლხორცებოდნენ ამ კაცს, თითქოს მუდამ მათ გვერდით იყო, ამიტომ არც არავინ კითხულობდა, საიდან მოსულიყო ან მერე საით წავიდოდა.

ლენცი სუფრასთან ისევ გამოცოცხლდა: საუბარი ლიტერატურაზე ჩამოვარდა და მანაც საკუთარ სტიქიაში იგრძნო თავი. იმ დროს იდეალისტურ მსოფლმხედველობას ეყრებოდა საფუძველი, კაუფმანი იდეალიზმის ერთგული მიმდევარი აღმოჩნდა, ამიტომ ლენცი მას ცხარედ ეკამათებოდა და ამტკიცებდა, რომ მწერლებს, რომელთაც სინამდვილის გადმოცემა სწადიათ, წარმოდგენა არა აქვთ სინამდვილეზე, თუმცა ასეთ მწერლებს უფრო გაუგებს კაცი, ვიდრე იმათ, ვისაც სინამდვილის ახსნა განუზრახავთო. შემდეგ ასე განავრცო: „მამა ღმერთმა სამყარო შექმნა ისეთი, როგორც უნდა იყოს, და ჩვენ უკეთესი სამყაროს შეთითხნის უფლება არა გვაქვს; ჩვენი ერთადერთი მიზანი უფლის მიბაძვაშია. მე ყველაფერში მხოლოდ სიცოცხლეს და ყოფიერების უშრეტ შესაძლებლობას ვეძებ. იმის ძიება კი, ჩვენი გარემომცველი საგნები ლამაზია თუ მახინჯი, სრულიად ზედმეტია, რწმენა იმისა, რომ ადამიანის ყველა ქმნილება ცოცხალია, ამ თვისებებზე მალა დგას და ხელოვნების ერთადერთ საზომს უნდა წარმოადგენდეს. ჰუმანიტატი ხელოვნება იშვიათია, მას შექსპირთან ან ხალხურ სიმღერებში თუ შევხვდებით, შიგადაშიგ გოეთესთანაც თუ აღმოვაჩენთ. სხვა ყველაფერი ცეცხლს უნდა მისცეს კაცმა. ადამიანებს ხომ იმის უნარიც არ გააჩნიათ, ძალის ჩვეულებრივი სადგომი დახატონ. იდეალური სახეების შექმნა განუზრახავთ, მათი ქმნილებანი კი ხის თოჯინებს უფრო ემსგავსებიან. ასეთი იდეალიზმი ადამიანის ბუნების უგულვებელყოფაა. ერთხელ უნდა სცადო კაცმა ყველაზე მცირე

1 იოჰან ჰაინრიხ იუნგ-შტილინგი (1740-1817) — მისტიკოსი, რომელსაც სწამდა, რომ მას ღმერთი განსაკუთრებით მფარველობდა. დიდი პოპულარობა მოიპოვა ნაპოლეონის დაცემის შემდეგ რესტავრაციის ეპოქაში. ავტორია მრავალრიცხოვანი მისტიკურ-სამოძღვრებო ხასიათის ნაწარმოებებისა.

და უმნიშვნელო არსებების სულში ჩაწვდომა, შემდეგ კი მისი ნაწილ-ნაწილ მინიშნებებით, სახის ნაკვთების ფრთხილი, ოდნავ შესამჩნევი მოძრაობით გადმოცემა“. ლენცმა ისიც აღნიშნა, დაახლოებით ამის მიღწევა ვცადე „ალმ-ზრდელსა“ და „ჯარისკაცებშიო“, მერე დასძინა: „ეს ადამიანები ხომ დედამიწის ზურგზე ყველაზე პროზაული არსებანი არიან, მაგრამ გრძნობები ყველა ადამიანს თითქმის ერთნაირი აქვს, მხოლოდ გარსი, რომელშიაც ამ გრძნობებმა უნდა გამოაღწიონ, არის მეტნაკლებად მკვრივი, ხელოვანს სხვა არა უნდა, მთავარია მოსმენა და დანახვა შეეძლოს. გუშინ ხეობაში მიმავალმა ორი გოგონა დავინახე: ერთი ნაწნავს იშლიდა, მეორე ეხმარებოდა, პირველს ოქროსფერი, ჩამოშლილი თმა, მდუმარე, ფერმკრთალი, ყმაწვილური პირისახე და შავი კაბა ამშვენებდა, მეორეს — ბეჯითი და ერთგული გამომეტყველება. მსგავს სურათს ძველგერმანული სკოლის ყველაზე უნაკლო, ყველაზე გულწრფელი ტილოებიც კი ვერ გადმოგვცემენ. ბევრჯერ მინატრია, ნეტა მედუზის თავად მაქცია და ასეთი სცენის გაქვავება და მისი სხეებისთვის ჩვენება შემადლებინა-მეთქი. გოგონების წამოშლასთან ერთად ღვთაებრივი ანსამბლიც დაიშალა; თუმცა მათი კლდე-კლდე დაბლა დაშვება უკვე სხვა სურათს წარმოადგენდა.

ასე ხდება: უმშვენიერესი სურათები და უნეტარესი ჰანგები ჯერ წარმოიქმნებიან, მერე კვლავ იშლებიან. მხოლოდ ერთი რამ არის მარადიული — უსაზღვრო სილამაზე, ერთი ფორმიდან მეორეში რომ გადადის მუდამ სახეცვალებადი და გაფურჩქნული. ვანა ყოველთვის შეიძლება მისი ხელყოფა, მუზეუმში დადგმა ან ნოტებზე გადატანა, რათა შემდეგ ათასი ჯურის ხალხმა მოიყაროს თავი, რომ აღფრთოვანება გამოხატოს ან სისულელეები ჩმახოს! უბირველეს ყოვლისა კაცთმოყვარე უნდა იყოს, რათა ჩაწვდეს ყოველი ადამიანის სულიერ სამყაროს. იმისათვის, რომ ადამიანს გაუგოს, მასში მხოლოდ სიჩლუნგესა და სიმახინჯეს არ უნდა ხედავდეს. უტყვ სილამაზეზე უფრო მეტად შეიძლება სულ უბრალო სახემ გაგაოცოს. ყოველ არსებას უნდა მიეცეს თავისი ჩარჩოდან გამოსვლის საშუალება ისე, რომ მისი გარეგნობა დროებით დაგვაიწყდეს და მისი სუნთქვა, ძარღვები და გულისცემა თვალში არ გვეჩხირებოდეს“.

კაუფმანმა აღნიშნა, ბელვედერელი აპოლონის ან რაფაელის მიდონასოანა ტიპების სინამდვილეში პოვნა შეუძლებელიაო.

— მერე რა, — სიტყვა ჩამოართვა ლენცმა, — მთელი ჩემი გრძნობა-გონების მოკრება მჭირდება ხოლმე, რათა მათი ცქერისას ცოტა გულიც ამიტოკდეს. მე ხელოვნებას იმდენად უფრო ვაფასებ, რამდენადაც უფრო ახლოსაა იგი სინამდვილესთან, ამით იგი ჩემს არსებაში ბუნების უშუალო განცდას იწვევს; სხვა დანარჩენი მხოლოდ მთრგუნავს. ამიტომაც იტალიურ მხატვრობაზე მეტად პოლანდიური ფერწერა მიტაცებს, ის ხომ გასაგებადაც უფრო მარტივია. სწორედ პოლანდიური სკოლის ორმა სურათმა მოახდინა ჩემზე თითქმის ისეთივე შთაბეჭდილება, როგორც თავის დროზე ახალმა აღთქმამ: პირველი ტილო, არც კი მახსოვს ვის ფუნჯს ეკუთვნის, წარმოგვიდგენს ქრისტესა და მის მოწაფეებს ემშაოსში. კითხულობ, როგორ ნელ-ნელა გამოდიან მოწაფეები შინიდან და თან ნათლად ხედავ რამდენიმე წინადადებაში მოქცეულ დასრულებულ სცენას. სურათი ასეთია: პირქუში ბნელი საღამო, პორაზონტს ერთფეროვანი წითელი ზოლი გასდევს. ქუჩაში ბინდი ჩამოწო-

ლილა. მოწაფეები მათკენ მიმავალ უცნობს მიმართავენ; უცნობი მათ პურს სთავაზობს და ისინიც ამ უბრალო ადამიანური ქცევასა და დუთაებრივ-გატანჯული სახის შემყურე უმაღ ხედებიან ამ კაცის ვინაობას, მოწაფეებს სიბნელეში უჩვეულო გრძნობა და შიში ეუფლებათ, თუმცა ეს ის — შიში როდია, მოჩვენების გამოჩენა რომ იწვევს ხოლმე, ასეთი შიში — შენთვის ძვირფასი, მიცვალებული ადამიანის სახეუცვლელი აჩრდილის წყვილადში მოლანდებას მოსდევს. იი ასეთ, სადა, თალხ ფერებში გადაწყვეტილ სალამოს გვთავაზობს ეს ტილო. მეორე სურათი კი ასეთია: ოთახში ზის ქალი, ხელში ლოცვანი უჭირავს. საკვირაოდ საგულდაგულოდ დალაგებულ და დაკრიბლებულ ოთახში სითბოს დაუსადგურებია, ქალი საყდარში ვერ წასულა და შინ ლოცულობს. ზის, პირისახე ღია სარკმლისკენ მიუქცევია. სარკმლისკენ, რომლიდანაც თითქოსდა გრცელ ველებს გადაღმა სოფლიდან ზარების რეკვის ხმა იჭრება; ვალობას მიყურადებული ქალი ლოცვის ტექსტს აყოლებს თვალს.

დაახლოებით ასე მსჯელობდა ლენცი, დანარჩენები სულგანაბულნი უსმენდნენ. საუბრისას წამოჭარხლებულიყო, ხან გაიღიმებდა, ხანაც ჩაფიქრდებოდა, თან ქერა კულულებს არხევდა. მთელი არსებით ფიქრებს მისცემოდა.

სადილის შემდეგ კაუფმანმა ლენცი გვერდზე გაიხმო. მამამისის წერილები აჩვენა, მამა ითხოვდა, შინ დაბრუნდი და გვერდში ამომიდექო. კაუფმანი რჩევა-დარიგებას მოჰყვა, თან დასძინა, შენი აქ ყოფნა მხოლოდ დროის ფუჭად ფლანგვაა, ხომ იცი, უმიზნო ცხოვრება არას გარგებსო. ლენცი ერთბაშად გაწიწმატდა:

— გინდა გავეცალო აქაურობას? შინ დავბრუნდე? ხომ გავგიყდი? ხომ იცი, რომ აქაურობის გარდა ვეღარსად გავძლებ. დროდადრო მთაზე რომ არ ავიდე და არემარეს არ გადმოვხედო, შინ დაბრუნებისას კი, ბალზე რომ არ გავიარო და ფანჯრებში არ შევიჭვრიტო — ნამდვილად შევიშლები, ახლა, როცა მოგმჯობინდი, შემარგეთ ეს იოტისოდენა სიმშვიდე! აქედან წავიდე? კი მაგრამ, რისი გულისთვის? ეს ორი სიტყვა ხომ ყველაფერს წყალში მიყრის. ადამიანს ყოველთვის აქვს რაღაც სურვილი, პოდა, დაღლილმა კაცმა დასვენების მეტი სხვა რა უნდა ვინატრო? მთელ ცხოვრებას უთავბოლოჭიდილსა და სიმაღლისკენ ლტოლვაში ვატარებთ, წამიერ სიამოვნებას კი ბრმად ვუვლით გვერდს, თუმცა ცოტა ხნის შემდეგ ამ შეცდომას მწარედ განვიცდით. თავს მაშინ ვიკლავთ წყურვილით, როდესაც ცხვირწინ ჩუხჩუხა ნაკადული ჩამოგვიდის! აქ თავს კარგად ვგრძნობ და ამიტომაც მსურს აქ ყოფნა. რატომ? რატომ? სწორედ იმიტომ, რომ თავს კარგად ვგრძნობ. მამაჩემს რაღა უნდა? უკეთესად მამყოფებს ვითომ? არა მგონია. პოდა, ყველამ თავი დამანებეთ! — ასე ცხარობდა. მართალია, კაუფმანი დროზე გაეცალა, მაგრამ ლენცს უკვე წახდომოდა გუნება.

მეორე დღეს კაუფმანმა წასვლის სურვილი გამოთქვა, ობერლინსაც შესთავაზა, შვეიცარიაში გამომყვეო. ამ უკანასკნელს ლაფატერთან მხოლოდ მიწერ-მოწერა აკავშირებდა, ერთბაშად სძლია მისი პირადად გაცნობის სურვილმა და თანამგზავრობაზე თანხმობა განაცხადა. სამგზავრო სამზადისს ერთი დღე

1 იოჰან კასპარ ლაფატერი (1741-1801) — შვეიცარიელი მწერალი, თავისი დროის ერთ-ერთი ყველაზე აღიარებული და ცნობილი პიროვნება, მისი ნაწარმოებებიდან განსაკუთრებით ცნობილია „ფიზიოგნომიკა“.

დასჭირდა. მასპინძლის წასვლა ლენცს ძლიერ სწყვეტდა გულს. ყველაფერს ებლაუჭებოდა, რათა უსაზღვრო ტანჯვისთვის თავი დაეღწია; მხოლოდ დროდადრო გონს მოსვლისასლა ამჩნევდა, რომ თავის თავს ისე ელოლიაგებოდა და დაჰფოფინებდა, როგორც სნეულ ბავშვს. ზოგიერთ აკვანტებულსწრსა და მოძალებულ გრძნობას შეშფოთებული იცილებდა თავიდან; სწორედ წვრილმანის გამო მერე ისევ აფორიაქდებოდა, აკანკალდებოდა. თმა ყალყზე დაუდგებოდა, ამ მდგომარეობაში იყო, სანამ უკიდურესად დაძაბული ერთბაშად არ განიმუხტებოდა. მხოლოდ ერთადერთი ადამიანი ედგა მუდამ თვალწინ და მხოლოდ ის ჰგვრიდა სულიერ სიმშვიდეს; ეს ადამიანი ობერლინი იყო, მოძღვრის ხმა და სახე უზომო სიამოვნებას ანიჭებდა. სწორედ ამიტომ შეშფოთებული ადევნებდა თვალს მის გამგზავრებას.

ლენცს შინ მარტო დარჩენისა ეშინოდა, კარგი ამინდს იყო და მანაც გადაწყვიტა ობერლინი გაეცილებინა. ისინი ერთმანეთს მთის გადაღმა, გავაკვებულზე დაშორდნენ. უკან მარტო გამობრუნდა. გზააბნეული მთაზე რამდენჯერმე ავიდ-ჩამოვიდა. ხეობაში ჩაკარგულ განიერ ფერდობებს მეჩხერი ტყე ძლივს ჰფარავდა; ჰაერში ქარის ძლიერი ქროლვა იგრძნობოდა, არსად იყო ადამიანის ჭაჭანება, მხოლოდ აქა-იქ თუ წააწყდებოდა კაცი ფერდობზე აკრულ მიტოვებულ ქოხს, მწყემსებს საზაფხულო სადგომად რომ გადაექციათ. ლენცი მეოცნებე კაცივით გატრუნულიყო: მიწ წინაშე ყველაფერი ერთ ზოლად ქცეულიყო და ტალღასავით ირწეოდა ცასა და დედამიწას შორის; მოეჩვენა, თითქოს უკიდურესად ზღვის პირას გაწოლილი მის ჩუმ მიმოქცევას გასცქეროდა. დროდადრო ჩამოჯდებოდა, მერე კვლავ დინჯად და მეოცნებედ აგრძელებდა გზას, სულაც არ ადარდებდა, საით მიდიოდა.

პირქუში მწუხარი ჩამოწოლილიყო, შტაინთალს იქით პირველ ფერდობზე მდგარ ქოხს რომ მიადგა. კარი ჩარაზული დახვდა; იმ სარკმელთან მივიდა, საიდანაც სინათლე გამოკრთოდა. ლამფას ოთახის ერთი წერტილი გაენათებინა, შუქი კუთხეში მიყუჟული გოგონას ფერმკრთალ სახეს ეცემოდა, გოგონას თვალები მიელულა და ბაგეებს ოდნავ შესამჩნევად ამოძრავებდა. ოთახის სიღრმეში წამოსკუბული დედაბერი ხრინწიანი ხმით ლოცუას ლილინებდა. ლენცს კარი მხოლოდ ხანგრძლივი კაკუნის შემდეგ გაუღეს; მოხუცი თურმე ნახევრად ყრუ იყო. დედაკაცმა ლენცს ცოტაოდენი საჭმელი მიართვა და ლოგინი მიუჩინა, თან ჯიუტად აგრძელებდა გალობას. გოგონა არც კი შერხეულა. ცოტა ხნის შემდეგ ქოხში მალალი, ხმელ-ხმელი, ჭადარაშერეული კაცი შემოვიდა; აღელვებული და არეული გამომეტყველება ჰქონდა. გოგონა მის გამოჩენაზე შეკრთა და აფორიაქდა. კაცმა კედლიდან გამხმარი ბალახი ჩამოხსნა და გოგონას ხელზე დააფინა, ისიც დამშვიდდა და ნელა, გარკვევითა და დამარცვლით რალაცის ლაპარაკს მოჰყვა. კაცმა უამბო, მთაში ყოფნისას რალაც საოცარი ხმა გავიგონე, იმავე წუთას ხეობის თავზე უცნაური ელვარება გამოჩნდა, ეს მოელვარე სხეული მე მეძგერა და მეც შევები იაკობივითო. ესა თქვა, პირქვე დაემხო და ჩუმ, მგზნებარე ლოცვას მოჰყვა; ავადმყოფი კი სუსტ, მიმქრალ ხმაზე ლილინებდა. ცოტა ხნის მერე კაცი მოსასვენებლად დაწვა.

ლენცმა ჩათვლენა ვერ მოასწრო, რომ საათის წიკწიკმა გამოათხიზლა. გოგონას ყრუ სიმღერასა და მოხუცის ბუტბუტს ქარის ზუზუნნი უერთდებოდა. ქარი თითქოს ჯერ იქვე ახლოს, მერე კი სადღაც ცხრა მთას იქით დაპარბა-

შებდა: ხან კაშკაშა და ხანაც ღრუბლებში ჩამალული მთვარე თავის ცვალებად ნათელს ეშმაკურად აპარებდა ოთახში. ხმებმა იმატეს, გოგონა გარკვევით და დამაჯერებლად ამეტყველდა. ირწმუნებოდა, მოპირდაპირე პიტალო კლდეზე ეკლესიაა აღმართულიო. ლენცი წამოიწია, გოგონა უკვე რომ დინახა: მაგიდის უკან წამომჯდარს თვალები გაფართოვებულა და მის პირისახეზე მთვარის შუქი იღვრებოდა, ბავშვის სახე შეუდარებელად უჩვეულოდ ნათელს ასხივებდა. უცბად მოხუცმა ხვრინვა ამოუშვა და სინათლის ლიცილიცა და ბგერათა თამაში ლენცს როგორც იქნა ჩაეძინა.

ირიყრაჟა თუ არა, გამოედვიდა. ყველა და ყველაფერი თვლემდა ჯერ კიდევ ბინდით მოცულ ოთახში; გოგონაც დამშვიდებულიყო, ხელები მარცხენა ლოყის ქვეშ ამოედო და ისე ეძინა. იღუმალი გამომეტყველება გაჰქრობოდა პირისახიდან, ახლა მისი ნაკვთები მხოლოდ აუტანელ ტკივილს გამოხატავდნენ. ლენცი წამოდგა და სარკმელი გამოადო, სახეში დილის სუსხი შეეფეთა. სახლი აღმოსავლეთისკენ გადახრილი ვიწრო და ღრმა ხეობის პირას იდგა, თეთრ და მკვრივ ნისლში გახვეულ ხეობაში რუხი გარიყრაჟიდან წითელი სხივები იღვრებოდნენ, ნაცარა ქვებზე სხლტებოდნენ და ქოხების სარკმლებს ასკდებოდნენ. კაცსაც გაედვიდა. მისი მზერა განათებულ ხატს წააწყდა კედელზე. დიდხანს და დაჟინებით უცქირა, მერე ტუჩები ააცმაცუნა, ჯერ ჩუმად ლოცულობდა, მერე ნელ-ნელა უმატა ხმას. მალე ქოხი ხალხით გაივსო, ყველანი უსიტყვოდ იჩოქებდნენ. გოგონა იწვა და იკრუნჩხებოდა, მოხუცი ძველებურად ღიღინებდა, თუმცა მეზობლებთან ლაყბობასაც ახერხებდა.

ლენცმა ახალმოსულებისაგან შეიტყო, ეს კაცი აქაურობას დიდი ხნის წინ მოვლენოდა, არავინ იცოდა საიდან მოსულიყო, თურმე დედამიწაში წყლის დანახვა და სულების შელოცვა შეეძლო, აქაურები მას წმინდანად მიიჩნევდნენ და მასთან სალოცავად დადიოდნენ. ლენცმა ისიც შეიტყო, შტაინთალს კარგა მანძილზე რომ დაშორებოდა და როდესაც უთხრეს, შეშის მკრელებსაც შენი გზა აქვთ გასაღლელო, გადაწყვიტა მათ გაჰყოლოდა. უხაროდა, მარტო რომ არ იყო, იმ გრძნეული კაცის შემყურეს თავგზა აბნეოდა. მისი უსიამოვნო ხმა მოსვენებას არ აძლევდა, მარტო დარჩენილს კი საკუთარი თავიც შიშს ჰგვრიდა.

ლენცი შინ დაბრუნდა. განვლილ ღამეს მეტად ძლიერ ემოქმედა მასზე. ქვეყნიერებამ მის წინ იმ უძირო უფსკრულივით დაადო პირი, რომლისკენაც რაღაც ძალა ეწეოდა. სულერთავედ ფორიაქობდა, ცოტას ჭამდა, ღამეებს ლოცვასა და ავადმყოფურ ხილვებში ატარებდა. ხანდახან გაიბრძოლებდა, მაგრამ ღონემიხდილი უმაღ მიყუჩდებოდა და მდულარე ცრემლს აფრქვევდა. მერე ისევ მიეცემოდა ძალა, ცივად და გულგრილად წამოდგებოდა და ცრემლს ღიმილით შეიშრობდა. რაც უფრო მეტად ეპოტინებოდა სიმალღეებს, მით უფრო ღრმად ეფლობოდა მიწაში. მერე ისევ ყველაფერი გაერთიანდა, წამოიშალნენ წარსულის ხილვები და მისი გონების უდაბურ ქაოსს სხივები სტყორცნეს.

მთელ დღეს დაბლა ატარებდა, იმ ოთახში, სადაც ქალბატონი ობერლინიც ხშირად იჯდა ხოლმე; ხატავდა, კოთხულობდა, დახარბებული ეტანებოდა ყველაფერს, ოღონდ კი ცოტა ხნით ფიქრები გაეფანტა. ახლა განსაკუთრებით ქალბატონ ობერლინს მიტმასნოდა, უხაროდა, ქალს ოთახის ყვევილებს შო-

რის ჩამჯდარს რომ ხედავდა, კალთაში ნაბოლარა შვილითა და ხელში ლოცვანით; ლენცი ბავშვთანაც ხალისით თამაშობდა. ერთხელ სწორედ ასე იჯდა ოთახში, მოულოდნელად შიში რომ დაეცა და ადგილიდან წამოაგდო. წინ და უკან სიარულს მოჰყვა, ოდნავ ღიად დარჩენილი კარიდან ჯერ გაუფრთხველად, მერე კი უფრო ხმამაღლა მოახლის სიმღერა აღწევდა: *შინაშინაშინა*

სატრფო შორსა მყავს, იქ მიმწოდომი თვალი არ არი,
 ქვეყნად სხვა ჩემებრ ნაღვლიანი არი? არ არი.

ამ სიმღერამ ააფორიაქა, ქალბატონი ობერლინი გაკვირვებული უყურებდა. ლენცმა მუშტი იცა მკერდში, ველარ დაფარა სათქმელი:

— ძვირფასო ქალბატონო, თუ ღმერთი გწამთ, მითხარით, როგორ არის ქალიშვილი,¹ ვისი ბედიც ათფუთიან ტვირთად მაწევს გულზე?

— ჩემო კარგო, მე რომ არაფერი ვიცი?

ლენცი ისევ დადუმდა და ბოლთის ცემას მოჰყვა. ცოტა ხნის მერე წამოიწყო:

— იცით რა, უნდა წავიდე; ღმერთია მოწამე, თქვენს ოჯახში ყოფნას არაფერი მირჩევნია, მაგრამ ჩემი წასვლა აუცილებელია, მასთან უნდა წავიდე. მაგრამ რა ვქნა, ეგეც რომ არ შემძლია ამისი ნახვის უფლებაც რომ არა მაქვს. — ეს თქვა და აღელვებული გარეთ გავარდა.

შინ შელამებისას დაბრუნდა, ოთახში ბინდი ჩამოწოლილიყო, ლენცი ქალბატონ ობერლინის შორიახლოს დაჯდა და დაიწყო:

— ოთახში ღიღინით რომ დადიოდა, მისი ყოველი ნაბიჯი მუსიკას ჰგავდა, თვითონ ნეტარებით აღვსილი, მეც ნეტარებით მავსებდა; მისი შემოხედვა ან მკერდზე თავის მოყრდნობა ერთბაშად სიმშვიდეს მგვრიდა... ნამდვილი ბავშვი იყო, სამყარო უკიდუგანოდ მიაჩნდა, ამიტომ საკუთარ თავში ერჩივნა დამალვა; გამოძებნიდა მთელს სახლში ყველაზე მივარდნილ კუნჭულს და ისე მიიყუყებოდა იქ, თითქოს მთელი თავისი ბედნიერება ერთ წერტილში მოუქცევიაო, მაშინ მეც კარგად ვგრძნობდი თავს და შემდეგ ღო ბავშვივით მეთამაშა. ახლა კი როგორ მევიწროვება ყოველივე! იცი, ხანდახან ისიც კი მეჩვენება, თითქოს ცა თავზე ჩამომაწვა და სული მეხუთება. ამ ბოლო დროს მგონი ფიზიკურ ტკივილსაც ვგრძნობ აი აქ, მარცხენა მკლავში, მას რომ ვეხვეოდი, იმ მკლავში; ქალიშვილის ხატებაც გამირბის, მიჭირს მისი ცოცხლად წარმოდგენა, ესეც მაწამებს, მხოლოდ მაშინ ვარ კარგად, როცა მის სახეს ვხედავ.

ამაზე ქალბატონ ობერლინთან მერეც ხშირად ჩიოდა, თან თავს ძლივს უყრიდა დაუსრულებელ წინადადებებს. მართალია, ქალი ნუგეშის ცემას ყოველთვის ვერ ახერხებდა, მაგრამ ამ საუბრების შემდეგ ლენცი მაინც გრძნობდა ერთგვარ შვებას.

ვერც თავის მორწმუნეობრივ მარტვილობას გაურბოდა. რამდენადაც დაუძლურებულად, დაცლილად და მომაკვდავად გრძნობდა თავს, იმდენად უფრო ცდილობდა შინაგანი ცეცხლის გაღვივებას; ის დრო ედგა თვალწინ,

¹ ქალიშვილი — ლენცის სატრფო ფრედერიკე ბრიონი, რომელმაც მას უარი უთხრა ცოლობაზე; ფრედერიკე ბრიონს შესტრფოდა გოეთეც, უძღვნა კიდევ მას რამდენიმე შესანიშნავი ლექსი.

ყველაფერი რომ უღუღდა, მოქარბებულ გრძობათა სიმძიმის ქვეშ რომ იზნიქებოდა. ნეტავ ასე რამ შეცვალა? საკუთარ თავში ეჭვი ეპარებოდა, იატაკზე ერთხმებოდა, ხელებს იგრუნდა, მაგრამ ყველაფერი გაქვავებოდა, ამოი იყო სიცოცხლის რაიმე ნიშანწყლის ძებნა. მაშინ ღმერთს შეევედრებოდა, სასწაული მომივლინეო, ბორგავდა, მარხვითა და ლოცვით იტანჯავდა თავს და გონმიხდილი ძირს მიეგდებოდა.

სამ თებერვალს შეიტყო, რომ ფუღეში გარდაცვლილიყო ბავშვი, სახელად ფრედერიკე; ეს ამბავი მაშინვე ხელზე დაიხვია, ოთახში ჩაიკეტა და მთელი დღე იმარხულა. ოთხ თებერვალს ქალბატონ ობერლინს ეახლა; ნაცრიო მოეთხუპნა პირისახე. ტომარას ითხოვდა. ქალს შეეშინდა, მაგრამ თხოვნა უმაღ შეუსრულა. ლენცი მონანიესავით გაეხვია ტომარაში და ფუღეს ვზას დაადგა. ხეობის ბინადართ ლენცის საქციელი იღარ აკვირვებდათ, მას ხომ ისედაც ათასგვარ უცნაურობას მიაწერდნენ. იმ სახლში შევიდა, სადაც ბავშვი ეგულებოდა. ხალხი გულგრილად საქმიანობდა; პატარა ოთახში შეუძღვნენ, მაგიდაზე, თივაში, პერანგის ამარა ბავშვი იწვა.

ლენცი შეკრთა, როდესაც გაყინულ სხეულს შეეხო და ნახევრად ღია შუშის თვალებს წააწყდა. ბავშვიცა და საკუთარი თავიც საოცრად მიტოვებული და ეული ეჩვენა. გვამზე დაემხო. სიკვდილმა შეაძრწუნა, მწვავე ტკივილმა დაუარა თავით ფეხამდე. ნუთუ უნდა გახრწნილიყვნენ ეს ნაკვთები და ეს ნაზი სახე. მუხლებზე დაეცა. სასოწარკვეთილი კაცის თავგანწირვით ლოცულობდა, ღმერთს ნიშნის მოვლინებასა და ბავშვის გაცოცხლებას შესთხოვდა... მერე ერთბაშად საკუთარ თავში ჩაიძირა და ერთ ფიქრს მიაპყრო მთელი გულისყური. დიდხანს იჯდა გახევებული. შემდეგ წამოდგა, ბავშვის ხელებს ჩაეჭიდა და რიხიანად და მტკიცედ წარმოთქვა: „აღსდგე და ვიდოდე!“ თითქოს დასცინიანო, ექო გამოსცეს კედლებმა, გვამი კი კვლავაც ცივი იყო. შეშლილივით მუხლებზე დაემხო, მერე წამოხტა და კარში გაიჭრა, მთას მისცა თავი.

მთვარე მალ-მალე იკარგებოდა ღრუბლებში. ნისლივით ცვალებად არემარეს ხან წყვდიადი ეპატრონებოდა, ხანაც მთვარის შუქი ჰფენდა ნათელს. ლენცი აღმა-დაღმა დაჰქროდა. მის მკერდში ჯოჯოხეთის ტრიუმფალურ ხმებს დაესადგურებინათ. ქარის ქროლვა ტიტანთა სიმღერას აგონებდა. სწამდა, იმ წუთას შეეძლო, ვეება მუშტი ეკრა ცისტვის, ღმერთს მისწვდომოდა და ღრუბლებში ეთრია; სამყაროს კბილებით დაგლეჯა და შემოქმედის სახეში მისი მინთხევა სურდა, ილანძღებოდა, მკრეხელურად ავსიტყვაობდა. ასე მიაღწია მწვერვალამდე. დაბლა დახვავებულ ლოდებს მჭრქალი შუქი ეფინებოდა; უგუნურ, ლურჯ თვალს დამსგავსებულ ციდან უსუსურად და სასაცილოდ გამოეჭყიტა მთვარეს. ლენცმა ხმამაღლა გადაიხარხარა და მის არსებაში ერთობ მშვიდად, თავდაჯერებულად და ურყევად ღვთის უარყოფამ დაისადგურა. უცბად დაავიწყდა, რა სტანჯავდა ცოტა ხნის წინ, შეამცივნა, გაიფიქრა, ნეტა ლოგინამდე მიმალწევინათ, და გულგრილად და აუღელვებლად შეერია იღუმალეებით მოცულ სიბნელეს — ახლა ყველაფერი უაზროდ და ფუჟედ ესახებოდა. ფეხს აუჩქარა. როგორც იქნა შინ მივიდა და საწოლზე მიეგდო.

დილით, წინა დღის ამბავი რომ გაიხსენა, შიშმა აიტანა. თითქოს უფსკრულის პირას იდგა და შიგ ხშირ-ხშირად ჩახედვის და ტანჯვის განახლების

სურვილი არ ასვენებდა. მერე და მერე შიში გაუათმაგდა, მოსვენებდა და დაუ-
კარგა სულიწმინდის წინაშე შეცოდებამ.

რამდენიმე დღის შემდეგ, დათქმულ ვადაზე ვაცილებით ადრე, ობერლინი ჩამოვიდა შვეიცარიიდან. ლენცმა ძალზე გაიხარა. სულგანებულნი ჩამოვიდა ობერლინისგან ელზასელი მეგობრების ამბავს. ობერლინი ბარგსა ხსნიდა, თათში ფუსფუსებდა და თან ფეფელზე¹ უყვებოდა, ხოტბას ასხამდა სოფლის მოძღვრის ქველმოქმედებას. მერე ლენცს მიმართა, უმჯობესი იქნება მამა-შენს დაუჭერო, შინ დაბრუნდე და იმ საქმეს მოჰკიდო ხელი, რისი ნიჭიც გაგაჩნიაო. თავის რჩევას სხვა ბიბლიურ შეგონებებთან ერთად ესეც დააყო-ლა: „პატივი ეც მამასა შენსა და დედასა შენსა“-ო. ამ საუბარმა ლენცი სა-გონებელში ჩააგდო, გულმოკლული ოხრავდა, ცრემლი დაბადლებით სდიოდა, სლუკუნებდა:

— ამას ვერ გადავიტან, ნუთუ ჩემი თავიდან მოცილება გინდათ? გზა ზღვისკენ ჩემთვის ხომ თქვენზე გადის, თუმცა მე უკვე არა მეშველება რა. დაცემული ვარ, სამუდამოდ დაწყევლილი, მარადი ურია.

ობერლინმა ანუგეშა, იესო შენისთანებისთვის ეწამა, მთელი არსებით თუ ილოცებ, შენც გახდები მისი მიტევების ღირსიო.

ლენცმა თავი უკან გადააგდო და ხელების მტვრევით გამოსცრა:

— ეეჰ, უფლის ნუგეში.

მერე მორიდებით ქალიშვილის ამბავი იკითხა. ობერლინმა მიუგო, მასზე არა ვიცი რაო, მაგრამ მაშინვე ოქტობერში, მზადა ვარ გვერდში ამოვიდგე და დაგეხმარო, თუ იმ ქალზე ყველაფერს დალაგებით მიამბობ, ხომ უნდა ვიცოდე, სად და ვისთან ვეძებოო. ლენცმა მხოლოდ აბდაუბდა პასუხის ამო-ღერღვა შესძლო:

— ეეჰ, ნუთუ გარდაიცვალა? თუმცა იქნება ცოცხალიცაა? ანგელოზი! ვუყვარდი — მეც მიყვარდა, ანდა როგორ არ მეყვარებოდა ანგელოზი! ღმერთმა დალახვროს ეს ეჭვიანობა, მე გავწირე — მას სხვაც უყვარდა, მე კი მხოლოდ ის მიყვარდა. ძვირფასო დედავ, შენც ხომ გიყვარდი. მე ვარ ორივეს მკვლელი!

ობერლინი ამ სიტყვებმა დააბნიეს და ჩააფიქრეს: შეიძლება ეს ადამიანები სულაც ცოცხლები და ბედნიერნი იყვნენ: როგორც არ უნდა ყოფი-ლიყო, ღმერთი, თუკი მას ლენცი ლოცვა-მუდარით მიმართავდა, ათწილ სი-კეთით აუნაზღაურებდა იმ ადამიანებს ლენცისგან მიყენებულ ტყივალებს. ამისობაში ლენცი დამშვიდდა და კვლავ ხატვა დაიწყო.

ნაშუადღევს ისევ გამოჩნდა. მარცხენა მხარზე ტყაბუჭი შემოეხვია, ხელში წკებლების ის შეკვრა ეჭირა, წერილთან ერთად რომ ჩამოუტანა ობერლინმა. წკებლები მოძღვარს გაუწოდა და დამარტყიო, დაეინებით სთხოვა. ობერ-ლინმა წკებლები ჩამოართვა, რამდენჯერმე აკოცა ლოყაზე და მიუგო: ეს ამ-ბორი გამჯობინოთ გვემასო; ურჩია, დამშვიდდი და უფაღს შუამავლის გა-რეშე მიმართე, არანაირ გაწეპვლას არ ძალუძს ცოდვების გაქარწყლება, ასე დაუწესებია იესოს, ამიტომ სჯობს უშუალოდ მას მიმართოო. ესა თქვა და გასცილდა.

¹ ფეფელი (1736-1809) — ელზასელი მწერალი, მისი შემოქმედებითი მემკვიდრეობი-დან განსაკუთრებული პოპულარობა იგავ-არაკებმა კპოვეს.

ვახშამზე ლენცი ჩვეულებისამებრ ჩაფიქრებული ჩანდა, თუმცა მაინც ახერხებდა ათას რამეზე ლაპარაკს, მაგრამ ახლა მის ხმას ბზარა გასჩენოდა. შუალამისას ობერლინი ხმაურმა გააღვიძა. ლენცი დარბოდა ეზოში და ძლივს გასარჩევად და სხაბასხუპით იმეორებდა ბავშვის სახელს, ფრედერიკო — ყვიროდა უხეში, ხრინწიანი ხმით. დღეში ჩახტა, წყალი დადგოფუნა, მერე ოთახში ავარდა, ისევ ჩამოვიდა, ისევ წყალში ჩახტა, ასე იბორცა ერთხანს, ბოლოს, როგორც იქნა, მიყუჩდა. ლენცის ოთახის ქვეშ, ბავშვთა საძინებელში მოახლეებს ეძინათ, სწორედ მათ განაცხადეს, ამ ბოლო დროს, მეტადრე კი წუხელ, სტვირის ხმის მსგავსი კვნესა გვესმოდაო. ლენცი თუ მოსთქვამდა ამ დამფრთხალ, ყრუ და სასოწარკვეთილ ხმაზე.

დილით ლენცი კარგა ხანს არ ვამოჩენილა, ასე რომ, ობერლინმა გადაწყვიტა, თვითონ მიეკითხა მისთვის. ლენცი გაუნძრევლად იწვა. ობერლინი დიდხანს უძახდა, ბოლოს ძლივს ეღირსა პასუხს.

— დაახ, მამაო, ერთფეროვნებაა! ერთფეროვნება! რომ იცოდეთ, რა მოწყენილი ვარ! მეტი რაღა ვთქვა: კედელზე უკვე ათასნაირი რამ დავხატე. — ობერლინმა ურჩია, უფალს მიმართეო, ლენცს გაეცინა:

— თქვენსავით რომ მქონოდა ბედი და დროის მოკვლის ასეთი მოხერხებული საშუალების გამოძებნა რომ შემძლებოდა, ნამდვილად არ მოვიწყენდი. ყველაფერი უქმად ყოფნის ბრალია. ერთნი ხომ მოწყენილობის გამო ლოცულობენ, სხვანი იგივე მიზეზის გამო სიყვარულს ეძლევიან, ზოგი სათნოებას აფრქვევს, ზოგიც ცოდვას სჩადის, მე კი არაფერი შემიძლია, თავის მოკვლის სურვილიც კი არ გამაჩნია: გავბეზრდი!

დმერთო, შუადღის სივარვარეში
შენს წმინდა სახელს რომ მაზიარე,
დავიზიანე ჩინი თვალისა,
ნათლის ცქერაში დავიზიანე.

ობერლინს სახეზე უკმაყოფილება დაეტყო და როდესაც წასვლა დააპირა, ლენცი საწოლიდან წამოხტა და ამღვრეული თვალებით დაყინებით მიაშტერდა:

— ჰო, მართლა, იცით რა შემართება? სიზმარი და ცხადი ველარ გამირჩევია, რომ იცოდეთ, რა დიდი მნიშვნელობა აქვს ამას, — ეს თქვა და კვლავ ლოგინს მიაშურა.

ობერლინს ნაშუადღევს ერთი ოჯახი უნდა მოენახულებინა. მისი მეუღლე უკვე წასულიყო. ის იყო თვითონაც შინიდან გასვლას აპირებდა, რომ ვილაცამ კარზე დააკაკუნა; ლენცი შემოვიდა, წელში მოხრილი, თავჩაქინდრული, პირისახეზე ნაცარი წაესვა, ტანსაცმელიც ნაცარში ამოეგანგლა, მარცხენა მკლავზე ხელი ევლო. ობერლინს სთხოვა, ხელი გამიჭიმეო. თურმე ფანჯრიდან რომ გადამხტარა, მაშინ ამოვარდნოდა, არავის დაფუნახივარ და ამ ამბავს ნუ გაახმაურებთო, შეეხვეწა. ობერლინს გვარიანად შეეშინდა, მაგრამ არაფერი უთქვამს, ისე შეასრულა ლენცის თხოვნა. შემდეგ ბელფოსელ სკოლის მასწავლებელს სებასტიან შაიდეკერს შეატყობინა, დაუყოვნებლივ მოდიო, თანაც აუხსნა, ასე და ასე მოიქეციო, მერე ცხენს მოახტა და გააჟენა.

ის კაციც მოვიდა. ლენცმა მაშინვე იცნო, რადგან ადრეც ხშირად ენახა.

კაცმა მოიმიზეზა, ობერლინთან მქონდა საქმეო და წასვლა დააპირა. ლენცმა დარჩენა სთხოვა, ისიც უმაღლ დასთანხმდა. ლენცმა ფუდესკენ გასერივნება შესთავაზა. იმ ბავშვის საფლავთან მივიდა, ვისი მკვდრეთით აღდგომაც ასე გულით ეწადა, რამდენჯერმე დაიჩოქა, საფლავის მიწას ეამბორა, ერთობ აღზნებული მოპყვა ლოცვას, საფლავის გვირგვინს რაღაც მოაგლიჯა, საძახ-სოფროდო, ჩაიბუტბუტა, მერე ვალდბახისკენ წავიდა, მაგრამ მალე ისევ უკან გამობრუნდა, სებასტიანი გვერდიდან არ მოსცილებია. ლენცი ხან მილასლა-სებდა, ჩიოდა, სუსტად ვარო, ხანაც საეჭვოდ აუჩქარებდა ნაბიჯს, რაღაცნა-ირი ზიზღის შეგრძნებაც გასჩენოდა. მისთვის თანამგზავრსაც თავი მოებეზ-რებინა, მისი განზრახვის გაგება სურდა და მიზეზს ეძებდა, როგორმე თავიდან მოეშორებინა. სებასტიანი თითქოს ყველაფერს უთმობდა, ამასობაში კი უჩუმრად თავისი ძმისთვის ემცნო მოსალოდნელი საშიშროება, ასე რომ, ახლა ლენცს ერთის ნაცვლად ორი ზედამხედველი გასჩენოდა. ისიც წარბშე-უხრელად იტანდა მათ თანხლებას, ბოლოს, როგორც იქნა, ვილდბახში დაბ-რუნება გადაწყვიტა და სწორედ მაშინ, როდესაც სოფლამდე ორიოდე ნაბიჯიღა იყო დარჩენილი, ელვის სისწრაფით შემობრუნდა და უკანმოუხედავად მოკურ-ცხლა ფუდეს მიმართულებით. კაცებიც უმაღ აედევნენ. ფუდეში მისი ძებნი-სას ორი მეწვრილმანე შემოხვდათ და იმათ უთხრეს, ერთ სახლში უცხო კაცი გაუკოჭავთ, თავს მკვლელად ასადებს, მაგრამ მკვლელს ნამდვილად არა ჰგავსო. ძმებმა სასწრაფოდ იმ სახლს მიაშურეს და მაშინვე დარწმუნდნენ ამ სიტყვების სისწორეში. ლენცის დაჟინებული თხოვნა, შემბოჭეთო, ერთ, ცოტა არ იყოს დამფრთხალ ყმაწვილკაცს შეესრულებინა. თოკები შემოხსნეს და გა-ჭირვების გარეშე ჩაიყვანეს ვალდბახში. ობერლინი და მისი მეუღლე უკვე დაბრუნებულიყვნენ. ლენცი დარცხვენილი ჩანდა, მაგრამ მასპინძლის გულისხმიერებამ და სითბომ მალე დაუბრუნა სითამამე; სახე დაუწყნარდა, ორივე თანამგზავრს ზრდილად მადლობა გადაუხადა და იმ საღამომ უშფოთ-ველად ჩაიარა. ობერლინმა სთხოვა, ღამე ნულარ იბანავებ, ეცადე არ ადგე და თუ დაძინება გაგიჭირდა, ღმერთს ესაუბრეო, მანაც აღუთქვა, აგრე ვიზამო და იმ ღამეს კიდევ შეასრულა დანაპირები; მოახლეებს მთელი ღამე მისი ლოცვა ესმოდათ.

დილით სახეგაბადრული ეახლა ობერლინს. ხანმოკლე ბაასის მერე ხაზგას-მული მოკრძალებით წარმოთქვა:

— ძვირფასო მამაო, ის ქალიშვილი, ვისზედაც მოვახსენებდით, გარდაიც-ვალა, პო, გარდაიცვალა, — ანგელოზი!

— ეგ საიდანლა მოიგონეთ, — ჰკითხა მოძღვარმა, ლენცმა კი „ნიშა-ნი, ნიშანიო“ და ზეცას აღაპყრო მზერა, მერე განაგრძო:

— დიახ, გარდაიცვალა — ღმერთმა ნიშანი მომივლინა.

ამის მეტი ველარაფერი ათქმევინეს. მაგიდას მიუჯდა და რამდენიმე წე-ჩილი დაწერა, ობერლინსაც სთხოვა, ერთი-ორი სტრიქონი თქვენც მიაწერეთო.

ლენცის მდგომარეობა სრულიად უიმედო გამხდარიყო. უკვალოდ გამქრა-ლიყო სიმშვიდე, ობერლინის სიღინჯემ და მყუდრო ზეობამ რომ შესძინეს. სამყაროს, რომლისგანაც შველას ელოდა, ბზარი გასჩენოდა; აღარაფერს შე-ეძლო მისი ამოძრავება, აღარც ზიზღსა და სიყვარულს, აღარც იმედს, — შემ-ზარავი სიცარიელე დაჰპატრონებოდა და ამ სიცარიელის ამოვსების სურვილი აღარ ასვენებდა. აღარაფერი გააჩნდა, შეუგნებლად მოქმედებდა, მხოლოდ

ინსტინქტილა ამოძრავებდა. მარტო დარჩენილს, ძრწოლვა აიტანდა ხოლმე და ხმამაღლა ლაპარაკობდა. ჭერ აყვირდებოდა, მერე კი საკუთარი ხმისა შეეშინდებოდა და თავგზააბნეული ველარც აზრებს უყრიდა თავს, ამოიჩემებდა, წინადადების ბოლო სიტყვა უნდა დავიმახსოვრო და ხშირ-ხშირად ვიმეოროო, ამ აკვიატების დაძლევაც დიდ ჯაფად უჭდებოდა ბულკეთილი მასპინძლები ძალიან განიცდიდნენ, მათთან მშვიდად მჯდომსა და უშუალოდ მოსაუბრე ლენცს მოულოდნელად პირზე სიტყვა რომ შეაშრებოდა და შიში რომ მოუქცევდა სახეს. მაშინ თავის გვერდით მჯდომს მკლავში ჩაიფრინდებოდა და მხოლოდ კარგა ხნის შემდეგ მოეგებოდა გონს. უფრო ცუდად იყო საქმე, თუ ასეთი შეტევის დროს მარტო იჯდა ან კითხულობდა, მაშინ მისი გონება ვერ უსხლტებოდა აკვიატებული აზრის ტყვეობას. სხვა ადამიანზე ფაქრისას, მისი ცოცხლად წარმოდგენისას, ეჩვენებოდა, თითქოს თვითონ ქცეულიყო იმ ადამიანად; გონებაარეულს ერთი დაუოკებელი სურვილი იმორჩილებდა; გარემომცველ საგნებს, ბუნებას. ადამიანებს თავის წარმოდგენაში თვითნებურად ნოქცეოდა, ობერლინის გამოკლებით, ყველას და ყველაფერს ბუნდოვნად და უსიციოცხლოდ აღიქვამდა, სახლებს აყირავებდა, ადამიანებს მოსავდა და აშიშვლებდა, ათასნაირ ოჩუნჯობას იგონებდა და თავს ასე ირთობდა. ხანდახან მოუნდებოდა გაეკეთებინა სწორედ ის, რაც წარმოდგენაში ჩაბეჭდვოდა, მერე კი ზიზღიანად დაიჭყანებოდა. ერთხელ ობერლინის გვერდით იჯდა, მოპირდაპირე სკამზე კატა გამოტილიყო. ლენცს უეცრად თვალი გაუშტერდა, მზერა კატაზე გაეყინა. შემდეგ ნელ-ნელა სკამიდან ჩაცურდა, კატამაც მას მიბაძა. ცხოველი, თითქოს მისმა მზერამ მოაჯადოვაო, აიმრიზა, ბეწვი ყალყზე დაუდგა, ლენცს სახე შეეშალა და არაადამიანური ხმა აღმოჩნდა. კაცი და კატა ფეთიანებივით ეტაქნენ ერთმანეთს — მათ გასაშველებლად ქალბატონი ობერლინი წამოხტა. ამ ამბის შემდეგ ლენცი ერთხანს დარცხვენილი დადიოდა.

იმდამინდელმა შეტევამ კი ყოველგვარ მოლოდინს გადააჭარბა. ამოდ ცდილობდა აუტანელი სიცარიელის შევსებას და ხანგრძლივი ბორგვის შემდეგ ძლივს ჩაიძინა. მტანჯველი ხილვები ძილ-ბურანშიც აღარ ასვენებდნენ: თითქოს რაღაც უშველებელსა და ამაზრზენს ეჯახებოდა, სიგიჟე ერეოდა, ოფლში გაწურული საკუთარმა ყვირილმა გამოაღვიძა, მერე ისევ გონს მოეგოსრული გამოფხიზლებისთვის რას არ აკეთებდა, თუმცა შეგნებით როდი იქცეოდა. მას უფრო თავდაცვის ძლიერი ინსტინქტი ამოძრავებდა: თითქოს სხეული გაორებოდა და მისი ერთი ნაწილი მეორეს ეძებდა გადასარჩენად. უზომო შიშმა ლექსებიც კი ათქმევინა, ასე იბუტბუტა, სანამ მთლად არ გამოფხიზლდა.

აქამდე სინათლე მაინც იცავდა მოლანდებებისაგან, ახლა კი შეტევები დღისით უფრო მოეძალა. ისეთი გრძნობა დაეუფლა, თითქოს ამ ქვეყნად მარტო თვითონ იყო, მთელი სამყარო კი მხოლოდ მისი ფანტაზიის ნაყოფს წარმოადგენდა, თითქოს მის გარდა არც არაფერი არსებობდა. მტანჯველი წარმოდგენების ამარა დარჩენილს, თავი საუკუნოდ დაწყევლილ სატანად მიიჩნდა. თავისი ცხოვრების გზას ნაუცბადევად რომ გადაავლებდა თვალს, „ლოგიკურია, ლოგიკურია“, იტყოდა. სხვა ვინმე თუ ამოიღებდა ხმას, „არალოგიკურია, არალოგიკურია“, პასუხობდა. გარდაუვალი ჩანდა სიგიჟის უფსკრულის მოახლოება, სიგიჟისა, რომელიც სამუდამოდ ეპატრონებოდა.

სულიერი წონასწორობის შენარჩუნებისთვის ბრძოლაში ამოძრავა: მკლავებში ჩაუჭარდა ობერლინს, ისე ჩაებლაუჭა, თითქოს მის სხეულში შეღწევას ლამობსო; თქვენა ხართ ერთადერთი არსება, ვისაც ჩემზე გული შესტავა და ვინც ცხოვრებას მილამაზებსო. ობერლინის დაყვავებამ გონს მოიყვანა. მოძღვრის წინაშე დაჩოქილს ხელები მისი ხელებისთვის ჩაეჭიდა, ცოცხალით დანამული სახე მის კალთაში ჩაერგო, მთელი სხეული უთრთოდა და უცახცახებდა. ობერლინი უსაზღვრო სიბრალულს შეეპყრო, მისი ოჯახის წევრები მუხლმოდრეკილი ავედრებდნენ ღმერთს უბედურის სულს, მოახლეებს კი შეშლილად მიაჩნდათ და გაუბოდნენ. ცოტათი დამშვიდებული ლენცი პატარა ქირვეულ ბავშვს ემსგავსებოდა: სლუკუნებდა, საკუთარი თავი ებრალებოდა; ეს მისთვის ყველაზე ნეტარი წამები იყო. როდესაც ობერლინი ღმერთზე ჩამოაგდებდა სიტყვას, ლენცი მას გატანჯულ სახეს მიაპყრობდა და ეტყოდა:

— იცით რა, მე რომ ვყოფილიყავი ყოვლისშემძლე, მის ადგილას რომ ვყოფილიყავი, ადამიანის ასეთ ტანჯვას ვერ გავუძლებდი, ვიხსნიდი, ნამდვილად ვიხსნიდი; მე ხომ სიმშვიდის გარდა არას ვითხოვ, მხოლოდ ცოტაოდენი სიმშვიდე მჭირდება, სიმშვიდე — ძილი რომ შეეძლოს.

ობერლინი მიუგებდა, ეგ მკრეხელობააო. ლენცი კი თავს უიმედოდ გადაიქნევდა.

არც ისე საშიში იყო თავის მოკვლის ის უშედეგო ცდები, ლენცი ბოლო დროს გაუთავებლად რომ მიმართავდა. სიკვდილის სურვილი ნაკლებად ამოძრავებდა — მისთვის სიკვდილი ხომ მოსვენების იმედს არ წარმოადგენდა, — ფიზიკური ტკივილის გამოწვევა კი განსაკუთრებული სასოწარკვეთილების ან ჩლუნგი, არაფრისმთქმელი სიმშვიდის უამს თვითგამოფხიზლების ბერბი უფრო იყო. ის წუთები, როდესაც ლენცი ზოგიერთ ოხუნჯურ იდეას ებოტიანებოდა, შედარებით უშფოთველი იყო. მაშინ სიმშვიდე ეუფლებოდა, მისი ამღვრეული თვალები კარგავდნენ იმ შეშლილ გამომეტყველებას, მოუსვენრობასთან მუდმივი ჭიდილის დროს ან ველური შიშის გადალახვის შემდეგ რომ ჰქონდა ხოლმე. თვითგვემისთვის რას აღარ აკეთებდა, ზოგჯერ კედელსაც კი ურტყამდა თავს.

რვაში დილით არ ამდგარა, ობერლინმა ააკითხა: თითქმის დედისშობილა იწვა საწოლში, ძალზე აღელვებული ჩანდა. ობერლინმა სცადა, საბანი მაინც გადაეფარებინა მისთვის, ლენცი კი გულსაკლაგად ჩიოდა, რა მძიმეა ყველაფერი, ახალა ვიგრძენი, პაერიც რა უსაშველოდ მძიმე ყოფილა, ნუთუ ოდესმე შევძლებ ადგომასო. ობერლინმა გაამხნევა. ლენცი არც კი განძრეულა, ასე იწვა თითქმის მთელი დღე, საჭმელიც არ მიიკარა.

საღამოს ობერლინი ავადმყოფთან გამოიძახეს ბელფოსში. თბილი, მთვარიანი მწუხრი იდგა. შინისკენ გამობრუნებულს გზაში ლენცი შეეფეთა. თითქოს სრულიად განკურნებული, დინჯად და მშვიდად გამოელაპარაკა ობერლინს. მოძღვარმა სთხოვა, შორს ნურსად წახვალო; ლენციც დასთანხმდა, გზა განაგრძო, მაგრამ მოულოდნელად შემობრუნდა, ობერლინთან სულ ახლოს მივიდა და სხაპასხუპით მიახალა:

— იცით რა, მამაო, ეს ხმაური რომ არა, ჩემი საქმე ნამდვილად კარგად იქნებოდა.

— რა ხმაური, ჩემო კარგო?

— როგორ, ნუთუ არ გესმით? მართლა არ გესმით ეს ხმა, მთელ პორი-
ზონტს რომ მოჰკივის? მას ხომ სიჩუმეს უწოდებენ! რაც ამ ჩუმ ხეობას
შევაფარე თავი, განუწყვეტლივ ჩამესმის და ძილს მიფრთხობს. ეგვიპტეში, ნე-
ტა ოდესმე თუ ვეღირსები ძილს!

ვალდბახში დაბრუნებულმა ობერლინმა ის იყო დააპირა ვინმეს უკან დავა-
დევნებო, რომ კიბეზე თავისი ოთახისკენ მიმავალი ლენცის ფეხის ხმას მოჰკრა
ყური. ერთი წუთის შემდეგ ეზოში რაღაცამ ისეთი ზღართან მოადინა, ობერ-
ლინმა ვერც კი დაუშვა, რომ ადამიანის დაცემის ხმა შეიძლება ყოფილიყო.
ოთახში გაფითრებული და აკანკალებული ძიდა შემოიჭრა...

ლენცი მორჩილად იჯდა ეტლში, რომელიც ხეობის გავლით დასავლეთი-
საკენ მირაზრახებდა. არ აინტერესებდა, საით მიჰყავდათ. ოღროჩოღრო გზა-
ზე ეტლი რამდენჯერმე ძლივს გადაარჩა გადაბრუნებას, ის კი სრულიად
გულგრილი, გაქვავებულივით იჯდა. ასე გადაიარეს მთა, შებინდებისას რაინის
ხეობას მიაღწიეს. ნელ-ნელა სცილდებოდნენ დაისის სივარვარეში ამოწვე-
რილ ლურჯი კრისტალის ტალღოვან მთებს და ამ ტალღათა თბილ ღვარში
მობანავე მეწამულ სხივებს; ვაკის იქით, მთის კალთის ძირში ლურჯად მბზი-
ნავი ქარვა იშლებოდა. სტრასბურგს უახლოვდებოდნენ, ბინდიც წვებოდა.
არემარეს სავსე მთვარე ანათებდა, შორი საგნები ბუნდოვნად მოჩანდნენ, მახ-
ლობელი მთის კონტურები კი გარკვევით გამოკვეთილიყვნენ, დედამიწას ოქ-
როს თასივით პირთამდე ავსებდნენ მთვარის აქოჩრილი ოქროსფერი ჩქერები.
ლენცი სიბნელეს ჩაშტერებოდა, არც სურვილი ჰქონდა რაიმესი, აღარც ინ-
ტერესი; საგნების წყვდიადში გაუჩინარებასთან ერთად შიში ერეოდა.

მოდუნულ წვიმიან დილას სტრასბურგში შევიდნენ. ლენცი
სრულიად მოკეთებული ჩანდა, ხალხს ემასლაათებოდა, ისე იქცეოდა, როგორც
სხვები. მარტო-ღა აუტანელი სიცარიელე დაპატრონებოდა, ვეღარც შიშს
გრძნობდა, ვეღარც სურვილს, საკუთარი არსებობა მოუშორებელ ტვირთად
ჰქცეოდა.

აი ასე ცხოვრობდა...



ვლადიმერ შორორი

მოთხრობები



ქართული
ბიბლიოთეკა

თარგმანი ზინა პაპუაშვილმა

ვლადიმერ შორორის გმარები ჩვენი თანამედროვენი არიან. მწერალი განსაკუთრებული სიბოთით ხატავს მამაც, ერთგულ, დასახული მიზნისაკენ მტკიცედ მავალ, ნაკლოვანებებისადმი შეურიგებელ ადამიანებს. თითქმის ყოველ მოთხრობაში არის ომის წლების გამოძახილი. ეს გასაგებიცაა: იმ ბოზოქარ წლებში ვლადიმერ შორორი მზვერავი ჯარისკაცი იყო, შემდეგ კი არტილერიის ოფიცერი. სწორედ მაშინ დაიწერა მისი პირველი ნარკვევები და მოთხრობები, რომლებიც ფრონტულ პრესაში გამოქვეყნდა.

გთავაზობთ რამდენიმე მოთხრობას მისი ერთ-ერთი ბოლოდროინდელი კრებულიდან „მოიძებნება კეთილი გული“.

ციგურაბ-ციგარუნები

ჩემი ქალიშვილი ანიუტა საციგურაოზე წასასვლელად ემზავება. დერეფანში ორი მეგობარი უცდის. კაპრონის ქურთუკები და სპორტულ ჩექმებში ჩატანებული შარვლები აცვიათ, ჩანთებში კი ციგურები ულაგიათ.

ფანჯრიდან ვხედავ — ხტუნვით გარბიან ახალ თოვლზე ავტობუსის გაჩერებისაკენ. გზადაგზა ალბათ თავიანთი მეექვსე „ა“ კლასის ამბებს განსჯიან და ვარჯიში სტადიონზე, მასწავლებელთანაა გაახსენდებათ, რომელიც სპორტის ოსტატია და ციგურაობაში დიდი გულმოდგინებით ამეცადინებთ.

ანიუტა სადამოთი ბრუნდება, ჩანთას თავისი ციგურებიანად ზღურბლთანვე აგდებს და სადაზვერვო ფილმის მორიგი სერიის საყურებლად ტელევიზორისკენ გარბის. მე კი ჩანთიდან ციგურებს ვიღებ და მათი სარკესავით ლითონის ბრწყინვალეობას დიდხანს დავცქერი ძველებურად მოხიბლული.

ციგურაბ-ციგარუნები... ეს იყო ჩემი პირველი ყველაზე დიდი ოცნება, გატაცება და თითქმის მიუწვდომელი სიყვარული. ეს ოცნება ჩემში მაშინ გაეცობლდა, ხუთი წლისა როცა ვიყავი და ქურჭიანი, შარფმოხვეული სასეირნოდ დავიჯაჯებოდი ნამქერით დაფარულ ჩვენს მყუდრო ქუჩაში. სასეირნოდ კი არა, როგორც დედა იტყოდა ხოლმე, უბრალოდ, „ჰაერის ჩასაყლაპად“. სუფთა ჰაერით რომ გული ვიჭერე, ხის კიშკართან გავჩერდი და მარხილში შებმულ ცხენებს დავუწყე ცქერა, გატკებნილ გზაზე რომ მიჰქროდნენ.

მერე ბლაგოვეშჩენსკის ეკლესიის ზარის გუგუნს მივაყურადე და, ის იყო, შინ წასვლა დავაპირე, რომ უეცრად დავინახე.

ეს იყო რაღაც დაუჭერებელი და გონმიუწვდომელი.

მორბოდა, მაგრამ არც სირბილი ეთქმოდა, თავისთავად მოქროდა არნახული სისწრაფით. თექის ჩექმებქვეშ დანები ბრწყინავდნენ, დანები კი არა, რაღაც ბრწყყვიანლები, საოცარი სიჩქარით რომ მოაქროლებდნენ. კინალამ თავ-ზარი დამეცა.

— ეგ ხომ ციგურებია, — გაელიმა დედაჩემს, როცა ვუამბე, — ალბათ რომელიმე ბიჭი მისრიალებდა.

— ციგურები მინდა დღესვე მიყიდე!

— ჯერ პატარა ხარ, როცა გაიზრდები, მაშინ გიყიდი.

ოღონდაც მალე გავზრდილიყავი და!... ვიცოდი, მოთმინება რომ კარგი იყო. დედაჩემი მეტყობდა ხოლმე, კარგი იქნება, მოთმინება რომ შეგეძლოსო. სამაგიეროდ როგორ გავიხარებ, როცა ციგურებს მიყიდიან. თექის ჩექმებზე დილიდანვე მივიკრავ და გავსრიალდები. ყველა ქუჩას მოვივლი და ანგარამდეც კი მივადწევ. გაუკვირდებათ: ასე სწრაფად ნეტავი ვინ მოქრისო.

დაძინებამდე კიდევ ერთხელ გავიხსენე ის ბიჭი, ჩვენი სახლის გვერდით რომ ჩაიქროლა.

— ეგ ნამდვილი მოციგურავე არ არის, ნამდვილი უნდა ნახო, — დინჯად გაიცინა დედაჩემმა.

— როგორია?

— ხვალ საციგურაო მოედანზე წაგიყვან და გაჩვენებ. ახლა კი დაიძინე! მეორე დღეს დედაჩემი სადღაც წასვლას აპირებდა, ალბათ ქულების სახელოსნოში. ვიცოდი, რომ ქალბატონ პოკილდიკოვას სახელოსნოში ქულებს კერავდა.

— აკი შემპირდი, მოედანზე წაგიყვანო?

— მაგასაც მოვასწრებთ, დღე დიღია.

მამაც სამსახურში წავიდა და მარტო დავრჩი. კუბიკებით სახლის აშენება დავაპირე. მე ხომ სხვადასხვანაირი კუბიკების მთელი ყუთი მქონდა, რომლებზეც ლომების, ყირაფების, სპილოების სურათები იყო მიწებებული. ასოებიც მქონდა. მათგან სიტყვების შედგენა შეიძლებოდა. კითხვა სწორედ ამით ვისწავლე, მაგრამ ახლა უკვე აღარც სიტყვების დალაგება, აღარც წაკითხვა და აღარც რაიმეს აშენება მაინტერესებდა. ან რომელ წაკითხვაზე ვიფიქრებდი, როცა უკვე ერთადერთმა სურვილმა შემიპყრო — ის ბიჭი დამენახა, თუნდაც შორიდან.

რაფაზე მიდგმულ მაგიდაზე ავდივარ და ცივ მინაზე შუბლმიწებებული ქუჩას გავცქერი. ცოტა ხალხი დადის. ეკლესიის გალავნის იქით შიშველი ხეები, საფლავის ჯვრები და ორი-სამი ძეგლი ითოშება. ნეტავ მალე დაბრუნდებოდეს დედა! არადა არ ჩანს. ბოლოს, როგორც იყო, გამოჩნდა.

— ჩქარა! — მივვარდი მაშინვე.

— რა მოხდა?

— საციგურაო მოედანზე.

— დამასვენე, შვილო, სადილობის შემდეგ წავალთ, თუ კარგად მოიქცევი. კუბიკებით ითამაშე!

კუბიკებით თამაში სულაც არ მინდა, მაგრამ არ წამიყვანს და... ხომ გა-

იგეთ, რა მითხრა, კარგად მოიქეცი, რომ წაგიყვანო. კუბიკებს მორჩილად ვიღებ და უეცრად მაგონდება, რომ სათამაშო ციგურების გაკეთება მე თვითონ შემიძლია. ამიტომ კუბიკებს რამდენიმე რიგად ვაწყობ, ზედ ვდგები და მინდა, იმ ბიჭივით გავსრიალდე, მაგრამ ძირს ვენარცხები. რით შეიძლება ციგურების გაკეთება? ჯოხის ნატეხსა და გატეხილ სახაზავს ვპოულობ, ყელიან ფეხსაცმელზე კანაფით ვამაგრებ და ვცდილობ, გავსრიალდე. არც ახლა გამოდის რამე. კარგად მესმის, რომ ეს ყველაფერი ციგურებისთვის შეუფერებელია, მაგრამ თუნდაც თამაშიც გამომივიდეს, თუნდაც წარმოვიდგინო რომ ციგურებზე ვდგავარ, მაინც კარგია. რით შეიძლება გავაკეთო? მეორე ოთახში გავდივარ და ვხედავ, რომ მამაჩემის მაგიდაზე საანგარიშოა. ამ საანგარიშოზე მამაჩემი კოჭებს სწრაფად აჩნაკუნებს ხოლმე, როცა საღამომობით ზეგანაკვეთურ სამუშაოს ჩაუჯდება. ზოგჯერ მეც მაძლევს „ანგარიშის“ უფლებას. საანგარიშოს იატაკზე ვდებ, შიგ ვჯდები და მარხილივით მივაგორებ. ციგურები არ არის, მაგრამ მაინც არა უშავს. ამ დროს დედა შემოდის.

— შეშინებული ვდგები და ხმას აღარ ვიღებ.

— საანგარიშო ადგილზე დადე და ხელი აღარ ახლო!

— ჩავიცვათ? — ვეკითხები ნასადილევს.

— მიდი, ჩქარა!..

თავს ბედნიერად ვგრძნობ და ტანისამოსისთვის გავრბივარ.

ძლივსძლივობით გამოვდივართ შინიდან.

ქათქათა რბილ თოვლზე მივდივართ. დედას ჩემი ხელი მაგრად უჭირავს და დარბაისლურად მივუყვებით ხის ტროტუარს. მე რე დიდ ქუჩაზე გავდივართ, მთავარს რომ ეძახიან. წინათ, მეფის დროს შეურქმევეიათ ასე, ჯერაც რომ გაჩენილი არ ვიყავი, თორემ ახლა კარლ მარქსის ქუჩა ჰქვია. ნახეთ, რამდენი ხალხია! ოღონდაც მალე მივიდოდე და... ქვაფენილზე ეტლები მიბქრიან და მეეტლები გამვლელებს უყვირიან: „მო-ერ-რი-დეეთ!“

სახლები ისეთები კი არ არის, ჩვენთან, ბლაგოვეშჩენსკაიაზე რომაა. არა, აქ სამსართულიანი, ქვითკირის უზარმაზარი სახლებია. დაბლა დიდი ფანჯრები აქვთ, მაღლა კი — ფირნიშები. „ქვრივი კობაევას ძეხვეულით სავაჭრო“, ვეკითხულობ პირველზე. ფანჯარაში, ლანგარზე, მოყვითალო გოჭი მოსჩანს, თვალები მიულულავს და თითქოს იღიმის. მის მაღლა სოსისის გირლიანდები, ვარდისფერი ბარკალი და მსხვილი ძეხვი ჰკიდია. გაღიმებული გოჭის ცქერით რომ დავტკბე, უკან ვრჩები, მაგრამ მაგონდება, საციგურაოზე არ დამაგვიანდეს-მეთქი და ისევ ვეწევი დედას. იქით უფრო საინტერესოა. „ბერძნულ საკონდიტრო ლამბრიონიდში“ ათასნაირი რამ გამოუფენიათ: ტკბილღვეზელები, კრემის მილაკები, უზარმაზარი ტორტი, რომელზეც შოკოლადის დათვი შემდგარა და წინა თათებში ფირფიტა უჭირავს: „ყველაფერი თქვენთვის არის!“ ესე იგი, ჩემთვის. უმაღლ ტკბილღვეზელები მომინდა, მაგრამ ამ დროს რაღაცამ ბუკივით დაიყვირა. მივიხედე და შუა ქუჩაში პატარა თვლებზე შემდგარი ლურჯი ფურგონი, — ჩვენი ქალაქის პირველი ავტობუსი დავინახე. ყველანი გაკვირვებით მისჩერებოდნენ, ამას რას მოვესწა-რითო. ავტობუსს ტყავის ქურთუკიანი და ჩაფხუტიანი კაცი მართავდა. ტყავის ხელთათმანიანი ხელებით საჭეს ჩასჭიდებოდა და გაღიმებული ყველას თავს

უქნევდა. ალბათ თვითონაც უხაროდა, ფანჯარაზე რომ ეწერა: „სადგურიდან ბაზრამდე სულ ათი კაპიკი ღირს“. ნეტავი მეც გამასეირნა.

— აუტანელია! — იძვირა დედამ, — ათი კაპიკი... აბა, დაფიქრდი, ათი კაპიკით ათი კვერცხის ყიდვა არ სჯობია?

— აქ შევიაროთ! — თქვა დედამ აგურის გრძელ სახლთან, გარშემორტყმულ აბრაზე რომ „ცენტრალური მუშათა კოოპერატივი“ ეწერა.

თუმცა ძალიან მიმეჩქარებოდა, მაინც ცნობისმოყვარეობამ წამძლია, გამეგო, რა იყო ეს რაღაც კოოპერატივი. შევდივართ და გაკვირვებული ვრჩები, რომ ჩვეულებრივი მაღაზიაა. მაუდის, ცხვრის ტყავისა და საღებავის სუნი ტრიალებს, დახლთან კი ხალხი ირევა. სანამ დედა თითებით ყველა მატერიას გასინჯავს და გამყიდველს შეეკითხება, რა ღირსო, კედელზე გაკრულ პლაკატებს ვუყურებ. ნამგლიან გლახსა და ჩაქუჩიან მუშას ხელიხელს ჩაუკიდიათ. ზემოთ აწერია: „გაუმარჯოს ქალაქისა და სოფლის კავშირს!“ ქვემოთ კი: „მუშავ, კერძო პირისა და ნებმანისაგან საქონელს ნუ იყიდი, შედი კოოპერატივში!“

— რატომ არაფერი იყიდე? — ვეკითხები ქუჩაში.

— მაგდენი ფული არა მაქვს.

ვიცი, ცოტა ფული გვაქვს. მამაჩემი მეხორცე კურდასოვის სავაჭრო კანტორაში მუშაობს და ეს კურდასოვი, როგორც დედაჩემი იტყვის ხოლმე, მხოლოდ გროშებს უხდის.

ქუჩაში გავდივართ. მარხილში შებმული ცხენების გვერდით მეეტლეები ბოლთასა სცემენ და მგზავრებს ელოდებიან. მერე უკვე ქალაქის სხვა უბანში ვხვდებით. აქ უფრო სიწყნარეა. არც მაღაზიებია და გამვლელებიც ნაკლებად გვხვდებიან. ტროტუარის გასწვრივ თოვლით დაზვინული ბებერი ალვის ხეები დგანან და ქუჩას აბნელებენ. ქალაქის თეატრის წინ პატარა მოედანზე გავდივართ.

— საინტერესოა, რომელს სპექტაკლი გადის? — ამბობს დედაჩემი და აფიშას უახლოვდება. — ლუნაჩარსკის „ხავერდი და კონკები“... განათლების სახალხო კომისარი... როდის იყო, მინისტრები პიესებს წერდნენ? ახლა კი...

— იმიტომაც არის, ყველაფერი რომ ძვირია, — თქვა ვიღაც სქელთავ-საფრიანმა და ქურთუკიანმა ქალმა.

ცოტა რომ გავიარეთ, რაღაც მომაჯადოებელი ხმა გავიგონე. ჩუმი შარის შურის მსგავსი ხმა იყო, შიგ რომ რბილი წკრიალიც ურევია. თითქოს მსუბუქი დარტყმით წკრიალებსო ის რაღაცა. დროშებამართული ხის ორი კოშკურაც გამოჩნდა, რომელთა შუა ცხავისებური ხის ჭიშკარი ება.

— აი, დაინახე! — მითხრა დედაჩემმა.

პირსახით ხის ბადეს მივეკარი, ხელებით მაგრად ჩავებლაუჭე და გავირინდე. საციგურაო მოედანზე ნამდვილი მოციგურავეები პირდაპირ ჩემკენ მოქროდნენ, თითქმის ზედ ჭიშკართან მარჯვედ უხვევდნენ და საითღაც მიექანებოდნენ. ჯერ მხოლოდ აღტაცებული ხალხის მბრუნავ ზვავს ვხედავდი და მერე და მერე კი დეტალებიც გავარჩიე. ძალიან ბევრი მოციგურავე იყო და თანაც ყველანი ერთმანეთისგან განსხვავდებოდნენ. პლისიან კაბებსა და წითელ კოფთებში გამოწყობილმა ხელიხელჩაკიდებულმა ორმა გოგონამ დინჯად და ბეჯითად გაისრიალა იმ მხარეზე, საითაც მაღალი და თმახუჭუჭა ბიჭი მიქროდა. მას ზურგზე ხელები შემოეწყო და შარფი დროშასავით უფრიალე-

ადა. მერე სამმა ბიჭმა გაიქროლა, დამთხვეულებივით ქურთუკები რომ გაელელათ და ერთმანეთს ხან დაეწოდნენ და ხან ჩამოშორდებოდნენ. ო, რა ბედნიერებაა!.. ორი შავსვიტრიანი ბიჭი წინწახრით მოფრინავდნენ და ნარნარით ეშვებოდნენ ძირს. მათი ციგურები ქვრივ კობაევას ძეხვის საკრული დანებრით წვრილები და გრძელები იყო. ოქროს სათვალთანმა თეთრწვერა მოხუცმა, ექიმს რომ წააგავდა, ისე გაიარა, რომ ჯიბეებიდან ხელები არ ამოტლია. მერე ქუდფარფლიანი ქალიშვილი გაატარეს მარხილის საფეხურებზე დადგმული სავარძლით. აი, სულელი! ციგურები აქვს და მაინც სხვებს მიჰყავთ... წრის შეაგულში კი რალაც წარმოუდგენელი ამბავი ხდებოდა. ვილაც ქუდპომპონიანი და შარვალგაბერილი ხან უკან-უკან მიქროდა, ხან უეცრად ჰაერში შემოტრიალდებოდა და ცალ ფეხზე სრიალებდა, ხან ბზრიალასავით ბრუნავდა წელში გამართული და ხან კი მერცხალივით ფრთებგაშლილი მიქროდა.

არ ვიცი, რამდენ ხანს ვიდექი. ალბათ დიდხანს დავრჩი, რაკი ვიგრძენი, რომ ფეხები მეყინებოდა.

— საკმარისია, — გადაჭრით მითხრა დედამ, — ყველაფერს თავისი საზღვარი აქვს.

უკან დაბრუნებისას ყურადღებას აღარაფერს ვაქცევდი: აღარც შოკოლადიან შაქარლამებს ლამბრიონიდის საკონდიტროში და აღარც გოჭს ქვრივ კობაევას საძეხვეში. ძილშიც და ცხადშიც ის მომაჯადოებელი სანახაობა აღარ მშორდებოდა და არც მინდოდა, მომშორებოდა. ერთი სიტყვით, ციგურების დაავადება შემეყარა. მისი სოფვარულით დავსნეულდი. ციგურების გარდა, არაფერზე აღარ შემეძლო ფიქრი და საუბარი. თუმცა ამ დაავადებას დედა და მამა ყურადღებასაც არ აქცევდნენ.

— ცოტა კიდევ წამოიზარდე და მერე გიყიდით, — მპასუხობდნენ, როცა ვეტყოდი, მიყიდეთ-მეთქი.

ციგურების სიყვარულით ხატვა დავიწყე. აღრეც ვხატავდი, მაგრამ მაშინ სულ სხვა რამეები მაინტერესებდა. ვხატავდი სახლებს, ეკლესიებს, მგზავრებით დახუნძლულ ეტლებს, კარლ მარქსის ქუჩაზე მოსეირნე ხალხს და კიდევ სამოქალაქო ომს: წითლებს — ძაბრა ქუდებით და თეთრებს — ეპოლეტებით, ცხენებზე ამხედრებულებს შუბები რომ სწორედ ისე ეჭირათ, როგორც ეს კინოთეატრ „წითელ ბაიკალში“ მინახავს. ახლა ეს ყოველივე ერთბაშად დამავიწყდა და დაფინებით ვხატავდი ერთსა და იგივეს, რასაც „საციგურაო მოედანი“ ერქვა და რაც მკვეთრად გამოირჩეოდა აღრინდელი ნახატებისაგან. ქალღმერთს გულმოდგინედ გადმომქონდა ის ყველაფერი, რამაც ასე ძალიან განმაცვიფრა. არ მავიწყდებოდა არც სავარძელში გამოქიმული ქალიშვილი და არც ისინი, აქეთ-იქით რომ დაქროდნენ სიგიჟემდე.

— გადასარევე რალაცებს ხატავს, — ამბობდა დედა, — დაე, დახატოს, იქნებ მხატვარი გამოგვივიდეს.

მხატვრობა სულაც არ მაინტერესებდა, ციგურების ყიდვა კი ვერც იმ ზამთარს, ვერც — მეორე და ვერც მესამე ზამთარს მოახერხეს, როცა უკვე მერვე წელში გადავდექი.

შემოდგომიდან უკვე სკოლაში უნდა მივსულიყავი, მაგრამ ამ სასიხარულო დღემდე ერთი წლით აღრევე შევამჩნიე, მამამ რომ ჩემთან ლაპარაკს მოელო. უმეტესად გაჩუმებული დადიოდა და თავის თავს ეკითხებოდა:

— რა ვქნა, რა ვუყო? როგორღა ვიცხოვრო?

ერთხელ კი, ჩვეულებრივ საღამოს რომ უნდა დაბრუნებულიყო, შუადღისას მოვიდა, როცა ისევ სასრიალოსა ეხატავდი.

— კურდასოვის საქმე საბოლოოდ დაიხურა. უმუშევარი ვარ, — ყრუდ უთხრა დედაჩემს.

დედაჩემმა ერთხანს იყუჩა და მერეღა უბასუხა:

— მიმიფურთხებია მაგ კურდასოვისათვის, გაიძვერა ექსპლოატატორია და მეტი არაფერი. მთავარია, არ ინერვიულო და როგორმე ვიცხოვრებთ.

— შრომის ბირჟაზე დადგომა მომიწევს და იქ კი უამრავი ჩემნაირია.

ეს ყველაფერი რას ნიშნავდა, კარგად არ მესმოდა, მაგრამ იმას კი ვგრძნობდი, რომ ჩვენს თავს რაღაც უბედურება იყო. ამიტომაც ჩუმად ვიჯექი და არ ვინძრეოდი. მამაჩემმა ჩვეულებისამებრ საქალაქო გაზეთი „ვლასტ ტრუდა“ დამიგდო მაგიდაზე:

— წაიკითხე, ამხანაგო!

გაზეთის კითხვა არ მიყვარდა, რადგან წვრილი ასოები მაშინებდა, უცნობი სიტყვები კი სევდას მგვრიდნენ. მხოლოდ იტალიელი პოლარელების გადარჩენა მაინტერესებდა ყინულმჭრელი „კრასინის“ მიერ. განცხადებებსაც სიამოვნებით ვკითხულობდი და კარიკატურებსაც ხალისით ვათვალიერებდი, ბურჟუა ინგლისელები და თეთრგვარდიელები რომ ეხატნენ. მაშინაც გავშალე გაზეთი და კარიკატურა ვიპოვე: სიგარაგაჩრილი, ცილინდრიანი, გაღიბული ბურჟუა პისტოლეტით ემუქრებოდა მუშას, რომელსაც დროშა ეჭირა. მისი ცქერით რომ გული ვიჭერე, სხვა გვერდზე გადავშალე, რათა წამეკითხა „წითელ ბაიკალში“ რა გადიოდა, რომ მის მალლა განცხადება დაეინახე, რომელიც იუწყებოდა: „ყველაფერი სპორტისათვის, დარბაზებსა და მოედნებზე თამაშებისათვის — ისრიალეთ ციგურებით და იქროლეთ თხილამურებით! არცინოვიჩისა და ლანდორიკოვის სავაჭრო ფირმა ყველა სისტემის ციგურებს, ბანდულებიან თხილამურებს, ციგებს, კრივის ხელთათმანებს, ჰანტელებს, ფეხბურთისა და ტენისის ბურთებს გთავაზობთ... კრედიტით“.

— რა არის, მამა, კრედიტი?

— კრედიტი? — გაიმეორა კითხვა და მაშინვე მიბასუხა, — სესხით საქონლის გაყიდვა. დავუშვათ, ფული არა გაქვს და ამა თუ იმ ნივთის ყიდვა გინდა, უფულოდ ყიდულობ... კრედიტით. მერე კი ფარავ ამ კრედიტს.

— როგორ თუ ფარავ?

— როცა ფულს იშოვი, მაშინ შეიტან.

ზუსტად ისე, როგორც მე მინდა!

გაზეთი კუბიკების ყუთში შევინახე.

დილით, როცა მამა შრომის ბირჟაზე წავიდა, დედა კი — ქულების სახელოსნოში, განცხადება ხელახლა გადავიკითხე და მალაზიის მისამართი ჩავიწერე. არც ისე შორს იყო და ვერც გამიგებდნენ, რომ წავსულიყავი. ერთხანს შემეშინდა, რადგან მალაზიაში წასვლა ეზოში გავლა ხომ არ იყო, რომ ვერავის გაეგო. არადა, უციგურებოდ აღარ შემეძლო. მივხვდი, რომ რაღაც უნდა გამეკეთებინა. მაშინვე ჩემი ფული — მამის ნაჩუქარი ვერცხლის ორშაურინი ავიღე. მართალია, ორი შაურით ციგურების გასაღებიც კი არ მომივიდოდა, მაგრამ დანარჩენი ხომ კრედიტით უნდა ყოფილიყო. „წავედი სუფთა ჰაერზე!“ — დავაწერე ბეჭდური ასოებით კანტორის წიგნზე, მერე მოვიფიქრე და დავამატე, — „ქუჩაში“.

სადარბაზო კარიდან მეზობლების შეუმჩნეველად გავედი და კარლ მარქსის ქუჩას გავუყვები, მერე ურიცკის ქუჩაზე შევუხვიე, წიგნის მაღაზიასა და მარგულის საპარიკმახეროს ჩავუარე და უეცრად შევჩერდი. აქა ყოფილა.

ყველანაირი ციგურებია. დადექი და უყურე, რამდენიც გინდა!

კარს მივაწექი და შევედი. იმოდენა მაღაზიაში არავინ იხსნებოდა დახლთან იდგა ორი კაცი, გაკვირვებით რომ შემათვალისწინებდა. ისინი იყვნენ: მაღალი და გრძელცხვირა კაცი არცინოვიჩი, მხიარული, მრგვალი და ლაქლაქა კი, რა თქმა უნდა, ლანდორიკოვი. ჯიბეში ორშაპურიანი ჩაებლუჯე და დაბნეული გავჩერდი. ორივენი იღიმოდნენ. ჩემი დანახვა ისე გაუხარდათ, თითქოს დიდი ხანი იყო, რაც მელოდნენ.

— მობრძანდით, ახალგაზრდავ, სავაჭრო დარბაზში გაიარეთ! — მითხრა ლანდორიკოვმა.

დახლს გაუბედავად მივუახლოვდი. არცინოვიჩი ჩუმად იღიმოდა და თავს კმაყოფილებით მიქნევდა. მერე კი...

— ინოკენტ, მყიდველს ყურადღება მიაქციე! — უთხრა ამხანაგს და ვიწრო კარიდან გავიდა.

— რა გნებავს? — შემეკითხა ლანდორიკოვი.

— ციგურები, — წავილულულუდე.

— სასიამოვნოა... რომელი სისტემისას ინებებ?

— „თოვლიები“, — წავილულულუდე.

— ახლავე, ახალგაზრდავ, — დახლქვეშ ჩაიმალა და, როცა ამოიყურყუმელავა, პაპიროსის თხელ, გასანთლულ ქაღალდში გახვეული რაღაც ეჭირა, — აი, გაისინჯე! — შემოაცალა ქაღალდი.

გამოვართვი და ვერ ვიჭერებდი: სიხარულით მეჭირა თითქოს საგანგებოდ ჩემთვის გაკეთებული ციგურები, ხელისგულებს რომ უცნაურად მიგრძობდნენ და მათ სარკესავით ზედაპირზე კი ჩემი საოცრად დაგრძელებული სახე ირეკლებოდა.

— არ მოგწონთ? — შეშფოთდა ლანდორიკოვი.

— ა-რა... კარგია, ბრწყინვალე, — თუმცა „მბრწყინავი“ აჯობებდა, მეთქვა, რაკილა მართლა ბრწყინავდნენ.

კალოშები გავიხადე, დავჯექი, ციგურა ყელიან ფეხსაცმელს მივაზომე და... საიდან იცოდა ზუსტად საჩემოები?!

— აი გასაღებიც ინებეთ!.. გამომართვით!

გასაღები მოვარგე, გადავატრიალე და ციგურის საფრჩხილებმა განზე გაიწიეს, კიდევ გადავატრიალე და მჭიდროდ მიეკრო ფეხსაცმელს. მხოლოდ ფოლადის კოპილა უშლიდა: ქუსლს ებჯინებოდა. ლანდორიკოვი ყურადღებით მიყურებდა და მზად იყო საშველად მომვარდნოდა.

— ფირფიტა ინებეთ, ახალგაზრდავ, ქუსლში ჩაურჭეთ და ისრიალეთ!.. ეს სამაგრებიც თქვენია და ეს თასებიც. სრული კომპლექტია, ახალგაზრდავ, ფირფიტას გაუკეთებ, თასმას მოუჭერ და თუნდაც ჩრდილოეთ პოლუსზე წადი, ყინულმჭრელ „კრასინზე“ უმბერტო ნობილეს გადასარჩენად.

გავიოფლე და ქშენით დავიწყე მეორის ჩაცმა.

— საერთოდ, ახალგაზრდავ, — დამაჯერებლად თქვა ლანდორიკოვმა, — „თოვლიების“ ყიდვას არ გირჩევთ: ფირფიტები გაგიწვალებთ, გასაღებს დაკარგავთ და ფეხზეც კარგად არ მოგერგოთ... უკეთესია, „ნურმისი“ შეიძინოთ,

ცოტა ძვირია, მაგრამ მოდაშია, — მითხრა და ყელიანი ტყავის ფეხსაცმელი დამიწყო, რომლებზეც „ნურმისი“ იყო მიკრული. ჰო, რა ციგურები იყო, რომ გენახათ! ყინულმჭრელივით ცხვირები ჰქონდათ და ხელის შეხება ვერ გავუბედე; ისეთი ლამაზები იყო. ვიდექ და ალერსით ვათვალიერებდი.

— „ჯექსონის“ დათვალიერებასაც ხომ არ ინებებთ?

ლანდორიკოვი თანდათან აზარტში შევიდა. კიბეზე ატყდებოდა თაროდან მუყაოს ყუთი ჩამოიღო. „ჯექსონმა“ სულ გადამრია. რაღაცით თითქოს „თოვლიას“ წაიგავდა, მაგრამ გაცილებით ლამაზი იყო. ისიც „ნურმისივით“ ყელიან ფეხსაცმელს ჰქონდა მორგებული.

— „ნურმისს“ მაშინ სჯობია, — ამიხსნა ლანდორიკოვმა, — როცა, ახალგაზრდავ, მონდომებთ, ყინულზე ფიგურები გამოიყვანოთ: სამიანი, რვიანი, მერცხალი, პისტოლეტი ანდა ბზრიალასავით ტრიალს ისურვებთ...

— ბზრიალასავით ტრიალი, — წამოვიძახე თავდავიწყებით და ის შარვალგაბერილი და ქუდპომპონიანი ბიჭი გამახსენდა, მე და დედაჩემმა რომ ვნახეთ. როგორც ის ტრიალებდა, ისე ვიტრიალებ და უცნაურ ფიგურებს გამოვიყვან.

დაუცხრომელი ლანდორიკოვი უფრო შორს მიტყუებდა, როგორც ულრან ტყეში იტყუებენ ხოლმე ჯადოქრები. მაშინ არ ვიცოდი და, როცა წამოვიზარდე, მივხვდი, რომ ლანდორიკოვი თავისი საქმის ბრწყინვალე ოსტატი ყოფილა. სახიდან ოდნავ შესამჩნევ ღიმილს არ იშორებდა და საქონელს ისე გიჩვენებდა, მთელი სილამაზით რომ დაგენახა. ალბათ უსაქმურობით იტანჯებოდა და მოხარული იყო, თავისი ოსტატობა თუნდაც ჩემთვის ეჩვენებინა.

— არ გინდათ, ახალგაზრდავ, ყინულის ფეხბურთი რომ ითამაშოთ?

ასეთ თამაშზე არაფერი არ გამეგონა და გაშტერებული მივაჩერდი.

— ყინულის ფეხბურთი არ იცი, პოკეის რომ ეძახიან? მშვენიერი, ვაჟკაციური თამაშია და ადამიანში ყველაფერს ავითარებს: ძალას, სიმარჯვეს, თვალზომას, სიმამაცეს...

მთელი ჩემი სიცოცხლე ამ ძვირფასი თვისებების განვითარებაზე ვოცნებობდი. სწორედ ეს მჭირდებოდა.

— მაშინ „გაგინის“ სისტემისა უნდა შეიძინოთ. ინებე, ერთი ფეხით მოასწარი. ორი წყვილიდა დამრჩა თქვენი ზომისა. — „ჯექსონის“ გვერდით ფართობაქნიანი ციგურები დამიწყო.

— ციგურები მაინც, მე თუ მკითხავ, სისწრაფესა და სისხარტეს უნდა ავითარებდეს. საუკეთესო მოციგურავენი მატარებელსა და ავტომობილსაც კი არ ჩამორჩებიან. თქვენც ხომ გინდათ, ახალგაზრდავ, ყველაზე სწრაფად ირბინოთ?

— ასეთ შემთხვევაში, „ნორვეგიული“ სისტემისა უნდა შეიძინოთ.

ჩემს მადლიერ, მინდობილ გამოხედვაში სრბოლის დაუცხრომელი სურვილი შენიშნა.

საწყენია, თქვენი ზომისები რომ აღარ გამოდის, მაგრამ, თქვენდა საბედნიეროდ, ერთადერთი წყვილი შემოგვრჩა. ერთმა ბურჟუამ შეგვიკვეთა თავისი ვაჟისთვის, მაგრამ ამასობაში ბურჟუას ტყავი გააძრეს და შეკვეთა, თქვენდა საბედნიეროდ, გამოუსყიდავი დარჩა. თუ დამიჯერებთ, მთელ ქალაქში არავის ექნება ასეთი ციგურები, ქალაქში კი არა, მთელ ციმბირში ვერ იშოვით...

მართლაც შნოიანი რამე იყო, გრძელი და მოხდენილი. ზედ დამოკლონებული წვრილზე წვრილი დანები კი... ნამდვილად ფრენას მიქადდა ეს ციგურები. შემხვედრი ქარი რომ სტვენით გამივლიდა, მე გრავალივით ვავქროდებოდი.

არცინოვიჩის გამოჩენისთანავე ლანდორიკოვი ერთბაშად ჩაქრულდა დღელივით შემეკითხა:

— რომლის ყიდვას ინებებთ?

ჩემი ყურადღება უკვე გაიფანტა. ერთბაშად ყველაფრის ყიდვა მინდოდა და არჩევანი გამიძნელდა.

— „ნორვეგიულის“ შეხვევას მიბრძანებთ თუ „ნურმისისას“?

— „ნორვეგიული“ შემიხვიეთ, ოლონდ... კრედიტით. ჯერჯერობით მხოლოდ ორი შაური მაქვს.

ლანდორიკოვმა გაოგნებით შეხედა გაწვდილ მონეტას, არცინოვიჩმა კი ხმამაღლა გადაიხარხარა.

— ეჰ, ახალგაზრდავ! — ამოიოხრა ლანდორიკოვმა, — განა არ იცი, რომ კრედიტით არავინ გენდობა? წადი, თუ ღმერთი გწამს!

წელმოწყვეტილივით წავჩანჩალდი. ქვრივ კობაევას სავაჭროს რომ ჩავუარე, ვიტრინაში არათუ გოჭი, ბარკალი ან ქეხვი, ერთი ცალი პაწაწკინა სოსისიც კი აღარ იყო. რკინის ფირნიშს კი მუშები კედლიდან თოკით უშვებდნენ ძირს. აღარც ლამბრიონიდის საკონდიტორში აღმოჩნდა ტკბილეული, ყველაფრისაგან დაცარიელებულიყო.

დაახლოებით ერთი კვირის შემდეგ მე და მამაჩემი ურიცკის ქუჩაზე მივდიოდით და, როცა არცინოვიჩისა და ლანდორიკოვის მაღაზიას გავუსწორდით, კლიტედადებული დარაბები დავინახე. კრედიტითვე დაკეტილ კარებზე კი ფირფიტა ეკიდა: „ფირმა გაუქმებულია. პრეტენზიები არ მიიღება.“ მართალია, მასთან არავითარი პრეტენზია არ მქონდა, მაგრამ ჩვენს ქალაქში ახლა უკვე, შავი ბაზრის გარდა, ციგურები აღარსად იყიდებოდა. იმ წელიწადსაც და შემდეგშიც ისევ უციგურებოდ დავრჩი.

მამაჩემი უკვე გამუდმებით ავადმყოფობდა. დილიდანვე ვდგებოდი ფურნის პურის გრძელ რიგში და სკოლაში წასვლისასლა ვბრუნდებოდი ერთი პურით, რაც ჩვენი ოჯახის საბარათო ულუფა იყო. სადამოობით დენი ირთვებოდა, მთელი ქალაქი ბნელდებოდა და ბოლო გაკვეთილებს კრაქის სინათლეზე გვიტარებდნენ, ციგურების დარდი ვის ექნებოდა.

და მაინც ხანდახან მოედანზე დავდიოდით. ფული, რა თქმა უნდა, არ მქონდა, მაგრამ რომელიღაც მიყრუებულ კუთხეში გადავძვრებოდი და ყინულზე ბიჭების სრბოლას შორიდან ვუყურებდი.

მაღალყელიან ფეხსაცმელებთან ერთად ციგურებიც მელირსა, როცა მეშვიდე კლასში გადავედი. იმ დროს უკვე პურის რიგები გაქრა და ქალაქის ელსადგურებზეც ახალი ტურბინები ამუშავდა. იმ სახლში, სადაც ერთხელ არცინოვიჩისა და ლანდორიკოვის სავაჭრო იყო, სპორტსაზოგადოება „დინამოს“ მაღაზია გაიხსნა.

— მართლაც სხვა დრო დავვიდგა, --- კმაყოფილებით ამბობდა მამაჩემი, რომელიც ახლა მექანიკური ქარხნის საგეგმო განყოფილებაში მუშაობდა.

ბლაგოვეშჩინსკის ნაეკლესიარზე კიდევ ერთი საციგურაო მოედანი გამა-

რთეს. მეც იქ ჩამრიცხეს, „ნორჩი დინამოელის“ საზოგადოებაში. ბურთიანი ჰოკეის თამაშს გვასწავლიდნენ, შაიბიანი ჰოკეი მაშინ არც ვაგვეგონა.

სამიოდე წლის შემდეგ, როცა სტუდენტი გავხდა, ჩემი ინსტიტუტის პირველ ნაკრებში ვთამაშობდი. უმაღლესი სასწავლებლების პირველობაზე ჩვენი გუნდი ურიგოდ არ გამოდიოდა. შეიძლება, სპორტის ისტორიაში მინიმალწია, ყოველ შემთხვევაში, ასე ვოცნებობდი, ისევ სხვაგვარი დრო რომ არ დაგვდგომოდა. ჩემი გუნდი ნაღმმტყორცნელ ოცეულად გადაიქცა. მძიმე და ხანგრძლივი გამოდგა ეს წლები. ომის თითო წელი სამ ჩვეულებრივ წლად გვეჩვენებოდა.

როცა ომიდან დავბრუნდი, თუმცა იაპონელი სნაიპერისგან დაჭრილი ფეხი ძალიან მტკიოდა, ჯერ ისევ ვარსკვლავიანი სამხრეებითა და ყურებიანი ქუდით, საციგურაოს მივაშუქე. ახლა უკვე ფული მქონდა და საკმაოდ ბევრიც. დემობილიზაციის დროს ომის თითო წელზე თითო თვის ხელფასს იძლეოდნენ და უმცროსი ლეიტენანტის ოთხი თვის ხელფასი მივიღე. ჩემს სიცოცხლეში პირველად ვისურვე ბილეთის ყიდვა, მაგრამ უბილეთოდ შემიშვეს.

— მობრძანდით, ახალგაზრდავ! — მომესმა კონტროლიორის ხმა, — სამშობლოს დამცველს დიდება და პატივი ეკუთვნის, გაიარეთ!

ამ ხმამ რაღაც ძალიან მიქვიწყებულს, მაგრამ მაინც ძალიან ნაცნობი ხმა გამახსენა, ხმამ კი არა, ინტონაცია. დავაკვირდი და ლანდორიკოვი ვიცანი. დაბერებულიყო და სახეზე წვრილი ნაოჭები გასჩენოდა, მაგრამ მთელი მისი არსებიდან ისევ ადრინდელი თავაზიანობა და კდამიანის გულის მოგების სურვილი გამოსჰვიოდა. უციგურებოდ რომ დამინახა, პოსტი სხვას გადააბარა და ტრიბუნების ქვეშ სათავსოში წამიყვანა, სადაც სტელაჟზე ყველა ტიპის ციგურები ეწყო გასაქირავებლად. როგორც შემდეგ შევითყვე, იგი არა მხოლოდ კონტროლიობდა, ციგურებსაც ლესავდა და არემონტებდა, მოედნის მოყინვის დიდი ოსტატიც იყო, წესრიგსაც თვალყურს ადევნებდა და ყველანაირ რჩევასაც იძლეოდა, რაც კი საციგურაო სპორტს შეეხებოდა.

მისი თქმით, ყველაზე ჯარგი ციგურები მომცა, რომელიც მრავალჭირნახულ ფარაჯაზე მივიხუტე და ყინულს გავუყევი. არ ვუთხარი, ფეხი რომ ცუდად მქონდა შეხორცებული და ციგურაობა არ შემეძლო.

ციგურებით ხელში პირველად ჰოკეის მოედანთან მივედი, მერე სარბენ ბილიკთან გადავინაცვლე, მერე — საერთო მოედანზე. თუმცა ქარი ქროდა, მოლურჯო ყინულის სუსხიანი ჰაერითა და ციგურების წკრიალით მაინც ვერ ვძლებოდი.

და, აი, ახლა თვალს ვერ ვაშორებ ჩემს ქალიშვილს, მეცადინეობაზე წასასვლელად რომ ემზადება. გავცქერი მასა და მის მეგობრებს, ავტობუსის გაჩერებისკენ რომ გარბიან: საციგურაოზე არ დაგვაგვიანდესო. გავცქერი და ჩემი ბავშვობა მაგონდება. იაპონელი სნაიპერის მიერ ხინგანზე გახვრეტილი ფეხი კი სწორედ მაშინ მტეხს.

მანიაკოვსკის საღამო

ქალაქში რამდენიმე რაიონი იყო, თავითეულს საკუთარი რაიონული ბიბლიოთეკა ჰქონდა. ზარეჩინის ბიბლიოთეკას ფასადმოჩუქურთმებული ძელუ-

რი სახლი ეკავა. ეზოში, ერთადერთ ალვის ხეზე, ცარიელი საშოშივე ეკიდა, კართან კი ჩავლილი არჩევნებიდან დარჩენილი აგიტატუნქტის აბრა.

ბიბლიოთეკას ალექსანდრე გიორგის ძე კვანტელიონი განაგებდა. რატომ-ღაც მიაჩნდათ, რომ დიდი, მარჯვე და თავდაჯერებული კაცი იქნებოდა, რაკი-ღა ასეთი ქლერადი სახელი და მყვირალა, არარუსული გვარი ჰქონდა. ამიტომ, როცა ეცნობოდნენ, ჰკვირობდნენ, ეს როგორი კვანტელიონიაო? ეგონათ, მოგვატყუეს და ხელში სხვა ვიღაც შეგვაჩეჩესო.

იგი პატარა, კუზიანი და წყნარი კაცი იყო, აზღარბული ნაცრისფერი თმითა და წამახულ ცხვირზე დასკუპული სათვალით. ქლერადი უცხოური გვარი პეპერადან შემორჩა, რომელიც ოდესღაც იტალიიდან ჩამოსულა მემამულეთა შვილებისათვის გალობის სასწავლებლად. მერე მომღერალი ყმა ქალი შეურთავს და სამუდამოდ აქ დასახლებულა. ალექსანდრე გიორგის ძე თავს რუსად თვლიდა და „ევგენი ონეგინში“ წაკითხულის გარდა არც ერთი იტალიური სიტყვა არ იცოდა.

იგი ბიბლიოთეკასთან ცხოვრობდა, პატარა ოთახში. ქვრივი იყო და მისი ერთადერთი ქალიშვილი ლენინგრადში სწავლობდა ოკეანოლოგიის ფაკულტეტზე.

აპრილის ერთ საღამოს ალექსანდრე გიორგის ძე თავის ქალიშვილს წერილს სწერდა. ატყობინებდა, რომ ცივი გაზაფხული დადგა. მესამე დღეა, სველი თოვლი მოდის, ქუჩაში ჰყაპია და კაცს გარეთ გასვლაც არ სწადიაო...

„ბოდიში, ტანია, წინა თვეში რომ შეპირებულზე ნაკლები ფული გამოგიგზავნე, — სწერდა ალექსანდრე გიორგის ძე, — მოგეხსენება, ზოგჯერ ხდება ხოლმე, რალაცებში შემომეხარჯა. ამ თვეში კი აუცილებლად მთლიანად გამოგიგზავნი და შენი ვალიდან ამოვალ. საღამოობით სამთო ინსტიტუტისთვის ახალ კატალოგს ვადგენდი და ცოტაოდენი გამოვიმუშავე“.

უყვარდა, ქალიშვილს რომ გრძლად და დაწვრილებით სწერდა. თუმცა ევქვებოდა, რომ იქ, ლენინგრადში, მისი საბიბლიოთეკო ჩალიჩი ძალიან დაინტერესებდა, მაინც მისწერა, ყველანი მაიაკოვსკისადმი მიძღვნილი დიდი ლიტერატურული საღამოსთვის ვემზადებით და გადავწყვიტეთ, საოლქო თეატრიდან ლექსების წასაკითხად დაოსტატებული მსახიობი მოვიწვიოთო.

ალექსანდრე გიორგის ძემ წერა შეწყვიტა. მაიაკოვსკის საღამომდე თითზე დასათვლელი დღეებიღა რჩებოდა და მსახიობს კი ჯერაც არ მოლაპარაკებოდა. ოთახი დაკეტა და სამკითხველო დარბაზისკენ გაემართა. მაგიდებთან თითქმის ყველა სკამი დაკავებული იყო. ღუმელს უკან, კუთხეში, მალალყვრი-მალეებიანი ბურიბატი ქალიშვილი „კაცობრიობის ისტორიას“ კითხულობდა. საბიბლიოთეკო წესების მუდმივი დამრღვევი გლებ ივანიცინი სკამს ისე გადასჯდომოდა, თითქოს ცხენიაო, და გასასვლელი ჩაეკეტა. ამ ივანიცინს ბიბლიოთეკიდან აქამდე გარიცხავდა, კითხვის დაუოკებელ სურვილს რომ არ ამჩნევდეს. მოუსაზრებელი ჭაბუკი ყველაფერს ერთნაირი გატაცებით კითხულობს; სათავგადასავლო ნაწარმოებებია, ლექსები თუ მემუარები. ჰეგელიც კი მოუთხოვია. ორი წელია, რაც ალექსანდრე გიორგის ძე შეურიგებელ ომს აწარმოებს მასთან. ივანიცინი ფურცლის კუთხეებს კეცავდა, წიგნებს კი, ალბათ მამისეულ, ოფიცრის ქამარში იჩრიდა. მისი მთავარი დანაშაული მაინც არშიებზე გაკეთებული შენიშვნები იყო. მოსაწონ ადგილებს აწერდა: „მაგარია!“ ანდა „ძლიერია, შე მაწანწალავ!“ „ეგრე, მაში!“ ზოგჯერ კითხვის ნიშნებსაც

სვამდა, მერე კი ამტკიცებდა, ეს წარწერები წიგნში იყო. საერთოდ, ბევრი ჯახირი უხდებოდა მასთან.

მოიცათ... ეს რა ამბავია? ფანქრით ხაზავს? ალექსანდრე გიორგის ძემ ნაბიჯს აუჩქარა და დაინახა, რომ გლები „ოგონიოკიდან“ კროსვორდს ხსნიდა, „ისევ გადარჩა“, გაიფიქრა მოხუცმა ბიბლიოთეკარმა და შეცვალა დაუტანა:

— აღამიანურად დაჯექი!

გლებმა წარბებქვემოდან გამოხედა, უხალისოდ გასწორდა და ისევ კროსვორდს ჩაუღრმავდა.

როცა ხალხმრავლობა იყო, ალექსანდრე გიორგის ძეს მკითხველთა დარბაზში შეხედვა უყვარდა. ახლაც მაგილებს შუა დინჯად გაიარა, რათა დაეთვლიერებინა, ვინ რით იყო დაკავებული და ევარაუდა, რისი მოწესრიგება ან შეცვლა შეიძლებოდა. ამგვარ წუთებში ძალიან ამაყობდა ამ ულამაზო ზარეჩინის ბიბლიოთეკით, გულის სიღრმეში კი ცოტათი საკუთარი თავითაც.

ალექსანდრე გიორგის ძემ მოულოდნელად შენიშნა, რომ თალიდან, ლერმონტოვის პორტრეტთან, ბათქაში ჩამოვარდნილიყო. ზაფხულამდე ვეღარ გაუძლია, სანამ შეაკეთებენ... სურათს ადგილი უნდა შეეცვალოს, ხინჯი რომ დაიფაროს, — გაიფიქრა და დახლთან მივიდა, საიდანაც დარბაზის გამგე ზინაიდა მაქსიმეს ასული წიგნებს იძლეოდა.

ალექსანდრე გიორგის ძემ გადაწყვიტა მისთვის რჩევა ეკითხა: თეატრში რა ხანია არ ყოფილა და არ იცოდა, სახელდობრ ვისი მოწვევა შეიძლებოდა. არადა, კარგი, დაოსტატებული მსახიობი სჭირდებოდა.

ზინაიდა მაქსიმეს ასულს თეატრის დიდი თაყვანისმცემლად იცნობდნენ, რაშიც, ალექსანდრე გიორგის ძის აზრით, ხელს ის უწყობდა, რომ ფილარმონიის ახლოს ცხოვრობდა. იგი ბატარა, ფუნთუშა ქალი იყო, თავს ყოველთვის იახალგაზრდავებდა და ზუსტად არავინ იცოდა, რამდენი წლისა იყო. თეთრი მაქმანის საყელო, პენსნე, საფეთქლებთან დახუჭუჭებული თმა და უსაშველოდ დაქლაქა ლოყები მართლაც გაურკვეველი ასაკისას აჩენდა. ალექსანდრე გიორგის ძე გულში უზრახავდა გაახალგაზრდავებისაკენ სწრაფვას და თეატრალური ნაცნობების გავლენას მიაწერდა. ახლა კი მისი ეს ნაცნობობაც და თეატრალური ცხოვრების ღრმა ცოდნაც საოცრად საჭირო აღმოჩნდა.

შეკითხვაზე, ვინ აჯობებს, რომ მოვიწვიოთ, ზინაიდა მაქსიმეს ასულმა მაშინვე უპასუხა:

— რა თქმა უნდა, ზოლოტნიკოვი.

— ივარგებს? კარგია?

ზინაიდა მაქსიმეს ასულს გაუკვირდა, ბიბლიოთეკარი რომ ასეთ გამოჩენილ მსახიობს არ იცნობდა.

— მსახიობი კი არა, საოცრებაა, — თქვა თვალების წკურვით, — რა ხმა აქვს, მანერები, აღნაგობა, თანაც ლაურეატია.

— ლაურეატიც?

— მხატვრული კითხვის რესპუბლიკური კონკურსისა, — რატომღაც დარცხვენით განმარტა ზინაიდა მაქსიმეს ასულმა.

— ეგ ცოტა არ არის, — შეაფასა ალექსანდრე გიორგის ძემ ზოლოტნიკოვის წარმატება.

იგი გაჩუმდა, ჩაფიქრდა, მერე ტიხარს იქით პატარა მაგიდასთან მივიდა და მსახიობს დაურეკა.

— პრინციპში სადავო არაფერი მაქვს, — უპასუხა ზოლოტნიკოვმა, — შემოიარეთ და წვრილმანებზე მოვილაპარაკოთ.

ზინაიდა მაქსიმეს ასულმა სალამოსთვის აფიშის დაწერა თქონის ნიშნა.

— ზოლოტნიკოვის გვარს ოქროსფერი ასოებით დავაწერ, — შესთავაზა თავისი აღმორჩენა.

— ოლონდ ისე არ გამოგვივიდეს, თითქოს მაიაკოვსკის სალამოს კი არა, ზოლოტნიკოვის სალამოს ვაწყობდეთ, — გააფრთხილა ალექსანდრე გიორგის ძემ, — და კიდევ მკითხველ-აქტივისტებს და პენსიონერებს მოსაწვევები უნდა გავუგზავნოთ.

წიგნების გამოსაცვლელად გლებ ივანიცინი მოვიდა. ნეკრასოვის ტომი ჩაბარა და მაინ რიდის ერთ-ერთი ნაწარმოები მოითხოვა, თუნდაც „უთავო მხედარი“ იყოსო.

„ისევ განურჩევლად კითხულობს“, — გაიფიქრა ალექსანდრე გიორგის ძემ.

„უთავო მხედარი“ არ აღმოჩნდა და ზინაიდა მაქსიმეს ასულმა „გამგზავრება დედამიწის ცენტრისკენ“ შესთავაზა.

— კარგია, — დაუთმო გლებმა, — ვნახავ, რა ხდება ჩვენი სფეროს შიგნით, — მკითხველის ბარათში ხელი მოაწერა და გასასვლელისაკენ წავიდა.

ალექსანდრე გიორგის ძემ მახვილი მზერით გააცილა. არც მოტყუებულა: გლებს უნდოდა წიგნი ქამარში ჩაეჩარა, მაგრამ უკან რომ მოიხედა, განზე ისე ფრთხილად გასწია, თითქოს სათლით წყალი მიაქვსო.

ალექსანდრე გიორგის ძის ფიქრები ისევ მაიაკოვსკის სალამოს დაუბრუნდა: დახლიდან მისი ტომი აიღო, გვერდები შეამოწმა და მზერა პორტრეტზე შეაჩერა. პოეტი წარბეზსკვემოდან პირდაპირ თვალეში უცქეროდა და ისეთი იყო, როგორც მოსკოვში, პოლიტიკურ მუზეუმში როცა ნახა. სხვა შეხვედრაც გაახსენდა... წიგნის ბაზარზე. სწორედ აქ გამოელაპარაკა ვლადიმერ ვლადიმერის ძეს და ორიოდ სიტყვით აზრიც გაუზიარა. პოეტმა მაშინ პატარა წიგნი აჩუქა, რომელზეც იქვე წაუწერა. ყოველივე ეს მისი ახალგაზრდობის შორეულ წლებში მოხდა, საბიბლიოთეკო ტექნიკუმში მეცადინეობის დამთავრების შემდეგ ლიტერატურულ სალამოებზე რომ დარბოდა. მაშინ თვითონაც აპირებდა „მარგლიანი ღრუბლის“ მსგავსი პოემისა თუ „აბანოს“ მსგავსი რაღაც პიესის დაწერას. მაშინდელი ამჩატება ახლა უკვირდა კიდევ. მიხვდა, რომ ლიტერატურული ნიჭი სულაც არ ჰქონია. სამაგიეროდ მის ბიბლიოთეკაში წიგნი თაროზე არ ჩერდებოდა. იქ გამართულ მასობრივ ღონისძიებებზე დასასწრებლად კი ქალაქის ცენტრალური რაიონებიდანაც კი მოდიოდნენ ბიბლიოთეკარები. ალექსანდრე გიორგის ძე თავსამტვრევ ვიქტორინებს მართავდა, აქტივს ადგილობრივ მწერლებთან ახვედრებდა, მხატვრული კითხვის კონკურსებსა და ლიტერატურულ დისპუტებს აწყობდა.

მეორე დღეს ზოლოტნიკოვთან წასასვლელად გაემზადა. ერთხანს გაუბედვად იდგა პარმალზე. ისევ ნესტიანი ამინდი იდგა. მღვრიე ციდან დაცვენილი ფიფქები ქვაფენილზე მაშინვე დნებოდნენ. ალვის ხეს ქარი არხევდა და საშოშიესთან გათოშილი ბელურა ტოტზე თავს ძლივს იმაგრებდა.

ბოლოს ალექსანდრე გიორგის ძე პარმალიდან ჩამოვიდა, გუბეებს გვერდი უქცია და ხის სლიბ ტროტუარს დაუყვა.

ფიქრობდა, მსახიობს ფული უნდოდა და ფული კი ცოტა ჰქონდა. ეშაქმა წაიღოს, რა ძალიან ცოტა დაუშვეს წელს მასობრივი ღონისძიებებისთვის. თუმცა მსახიობისათვის მისაცემი თანხა შედარებით მცირეა სამუშაოს ხარჯზეც შეიძლება ანაზღაურდეს. ახალი კატალოგი რომ შეადგინეს, მცირე დანაზოგი, ზუსტად ათი მანეთი, იქიდან დარჩა. „დავუშვათ, რომ ზოლოტნიკოვის გასტუმრება მოვახერხეთ, — ფიქრობდა ალექსანდრე გიორგის ძე, — სხვა საღამოებს როგორღა მოვაწყობთ? უეჭველად კულტურის განყოფილებას უნდა დავაწვე...“ მაგრამ იქვე დაადგინა, გინდა დააწეჭი და გინდა არა, საეჭვოა, რაიმე გამოვიდესო. „დაწოლა“ ეუხერხულებოდა კიდევ, რადგან საერთოდ ბიბლიოთეკამ ახლა შარშანდელზე მეტი ფული მიიღო. ეს თანხა შენობის გასარემონტებლად და წიგნების შესაძენად უნდა. საგაზაფხულოდ ღუმელების გაკეთებასაც აპირებდა, იატაკის შეღებვასაც და ავეჯის ყიდვასაც.

ხიდზე გადიოდა. ძირს, მღვრიე წყალში, ყავისფერი ყინულები მიცურავდნენ, ნავში მჯდარი ვიღაც თავგამოდებული მეთევზე კი რულეტს ახვევდა. „რა მტანჯავ სურვილს შეუბყრია ეს კაცი ამ სიცივეში“, — გაიფიქრა ალექსანდრე გიორგის ძემ და წიგნებით სავსე პორტფელი ილღიაში ამოიჩარა. უკან მობრუნებისას ეს წიგნები საამკინძაო საამქროს უნდა ჩააბაროს.

ხიდზე სატვირთო მანქანა ამოვიდა. ძარაზე გლებ ივანიცინი იდგა. ბეწვის-საყელოიანი გაღელილი ქურთუკი და მოთხილამურის შარვალი ეცვა. პირისახე ქარისათვის მიეშვირა, ხელებით კი ბაგირზე მდგარი ცირკის მსახიობივით წონასწორობას იცავდა. მან ალექსანდრე გიორგის ძეს რაღაც დაუყვირა, მგონი, მიესალმა.

— თავხედი! — ხმამაღლა თქვა ალექსანდრე გიორგის ძემ, — ქალაქში დაქრის და სკოლას კი ალბათ აცდენს.

ალექსანდრე გიორგის ძემ ელექტროსაათს შეხედა: მსახიობთან შეხვედრამდე რამდენიმე წუთი რჩებოდა. იქვე, საათქვეშ, ჰადრაკულუჯარედებიანი ორი მსუბუქი ავტომანქანა იდგა, მოპირდაპირე ყრუ კედელზე კი პლაკატი გაეკრათ: „ტაქსი — ტრანსპორტის ყველაზე ხელსაყრელი სახე“. ალექსანდრე გიორგის ძემ ამოიოხრა და ნაბიჯს მოუმატა. გუბეებს უკვე აინუნში არ აგდებდა.

დანიშნულ დროზე მსახიობს მიუკაკუნა.

— დიახ, დიახ, გთხოვთ! — უბასუხეს შიგნიდან.

ალექსანდრე გიორგის ძე შევიდა. ხის სავარძელში აბრეშუმის პერანგსა და ჟილეტში გამოწყობილი მამაკაცი იჯდა. ბიბლიოთეკარი კართან უხერხულად შეჩერდა — ყელიანი ფეხსაცმელი დასვრილი ჰქონდა, იატაკი კი სუფთად იყო მორეცხილი.

ზოლოტნიკოვი წამოდგა. დიდი, მალააწეული თავი სწორად ეჭირა, ჰადრაკულუჯარედული თმის ბლუჯა შუბლზე ჩამოშლოდა. მსახიობი დარცხვენულ სტუმარს მარჯვედ დაეხმარა, პალტო გახადა და სკამიც შესთავაზა. იგი მომეტებულად თავაზიანობდა და ალექსანდრე გიორგის ძემ იფიქრა, ალბათ რომელიმე სპექტაკლიდან როლს თამაშობსო.

ძლივს მოახერხა დაჯდომა, რომ მეზობელი ოთახიდან ფლანელის ხალა-

თიანი, პირხმელი და გაბუდრული ქალი გამოჩნდა. ხელში კონსერვის ყუთი და დიდი სამზარეულო დანა ეჭირა.

— ერთი წუთით, პეტრუშა, — დაუძახა და სტუმარს ისე თავაზიანად მიესალმა, ალექსანდრე გიორგის ძე მაშინვე სიმბათით განიმსჭვავლა, იგრძნო, რომ სითამამე ემატებოდა.

— მაპატიეთ, — მოიბოდინა ზოლოტნიკოვმა. ალექსანდრე გიორგის ძემ ოთახი მოათვალიერა. მისი ყურადღება მოდილო კარადამ მიიპყრო, სადაც დრაიზერის, ბალზაკის, ჩეხოვის პატარა ტომების ოქროსფერი ყუები ბრწყინავდა. „ხელმოწერითა“, — გამოიცნო და იხანა, თეატრს გადაყოლილმა ზინაიდა მაქსიმეს ასულმა ბიბლიოთეკისათვის ჰიუგოს თხზულებათა გამოწერა უკვე რომ დააგვიანა. ამათ კი, ეტყობა, წიგნის ფასი იცინა, და ალბათ რიგში იდგნენ, ისე გამოიტანეს.

გაქუცულმა უდაკრული ტახტის ზემოთ ზოლოტნიკოვის რამდენიმე პორტრეტი ეკიდა. ყოველ სურათზე იგი განსხვავებული ცხოვრებით ცხოვრობდა. ერთგან ჩალმასა და ჭრელ, აზიურ ხალათში იყო გამოწყობილი, მეორეგან კეფაზე თავმომწონედ მოეგდო მეზღვაურის ქუდი და ზოლიანი მაისური ჩაეცვა. ხან თავმდაბლურად იყურებოდა მღვდლის ანაფორამოსილი, ხანაც პატიმრის ქურთუკში გამოწყობილი პირქუშად იღუშებოდა. ერთი სურათი კი ყველასაგან განსხვავდებოდა. ბაღში, რომელშიც დიდი სახლის წინ, მხცოვან, განთქმულ მსახიობს — ალექსანდრე გიორგის ძემ რომ მაშინვე ამოიცნო — ღვდახუთოდე წლის ჭაბუკები და ქალიშვილები შემოხვეოდნენ და რაღაცაზე იცინოდნენ. ქვემოთ კი წარწერა მოჩანდა: „თეატრალური ხელოვნების ინსტიტუტი, 1938 წლის გამოშვება. ქ. მოსკოვი.“ ზოლოტნიკოვიც აქ იყო, ახოვანი და დაკუთხულსახიანი. ხავერდის მოკლე ქურთუკში წვრილი ყელი მაღლა აეღირა და განმარტოებით იდგა.

ალექსანდრე გიორგის ძე ამ სურათს ათვალიერებდა, ზოლოტნიკოვი რომ ზემოვიდა.

— ჩვენი ინსტიტუტია! — თქვა და თვალეში სითბო ჩაუდგა, — აი, როგორი ვიყავი... — ფრთხილად შეეხო ფოტოსურათს.

— შეცვლილხართ, — თავაზიანად მიმართა ალექსანდრე გიორგის ძემ.

— რა თქმა უნდა, — გაეღიმა ზოლოტნიკოვს, — წლები, წლები! — და როგორღაც სწრაფად გადავიდა საქმეზე: — ესე იგი, სალამო თოთხმეტშია?... ნება მიბოძეთ, გავიგო, რა გვაქვს თოთხმეტში, — გადაფურცლა უბის წიგნაკი, — რა დროს არის? ექვსი საათისთვისო? რას ამბობთ?... ბოდიშს მოგიბდით... მხედველობიდან სულ გამომრჩა, ხუთშაბათობით რომ მექანიკურ ქარხანაში თვითმოქმედების წრე მაქვს, ახლა პარასკევისთვის გადმოიტანეს, რაკილა, მგონი, პროფკავშირის კრება აქვთ.

— არ დაგვალატოთ! — მტკიცე ხმით მიმართა ალექსანდრე გიორგის ძემ, რასაც ზოლოტნიკოვი სრულიად არ ელოდა, — უკვე აფიშაც დავხატეთ და მოსწავლეებიც დავგზავნეთ. ნუ გაგვაწბილებთ.

ალექსანდრე გიორგის ძეს მოეჩვენა, რომ ზოლოტნიკოვმა ისეთი ყურადღებით შეათვალიერა, თითქოს წიგნებიან-პორტფელიანად შეაფასაო, მერე შეყოყმანდა და ფრთხილად მიუგო:

— ასეთი სალამოსათვის, როგორც ხედავთ, წრის გაცდენაც შემეძლო, თუ

რა თქმა უნდა, გარკვეული ანაზღაურება იქნება. მსგავს შემთხვევაში ოფიცერთა სახლმა ოცდახუთი მანეთი გადამიხადა.

ალექსანდრე გიორგის ძემ დააპირა ეთქვა, მასობრივი ღონისძიებებისათვის რომ მცირე თანხა ჰქონდათ და გასამრჯელოს ნაზღაურის გადახდა შეეძლოთ. მაგრამ ზოლოტნიკოვის კეთილ თვალეებში სიცივე რომ გაერთა, ხმა ველარ ამოიღო. როგორ მოიქცეს? არადა, მკითხველმა მხოლოდ ხელოვანის წაკითხული მაიაკოვსკი უნდა მოისმინოს... ალექსანდრე გიორგის ძეს შეეშინდა, დუმილი უარად არ ჩამითვალოსო და დაჰპირდა, აგინაზღაურებთო.

— ასე რომ, შევთანხმდით, — წამოდგა ზოლოტნიკოვი, — ჰო, მართლა, ზარეჩინში როგორ მოვაგნოთ? ეს ხომ არც ისე ახლოსაა და მე კი ცხრა საათზე ტელესტუდიაში უნდა ვიყო. ტრანსპორტი გაქვთ?

ალექსანდრე გიორგის ძეს მოედანზე გაკრული მაცდუნებელი პლაკატი გაახსენდა და ყოყმანით შესთავაზა:

— ტაქსი რომ შევუკვეთო?

— რა თქმა უნდა, ეგ ყველაზე ხელსაყრელია.

ერთმანეთს დაემშვიდობნენ და ალექსანდრე გიორგის ძე წავიდა.

ალექსანდრე გიორგის ძემ მსახიობს თოთხმეტი აპრილის საღამოს შეუარა. ზოლოტნიკოვი მძლოლის გვერდით დაჯდა და ზარეჩინში წავიდნენ. მრიცხველი გულგრილი კაკუნით ითვლიდა კილომეტრებს. სტუმრის ზურგიდან იგი შიშით უთვალთვალეზდა თეთრ პატარა ხვრელს, რომელშიც ელვისსისწრაფით ენაცვლებოდნენ ერთმანეთს შავი ციფრები — ოცი კაპიკი, ოცდაათი, სამოცი...

ალექსანდრე გიორგის ძემ ბულალტერიიდან წვალეებით მოახერხა ფულის ერთი ნაწილის გამოტანა. ზუთი მანეთის სესხებას ზინაიდა მაქსიმეს ასული შეჰპირდა, დანარჩენს კი საილხანაც იშოვიდა, თვითონ იცოდა.

ბიბლიოთეკას რომ მიადგნენ, გამოიამინდა. საღამოს მზე ბებერი ალვის კენწეროს ოქროსფრად აელვარებდა, საშოშიესთან მიჩვეული ბელურა მზიარულად ჭიკჭიკებდა.

— ესე იგი, ორი საათის შემდეგ დაბრუნდებით, — უთხრა ზოლოტნიკოვმა მძლოლს, — ოღონდ, გთხოვთ, არ მომატყუოთ.

მძლოლმა თანხმობის ნიშნად თავი დაუქნია და შეპირდა, რომ დროზე მოვიდოდა.

— მყუდრო ბიბლიოთეკა გქონიათ, — ჩაფიქრებით თქვა ზოლოტნიკოვმა, თან კედლის ჩუქურთმებს, ცისფრად შეღებილ დარაბებსა და პარმალს ათვალთვალეზდა, რომლის თავზეც მავთულეებში გახლართული ფრანი ეკიდა. და იცით, თითქოს ძალიან მიახსენებდა ერთი სოფლის კლუბს. ის ალბათ ახლა აღარც არის...

ალექსანდრე გიორგის ძემ შენიშნა, რომ ზოლოტნიკოვს ისეთივე თბილი და ალერსიანი თვალეები გაუხდა, როგორც მაშინ, სტუდენტობის სურათს რომ ათვალთვალეზდა. თუმცა ბოლო დღეებში „ანაზღაურებისათვის“ საჭირო თანხის შეგროვებით რომ გაიტანჯა, მსახიობზე ისე გაგულისდა, დაადგინა, ამჯერადაც რომელიმე როლს თამაშობსო. საიდან უნდა სცოდნოდა, რომ აი, ასეთივე სახლში, შორეული იმიერბაიკალის სოფლის ყველაზე საუკეთესო

სახლში, ახლანდელმა მსახიობმა და ლაურეატმა, მაშინ კი უბრალოდ, პეტია-შამ, პატარა კლუბის სცენაზე თავისი პირველი როლი ითამაშა.

დერეფანში, აფიშასთან გავლისას, რომელზეც მსახიობის გვარი ოქროსფრად ეწერა, ორიენი წამით შეყოვნდნენ. მოულოდნელ მოგონებებში გართულმა ზოლოტნიკოვმა აფიშა გულგრილად ჩაათვალიერა. ალექსანდრე გიორგის ძემ კი რამდენჯერმე წაიკითხა. თუმცა მისი გვარი არც ეწერა და მოხსენება უბრალოდ იყო გამოცხადებული.

— მაინც ვინ არის მომხსენებელი? — იკითხა ზოლოტნიკოვმა.

ალექსანდრე გიორგის ძემ უპასუხა.

— ოო, სასიამოვნოა! — თავი დაუქრა, — მაშინ უნდა დაგეწერათ, რომ მომხსენებელი თქვენა ხართ.

— დიახ, რა თქმა უნდა! — აღელდა ალექსანდრე გიორგი ძე, — მაგრამ, მოგეხსენებათ, ისეთი მყვირალა გვარი მაქვს — კვან-ტე-ლი-ონი, იფიქრებდნენ, შორიდან ჩამოვიდა, საიდანმეო. საერთოდაც...

— ხარკოვში ჩემთან ერთ სეზონს ვინმე კვანტელიონი თამაშობდა. თქვენი ნათესავი ხომ არ არის?

— არა, არა, რას ბრძანებთ! — ისე იუარა ალექსანდრე გიორგის ძემ, თითქოს რალაცას აბრალებდნო.

მსახიობს გაეღიმა.

ისინი სამკითხველო დარბაზში შევიდნენ. აქ უკვე ბევრ ხალხს მოეყარა თავი. ზინაიდა მაქსიმეს ასულს მკითხველი-აქტივისტები, სამთო ინსტიტუტის ზოგიერთი სტუდენტი და მეთექვსმეტი სკამების დაწყობაში ეხმარებოდნენ. ახალ ქუთუბში გამოწყობილი გლეხ ივანიცინი საბიბლიოთეკო ტექნიკუმელ ქალიშვილებს კედლის გაზეთის გაკვრაში ეხმარებოდა და რჩევას აძლევდა, მაიაკოვსკის პორტრეტი როგორ დაეკიდათ. წესების დამრღვევი საექვოდ აქტიურობდა, მაგრამ ალექსანდრე გიორგის ძეს მისი ოინები სწრაფად დაავიწყდა.

ზოლოტნიკოვის დანახვისას რიგებს წყნარმა ჩურჩულმა დაუარა.

— მსახიობი მოვიდა, მსახიობი...

ზოლოტნიკოვი შეჩერდა, დარბაზი მოათვალიერა.

— შიგნით, ეტყობა... — თქვა იმავე შემპარავი ხმით, — აგერ ბათქაშიც კია ჩამოცვენილი.

ალექსანდრე გიორგის ძეს ჯავრი მოერიდა, ლერმონტოვის სურათი რომ ვერ გადაადგილეს. არადა, აი, სხვებიც ამჩნევენ უწესრიგობას.

მორთულ-მოკაზმულმა ზინაიდა მაქსიმეს ასულმა, სუნამოს სურნელს რომ აფრქვევდა, ხუჭუჭები სწრაფად შეისწორა და ღიმილით გაიყვანა სტუმარი მოზრდილ ოთახში, რომელიც ალექსანდრე გიორგის ძის კაბინეტი იყო.

ზოლოტნიკოვმა ქუდი მოიხადა, პალტო და შარფი მოიძრო და მაიაკოვსკის კრებული მოითხოვა, თანაც — ერთი ჭიქა ტკბილი ჩაი თუ შეიძლება, ჩადგან ყელში რალაც მაწუხებსო. წიგნი მაშინვე უშოვეს, მაგრამ ჩაიზე შეყოვნდნენ. ეუხერხულათ, ვინ იცის, ჩაის გარეშე გამოსვლა უჭირს და როგორ ვერავინ მოვიფიქრეთო, თვითონ ყოვლისმცოდნე ზინაიდა მაქსიმეს ასულმაც კი გერ გაითვალისწინაო.

ჩაისთვის მოხუცი დამლაგებელი გაგზავნეს ბიბლიოთეკარის ოთახში.

როცა დაბრუნდა, მსახიობს მოწიწებით დაუდგა მუქი ჩაი და შაქარი ბადრიჯნის ნაკონსერვალი მინის ქილით.

— ფული მოვიტანე, — ხმამაღლა უჩურჩულა ზინაიდა მაქსიმეს ასულმა ბიბლიოთეკის გამგეს, და ჩანთაზე ხელი დაიტყაბუნა.

— სუ-უ... — მსახიობისკენ მიანიშნა ალექსანდრე გიორგის ძემ.

ზოლოტნიკოვი წიგნს ჩაღრმავებოდა და ჩაის პატარა-პატარა ყლუბებით სვამდა. ალექსანდრე გიორგის ძეს მაინც მოეჩვენა, რომ სუფლიორის ჩურჩულს მიჩვეულმა მსახიობმა ყველაფერი კარგად გაიგო და მიხვდა, რომელ ფულზეც ლაპარაკობდნენ.

დარბაზში მოუთმენელი ტაში გაისმა. ზინაიდა მაქსიმეს ასულმა კოფტის მაჯა აიწია და საათს დახედა.

— დაწყების დროა, — თქვა და ალექსანდრე გიორგის ძეს მიუბრუნდა — აქ, თქვენთან, ბიჭებმა დარეკეს მეხუთე სახელოსნო სასწავლებლიდან, მოხოვეს, შემეხსენებინა, რომ დღეს მათაც საღამო აქვთ და თქვენს ლექციას უცდიან.

ყველაფერი კარგად მახსოვსო, უბასუხა ალექსანდრე გიორგის ძემ, პალსტუხი გაისწორა და დარბაზისკენ ისეთივე მღელვარებით გაემართა, როგორც ოციოდე წლის წინათ, პირველი მოხსენება რომ უნდა წაეკითხა.

საღამო ზინაიდა მაქსიმეს ასულმა გახსნა.

ალექსანდრე გიორგის ძე ფანერის შემალღებულ ტრიბუნაზე ავიდა და მოხსენება დაიწყო. სანამ მაიაკოვსკის შემოქმედების მნიშვნელობასა და მისი ბავშვობის წლებზე საუბრობდა, დარბაზში ვიღაც ახველებდა, ჩურჩულებდა კიდევ, ვიღაცას გაზეთის შრილით გაშლაც მაშინ მოუნდა. გლებ ივანიცინი კი, ყურადღებით მოსმენას რომ აპირებდა, მოწყენილი იჯდა, თითქოს უნდოდა წამოეძახა: ეგ ყველაფერი წავიკითხეო.

მაიაკოვსკისა და მსმენელთა შორის ჩამდგარმა ალექსანდრე გიორგის ძემ როდესაც პოეტთან თავისი შეხვედრების ამბავი დაიწყო, დარბაზი გაისუსა და ყველა წინ წაიხარა. არაფერი დავიწყებია, ისიც კი გაიხსენა, მაიაკოვსკი თუ როგორი სისწრაფით გამოვიდა სცენაზე, როგორ გადაიგდო ფართო მხრებიდან ყავისფერი პიჯაკი და მარჯვენა მუშტის ქნევით როგორ კითხულობდა ლექსებს. შემდეგ ალექსანდრე გიორგის ძემ მაიაკოვსკის ავტოგრაფიანი კრებული მაღლა ასწია და დარბაზს გადასცა, რომ მისი ნახვით ყველა დამტკბარიყო.

სანამ წარწერიან ძველ წიგნს ათვალეერებდნენ, ალექსანდრე გიორგის ძემ მოხსენება შეწყვიტა. წიგნი ხელიდან ხელში გადადიოდა.

— არც ვიცოდი, ცოცხალ მაიაკოვსკის თუ შეხვედრიხართ, — წყენანარევი ხმით ჩაილაპარაკა ზინაიდა მაქსიმეს ასულმა, — რატომ ერთხელ მაინც არ ვითქვამთ?

— შემთხვევა არ მომცემია, — უბასუხა ალექსანდრე გიორგის ძემ.

პატარა ბიბლიოთეკის დარბაზს ასეთი ტაში არასოდეს გაუგონია, მოხსენების შემდეგ რომ გაისმა. უკანა რიგიდან ვიღაცამ, ალბათ ხუმრობით, „ბის“იც კი დაიძახა. ალექსანდრე გიორგის ძემ სათვალე გაწმინდა, დარბაზს ადღეღვებით გადახედა და დაინახა, რომ ბურიბატი ქალიშვილი და სხვა მისი ნაცნობები ისევ ტაშს უკრავდნენ. მხოლოდ გლებ ივანიცინი არ უკრავდა:

დაწითლებული და თმააბურძენილი ისე მისჩერებოდა, თითქოს პირველად ხედავსო.

4



მხატვრული ნაწილი დაიწყო.

— ახლა ჩვენი მკითხველი გლებ ივანიცინი, — გამოაცხადა ლექსის მიმართ, — წაიკითხავს მაიაკოვსკისადმი მიძღვნილ საკუთარ ლექსს.

დარბაზში მოწონების გუგუნი გაისმა.

აღელვებული და გაწითლებული გლები მაგიდისკენ უხერხულად წავიდა, წაიბორძიკა და ტრიბუნასთან მისვლამდე წამოიძახა:

ერთხელ მას შეეხვდი

ჩვენს ზარეჩინში...

ზინაიდა მაქსიმეს ასულის გასაგულისებლად ჯიბიდან ხელის ამოღება ისევ დაავიწყდა, მაგრამ, სულ ერთია, მაყურებელმა ვერც შეამჩნია, იმდენად გახარებული იყო ზარეჩინელი პოეტის გამოჩენით.

ლექსებში საინტერესოდ იყო ნათქვამი, გლები როგორ შეხვდა პოეტს თავის ქალაქში და ქუჩებში ბოლთას როგორ სცემდნენ. როგორ ათვალიერებინებდა თავის სკოლას, მექანიკურ ქარხანას და მშენებარე ელექტროსადგურს. დამშვიდობებისას მაიაკოვსკიმ ჰკითხა, უმსგავსთა საქმე როგორ არისო, სულ გადაწენდნენ თუ კიდევ გვხვდებიანო ბიურჟუაზიები, მლიქვნელები და სხვა ჯურის „სუბიექტები“. გლები პასუხობს, ჯერ კიდევ გვხვდებიანო, და პირობას აძლევს, რომ მათ შეებრძოლება.

გლებს ისეთი ოვაცია გაუმართეს, ქუჩაში გამვლელნი ჩერდებოდნენ, ორი ახალგაზრდა მილიციელი კი შიგნითაც შემოვიდა: რა ხდება, ჩვენს დახმარებას ხომ არ საჭიროებთო. მერე ახალი ქუდები მოიხადეს, დარბაზში ფეხაკრეფით შევიდნენ და სალამოს დამთავრებამდე დარჩნენ.

გლების ხარვეზიან ლექსებში პოეტის თანდაყოლილი ნიჭი შეიმჩნეოდა, „დახმარებაა საჭირო, — გაიფიქრა ალექსანდრე გიორგის ძემ, — აუცილებლად დახმარებაა საჭირო. წიგნებს ამიერიდან მე თვითონ შევუბრუნებ, მწერლებთანაც წავეყვან, დაე, ისინიც დაინტერესდნენ“.

ზოლოტნიკოვი კარიდან უსმენდა, დარბაზში რაც ხდებოდა.

— ნიჭიერი ყმაწვილია! — წაიბურტყუნა და ცოტა არ იყოს, შურით გაიფიქრა, რომ ამ ახალგაზრდას ყველაფერი წინ ჰქონდა, მოსკოვიც, ინსტიტუტში სწავლაც და კიდევ მრავალი დღევა და სიხარული. ეს ბიჭი თუნდაც პოეტი არ გახდეს, პირველი წარმატება მთელი სიცოცხლე ემახსოვრება... მისთვის კი რა მნიშვნელობა აქვს დღევანდელ დღეს? ერთი საშუალო გამოსვლაა დამატებითი შემოსავლისათვის. და უცებ გუნება წაუხდა.

ამასობაში ზოლოტნიკოვი გამოაცხადეს.

აი, გამოვიდა. ტრიბუნის გვერდით ორიოდ წამით შეყოვნდა და ჭერში აიხედა, მერე თავი მკვეთრად აიქნია და კითხვა დაიწყო. მისმა ხავერდოვანმა და მყდერმა ხმამ დარბაზი ერთბაშად დაიპყრო. ალექსანდრე გიორგის ძეს დიდბუნებოვან კაცად მოეჩვენა იგი, სწორედ ისეთად, ლექსების ავტორს რომ შეეფერება.

ზოლოტნიკოვმა საკმაოდ ბევრი წაიკითხა და თანაც მშვენიერად. როცა იმეორებდა და დარბაზს გამარჯვებული გახედავდა ხოლმე, სალამოს წარმატება და მრავალი გაბრწყინებული თვალის დანახვა აცარებდა და, როგორც სა-

ერთოდ კარგად წაკითხული მაიაკოვსკის ლექსების მოსმენისას ემართებოდა, ეჩვენებოდა, რომ ჯერ ისევ ახალგაზრდაა, ძლიერი და ცხოვრებაში კიდევ რაღაც დიდს გააკეთებს.

ზოლოტნიკოვმა საკმაოდ ბევრი წაკითხა და თანაც მშვენივრად. როცა დაიღალა, ჩაილაპარაკა, ყელი მტკივა და მეტი აღარ შემიძლიაო. აღტაცებული ზინაიდა მაქსიმეს ასული ტრიბუნასთან მივიდა და ტაშის გრიალში ხელი ჩამოართვა.

სანამ მსახიობი გარშემოხვეულ სტუდენტებს და პენსიონერებს ელაპარაკებოდა, ალექსანდრე გიორგის ძე აჩქარებით შევიდა თავის ოთახში, უცხო სიტყვათა ლექსიკონი იმ გვერდზე გადაშალა, სადაც „კავალკადასა“ და „კვანტონას“ ახსნა იყო, ათი მანეთი მონახა, ამას ზინაიდა მაქსიმეს ასულის მოტანილი ფული დაუმატა, ჩადო სტანდარტულ კონვერტში, მარკა რომ ტყუილუბრალოდ ჰქონდა მიწებებული, ხელში ჩაბლუჯა და თავის კაბინეტში დაბრუნდა. იქ, ლურსმანზე, ზოლოტნიკოვის პალტო ეკიდა და ზინაიდა მაქსიმეს ასული ფუსფუსებდა — ღონისძიებათა ჩასაწერ რვეულს ეძებდა.

— ფულს თქვენ მისცემთ? — შეეკითხა ალექსანდრე გიორგის ძე.

— თქვენთვის უფრო ადვილია.

— ჩემთვის რატომ? თქვენ ქალი ხართ!

კარის მიღმა დერეფნიდან ფეხის ხმა მოისმა.

— ოჰ, ღმერთო ჩემო, — წამოიძახა ზინაიდა მაქსიმეს ასულმა, — ჩქარა პალტოს ჯიბეში ჩაუდეთ!

ალექსანდრე გიორგის ძემ კონვერტი პალტოს შიგნითა ჯიბეში ჩადო და, როგორც კი ხელი ამოიღო, ზოლოტნიკოვიც შემოვიდა, მხიარული, გაცოცხლებული და სახეგაბრწყინებული. ჩაიცვა.

ალექსანდრე გიორგის ძე და ზინაიდა მაქსიმეს ასული გასაცილებლად გაედევნენ.

მანქანაში ჩაჯდომა რომ დააპირა, ზოლოტნიკოვმა, მზერა ბიბლიოთეკის ფანჯრებზე შეაჩერა, თითქოს სამუდამოდ დამახსოვრებას აპირებსო.

— ძალიან წააგავს, ეშმაკმა დალახვროს! — გაიმეორა გულაჩუყებით.

ალექსანდრე გიორგის ძემ მდელვარედ ჩაახველა, მსახიობის ბუნებას კარგად ვერ იცნობდა და ნანობდა, რომ ფული ხელში არ მისცა. გაიფიქრა თუ არა, ახლა მომთხოვსო, ზოლოტნიკოვმა ჯიბეში ხელჩაყოფილ ალექსანდრე გიორგის ძეს შემფოთებით გადახედა და ჩუმად ჩაულაპარაკა:

— არა, დღეს ყოველგვარი პონორარისაგან გამათავისუფლეთ, ძალიან გთხოვთ, გამათავისუფლეთ, — ერთი ნაბიჯით უკან დაიხია, რადგან შეეშინდა, ალექსანდრე გიორგის ძემ ფული ძალით არ შემომაჩეროსო და როდესაც ტაქსში ჩაჯდა, დაამატა, — მსგავს ღონისძიებას თუ კიდევ გამართავთ, დამარეკეთ, არ მოგერიდოთ... — მანქანის კარი მკვეთრად დახურა, მაგრამ ზოლოტნიკოვმა მაშინვე მინა ჩამოუშვა: — კარგად იყავით! დარეკეთ!

მანქანა ერთბაშად მოსწყდა ადგილს. წითელმა შუქნიშნებმა ოღროჩოდრო გზაზე ერთიორჯერ გაიელვა და სიბნელეში გაუჩინარდა.

— რა უხერხულად გამომივიდა, — ჩაილაპარაკა ალექსანდრე გიორგის ძემ.

— არა უშავს, — დაამშვიდა ზინაიდა მაქსიმეს ასულმა, — ფოსტით დააბრუნებს უკან.

— დაბრუნებით კი დააბრუნებს, მაგრამ რატომ უნდა შეწუხდეს.

გლებ ივანიცინი ბიბლიოთეკის პარმალზე იდგა. ალექსანდრე გიორგის ძეს მოეჩვენა, რალაცის კითხვას აპირებს ანდა სწადია, მახაროს, წიგნებს აღარ დაეჩხაპნიო, მაგრამ...

— კარგად ბრძანდებოდეთ! — ყოყმანით დაემშვიდობა და პარმალისგან ჩაირბინა.

ალექსანდრე გიორგის ძე თავის ოთახში შევიდა. მაგიდაზე წერილი იდო, ქალიშვილთან რომ უნდა გაეგზავნა.

„და ისევ, ძვირფასო ტანიუშა, — წაიკითხა დილით დაწერილი სტრიქონები, — სიტყვის გატეხა მიხდება: გაუთვალისწინებელი ხარჯის გამო ნაკლებ ფულს გიგზავნი. შევეცდები, მომავალ თვეში გამოვიყიდო ეს დანაშაული“.

„ყველაფერმა კარგად ჩაიარა, — გაიფიქრა, — და მგონი, საღამოც რიგიანი გამოვიდა“.

ალექსანდრე გიორგის ძე იდგა და იმაზე ფიქრობდა, წერილის ხელახლა გადაწერა რომ დასჭირდებოდა, რაკილა ორი-სამი დღის შემდეგ ფულს უკან მიიღებდა. მერე ქურთუკი ჩაიცვა, ბეწვიანი საყულო ჩვეულებისამებრ მაღლა აიწია, გარეთ გავიდა და დაცარიელებულ ქუჩას გაუყვა მეხუთე სახელოსნოს სასწავლებლისკენ, სადაც ლექცია უნდა წაეფიქრა მათაკოვსკიზე.

გ ა ნ ც ხ ა დ ე ბ ი თ

ომის შემდგომ წელს ანტონინა ივანეს ასული მარტოდმარტო ცხოვრობდა თავის პატარა, ვიწრო ოთახში, რომლის უმეტესი ნაწილი ყავისფერ, აქა-იქ აქერცლილ კარადასა და ატლასის საბანგადაფარებულ საწოლს ეკავა. ატლასი ადგილ-ადგილ გაწყალებულიყო და ნაცრისფერი ბამბა მოჩანდა. პლუშის გახეხილი სავარძლის თავზე ტილოს უხეში ხალიჩა ეკიდა, რომელზეც დიასახლისს ჯოხზე გადამჯდარი ბიჭი, ბაფთიანი კნუტი და შხამა სოკო ამოეჭარბა. კარადასა და საწოლს შუა ისე ვიწრო ადგილი დარჩენილიყო, რომ ანტონინა ივანეს ასული ხორცსავსე, ჭერ ისევ მოხდენილ სხეულს, ძლივს გატევდა ხოლმე.

ოთახი მჭიდროდ დასახლებულ სახლში ჰქონდა, როცა სატელეფონო თუ ელექტროანგარიში მოჰქონდათ, სხვებზე მეტს ანა ივანეს ასული კამათობდა. ამტკიცებდა, ელექტროლუმელს სულაც არა ვრთავ და არც ტელეფონზე ვტრიაბაზობ ვინმესთან, რაკილა თაყვანისმცემლები არ მყავსო.

მეზობლებმა იცოდნენ, ანტონინა ივანეს ასულს ხელფასი რომ ძლივს ჰყოფნიდა საბარათო სურსათის, ბინის ქირისა და ათასში ერთხელ ოპერეტაში წასასვლელად, მაგრამ როგორც კი სამზარეულოში თავს მოიყრიდნენ, მაინც ძუნწსა და წვრილმანს უწოდებდნენ. ვილაც გაიხსენებდა, წინათ რომ სულ სხვანაირი იყო და ჰკვირობდნენ, აღამიანის ამგვარად შეცვლა როგორ შეიძლებო.

როდესაც ანტონინა ივანეს ასული მტვრითა და ბუღით სავსე ქუჩებით სამსახურიდან შინ ბრუნდებოდა, არა თუ ნაყინს, გაზიან წყალსაც კი არ ყიდულობდა, თუმცა ძალიან ენატრებოდა.

უსასრულოდ გრძელი კიბეებით მეხუთე სართულზე, თავის ოთახში ადი-

ოდა და ელექტროლუმელს ჩუმად რთავდა, კატეგორიულად რომ ეკრძალებოდა. ლუმელი ნელა ხურდებოდა და კარტოფილის მოხარშვას დიდხანს უნდებოდა. თუ დერეფნიდან ფეხის ხმას გაიგონებდა, ელექტროლუმელს ქვაბიანად საწოლქვეშ მალავდა და მოხარშვას მაშინდა ამთავრებდა. რაცა ყველაფერი მიჩუმდებოდა.

სალამობით მხრებზე ძველ შალს მოიგდებდა და პლუმის სავარძელში ფეხმორთხმული, ცხვირსაბოცებზე ყვავილებსა და პებლებს ქარგავდა, კოფტებს აკერებდა ანდა ძალიან საინტერესო და ძალიან დაფლეთილ წიგნს — „ესპანეთის კარის საიდუმლოებას“ კითხულობდა.

სალამოთი მალეძარას ქოქავდა და რბილსა და თბილ საწოლში წვებოდა, ლეიბის რომელიღაც ზამბარა ყოველთვის რომ უწრიბინებდა. მოუსვენრად ეძინა. ხან ქუჩაში დანახული შავულვაშა კაცი ესიზმრებოდა, მისი ვარაუდით, რომ დიდხანს მიაშტერდა და ხანაც მეზობლის ქმარი, — ქერა, ნახევრად სამხედრო კოსტუმში გამოწყობილი იგორ ლეონტის ძე, განსაკუთრებული ალერსით რომ უღიმის ხოლმე. გაედვიძებოდა და დილამდე თვალგახელილი იწვა.

ოთახში ბნელოდა და სიწყნარე იყო. დერეფანში ელექტრომრიცხველი ყიყინებდა, სამზარეულოს ონკანიდან კი დროდადრო წვეთები ეცემოდა ბაკანში.

რითი დამთავრდება ჩემი მარტოობა, ფიქრობდა ანტონინა ივანეს ასული. უნდოდა გონიერი და წესრიგიანი კაცი შეხვედროდა და შეეყვარებინა. მაგრამ ასეთს სად შეხვდება? კაცებს ხომ საზოგადოება უყვართ და მას კი მეგობრები არა ჰყავს, რაკი ოპერეტის გარდა არსად დადის, ისიც წელიწადში ერთხელ ან ორჯერ. აი, უკვე ოცდაათობამეტ წელს მიუკაცუნა და, შეიძლება, სულაც აღარავინ შეხვდეს. არადა, როგორ იზრუნებდა, ვინმე რომ გამოჩენილიყო. შარვალს დაუუთოებდა, პერანგებს საყელოს მალ-მალე გაუხამებდა, კვირა დღეს კი უთუოდ ქალაქგარეთ ფიჭვშარში ანდა მდინარის სანაპიროზე გავიდოდნენ. დღესასწაულზე ღვეზელებს დაუცხოებდა, სუფთა ფარდებს ჩამოჰკიდებდა და სტუმრებს დაუხვდებოდა, როგორც ის საზიზლარი ქალი კლავდია ტიმოთეს ასული... ოპერეტაშიც ხშირად ივლიდნენ.

ერთხელ სანოვაგის ჩანთით მალაზიიდან რომ ბრუნდებოდა, ბოძზე გამოკრულ განცხადებებთან შეჩერდა. ყოველი განცხადების უკან ხომ სრულიად ახალ ცხოვრებაში შესახელი ჰუჭრუტანა იხსნება და მათი წაკითხვა საინტერესოა. აი, მაგალითად, ვილაც უცნობი სადღაც გამგზავრების გამო თითქმის სულ ახალ, მარმარილოს პირსაბანს ჰყიდის. ანტონინა ივანეს ასული მარმარილოს უპირსაბნოდაც იოლას გადის, მაგრამ მაინც იფიქრა, რა ეღირებაო. თუ ძალიან დიდი არ არის, მის ოთახშიც დაიდგმება, საერთო სამზარეულოში დილაობით რიგში დგომა აღარ დასჭირდება და შინ სიამოვნებით დაიბანს პირს.

აი, გერმანული და ფრანგული ენების მცოდნე, გამოცდილი პედაგოგი, რატომღაც სკოლამდელბებთან ეძებს სამუშაოს...

აქ კი მოხუცი ინტელიგენტი ოთახს ან კუთხეს აქირავებს... მოხუცი?.. მოხუცი არ უნდა იყოს... შუახნისა ემჯობინებოდა... ცოლ-ქმარი ბინას ეძებს, ეტყობა, შორიდან ჩამოვიდნენ. უკვე წასვლა დააპირა, რომ მისი ყურადღება ქალაქის მომცრო ფურცელმა მიიპყრო. მასზე გაკრული ხელით ეწერა: „მარტოხელა დემობილიზებულ ოფიცერს ოთახი ან კუთხე ესაჭიროება“.

— მარტოხელა ოფიცერს, — წამოიძახა ანტონინა ივანეს ასულმა, — განცხადება ხელახლა გადაიკითხა და მისამართი ჩაიწერა.

2.



თადარიგის ოფიცერი სერგეი ლივანოვს ბინა აღარ ჰქონდა, რაკილა ომის დროს დედამისი გარდაიცვალა და იმ ოთახში, სადაც ჯარში წასვლამდე ცხოვრობდა, ვილაციის ოჯახი შესახლდა. გამხდარმა, პირყვითელა მოქალაქემ, სათხილამურო კოსტუმი და დაკერებული შტიბლეტები რომ ეცვა და, ეტყობოდა, ოჯახის უფროსი იყო, ლივანოვს მოახსენა, რომ ვერსად გადასახლდებოდა, რაკი ვაჟიშვილი ფრონტზე დაეღუბა, თვითონ კი შრომის ინვალიდია. მერე აღუთქვა, თუ მაინცდამაინც გამოუვალი მდგომარეობა გაქვთ, ღამეს ვაგათევი-ნებთ და ცოტახნით ჩემოდანსაც შეგინახავთ, თრევა რომ არ გაგიძნელდეთო.

ამ ხნიერი, ავადმყოფი ბიძაკაცის უკან ლივანოვმა ორი გოგონა დაინახა, სასკოლო კაბები რომ დაპატარავებოდათ. ადვილად წარმოიდგინა მათი დაღუპული ძმა, უფრო სწორად, ისეთივე ლეიტენანტი, როგორიც თვითონ იყო, და ოთახის დაბრუნებისათვის ბრძოლის სურვილი ერთბაშად დაეკარგა.

ლივანოვი ყველგან კითხულობდა, როგორ მოქცეულიყო. სამხედრო კომისარიატშიც და რაიალმასკომშიც, საქალაქო საბჭოს საბინაო განყოფილებაშიც დაუწერა განცხადება, ყველგან უსმენდნენ, პპირდებოდნენ, მის საქმეს გაარჩევდნენ და რა თქმა უნდა, დაეხმარებოდნენ კიდევ. ბოლოს კი, ერთი თვის შემდეგ უპასუხეს, სხვა ოთახის ორდერს მოგცემთ, ოღონდ ჯერ-ჯერობით უნდა მოითმინო და იოლას გახვიდეთ.

ლივანოვიც იოლას გადიოდა. ხან თავის დეიდასთან ათევდა, ხან კი სტუდენტთა საერთო საცხოვრებელში, სადაც მისი თანაპოლკელი, ახლა უკვე პირველი კურსის სტუდენტი, სტეგნუხინი ცხოვრობდა. დეიდა საკუთარი ბოსტნის კარტოფილითა და უშაქრო ჩაით უმასპინძლდებოდა. შემდეგ ლივანოვი იატაკზე ორადმოკეცილ იაპონურ მომწვანო საბანს ფენდა, თავქვეშ დაფლეთილ საველე ჩანთას იდებდა და ფარაჯაწახურული ისე იძინებდა, როგორც ლაშქრობისას.

სტეგნუხინი საქმეებზე ეკითხებოდა. შემდეგ ტუმბიდან შავი პურის ნაჭერს გამოიღებდა, ზოგჯერ შაქარსაც, მოხდილ ყველს ან ძეხვს, დაჭმუჭნულ გაზეთზე დააწყობდა და ეპატიჟებოდა:

— მოდი, სერგეი, დავფქვათ!...

ლივანოვი ჯიუტობდა, მაგრამ სტეგნუხინი მაინც შეაჭმევდა ხოლმე თავისი ვახშმის ნახევარს, თან იმეორებდა:

— მოდი, მოდი, თორემ, ვინ იცის, რამდენი გირბენია აქეთ-იქით. ადამიანს კი ჭამა-სმა უნდა, ამას ვერ გაეჭკევი.

გიწრო საწოლზე იძინებდნენ და ზურგებით ერთურთს მჭიდროდ ეკვროდნენ.

დილაობით, ყველა სტუდენტისაგან განსხვავებით, სტეგნუხინი ვარჯიშობდა. ჯერ ფუთიან გირს ეწეოდა, საწოლქვეშ რომ ჰქონდა, შემდეგ ქუჩაში გადიოდა და, თუმცა მეგობრები დამცინავად უცქეროდნენ, საერთო საცხოვრებელს გარშემო ურბენდა. მერე უხეშ წვერს ჩამოიფხვკდა, სამხედრო ფარაჯას ჩაიცმევდა, კეპს დაიხურავდა და ლექციებზე მიეშურებოდა. სალამოს კი, თუმ-

ცა ყველანი ეუბნებოდნენ, გამოცდებამდე ჯერ აღრეო, სამკითხველო დარბაზში იჯდა, სანამ სინათლეს არ ჩააქრობდნენ. ყოველდღიურად კრასნოიარსკში გრძელ-გრძელ წერილებსაც სწერდა თავის საცოლეს, ბავშვობიდანვე რომ უყვარდა.

ერთხელ ლივანოვი დარაჯმა საერთო საცხოვრებელში არ შეუშვა, დედასთან ეშორა, და რადგან გვიან იყო, სკოლელ ამხანაგ ვადიმთან წასვლა ამჯობინა. ომის დროს მათ ერთმანეთისა არაფერი იცოდნენ და ლივანოვის დაბრუნების შემდეგლა შეხვდნენ. ძალიან გაიხარეს, სკოლაზე დიდხანს ისაუბრეს და სამწვადეში დაცილდნენ ერთმანეთს.

ვადიმი რაღაც მიზეზით არმიაში არ ყოფილიყო. აუხსნა, რომ კომისიამ დაიწუნა. მე ხომ ჯერ კიდევ მეექვსე კლასში, ფეხბურთის თამაშისას, ფეხი მოვიტეხეო. გახეთქილი ძვალი ცუდად შემიხორცდა და, თუმცა ძალიანაც ვიხვეწებოდი, აღარ წამიყვანესო...

საინტერესოა, რამ დაავიწყა ლივანოვს, ვადიმმა თუ ფეხი მოიტეხა? ის კი ძალიან კარგად ახსოვს, შესანიშნავი ფეხბურთელი რომ იყო და „სპარტაკის“ ახალგაზრდულ გუნდშიც თამაშობდა. ვადიმმა ისიც უთხრა, ომიანობისას ფიზკულტურის ინსტიტუტი დავამთავრე და ცოლიც მოვიყვანეო.

— ვინ არის შენი ცოლი? — დაინტერესდა ლივანოვი.

— უ-უუ... ძალიან საქმიანი ვინმეა, ნამეტანი საქმიანი, სასურსათო საწყობში მუშაობს დირექტორის მოადგილედ. წარმოიდგინე ოროთახიანი ბინის მოხლაფორთეხაც კი მოახერხა. მეც თავისთან მომაწყო.

— ჩვენი ხნისაა და უკვე ამდენის გაკეთება შეუძლია? — გაიკვირვა ლივანოვმა.

— საერთოდ კი... ცოტა უფროსია... ასე ათიოდე წლით, მაგრამ ისეთი ენერგიულია, რომ... მოკლედ, ძალიან ენერგიული...

ასე არწმუნებდა შეზარხოშებული ვადიმი.

— გახსოვდეს, სერიოჟა, — ეუბნებოდა და მხრებზე ეხვეოდა — სიკვდილამდე შენი მეგობარი ვიქნები. თუ გაგიჭირდა, არ დამივიწყო.

ლივანოვს სწორედ ეს საუბარი გაახსენდა და ვადიმისკენ გაემართა. შეეცადა, წარმოედგინა, როგორ შეხვდებოდა და როგორ გააცნობდა თავის განსაკუთრებულ, — აქ ჩაეცინა, — საქმიან ცოლს.

— გაგიმარჯოს, შე ძველო! — მხიარულად შეეგება ვადიმი, — ბოლოს მაინც მოაგენი ჩემს ბუნაგს?! ფეხები რაც შეიძლება კარგად გაიწმინდე, დღეს პარკეტი გავაპრიალეთ და... პო, შემოდი!

ლივანოვი სავარძელზე ჩამოჯდა და მიმოიხედა. წითელი აბრეშუმის აბაჟურიდან სასიამოვნო, ლბილი შუქი იღვრებოდა და ოთახში განსაკუთრებულ მყუდროებას ქმნიდა. მუხის მოჩუქურთმებულ ბუფეტში ოქროსფრად მოვარაყებული ფინჯნები ლაპლაპებდნენ, მაგიდაზე ნიკელის ახალი ჩაიდანის და ლარნაკები ბრწყინავდნენ. ძაფზე, აბაჟურის ქვეშ, ყვითელ-მწვანე და ლურჯი ფერებით შეღებილი ცელულოიდის თუთიყუში ქანაობდა. კუთხეში ვადიმის პალტო და ალბათ მისი ცოლის შავი ქურქი ეკიდა.

— ახლა ცოტაოდენს გადავკრავთ! — თვალი ჩაუკრა ვადიმმა, კარი შეაღო და დაუძახა, — ვერენოჩკა! გამოხვალ ჩვენთან? უკვე დაწეკი? სერიოჟა ლივანოვი მოვიდა, გახსოვს რომ გიამბე?

ოთახიდან მბრძანებლური, რაღაც სტვენისმაგვარი ხმა მოისმა.

— კარგი, კარგი! — მორჩილად უთხრა ვადიმმა, — დაიძინე, თათუნია! გუშინდელი ვახშიმიდან ნახევარი ლიტრა ხომ არ გადამაღე? ტიხონოვიჩმა გამოწრუბა!.. აი, ხათაბალა!.. გუშინ, — მიუბრუნდა ლივანოვს, — სპორტულად საქონლიდან ერთი მოღვაწე მოგვივიდა და... მოღვაწეს ვამბობ, ~~საბა~~ ~~რე~~ ~~უჭნა~~, ჩემი სამსახურისაივის საჭირო კაცია და... იმის ჯამოა ყველაფერი. ისე მოხდა, რომ ვერაფრით გიმასპინძლდები. მარტო ჩაის თუ ვიმყოფინებთ. მოდი, ჩაი დავლიოთ, პა?...

— ნუ შეწუხდები! — შეაჩერა ლივანოვმა და აუხსნა, რომ ღამის გასათევი არსად ჰქონდა.

ვადიმმა გაურკვეველად ჩაიხრიტინა და ნირწამხდარი დადუმდა.

— ჩაწერილი ხარ?

— ჯერ ვერ მოვასწარი.

— მ-და-აა... ხათაბალაა, — გაჭიმა ვადიმმა, — სამწუხაროდ, გუშინ უბნის რწმუნებული მოვიდა საბუთების შესამოწმებლად, და იცი, რატომ? ერთი ჩვენი თანამშრომელი შევიკედლეთ.. მივლინებით იყო... ისეთი ალქაჯი მეზობლები გვყავს, ერთ ჰერქვეშ ვცხოვრობთ და გვაბეზლებენ. უბნის რწმუნებულმა კი გაგვაფრთხილა, დაგაჯარიმებთო, თუ კიდევ... გამიგე, სერიოზა, დღეს ასე... უბრალოდ... ვერაფრით. ერთიც უნახოთ, რალაც ეშმაკად ისევ უბნის რწმუნებული წამოგვაყენოს? შენც ხომ უსიამოვნება შეგხვდება, არსად რომ არ ხარ ჩაწერილი..

ქუჩაში შემოდგომის ცივი ქარი უჩერავდა. მშრალ ხორხორულას აყრიდა. ლივანოვმა ფარაჯის საყელო აიწია და ქვითკირის სახლებშუა ვიწრო, ცარიელ ქუჩაში წალასლასდა. მონღოლეთის სტეპზე გათეული ასეთივე ქარიანი ღამე გაახსენდა. მაშინ იქ არც იურტა იყო და არც რამ მიწური თავშესაფარად, სანჯრისა თუ ორმოს გათხრა კი ჭირდა, რადგან მიწა ბეტონივით გაყინულიყო და რკინასავით ჟღერებდა. გაეხვია მაშინ კარავლაბადაში და ჯარისკაცებთან ერთად კოცონს მიეფიცხა, იწვა და ფიქრობდა, შორეულ ქალაქთა თბილ ოთახებში ფუმფულა ლოგინებში რომ ეძინათ, ზოგიერთ ახირებულს კი მეტი სიმყუდროვისათვის დარაბებიც დაეკეტა. ჯარისკაცთა სახეებს კოცონის შუქი ანათებდა, სამთითა ხელთათმანებში თითები ეყინებოდა, თვალებს კი ბოლი სწვავდათ.

ლივანოვი ბულვარზე გავიდა. რკინის ოთხფეხა მოღობილში ჩაბნელებული, გაშიშვლებული ხეები ითოშებოდნენ. სკამზე ჩამოჯდა. მეხუთე სართულზე, მის მოპირდაპირე ფანჯარაში სინათლე ჩაქრა. ალბათ ამ ფანჯრის პატრონიც დასაძინებლად დაწვა. ლივანოვი ახლა ვერ გიპასუხებდათ, სად უკეთესი იყო; მონღოლეთის სტეპის ქარისკაცურ კოცონთან თუ დიდი, თბილა სახლებით გაშენებულ მშობლიურ ქალაქში. მერე ის გაახსენდა, მზვერავებთან ერთად შემოდგომის წუბპეში რომ იწვა და გერმანელთა ცეცხლით გარშემორტყმული უკან-უკან მიხობავდა. სტეგნუხინი ავტომატის მოკლე ჯერით იგერიებდა მტერს და ცდილობდა მტრის ყურადღება თავისკენ მიექციო; გერმანელების ჯიბრზე სამშვიდობოს მაინც გავიდნენ და დაჭრილებიც გამოათრიეს. მოგვიანებით სტეგნუხინიც უკნებლად გამოხობდა.

„ეპ ამაზე მეტი ხდებოდა“, — გაიფიქრა, სკამზე მიწვა და თვალები დახუჭა. და უცებ ნადავლი აკორდეონები ამღერდნენ თბილ მიწურებში. ისევ განმეორდა ორმოცდახუთი წლის რომელიღაც აპრილი. კენიგსბერგიდან მო-

რეულ აღმოსავლეთისკენ მიემგზავრებოდნენ. გაჩერებებზე ჯარისკაცები ვაგონებიდან ჩამორბიან, მედლების ელრიალითა და ულვაშის გრებრად სადგურელ ქალიშვილებს ეცნობიან და გერმანულ ღია ბარათებს სთავაზობენ. „იძლევი პორტატურს!“ — ვაგონის კარზე აწერს ვილაც ჯარისკაცი. მაშინვე ვაგონპაუპტვახტში გზავნიან სამხედრო საიდუმლოს გამთქვენებისათვის, რომელიც დაესიზმრა, მძიმე ტანჯ KB-ს გვერდით რომ იდგა პლატფორმაზე და ვილაც პატარა სერჟანტიც, რომელიც კაკუნით ცდილობდა გამოეყვანა „სიმღერა კატიუშაზე“.

ლივანოვს გარიჟრაჟამდე ეძინა, მერე ყინვამ მოუჭირა და ფეხები გაეყინა. ადგა და ხეტიალი დაიწყო. იქამდე იხეტიალა, სანამ არ გაათენდა. მერე ფოსტაში შევიდა და აქ ვილაც ანტონინა ივანეს ასულ ბოგოროდსკაიას წერილი გადასცეს, რომლითაც ბინას სთავაზობდნენ.

— ხელსაყრელია, — თქვა მზიარულად და ბოგოროდსკაიასთან წასვლა გადაწყვიტა. მერე იფიქრა, ჯერ ტელეფონით გავაფრთხილებო.

3

იმ დღეს ანტონინა ივანეს ასული ოთახს დიდხანს ალაგებდა. მტვერი ყველგან გადაწმინდა, მაგიდას გახუნებული ცისფერი სუფრა გადააფარა და ზედ ხის საფანქრე ჭიქით ყვავილი დაადგა. საბანს განამებული და კაუთოგებული ზეწარი გადააფარა, რათა ნაცრისფერი ბამბა დაემალა და ტუმბოც მაკრატლით დაჭრელებული თეთრი ქალაღდით მორთო. ყოველ წუთს მალეიძარას უყურებდა, ეშინოდა, ვაითუ ლივანოვის მოსვლამდე მომზადება ვერ მოვასწრო.

ოთახი როცა მილაგებულად ჩათვალა, სველ ტილოში შეხვეული თმა ჩამოიშალა, კუს ბაკნის ძველი სავარცხელით დაივარცხნა და საფეთქლებთან აიხუჭუჭუა. მერე კარადა გამოიღო და ჩაფიქრდა, რა ჩაეცვა — თეთრი თუ ლურჯი კოფთა. თეთრი, რა თქმა უნდა, უფრო მშვენივრად, მაგრამ ლურჯი ახალია და ტანს მჭიდროდ ეტმასნება.

ანტონინა ივანეს ასულმა ლურჯი ამჯობინა. შემდეგ, თვალი რომ არ წასვლოდა, ფრთხილად ამოიჭიმა აბრეშუმის წინდები და უკვე მოდიდან გამოსული მაგრამ ჯერ ისევ ახალი, ბაფთიანი ტყავის ფეხსაცმელი ჩაიცვა. სარკესთან ბინცეტიით წარბები ამოიქნა, სახე გაიბუდრა, ტუჩზე პომადა წაიციხო და იითით შეიზილა. სუნამოს ბოთლი იმდენი ანჯღრია, ორიოდვე წვეთი მაინც წამოადინა, მერე სავარძელში ჩაჯდა და ფრჩხილების დაქნა დაიწყო. ლაქის წასმა კი ვერ მოასწრო — კარზე დააკაკუნეს.

აღელვებული მიუახლოვდა კარს და კაუჭის ახსნა დააყოვნა. როცა გააღო, საშუალო ტანის კაცი დაინახა, ქერა წარბებზე ყურებიანი ქუდი რომ ჩამოეფხატა და შავლილებიანი გაკრიალებული ფარაჯა ეცვა. სუფთა ჰაერისა და სუნამოს სურნელება მოიტანა იმ კაცმა.

— ბოგოროდსკაია, — გაეცნო ანტონინა ივანეს ასული, ოდნავ გაიღიმა და იგრძნო, რომ მისი ხელი ძლიერ ხელში მომწყვდევულიყო.

ლივანოვმა ფარაჯა ლურსმანზე ჩამოჰკრია, ბრტყელი ქამრის ქვეშ ნაოქები ჩვეული მოძრაობით გაისწორა და გიმნასტურა ჩამოძვინა. მის მკერდზე ელრიალით მიეხალნენ ერთურთს ბრინჯაოსა და ვერცხლის მედლები. მერე

ოთახი მოათვალიერა და, როგორც გაჭირვებას მიჩვეულ კაცს შეეფერება, რომელსაც ფრონტული ცხოვრების გარდა უსახლკარობაც გამოუცდია, მაშინვე იგრძნო, რომ ეს ოთახი ყველაფრით ხელსაყრელია. სავარძელში ჩაჯდომისთანავე მოქარგული ბალიშები დაათვალიერა, კედელზე დიასახლისის ნახელავი სასაცილო ხალიჩაც დაინახა და თავი უკვე საკუთარ სახლში იგრძნო. ის კი არა, ძილიც მოერია.

ანტონინა ივანეს ასული წინ ჩამოუჯდა და ფეხი ფეხზე გადაიდო. ლივანოვმა მისი სავსე, მრავალი მუხლები შენიშნა, რომელთაც მჭიდროდ შემოტმასნოდა აბრეშუმის წინდები. ხელი რომ გაეწვდინა, მისწყდებოდა, ისე ახლოს იყო.

დიასახლისი ალერსიანად იღიმებოდა. მისი კულულებიც შენიშნა ლივანოვმა, სუნამოს სურნელებაც შეიგრძნო და, არა უშავს რა, სიმპათიურიცაა, გაიფიქრა.

„ულამაზო არ არის, — შეაფასა ანტონინა ივანეს ასულსაც, როგორც კი ლივანოვის ბარაქიანი ნიკაპი და აბრეშუმით მბზინავი სწორი წარბები შეამჩნია, — ულამაზო სულაც არ არის, რა თქმა უნდა, მაგრამ ჯერ ძალიან ახალგაზრდაა, თითქმის ბიჭია, ოცდაოთხ წლამდე თუ იქნება. სახეც სანდომიანი აქვს. სამი ორდენი... ალბათ ომში იყო და მამაცი ჭაბუკია. შემოვუშვებ და აღარც მომასვენებს. იპოვა, როგორც იტყვიან... თავისი საკბილო... სამზარეულოში ველარც გამოვჩნდები. არადა, საყვარელი ბიჭია, თვალბიცი კარგი აქვს, ნაცრისფერი... თუმცა ბოლოს და ბოლოს ჩვენს შორის მაინც არაფერი მოხდება“.

ანტონინა ივანეს ასული შეეკითხა, ცოლიანი ხომ არ ხართ, და უარი რომ მიიღო, გაუხარდა, სავარძლის მხარეს შენ დაგიტოვებ, შუაზე კი ფარდას ჩამოვაფარებო.

„მეზობლები ერთხანს იქორავებენ და დაჩუმდებიან“, — დაადგინა ანტონინა ივანეს ასულმა.

ოთახში თბილოდა და მყუდროება იყო. ლივანოვი რაც მეტს უყურებდა, ქალს, მით უფრო სიმპათიური ეჩვენებოდა და დაეთანხმა, ხელსაყრელი წინადადებააო.

„დავსახლდები ჯერჯერობით ამ დეიდასთან და მერე ვნახოთ, საჭმე როგორ აეწყობა“, — გადაწყვიტა ლივანოვმა. ომმა და ჯარმა ასწავლა, ადამიანი მაინცდამაინც შორს რომ არ უნდა იყურებოდეს და მხოლოდ ხვალინდელ დღეზე ფიქრობდეს.

„საინტერესოა, ამაში რა აქვს?“ — გაიფიქრა ანტონინა ივანეს ასულმა, როცა ლივანოვმა სპილენძის საკუთიანი ტყავის დიდი ჩემოდანი შემოიტანა: ერთი გერმანული და ერთი იაპონური, — ნადავლი იქნება“.

სალამოს საწოლსა და კარადას შუა კედლიდან ჩამოღებული ხალიჩა ჩამოჰკიდეს და, თუმცა სავარძელი ვერ გასწვდა, ლივანოვმა მაშინვე ღრმად დაიძინა.

ანტონინა ივანეს ასულს პირიქით დაემართა: დაძინება გაუძნელდა და დილითაც აღრიანად წამოდგა. ადგიომისთანავე მდგმურის შიშველ ფეხებს შეეფეთა, საბნიდან რომ გამოჩრილიყო.

„ალბათ გაიყინა ბიჭუნა“, — ამოიოხრა და თავისი ძველი ზამთრის პალტო დაახურა.

ლივანოვმა თვალები გაახილა.

— ვათბუნებდით, — დარცხვენით აუხსნა დიასახლისმა.

მოულოდნელმა და უჩვეულო ზრუნვამ ლივანოვს საამოვნება მოჰგვარა. ჩაცმისას გიმნასტურაზე მიკერებულ თეთრი საყელოც შეამჩნია და ამან უფრო კეთილად განაწყო.

სამზარეულოში პირის დასაბანად რომ გავიდა, სამი ქალი მაშინვე გაჩუმდა. ლივანოვი მიხვდა, მათზე საუბრობდნენ. ალბათ კორავდნენ.

„ეშმაკმა წაგილოთ“, — გაიფიქრა და სამივეს თამამად შეხედა, მაგრამ მათ თვალწინ პერანგის გახდა მაინც ვერ გაბედა. დაბანის შემდეგ კი იატაკი სველი ტილოთი სუფთად მოწმინდა და ისე ფეხაკრეფით გავიდა, ჩექმების ხმა რომ არავის გაეგონა.

დიასახლისმა საუზმედ ბურღულის ფაფა და ჩაი მიართვა, მრგვალი, უგემური კამფეტით. თვითონ მხოლოდ სამი კოვზი გადაიღო, დანარჩენი კი ლივანოვს შეაჭამა.

— მიირთვით, — ჩაილაპარაკა, — მაშაკაცი ხართ, ძლიერი უნდა იყოთ. რაღაცის მომზადება კიდევ შემეძლო, მაგრამ... გამაწყვალა ამ ელექტროლუმულმა...

— ეს ქურა, საერთოდ არ ვარგა, — გაიღიმა ლივანოვმა, — სხვა რაღაც უნდა მოვიფიქროთ.

ნასაუზმევს გამტარის ერთი ბოლო ორთქლის ბატარეას შეუერთა, ქურა ასე უფრო სწრაფად თბებოდა, ენერგია კი, ლივანოვმა ანტონინა ივანეს ასული მრიცხველთან მიიყვანა და აჩვენა, რომ არ ირიცხებოდა. ყველაფერი მიწაში მიდისო.

იმ თვის სინათლის შესატანზე ანტონინა ივანეს ასულს აღარ უკამათია.

— არა უშავს, — ხელისჩაქნევით მიაფუჩეჩა, ქირის ამკრეფს რომ ხურდა არ აღწოაჩნდა, — ასეთ წვრილმანზე თავის წეწუხება არ ღირს.

ქალი თანდათან მოსწონდა ლივანოვს, თუმცა ჯერ კიდევ კარგად არ იცნობდა, რადგან სახლიდან დილით ადრე გადიოდა და საღამოს ბრუნდებოდა: ზოგჯერ კი უფრო გვიანაც. დიასახლისს ეუბნებოდა, თავის საქმეს რომ აგვარებდა, მაგრამ, რომელ საქმესო, ამაზე არას ამბობდა.

ანტონინა ივანეს ასული ბევრ წვრილმანსა და აუცილებელ საქმეს უკეთებდა. გაღვიძებამდე მარვალს უუთოებდა, საუზმეს უმზადებდა, ოთახს ულაგებდა, საღამოთი კი სავარძელზე გამზადებულ ლოგინს ახვედრებდა და, რა თქმა უნდა, ცხელ ვახშამსაც. ლივანოვი ფუელს აძლევდა, რომელიც ახლა უკვე კარგად ჰყოფნიდა და რაკი გაიგო, ქალს ტკბილეული უყვარდა, ხანდახან კამფეტები და ნამცხვარიც მოჰქონდა.

ანტონინა ივანეს ასული თავს ახლა უკვე მარტოხელად აღარ გრძნობდა, ფუელიც მეტი გაუჩნდა, მაგრამ სვაშიადის გამჭლავნება და ნაზი ალერსი კვლავ ძველებურად ენატრებოდა. ლივანოვი პატივისცემითა და მეტისმეტი თავშეკავებით ექცეოდა. ანტონინა ივანეს ასული გრძნობდა, რომ ლივანოვი იმდენად უფროსად თვლიდა, სხვაგვარი დამოკიდებულება აზრადაც არ მოსდიოდა. აღარც ანტონინა ივანეს ასული ჩქარობდა. დაე, ყველაფერს თვითონ მდგმური მიხვდესო.

ქალის ასეთ ზრუნვას ლივანოვი თანდათან ისე მიეჩვია, ვეღარც კი გრძნობდა. ანტონინა ივანეს ასული მისმა უყურადღებობამ გაანაწყენა და ერ-

თხელაც, როდესაც ლივანოვი გვიან დაბრუნდა, სავარძელზე გაშლილი ლოგინი აღარ დაუხვდა, ჩაიდანაც ცივი იყო. მეორე დღესაც იგივე განმეორდა.

რაშია საქმე? ჩაფიქრდა ლივანოვი და გაახსენდა, ანტონინა ივანეს ასული რომ მხრით ან ხელით შეეხებოდა ხოლმე, ვითომდა შემთხვევითო, რამდენჯერმე კი სიცილით ჩაიც მოსვა მისი ჭიჭიდან.

მეორე დღეს ლივანოვმა კინოში დაპატიჟა. ხელკავით მაგრაღე ეჭიჭა და მისი მკლავის სითბოს პალტოშიც კი გრძნობდა. საღამოთი ანტონინა ივანეს ასული ისევ მზრუნველ და კეთილ დიასახლისად გადაიქცა. სავარძელზე ისხდნენ და საუბრობდნენ. ლივანოვი დაზვერვის ამბებს უყვებოდა.

ღამით ლივანოვი ანტონინა ივანეს ასულის ოხვრამ გააღვიძა, მიხვდა, რომ მას არ ეძინა.

ოთახში ცხელოდა.

ლივანოვმა ერთხანს იყოყმანა და მერეღა შეეკითხა:

— არ გძინავთ?

— არ შემიძლია, სერიოჟკა...

— რა გემართებათ?

— არ ვიცი... არ მეძინება...

საწოლიდან სავარძლამდე ორი ნაბიჯი იყო. ლივანოვი წამოდგა, ხალიჩა გასწია, ოთახს რომ ჰყოფდა, ქალისკენ დაიხარა და მხრებზე შეეხო.

— არ გინდა, სერგეი ნიკალაევიჩ, — შემკრთალი ხმით ჩაიბუტბუტა და გაუბედავად მიიზიდა თავისკენ.

დღლით კი, პირისბანისას, მათი მეზობელი იგორ ლეონტის ძე, საერთო სამზარეულოში რომ ჩექმებს იწმენდდა, შეეკითხა:

— ბოდიში, ანტონინა ივანეს ასულის ნათესავი ხართ?

— დიან, ქმარი ვარ, — უპასუხა გამომწვევად.

იგორ ლეონტის ძემ დარცხვენით ჩაახველა და ჯაგრისი ააჩქარა.

— დღეს ჩემი დაბადების დღეა, სერიოჟკა; — ახარა ანტონინა ივანეს ასულმა.

ლივანოვმა ჩემოდნიდან იაპონური ხალათი ამოიღო და სავარძელზე დააგდო. ლურჯ ხალათზე ალისფერი ყვავილები და მონავარდუ სამოთხის ჩიტები ეხატა.

— შენი იყოს, — თქვა ლივანოვმა. — დაბადების დღისთვის...

ხალათი სასიამოვნოდ აშარიშურდა. თვალს ახარებდა, ფერს რომ იცვლიდა და ღია ლურჯ ფერში გადადიოდა.

ანტონინა ივანეს ასული სამზარეულოში ხალათით შევიდა, მაშინვე მეზობლები შემოეხვივნენ:

— საუცხოოა!...

— ჰაეროვანია!...

— ძვირფასი განძია, — შეაფასა კლავდია ტიმოტეს ასულმა, ვერცხლისფერ ნაქარგს თითები რომ ფრთხილად შეახო.

— თავბრუ დაახვია ახალგაზრდას... თავბრუ დაახვია, — თქვა კლავდია ტიმოტეს ასულმა, როცა ანტონინა ივანეს ასული სამზარეულოდან გავიდა.

— დაახვია და დაინარჩუნებს კიდევ, — იწინასწარმეტყველა მეორე მეზობელმა, — აი, ნახავთ თუ არ დაინარჩუნებს.

საღამოთი ლივანოვს სტეგნუხინი ეწვია, უფრო მოგვიანებით კი — ვა-

დამი. სერგეიმ ანტონინა ივანეს ასულს გააცნო ისინი. მაგიდაზე ძეხვის, ვინე-გრეტისა და ქაშაყის თეფშებთან ერთად მუჭი და ღია ფერის ბოთლები გაჩნდა. სამზარეულოში ანტონინა ივანეს ასული კატლეტებს წვავდა.

— მოწყობილხარ და ეგ არის, — მიმართავდა ლივანოვს ვადიმი, — ჩემი აზრით, კარგადაც მოწყობილხარ. ოთახი რიგიანია, რაც მთავარია, და მეტი რა გინდა?...

სტეგნუხინი რატომღაც დარცხვენითა და უხალისოდ შეექცეოდა. მერე მოიბოდინა, დილაადრიან სემინარზე მივდივარ და სამეცადინო ბევრი მაქვს, ალბათ შეუალამემდე მომიხდება ჯდომამო. თუმცა ბევრს ეხვეწნენ, ნუ წახვალ, მაინც აღარ დაიშალა, წამოდგა და ფარაჯა ჩაიცვა.

გასაცილებლად ლივანოვი გაჰყვა. სადარბაზოში რომ გავიდნენ, სტეგნუხინმა სახეში შეხედა:

— ეჰ, სერიოჟა, სერიოჟა... განა ეს საქმეა, რა გააკეთე?... შენც ვადიმივით... — როგორც კი ეს უთხრა, შეტრიალდა და ჩექმების ბრახუნით კიბეზე დაეშვა.

ლივანოვი კარგახანს იდგა და მისი ჩექმების ხმას უსმენდა, რომელიც თანდათან შორდებოდა. ერთბაშად მოუხდა, სტეგნუხინს დასწეოდა და იმ წარუმატებელი დაზვერვის ამბავი გაეხსენებინა, კარავლაბადებით რომ ძლივს გამოიყვანეს დაჭრილები. სტეგნუხინი კი მაშინ თავისი ტყვიამფრქვევით ვაჟკაცურად ელობებოდა მტერს. მოესურვა, გაეხსენებინა და ეკითხა, ახლა ვინდა გადაგვეფარება, თუ ჩვენ არ გადავეფარებითო ერთმანეთს.

ლივანოვმა კიბეზე აჩქარებით ჩაირბინა და სადარბაზოდან თოვლით დაფარულ ქუჩაში გავარდა. ქუჩაში არაფინ იყო. სტეგნუხინი ისე შორს წასულიყო, თუნდაც დადევნებოდა, ვერ დაეწეოდა.

□



სარსულიდან თარგმნა ბელა შალვაშვილმა

შედის და... უმაღლ ნებდებიან ქაუსს მხარენი,
ლომს ან კი ვითარ შეებმიან სუსტი ხარები?
და აჰა, გზაზე ბერბერთ მხარე გადაეყარა.
გადინადირა, გადიარა ბევრი ქვეყანა,
ბერბერთა მეფემ წამოიწყო ბრძოლა ფიცხელი, —
ამოიწვადა მახვილები აღურიცხველი.
ლაშქარი დაძრა, — იმნაირი ენახა არვის,
მოცამწყრალობდნენ ცხად-აშკარად და არა მალვით.
მტვერი ისეთი დააყენეს, ირანელ მხედართ
მზერა დაჰბინდეს. მოიწვედნენ ამაყად, მხნედა.
მოაბოტებდა სპილოების უშქარი რემა,
ცახცახი იწყო ერთიანად ქვამან და ხემან.
თითქოს ზღვა ძალუმ ბობოქრობსო — მოლეღავს ჯარი,
მათი სიმრავლით ირანელნი შექმნილან მტკნარი.
ხედავს გოდერძი: აღარ ხუმრობს რაკილა მტერი,
სეფქა იმარჯვა, ამხედრდა და ხმაღს იკრა ხელი.
მიჰბაძეს სხვათაც, მახვილთ მისწვდნენ, ამხედრდნენ წამში,
ზახილ-ძახილი ირანელთა — აიჭრა ცაში.
მიჰქრის გოდერძი, ვაარღვია დუშმანის ჯარი,
მიჰყვენენ... მახვილი ამახვილეს, იფარეს ფარი.
და ბერბერების, კვალიც რომ არ დატოვებს ისე,
იმხელა ჯარი მიწის პირით აღგავს მყისვე
რა დაინახეს ხანშიშესულთ, — ბედმა იავა —
და ბერბერების თავზე ეამად გადაიარა,
ქაუსს წარუდგნენ მონანიე-გულმოკლელები, —
მწუხარებისგან თვალთა შინა აჩნდათ წყლულები.
პრქუეს: მეფეო, ვინც გადავრჩით, ყმანი ვართ შენი,
მადლი მოიღე, მბრძანებულო, წყალობა ჰქმენი —

ნულარას გვერჩი ოღონდაც და... მოგეცა ლხენა, —
უუმდიდრესი განძი ჩვენი მიიღე ძღვენად!

მოლბა ქაუსი, შეიბრაღა დამარცხებულნი,
ბედნიერ იქმნა შეწყალებით ხნეთა კრებული.
დააგდო ბერბერთ სამფლობელო ირანის სამამანს,
არეშიდამო შეძრა მათი ყიჟინის ხმამან.

აკვნესდა ებან-დაირები, წინწიღა-დაფნი, —
დასავლეთისკენ მთა უხმობდათ, — მთას ერქვა ყაფი.

იმათი მეფეც დამორჩილდა ირანელთ უხმოდ,
ის კი არადა, მათ შეხვედრად რჩეულთაც უხმო.

ირანის მეფეს ძღვენს შეჰპირდნენ ყაფის რჩეულნი,
მიართვეს კიდევ არნახული ძვირფასეული.

რა მოწიწება დაინახა მათი ქაუსმა,
არცა რა ავნო... მორჩილებამ გული გაუხსნა.

აწ ზაბულესთანს გაეშურა მღერად და ლხენად,
დასთანის ვაჟთან სურს აუბნოს სალუქი ენა.

თვესა ერთს დაჰყვეს ნიმრუზში და იამეს ღვინით,
კვნესოდა რუდი, ჰხმობდა ჩანგი, მეფობდა ლხინი.

გარნა საწუთრო, ვინ არ იცის, სურვილობს ასე, —
ეკალსაც ატანს ვარდებს, მწველი სურნელით სავსეს.

ვინ აღუდგება არსთ-არსების უმაღლეს ნებას? —
სწადია სიტკბოს მოგაგებს და — სწადია ვნებას.

ძლივს ამალღებულს მეფესეულად მიწაზე დაგვემს,
და აღზევებულს დაგამსგავსებს ძალღვიით ნაცემს.

ერთხანად თითქოს ჩაცხრა-ჩაკვდა ზრახვები ავი,
მაგრამ სიავემ უეცარად იჩინა თავი.

მეფისგან, ვისაც მორჩილებდა მისრი და შამი,
ცნობა ჰხვდა ქაუსს სალანძღავი, აღვსილი შხამით.

ვერ ეღირსები შენს წინ ქედი რომ მოვიხარო,
შენს ბატონობას არა ვსცნობო, ვინა გღიხარო?!

რა ესმა ქაუსს — ქვეყანაზე ვიღაც მღიღია —
ასე თავხედობს, — გაცაწყრა და გადაირია.

დაპკრეს ნაღარებს... მიატოვა ნიმრუზი მყისვე,
ლხინი წარსული არც ახსოვდა, მიჰქროდა ისე.

სპა კვალში მისდევს... ცეცხლშენთებულს წააგავს ყველა,
ზღვის ღელვა რაა, თვითეული იმგვარად ღელავს!

ზღვის სანაპიროს ელდასავით მოედო ჯარი,
სანაპიროზე გამეტებით შლეგობდა ქარი...

ნავებში ჩასხდნენ, წარეტანნენ ძალუმად ხოფებს,
შემონათვალთ ჯერაც ისევ ჰყრიდნენლა ცოფებს...

ხმელეთით ევლოთ, ათას ფარსანგს დალევენ როდის,
არადა გულზე აწვათ თითო ვეება ლოდი...

ზღვით ელვისაებრ მიაღწიეს იმ ნაპირს ზედა,
სამი ქვეყანა რომ ესახლა ლაღად და მხნედა.

მარჯვნივ მისრია, მარცხნივ — იგი ბერბერთა მხარე,
იმათ შორისი სამყოფელი უპყრია ზარეჰს.

ამ ქვეყნებს გვერდით გაშლილიყო ჰამავერანი, —
დაგელლებოდათ მისი ლაშქრის მზერით მზერანი.

ქაუსმა ჯარი გადმოსხაო, — რა ჩასწვდათ სმენას,
ურთიერთს შორის ხერხიანად აუბნეს ენა.

თათბირის შემდგომ სამსავ ერთურს აუბა მხარი, —
ბერბერეთისკენ დაძრეს ერთხმად თავისი ჯარი.

მიაბიჯებდნენ ამაყნი და თავაწეულნი —
ერთი სურვილით — მოვაშთოთო მტერი წყეული.

ხმაურს აევსო მთა და ველი, ფოლორცი, შუკა,
წინ მიიწევენ, — თითქოს არცრა დარჩათო უკან.

ტყიურებს გზები აპბნევიათ, ღმუიან ცხარედ,
წყლით გამომსხდარან, უბნელდებათ თვალები მყვარებს.

საზრიანობის დაჰკარგვია ყველას უნარი,
სად მიიმალონ — გასჩენიათ ეს საზრუნავი.

ირგვლივ გორდები, მახვილები მხოლოდ და მხოლოდ,
იტყოდით, — დღესვე მოელეზა ყველაფერს ბოლო.

ირანის ჯარმან გადაშლილმან, დაფარა ველი,
არცალა სადმე წყალი ჩანდა, არცალა ხმელი.

იტყოდით, ვრცელი ეს ქვეყანა ზღვააო ხმლების,
გამოუსხამთო ხმლებსა ამას საფრენად ფრთები.

მნათობთა ნაცვლად მახვილთ ცეცხლი ანათებს არეს,
არც სხივოსანი მზე მოჩანს და — არცალა მთვარე.

სად მახვილია ამოწვდილი, მოჩანს ფარებიც...
მიედინება ნაკადებად სისხლის ღვარები.

არემიდამოს დაჰპატრონდა ფერი აქატის,
თაღხი ამგვარი არ ეხილა მზერას აქამდის.

დაფ-ნალარებით დაბაზმურდნენ მთები ერთიან...
ბევრი ათასი თანამხედრებს გამოერჩია.

აატორტმანა დედამიწა ცხენთა ტორებმა,
სმენა ჩააქრო, დაცაახშო ბერბერთ დოლებმა.

დაჰქრის გორგინი, შეიღუში, ფარჰადი, თუსი,
 ამხედრდნენ... ცხენებს გამეტებით უბიძგეს ქუსლი.
 ზახილ-ძახილით არეს იკლებს გოშვადის ვაჟი,
 ფრთიანობს გივი, — მრავალ ომში ნაცადი კაჟი.
 მახვილს იქნევენ, მთები დადგა დუშმანის გვამით
 ეს... მათი ხმლებით ითესება ღვარძლი და შხამი.
 ამხედრებულნი მათთა მაღალთ მოჰგავდნენ სწორედ,
 იმათ სიმაღლეს შენატროდა მინდორი-ფორე.
 ცხენთ აქეზებენ ხანდისხანად... თვალებს — საცერებს
 აელვარებენ... იტყვიო, ზეცას დაბლა დასცემენ.
 უამიდან უამზე მბრძანებელის ზახილი ისმის,
 ვაჟობს ქაუსი და — ვაჟობენ რჩეულნი მისნი.
 მაინც ვერა და ვერ იმძლავრა ბნელეთზე მზემან,
 ისევ დაჰქროდა კუპრისფერი ღრუბლების რემა.
 თითქოს წვიმები მეწამული დაუშვეს ზეცით,
 ან — ტიტებს რგავდნენ.. დატორტმანობს წითელი ცეცხლი.
 ნაპერწკალობენ მახვილები, ცეცხლსა სთესავენ,
 გამოდარებას სულიერნი აღარც ესავენ.
 გვამებისაგან აღიმართა ვორა მრავალი,
 სისხლის მდინარეთ გადაკეტეს ყველა სავალი.
 იგრძნო: ჩვენს ზედა თავად ბედი ქმნილათ მწყრალი,
 და მეფემ ჰამავერანისამ ჩააგო ხმალი.
 ქაუსს წარუდგა წარგზავნილი იმისი კაცი, —
 მაშვრალი იგი წავგავდა საწუთროდაცლილს, —
 პრქუა: მეფემან ჩვენმან სცნოო დიდება შენი,
 ნიშნად, ამისა, მიიღეო მდიდრული ძღვენი.
 მოაქვთ ოქრო და ბრილიანტი, იარაღები,
 სპასიაკები, სოქალები... რომ ხელალებით —
 არ მოეკიდოს დამარცხებულს გამარჯვებული, —
 ძღვენი მიართვეს ყველა სხვა ძღვენს აღმატებული.
 ქმედებამ მათმან დაუმდიდრა გული ქაუსსაც,
 ელჩს მიუბრუნდა, ნააზრევი ავრე აუხსნა:
 გულს შიგან ჩემი მორჩილება გქონდეთ მარადი,
 თორემ მოგსრავთო, — არ ვიცით სიტყვის ღალატი.

მოჰხსენდა ქაუსს — დამარცხებულ მეფეს ჰყავს ქალი, —
 გულისა ლხინი და ჯავარი, სოფლისა წყალი.

პარლისაებრ მოქნილია იმისი ტანი,
 ვასაშტერებლად უბზინავსო მუშკ-ამბრის თმანი.

ქეიბურივით ჩაგესობა მისი ხატება --
 შვიდ შზის და მთვარის ერთობლივი გამონათება.

ენა — სალუქი, ხერხიანი, ბაგენი — ყანდი, —
 მზე არს, შეფრფვინვით რომ უმზერენ რიჭრაქზე ვარდნი.

მეფის საცოლედ უკეთესი არ იპოვება, —
 ზღვარი დასდოო სილამაზის უსაზღვროებას.

ამის გამგონე ქაუსის გულს ძგერამ უმატა, —
 ყველა სურვილი ერთიანად მიუჩუმათდა —

გარდა ერთისა — თავისად ჰქმნას ასული იგი, —
 ისე დაწინდოს, ვით მოითხოვს წესი და რიგი.

კაცი მოიხმო შენაქები, ენამზიანი,
 მჭევრმეტყველების იყო იგი თანაზიარი.

ამ განსჯამდიდარს დაავალა ქაუსმა საქმე, —
 პრქუა: რა ვით სჯობს, იფიქრეო ახლავე, აქვე.

ხამს დააჯერო მბრძანებელი ჰამავერანის —
 რომ ქვეყანაზე შემედრება მართლაც ვერავინ.

ხამს დააჯერო — ამა ქვეყნის დიადნი, დიდნი
 ვით ოცნებობენ — გადონ ჩემთან სამოყვროდ ხიდი.

ხომ აჩრდილებად ჩანან ჩემთან ქვეყნის შაჰები,
 დიდებამ ჩემთან ხომ დაჩრდილა მათი სახელი.

აწ და მარადის მიუზღვება ურვა და კვნესა, —
 ბრალი იმისი, ვინაც არ სცნობს სიმალლეს ჩემსას.

ასე მალალი რადგან ვთხოვ-თქო ნათესაობას,
 ზეობაც უნდა აღაჩინო, დიდო მზაობაც.

ამგვარად მესმა — ქალიშვილი ერთი გყოლია, —
 სხვა რამ სიტურფე მასთან თურმე მონაგონია.

სურნელით — ვარდი, სინაზით კი არის იაო,
 ხატება მისი მგოსანთ მღერის მიზეზიაო.

ვინდა არ იცის, — ცოდნა ესე არის მარტივი, —
 ყობადის ვაჟის სიძობაა დიდი პატივი.

ჰამავერანის თავქალაქში მივიდა ელჩი,
 მეფეს წარუდგა, გული ღია უცემდა მკერდში.

ბაგეზე დიდის გამეტებით შაქარი იცხო, —
 მბრძანებლის ქება-განდიდება საჭიროდ იცხო.

ქეი-ქაუსის საწადელის გასამხელადა
 ენა აუბნა ხერხიანად, თაფლისფერადა.



ჰამავერანის მბრძანებელმა ისმინა ყოვლი, —
 დარდი დააცხრა, სული მყისვე აღევხო თოვლით.
 ფიქრობდა: თუმცა მაღალია მეფე ირანის, —
 ზარისდამცემი, არნახული ძალის მჩინარი,
 მაგრამ ვით შევძლო, შეველიო ერთადერთ ასულს...
 ისიც ცხადია, უპასუხოს ვერ ვკადრებ პასუხს.
 უარი ვკადრო, — მომიხტება, გამაცამტვერებს,
 ბრალი მას, ღმერთი ქაუსს ვისაც გადაამტვერებს.
 არცა თანხმობა შევსთვალო და არცა უარი, —
 უფრო დაჰგესლავს ხერხი ესე, მოსატყუარი.
 ბაგედაშაქრულ ელჩს ეუბნა: რა გაეწყობა,
 ამა ქვეყნისა ძლიერებთან მმართვებს შეწყობა.
 ქაუსმა ორი საგანძური წარმტაცა აჰა,
 მესამე აღარც გამაჩნია, რომც ჰქონდეს ზრახვა.
 სიმდიდრე ჩემი იყო ჩემი ღონე და ძალი,
 ჩემი ლხენა და სიხარული — ჩემივე ქალი.
 ქალს როგორც მივცემ, სიხარულსაც განვეშორები,
 მე და წუხილი ვრჩებით ვითა თანატოლები.
 ვით ხელმეწიფვის მისი ნების არაღსრულება,
 სურვილი მისი ჩემთვის არის განკარგულება.
 სუდაბე იხმო საუბრისა ამისა მერე,
 მოვიდა იგი და მოუძღვა თვალწარმტაც ფერებს.
 პრქუა მშობელმან: ტკბილმეტყველი მოგზავნა ელჩი
 ქეი-ქაუსმა. სიხარულის წართმევას მერჩის.
 დია იმძლავრა არა ერთსა ქვეყანას ზედა,
 სამარადისოდ მწუხარე ჰქმნა მრავალი დედა.
 ახლა სწადია სიხარული წარიღოს ჩემიც,
 მსამი წარმაცხოს ერთიანად — ტერფიდან თხემით.
 შენ რაღას იტყვი, ჭკუათსაფრ გიჩანს ეს საქმე? —
 გონებას უხმე გონებიერს, მრავალგზის ნაქებს.
 პრქუა სუდაბემ: სად ვიპოვი უკეთეს საქმროს,
 ცოლობა მისი ჩემთვის არის ჭკუასთან ახლოს.
 რამდენი ომი მოიგო და ამაღლდა ვითარ...
 მთელი სამყარო მას ჰმორჩილებს ჭკვიანს და მდიდარს.
 ვინ, ვინ მიიჩნევს უბედობად საქმესა ამოს,
 შენს გარდა ვინ წუხს ბედნიერი ხვედრისა გამო?
 რა ნახა მამამ, რომ უარზე არ არის ქალი,
 მყისვე დადუმდა, ჩაიგუბა პირს შიგან წყალი.

თავს შეუძახა, თავი ძალით გაიხალისა,
ელჩი მოიხმო და პატივით გვერდით დაისვა.

საქმემან ამან დაუძძიმა თუმცაღა სულთქმა,
ქვი-ქაუსის წარმოგზავნილს თანხმობა უთხრა.

ურთიერთს შორის რა მოთავდა აზრების გაცვლა,
ლხენად დაჯდომა ისურვალა განცდების ნაცვლად.
მსგეფსა ერთს ისხდნენ, გაისმოდა ამო მღერანი,
ორძალის ჰანგებს დაემონა ჰამავერანი.

ელჩს მოაჩვენა გულისხმევა, თავისდადება, —
გულდათუთქულმა სანიჭარის იწყო მზადება.

დიბა-ფარჩებით დატვირთული აქლემნი დგანან...
სამასი მხველის — წარსაგზავნის მოკაზმვა ბრძანა.

სპასიაკები, ტოლამები, სარასალები,
იაკინთები, ტოპაზები, ბისონ-ლალეები...

ფარჩა-დიბიანს ორმოც კარავს მიუძღვის რემი, —
ამ სილამაზით გული ძალუმ უმატებს ცემას.

ტახტრევანზე ზის სადედოფლო წარმტაცი მთვარე,
და ტახტრევანი, აჰა, სტოვებს მშობლიურ მხარეს.

დედოფალს უნდა დაუმშვენოს თითქოსდა მხარი,
მდიდრულ ქარავანს გააყოლეს პატივად ჯარი.

ქვი-ქაუსთან რა მივიდნენ, ამა მშვენებით
იხარა მეფემ. აფრთიანდა ბედნიერებით.

ჰა, ტახტრევანი მიატოვა ახალმა მთვარემ, —
ქალი წარუდგა თვალნარგიზა ქაუსის თვალებს.

უციმციმებდა ალმასები მუშკ-ამბრის თმაში,
სიმი გრძნეული ორძალისა უღლერდა ხმაში.

წარბები — ვერცხლი — ნაკვეთია ოსტატის ხელით, —
იტყოდით, სწორედ მიტომ არსო ამგვარად მწველი.

ატაცებული შეჰყურებდა მეფე ირანის, —
იჩქითად იქმნა იეზდანის მადლის მჩინარი.

შემდგომ ამისა, იხმო თვისი მოაბადები, —
ვინაც იცოდნენ დედამიწის გულში ნადებიც...

ამბავი უთხრა მათ ამ ქალის, საესავისა,
და იმავ წუთში, მათ წინაშე, სცნო ის თავისად.

ჰამავერანის მეუფე კი, სავსე ნაღველით,
ფიქრობდა, როგორ აღედგინა თვისი სახელი.

დღესა შვიდს წრიალ-ტრიალებდა, ვიდოდა თრთოლით,
 დღესა მერვეს კი გააგზავნა მალღიად მსრბოლი
 უთვლიდა ქაუსს: გავიხარებ შენისა ნახვით,
 სტუმრობით შენით გამიბრწყინე გული და სახლი.
 ჰამავერანი მოსვლით შენით იხარებს და,
 შენი აქ მოსვლა დიდს და მცირეს გვამსგავსებს ფრთიანს.
 წერილი იგი დათაფლული, სიცრუით სავსე,
 ირანის მეფეს იტყუებდა ამგვარად, ასე.
 ჰამავერანის მბრძანებელი, ქაუსზე მწყრალი, —
 ფიქრობდა, ამ გზით გამოეხსნა თავისი ქალი.
 წერილის აზრი შეფარული, იგრძნო მან ქალმან,
 მოსალოდნელი უბედობა ანიშნა თვალმან.
 პრქუა მეუღლეს: მამაჩემთან ნუ წახვალ ახლა,
 ამა მიწვევას ღიბოდ უძევს ავი რამ ზრახვა.
 მამაჩემს სურს რომ ლხინი იგი გიქციოს ომად,
 თორემ მე ვიცი არ აქვს ლხენა-ქეიფის ნდომა.
 თავს ვერ დაიხსნის იგი შენგან ვერარა ხერხით—
 მიწვევის გარდა... დაგატეხოს სწადია მენი.
 გირჩევ, მეფეო, არ წახვიდე, თორემ ინანებ,
 მშობელი ჩემი გაცთუნებთ და გავნებთ ირანელთ.
 რადგანაც ქაუსს არვინ უჩნდა თავისა სწორად,
 სუდაბეს ესე შგგონება ჩათვალა ჭორად.
 ვითა მკადრებსო, უპასუხა, უხმო რჩეულებს,
 და შაჰესაკენ მიაქვთ გეზი ახლა წვეულებს,
 ქალაქი შაჰე იყო ერთი ბაღნარი, მტილი,
 აი, აქ იყო მოლხენაც და ღრეობაც ტკბილი.
 მთელი ქალაქი ფეხზე იდგა, ქაუსს ელოდა,
 მორთული იყო არემარე მოსალხენოდა.
 ქეი-ქაუსი შევიდა და დიდი პატარა
 მის წინ დაემხო... სასახლემდე ასე ატარა
 ათასმა მზერამ; ბრილიანტებს უხვად აყრიან,
 ზაფრანა-ამბრი, მუტრიბთ ჰანგნი ცაში დაჰქრიან.
 ორძალისა და რუდის ხმები ერთურთს ერევა,
 იტყოდით, ქვეყნად გამეფდეთ ბედნიერება.
 ჰამავერანის რჩეულები შემოხვდნენ ქაუსს,
 სმენა დაეხმო ორძალების, რუდების ხმაურს.
 ოქროს, იაგუნდს მოუკაზმავს გზა და სავალი,
 მიმოხეული ბრილიანტი მოჩანს მრავალი.

მუშკ-ამბრის წვიმა მოიფრქვევა ამოდ, ნელიად,
ამ ნეტარებას არ დაჰნებდეს, არ რომელია.

შედის სტუმარი — ბედნიერი — სასახლეს შინა,
ტახტზე ჯდება და — გარეშემო ყოველი ბზინავს.

მსგეფსა ერთს ისხდნენ უდარდელად, ზეობდა სული,
მძლავრობდა ღვინო, არვის აჩნდა ზრახვანი მტრული

ჰამავერანის მბრძანებელი თავს ევლებოდა,
დიდი ირანის მეუფის წინ შიშით კრთებოდა.

ემსახურება ირანელებს რაზმი რჩეული
ჰამავერანის. ლალად გრძნობენ თავს მოწვეულნი.

ქებას ასხამენ ქეი-ქაუსს — მძლავრსა და მაღალს,
გადაივიწყეს სიფრთხილე და ღრეობენ ლალად.

მერვე დღეს. ვითარ ჰქონდათ პირი შეკრული კიდევ,
ავმასპინძლებმა მასპინძლობას დაუდეს კიდევ.

ამ დროისათვის მოჭრილიყვნენ ბერბერნი უნდა,
და აჰა, დათქმულ დროისათვის დაჩქრნენ გუნდად.

რომ ნერგმან მისმან ყლორტი დროზე ამოიყარა,
ჰამავერანის მბრძანებელმა დია იხარა.

ნიშანი მისცეს ერომანეთს და იელვეს მახვილთ
და ბრძოლის ველად გადაიქცა მასპინძლის სახლი.

ელვის სისწრაფით დაატყვევეს ირანის მეფე,
და მასთან ერთად ირანელთა რჩეული-სეფე

თხემით ტერფამდის ბორკილებში ჩასვეს გოდერძი,
ყველა რჩეული... შეუცვალეს ღვინი გოდებით.

მათი ღირსება-სიდიადე მიწაზე დასცეს...

ცრემლი სდიოდათ განდიდებულს საქვეყნოდ კაცებს.

უნდა დაენდო მარტოოდენ ნათესავს სისხლით,
ასე ყოფილა... ასე მოდის მისხითი-მისხით.

დიახ, დუშმანთან ტყუილია თურმე ყოველი,
თვით სიწმინდისთვის, უწმინდური მათგან მოგელის.

ვინაც მეგობრად მიგაჩნია, დასცაღე იმ დროს,
როდესაც გიჭირს... და ნუ გიკვირს თუ ისიც გიმტრობს.

სიმაღლე შენი ვააგიჟებს ცოტა არსებათ,
სიმაღლე შენი ცნობასუსტთა გულებს დასერავს.

ჰოი, საწუთროვ, ვინ ჩახვდება შენს ლაფალ ზრახვათ,
წუთის წინ სულ სხვა იყავი და ამ წუთში სხვა ხარ...

ისე ირწევი, ვითა ქარით ტირიფის ტოტი,
არავინ უწყის, უადგილო რად გიყვარს შფოთი.



ქართული
საქმიანობა

ირანის მეფის, შეპყრობილის წამება სწადდათ,
 და აჰა, კიდევ ხელსაყრელი დრო-ჟამი დადგა.
 შავმა ღრუბლებმა ხეტიალი დაიწყეს ცაზე
 მიმოდიოდნენ და ავლებდნენ მოთაღხო
 ნებიტა მალლის იუზდანის — მრავლობდნენ მეტად,
 ეგე ღრუბელნი წააგავდნენ მრისხანე მხედართ.
 ბნელი საქმისთვის თითქოს სწადთო სიბნელის მიზღვა,
 დარიალებდნენ, იზრდებოდნენ... იპყრობდათ რისხვა.
 ერთს ბნელ საკანში მოათავსეს ირანის თავი, —
 ცრემლი მოაწყდა უეცარად, ვითარცა ზვავი.
 მასთან არიან რჩეულები — გოდერძი, გივი,
 თუსი, ფარჰადი... შილუული იმედის სხივით.
 დარაჯად ედგათ ათასობით მხედარი მტრისა,
 იმედი რამის თუკი აქვნდათ, ისევე ღმრთისა.
 ჰამავერანის მბრძანებელმა ძვირფასეული —
 ქაუსის განძი — სამოსელი ფერხის, სხეულის —
 ხელალებით და გულუხვობით თვის მონათ უძღვნა,
 საქმით ამგვარით გული მათი მოიგო უცბად.
 ჰამავერანის მბრძანებელმა ბრძანება გასცა —
 მომგვარეთ ქალი, მეყოფაო ოხვრა და განცდა.
 ოდეს სუდაბემ მეფისა და რჩეულთ სამოსში
 გამოწყობილი, იცნო თვისი მონა სამოცი,
 მუშკის ზილფები დაიგლიჯა, ვარდის ღაწეები —
 მიმოიხოკა... განაცვიფრა მონა-კაცები.
 პრქუა მათ: ხედავთ რა მუნთალად მომექცა მამა,
 თავისი ჭკუით, იქნებ ჰგონებს, ჩემზედა ჰგამა...
 ლხინად იწვია ქმარი ჩემი, მოალაფალა,
 მოზარზეიმეს მიეპარა, ხმალი ახალა.
 თუ არ ღალატით, ქაუსს იგი ვით დასჯაბნიდა, —
 ბრძოლით ვერც მას და ვერც რჩეულებს მისას დაღლიდა.
 პოი, თქვენ, მხდალო დიაცებო, მუნთალ-ჯაბანნო,
 გზადა ვარ ყველა ცეცხლს მიგცეთ და ქარს გაგატანოთ!
 ღირსეულ მეფეს ვით შეჰბედეთ უღირსი ქცევა,
 საწყალობელნო, ძლევას ამგვარს არქმევთლა ძლევას?
 ძაღლების ხროვაგ, ყოფნას თქვენსას მივიჩნევ არად, —
 თქვა და ნარგიზი თვალებიდან ცრემლები ღვარა.
 რაგინდ იღონოთ, არა ვსცნობო მშობელის ბინას,
 ქეი-ქაუსს კი ჩავეყვებით საფლავსა შინა.

თავს მოჰკვეთთ ქაუსს? — მეც იმასთან მომკვეთეთ თავი,
ვაგინაწილო მინდა მისი წილხვედრი ავი.

წარვიდნენ, მეფეს მოახსენეს ყოველი მონათ,
გულზე დააწვა მეფეს ლოდი თავისი წონა.

სუდაბე თრთოლით მიუახლა ქაუსის საკანს,
ქალის გოდება არ ეხილათ ამგვარი სხვაგან.

ინაწილებდა ქაუსის ხვედრს მეუღლე მისი,
ორთავეს სულში ერთნაირად ჩამოწვა ნისლი.

მეფის დაკარგვით სპა-ლაშქარმაც ცრემლები ღვარა, —
მერმე კი დიდი ირანისკენ გაუყვა შარას.

და პა, დარეკა ქვეყანაზე კიდევაც ზარმა, —
შეპყრობილ არსო ქაუს მეფე — მაღალი ალვა.

მტერი მრავალი აფუსფუსდა — უმეფო მხარე —
თუ დაპყრობაა, დავიპყროთო ახლავე ბარემ.

ურიცხვი ჯარი მიაყენა თურქეთმა ირანს, —
ლაშქარი იგი მიაგავდა ბობოქარ მდინარს...

გადაივიწყა თურქთა მეფემ სმა, ჭაშა, ძილი,
ირანის ფლობის ეწეოდა ოცნება ტკბილი.

ისევ აკვნესდა მტრის ფერხთა ქვეშ ირანის მიწა,
ირანელთათვის ვანი უკვე წარსულად იქცა.

აფრასიაბი შეიჭრა და იხმო თაზელნიც, —
ჯარის ამგვარის არვინ იყო ჯერაც მნახველი.

თვესა სამს უღმრთოდ იღვრებოდა სისხლი ველებზე.
და... მეწამულმა გაიმარჯვა ყველა ფერებზე.

პოი, სიხარბევ ადამის ძის, ძლიერი რამ ხარ,
სიხარბისაგან, კაცს ვინ იცის, რის მომქმედს ნახავ.

ხემან დარგულმან, თითქოს მხოლოდ ღვარძლი მოისხა, —
აღარაფერი არ დატოვა... ყოველი მოისრა.

თითქოს ღმერთს სურდა ალეგავა მათი სახელი,
ერთიან გაწყდნენ თურქებიც და — გაწყდნენ თაზელნიც.

მიმოიფანტა ირანელთა ურიცხვი ჯარიც, —
გაწყდა მრავალი ხნე, ჭაბუკი, ბავშვი თუ ქალი.

ზაბულესთანში, გაეშურა — გადარჩა ვინაც, —
ვეგულეობდათ იქ როსტომი — ფოლადი, რკინა.

უთხრეს: მაღალო ფალავანო, გვიშველე რამე, —
ქაუსისათვის მზე მცხუნვარე გადიქცა ღამედ.

ირანის მხარეს გაუთენდა დღეები თალხი,
გადატანილზე უარეს დღეს მოელის ხალხი.



თუ არ გვიშველი, ხალხი ისე ელვისებრ წყდება,
 კაცთა ალაგას დაიბუდებს ტყიურთა წყება.
 მეფეთა მხარეს, ლომგულების დიად ქვეყანას,
 განგებამ ეს რა უსაშველო ჭირი შეპყარა,
 ირანი მალე გველემშაპის იქცევა ბუდედ,
 ჩვენს ამა ნათქვამს ლიბოდ უკვე მომხდარი უძევს.
 გაგვიხალვათე წუხილისგან სავსე გულები, —
 ჰა, შემოგჩივით ღმერთისაგან განწირულები.
 დაუძლეველო, შენ გენუკვით, გვიმეთაურე,
 გადაგვარჩინე მოსალოდნელ აურზაურებს.
 ისმენს როსტომი, სიბრალულთ დაეწვა გული,
 ცრემლი წარსდინდა.. ხატსა ზედა დააჩნდა წყლული.
 პრქუა მათ: მზად ვარ, მტერი თქვენი ჩემს მტერად ვიცნო,
 დუშმანის თქვენის მოსაშთობად მახვილი ვიძრო.
 ვპირდებით, ირანს თურქებისგან გავააზატებ,
 თავად იხილავთ, დავძრავ მათი სისხლის ნაკადებს.
 მალუმსრბოლები მიმოგზავნა უსწრაფეს ელვის, —
 მხედართ იწვევდა, — დრო დადგაო შფოთის და ღელვის.
 დაიძრნენ ქამარშემორტყმულნი პინდით, ქაბულით,
 თავგანწირულებს მასპინძელი დახვდათ ზაბული.

4

ზაალის ვაჟმა ქაუსთანაც აფრინა კაცი —
 გაუძელიო, ნუ შეგაკრთობს წილხვედრი მკაცრი.
 ჰამავერანზე საბრძოლველად დავიძარიო,
 დიადი ლაშქრით მოვიჩქარი ვითა ქარიო.
 გული ამდოვრე, დაიწყნარე. ცოცხალ ვარ ვირე, —
 უუდიდესი საწუნარიც ჩათვალე მცირედ.
 ხმა მიაწვდინა მბრძანებელსაც ჰამავერანის —
 არ ეკადრების მეუფესო ქცევა ვერავი.
 ქეი-ქაუსი ვით აცთუნე, აწ შემიტყვია, —
 ამა ცთუნების საპასუხოდ შემომითვლია:
 არა ეგების საქციელი მეფეს ცბიერი, —
 არ იკადრებდა ამგვარს რამეს განსჯა ძლიერი.
 ლაფალი საქმე ცნობასუსტის არის საგანი, —
 მხოლოდ სულმდაბალთ უკადრიათ ქცევა ამგვარი.
 არ გადაპყარო ქეი-ქაუსს, იცოდე, ავი,
 არ გაიმეტო ეშმაკისთვის შენივე თავი!

თორემ სიავე მე რომ ვიცი, კაცის კონებას
იმისნაირი, ალბათ, არსად ვაუგონება.

გაფრთხილებ, — უგლიმ-უტიფარად არ გაისარჯო, —
შენივე ნებით სახრჩობელა არ მიისაჯო.

ალბათ გსმენია მაზანდარანს რა დღე ვაწიე, —
მზე დავუბნელე, ზეცა მათთვის დაბლა დავწიე.

გავაცამტვერე უძლეველი მათი ფულადი,
თეთრი დევი და შენაქები ყველა გულადი.

ჭკუით იყავი, დღენი შავად არ გაითენო,
შენივე თავის გლოვის დღენი არ დაიყენო.

მეფეს ეახლა მალემსრბოლი ამა წერილით,
შემონათვალი ამ წერილმა ჰქმნა გამხელილი.

ჰამავერანის მეფეს მყისვე დააცხრა ზარი,
გარნა სიმწარეს უპასუხა მაინცლა მწარით.

უთვლის: აწ ქაუსს მეუფება არ ეღირსება,
ტრაბახიას, როგორცა ჩანს, შენც თვისება...

აბა, სცადე და აქ მობრძანდი, — იხილავ დავად, —
შენი სავალიც შენი მეფის საკნისკენ წავა.

მოგნატრებია ბორკილები და საპყრობილე? —
არ დავიზარებ, — საპყრობილეს დაგაძმობილებ.

რა მოისმინა მალემსრბოლმა, მალიად სრბოლით
როსტომს მიეჭრა და ყოველი უამბო თრთოლით:

ჩასახლებია საწყალობელს ბოროტი სული, —
პასუხი ესე უპასუხო გკადრათ მტრული.

ყველა ისმინა როსტომმა და ვით ჰქონდა ჩვევად,
რჩეულთა კაცთა მოისმინა თათბირი-რჩევა.

მერმე კი უცებ ახმაურდა წინწილა-დაფი,
აბობოქრებულ როსტომის რახშს პირს ადგა ქაფი.

ხმელეთით რადგან ხანი დიდი სჭიროდა სავალს,
ზღვით სვლა ირჩიეს, — არ დასჭირდათ ამაზე დავა.

ჰა, ატორტმანდა ზღვასა ზედა მრავალი ნავი, —
ჰამავერანის სამეფოში ამოყვეს თავი.

უწყალოდ იწყეს სოცვა-ყლეტა გარეშეშოზე, —
ყოველიფერი მეყვსეულად ცეცხლით შემოსეს.

ჰკაფავენ ყოველს, რაცა ჰხვდებათ მარჯვნივ და მარცხნივ,
მახვილი მათი ამოსუნთქვას არავის აცლის.

მეფემან მათმან რა შეიტყო როსტომის მოჭრა,
დიდ ბოროტებად მიიჩნია მცირედი მოცდაც.

დაყოვნება და — აღარავინ შემრჩება ხელთო,
 სულ მალე სისხლი აატბორებს წყალსა და ხმელსო.
 არადა, უკვე ჩუხჩუხებდნენ წითლად ღელენი,
 მეწამულს კიდევ დაეფარა უკვე ხმელეთი.
 შეკრიბა ჯარი, გამოვიდა... აღარ ჩანს რამე, —
 იტყოდით, დაუპატრონაო სინათლეს ღამე.
 ირყევა ცა და დედამიწა, ჰყვიან დაფნი...
 არემიდამოს კპატრონობსლა ზათქი და ხაფი.
 გააფთრებულნი ერთმანეთზე იწვევენ სპანი,
 ერთურთს ერევა ჭიხვინი და მებრძოლთა ხმანი.
 რახშუე ამხედრდა... ზახილი და გრგვინვა ჰყო პირმან,
 ქმედებას ფართო გზა-სავალი მისცა მან გმირმან.
 ელვის უსწრაფეს მიმოფანტა დუშმანის ჯარი,
 ხმალი ძალუმად ამახვილა, იფარა ფარი.
 დუშმანის ჯარი ერთიანად აოტნა, მოსრა, —
 ახლა დგებაო, იფიქრებდით, მეორედ მოსვლა.
 ეგების რამე მირჩიოსო რჩეულთ კრებულმან, —
 თავკაცნი იხმო მბრძანებელმა დამარცხებულმან.
 ხნეკაცთ შეჰკადრეს: ჩვენ იმის მეტს გირჩევთ ველარას, —
 რომ დახმარება სამ მეზობელს სთხოვო ქვეყანას.
 ჭკუათსაფერად ჩათვალეს და — დაგზავნეს კაცნი —
 სამ მეზობელთან... დაგვიდგაო დღეები მკაცრი.
 დააბაზმურა დედამიწა სამთავე ჯარმან,
 იტყოდით, ხელი აიღოო ძე-კაცზე დარმა.
 როსტომს ეცნობა ეს ფარული კავშირი სამთა, —
 თავის მხრივ ისიც გამორჩეულთ თათბირსა მართავს.
 მერმე აცნობა ქეი-ქაუსს: შეკრესო პირი
 ჩემს წინააღმდეგ... გარნა მე შენს ბედ-იღბალს ვტირი...
 ჯარს როგორც დავძრავ, შემომხვდება სამი სპა ერთად,
 მაგრამ არ ვჩივი, არ მეშინის, ძალი მაქვს ხელთა...
 შენ არა გვენოს მბრძანებელო, იმასლა ვდარდობ,
 თორემ მე, თუნდაც ათიოდ ჯარს დავხვდები მარტო...
 რას დამაკლებენ ან ესენი, ან ბერბერები, —
 მიწყვი მზადა ვარ — მათი სისხლით მოვრწყო ველები.
 კპასუხობს მეფე: მე თუ მოგკვდი, არ არის ბრალი,
 მტერს არ ჩაუგდო ოღონდ ჩვენი მიწა და წყალი,
 სიკეთის გვერდით მტრობა სუფევს გაჩენის დღიდან,
 თაფლთან ბაღლაში დღეს არავის აკვირვებს დიდად.

შენ ოღონდ მტერი დაამარცხე და სხვა ნუ ვაგვა,
არ დაგიკარგავ მაგ სამსახურს, წვასა და დაგვას.

მეფის წერილმა შემატაო თითქოსდა ძალა,
ამხედრდა იგი... ქარიშხალის — აშარის დარად.

აი, შემოხვდა სამი ქვეყნის ჯარი უშქარი,
თვალს ავლებს მტრულად, მრისხანებით, უტყვი მუქარით.

იზახის: მოდით, შემებრძოლეთ ერთად მრავალნი, —
მწადს მიგასწავლოთ ქვესკნელისკენ გზა და სავალი...

დგას. ილოდება მდორე გულით. და არა ღელვით,
ბევრი იცადა, შებრძოლება შეჰბედა ვერვინ.

ამასობაში გვარიანად დაბნელდა კიდეც, —
ზეცამ ნარნარით ჩამოუშვა მოთაღხო რიდე.

კარავს შევიდა თუ არა და — დააცხრა ძილი,
გამოეცხადა ზმანებანი ამო და ტკბილი.

უცებ დანებდა სიამისმგვრელ ამო ზმანებათ,
და ამ ზმანებათ თავი მხოლოდ დილით ანება.

5

ერთი ხმაურით, შემართებით, მუქარით, რინით, —
დილასისხამზე კვლა დაეწყვნენ აქეთ და იქით.

ჰამავერანელთ ჰყვათ უშქარი მებრძოლი სპილო, —
მობუხუნობდნენ, წაავადნენ მქუხარე ნილოსს.

ცხენთა სიმძიმით დამძიმდა და აკვნესდა მიწა,
მხედართა ხმებზე ექო ბევრჯერ იძრა და მიწყდა.

რკინის პერანგნი, მუზარადნი... თითქოსდა ჟინი —
რკინით შემოსვის... აღბორჯის მთაც მოსილა რკინით.





პოლონურიდან თარგმნა მისეილ კვლივიკაჲ

ტირილი

(წიგნიდან: „მომავალი დრო“)

მე თქვენ მოგმართავთ — მღვდლებო
მასწავლებლებო მსაჯულებო
მსატვრებო
სარაზებო ექიმებო რეფერენტებო
და შენც მამაჩემო
ჩომისმინეთ რას გეტყვით

მე იარაღი ვარ
ბრმა როგორც ნაჯახი
ჯალათის ხელში
მე კაცი მოვკალი
და სისხლიანი თითებით
დიაცის ძუძუებს ვეალერსებოდი

მე ახალგაზრდა არ ვარ
ნუ შეგაცდენთ ნურც ჩემი მოქნილი
სხეული
ნურც ჩემი ყელის სითეთრე
ნურც გახსნილი შუბლის სისპეტაკე
ნურც ახლადშედინილი უღვაში
ნურც ქერუბიმის სიცილი
ნურც გამართული სიარული
ნუ შეგაცდენთ

დასახიჩრებული
მე ვერ ვხედავდი —
ვერც ცას ვერც ყვავილს
ვერც ფრინველს ბუდეს ხეს
წმინდა ფრანცისკოს
პექტორსა და აქილეესს

მე ახალგაზრდა არ ვარ
გულს ნუ აგიჩუყებთ
ნურც ჩემი სიწმინდე
ნურც ჩემი უბიწოება
ჩემი სინედლე და მიაამიტობა

ექვსი წლის განმავლობაში
განუწყვეტლივ
ჩემი ნესტოები სისხლიან ორთქლს
აფრქვევდნენ
და მე არ მწამს არც წყლის ღვინოდ
გარდაქმნა

მე ოცი წლისა ვარ
მე მკვლელი ვარ

არც ცოდვათა მიტვეება
არც აღდგომა მკვდრეთით

ქვირადღირებული სიჩუმე



I
თოვლი დასტრიალებს შავ ქალაქს
მიწაყრილებზე გდია ნამძინარევი
თეთრი ფრინველი

ჩვენს სახლში სიჩუმეა
სიჩუმეში იცინის ცოლი
და მისი სიცილით ივსება სიჩუმე
ესოდენ ძვირადღირებული

II
ესპანეთში საბერძნეთში
მდაბიოთა სახლებში
დუმილი ცხოვრობს
ღარიბ სახლებში
სიკვდილი ცხოვრობს
სიცილია მიატოვა ისინი

ადამიანები მომლოდინე ადამიანები
მიწისთვის ყურმიდებულნი და სმენად
ქცეულნი
გახელილი თვალებით ჩაძინებულნი
არ იცინიან
ადამიანები მიწაში რომ წვანან
ხდუმან
ახლოვდება ვამი
მცენარეები რომელთა ფესვი და
ყვავილი

მიწისქვეშ ვითარდება
მზისკენ იწყებენ ლტოლვას
ძვირადღირებულ სიჩუმეში
პატიმრის წიმღერა ისმის
„ბალახი იცელება მისი გადაწვაც
შეიძლება
მაგრამ ვის შეუძლია უბრძანოს
გაზაფხულის მიწას

სიმწვანეს ნულარ გააჩენო
ბალახით ნულარ დაიფარებო?!”

III
ძვირადღირებულ სიჩუმეში
საფაბრიკო ქალაქში – სასაფლაოა
შავი ქალაქის ცენტრში
საფლავის ძეგლებია ფიცრით ნაგები
და ყოველ მათგანს ვარსკვლავი
აგვირგვინებს
ძვირადღირებულ სიჩუმეში
საფლაავებს შორის პაერს შეარხევს
ბავშვის სიცილი
გასკდება იგი სასაფლაოს
და კიდევ დიდხანს თვითოეული იმათი
სიტყვა

სუნთქვა ჩურჩული
შკაფიოდ ისმის
ძვირადღირებულ სიჩუმეში

IV
თოვლი დასტრიალებს შავ ქალაქს
მიწაყრილებზე გდია ნამძინარევი
თეთრი ფრინველი
სიჩუმეა ჩვენს სახლში
სიჩუმეში იცინის ცოლი
და მისი სიცილით ივსება სიჩუმე
ესოდენ ძვირადღირებული
ელვარებს ოქროს გვირგვინი თმების
ქალს ხელი ძუძუზე უღევს და მესმის
მისი ხმა:
„ამჟამად ორი გული ფეთქავსო ჩემში“
მე მესმის მისი ხმა და მესმის მისი
სიცილი

ბედნიერი სიცილი
ამ სიჩუმეში.



ფრანგულიდან თარგმნა ზვიად გამსახურდიამ

ორგანი ოთახი

ოთახი, ოცნების მსგავსი, ჭეშმარიტად სპირიტუალური ოთახი, რომლის შეგუბული ატმოსფერო ოდნავ შეფერილა ცისფრად და ვარდისფრად.

აქ სული ზანტად სთვლემს მცონარების არომატულ ემბაჟში, სინანულითა და სურვილებით სავსე ემბაჟში, — ო, ეს მიმწუხრი, მოცისფრო, მოვარდისფრო მიმწუხრი, ოცნება ვნების სიამტკბილისა მზის დაბნელებისას.

უცხოდ ნახელოვნები ავეჯის ფორმები გაწელილან, მოთენთილან სევედისმომგვრულად. თითქოს ოცნებობენ, სომნამბულურ ყოფას განიცდიან თითქოს, როგორც მცენარე, ან მინერალი. ქსოვილები მუნჯურად მეტყველებენ, როგორც ყვავილნი, როგორც ზეცა, როგორც მზე ჩამავალი.

კედლებზე — აჯავითარი მხატვრული სუროგატი; წმინდა ოცნებასთან შედარებით, უანალიზო აღქმასთან შედარებით, განა ღვთისგმობა არ არის ყოველგვარი განსაზღვრული ხელოვნება, ყოველგვარი პოზიტიური ხელოვნება? აქ სუფევს კმაყოფილება, სიცხადე და წარმტაცი ბუნდოვანება ჰარმონიისა.

უნატიფესი არომატი მსჭვალავს ოდნავ ნოტიო პაერს, მთვლემარე სულს ანანაგებს სითბო გრძნეული.

ფარდების მუსლინი თოვლივით თეთრ ტალღებად ეშვება ფანჯრებიდან ლოგინზე. ამ სარეცელზე განისვენებს სათაყვანო კერპი, ოცნების დედოფალი, საიდან გაჩნდა იგი? რომელმა ჯადოსნურმა ძალამ დასვა იგი ამ ტახტზე, ოცნებათა და ვნებათა ტახტზე? რამ მოიყვანა? ეგ სულ ერთია. იგი აქ არის, აქ, ვიცანი, ვიცანი!

აი, მისი თვალები, ბინდში ცეცხლივით მოელვარე ნაზი თვალები, ამაზრზენი თვალები; ვიცანი ეს თვალები და მათი საშინელი სივერაგე!

გიზიდავენ, გიმონებენ, ნთქავენ მზერას უბირი კაცისას. ხშირად ვუთვალთვალედი მე ამ შავ ვარსკვლავებს, აღტაცებას და ცნობისწადილს რომ აღძრავენ სულში.

რომელმა კეთილმა დემონმა მომმადლა ეს სიმშვიდე, ეს იღუ-

მალე და ნელსურნელება? პოი ნეტარებავ! განა შეედრება ყოველივე ამას, თუნდაც თავის უბედნიერეს გამოვლინებაში ის, რასაც ჩვეულებრივ სიცოცხლეს ვუწოდებთ? განა რა საერთო აქვს მას ამ უზენაეს ცხოვრებასთან, რომელიც მე ამჟამად შევიცანი, რომელიც თავ ვნეტარებ ყოველ წუთს, ყოველ წამს? თუმც, არა, არა, სადღაა წუთი, სადღაა წამი! დრო გაქრა, მარადისობა სუფევს, განცხრომათა მარადისობა!

მაგრამ აჰა, კარზე გაისმა თავზარდამცემი, მძიმე რახუნი და თითქოს ჯოჯოხეთურ სიზმარში მომეჩვენა, რომ ვიღაცამ ნიჩაბი მაძგერა მუცელში. აჰა, სულთამხუთავმაც შემოაბიჯა. ეს სასამართლოს აღმასრულებელი მოსულა ალბათ, რათა სული ამომხადოს კანონის ძალით, ან ურცხვი ხარჭა თუ მომდგომია კარს, თავისი უტიფარი მოთხოვნებით, რათა ჩემი ცხოვრების წამება გაათქვეცოს თავისი ყოფის ტრივიალური წვრილმანებით, ან რომელიმე რედაქტორმა თუ გამოგზავნა კაცი და ხელნაწერის გაგრძელებას მოითხოვს ჩემგან.

სამოთხისდარი ოთახი, სათაყვანო კერპი, ოცნების დედოფალი, სილფიდა, როგორც იტყოდა დიდი რენე — მთელი ეს გრძნეულება თვალის დახამხამებაში შთანთქა სულთამხუთავის უხეშმა რახუნმა.

პოი საშინელებავ! გამოვფხიზლდი! გამახსენდა! ო, ეს ხუნულა, ეს საუფლო მუდმივი სევდის და მოწყენისა, — ეს ჩემი ბინა! აი, უხეირო ავეჯი, დამტვერილი და დაღუწილი; ჩამქრალი, ჩაფურთხებული ბუხარი; მოუამული ფანჯრები, დამტვერილ მინებზე — წვიმის ზოლები. დაფანტული, დადღაბნილი ხელნაწერები; კალენდარი, რომელზედაც ფანქრითაა აღნიშნული საბედისწერო ვადები!

ვაჰმე! უცხო სამყაროს ნელსურნელება, რომლითაც ვტკბებოდით და ვნეტარებდი ესოდენ მწველად, უცებ შესცვალა თამბაქოს ბოლის ოხშივარმა და რაღაც შმორიანმა სუნმა, ირგვლივ სიღარიბეა და მიუსაფრობა.

ამ სულისშემხუთველ, მოწყენითა და ზიზღით სავსე სამყაროში ერთადერთი ნაცნობი საგანიღა მიღიმის: ლაუდანუმის შუშა, ძველი, ვერაგი საყვარელი; ალერსსაც რომ გპირდება და ლალატსაც, როგორც ყოველი საყვარელი, ვაგლახ!

ღიახ, დრომ ისევ განამკვიდრა თავისი უფლებები; დრომ ისევ იწყო განმგებლობა; და ამ საზიზღარ ბებრუხანასთან ერთად დაბრუნდა მთელი მისი ეშმაკეული ამაღა: მოგონებები, სინანული, კრუნჩხვები, შიშები, მოწყენა, კომმარები, მრისხანება და ნევროზები.

ჰოდა, წამები ახლა საზეიმოდ ღაღადებენ მთელი ხმით, და ყოველი მათგანი, გამოფრინდება თუ არა საათიდან, ხმამაღლა აცხადებს: „ეს მე ვარ, ცხოვრება, აუტანელი, უწყალო ცხოვრება“.

არის მხოლოდ ერთადერთი წამი ადამიანის ცხოვრებაში, რომელსაც მოაქვს კეთილი ხარება, კეთილი ხარება, ყველას გამოუცნობ შიშის ზარს რომ ხცემს.

ღიახ! დრო გამეფდა ისევ, კვლავ გამოაცხადა მან თავისი სას-

ტიკი დიქტატურა. კვლავ ხარივით მიმერეკება იგი თავისი ორმაგი შოლტით და დამჩნავის: პა, გადაადგი, ვირო, ფენი! გაიხვეთქე ოფლში, მონავ! იცხოვრე, იცხოვრე, წყეულო!”.

ლავის პირველი საათი



ბოლოს და ბოლოს, ძლივს მარტო დავრჩი! ქუჩიდან რამდენიმე დაგვიანებული, ქანცმიღეული უკიპაჟის ხმაურიღა მოისმის. სიმშვიდეში თუ არა, მდუმარებაში მაინც ვავატარებ რამდენიმე საათს. ძლივს მეღირსა მარტო დარჩენა. ადამიანთა სახეების ტირანია დამთავრდა, ასე რომ, ახლა მარტოოდენ საკუთარი თავიღა დამტანჯავს.

აჰა, მარტო ვარ! ახლა კი ძალშიძს განვიბანო ღამეულ სიბნელეში. უწინარეს ყოვლისა, ორგზის გადავატრიალოთ კარში გასაღები. აგრე მუჩვენება, თითქოს გასაღების ეს გადაბრუნება აძლიერებს ჩემს სიმარტოვეს და განამტკიცებს იმ ბარიკადებს, რომელნიც ამჟამად აღმართულან ჩემსა და მთელს სამყაროს შორის.

საზარელი ყოფა! საზარელი ქალაქი! გავიხსენოთ გასული დღე: შევხვდი რამდენიმე ლიტერატორს, რომელთაგან ერთმა მკითხა, ნეტავ სახმელეთო გზა თუ მიდისო რუსეთში (როგორც ჩანს, რუსეთი მას კუნძული ჰგონია). დიდსულოვნად ვეპაექრე ერთი ჟურნალის რედაქტორს, რომელიც ჩემს ყოველ მოსაზრებას ასე პასუხობდა: „ჩვენი ჟურნალი — პატიოსანი ხალხის ჟურნალია“ — ამით, ცხადია, იმას გულისხმობდა, რომ სხვა ჟურნალების რედაქტორები — ჯიბგირები არიან; ოციოდე კაცს მივესალმე, რომელთაგან თხუთმეტს არც კი ვიცნობდი; ამდენსავე კაცს ჩამოვართვი ხელი, თუმც წინასწარ წინდახედულად ვერ მოვიმარაგე ხელთათმანი. სანამ კოკისპირულად წვიმდა, დრზის მოსაკლაგად, ერთ მოცეკვავე ქალთან შევიარე, რომელმაც შემომთავაზა კოსტიუმ „ვენეტრას“ დახატვა; ვევაჭრე თეატრის დირექტორს, რომელმაც ასეთი სიტყვებით გამომისტუმრა: თქვენ კარგს იზამთ, თუ, ზ...-ს მიმართავთ; ჩემს ავტორებს შორის ეს კაცი ყველაზე მეტად ტანსრულია, ყველაზე მეტად ბრიყვი და თან ყველაზე სახელგანთქმული; მასთან უთუოდ მიაღწევთ რასმეს, ინახულეთ იგი და მერმე ვისაუბროთო. ვიტრაბახე (არ ვიცი რად) ზოგი უკუღმართი საქციელით, რომელიც არასოდეს ჩამიდენია; რამდენიმე ჩემივე ქველმოქმედება, ერთ დროს სინარულით ჩადენილი, სულმოკლედ უარყვავი ფანფარონობით და ადამიანის ღირსებისადმი უპატივცემლობით; მეგობარს უარი ვუთხარი წვრილმან სამსახურზე და პირწავარდნილ გაიძვერას მივეცი წერილობითი რეკომენდაცია; უკი და განა ეს არის ყველაფერი?

ყველაფრით უკმაყოფილოს, საკუთარი თავით უკმაყოფილოს, რარიგ მსურს გამოვისყიდო ყოველივე და მცირეოდენი ხალისი მაინც ვპოვო ღამეულ სიჩუმეში და სიმარტოვეში! სულნო, ვინც მიყვარდით, სულნო, ვისაც გიმღეროდით, განმამღიერეთ, განმამტკიცეთ, განმარიდეთ სიცრუე და ხრწნადი ოხშივარი ამა სოფლისა,

ხოლო შენ, უფალო ღმერთო ჩემო, ჰყავ წყალობა და შემეწიე რამდენიმე მშვენიერი ლექსის შექმნაში, რითაც მე დავუმტკიცებ ჩემს თავს, რომ არა ვარ კაცთა შორის უკანასკნელი და არც მათზე მდაბალი. ვინც მე მძულს!

უკრძნუნელი
შინაწილი

ბ რ ბ ო

ყველას როდი ხელეწიფება ბრბოში გათქვეფა, ბრბოში ყვინთვა, ბრბოში განცხრომა, — ეს ხომ ხელოვნებაა ერთგვარი; კაცთა მოდგმის ქცევა ხალისისა და სიამის წყაროდ მხოლოდ მას ძალუძს, ვისაც კეთილმა ფერიამ აკვნიდანვე შთაუნერგა მიდრეკილება გარდასახვისკენ, ნიღბების ცვლისკენ, შეაძულა მშობლიური კერა და შეაყვარა მოგზაურობა.

ბრბო და მარტოობა — ერთმნიშვნელოვანი სიტყვებია. პოეტის ქმედითი, ცხოველმყოფელი სული იოლად გარდაქმნის პირველს მეორედ. ვინაც არ იცის წარმოსახვით დასახლება თავისი სიმარტოვისა, იგი ვერასოდეს შეიგრძნობს მარტოობას ბრბოს ორომტრიალში.

პოეტს ერთი შეუდარებელი უპირატესობა აქვს: მას სურვილისამებრ ძალუძს არამარტო თვითგამოხატვა, არამედ თავის მოყვასად ქცევაც. პოეტს ძალუძს განსხეულდეს ნებისმიერ არსებად, იმ სულის მსგავსად, ამქვეყნად სხეულებრივ გარსს რომ დაეძებს. პოეტისთვის ხსნილია ყოველივე ერთადერთისთვის, და თუ ზოგიერთი კუნჭული მისთვის თითქოს მიუწვდომელია, ეს მხოლოდ იმიტომ, რომ ისინი არ იმსახურებენ მის ყურადღებას.

მარტოხელა, ფიქრებში წასული მეოცნებე თავისებურ ტკბობას ჰპოვებს სამყაროსთან ამგვარი უმრეტელი ურთიერთობით. ის, ვინც იოლად ითქვიფება ბრბოში, იმგვარ სიამეთა ციებ-ცხელებას განიცდის, რომელთაც ვერასოდეს ეღირსება ზანდუკივით თავისთავში ჩაკეტილი ეგოისტი, ან ლოფორთქინასავით მცონარე კაცი. იგი ცხოვრობს ყოველგვარი პროფესიებით, საკუთარივით განიცდის ყოველგვარ სინარულს თუ ტანჯვას, რომელსაც შემთხვევა მოუტანს.

ის, რასაც ადამიანები სიყვარულს უწოდებენ, უბადრუკობაა, ფუჭი არარაობაა ამ გამოუთქმელ ორგიასთან შედარებით. ეს არის წმიდათა წმიდა პროსტიტუცია სულისა, რომელიც მთლიანად ეძლევა ყოველგვარ მოულოდნელობას, გამოუცნობს, წამიერს და ანაზდეულს, ეძლევა მთელი თავისი გზნებითა და პოეტურობით.

ამ სოფლად ბედისაგან განებივრებულთ უნდა შევანსენოთ ხოლმე, რომ არსებობენ მათთვის მიუწვდომელი სიამენი, უფრო მაღალნი, უფრო დახვეწილნი, უფრო წარმტაცნი. ამით წუთიერად მაინც დასთმობენ ისინი თავიანთ უსაზმნო ამპარტავნებას. კოლონიების დამაარსებელნი, ერისმთავარნი, მღვდელი-მისიონერები, ქვეყნის კიდუზე გადახვეწილნი, უცილოდ ნაზიარებნი ამ გამოუთქმელ სიამეთა იღუმალებას. თავისი გენიით შექმნილ ხალხმრავალ ოჯახებში დამკვიდრებულნი, ისინი უთუოდ შეიგრძნობენ ამ

განცხრომას და იღუმალ დასცინიან მათ, ვისაც ებრალები ისინი მათი მშფოთვარე ყოფისა და ასკეტური ცხოვრების გამო.

მთვარის აველიოქვედუბანი

მთვარემ მოჩვენებასავით შემოიჭვრიტა ფანჯარაში, დაგხედა აკვანში მიძინარეს და სთქვა: „ეს ბაღლი მე მომწონს“. მერმე მსუბუქად ჩამოუშვა ღრუბელთა კიბით, უხმოდ შემოცურდა ფანჯრის მიწებში, გადაგეფოფრა დედობრივი მზრუნველობით და შენს სახეში შთაღვარა თავისი ფერები. შენი გუგები გამწვანდნენ, ღაწვნი შენი გაფითრდნენ უჩვეულოდ, თვალებიც უცნაურად გაგიფართოვდა მას აქეთ, რაც შენ უჭვრეტ ამ უცხო სტუმარს. მთვარემ ნაზად წაგიჭირა ყელში ხელი და მას აქეთ გახრჩობს ტირილის სურვილი.

ამასობაში გაღაღებულმა მთვარემ აღავსო ოთახი, როგორც შუქმთოვმა პაერმა, როგორც სხივოსანმა საწამლავემა და მთელმა ამ ცხოველმყოფელმა და მღელვარე ნათელმა იწყო ფიქრი და ხმამაღლა ზრახვა: „ამიერიდან შენ სამუდამოდ დაემორჩილები ჩემს კოცნას! ჩემებრ მშვენიერი იქნები შენ, შეიყვარებ ყოველივე იმას, რაც მე მიყვარს, და რასაც ვუყვარვარ მე; წყალს, ღრუბლებს, სიჩუმეს, ღამეს; ზღვას — მწვანეს და უკიდევანოს; წყალს — უსახოს და ფერადმრავალს; ქვეყანას, რომელსაც ვერასდროს იხილავ, მიჯნურს, რომელსაც ვერასდროს გაიცნობ, ჯოჯოხეთურ ყვავილებს, ბოდვის აღმგზნებ არომატებს; როიალზე გაწოლილ კატებს, ვნებისაგან მიკნავლებულთა, ქალებივით რომ კვნესიან ნაზი, ჩამწყდარი ხმით“.

„შეგიყვარებენ შენ ჩემნი მიჯნურნი და გეთაყვანებიან ჩემი თაყვანისმცემლები და შენ იქნები დედოფალი მწვანეთვალემა ადამიანთა, რომელთაც მე, შენს მსგავსად, ყელში ვუჭერ ხელს ჩემი დამეული ხვევანა-ალერსის დროს. დიახ, შენ იქნები მათი დედოფალი, ვისაც უყვარს მწვანე ზღვა — მშფოთვარე და უკიდევანო. წყალი — უსახო, ფერადმრავალი, ქვეყანა, სადაც მათ არ უწერიან ცხოვრება, ქალი, რომელსაც ვერასდროს გაიცნობენ, ავბედითი ყვავილნი, საღვთო ქურებს რომ ჰგვანან უცხო კულტისას, ნელსურნელებანი — ნებას რომ ძაგრავენ, ატეხილი მხეცები — სიშმაგის განსახიერება“.

ამადაც ვწევარ ახლა მე შენ ფერხთით, ჩემო საყვარელო, გათვალულო პატარავ, და ვეძებ მთელს შენს არსებაში ამ ვერაგი დვთაების არილს, ამ გრძნეული ნათლიდედის, ამ მომწამვლელ დედამიძისას, რომელიც შხამავს ყველა მთვარეულს.

ტირი და სასაფლაო

ხედი სასაფლაოზე. ლუდხანა. — უჩვეულო აბრაა — გაიფიქრა მოხეტიალე მეოცნებემ — კარგადაა მოფიქრებული და დაღვევის იშტაზეც მოჰყავს კაცი. ჩანს, მედუქნე ჩასწვდა პორაციუსსა და ეპიკურეელ პოეტებს, შესაძლოა ძველ ეგვიპტელთა დახვეწილი ღრმააზროვნებაც არ აკლდეს მას, რომელთათვისაც არც ერთი

პურობა არ ჩაივლიდა ჩონჩხის ან წარმავლობის სხვა რამ ემბლე-
მის გარეშე“.

ამ სიტყვებით იგი შევიდა ლუდნანაში, დალია ერთი ჭიჭა ლუ-
დი, თან საფლავეებს გადაავლო თვალი და ნელ-ნელა გააბოღა სიგა-
რა. შემდეგ გაიფიქრა: გავისეირნებო. სასაფლაოზე, სადაც თვალს
ახარებდა სამუხლე ბალახი და მზე უხვად აფრქვევდა სნივებს.

გაუძლისი ხვატი იდგა, მზე მთვრალივით გაშხვართულიყო ყვა-
ვილების დიდებულ ხალიჩაზე, რომელსაც უხვად ჰკვებავდა ხრწნა-
დობის სიმსუყვე. ირგვლივ დაუდუმებელი ზუნი იდგა ცხოვრებისა,
წვრილ-წვრილ არსთა ცხოვრებისა, რასაც დროდადრო სროლის ხმა
ერთვოდა, მახლობელ ტირიდან — თითქოს შამპანურის საცობები
ფეთქდებო სიმებიანი ორკესტრის ყრუ გუგუნში.

და აჰა, ხვატისაგან გათანგულს, სიკვდილის მწველი არომატე-
ბის ატმოსფეროში, მოესმა ჩურჩული საფლავის ქვის ძირიდან,
რომელზედაც იგი ჩამომჯდარიყო: „წყეულიმც იყვნენ თქვენი თო-
ფები, თქვენი სამიზნეები, მოუსვენარო ცოცხლებო, — ამბობდა ეს
ხმა — რამეთუ აროდეს ფიქრობთ გარდაცვლილებზე და არც მათ
არამიწიერ განსვენებაზე. წყეულიმც იყვნენ თქვენი ამბიციები,
თქვენი ანგარიშები, სულსწრაფო მოკვდავნო, კაცის კვლაში რომ
ცდილობთ დახელოვნებას სიკვდილის წმინდა საკურთხევლის გვერ-
დით. თქვენ რომ იცოდეთ, რა იოლია მიზანში მოხვედრა, რა იოლია
პრიზის მიღება და რა არარაობაა ყველაფერი, სიკვდილის გარდა,
— ამდენ ჯაფას არ დახარჯავდით, ამოდ მშფოთველნო და ესოდენ
ხშირად აღარ განუფრთხობდით ძილს იმათ, ვინც უკვე დიდი ხანია
მიადწია მიზანს, ერთადერთ ჭეშმარიტ მიზანს ამ ზიზლისმომგვრულ
ცხოვრებაში“.

თირზუსი

ფერენც ლისტისადმი

რა არის თირზუსი? მორალური და პოეტური გაგებით — ეს
არის წმინდა ემბლემა ღვთაების მადიდებელი ქურუმის ან ქურუმ-
ქალის ხელში, რომელნიც განმარტავენ ღვთაების ნებას და ჰმსახუ-
რებენ მას. ფიზიკურად კი ეს არის ჯონი, უბრალო სარი, ვაზის
რტოებით შემოგრაგნილი, სწორი, ხმელი და მაგარი. ამ სარის გარ-
შემო უცხო ტენილებად თრთიან და იკლაკნებიან რტონი ურჩნი და
უდრეკელნი, ყვავილნი ეფვნისდარნი და თასისმაგვარნი. გამოუთქ-
მელი დიდებულებით სუნთქავს მთელი ეს ნატიფი, მოელვარე სამ-
ყარო ფერთა და ხაზთა. თითქოს ტენილი ხაზი და სპირალი უმიჯ-
ნურდებო სწორს და ცეკვავსო მის გარშემო უტყვი თაყვანებით. ეს
ნაზი გვირგვინნი, ეს თასები — სურნელებათა და ფერთა აფეთქება
— მისტურ ფანდანგოს ასრულებენო თითქოს საღვთო კვერთხის
გარშემო.

რომელი კადნიერი მოკვდავი ვაბედავს თქმას, ვაზის ლერწები
და ყვავილნი არიან შექმნილნი კვერთხისათვის, თუ თავად კვერთხი
სხვა არარაა, თუ არა პრეტექსტი ვაზისა და მისთა ყვავილთა მშვე-

ნების გამოსავლენად? თირზუსი — განსახიერებაა თქვენი განსაცვიფრებელი გაორებისა, ძალუმო და სათაყვანო მანქანო, ჩვენთვის სანუკვარო მსახურო იდუმალ-მწველი და ვნებიანი ბაკსური სილამაზისა. არასოდეს, არც ერთ ნიმფას, უძლეველი ბახუსის მირ გახელეულს, არ მოუქნევია თირზუსი თავის გაშმაგებულ ფანტოლთათვის ისეთის გააფთრებით, როგორც თქვენ შესძარბის თქვენი გენით მოყვასთა თქვენთა გულები. კვერთხი — თქვენი ნებაა, პირდაპირი, მტკიცე და უდრეკი; ყვაფილები — გაფრენაა თქვენი ფანტაზიისა, თქვენსავე ნებას რომ ემორჩილება, ქალური საწყისი, წარმტაცი პირუეტებით გარს რომ უვლის ვაჟურ საწყისს. სწორი ხაზი და არაბესკა, ჩანაფიქრი და შესრულება, ნების სიმტკიცე, სინატიფე სახვისა, მიზნის ერთიანობა, საშუალებათა მრავალსახეობა, ყოვლისმძლე და განუყოფელი ამალგამა გენიისა — რომელი ანალიტიკოსი გაკადნიერდება იმდენად, რომ დაანაწევროს და გასთიშოს ეს ყოველივე?

ძვირფასო ლისტ! ნისლებსა და მდინარეებს მიღმა, ქალაქებში, სადაც როიალები მღერიან თქვენს დიდებას, ხოლო სასტამბო დაზგები ბეჭდავენ თქვენს სიბრძნეს — სადაც არ უნდა ბრძანდებოდეთ, მარადიული ქალაქის სიდიადეში თუ კამბრინუსის მიერ ნუგეშინისცემულ, საოცნებო ქვეყნების ბურუსში, სისარულისა და შეუცნობი კაეშნის პანგთა იმპროვიზებისას, თუ თქვენი ღრმა მედიტაციების ქალღღმე ალბეჭდვისას, — მარადიული აღტაცების, მარადიული სევდის მომღერალო, ფილოსოფოსო, მგოსანო და არტისტო, — მოგესალმებით უკვდავებაში!

სუპი და ღრუბლები

ჩემმა პატარა, თავქარიანმა საყვარელმა სადილი მომართვა, მე კი სასადილო ოთახის ღია ფანჯრიდან გავცქეროდი მცურავ სასახლეებს, უფლის მიერ ორთქლისგან ნაგებს, ამ საკვირველ, ხელშეუვლებ შენობებს. ვუჭვრეტდი მათ და ვფიქრობდი: „ეს ფანტასმაგორიული მშვენება მხოლოდ ჩემი მშვენიერი მიჯნურის თვალებს თუ შეედრება, ამ პატარა, თავქარიანი არსებისას, ამ სულზე უტკბესი, მწვანეთვალეა ურჩხულისას“.

და სწორედ ამ ღროს ზურგში ერთი ლაზათიანი მუჯღუგუნი მივიღე და ჩამესმა ხმა, ჩემი სმენის დამათრობელი, ისტერიული ხმა, არყისაგან ხრინწმორეული თითქოს: „კა მორჩები თუ არა მალე მაგ სუპს, ეშმაკის კერძო, დოყლაპიავ! შენი... ღრუბლებით მოვაჭრევ!“ — ეს იყო ხმა ჩემი სატრფოსი.

ANY WHERE OUT OF THE WORLD
საითამ გსურს გაუფუროთ, ოლონდ
გაუცალოთ ამ საყვაროს

ცხოვრება საავადმყოფოა, სადაც ყოველი ავადმყოფი საწოლის გამოცვლის უინითაა შეპყრობილი. ერთს ურჩევნია, ღუმელის გვერ-

დით იტანჯოს, მეორე ფიქრობს, რომ ფანჯარასთან გამოფანსაღ-
დება.

მე მუდამ მეჩვენება, რომ უთუოდ კარვად ვიგრძნობ თავს / იქ,
სადაც ამჟამად არ ვიმყოფები და ამ პრობლემაზე, ადგილის გამო-
ცვლის პრობლემაზე, გამუდმებით ვესაუბრები ხოლმე ჩემს სულს.

„მითხარი, სულს ჩემო, საბრალო, გათოშილო სულს ჩემო,
რას იტყვი, დავსახლდეთ თუ არა ლისაბონში? იქ, ალბათ, ცხელა
და შენ გამოცოცხლდები, როგორც ხელიკი მზის შუქზე. ეს ქალაქი
ზღვის პირასაა. ამბობენ, იგი მთლიანად მარმარილოსგანააო ნაგები,
სოლო იქაურ მკვიდრთ იმდენად სძულთ თურმე მცენარეულობა,
რომ ხეებს ანადგურებენ. აი, შენი გემოვნების შესაფერი ხედი --
პეიზაჟი სინათლისა, ქვასა და წყალში არეკლილი სინათლისა“.

სული ხმას არ იღებს.

„შენ ხომ ესოდენ გიყვარს სიმშვიდე მოძრავ სანახაობასთან
შერწყმული, ხომ არ გსურს დავსახლდეთ პოლანდიაში, ამ კურთ-
ხულ მხარეში? იქნებ გვეპოვა რაიმე ხალისი ამ ქვეყანაში, რომ-
ლის ლანდშაფტებითაც ესოდენ ხშირად დავმტკბარვართ ხოლმე მუ-
ზეუმებში? რას იტყვი როტერდამზე? შენ ხომ ძლიერ მოგწონს ეს
ანძების ტყეები და ზედ სახლებზე მომდგარი ღუზაჩაშვებული ვე-
მები?“

სული ჩემი მდუმარებს.

„იქნებ ბატავია გიღიმოდეს ყველაზე მეტად? მან და ვპოვებ-
დით მე და შენ სულს განათლებული ევროპისას, ტროპიკების სი-
ლამაზესთან შერწყმულს“.

ხმა-კრინტი. — ხომ არ მომკვდარა, ნეტავ, ჩემი სული? „ნუთუ
იმდენად ხარ გაოგნებული, რომ აღარაფერი გხიბლავს, გარდა სა-
კუთარი ტანჯვისა? თუ აგრეა, გავიქცეთ იმ ქვეყნებში, სადაც ყოვე-
ლივე სიკვდილის დაღს ატარებს. — მაშ გადაწყდა, საბრალო სუ-
ლო! ტორნეოში მივემგზავრებით. ან არადა, ბალტიის ზღვის უშო-
რესი ნაპირებისაკენ; ან კიდევ უფრო განვშორდეთ ცხოვრებას, თუ
შესაძლოა პოლუსზე დავსახლდეთ, იქ სადაც გაზაფხულის მზის
სხივები მსუბუქად ელამუნებიან დედამიწას, ხოლო დღე-ღამის მდო-
რე მონაცვლეობა კლაუს ყოველგვარ მრავალფეროვნებას და კქმნის
მონოტონურობას, რომელიც სანახევროდ არყოფნაა თავისთავად.
იქ მყოვარჯამ შთავინთქმით ხოლმე ბნელეთის წიაღში, ხოლო
ჩრდილოეთის ნათება გაგვახალისებს ვარდისფერ სხივთა
კონების ფრქვევით, ჯოჯოხეთის გულში დანთებული ფოიერვერკის
ელვა-კრთომის დარი ფრქვევითა.“

ბოლოს და ბოლოს ჩემმა სულმა სძლია საკუთარ გაოგნებას
და სავსებით გონიერად მიპასუხა: „საითაც გსურს! საითაც გნე-
ბავს! ოღონდ განვშორდეთ ამ სამყაროს“.

მ ა რ ტ ო მ ბ ა

ერთი ფილანტროპი გაზეთის მჯღაბნელი მარწმუნებდა, მარტოო-

ბე საზიანოაო ადამიანისათვის და, როგორც ყოველ ტრწმუნოს, საბუთად მოჰქონდა ეკლესიის მამათა სიტყვები.

მე ვიცვი, რომ დემონებს უყვართ ხეტიალი უდაბურ ადგილებში, მკვლელობისა და სიძვის სული არნახულად მძწინვანუბს მარტობაში. მაგრამ, შესაძლოა მარტობა საშიში იყოს მხოლოდ მცონარე და უნიათო სულთათვის, რომელთაც სწვევიათ მისი დასახლება თავიანთი ვნებებითა და ქიჰერებით.

ცხადია, რომელიმე ყბედი, რომლისთვისაც სიამოვნების მწვერვალია კათედრის ან ტრიბუნის სიმაღლიდან ლაყბობა, უეცრად რობინზონის კუნძულზე რომ აღმოჩნდეს, ჭკუაზე შეირყევა უთუოდ. მე იმ გაზეთის მჯღაბნელისაგან არც მოვითხოვ კრუზოს ვაჟკაცურ სიქველუებს, მაგრამ სამაგიეროდ ნურც იგი გამოუტანს განაჩენს მარტობისა და იღუმალების მეტრფე კაცს.

ჩვენს ენაჭარტალა მოდგმაში შესაძლოა ჰპოვოთ ისეთი ინდივიდებიც, რომელთაც არ შეაკრთობთ თვით სიკვდილით დასჯაც კი, ოღონდ მანამდე ნება მიეცით ეშაფოტის სიმაღლიდან ერთი ლაზათიანი სიტყვის წარმოთქმისა, რომელსაც არ ჩაახშობენ სანტერი-სეული* დოლები.

მე არ მებრალებიან ისინი, ვინაიდან ვფიქრობ, რომ ორატორული წიაღსვლები მათ ისეთსავე შვებას ჰგვრის, როგორსაც სხვებს -- სიჩუმე და თვითჩაღრმავება. რა ვქნა, მძულს ასეთი ხალხი. ეს წყეული მეგაზეთე კი განა მაცლის, ჩემებურად ეპოვო განცხრომა ამ ცხოვრებაში.

„მაშასადამე, თქვენ არა გაქვთ მოთხოვნილება, სხვებს გაუზიაროთ თქვენი შვება, ჰა?“ — მეკითხება იგი აპოსტოლის ტონით. დახეთ ამ შურიან მელაკუდას! მან კარვად იცის, რომ მე მძულს მისი შვების საგანი და ცდილობს დამაცდენინოს, თუ რა მგვრის მე შვებას.

— აი, აუტანელი მეხვანჯე!

რა უბედურია კაცი, რომელიც ვერ ეგუება მარტობას, — ამბობს სადღაც ლა ბრუიერი და ამით თითქოს მათი დარცხვენა სურსო, ვინც საკუთარ თავს გაურბის და ბრბოში ეძებს თავდავიწყებას — როგორც ჩანს, იმის შიშით, რომ აუტანელი არ გახდეს საკუთარი თავისათვის.

„თითქმის ყველა ჩვენი უბედურება იმის შედეგია, რომ ჩვენ ვერ გავძელით საკუთარ ოთახში“ — ამბობს მეორე ბრძენი, ვგონებ, პასკალი და ამით დაფიქრების სენაკისკენ მოუწოდებს იმ უგნურთ, რომელნიც აქეთ-იქით სირბილში ეძიებენ ბედნიერებას, რაც ერთგვარი გარყვნილებაა სულისა და რასაც მე ძმათაშორისს ვუწოდებდი, ჩვენი საუკუნის „ბრწყინვალე“, მოღური გამოთქმების ხმარება რომ მჩვეოდეს.

*) სანტერი — ფრანგი გენერალი.

სდუნეზანი, ანუ ეროსი, პლუტოსი და დიდება

გასული ღამით ორი მომაჯადოებელი სატანა და ერთი ანა-
ნაკლებ ღირსშესანიშნავი დედაეშმაკი მესტუმრნენ ფარული კი-
ბით, რომლითაც ჯოჯობეთი უტევს ხოლმე ძილისაგან დაბნეულ
ადამიანს და იდუმალ კავშირს ამყარებს მასთან. საზეიმო პოზებში
გამწყრივდნენ ისინი ჩემს წინაშე, თითქოს ესტრადაზე დგანანო, გო-
გირდოვანი ნათებით ბრწყინავდნენ ღამის ბნელ ფონზე. ისეთი გო-
როზი და მბრძანებლური იერი ჰქონდათ, თავდაპირველად ნამდ-
ვილ ღმერთებად ჩავთვალე სამივე.

პირველ სატანას ჰერმაფროდიტის სახე ჰქონდა. მისი სხეულის
კონტურები ძველი ბაკების ნებიერი სინაზით სუნთქავდნენ. მისი
მშვენიერი, სევდიანი, ბუნდოვანი მუქი ფერის თვალები იებს ჰგავ-
დნენ, გრიგალის ცრემლებით დამძიმებულთა, ნახევრად გახსნილი
ბაგენი — სახმილს, გავარვარებულს და ნელსურნელოვანს, ირგვლივ
წწერები დასტრიალებდნენ, მისი მხურვალე სულთქმისაგან იწვო-
დნენ ჰაერში და სურნელებას აფრქვევდნენ გარშემო.

მის მეწამულ ჯუბას ქამარივით შემოგრაგნოდა ბრჭყვიალა
გველი. რომელსაც თავი წამოეყო და სახეში შესცქეროდა პატრონს
თავისი გავარვარებული, მთვრალი თვალებით. მას ამ ცოცხალ ქა-
მარზე ეკიდა ბრჭყვიალა დანები, ქირურგიული ინსტრუმენტები და
რალაც ავბედითი სითხეებით სავსე შუშები. მარჯვენა ხელში წით-
ლად მოელვარე სითხით სავსე თასი ეკავა, რომელსაც ჰქონდა ასე-
თი უცნაური ეტიკეტი: „სვით ამისგან ყოველთა, ეს ჩემი სისხლია,
საუკეთესო გამახალისებელი“. მარცხენა ხელში ვიოლინო ეკავა,
რომლის ხმოვანებაც მის შვებასა და ტანჯვას დაჰკვნესდა და რომ-
ლითაც იგი ავრცელებდა თავისი გადამდები სიგიჟის სენს შაბაშე-
ბის მრუმე ღამეებში.

გამხდარ წვივებზე გაწყვეტილი ოქროს ჯაჭვი ჰქონდა შებმული,
რომელიც საგრძნობლად ბორკავდა მას, ასე რომ, იგი დროდადრო
მიწას ჩასცქეროდა და თავმომწონედ ათვალეიერებდა თავის ფეხის
ფრჩხილებს, რომელნიც გულდასმით იყვნენ გაქლიბულნი და
ბრჭყვიალებდნენ კარგად გამოყვანილი ძვირფასი თვლებივით.

ბოლოს მან შემავლო თავისი უნუგეშო, სევდიანი, ვერაგულად
მათრობელი მზერა და წამღერებული ხმით მითხრა: „თუ გსურს, თუ
გსურს, მე შენ გაქცევ სულთა მეუფედ, ცოცხალ მატერიაზე იმეფებ
შენ, როგორც მოქანდაკე თიხაზე, მოქანდაკეზე უფრო ძალუმად
იმეფებ. შენ ეზიარები უსასრულოდ განახლებად სიამეს საკუთარი
თავისაგან განთავისუფლებისას და სხვებში თავდავიწყებისას. შენ
მოიზიდავ სულებს და შეერწყმი მათ შენის სულითა“. ხოლო მე მი-
ვუგე: „მადლობელი ვარ. მითხარ, აბა რას ვაქნევ მაგ არსებათა
უბადრუკ გროვას, რომელთაც უთუოდ ჩემოდენი ფასი აქვთ ალბათ.
მართალია, ოდნავ მრცხვენია წარსულის გახსენებისა, მაგრამ არც
დავიწყება მსურს რაიმესი. კიდევაც რომ არ გიცნობდე შენ, ბებე-
რო ურჩხულო, — შენი იდუმალი დანები, შენი საეჭვო შუშები, ჯა-

ჯვნი, რომელნიც გიბორკავენ ფეხებს, განა ეგ ყოველივე ნათლად არ მეტყველებს შენთან მეგობრობის სიძნელეებზე? და შენვე გქონდეს შენივე ძღვენი“.

მეორე სატანას როდი ქქონდა ასეთი ტრეჟოული და ამავე დროს მომღიშარი სახე, არც ასეთი ვერაგული და მისი დახვეწილი მანერები, არც ასეთი ფაქიზი და სურნელოვანი სილამაზე. ეს იყო ჩამრგვალებული, პირმსუქანი, თვალებჭრუტა მამაკაცი, რომელსაც მძიმე ღიბი წინ წამოეგდო, მოოქროვილ-მოსატული კანი ქქონდა, ათასგვარი მოძრავი ფიგურებით ტატუირებული და თითქოს მსოფლიო ტანჯვის მრავალსახოვნება ცხადქმნილიყო ამ ნახატებში. აქ მოსჩანდნენ პატარა უდღეური კაცუნები, კაუჭებზე თავჩამობრჩობილნი, აქვე დაინახავდით ერთ ციდა, გალეულ გნომებს, რომელთა თვალებიც უფრო მრავლისმეტყველად ითხოვდნენ მოწყალებას, ვიდრე მათი მოცანცახე ხელები. აქ იყვნენ დამჭკნარი დედები თავიანთი უდღეური ბაღლებითურთ, მათ რძედაშრეტილ ძუძუებს რომ მობლაუჭებოდნენ ამაოდ, და კიდევ ბევრი სხვა რამ მოჩანდა აქ.

მსუქანი ეშმაკი მუშტს იცემდა ვეება მუცელზე, საიდანაც მოისმოდა მეტალისებური რაჩხუნი, რომელიც თითქოს ურიცხვ ადამიანთა ყრუ გმინვა-გოდებაში გადადიოდა. ეშმაკი იცინოდა. ურცხვად აჩენდა თავის გამობრულ კბილებს, იცინოდა იმ ბრიყვული სიცილით, ყოველი ქვეყნის ადამიანებს რომ სჩევიათ ნაყოვანი სადილის შემდეგ.

ბოლოს ეს მითხრა: „მე შემიძლია მოგცე ის, რითაც ყველაფერს მიაღწევ, ის, რაც ყველაფრის ღირებულებას ატარებს, ის, რაც ყველაფრის შემცველია“. ამ სიტყვებით მან დაირტყა მუშტი თავის შემზარავ მუცელზე და ამ დარტყმის ხმაშალაღმა ექომ თითქოსდა დაადასტურაო მისი უხეში სიტყვები.

მე ზიზლით ვაქციე მას ზურგი და მივუგე: „არ მსურს სიამოვნება, სხვისი ტანჯვით ნაყიდი; არ მსურს სიმდიდრე შენს კანზე ასახული ვაებით დამძიმებული, კედელზე გასაკრავ ქალაღდს რომ მივიგავს“.

რაც შეეხება დედაეშმაკს, უნდა ვაღიარო, რომ თავდაპირველად თავისებური მომხიბლაობა ვპოვე მასში. საუკეთესო განსაზღვრა იქნებოდა ამ მომხიბლაობისა მისი შედარება ძალზე ლამაზი ქალების მიმწუსრულ მშვენებასთან, რომელნიც მიაღწევენ რა გარკვეულ ასაკს, უკვე აღარ ბერდებიან და ინარჩუნებენ მაგიურ მომხიბლაობას ნანგრევებისას. მისი იერი ერთსა და იმავე დროს მბრძანებლურიც იყო და ოდნავ მოთენთილიც, მზერა მისი მოღლილი იყო და ამავე დროს ანდამატურად მიმზიდველი.

მაგრამ ყველაზე მეტად განმაცვიფრა მისი ხმის იდუმალეობამ, რომელშიც მოისმოდა ხმოვანება სულზე უტკბესი კონტრალტოებისა, და ამავე დროს მსუბუქი ხრიჩი არყის მოყვარულთა ყელისა.

„თუ გსურს შეიმეცნო ჩემი ძალა“ – მითხრა ცრუ ღმერთქალმა თავისი მომაჯადოებელი, პარადოქსული ხმით: „მისმინე“.

და ამ სიტყვებით პირზე მიიღო უშველებელი საყვირი, რომე-

ლიც სოფლური სალამურივით აჭრელებულიყო მსოფლიოს ყველა გაზეთების სათაურებით. მან ჩასძახა საყვირში ჩემი სახელი. რომელიც ათასი ჭექა-ქუხილის გერგვინვასავით გავარდა სივრცეში და უშორესი პლანეტის ექოდ მომიბრუნდა უკან.

„დალახვროს ეშმაკმა“, — ვთქვი სანახევროდ დატყვევებულმა, „აი ეს კი ძვირფასი რამეა“. მაგრამ, როდესაც კარგად დავუკვირდი მომხიბლავ ალქაჯს, ბუნდოვნად გამახსენდა, რომ მე იგი ოდესღაც მენახა, ჭიქებს რომ უჭახუნებდა ჩემს ზოგიერთ ნაცნობებს, არამზადობით სახელგანთქმულთა.

მისი ბრინჯაოს საყვირის ხრინწიანმა ხმამ კი ჩემს სმენაში გააღვიძა მოგონება რომელიღაც მოსყიდული საყვირის ხმისა.

და მე მივუგე მას უკიდურესი ზიზლით: „გაეთრიე აქედან! მე იმისთვის როდი ვარ შექმნილი, რომ ცოლად შევიერთო მათი საყვარელი, ვისი სახელის ხსენებაც კი არ მსურს“.

მართალია, სრული უფლება მქონდა მეამაყა ამ ვაჟკაცური უარით, მაგრამ სამწუხაროდ გამომეღვიძა და მთელი ძალები გამომეცალა. გუნებაში ვამბობდი: „ჭეშმარიტად, მაგრად მძინებია, რახან ასეთი წუნიობა გამოვიჩინე. ოჰ, ნეტავ კი მობრუნდებოდნენ უკან ამ სიცხადეში, მაშინ კი ნამდვილად აღარ დავიდებდი ასეთ თავპატივს!“

ხმამალლა ვიწყე მათი ხმობა, ვევედრებოდი, შემინდეთ-მეთქი, რამდენიც გნებავთ, დამასხით-მეთქი თავსლაფი, ოღონდ კვლავ დავიმსახურო-მეთქი თქვენი კეთილგანწყობა, მაგრამ ამაოდ. როგორც ჩანს, ძალზე მძიმე შეურაცხყოფა მივაყენე მათ, ვინაიდან ისინი კვლავ აღარასოდეს მობრუნებულან.

დიდსულოვანი მოთავაშე

გუშინ, ბულვარზე, ბრბოში მიმავალმა, წამიერი შეხება ვიგრძენი იდუმალი არსებისა, რომელთან შეხვედრასაც მუდამ მიველტვოდი და რომლის ხატებაც მყისვე შევიცანი, თუმც აროდეს მენახა იგი. უთუოდ მასაც იგივე სურდა, ვინაიდან გვერდით ჩავლისას მრავალმნიშვნელოვნად ჩამიკრა თვალი. მეც მაშინვე მივდიე ამ წამყოფას, ფენდაფენ ავედევენე და მალე ორივენი აღმოვჩნდით უცხო ნათლით გაჩახჩახებულ მიწისქვეშეთში, რომელიც ისეთი სიმდიდრითა და ფუფუნებით ბრწყინავდა, პარიზის ვერც ერთი სრა-სასახლე რომ ვერ დაიკვებნის. გასაოცარი ის იყო, რომ მე არაერთხელ ჩამივლია ამ ჯადოსნური სადარნოს გვერდით და არასოდეს შემიმჩნევია მისი კარიბჭე. აქ მეფობდა სულზე უტკბესი ბანგით გაჟღენთილი ატმოსფერო, წამიერად რომ გვაგიწყებს მოსაწყენ ციებცხელებას ამა სოფლისას და სულაც უწაფებოდა იმ ბუნდოვან ნეტარებას, რომელსაც ალბათ განიცდიან ლოტოსის მჭამელი მოგზაურნი, მარადიული დღის ნათლით გაბრწყინებულ ჯადოსნურ კუნძულზე მოხვედრილნი, სადაც ჩანჩქერთა რულის მომგვრელ ქღურტუ-

ლში ისინი გრძნობენ, ვით იბადება მათში სურვილი თავიანთ ცოლ-შვილთან და პენატებთან არმიბრუნებისა, ზღვის აქორჩილ ტალღებზე ხეტიალის შეწყვეტისა.

ქალთა და მამაკაცთა უცნაური სახეები რიალებდნენ ირგვლივ, საბედისწერო მშვენებით გაბრწყინვებულნი. და მე შეჩვენებოდა, თითქოს ოდესღაც მენახა ეს სახეები, ოღონდ ვერასგზით ვერ გავიხსენე, როდის და რომელ მხარეში. ეს სახეები უმაღლ დაძმურ სიმპათიას აღძრავდნენ ჩემში, ვიდრე იმ უნდობლობას, რომელიც, ჩვეულებრივ, იღვიძებს ჩვენში უცნობ ადამიანებთან შეხვედრისას.

რაიმე განსაკუთრებული გამოთქმით რომ განმესაზღვრა ის გამომეტყველება, რომელიც ასხივებდა მათ თვალთაგან, ვიტყვოდი, რომ არასოდეს მინახავს თვალები, რომლებშიც ელავდა ასეთი უკიდურესი ზიზღი მოწყენისადმი, ასეთი დაუცხრომელი წყურვილი ცხოვრების შეგრძნებისა.

მე და ჩემი მასპინძელი ინახად დავსხედით კარგი ძველი მეგობრებივით, ვჭამდით და ვსვამდით უზომოდ, ნაირნაირ საუცხოო ღვინოებს შევექცეოდით და რაც არანაკლებ საოცარია, რამდენიმე საათში მე შევამჩნიე, რომ იგი ჩემზე არანაკლებ ნასმურევი იყო. დროდადრო ვწყვეტდით ჩვენს გამწე სმას და ამ ზეადამიანურ სიამოვნებას — ბანქოს თამაშს ვეწაფებოდით. აქვე უნდა ვაღიარო, რომ მე ბანქოში გავათამაშე და წავაგე ჩემი სული, ჭეშმარიტად გმირული უზრუნველობით და თავქეიფობით. სული ხომ ესოდენ ხელშეუვლები რამ არის, ხშირად სავსებით უსარგებლოა და ზოგჯერ ზედმეტ ტვირთადაც გვაწევს, ასე რომ მის დაკარგვას სულაც არ შევუშფოთებოვარ, ალბათ უფრო მეტად შემაშფოთებდა სეირნობისას სავიზიტო ბარათის დაკარგვა.

ჩვენ დიდხანს ვწევდით რაღაც განსაკუთრებულ სიგარებს, რომელნიც თავისი შეუდარებელი გემოთი და არომატით აღვიძებდნენ სულში სევდას აროდესნახული ქვეყნებისას, წყურვილს აროდესგანცდილ შვებათა და ამ განცხრომისაგან გაბრუებულმა ანაზღად წამოვაგლე ხელი სავსე ფიალას და ფამილარულად, დაურიდებლად შევძახე: „ეს თქვენი უკვდავი დღეგრძელობისა იყოს, ბებერო თნავ!“

წარმოიდგინეთ, ამგვარი მიმართვისას შოკის მსგავსი არაფერი შემიმჩნევია მისთვის.

ჩვენ ვსაუბრობდით აგრეთვე სამყაროზე, მის შექმნასა და მომავალ წარხდომაზე, ჩვენი საუკუნის დიად იდეაზე — ე. ი. პროგრესზე და სრულყოფის უნარზე, საერთოდ ადამიანური თვითმოტყუების ყოველგვარ ფორმებზე, ამ თემაზე მისმა ბრწყინვალეობამ მრავალი მოსწრებული, მახვილგონიერი კალამბური ბრძანა, იგი საოცარ აუმიღვრეველობას და სიმშვიდეს ინარჩუნებდა თვით უკიდურესად თავშესაქცევი ამბების მოყოლის დროსაც კი, თან განმაცვიფრა ისეთი დახვეწილი ფრაზებითა და საქცევებით, რომელთა მსგავსნიც არ შემხვედრია კაცთა მოდგმის თვით უსაჩინოეს სიტყვის ოსტატებთანაც კი.

მან განმიმარტა უაზრობა სხვადასხვა ფილოსოფიური სისტე-

მებისა, რომელნიც დღემდე ბატონობენ ადამიანთა აზროვნებაში, შემდეგ კეთილი ინება და გამანდო რამდენიმე ძირეული ჭეშმარიტება, რომელთა არსსა და უპირატესობასაც მე ვერავის ვამცნობ ამქვეყნად. იგი სულაც არ უჩიოდა იმ ცუდ სახელს, რომელიც მისმა პერსონამ დაიმკვიდრა მთელს ქვეყანაზე, და მარწმუნებდა, რომ თავად იგი თავადაც დიდადაა დაინტერესებული ცრუმორწმუნების აღმოფხვრაში და აღიარა, რომ ერთადერთი შემთხვევა ჰქონდა, როცა შეეშინდა თავისი ძალაუფლების შერყევისა და ეს იყო მაშინ, როდესაც ერთმა მქადაგებელმა, თავის თანამოძმეებზე მეტად გამჭრიანმა, წარსთქვა ეკლესიის ამბიონიდან: „საყვარელნო ძმანო ჩემნო, როდესაც თქვენი თანდასწრებით აქებენ და ადიდებენ განათლების მიღწევებს, გახსოვდეთ, რომ ეშმაკის ყველაზე ვერაგული ფანდი ის არის, რომ იგი ცდილობს დაგარწმუნოთ თავის არ არსებობაში!“.

ამ სახელოვანი ორატორის ხსენებაზე სიტყვამ მოიტანა და ჩვენ შევეხეთ აკადემიების საკითხს: ჩემმა უჩვეულო თანამოსაუბრემ განმიცხადა, რომ იგი ხშირად წარმართავს ხოლმე ახალგაზრდობის აღმზრდელთა კალამს, სიტყვას თუ აზრს და რომ თითქმის ყოველთვის პირადად, თუმც უხილავად, ესწრება ხოლმე აკადემიურ სხდომებს.

მისი კეთილგანწყობის ამგვარი გამოვლინებით გაკადნიერებულმა ვკითხე მას, როგორ ბრძანდება-მეთქი უფალი ღმერთი, როდის შეხვდით-მეთქი მას უკანასკნელად. მანაც მომიგო ოდნავ უზრუნველი ტონით, თუმცა საკმაოდ გულდაწყვეტილად: „შეხვედრისას ვესალმებით ხოლმე ურთიერთს, როგორც ორი ხანდაზმული ჯენტლმენი, რომელთაც თანდაყოლილი ზრდილობის გრძნობა საბოლოოდ მაინც ვერ ავიწყებს ძველ შულს“.

მის ბრწყინვალეებას ვგონებ აროდეს უბოძებია ესდენ ხანგრძლივი აუდიენცია უბრალო მოკვდავისთვის და მეც ვშიშობდი, ბოროტად არ მესარგებლა ასეთი პატივით. ბოლოს, როდესაც უკვე შემცივნებულმა ცისკარმა შემოიჭვრიტა ფერგამკრთალ მინებში, ამ ყოველად წარჩინებულმა პერსონამ, რომლისთვისაც ამდენ პოეტს შეუსხამს ხოტბა და რომლის განდიდებასაც არაცნობიერად ემსახურება ამდენი ფილოსოფოსი, განმიცხადა: მე მსურს, რომ თქვენ კეთილი მოგონება დაგრჩეთ ჩემზე, მსურს აგრეთვე დაგიმტკიცოთ, რომ მიუხედავად ყოველივე იმ აუგისა, რასაც ამბობენ ჩემს შესახებ, მე ხშირად კეთილი ვარ, bon diable* როგორც მიწოდებთ ხოლმე თქვენ ყოველდღიურობაში. იმ აუნაზღაურებელი დანაკლისის საფასურად, რომელიც თქვენ განიცადეთ სულის დაკარგვით, მე დაგაჯილდოებთ თქვენ ყოველივე იმით, რასაც მიიღებდით ჩემგან იმ შემთხვევაში, ბანქოს თამაშის დროს ბედს თქვენთვის რომ გაუღიმა. კერძოდ — მე მოგცემთ საშუალებას იმისას, რომ მთელი თქვენი ცხოვრების მანძილზე დაამარცხოთ და განიქარეთ ხოლმე

* კეთილი ეშმაკი (ფრ).

ევ მეტად თავისებური დაავადება—მონყენა წყარო ყოველთა თქვენთა სნეულებათა და ამავე დროს თქვენთა უდღეურ წინსვლათა მიზეზი. ამიერიდან მე დაგეხმარებით ყოველი სურვილის ასრულებაში; თქვენ იბატონებთ თქვენთა მსგავსთა უბადრუტ სულებზე; გარემოცული იქნებით ლიქნითა და თაყვანისცემით; ფუფუნით, ბრილიანტები, საზღაპრო სასახლეები — თავისთავად მოზღვავდებიან თქვენს კარზე და შეგვედრებიან — გვეუფლეთო, — თქვენ კი ხელის განძრევაც არ დაგჭირდებათ მათ მოსახვეჭად. თქვენ მრავალგზის გამოიცვლით სამშობლოს და ისე ხშირად იმოგზაურებთ ხოლმე სხვადასხვა ქვეყნებში, როგორც ეს თქვენს ფანტაზიას მოეპრიანება. მოუყირჭებლად დაეწაფებით ვნების სიამტკბილეს იმ საოცნებო მხარეებში, სადაც ქალნი ისევე ნელსურნელოვანნი არიან, როგორც ყვავილნი და ასე შემდეგ, და ასე შემდეგ..." დაასრულა მან თავისი სიტყვა და გამომისტუმრა კეთილგანწყობილი ღიმილით.

იმ ხალხმრავალი შეკრების წინაშე თავის დამცირებას მოვერიდე, თორემ მზად ვიყავი ფეხებში ჩავგარდნოდი ამ დიდსულივან მოთამაშეს, რათა ამით მაინც გამომეხატა მთელი ჩემი მადლიერება მისი ამ არნახული სიუხვის გამო. მაგრამ მასთან განშორების შემდეგ თანდათანობით კვლავ დამეუფლა დაუთრგუნავი უნდობლობა. უკვე ვეღარ ვბედავდი დაჯერებას ასეთი სასწაულებრივი ბედნიერებისას და რა დავწექი, ძველი სულელური ჩვევებისამებრ, ლოცვას ვბუტბუტებდი და ნახევრად ცნობამინდელი ვამბობდი: „უფალო, შეასრულებინე ეშმაკს თავისი დანაპირები“.

მხატვრის აღსარება

რაოდენ გულში ჩამწვდომია შემოდგომის დღეთა აღსასრული! გულში ჩამწვდომი და სევდისმომგვრელი! ხომ არსებობენ მომხიბვლელი გრძნობანი, ბუნდოვანნი და შემპარავნი, მაგრამ არ არსებობს ლახვარი, მარადისობის ლახვარზე უბასრესი.

რაოდენ მომხიბლავია ჭვრეტა ცისა და ზღვის უსაზღვროების! სიმარტოვე, სიჩუმე, ლურჯი ტატნობის შეუდარებელი ლივლივი. აი, პაწაწინა აფრაც მოჩანს თვალსაწიერზე... ეული და მიუსაფარი, როგორც ჩემი ბედკრული ყოფა. ზღვის მოქცევის მონოტონური დუდუნი; მთელი გარემო ფიქრობს ჩემით, ან იქნებ, მე ვფიქრობ გარემოთი? (აი, რა მალე მეკარგება ხოლმე საკუთარი „მე“ ამგვარი ჭვრეტის სიდიადეში); ჰოდა ფიქრობენ, აზროვნებენ-მეთქი, ვამბობდი; აზროვნებენ ხატოვანად, მუსიკალურად, ჩვენი ყოველგვარი დედუქციების გარეშე, ყოველგვარი სოფიზმებისა და სილლოგიზმების გარეშე.

ჰო, მაგრამ, ჩემში იბადებიან ეს აზრნი, თუ საგნები ჰბადებენ მათ, მათი გარდუვალი შედეგია დაძაბულობა. ესოდენ ზეაღმტაცი შვება ტკივილს იწვევს სულისმიერს და ტანჯვას სხეულებრივს.

უკიდურესად დაძაბული ნერვები მძაფრი კრუნჩხვებით ^{პასუხობენ} ყოველივე ამას.

და აჰა, უკვე მოსვენებას მიკარგავს ლაქვარდთა სხდრმე ^{გულს} მიღონებს ზეცის სიწმინდე, ზღვის უშფოთველობა, გარემოს ^{უძრავობა}, ალაშფოთებენ ჩემს სულს... ნუთუ მარად უნდა ვიტანჯო, ან იქნებ სამუდამოდ უნდა გავექცე სილამაზეს? ჰოი ბუნებაე, უწყალო ჯადოქარო! მარადის გამარჯვებულო მეტოქეე, დამენსენ-მეთქი! იკ-მარე თრგუნვა ჩემი ნატვრის და სიამაყის!

მშვენიერების წვდომა უთანასწორო დუელია, სადაც მხატვარი ბედითად მოსთქვამს, საბოლოოდ დამარცხებამდე.

როგალია ჭაშვარიტი?

მე კარგად ვიცნობდი ბენედიქტას, მას რაღაც იდეალური ატმოსფერო თან ახლდა ხოლმე ყოველთვის. მისი თვალები აღვიძებდნენ ჩემში წყურვილს ყოველივე დიადისას და მშვენიერისას. ისინი აღძრავდნენ ნდობას დიდებისას და მარწმუნებინებდნენ უკვდავებას.

მაგრამ ეს საუცხოო ქალწული ფრიად მშვენიერი განლდათ, დიდხანს რომ ეცოცხლა და, ჩვენი გაცნობის შემდგომ, რამდენიმე დღეში გარდაიცვალა. მე ჩემი ხელით მივაბარე იგი მიწას გაზაფხულზე, როდესაც ტურფად ჰყვოდნენ ყვავილნი და გაზაფხული საკმეველს აკმევდა სასაფლაოზეც. დიახ, ჩემი ხელით დავფლე იგი, მაგრად ჩავჭედე კუბოში, რომელიც სურნელოვანი და ულბოლველი ხისაგან იყო გამოთლილი და კიდობანს უფრო ჰგავდა ინდოეთიდან ჩამოტანილს, ვიდრე კუბოს.

და ამ დროს, ანაზღად, მზერა გამიშტერდა, გაოგნებული დავაცქერდი იმ ადგილს, სადაც დავფლე ჩემი საუნჯე, რადგან პაწაწინა არსება შევნიშნე მანდ, რომელიც საოცრად ჰგავდა მიცვალებულს. და ეს პაწაწინა არსება რაღაც ველური გახელებით სტკეპნიდა ახლადმიყრილ მიწას, ისტერიულად ხარხარებდა და ჰკიოდა: „ნამდვილი ბენედიქტა მე ვარ, მე, ყველასათვის ცნობილი კანალია! შენ დაისჯები შენი სიშმაგისათვის და სიბრმავისათვის და იცოდე, მე შემეყვარებ, მე, დიახ, შემეყვარებ, აი, ასეთს, როგორსაც მხედავ!“

„არა, არა, არა“, შევყვირე მე ველური ხმით და, ჩემი უარისათვის უფრო მეტად ხაზგასასმელად, ჯიუტად დავკარი მიწას ფეხი. ფეხი მუხლამდე ჩამეფლო საფლავეში და ამრიგად, ხაფანგში გაბმული მგლის მსგავსად, ალბათ სამუდამოდ, დაფრჩი იდეალის აკლდამაზე მიჯაჭვული.



სპარსული პროზის ფუძემდებელი

სპარსული ლიტერატურის წყნება მკითხველში აღძრავს სინატიფის, დახვეწილობის, სილამაზის ახოციაციას. აზრის და პოეტურობის ტიტანების - ფირდოუსის, ჯაფარის, ხაიამის, საადის, ჯამის, ნიზამის, ჯალალ ედ დინ რუმის მიერ თვალშეუდგამ სიმალღვეზე აყვანილმა უკუდავმა ქმნილებებმა დიდების შარავანდედით შემოსეს სპარსული პოეზია და მკვიდრი ადგილი მიუჩინეს მას მსოფლიო ლიტერატურის საგანძურში. მათი წყალობით მრავალრიცხოვან მკითხველთათვის სპარსული ლექსი თავისებურ ხარისხის ნიმნად, მხატვრული ოსტატობის გარანტიად იქცა.

ასეთი მდიდარი ტრადიციებითა და სახელოვანი წინაპრებით ცნობილი თანამედროვე სპარსული ლიტერატურის წარმომადგენლებს ფილოციხოვრება არა აქვთ. აფვილი როდია ღირსეული შთაშობა იყო ამ უმაღლესი შემკვიდრეობისა. ძნელია სპარსული კლასიკური პოეზიით გააზიზებული მკითხველი დააინტერესო. ამის გაკეთება შესძლო ვეროპულ კულტურას ნაზიარებმა სადეე პედაიათმა, რომელმაც კარგად იცოდა, რომ მსოფლიო კლასიკური ლიტერატურის და ხალხური შემოქმედების ტრადიციებზე დაყრდნობით შეიძლებოდა შექმნილიყო თანადროულობის შესატყვისი მნიშვნელოვანი მხატვრული ნაწარმოებები. მისი შემოქმედება დგას მრავალსაუკუნოვანი სპარსული კულტურის მტკიცე პალაქარზე.

მხატვრული პროზის დიდოსტატმა სადეე პედაიათმა თავისთავადი, ცინცხალი ფერები შექმნა სპარსულ ლიტერატურას. ამ მწერლის საუკეთესო ქმნილებებმა კიდევ ერთხელ გვაგრძნობინა სპარსული ენის მაღლი და ბარაქა, ყანდივით ტკბილი სპარსული ხიტყვის ამოუწურავი გამომსახველობითი შესაძლებლობანი და საბოლოოდ დაახამარა ის მცდარი შეხედულება, რომ სპარსული ლიტერატურა ვარდასულ

საუკუნეთა მიღმა დარჩა, წარსულის კუთვნილება და მას დაწული აქვს შემდგომი განვითარების ეზა.

საუკუნეების მანძილზე ირანში პოეზიასთან შედარებით პროზა ნაკლები პოპულარობით სარგებლობდა და, შესაბამისად, მკითხველიც ცოტა ქეაუდა.

ისტორიული მოვლენებისა და საზოგადოებრივი ცხოვრების განვითარების თავისებური პირობებით უნდა აიხსნას პოეზიისა და პროზის ურთიერთმიმართების საკითხები სპარსულ ლიტერატურაში. შეუვალი იყო სპარსული ლექსის პოზიციები. მდიდარი, თვითმყოფადი ცივილიზაციისა და კულტურის მქონე ირანელ ხალხს ისლამის წინა პერიოდში მრავალსაუკუნოვანი კულტურული ცხოვრების ტრადიციები გააჩნდა. ისლამმა შეზღუდა ხელოვნების ისეთი მნიშვნელოვანი დარგები, როგორცაა მუსიკა, ცეკვა და ქანდაკება. ხელოვნების მოყვარული ირანელები იძულებული შეიქმნენ თავიანთი ნიჭი და გემოვნება წარემართათ იმ მიმართულებით, რაც ნებადართული იყო, კერძოდ პოეზიაში. ამით უნდა აიხსნას ირანელების განსაკუთრებული ყურადღება პოეზიისადმი და სპარსული ლექსის საარაკო აღზეება. სპარსულმა პოეზიამ სრულქმნილების მწვერვალებს მე-9-15 საუკუნეებში მიაღწია.

დიდებით მოხილი ეს ექვსი საუკუნე სპარსული ლიტერატურის ისტორიაში კლასიკურ ხანად იწოდება. ამ დროს პოეზიაში შეიქმნა ყალიბები, რომლებიც საფუძვლად დაედო სპარსულ სიტყვის ოსტატთა შემოქმედებითი პროცესის შემდგომ განვითარებას. ამ თარგების მიხედვით საუკუნეების მანძილზე იქმნებოდა და დღესაც იქმნება სპარსული ლექსი, ამასთან იგი დიდ ზეგავლენას ახდენს მხატვრულ პროზაზეც. საერთოდ ძნელი წარმოსადგენია თანამედროვე ირანის ლიტერატურა იმ მძლავრი იმპულსების

გარეშე, რომელთაც იგი სპარსული კლასიკური ლიტერატურიდან ღებულობს. პროზა პოეზიას საგრძნობლად ჩამორჩებოდა. იგი უკანა პლანზე იყო გადახული. შემდგომ ვითარება შეიცვალა. მეოცე საუკუნიდან ძალთა თანაფარდობა სპარსულ სიტყუაკაზმულ მწერლობაში პროზის სახარგებლოდ ვითარდება. ორმოციანი წლებიდან მოყოლებული წამყვან როლს მხატვრულ ლიტერატურაში პროზა ასრულებს, თუმცა უნდა აღინიშნოს, რომ ეს პროცესი ოციანი წლებიდან იღებს დასაბამს. უკანასკნელ ხანებში ირანის მწერლობაში ძალთა შემომატება სწორედ პროზაში ხდება. ირანელი მწერლები ცდილობენ თქვან ახალი სიტყვა თანამედროვე ლიტერატურის ისეთ კანონებში, როგორცაა ნოველა, რომანი, დრამა, რაც იმაზე მიუთითებს, რომ თანამედროვე სპარსული ლიტერატურა ცდილობს ფუნი აუწყოს მსოფლიო მწერლობაში მიმდინარე პროცესებს.

სპარსული მხატვრული პროზის აღმავლობა და განვითარება სადღეუ პედაიათის სახელთანა დაკავშირებული. მან ბუერი გააკეთა იმისათვის, რომ გზა გაეკვლია სპარსული ნოველისათვის, ხერთაშორისო ასპარეზზე გაეტანა სპარსული ლიტერატურის, ამჯერად უკვე მხატვრული პროზის დიდება, თორემ რაც შეეხება სპარსულ ლექსს, მან უკვე კარგა ხანია მოიპოვა საყოველთაო აღიარება.

ნოველის მეკვლეები ჯამალზადე და სადუე პედაიათია, რომლებმაც სპარსულ ლიტერატურაში დაამკვიდრეს ეს ჟანრი და გაუხსნეს მას შემდგომი განვითარების გზა. სადუე პედაიათი დაიბადა 1903 წლის 17 თებერვალს, თეირანში, მაღალი არისტოკრატიული წარმომავლობის ოჯახში. ბავშვობა და ყრმობა მშობლიურ ქალაქში გაატარა. თეირანის ფრანგული კოლეჯის „სენლის“ წარჩინებით დამთავრების შემდეგ, 1925 წელს ს. პედაიათი სწავლის გასაგრძელებლად ევროპაში გაგზავნეს. ჯერ ბელგიაში — სამოქალაქო ინჟინერთა უმაღლეს სასწავლებელში, შემდგომ კი პარიზში, არქიტექტურულ ინსტიტუტში. უცხოეთში ყოფნისას დარწმუნდა, რომ მისი ნამდვილი მოწოდება მწერლობაა და მთლიანად ლიტერატურულ საქმიანობას მიჰყვა ხელი. იქ დაწერა თავისი პირველი მოთხრობები, გამოაქვეყნა ტრაქტატები „უეგაბტარიანობის სარგებლიანობაზე“, „ადამიანი და ცხოველი“.

თუმცა წლების განმავლობაში ს. პედაიათი შორს იყო თავისი სამშობლო მიწა-წყლისაგან, მაგრამ მისი გონება, აზრები განუყრელად იყო დაკავშირებული მშობლიური ხალხის ბედთან, მის ჭირ-ვარამთან. საფრანგეთში ყოფნისას წერს პატრიოტულ პიესას „სასანიდელი ქალი“.

შეილი ფარვინი“, ამ ხამოქმედებიან ისტორიულ დრამაში ასახულია სპარსელების ბრძოლა არაბ დამპყრობთა წინააღმდეგ.

1930 წელს ს. პედაიათი ირანში დაბრუნდა. ოცდაათიანი წლები ირანელი ხალხისათვის ძნელბედობის ხანა იყო. ამ დროს მრავალჯერ შაჰის სისხლიანი დიქტატურა, სამხედრო პოლიციური რეჟიმი მძვინვარებდა. პროგრესული და მოწინავე აზრის გამოვლინება იფუნებოდა. სამშობლოში დაბრუნებული მწერალი იძულებული გახდა სამსახური დაეწყო. იგი მუშაობას იწყებს ირანის ნაციონალურ ბანკში, შემდეგ ვაჭრობის ხამმართველოში, საგარეო საქმეთა სამინისტროში და ა. შ. ს. პედაიათს თავისი არისტოკრატიული წარმომობისა და გავლენიანი ნათესავეების წყალობით შეეძლო უზრუნველი ყოფილიყო, ცხდვრებაში ყველა გზა პქონდა გახსნილი. მიუხედავად ამისა, იგი მეორედით, მაგრამ თავისი შრომის ნამაგარიტ კმაყოფილდებოდა. მწერალს სიცოცხლის მოლომდე უხდებოდა მუშაობა უმნიშვნელო ადმინისტრაციულ თანამდებობებზე, რათა თავი ურჩინა. სადუე პედაიათის ცხოვრება და ლიტერატურული მოღვაწეობა განუყოფელია.

ოცდაათიანი წლების დასაწყისში თეირანში შეიქმნა ლიტერატურული ჯგუფი „რაბე“, რომელმაც მნიშვნელოვანი როლი ითამაშა თანამედროვე ირანის კულტურულ ცხოვრებაში. მასში გაერთიანებული იყვნენ ირანის პროგრესული ინტელიგენციის საუკეთესო წარმომადგენლები. ჯგუფის ხელისჩამდგმული და ორგანიზატორი სადუე პედაიათი იყო.

ოცდაათიან წლებში ირანელი მკითხველის თაროზე გაჩნდა სადუე პედაიათის ნოველების კრებულები: „ცოცხლად დამარხული“, „სამი წვეთი სისხლი“, „ჩრდილ-ნათელი“, პამფლეტების კრებული „ბატონი ვალ-ვალი“ და სხვა. ეს არა მარტო შესანიშნავი წიგნებია, რომლებმაც მაშინვე მიიპყრეს ფართო საზოგადოებრიობის ყურადღება, არამედ სპარსული მხატვრული პროზის განვითარების საფუძვრებია.

კლასიკური სპარსული ლიტერატურისა და ევროპული ბურჟუაზიული ხელოვნების საუკეთესო ტრადიციებზე აღზრდილმა სადუე პედაიათმა რთული, შემოქმედებითი ძიებებით აღსავსე გზა განვლო.

მშობლიური ქვეყნის პოლიტიკურ-ეკონომიური ცხოვრების დაცემულობამ და მძიმე საზოგადოებრივმა პირობებმა თავისი გამოხატულება პპოვა მწერლის ლიტერატურულ პრაქტიკაში, მისი შემოქმედების პირველი პერიოდის მხატვრულ კმნილებებში. იმ ფორმის ძიებაში, რომელიც საშუალებას მისცემდა მწერალს ეწვენიხა ადამიანი საზოგადოებრივ წინააღმდეგო-

ბებთან დაპირისპირებაში, აესახა მისი შემოქმედება ადამიანის პიროვნებაზე, თავისი დამოკიდებულება ამა თუ იმ საზოგადოებრივი მოვლენების მიმართ, მიიყვანა სადღეუ პედაიითი დასკვნამდე, რომ ადამიანის მის გარემომცველ სოციალურ სინამდვილესთან ურთიერთობის გამოხატვის საუკეთესო საშუალებას ფსიქოლოგიური ანალიზი წარმოადგენს. ეს შემოქმედებითი ძიებანი წარმატებით განახორციელა ირანელმა მწერალმა თავის ფსიქოლოგიურ ნოველებში.

სადღეუ პედაიითის ადრეული ნოველები „ცოცხლად დამარხული“, „მანეკნი ვიტრინაში“, „კუზინი დაუდი“, „სამი წვეთი სისხლი“ უიშვდობისა და სასოწარკვეთილების სულისკვეთებითაა დაწერილი. მათ ფრანგული იმპრესიონიზმის ზეგავლენის ბუჭედი აზის. აღსანიშნავია მოთხრობა „ბრმა ბუ“, რომელსაც განსაკუთრებული ადგილი უჭირავს არამარტო მის შემოქმედებაში, არამედ ახალ სპარსულ პროზაში.

სადღეუ პედაიითის უსაყვარლესი პოეტები არიან ჰაფეზი და ზაიამი. მათდამი სწრაფვა მწერალს სიცოცხლის ბოლომდე არ განუღებია თავის მხატვრული შემოქმედების მწვედებად, შთავონების წყაროდ ს. პედაიითს სწორედ ეს ორი ბუმბერაზი პოეტი მიანდა.

ს. პედაიითის ფსიქოლოგიურმა პროზამ შეისისხლხორცა და ვაითავისა სუფიური პოეზიის ქარაგმულობა და სიმბოლიკა, რაც განსაკუთრებით იგრძნობა მოთხრობაში „ბრმა ბუ“, რომელიც ირანული მწერლის სულის ძაფითაა ნაქსოვი. ვასოცარია „ბრმა ბუს“ გმირის მხატვრის შინაგანი სულიერი დინამიკის ჯადოქნური აღწერა. ავტორი სიღრმისეული შრეების ჩვენებისას თავაზობს მკითხველს საკუთარ სულიერ ცხოვრებაში გადადულაბულ ფიქრებს. ნაწარმოები დაწერილია დეკადენტურ-მისტიკური განწყობილებით, მაგრამ თუ ამ მოთხრობის ზოგიერთ პასაჟს ჩამოვაცილით ნისლოვან ფარდას, დაინახავთ მწერლის თანადროული ირანის სულისმსუთავი ცხოვრების გამოსატულებას.

ამავე პერიოდში სადღეუ პედაიითი ქმნის ბრწყინვალე რეალისტურ ნაწარმოებებს: „ალავიუ ხანუმი“, „ლაღვ“, „მზაკაცი აქოლი“, „აბჯი ხანუმი“, „ქალი, რომელმაც ქმარი დაჰკარგა“, „ხვავები“, ამ ნაწარმოებებმა პედაიითს თანამედროვე სპარსულ ლიტერატურაში საპატიო ადგილი დაუმკვიდრეს.

ამ ნოველებში მწერალი ვაბუდულად ააშკარავებს მისი თანადროული ირანის სინამდვილის მანკიერ მხარეებს. ნოველების გმირები ირანის უბრალო ადამიანები არიან. სადღეუ პედაიითი მათი ფსიქოლოგიური სამყაროს საუკეთესო მცოდნედ და შთავონებულ მხატვრად გვევლინება. ირანულ კუმანისტს, სადღეუ პედაიითს მკითხვე-

ლი მიჰყავს დასკვნამდე, რომ ამ ადამიანებსაც აქვთ უფლება ცხოვრების სიხარულზე, სიყვარულზე, ყოველივე იმაზე, რაც ხალისს მატებს ადამიანს და მეტ შინაარსს აძლევს ცხოვრებას.

1936 წელს სადღეუ პედაიითმა აიხრულა თავისი ძრავალი წლის ნატვრა და ინდოეთს ვაემგზავრა. ამ მოგზაურობისათვის, რომელიც მცენიერულ მიზნებს ისახავდა, მწერალი იძულებული იყო ვაეყიდა თავისი ქონება, უმთავრესად წიგნები. ინდოეთში მან ერთი წელი დაჰყო და ამ ხნის განმავლობაში გულმოდგინედ სწავლობდა სასანიდების ეპოქის ლიტერატურულ ძეგლებს და ფალაურ ენას. სამშობლოში დაბრუნებულს მძიმე ვითარება დახვდა. 1938 წელს თეირანში შედგა „ორმოცდაცამეტის“ სასამართლო პროცესი. ასამართლებდნენ ირანის დემოკრატიული მოძრაობის თვალსაჩინო მოღვაწეებს, რომელთა შორის იყვნენ ს. პედაიითის მეგობრები. დიდი საშიშროების მიუხედავად, სადღეუ პედაიითი ყოველმხრივ ცდილობდა დახმარებოდა მათ. ინდოეთიდან დაბრუნების შემდეგ, რეზა შაჰის დიქტატორული რეჟიმის დამსობამდე მწერალმა ვერ შეძლო ვერც ერთი მხატვრული ნაწარმოების გამოქვეყნება და იძულებული იყო შემოფარგლულიყო მხოლოდ მეცნიერულ-თარგმნითი მოღვაწეობით. იგი ზედიზედ აქვეყნებს მთელ რიგ გამოკვლევებსა და თარგმანებს ფალაური ენიდან. განსაკუთრებული ყურადღების ღირსია სადღეუ პედაიითის მიერ 1939 წელს გამოქვეყნებული საშუალო სპარსული ლიტერატურის მნიშვნელოვანი ძეგლის „არდაშირ პაპაკის ძის საქმეთა წიგნის“ კრიტიკული გამოცემა.

ავესტური და ფალაური ტექსტების თარგმნისას სადღეუ პედაიითი ურთავდა მათ მეცნიერულ აპარატს, რომლის შედგენისას ითვალისწინებდა თანამედროვე ფილოლოგიური მეცნიერების უკანასკნელ მიღწევებს. ს. პედაიითის გამოკვლევებმა სპეციალისტების მალალი შეფასება დაიმსახურეს.

1938-1941 წლებში სადღეუ პედაიითი მუშაობს ირანის მუსიკალურ სამმართველოში და თანამშრომლობს „მუსიკალურ ჟურნალში“, რომლის ფურცლებზეც ვამოაქვეყნა საინტერესო სტატიები ასადი ტუსის, ნიზამის, ჩაიკოვსკის, სპარსული სიმღერების, ანდაზების შესახებ, აგრეთვე რამდენიმე სპარსული ხალხური ზღაპარი.

ასევე ნაყოფიერად თანამშრომლობდა რვი ჟურნალებში „სოხან“, „ფეიაზე ნოუ“ და სხვა.

სადღეუ პედაიითის ლიტერატურულ-კრიტიკული აღლო და დიდი ფილოლოგიური მომზადება კლასიკურ სპარსულ ლიტერატურაში გამოსკვივის მის წიგნში „ზაიამის სიმღერები“. ომარ ზაიამის რომაების ამ გამოცემას სადღეუ

პედაგოგთა წარმომადგენელი, სადაც ხაუბარია ხაიამის შემოქმედების მხატვრულ თავისებურებებზე, ენაზე, სტილზე, პოეტის ათეისტურ შეხედულებებზე, მის სკეპტიციზმზე. უნდა აღინიშნოს, რომ ს. პედაგოგთა ომარ ხაიამი პირველი ინტერესი აღრევს დაკბადა. შემოდასახელებული კრებულის გამოსვლამდე ბევრად უფრო აღრმად ვერ კიდევ 1924 წელს, პედაგოგთა გამოსცა წიგნი „მრძენი ომარ ხაიამის რომაინი“.

ფაქტად აღინიშნება ომარ ხაიამის „ვისრამიანის“ ლიტერატურულ ანალიზს მიეძღვნა საფუძველად პედაგოგთა სტატია „რამდენიმე სიტყვა ვისრამიანზე“.

ს. პედაგოგთა შემოქმედების მასხარდობებულ წყაროს წარმოადგენს ხალხური სიტყვიერება. პედაგოგთა წარმომადგენლის მთელი რიგი სახეები, მოტივები, მისი სტილის თავისებურება დაკავშირებულია ხალხური ზეპირსიტყვიერების ტრადიციებთან, რომლებშიც მნიშვნელოვანი როლი შეასრულეს ამ დიდი მწერლის შემოქმედების ფორმირებაში.

საფუძველად პედაგოგთა ხალხური სიტყვიერების დიდი მტკიცე და მოვლარული იყო. მისი ხწრაფვა ფოლკლორისადმი არამთავრად ატარებდა ეპიზოდურ ხასიათს. ზაბეკობიდან, ეღრე ცხოვრების უკანასკნელ დღეებამდე, არ შეხვედებოდა მისი ყურადღება და ინტერესი ხალხის ამ ხულიერი ხაუნჯისადმი.

მრავალმხრივია ს. პედაგოგთა შემოქმედების კავშირი ხალხურ სიტყვიერებასთან. იგი არის არა მარტო სპარსული ნაციონალური ფოლკლორის საყვანისმყვებელი და მწერალი-შემოქმედი, რომელმაც მრავალი მხატვრული წარმომადგენელი შექმნა ფოლკლორზე დაყრდნობით, არამედ მისი შემტრებიცა და მკვლევარიც.

თანამედროვე ირანულ მწერლებსა და მოღვაწეებს შორის ს. პედაგოგთა ვერაინ გაუნვახ მტკიცეობას სპარსული ხალხური შემოქმედების ცოდნასა და დაყრდნობას.

ხალხური შემოქმედებითი გენიის შესწავლა და პოპულარიზაცია მას გადაუდებელ ამოცანად და დიდ პროვსულ საქმედ შიანდა. მისი სახით სპარსულ ნაციონალურ ფოლკლორს გამოუჩინდა დაუღალავი მსახურება და ქობაგი.

ს. პედაგოგთა კროვნული ზეპირსიტყვიერების ტექსტების შეკრებაში, ხალხური ტრადიციების აღწერასა და ირანის მთხარელობის ეთნოგრაფიულ დამახასიათებელი თვალსაჩინო დამხახურება მიუძღვის.

მისი ყურადღების არემი მოხვდა სხვადასხვა განრები: აქმულეებზე, გადმოცემებზე, ზღაპრებზე, ლეგენდებზე, ძველი სხე-ჩვეულებებზე, სიმღერებზე, გამოცენებზე, ანდაზებზე.

საფუძველად პირველი ირანული ფოლკლორისტი და ეთნოგრაფია. ამ დარგებში კვლევა-ძიების დაწყება სწორედ მის სახელთანა დაკავშირებული.

საფუძველად პირველი ხალხური სიტყვიერების დრმა და საფუძველიანი მტკიცე. მის წარმომადგენლებში მოცემულია მტკიცე საწვრთლემო ცნობები, თეორიული ხასიათის შესახებ ხალხურ შემოქმედებაზე, მის წარმომადგენელზე, რაობაზე, თემატიკაზე, მნიშვნელობაზე, მხატვრულ ლირებაზე, ხასიათსა და შესრულების წესებზე. იმ დროისათვის, როცა სპარსული ხალხური შემოქმედების წყაროები ნაკლებად იყო შესწავლილი და მათი კვლევა-ძიებაც არ წარმოებდა, საფუძველად პედაგოგთა გამონათქვამებს უდაოდ გარკვეული მეცნიერული მნიშვნელობა ენიჭებოდა.

საფუძველად პედაგოგთა, როგორც ხალხური სიტყვიერების ნიმუშების შემკრებს, გარკვეული წვლილი აქვს შეტანილი სპარსული ფოლკლორისტიკის ისტორიაში. 1931 წელს თეირანში საფუძველად პედაგოგთა გამოაქვეყნა კრებული „აუსანე“-ს (ზღაპარი) ხასხელწოდებით. სათაურშივე იგრძნობა კრებულის ხალხური ხასიათი. ეს წიგნი წარმოადგენდა სპარსული ხალხური სიტყვიერების ერთადერთ ნაბეჭდ კრებულს, სადაც წარმოდგენილი იყო მრავალი შესანიშნავი ნიმუში.

„აუსანე“ წარმოადგენს ფოლკლორულ კრებულს, რომელიც შედგება შესავლისა და ტექსტებისგან, კერძოდ სიმღერებისგან, რომლებიც თემატიკური ბუდეების მიხედვითაა განლაგებული. კრებულში ფიქსირებულია ხალხური, სამავშო, იანანას სიმღერები და გამოცენები.

1933 წელს ს. პედაგოგთა თეირანში გამოცემა წიგნი „ნეირანგეხთანი“ (ხასწავლთა ქვეყანა), რომელშიც მოცემულია ლირსმესანიშნავი მასალები ირანული უძველესი გადმოცემებისა და ლეგენდების შესახებ. ამ წიგნში შესანიშნავად, ვველა დეტალის ზუსტი დაყვითაა აღწერილი საქორწინო, სამლოოვიარო და სხვა ცერემონიალებში, მათთან დაკავშირებული წეს-ჩვეულებები.

არანაკლებ ინტერესს ამტკიცებდა ს. პედაგოგთა სპარსული ხალხური ზღაპრების მიმართ. იგი დიდი გულმოდგინებით და სიყვარულით აგროვებდა ხალხურ ზღაპრებს, ზოგიერთი მათგანი კიდევ გამოაქვეყნა თეირანის მუსიკალურ ურნალში. მისი ინიციატივით თეირანის რადიომოუწოდა ირანის მოსახლეობას გამოვგზავნათ ხალხური ზღაპრები და აღუთქვა მათ, რომ გამოვგზავნელის სახელი ხალხური სიტყვიერების ნიმუშთან ერთად ვახდებოდა ფართო საზოგადოების ყურადღების

1 აუსანე — ხალხური, ხოლო ლიტერატურულია — აუსანე.

ღირსი, მართლაც, ირანის რადიოთა და ეთნოგრაფიის მუზეუმის მისამართით ირანის სხვადასხვა კუთხიდან იყო დენა წერილებმა, რომლებიც შეიცავდნენ სპარსული ხალხური სიტყვიერების სხვადასხვა ნიმუშებს. მიღებული მასალები გულდასმით ისინჯებოდა და გადაამუშავების შემდეგ, რასაც უშუალოდ შემთხვევაში თვით ს. კედაიასი აკეთებდა, ხდებოდა ამ ზღაპრების ტრანსლირება რადიოთი.

ირანის ეთნოგრაფიისა და ხელოვნების შესახებ სადევ კედაიასის ნაშრომებიდან უნდა აღინიშნოს: „სასანიდების ეპოქის ხელოვნება მედლებზე“, „ირანის უძველესი ქალაქები“, „ისპაჰანი — მსოფლიოს ნახევარი“ და სხვა. განსაკუთრებით საინტერესოა ტრადიციული „საფარ-ნამეს“ (მოგზაურობის წიგნის) ფორმით დაწერილი ეს უკანასკნელი ნაწარმოები, რომელშიც აღწერილია ირანელი ხალხის ყოფა-ცხოვრება. ავტორი ამტკიცებს თავის ღრმა ერუდიციას და კვლავ ანიჭებს ადამიანს ესთეტიკურ სიამოვნებას მის წინაშე ირანის მატერიალური კულტურის შესანიშნავი ძეგლების გამოყოფნაში.

40-იან წლებში სპარსული ფოლკლორისტიკა ლაგროვების პროცესში იყო. იმ დროისათვის არ არსებობდა მეცნიერული გამოკვლევები ცალკეული პრობლემების შესახებ. არ იყო არც ერთი სახელმძღვანელო, რომლის მიხედვითაც შემკრები შესძლებდა მეცნიერულად და მხატვრულად ღირებული ტექსტები ნაწერა. ამიტომაც უაღრესად დიდი მნიშვნელობა ენიჭებოდა სადევ კედაიასის მიერ 1945 წელს იურნალ „სოხან“-ში გამოქვეყნებულ პროგრამას: „ფოლკლორი ანუ ხალხური ცოდნა“. ეს იყო პირველი სისტემატიზირებული სახელმძღვანელო პროგრამა სპარსული ფოლკლორული და ეთნოგრაფიული მასალების შეკრების საქმეში. ს. კედაიასის მიერ შემუშავებული ხალხური შემოქმედების ნიმუშების შეკრების ამ ინსტრუქციას დღემდე არ დაუკარგავს მეცნიერული ღირებულება.

ეს პროგრამა საინტერესოა როგორც ფოლკლორისტებისთვის, ისე ეთნოგრაფებისა და ფილოლოგებისათვის. მასში ჩამოთვლილია ტერმინები, რომლებიც დაკავშირებულია ირანული ხალხის როგორც მატერიალურ, ისე სულიერ კულტურასთან. ზოგიერთ ამ ტერმინთაგანი იქვე, ტექსტშივეა განმარტებული ავტორის მიერ. ზოგჯერ მოყვანილია ანდაზებიც, რომლის წარმოშობაც ამა თუ იმ მოვლენასთან არის დაკავშირებული. მაგალითად, როგორც ლაპარაკობს სიტყვიერ ტაბუზე, ავტორი აღნიშნავს, რომ ხალხში სიტყვა „ცამეტის“ ნაცვლად მიღებულია სიტყვა „უფრო მეტის“ ხმარება.

მეორე მსოფლიო ომის დროს სადევ კედა-

იასი უყოყმანოდ ნადვამ პროგრესულ მწერალთა და საზოგადო მოღვაწეთა რიგებში, რომლებიც ცდილობდნენ დაეცვათ მსოფლიო კულტურა ფაშიზმის ხელყოფისაგან. მსოფლიოს თავისუფალ ხალხთა მიმართ პიტლერული აგრესიის წინააღმდეგ გმირული ბრძოლის შემსახველოვანხ ძალად სადევ კედაიასი მისი საბჭოთა კავშირი და მისი ძლევაშისილი შეიარღობული ძალები.

სადევ კედაიასის ამ დროის განწყობილებას კარგად ახასიათებს მისი მეგობარი, შვეიცარიის პრემიის ლაურეატი მწერალი ბოზორჯ ალაფი: „უნდა გენახათ კედაიასი საბჭოთა კავშირისა და მოკავშირეების ფაშისტურ გერმანიასთან ომის დღეებში; იგი გულისხვართა და მღვლვარებით უგდებდა ყურს რადიოგადაცემებს კაცობრიობის მტერთან წითელი არმიის ბრძოლის შესახებ. წითელი არმიის ყოველი გამარჯვება და წარმატება მას თავისუფლების, საყოველთაო კეთილდღეობის, მეცნიერებისა და ცოდნის გამარჯვებად მიანდა“.

სამამულო ომის პრისხანე დღეებში, როცა მთელი მსოფლიო თვალყურს ადევნებდა ლეგენდარულ ბრძოლებს ვოლგასთან, სადევ კედაიასი ქმნის ალუგორიულ ზღაპარს „სიცოცხლის წყარო“, რომელშიც გამოიხატა მწერლის ოპტიმისტური განწყობილება, მისი ღრმა რწმენა ფაშიზმზე მსოფლიოს პროგრესული ძალების გამარჯვებისა. ამ ნაწარმოების გმირია ხალხის კეთილდღეობისათვის მებრძოლი უშიშარი აჰმადაქი, რომელსაც მარადი გაზაფხულის ქვეყნიდან (იგულისხმება საბჭოეთის ქვეყანა) მოაქვს უკვდავების წყალი და მხსნელად ევლინება ხალხს.

მეორე მსოფლიო ომის პერიოდს ემთხვევა სადევ კედაიასის შემოქმედების ახალი ეტაპი. ფაშიზმის წინააღმდეგ ბრძოლამ, ირანის ნაციონალურ-გამანთავისუფლებელი მოძრაობის აღმავლობამ სტიმული მისცა სადევ კედაიასის შთაგონებას. მასზე ზეგავლენა მოახდინა მეორე მსოფლიო ომში საბჭოთა კავშირის ისტორიულმა დამსახურებამ, მისმა პროგრესულმა და განმანთავისუფლებელმა მისწრაფებებმა.

ირანელი დემოკრატი მწერლის, სადევ კედაიასის შემოქმედება ივსება ახალი იდეური შინაარსით. იგი, როგორც მხატვარი და მოაზროვნე, დემოკრატიული პროგრესული იდეების უფრო აქტიური მქადაგებელი ხდება. ამ პერიოდის თავის რეალისტურ ნაწარმოებებში მწერალი სვამს მწვავე სოციალურ და პოლიტიკურ პრობლემებს, ააშკარავებს ფაშისტური იდეოლოგიის ცბადაღებულ ხასიათს („ბუჩქის ქვეშ“), იბრძვის კოლონიალიზმის მტაცებლური ბუნების წინააღმდეგ („ანტიქრისტეს ხახვდარი“, „მარგალიტის ზარბაზანი“).

ფართოვდება მწერლის სოციალური ინტერე-

ფიცი სიტყვებით უპასუხებდა: „იშპერიალისტებმა ჩვენი ქვეყანა დიდ საპრობილედ გადააქცევს. სიძარბოზე ლაპარაკი და ფიქროც კი დაწმინდად ითვლება, მიუხედავად მშვიდობიანების პრინციპის იდეას“.

ირანის იმპროვიზებულმა ხელისუფლებამ ყოველგვარი დაბრკოლება შეუქმნეს ს. ჰედაიათს, რათა მშვიდობის მომხრეთა კონგრესს არ დასწრებოდა, მაგრამ მან მაინც შესძლო ყველასათვის გასაგონად თავისი ხმა შეეკრებინა მსოფლიო მშვიდობის მებრძოლთათვის.

სამშობლოში შექმნილი მძიმე ვითარების გამო 1950 წლის ბოლოს სადგე ჰედაიათი პარიზს გაემგზავრა და იქ ნაადრევად განშორდა წუთისოფელს. 1951 წლის ადრულ გაზაფხულზე, პარიზში უკანასკნელი დილა გაუთენდა ირანელ მწერალს. პერ-ლა მეზის სახელობაზე დგას სადა, მოკრძალებული ძეგლი, ისეთი, როგორც თვით სადგე ჰედაიათი იყო.

სიცოცხლეში სადგე ჰედაიათი ყურადღებით განებივრებული არ იყო. „სამსახურში ყოველთვის ვიყავი უმნიშვნელო, მივიწყებული მოსამსახურე და უფროსები უმეყოფილონი იყვნენ ჩემით. მათ უხაროდან, როდესაც მე განთავისუფლებას ვითხოვდი“, — წერს იგი თავის ავტობიოგრაფიაში.

სიკვდილის შემდეგ ს. ჰედაიათს არც სახელი მოკლებია და არც დიდება. მრავალმა პოეტმა, მწერალმა, კომპოზიტორმა თუ მხატვარმა უძღვნა მის ნათელ ხსოვნას თავისი ნაწარმოები. გამოუშვეს სამახსოვრო მედალი, რომლის ერთ მხარეზე მწერლის პორტრეტია გამოსახულზე, ხოლო მეორე მხარეზე ნაწყვეტი მოთხრობიდან „ბრმა ბუ“. ნოველა „სვაკები“ გადააკეთეს პიესად და იდგმება თეირანის დრამატული თეატრების სცენაზე. „ლაღეს“ შთაგონებით ცნობილმა ირანელმა კომპოზიტორმა შექმნა სიმფონია. ირანელმა კინემატოგრაფისტებმა „დამ აქოლის“ მიხედვით შექმნეს სრულმეტრაჟიანი მხატვრული ფილმი.

თანამედროვე სპარსული ლიტერატურის ყველა ანთოლოგიის აუცილებელი კომპონენტია ს. ჰედაიათის ნაწარმოები. ტრადიციად იქცა ირანში ყოველწლიურად მისი ხსოვნისადმი მიძღვნილი საღამოების ჩატარება. ს. ჰედაიათზე ბევრი იწერება როგორც ირანში, ისე მის ფარგლებს გარეთ. მისი ცხოვრებისა და შემოქმედებითი გზის შესწავლას ვძღვნება კონგრესები, რეფერენდუმები, სიმპოზიუმები. ყველანი ერთხმად აღიარებენ, რომ სადგე ჰედაიათი არის თანამედროვე ირანის უდიდესი მწერალი, რომლის შესანიშნავმა ქმნილებებმა გაამდიდრეს სპარსული ლიტერატურა. სადგე ჰედაიათს უწოდებენ ახალი სპარსული ლიტერატურის მამამთავარს, მის დამაარსებელს, მანათობელ ვარსკვლავს და ა. შ.

სპარსული პროზის დიდოსტატის, სადგე ჰედაიათის შემოქმედებამ საყოველთაო აღიარება მოიპოვა. მისი ნაწარმოებების გამოცემი ამტკველდნენ მსოფლიოს მრავალ ენაზე.

ს. ჰედაიათის მრავალმხრივი ნიჭი სწვდებოდა მოღვაწეობის სხვადასხვა სფეროს. იგი იყო ბრწყინვალე ნოველისტი, საგანგებო სურათების, ტი და ეთნოგრაფიულ მასალათა შემკრები, დაკვირვებული მკვლევარი, დრამატურგი, მთარგმნელი. იგი ავტორია მრავალი პუბლიცისტური წერილის, სათეატრო რეცენზიის თუ მიმოხილვისა. იგი ფლობდა არაბულ, ფალაურ, ფრანგულ, ინგლისურ, რუსულ ენებს. ფრანგულიდან ჰედაიათი არა მარტო თარგმნიდა, ამ ენაზე მას დაწერილი აქვს მხატვრული ნაწარმოებები, ასევე გამოკვლევები. მუსიკისა და მხატვრობის შესანიშნავი მცოდნე და მოტრფილვე ჰედაიათი თავისუფლად ფლობდა მხატვრის ფუნჯს. თავის წიგნებს თვით მწერალი აფორმებდა მხატვრულად. კერძოდ, მან მოხატა ფალაურიდან ნათარგმნი „არდამირ პაპაკის ძის საქმეთა წიგნის“ თავფურცელი, აპურ-ამაზდას გამოსახულებაც მის მიერვე შესრულებული. ჰედაიათსვე ეკუთვნის „ბრმა ბუს“ ყდის, ტიტულისა და ფორზაციის გაფორმება.

სადგე ჰედაიათი დიდ ყურადღებას უთმობდა მდიდარი სპარსული კულტურის, ხალხური შემოქმედების გამოძვეურების, შეხწავლისა და პოპულარიზაციის საქმეს.

თანამედროვე ირანის ლიტერატურათა და ხალხობრივ მოღვაწეთა შორის სადგე ჰედაიათი არის თავკაცი, ვინც საფუძველი ჩაუყარა ამ ტრადიციას და დღენიადაგ ზრუნავდა, რომ ეს საშეილიშვილო საქმე შესრულებული ყოფილიყო მაღალ მეცნიერულ დონეზე.

მშობლიური ქვეყნის ისტორიაში სადგე ჰედაიათი უმთავრესად შევიდა როგორც უდიდესი პროზაიკოსი, თანამედროვე სპარსული პროზის ფუძემდებელი და აღიარებული ოსტატი. მისი შემოქმედების მთავარი ეანრი ნოველა იყო, რომელიც მწერალმა განვითარების მაღალ საფეხურზე აიყვანა.

სადგე ჰედაიათის პროზისათვის ნიშანდობლივია ლირიზმის ორგანული შერწყმა ფილოსოფიურ ხედვებთან, უწყვეტი კავშირი ეროვნულ კულტურასთან.

თვითმყოფადობა ხელწერისა და მრავალფეროვნება პალიტრიისა, რომელიც მდიდარია ფერებითა და ნიუანსებით, სადგე ჰედაიათის ნოველისტიკის ძირითადი ნიშან-თვისებაა. მან ახალი ფურცელი გადაშალა სპარსულ ლიტერატურაში არა მარტო მრავალფეროვანი თემატიკით, არამედ ორიგინალური მხატვრული სტილით და მაღალი პროფესიული ოსტატობით, კოლორიტული

ფერადობით სავსე ნოველა პედაიათისა სიბლ-
აუს შკითხველს დიალოგების დამაჯერებელი გა-
შლით, სახეების სკულპტურული გამოკვეთილო-
ბით, მდიდარი ქვეტექსტით, ლაქონურობითა და
ფსიქოლოგიური სამყაროს წვდომით. მან განსა-
კუთრებული გულისყური მიაპყრო ადამიანის შინა
ბუნებას, ფსიქოლოგიურ განცდებს და თანამედ-
როვე სპარსული ლიტერატურა ფსიქოლოგიური
ანალიზის სიღრმითა და სისრულით გაამდიდრა.

სადეყ პედაიათმა გაბედულად გაუხსნა კარი
ცოცხალი სპარსული მეტყველების ფორმებს, ან-
დაზებს, ზომიერად და მოხდენილად ჩასვა ისინი
თხრობის ქსოვილში, რითაც ხელი შეუწყო სპა-
რსული სალიტერატურო ენის შემდგომ განვითა-
რებასა და სრულყოფას.

ირანელმა მწერალმა შექმნა მნიშვნელოვანი,
დასამახსოვრებელი სახეების მთელი გაღუ-
რვა. პედაიათის გმირები: ალავიუ, აქოლი, დაუ-
დი, ლალე, ზარინქოლაპი, ქაჯი ალა ძნულად და-
სავიწყებელი სახეებია. შკითხველი მათი ფიქრების,
აზრების და მისწრაფებების თანამოზიარე ხდება,
მათი სინარულით, რაც ასე იშვიათია სადეყ პე-
დაიათთან, თქვენც ხარობთ, მწუხარებასა და
ფარღს თქვენც განიცდით. ისინი კიდევ დიდხანს
ცოცხლობენ თქვენს მახსოვრობაში. მაშინაც კი,
როდესაც უკვე დახურულ წიგნი და თითქოს ყო-

ველგვარი კავშირით განწყვიტეთ მათთან.

ირანელი მწერლის შემოქმედება ხალხური მა-
დლითა და ჯავართაა ვაცისკროვნებული. მან და-
გვიჩატა თავისი მშობლიური ქვეყნის ყოფითი
სინამდვილე, დაუვიწყარ მხატვრულ ხერხელებზე
ასახა ცოცხალი სული, უჩვეულო სიტუაციებში
ირანელი ხალხისა, მიხი თანამემამულეების აღი-
არებით სადეყ პედაიათი ყველაზე ირანული
მწერალია სპარსულ პროზაიკოსთა შორის.

სადეყ პედაიათი სპარსული მწერლობის ერთ-
ერთი დედაბოძია. შემთხვევით არ უწოდებენ
მას „სპარსული პროზის ხაიამს“. სადეყ პედაია-
თმა თავისი სათაყვანებელი წინაპრის ომარ ხა-
იამის მხგავსად შესძლო ლაპიდარულად, მოკლე,
ტევად, ჩამოსხმულ ფორმებში ვადმოყვა დიდი
სათქმელი, ღრმა აზრი, იგი იყო დიდი ტკივილის,
მძაფრი განცდის ადამიანი, განწყობილებათა უბ-
ადლო მხატვარი; უზადო პოეტური ფერებით ძე-
რწავდა ადამიანის სულიერი ცხოვრების მართალ
სურათებს.

სადეყ პედაიათმა თავისი მდიდარი ლიტერა-
ტურული შემკვიდრებობით ღრმა კვალი დატოვა
ეროვნული კულტურის ისტორიაში. მისი დაბად-
ების 80 წლისთავი ფართოდ აღინიშნა.



ვიტალი ვილენკინი



თარგმნა ლარისა ტიტაინიკვა

ახედო მოდილიანი

შესავალი

1984

ჩემი აზრით, ადამიანი მთელი სამყაროა, ზოგჯერ ყოველგვარ სამყაროზე უკეთესიც... (წერილებიდან)

პერ-ლაშეზი, პარიზის ძველი წესაფლავი, ერთი ყველაზე პოეტური სასაფლაო მსოფლიოში, განსაკუთრებით ზაფხულში. მიპყვები სრულყოფილი მოკირწყლულ ხეივანებს ან ასწლოვანი ხეებით დაჩრდილულ ვიწრო ბილიკებს და იძულებული ხდები, შენდა უნებურად შეჩერდე რომელიმე ძეგლის წინ, ზოგჯერ ნახევრად რომ დაუფარავს ხშირ ფოთლებს.

გარდასული საუკუნეების რომანტიზმისა და კლასიციზმის დალი აზის დიდებული მწერლების, ფილოსოფოსების, არტისტების, მხატვრების, სწავლულულების საფლავებზე აგებულ ქანდაკებებს; მოძრაობასა და ნებას გამოხატავენ საფლავების წინააღმდეგობის გმირთა საფლავებზე აღმართული ახალი, მოულოდნელი, გაბედული სკულპტურული სიმბოლოები. აქ არის დიდება საფრანგეთისა, მისი გენია, მისი ისტორია. მარმარილო და გრანიტი თითქმის ყოველგან ყვავილებითაა გაცოცხლებული, ხოლო ყვავილება ფერები კი დიდი გემოვნებითაა შერჩეული.

მაგრამ არის ამ ძველ სასაფლაოზე დიდი უბანი, მთელი რაიონი, სადაც ყველაფერი სულ სხვაგვარად, ერთფეროვნად და პროზაულად გამოიყურება. თუმცა ზოგჯერ აქაც შეხვდები ლამაზ ძეგლებსა და ყვავილებს, მაგრამ ისინიც იქარგებიან ამ სავსებით ერთფეროვან, თითქმის სტანდარტულ, შეუმჩნეველ საფლავებს შორის. აქ იმარხებოდნენ წინათ პარიზის ღარიბ-ღატაკები. ურიცხვი რიგები ქვის დაბალი ყუთებისა, მიწიდან ოდნავ ამოწეული სახურავები, მოწყენილი, მიწას გაკრული, უსიხარულო ქაღაქი. ერთ-ერთ ასეთ საფლავის ქვაზე ამოტვიფრულია წარწერა იტალიურად:

აპელაციონარი

მხატვარი

დაიბადა ლივორნოში 12 ივლისს, 1884 წელს
გარდაიცვალა პარიზში 24 იანვარს, 1920 წელს.
დიდების კართან წამოეწია სიკვდილი.



ცოტა ქვემოთ კი იმავე დაფაზე წარწერილია:

მანა აბიურბერი

დაიბადა პარიზში 6 აპრილს, 1898 წელს.
გარდაიცვალა პარიზში 25 იანვარს, 1920 წელს.

აპელაციონარის ერთგული თანამგზავრი, ვინც სიკვდილი არჩია მასთან განშორების ტანჯვას.

მე აქ მუშეუმიდან მოვედი, სადაც სიცოცხლეში პირველად ვიხილე მოდილიანის ჭეშმარიტი ქმნილებები. ვდგავარ საფლავთან, ისევ და ისევ ვკითხულობ წარწერას და უცებ მეჩვენება, რომ ასე მოკლედ აღწერილი ტრაგედია ამ ორმოციოდე წლის წინათ კი არა, სულ ახლასან მოხდა! მეჩვენება, თითქოს აგერ ახლა შეიყარნენ მეგობრები „შარიტეს“ — ღარიბთა საავადმყოფოს ეზოში, ჟაკობის ქუჩაზე, და ცოცხალი ყვავილების გვირგვინებითა და თაიკულებით სავსე ბაღდახინმა, რომელშიც ესვენა ნახევრად ლტაკი, ყველასაგან განწირული მხატვრის ცხედარი, იანვრის ყინვით გათოშილი პარიზის თოქქმის ყველა ქუჩა გადაიარა. თვალწინ მიდგება საფლავის ირგვლივ შეკრებილი ბრბო (იხსენებენ, რომ საფლავზე მაშინ ორასამდე კაცმა მოიყარა თავი, რომელსაც რაღაც ბუნდოვანი საერთო დანაშაულის გრძნობა აერთიანებდა მიცვალებულის წინაშე, ხომ მართალია, რომ ყველამ, ვინც კი შეხვედრია მოდილიანის მისი ხანმოკლე სიცოცხლის გზაზე, ასე თუ ისე, თავისებურად შეიყვარა იგი — ახლა ჩვენ ეს ვიცით მათი მონათხრობებითა თუ მოგონებებით. — შეიყვარა, მაგრამ არ უშველა, გვერდი აუარა, გასწორა მარტოობისათვის. ბევრი მათგანი, რომელმაც სიცოცხლეში ვერ გაიგო, არ აღიარა მისი ხელოვნება, ახლა, ახლად გათხრილ სამარესთან, მეტი ნდობითა და ცნობისმოყუარეობით დასწერებია მას. თუმცა მეტიმეტად გვიანია, გვიანია თვით მხატვრისთვისაც, როგორც ეს ჩვეულებრივ ემართებათ ხოლმე დიდ ხელოვანებს, საერთო გულგრილობასა და მტრულ ვითარებაში დაუინებით რომ იკვალავენ საკუთარ, მათთვის ერთადერთ გზას ადამიანთა გულებსაკენ. გვიანია არ არის მხოლოდ პარიზელი გაქნილი „მარშანებისათვის“, სურათებით მოვაჭრეთათვის, რომლებიც აგრეთვე მრავლად ირევიან ამ ბრბოში. მათ კარგად უწყვიან, რას ნიშნავს „დიდების კართან“ და რა ხელსაყრელია უსახელო, ჭირვეული მხატვრისთვის უდროო, ტრაგიკული სიკვდილი, რათა სიკვდილის შემდეგ გადალახოს ეს ზღვარი... ისინი თვალებს აცეცებენ, ერთმანეთში ჩურჩულებენ, ცდილობენ შეუმჩნეველნი დარჩნენ ბრბოში. დღეს თუ არა, ხვალისდან მაინც დაიწყებენ ძებნას და ყიდვას იმისას, სულ ახლახან დანახვაც რომ არ უნდოდათ. იყიდიან, რათა დრომდე შეინახონ და მერე მოგებით გაყიდონ ეს უცნაური, თავისებური, მაგრამ, როგორც ჩანს, ვიღაცისთვის უკვე მომხიბვლელი, ძვირფასი ტილოები — იქნებ ოკეანის გაღმაც მოაზერხონ გაყიდვა!

შემდეგ რაც მოხდა, საყოველთაოდ ცნობილია. მსოფლიო დიდება, უეცრად რომ აელვარდა ცეცხლივით, დიდება, რომელსაც დროთა მსვლელობაში მრავალჯერ გადაუარა სნობიზმისა თუ მოდის ტალღებმა, ბევრჯერ შეავიწროვა უკვე სხვა უახლესმა მიმდინარეობებმა, მაგრამ კვლავ აღიდგინა კუთვნილი უფლებები. საარაკო, დღემდე კვლავ და კვლავ მზარდი ფასები მას ქმნილებებზე, ოდესღაც გრომის ფასად რომ იყო შექმნილი. კატალოგებსა და მონოგრაფებში კი თითქმის უცვლელად მეორდება ეპიტეტები: „ერთი დიდი მხატვართაგანი“, „განუმეორებელი“, „გენიალური“.

მხატვრის ტრაგედია კი გამოუსწიდველი რჩება, იგი კვლავ ვრძელდება, ოღონდ ახალ

1 ა. ვილენკინის წიგნი „აპელაციონარი“ პირველად დაიბეჭდა 1970 წელს, მოსკოვში (მთარგმნელი).

ფაზაში შედის და შესაძლოა, ჯერ კიდევ არ გახსნილა ყველაზე ძნელად გასაჩხნელი კვანძი. ამიტომ გტკივა ასე ვული, როცა პერ-ლაშეზის სასაფლაოზე ამ შეუმჩნეველ სამარესთან დგახარ და კითხულობ წარწერას: „დიდების კართან წამოეწია სიკვდილი“ დიდება მოვიდა და დიდი ხანია დამკვიდრდა მთელ მსოფლიოში, მაგრამ მოდილიანის შემოქმედება ბევრისთვის ჯერაც მიუწვდომელი რჩება. ფართო საზოგადოებისათვის იგი კვლავ ერთი ძნელად მისაწვდომი მხატვარია — ძნელად მისაწვდომი ამ სიტყვის პირდაპირი და არა გადატანილი მნიშვნელობით. უმეტესობა მისი ქმნილებებისა ჩაკეტილია კერძო კულექციებში და ცნობილია მხოლოდ რეპროდუქციებით. არსებობს მრავალი შესანიშნავი ტილო თუ ნახატი (ასობით ნახატი, შეიძლება ათასობითაც), რომლებიც არასოდეს გამოუტანიათ ყველაზე ფართო, „თვალსაჩინო“ გამოფენაზეც კი. ის, რაც მოდილიანმა სიკვდილის შემდეგ დატოვა, სხვადასხვა ქვეყანაშია დაფანტული, მაგრამ არც ერთ ქვეყანაში, არც ერთ მუზეუმში არ არის წარმოდგენილი მისთვის შესაფერისი სიხვედრით, იტალიაში, სადაც იგი დაიბადა, და მის მეორე სამშობლოშიც, საფრანგეთში, ხელოვნებათმცოდნეები დღემდე დავობენ, იტალიელი მხატვარია იგი თუ ფრანგი, ორივე ქვეყნის ნაციონალურ მუზეუმებში კი მოდილიანის სულ რამდენიმე ტილოა და თითქმის არც ერთი ნახატი. დანარჩენები კი ინახება კერძო სახლებსა თუ ბინებში, „დახურულ“, კერძო გალერეებში, დახვეწილ ატელიეებში და ძალიან იშვიათად, ისიც ნაწილ-ნაწილ თუ გამოიტანენ გამოფენაზე. თუმცა ერთ მშვენიერ დღეს შეიძლება აუქციონზეც შეისყიდოს ვინმე შემთხვევითმა, ფულიანმა მყიდველმა.

მწერალმა პერტრუდა სტაინმა ერთხელ ჰემინგუეისთან საუბარში როგორღაც სულ იოლად მიაკრა ერთ მის მშვენიერ აღრიხდელ მოთხრობას სიტყვიერი იარაღი: «inaccrochable». ეს გესლიანი ფრანგული სიტყვა ძნელად თუ გადაითარგმნება რომელიმე სხვა ენაზე. «Accrocher» ფრანგულად ნიშნავს მიკვრას, მიჭედებას, ჩამოკიდებას. წინსართი «in» აქ უარყოფითი ნაწილაკის მნიშვნელობას იღებს. ჰემინგუეის მოპყავს მთელი ფრაზა, რომელმაც აშკარად შეურაცხყო იგი: „მოთხრობა კარგია, — უთხრა მან. — უჭველად კარგი, მაგრამ იგი წარმოგვიდგება, როგორც «inaccrochable», ესე იგი, იმ სურათსა ჰგავს, რომელიც მხატვარმა დახატა, მაგრამ არ შეუძლია გამოიტანოს გამოფენაზე, არც მყიდველი ეყოლება, რადგან სახლშიც არ შეიძლება მისი ჩამოკიდება“.

მოდილიანის სურათებს ეს რამდენიმე ხანია სიამოვნებით ჰკიდებენ. ისინი უეცრად აღმოჩნდნენ სახლებით «accrochables», მაგრამ, სამწუხაროდ, უმთავრესად „სახლებში“. მუზეუმებში მათ დიდი მოგვიანებით შეაღწიეს და უფრო ხშირად ამერიკაში, ვიდრე ევროპაში.

ახლა ევროპის ყველა მუზეუმში ბედნიერად ჩათვლის თავს, თუ შესაძლებლობა მიეცემა გამოფინოს მოდილიანის თუნდაც ერთი ნაწარმოები ასე, ლონდონის კურტოს ინსტიტუტში საპატიო ადგილზე, ვან გოგის, სუზანისა და გოგენის შედეგების გვერდით ჰკიდია მოდილიანის ერთი მომნიშველელი, ნიუ, ხოლო მოდილიანის ბევრად უფრო ნაკლებეფექტური „ლურჯკანიანი ქალი“ განსაკუთრებით საამაყო გამხდარა სტოკჰოლმის ახალი ხელოვნების მუზეუმისათვის.

რარიტეტის ბედი — იშვიათი მოვლენა, რომელიც მიუწვდომელი რჩება ფართო საზოგადოებისათვის, ტრაგიკული აღმოჩნდებოდა ბევრი მხატვრისათვის, ხოლო ისეთი მხატვრისათვის, როგორც მოდილიანია, შეუწვანარებლად აღმამყოფი უნდა იყოს. იგი, უპირველეს ყოვლისა, ადამიანურია და თავისი შემოქმედებით არსით ადამიანებისთვისაა შექმნილი. იდუმალებანი, რაც ნიშანდობლივია მისთვის, როგორც ყველა დიდ მხატვარს, მასაც მხოლოდ და მხოლოდ იშისათვის სჭირდება, რათა ყველამ თავისებურად ამოიცნოს. მისი მთრთოლვარე, მხურვალე შინაგანი ხმა ყოველთვის გამოძახილს უძებს. ამიტომაც ბედავს ასეთ უსაზღვრო გულწრფელობას და არც ის აშინებს, თუ ვინმეს უცნაურად მოეჩვენება. მას კი ხალხებსა და სასტუმროებში მიუჩინეს საპატიო ადგილი, წასვლისას კი გულმოდგინედ კეტივენ...

ჩვენში მოდილიანი არ არის არც მუზეუმებში, არც კერძო კოლექციებში (რამდენიმე შემონახული ნახატი, რა თქმა უნდა, ვერავითარ შემთხვევაში ვერ ავსებს ამ ხარვეზს). ოციანი წლების დასაწყისში, როცა ხურათების მსოფლიო ბაზარზე ხდებოდა მოდილიანის ქმნილებების სტიქიური, უმთავრესად სპეკულაციური, ყაჩაღური „განაწილება“, ჩვენს ქვეყანას იმდენად უჭირდა, ისე გმირულად იყო შემართული, რომ აღარ ეცალა დასავლეთის უახლესი მხატვრობის შესაძენად.

საზღვარგარეთის ხელოვნების გამოფენებზე ჩვენში მოდილიანი მხოლოდ ერთხელ იყო წარმოდგენილი, ისიც ძალიან დიდი ხნის წინათ 1928 წელს. თუმცა რეპროდუქციები, ზოგჯერ ძალიან კარგი რეპროდუქციებიც, უფრო მოგვიანებითაც იყო გამოფენილი. ამ რამდენიმე წლის წინათ ჩეხოსლოვაკიაში გამოცემული მონოგრაფია უღვის სისწრაფით გაიყიდა მოსკოვ-



სა და ლენინგრადში. ბევრი გააჩარა ანა კი. სტოვას ერთ-ერთი წიგნის სუბურზე დაბუჭდილმა მოულოდინის სახატმა. მას შემდეგ, რაც გამოქვეყნდა ილია ერეკლეშვილის მემუარები: „ადამიანები. წლები. ცხოვრება“, სადაც ასე დიდებულად, ნათლად არის წარმოდგენილი მოდილიანის ლიტერატურული პორტრეტი, დაინტერესება ამ მხატვრით, რომელსაც მანამდე არსებობდა ზენში, ოღონდ შემოფარგლული იყო პროფესიონალითა და მოყვარულთა საკმაოდ ვიწრო წრით, პეტისმეტად გაიზარდა, განსაკუთრებით ახალგაზრდებში, რომლებიც სერიოზულად, დაუიკრუბით ეკიდებიან ხელოვნების პრობლემებს. ბიბლიოთეკებში, ბუკინისტურ მაღაზიებში ძალიან ხშირად გაიგონებთ დაფინებულ კითხვას: „გაქვთ თუ არა მოდილიანი? ან რაიმე მის შესახებ?“ ბიბლიოთეკებში, განსაკუთრებით დიდ, სპეციალურ ბიბლიოთეკებში დიანაც ბევრი რამ არის მოდილიანიზეც და მის თანამედროვეებზეც – სხვადასხვა ენაზე გამოცემული დიდებული უვრეები იქნება ეს თუ პიპულარული მონოგრაფიები, ძვირფასი თუ ჩვეულებრივი გამოცემები.

მაგრამ მაღაზიებში იშვიათად შეხვდებით მათ და ჩვეულებრივ ძალიან მკაცრად ღირს. უკვე ითქვას, რომ მოდილიანის შემოქმედების გაცნობა ჩვენშიც არ არის იოლი და ბევრი არც იცნობს. მოდილიანის შესახებ ძალიან ცოტა რამ არის დაწერილი რუსულ ენაზე. ილია ერუ- ჯურგის შემუშარულ პროგრესს წინ უსწრებს მხოლოდ რამდენიმე მსგავსება და ორი თუ სამი მოკლე დახასიათება. კრებულში „პოეზიის დღე - 1967“ და „მხატვრული“ ანა ანატოვას მშვენიერი მოვონებები, შეხვედრები მოდილიანისთან პარიზში, 1910 და 1911 წლებში, რასაც დართული აქვს ნიკოლოზ ხარჯივის მცირე მოცულობის სტატია. ეს არის და ეს.

დასავლეთში ამ ორმოცდაათი წლის მანძილზე დიდძალი ლიტერატურა დაგროვდა მო- დილიანის შესახებ. მასში სავსებით აისახა ის ცხოველი ინტერესი, რაც გამოიწვია მხატვარმა, როგორც უკვე ვთქვით, ზუსტად გარდაცვალების მეორე დღიდანვე. უკვე ათობით წიგნია და- წერილი მოდილიანის შესახებ, რომ აღარაფერი ვთქვათ უამრავ საჟურნალო და საგაზეთო სტატიაზე. ძირითადად რას წარმოადგენს მოდილიანისადმი მიძღვნილი ეს ვრცელი ლიტერა- ტურა? აქ, ერთის მხრივ, ჩვენ ვხედავთ მისი შემოქმედების სერიოზულ, დაფინებულ კვლევას, მეცნიერულ ანალიზს, კრიტიკული დაპირისპირების ცდებს და ესთეტიკურ განზოგადებასაც კი. მეორეს მხრივ, ჩვენ წინაშეა „კომერციული“, მეტი ან ნაკლები წარმატებით შესრუ- ლებული მონოგრაფიები შესავალი წერილებით და რეპროდუქციებს დართული ტექსტებით, რომლებიც დაწრილია პოპულარულ-ინფორმაციული, ხანაც ფანტასტიკური, დახვეწილ-გართუ- ლებული სტილით. სულ უფრო იზრდება ფრიად განსხვავებული დამაჯერებლობისა და ღირსე- ბის შემუშარების რიცხვი. არსებობს ეგრეთ წოდებული მხატვრული ლიტერატურაც, სპეციფიური ბელეტრისტიკა, დამყარებული გამოწვინებასა და იაფფასიან ეფექტებზე, რაც „ატკობს“ მთელ რომანებს ან მის ცალკეულ გვერდებს მოდილიანის ბიოგრაფიის „ეგზოტიკით“ და „რო- მანტიკით“. უმეტესობაში კი მოჩანს ნამდვილი, ყოველგვარი სპეკულაციისაგან გაცლილი ინტე- რესი მისი შემოქმედებისადმი, სიყვარული თვით მხატვრისადმი, სიყვარული ჭეშმარიტი და არა თვალთმაქცური. ამ თვალსაზრისით, მე მგონია, განსაკუთრებით გამოირჩევა ორმოცდა- ათიანი წლებისა და სამოციანი წლების დასაწყისში გამოქვეყნებული ზოგიერთი გამოცემა, როგორც არის მონოგრაფიები: გ. ელდინკასი, კლოდ რუასი და მხატვრის ქალიშვილის - ჟანა მოდილიანისა, რომელიც აშკარად პოლემიკურად არის განწყობილი ბევრი თავისი წინა- მორბედის მიმართ და თავის წიგნსაც ასე უწოდებს. „მოდილიანი ლეგენდების გარეშე“¹. ასევე ძვირფასი და ნიჭიერად დაწერილია ჟან კოკტოს მშვენიერი პატარა ესეი, ლიონელო ვენტურის და ფრანკო რუსოლის სტატიები, მოქანდაკეების - ლიფშიცის და ცადკინის, მხატვ- რების - ვლამინკის, ორტის და სარატეს, ოსტერლინდის მოვონებები. ბევრი ძვირფასი ცნობა, ნათელი შთაბეჭდილება, ნიჭიერი ჩანახატი არის გაფანტული მოდილიანიზე დაწერილ სხვა სტატიებსა და წიგნებშიც.

1967 წელს ნიუ-იორკში გამოქვეყნდა პიერ სიშელის დაწერილი მოდილიანის ბიოგრაფია. ეს, მგონი, ყველაზე დიდი წიგნია, რაც კი დღემდე მოდილიანის შესახებ დაწერილია. წიგნის ტექსტი ექვსსამდე გვერდს შეიცავს, რასაც თან ერთვის შესანიშნავი საცნობარო-ბიბლიოგრა- ფიული აპარატი. ავტორს მართლაც დიდი გულმოდგინება გამოუჩენია ყოველგვარი მასალის შესავროვებლად. მაგრამ, სამწუხაროდ, ამ ძვირფას ფაქტიურ მასალას, დოკუმენტებს, ავტო- რიტეტულ შემუშარულ ცნობებს თან ერთვის აშკარა, დიდი ხნის წინათ უარყოფილი გამოწ- გონები, მითები, ანექდოტები, რომლებიც ძალიან ხშირად ავტორისეულ „ბელეტრისტიკა- საც“ არ არიან მოკლებული.

ნიშანდობლივია, რომ, მიუხედავად მოდილიანიზე დაწერილი უამრავი სხვადასხვა ხასიათის ნაშრომისა, დასავლეთის ხელოვნებათმცოდნეობაში სულ უფრო ხშირად გამოთქვამენ მოსაზ- რებას, რომ მოდილიანის შემოქმედება კიდევ საჭიროებს უფრო ღრმად შესწავლას, რომ იგი ბოლომდე არ არის გაგებული და შეფასებული სათანადო ობიექტურობით. მართლაც, უნებურად ამას ფიქრობ, როცა ეცნობი მის ქმნილებებს და ამავე დროს კითხულობ თუნდაც ყველაზე უკეთესს, რაც კი მასზე დაწერილია. ძნელი არ არის შეამჩნიო, რომ დასავლეთში მისი შემოქმედების ყველაზე სერიოზული, პროფესიული, გონივრული ანალიზიც კი დღემდე შემოფარგლულია უმეტესად „წმინდა ფორმის“ პრობლემებით. მას განიხილავენ აბსტრაქტუ- ლად, მეტისმეტი ჩაკირკიტებით, რათა დაადგინონ მისი ოსტატობის ხერხების ან ორიგინა- ლობა ან ტრადიციულობა. ამა თუ იმ ნაწარმოების ცალკეულ ფორმალურ ანალიზს, მხატვრის

¹ ეს წიგნი რამდენჯერმე გამოიცა სხვადასხვა ქვეყანაში, როგორც იტალიურ, ისე ინგ- ლისურ ენაზე.

„ხელწერის“ განსაკუთრებულ თავისებურებათა ჩატარებულ ძიებას გარდაუვალად თან სდევს დიდი ხელოვნების დამცირება. იხტატობის ეს ზერხები, როცა მათ განიხილავენ თითქოს უპა-
 ერო სივრცეში, განზრახ ჩაკეტილ სფეროში, ან უსულგულო ოქმს ემგვანება ავადმყოფობის
 ასტორიას რომ გვაგონებს. ან საშუალებას აძლევს მკვლევარს, შემოგვააუბოს ყოველგვარ
 საზღვარს გადაცილებული დაპირისპირებები, რომელთაგან ზოგი მეტნაკლებად საფუძვლიანია,
 ზოგი კი მეტად თვითნებური. ვიღაც არ ადარებენ მოდილიანის, ვის გავლენას ალარ ახვე...?!
 იმდენ სახელსა და სკოლას უკავშირებენ მის შემოქმედებას, რომ ვინმემ შეიძლება საერთოდ
 მიმბაძველად მიიჩნიოს იგი ან მოწაფე ეკლექტიკოსად, ყოველ შემთხვევაში მანამდე მაინც,
 სანამ გაივლიდეს სწავლასა „ეტაპს“ და ბოლოს და ბოლოს, ამა თუ იმ მკვლევარის ნება-
 სურვილით, გამოიმუშავებდეს საკუთარ სტილს, რომელიც განთავისუფლებული იქნება სხვე-
 ბის წამბაძველობისაგან. ამ „გავლენებისა“ და „მიმბაძვების“ კალეიდოსკოპში უკვე ძნელი ხდება
 განვსაზღვროთ ის რეალური სათავეები და გატაცებები, რამაც ნამდვილად გაუნათა ვა და
 დაეხმარა ვერ სულ ახალგაზრდა მხატვარს, თავისთავადი ყოფილიყო ხელოვნებაში. მკვლევარ-
 თა აზრი ამ გავლენებზე კამათში ერთმანეთს სცილდება და ვერ ამჩნევენ, რომ ამასთან ერ-
 თად სცილდებიან თვით მხატვარსაც, ნაცვლად იმისა რომ ახლოს მივიდნენ მასთან, ჩაიხედონ
 მისი პოეზიის არსის სიღრმეში. ყურადღებით ადევნებენ თვალს, რა ცვლილებებს განიცდის
 მოდილიანის ტექნიკა და ამირად ვერ ახერხებენ დაინახონ მისი შინაგანი სამყარო, გაიგონ,
 რისი ოქმა ხურს მხატვარს. გაუგებარია, ხაძალადევად რატომ ართმევენ მის ხელოვნებას
 სოციალურ და ფილოსოფიურ შინაარსს. ქება-დიდებას ასხამენ, ტყუბებიან მისი ფერწერის სიმ-
 შვენიერით, ნახატების სინარჩარით და არაფერს ამბობენ მის სულიერ შემოქმედებაზე. ყო-
 ველნაირად ცდილობენ, დაანაწილონ მისი შემოქმედება, პროკრუსტეს სარეცელზე მოათავსონ
 ცალკეულ „პერიოდები“ („კუბისტური“ პერიოდი... „სტრუქტურული“ პერიოდი... „იტალიური“ პე-
 რიოდი... გამოძახილი ამა თუ იმ პერიოდისა.), სინამდვილეში კი მისი შემოქმედებითი ცხოვ-
 რება წუთიერი იყო. იგი მთლიანად ჩაეტია ათი-თორმეტი წლის გამრავებულად დაძაბულ შრო-
 მაში და ეს დაუსთავრებელი ძიებებით აღსავსე „პერიოდი“ ტრაგიკულად ერთადერთი აღ-
 მოჩნდა მისთვის.

ჩვეულებრივ მოდილიანის ბიოგრაფიის დასასრულს დიდ წერტილს სვამენ ბოლოს და
 ბოლოს მოდილიანის იპოვს საკუთარი თავი, ბოლომდე თქვა თავისი სათქმელი, ის კი შუა
 სიტყვაზე გადაიწვი, მისი შემოქმედებ თი აღმაფრენა კატასტროფულად შეწყდა, ისიც ერთი
 იმთაგანი აღმოჩნდა, ვინც „ამჟამად ვერ დაასრულა სიცოცხლე, ვერ დაასრულა სიყვარუ-
 ლი“ და რაც მთავარია, ვერ დაასრულა თავისი შემოქმედება. იმის საფუძველზეც კი, რაც მან
 ნამდვილად უზადოდ შექმნა ამ თავის ერთადერთ „პერიოდში“, რაც ჩვენთვის დღესაც განავ-
 რძობს სიცოცხლეს, ვინ იტყვის, საით ან რომელ ახალ, შესაძლოა სრულიად მოულოდნელ
 მხარეს, რომელი უხილავი სიღრმეებისაკენ წარიმართებოდა ეს დაუცხრომელი ტალანტი, მუდამ
 რომ ოცნებობდა რაღაც საბოლოო, ყველაფრის ამომწურავ ჭეშმარიტებაზე? მხოლოდ ერთ რა-
 მში არ შეიძლება ვჭვის შეტანა: ერთხელ მიღწეულს არასოდეს დასვერდებოდა...

დავუკვირდეთ მას, შევეცადოთ, გადავლახოთ არასრულყოფილება, გარდაუვალად თან რომ
 ახლავს ყოველი წიგნის რებროდუქციას. აუჩქარებლად, ერთიმეორის მიყოლებით გადავ-
 ფურცლოთ ეს პორტრეტები და ნახატები, ესოდენ არაჩვეულებრივნი, უცნაურნი, ერთი შე-
 ხედვით მონოტონურნი, მერე და მერე უფრო ძლიერად რომ გვიზიდავენ თავისკენ რაღაც
 მრავალმნიშვნელოვანი შინაგანი ნაირსახეობით, რაღაც ღრმა შინაგანი აზრით, რასაც ერთი
 შეხედვით ყოველთვის ვერ ამოვიცნობთ. თქვენ, ალბათ, გაგაოცებთ ან შეიძლება გაგიტაცოს
 კიდევ ამ პოეტური ენის დაფინებათ და ადვილად ვეღარ დააღწევთ თავს იმას, რასაც იგი ჩა-
 გავონებთ, გაურკვეველად ჩავსურჩულებთ ან გვარნახობთ.

ყურადღებით დათვალვირების შენდევ იოლად ინერვეა პირველი შთაბეჭდილება ამ სახე-
 უბის მონოტონურობასა და ერთფეროვნებაზე, რაც უფრო დააკვირდებით ამ სახეებსა და
 მონახაზებს, მით უფრო მოგეძალებათ სურვილი, ჩასწვდეთ მიმზიდველ სიღრმეებს, რომელიც
 დაფარულია მან ხათული, გამჭვირვალე, ხანაც, რთული, აწეწილი, განზრახ გაბუნდოვანებული
 გამოსახულების შედამირით. თვით ზერხების გამეორებაშიც (დაკვირვებულ თვალს არ გამოუ-
 პარება მათი სიმრავლე) თქვენ იგრძნობთ მხატვრის დაძაბულ სწრაფვას რაღაც მისთვის ყველს-
 ზე მნიშვნელოვანისაკენ და შეიძლება ყველაზე იღუმალისაკენ, რაც ყველა ამ ადამიანს გააჩ-
 ნია. თქვენ იგრძნობთ, რომ ეს ადამიანები შემთხვევით არ არიან შერჩეულნი, ისინი თითქოს
 ერთი და იმავე მავნიტისაკენ მიიზიდებიან. და შეიძლება მოგეჩვენოს, რომ ყველანი, საკუთარ
 თავთან განმარტოებულნი, ერთი და იმავე შინაგანი, ღირიკული სამყაროსაკენ ისწრაფიან -

მშფოთვარე, შიშისმომგვრელი, მოუწესრიგებელი სამყაროსაკენ, რომელიც აღსავსეა გადაუჭრელი კითხვებით და იდუმალი ხევედით.

მოდელიანი ხატავს თითქმის მხოლოდ და მხოლოდ პორტრეტებს. დიდა ხანია უკვე ითქვა, რომ თავისებურად, ფსიქოლოგიურად „პორტრეტულია“ აგრეთვე ყველა მისი სახელგანთქმული ნიუ, შიშველი ნატურა. ასეც იხსენიებენ მას ზოგიერთ ცნობარსა და უცნაურ კლავიკულაში — „პორტრეტისტი“, როგორც მოწოდებით, ასევე პროდუქციით. მაგრამ რა უცნაური პორტრეტისტი, მხოლოდ თვითონვე რომ ირჩევს თავის მოდელებს და არ ლებულობს არავითარ შეკვეთას, თუნდაც თავისი ძმისაგან — თავისუფალი მხატვრისაგან, ან რომელიმე სულიერად მასთან ახლოს მყოფი ხელოვნების მოყვარულისაგან? ანკი ვინ შეუკვეთავს მას თავის პორტრეტს, თუ წინასწარ უარს არ იტყვის ყოველგვარ პირდაპირ მსგავსებაზე?

იგი ხომ დაბადებით უცქველისა და ჩვეულებრივის გამოუწიარებელი დამამახინჯებელია, ახირებული მხატვარი, რომელმაც გასწირა ყავი მოულოდნელი ჭეშმარიტების მუდმივი ძიებისათვის. მაგრამ უცნაურია სწორედ: უხეშად საზგასმული პირობითობის მიღმა მის ტილოზე შეიძლება მოულოდნელად დაინახოთ რაღაც ნამდვილად ჭეშმარიტი, გამიზნული გაუბრალოების ცდამ კი შესაძლოა გავრძნობინოთ რაღაც ცხოვრებისეულად რთული და პოეტურად ამაღლებული.

აი, რომელიღაც მის პორტრეტზე — წარმოუდგენელი, ისრისებური ცხვირი, არაბუნებრივად მაღალი კისერი, თვალები კი რატომღაც არ ჩანს, არც თვალის გუგები. მათ ადგილას თითქოს ანცი ბავშვის მიერ დახაზული ან მოციხფრო-მომწვანო ფერად შეღებილი პატარა თვალეზია. გამოხედვა კი აქვს, ზოგჯერ ძალიან დაჟინებულად. ხასიათიც ჩანს, განწყობილებაც, საკუთარი შინაგანი ცხოვრებაც, გარე სამყაროსთან დამოკიდებულებაც. ზოგჯერ კი უფრო მეტიც: ის, რაც ფარულად აღუღვებს, რასაც აუვისია თვით მხატვრის სული, რაც უხილავი გზებით აკავშირებს მას მოდელთან, უკარნახებს, რომ სწორედ ეს ერთადერთი, გარდაუვალი, აუცილებელი გზა არსებობს და არა რაიმე სხვა საშუალება მხატვრული გამომეტყველების დასატერად.

გვერდით, მეორე პორტრეტზე, თვალები ფართოდ არის გახელილი და უსაზღვროდ გამომეტყველია სწორედ შეუმჩნეველი წვრილმანებით. სამაგიეროდ შეიძლება კიდევ უფრო გაუბრალოებული მოგეჩვენოთ პალიტრა. ან შეიძლება „ზომაზე მეტად“ გამოკვეთილი ანდა პირიქით, „წარეცხილი“ მოვეჩვენოთ ხაზები ან სხვა რაიმე „პირობითობა“. მაგრამ თავისთავად მოდილიანისათვის ეს სრულიად არაფერს ნიშნავს არც პირველ, არც მეორე პორტრეტზე. ამას მნიშვნელობა ეძლევა მხოლოდ მთლიანობაში, სანის პოეტურ გახსნაში.

აი, კიდევ ერთი ნახატი: გეჩვენებათ, თითქოს მასზე არაფერია დამთავრებული, აქ ვერ ვხედავთ იმას, რაც ჩვეულებრივია ჩვენი თვალისათვის, მოულოდნელი და ნაკლებად აუცილებელი კი რატომღაც მთავარი გამსდარა. ნახატი, რომელიც თითქოს არაფრისაგან, თვალთა უხილავისაგან, პაერისაგან შექმნილა. მაგრამ ეს საოცრად თავისუფალი ნახატი მოდილიანისათვის არც სასწაულია, არც ბუნდოვანი, უხეში მინიშნება. იგი უფაქიზესია და ამავე დროს უზუსტესი. მისი გრამატიკული დაუსრულებლობა თითქოს დაკავშირებულია სახეში ჩაღვრილ პოეტური მეტყველების სისავსესთან. აქაც, ნახატებში, ისევე როგორც ფერწერულ პორტრეტებში, მხოლოდ რაღაც გარეგნული მსგავსებაა მოდელთან, აქაც იგი საექვო „პორტრეტისტი“, აქაც ნატურა გარდაქმნილია მხატვრის ნებით, რასაც უშუალო კავშირი არა აქვს ნატურასთან და დაკავშირებულია მხატვრის იდუმალ, მოუხმენელ ძიებებთან ხან საზი, ხანაც დაუოკებელი შეხებებით. თითქოს უყურებდა იმას, ვინც ახლა მის წინ იდგა და ერთი ხელის მოსმით ჩამოიცილა, კარიკატურამდე დაიყვანა ან თითქმის სიმბოლომდე აამაღლა. და მაშინვე მიატოვა ეს თავისი მოდელი დაუმთავრებელ ტილოზე ან დაჭმუჭნულ ქაღალდის ფურცელზე. რაღაც ძალამ კვლავ გაიტაცა სხვისაკენ, სხვებისაკენ, ახალი ადამიანის ძიებისაკენ.

თავისი ახალი ფორმა, თავისი წერის ხერხები მოდილიანის მხოლოდ გულწრფელობისა და პირდაპირობის გასაძლიერებლად სჭირდება. მეტი არაფერი. თავისი სულიერი მრწამსით იგი ანტიფორმალისტი და საოცარია, ამ თვალსაზრისით რა იშვიათად ლალატობს თავის თავს, იგი ხომ პარიზში ცხოვრობდა იმ საუკუნეში, როცა ყველაფერი შთანთქა ფორმისათვის გამმაგებულმა გატაცებამ, ფორმა — ფორმისათვის... იგი არასოდეს შეგნებულად არ აყენებს ფორმას თავისსა და გარემომცველ ცხოვრებას შორის. ამიტომაც უცნოა მისთვის ყოველგვარი აბსტრაქციონიზმი. ჟან კოკტომ ერთმა პირველთაგანმა განჭვრიტა ეს: „მოდილიანი არ ჭიმავეს სახეებს, ხაზს არ უსვამს მათ ასიმეტრიულობას, უმიზეზოდ არ თხრის ცალ თვალს, არ აგრძელებს კისერს. ყველაფერი ეს თავისთავად ლაგდება მის სულში. ასე ვცხატავდა იგი

ჩვენ „როტონდაში“, მაგიდებთან მსხდომთ, გვხატავდა დაუსრულებლად, ისე, როგორც ადგილ-
ქვაბდა: მსჯავრს სდებდა, უყვარდა ან სძულდა. მისი ნახატები უსიტყვო საუბარი იყო. ეს განლ-
დამ დიალოგი მის ხაზებსა და ჩვენს ხაზებს შორის“.

მოდელიანის მიერ შექმნილი სამყარო საოცრად რეალურია. ამ არაჩვეულებრივისა და
ზოგჯერ მისი ზოგიერთი ხერხის დახვეწილობის მიღმა კი გარდუვლად იგრძნობა მისი სა-
ხეების რეალური ყოფიერება. მან დაასახლა ისინი მიწაზე და მას შემდეგ ცხოვრობენ ჩვენ
შორის ეს შინაგანად ადვილად საცნობი ადამიანები, თუმცა ჩვენ არასოდეს გვიჩილავს ისინი,
ვინც მოდელდებად გამოიყენა. მან იპოვა თავისი გზა, აღმოაჩინა თავის თავში განსაკუთრებუ-
ლი უნარი, გაეცნო ისინი ჩვეულების, ვინც თვით ინდომა, გამოარჩია ბრბოდან, საზოგადოებიდან,
თავისი დროიდან და შეიყვარა ან უარყო. მან გვაძულა, აღვჩნებულყო ჩვენში სურვილი
მათი ხედვის ან ოცნების ამოცნობისა, გვეგრძნო მათი ფარული ტკივილი თუ სიძულვილი.
სიბუჩავე თუ გულწვიადობა, გამოწვევა თუ მორჩილება. მისი ყველაზე უფრო „პირობითი“
და „გამარტოვებული“ პორტრეტებიც კი არაჩვეულებრივად ახლოს არიან ჩვენთან, თვით მხატ-
ვარმა დაგვაასლოვა მათთან. ხწორედ ამაშია მათი უჩვეულო ზემოქმედება. ჩვეულებრივ არა-
ვინ და არავის აცნობს ასე: რაღაც მეტიმეტად სწრაფად და მეტიმეტად ინტენსიურად.

რაღა თქმა უნდა, იგი სრულიადაც არ არის რევოლუციონერი არც ცხოვრებაში, არც
ხელოვნებაში. არც სოციალური უთანაბრდება მის შემოქმედებაში რევოლუციურს. მასში იშვია-
თად დაინახავთ აშკარა, პირდაპირ გამოწვევას ამა თუ იმ მოკლენისადმი, რასაც გარემომც-
ველ ცხოვრებაში ვერ შეგუებია მხატვრის ბუნება და მის მიმართაც მტრულად არის განწყო-
ბილი. და მაინც მართალია კოქტო, როცა ამბობს, რომ ეს მხატვარი არასოდეს ყოფილა გულ-
გრილი გარემო ცხოვრებისადმი, რომ იგი ყოველთვის „მსჯავრს სდებდა, უყვარდა ან სძულ-
და“. არამარტო საყოველთაოდ ცნობილი სარკასტული, თითქმის პლაკატური „საქორწინო
წყვილი“, არამედ სხვა ტილოებიც, მთელი რიგი ნახატები აშკარად გვაგრძნობინებენ, რარიც
სძულდა მოდელიანის მადლარი თვითკმაყოფილება, იაფფასიანი სწობიში, თვალში საცემი ან
მიხერხებულად დაფარული უხამსობა, ყოველგვარი ბურჟუაზიულობა.

მაგრამ მის შემოქმედებაში მსჯავრსა და უარყოფას ყოველთვის სძლევს გაგება და თანაგ-
რძნობა, სძლევს სიყვარული. როგორი გამახვილებული, უფაქიზესი გრძნობიერებით იჭერს და
გვიჩვენებს ადამიანურ დრამებს, როგორი ფრთხილი სინაზით სწელება მათ ყველაზე უფრო
ღრმად დაძარხულ სევდას, რომელიც მიუწვდომელი და ჯიუტად დაფარულია გულგრილი თვა-
ლისათვის. როგორი უნარი შესწევს, გაიგოს შეურაცხყოფილი, დაკარგული ბავშვობის თუ გა-
წამებული, დაღუპული სიჭაბუკის უსიტყვო, უნით გამოუთქმელი საყვედური. ყოველივე ეს
ხშირია უზრუნველი ოპტიმიზმის მოყვარულებშიც, თუ ვნებავთ, მოდელიანისთან ასე თუ ისე
ახლო მყოფ ადამიანთა გაღერებაშიც, მაგრამ რას იზამთ, თუკი მოდელიანი უპირველესად და
ყველაზე ხშირად ამას ხედავს „უბრალო“ ადამიანებში, რომლებიც არ მიეკუთვნებიან „საზო-
გადოებას“ და რომლებისკენაც ყოველთვის ასე მიუწევს გული: ესენი არიან ახალგაზრდები
სოფლისა თუ ქალაქის მდამოთოჯან, მოახლეები და კონსიერჟი ქალები, მენატურები და შკა-
რაგები, შიკრიკები და შევირდები, პარიზის ბულვარების ქალიშვილები, რომელთაგან ერთს
„ხალხის შვილიც“ უწოდა მწარე ირონიით. მაგრამ ეს იმას როდი ნიშნავს, რომ მოდელიანი
მხოლოდ და მხოლოდ მწუხარებაზეა მიჯაჭვული, რომ იგი უსასო, მორჩილი სევდის მხატ-
ვარია. არა, იგი ხარბად იჭერს და უნარი შესწევს გაიძულოს, ნათლად დაინახოს ნამდვილი
ადამიანური ღირსების ძალა, დაინახოს ნამდვილი გულისსმიერი ადამიანური სიკეთე, შეურ-
ყვეელი სულიერი მთლიანობა, განსაკუთრებით მხატვრებსა და პოეტებში მათ შორის კი უფ-
რო იმით ირჩევს, ვინც დაძაბული, ჩუმი სიჯიუტით მაჰყუება განწირულის მძიმე გზას, მაგრამ
მისი ტალანტი თავს არ იხრის არავის წინაშე. ეს არც არის ვასილიკარი. მისი გზაც ხომ ასეთი
იყო, გზა „ხანმოკლე, მაგრამ სავსე სიციცხლისა“ და ეს გზაც ოდესღაც თვითონვე დაუბედა
თავის თავს.

თ ა ვ ი

მონმარტრი

1806 წლის დამდეგს ახალგაზრდა მხატვართა, ბიც მაშინ თავისებურ კოდონიად ცხოვრობდნენ
დატვრატორთა და მხახიობთა შორის, რომლე- მონმარტზე და ყველანი ასე თუ ისე იცნობ-

დნენ ერთმანეთს, ახალი პიროვნება გამოჩნდა და უმაღლესე მიიპყრო ყველას ყურადღება. ეს განხილავთ იტალიიდან ახლად ჩამოსული ამედეო მოდილიანი. იგი კოლანკურის ქუჩაზე დასახლდა, პატარა სარდაფ-სახელოსნოში, რომელიც ბუჩქნარით გადავლილი მინდვრის შუაგულში იდგა. ამ ადგილს „ნაქის“ ეძახდნენ და ის იყო იწყებდნენ იქ ახალი სახლების შენებას. მოდილიანის მამის ოცდაორი წელი შეუსრულდა. თვალისმომჭირელად ლამაზი იყო, მაგრამ, ეტყობა, რაღაც სხვა, უფრო მეტად არაჩვეულებრივით იპყრობდა საყოველთაო ყურადღებას. ბევრ მათგანს, ვინც მამის პირველად შეხვდა მოდილიანის, უპირველეს ყოვლისა შესხიერებაში ჩარჩა ავადმყოფურად ანთებული დიდი შავი თვალების ჭიქური გამოხედვა და შავგვრემანი, ფერმკრთალი სახე. იგი წელი ხმით ლაპარაკობდა, მაგრამ მის ხმაში თითქოს მდუღარება იყო ჩაღვრილი, გვეგონებოდათ, კი არ დადის, დაფრინავსო, მთლიანად კი მისი გარეგნობა ქალაქი და შარმონიას გამოხატავდა.

როგორც შემდეგ იხსენებენ, ყოველ ადამიანთან ურთიერთობაში იგი არისტოკრატიულად თავაზიანი, უბრალო და კეთილსახურველი იყო, უმაღლესე ინადირებდა ყველას თავისი სულიერი სიფაქიზითა და გულგაშლილობით. დიდებულად, სრულად თავისუფლად ლაპარაკობდა ფრანგულად, იოლად ეცნობოდა ყველას, კიდევ უფრო იოლად ახერხებდა პირველი, უმნიშვნელო ფრაზებიდან მისთვის სასურველ თემაზე გადასვლას და საუბარი უპირატესად ლიტერატურაზე გადაქცონდა. ამასთან თითქოს ამყობდა კიდევ თავისი ცოდნით და შეიძლება ახლად გაცნობილისთვის მეტიმეტი აჩქარებითაც ამუშავებდა დიდებულ ცოდნას იბსენის, შელის, ნიცშეს, დ'ანუნციოსი და დოსტოევსკისაც კი. „ღვთაებრივი კომედიის“ ტერცინები, ლეოპარდის, ვიონის, რემბოს ლექსები ნიაღვარივით გადმოსჩქვდა მის ბაგეთაგან ყოველ ხელსაყრელ შემთხვევისას. მაგრამ ამავე დროს დაკვირვებულ თანამოხაუბრებს არ გამოეპარებოდა ამის იქით გადამალული, რამდენადმე შეკავებული ერთუცია, ხოლო ამ სამხრეთული, ხმელთაშუაზღვისპირული ექსპანსიურობის მიღმა რაღაც სეტისმეტი სიფრთხილით გადანახული, სულის სიღრმემდე დასული გულჩახვეულობა, შეიძლება უნდობლობა, ან იქნებ შიშაც კი.

ლიტერატურაზე იგი გატაცებით ლაპარაკობდა, არ მალავდა თავის მიკერძოებას და სიყვარულს. მაგრამ გარკვეულ მსჯელობას მხატვრობაზე, განსაკუთრებით მის თანამედროვე მემართულებებზე, რატომღაც გაურბოდა, ყოველ შემთხვევაში პირველ ხანებში მაინც.

1 მაქი — მარადმწვანე ბუჩქი.

თუმცა ისიც იგრძნობოდა, რომ დიდად დაინტერესებული იყო პიკასოს, მატისის, ვლამინკის, დერენის, უტრილოს, „მეზაზე“ რუსოს უკანასკნელი ნამუშევრებით და რომ იმ დროისათვის უკვე კარგად ჰქონდა შესწავლილი ლუვრი, მისი სახელოსნოს კედლებზე ქანკახულებით იყო მიმაგრებული იტალიური რენესანსის ხუროთების რეპროდუქციები: ბოტინელი, პერუჯინო, ლოტო, კარპაჩო, ანდრე დელ სარტო, კორეჯო, ტიციანი. ეს კი სასაცილოდ თუ არა, უცნაურად მაინც ეჩვენებოდა ბევრ მის ახალ მონმარტრულ ნაცნობს, განსაკუთრებით რადიკალურად რომ იყვნენ განწყობილი „წარსულის შემკვიდრების“ მიმართ.

ერთნი ამბობდნენ, მოდილიანი დამწყები მოქანდაკეაო, მეორენი ირწმუნებოდნენ — მხატვარიაო. ერთიც სიმართლე იყო და მეორეც.

პარიზში ჩამოსვლისთანავე ამედეო თავისი მეგობრის, აგრეთვე დამწყები მხატვრის — ორტის დე სარატეს¹ სარეკომენდაციო წერილით გამოცხადდა გრანოვსკისთან, რომელიც მოქანდაკეც იყო და მხატვარიც, და გაანდო, რომ გატაცებულია სკულპტურით, ამასთან პორტრეტებითა და ბიუსტებით კი არა. „კოლონალური მონუმენტებით“. თუმცა ამას ხელი არ შეუშლია მაშინვე ჩაწერილიყო კოლაროსის სამხატვრო აკადემიაში. მისი სიჭაბუკის მეგობრების მოგონებებს თუ დავუჭირებთ, იგი ჯერ ისევ იტალიაში, თვრამეთი წლის ჭაბუკი ყოფილა გატაცებული სკულპტურით. ახლა პარიზში მისთვის ძნელი შეიქნა მასალის შოვნა, ფულიც არ ჰქონდა საამისოდ. იძულებული გახდა მიემართა კალატოზებისათვის, რომლებიც ახალ სახლებს აშენებდნენ კოლანკურის ქუჩაზე. მაგრამ, ეტყობა, ეს მისთვის შეუფერებელი მასალა იყო. მწვავე მტვერი ავადმყოფურად უღიზიანებდა ბავშვობიდანვე ისედაც დაავადებულ ფილტვებსა და ყელს. ხშირად იძულებული ხდებოდა მიეტოვებინა სამუშაო და ამ სამუშაოს კვალი სადღაც იკარგებოდა. სამაგიეროდ ხატვა თავიდანვე დიდი გატაცებით დაიწყო, ოღონდ კოლაროსის სამხატვრო სკოლაში კი არა, განმარტებული სახელოსნოს მყუდროებაში.

ყველაზე პირველად მონმარტრი უტრილომ გააცნო. ისინი როგორღაც სწრაფად შეეწყვნენ ერთმანეთს და იოლად გამოინახეს საერთო ენა. თუმცა, ჩვეულებრივ, უტრილოსთან ურთიერთობა იოლი არ იყო. თუ მოდილიანის შინაგანი გულჩახვეულობა ბევრისთვის ამოუცნობი რჩე-

¹ ორტის დე სარატე ეროვნებით ჩილელი იყო. თავის თავს რატომღაც ბასკს უწოდებდა, თავისი შემოქმედების ქეშმარიტი სამშობლო კი მან პარიზში აღმოაჩინა.

ბოდა, სამაგიეროდ მისი ახალი მეგობრის უხასო მარტოობა მაშინვე თვალში ეცემოდა ყველას. საქმარისი იყო დაგენანათ მისი დიმილი — „შეშინებული და იმავე დროს დამცინავი და იდუმალი“, — როგორც ამბობს მწერალი ფრანსის კარკო, რომელიც კარგად იცნობდა უტრილოს, — დიმილი, რომელიც მის მეტიანეთად ფერმკრთალ, ლამაზ სახეზე „თითქოს რაღაც მტანჯველ ტყავ კვეთულიყო“. რაღაც მიამიტი, ბავშვური, უხუსური გიცემოდათ თვალში ამ ახალგაზრდა, აწონილი მხატვრის დანახვაზე. იგი ყოველთვის დაუდევრად, ზოგჯერ თითქმის მათხოვრულად იყო ჩაცმული. მუდამ ხაღებავებით მოთხვრილი დადიოდა. რაღაც შესაბრაღისი იგრძნობოდა მის აჩქარებულ, არეულ ხიარულშიც. უცხო პირს დაუჭერებლად მოეჩვენებოდა, რომ სწორედ მან დაიმკვიდრა მთელ მონმარტრზე თავზეხელადებული ღოთისა და მონხუბრის ხანელი, რომ ხშირად ხარკეებსაც ამტვრევდა დუქნებში და თითქმის ყოველ დამეს პოლიციის განყოფილებაში ატარებდა, რომ მას ჰკიცხავდა და დასცინოდა ყველა „წესიერი ადამიანი“. ჩვეულებრივ უწყინარი ბუნების ამგვარი გაშმაგება ხიმთვრალეში სხვა არა იყო რა, თუ არა ავადმყოფური აფეთქება გაუნელებელი მწუხარებისა, გულში ჩაკლული სევდისა, რასაც ბავშვობიდანვე დაუღო სათავე მისმა მიუსაფარმა, უსახლკარო ცხოვრებამ. უტრილო იყო შვილი სუზანა ვალადონისა, ერთ დროს განთქმული ცირკის აკრობატისა, რომელიც პოპორობდა რენუართან, დეგასა და ტულუზ-ლოტრეკთან. დეგასგან ისწავლა მან ხატვა და ფერწერა და მალე სახელიც გაითქვა, როგორც ნიჟიერმა, თავისებურმა მხატვარმა. უტრილომ არ იცოდა, ვინ იყო მისი მამა, გვარი კი დედის ერთ-ერთი მეგობრისაგან მიიღო, რომელიც თვალთ არასოდეს ენახა. დაცინვა და აბურხად ავადება ამის გამომბეჭრებული ჰქონდა როგორც სკოლაში, ისე შემდგომ სურათებს კი მაინც ქიუტად აწერდა: „მორის უტრილო ვ.“ ესე იგი ვალადონი, რადგან აღწერებდა დედას.

მოდილიანი ყოველთვის განსაკუთრებით მძაფრად განიცდიდა სხვის მწუხარებას, რაც მთავარია, სულის ყოველნაირ სიფაქიზესა და სიღრმეს, რაგინდ მახინგი ქერქი არ უნდა ჰქონოდა გადაკრული, რაგინდ ავადმყოფურ აფეთქებას არ უნდა ყოფილიყო შეფარებული და ეს შემდგომაც მრავალგზის დაადასტურა თავისი ურთიერთობით მეგობრებთან.

უტრილოსაც მაშინვე გაუგო და შეიყვარა, მიუხედავად იმისა, რომ იმხანად მონმარტრზე ამ თვითნახვადი მხატვრის სურათებზე, რომელმაც დედის ნაჩუქარი ხუთი ფერის ხაღებავით

დაიწყო ხატვა, ბევრად უფრო ნაკლებად ლაპარაკობდნენ, ვიდრე მის შერათინ აყალმყალლებზე. თუმცა ზოგიერთი ადგილობრივი დუქნის მეპატრონე და ბაყაღა სიამოვნებით იძენდა მის სურათებს ურთმსხ ურთმსხ და დვინის საფახურში ღებულთბდა.

ფრანსის კარკო იგონებს, თუ ერთი მათგანი, ვინმე ძია სულიე, რომელიც იაფფასიანი სურათებით ვაჭრობდა, როგორ ელოდა უტრილოს ყოველ დღით, როცა იგი მონმარტრიდან ჩამოდიოდა ნოტრ-დამის დასახატად, რათა მიეჩეჩებინა მისთვის მუყაოს ნაჭერი, ერთი ტუბი მოთეთრო, ერთი ტუბი რაღაც წითელი, ერთი ტუბი ლურჯი, ერთი ტუბი მწვანე საღებავი და ბოთლით სკიპიდარი, თან თავის კეთილშობილ ენსტს ყოველთვის დააყოლებდა ხოლმე ერთსა და იმავე ფრაზას: „ეს, ჩემო კეთილო, შენთვის ხავსებით საქმარისია შედეგობის შესაქმნელად“.

უტრილოს ცხოვრებაში მოდილიანისთან შეხვედრა ერთი იშვიათი ბედნიერი შემთხვევა იყო და არც გასაკვირია, რომ უტრილო, როგორც მონმარტრის ძველი მკვიდრი, მოდილიანის განუყრელი თანამგზავრი და მეგობარი გახდა.

იმ დროს მონმარტრს ჰერ კიდევ რაღაცით შემორჩენილი ჰქონდა ნახევრად პროვინციული, ნახევრად სოფლური კოლორიტი. ეს მით უფრო შესამჩნევი ხდებოდა, რაც უფრო ზევით მიიწევდით, ბორცვის თნემზე აღმართულ თეთრად მოქათქათე ხაკრე-კიორის ეკლესიისაკენ.

ქვემო კვარტალებში, რომლებიც გაშლილი იყო პიგალის, ბლანშის და კლიშის მოედნებს შორის, ხმაური იდგა, ბენზინისა და რესტორნების სამზარეულოს სუნის ტრიალებდა. საღამოსანად აქ კიდევ უფრო საგრძნობი ხდებოდა ყალბი ბრწყინვალეების ატმოსფერო, საეჭვო ცდუნებანი, ცინიკურად ხმაურიანი ან ვიწრო ქუჩაბანდებში მიჩქმალული ყოველნაირი ყიდვა-გაყიდვა. „ზემო“ მონმარტრი სულ არ ჰგავდა „ქვემოს“, განსაკუთრებით დღისით. როგორც ახლა, მაშინაც ზევით ადიოდა ქუჩა-კიხეების ციცაბო საფხურები დროთა მსვლელობისაგან გაბრიალებული რკინის სახელურებით, აქა-იქ კიბის ბაქანთან ამოზრდილი ბებერი ხეებით. კიბეები შეუმჩნეველად ერწყმოდა ვიწრო ქუჩაბანდებისა და შესახვევების მიხვეულ-მოხვეულ ლაბირინთებს. ზოგიერთი ეს ქუჩა იმთავითვე შეიყვარა მოდილიანიმ და სამუდამოდ შემორჩა ხსოვნას. მრავალი წლის შემდეგ, როცა დიდი ხნის მიტოვებული ჰქონდა მონმარტრი, იგი სიყვარულით იგონებდა ძველი თქმულებებით

გალამაზებულ დე და ბრევუარის ქუჩას, სადაც ოდესღაც წყალხატვე უოფილა და გადმოცემის წმინდა მოწამე სენ-დენს, პარიზის პირველ უბისკამოსს, აქ განუბანია ქალათის მიერ სოკვეთილი თავი. მოდილიანი აღშფოთებული იყო, რომ ლამარკისა და ლეპიკის ყველაზე უფრო პოეტურ ქუჩებს ახალი შენობებით ამანინებდნენ.

აქ მაღალი, მეორე იმბერიის დროინდელი, საქირაო სახლების გვერდით კიდევ იყო შემორჩენილი ერთი ან ორსართულიანი ძველი, კრანით გადახურული, პატარა „მანხარდებიანი“ სახლები, პატარ-პატარა მინაშენებით და სახურავებიდან უხერხულად ამოჩრდილი ბუზრის საკვაძურებით. ყველაფერ დაანანავდით ყვავილების ქოთნებსა და ყუთებს, მწვანედ შეფერადებულ ხის ღარაბებს, აივნებიდან აივნამდე გაშვულ თოკებზე გაფენილ თეთრეულს, დაბალ მებსრებს იქნათ კი მოჩანდა ალუბლისა და მსხლის ბაღები, ალაგ-ალაგ ვენახიც; ქვაფენილი ოღროჩოღრო და ამოცვენილი იყო, სიძველისაგან დაზარული, შედეხილი სახლების კედლები ზოგან თეთრად იყო შეღებილი, ზოგან მწვანედ, ბორღოსა და ნარინჯისფერად. მათ შორის კი მოჩანდა სან-პიერის, პარიზის უძველესი ეკლესიის ყრუ, რუხი კედელი; აქ დაქანებული ტროტუარის კუთხეები მუდამ სავსით იყო მოფენილი, ეკლესიის კარიბჭიდან კი ხიცხეშიც ვრდილი ხოლ უბერავდა.

სალამოს, როცა მიწყნარდებოდა ქუჩის მიწვრილმანეთა ხმაბალი შეძახილები, მიწყდებოდა მუშუშეების, მღვსავების, ძველმანებილ მოვაჭრეთა მონოტონური ხმები, ქვაფენილზე ბორბლების ხმაური, არღნის გუვიტანი, ბავშვების ტრიაბული, ჩამოვარდნილ სინუშეში ქედან შორს აღწევდა ზარების რეკვა. საკრეკოარის ეკლესიის პატარა მოედნიდან მოჩანდა, როგორ იძირებოდა მტრედისფერ კვამლზე პარიზის სახლების სახურავები, კოშკები და გუმბათები. პოეტი ეს ლიატურეტი იგონებს, ერთხელ, სალამოვამს, სწორედ ამ მოედანზე როგორ უკითხავდა მას მოდილიანი ლეოპარდის, კარდუჩის, დ'ანუნციოს ლექსებს ზეპირად.

დაბინდებისთანავე აინთებოდა გაზის ფარნები. ლეპიკის ქუჩის ბოლოს, „მუღენ დე ლა გალეტის“ თავზე აღდვარდებოდა ფერადი ვირჯანდა და გაანათებდა წისქვილის სილუეტს, რომელიც ჯერ კიდევ შემორჩენილია მონმარტრს. ამ წისქვილზე დიდი ხანია თავის ცხობებზე შეფარა პარიზის ერთი ყველაზე პოპულარული დუქანი. ხალაც უოველოვის შექმნილი თავწებულადებული დრობა. იგი ძველთაგანვე იზიდავდა მხატვრებს და იმის მი-

ხედვით, თუ როგორ ახმაზი მხატვართა ტილოებზე, შეგვიძლია ვთქვათ, რომ მონმარტრისა ხედა, არამედ შებოჭნილ მსოფლშეგრძნების ცვლიაც. ძნელად მისწავლილია ნოთ, როგორი სარბე მსოფლიო მსოფლიო შეპურებდა მას პარიზში ახლად მამოსული მოდილიანი, როცა ამ სახელგანთქცილ ტილოებს იხსენებდა. აი, რენუარის ბაკვირათ ხალი დროსით „მუღენ დე ლა გალეტში“. ხალი ვარდთ გაუმართავთ, ხალი, ყველაფერი მისი სხავე ბითაა აღდვარებული. ყველაფერ მონანს ახალი, აუშფრველი „სიცოცხლის მანარული“ ეს ისატება მოხდენილ ცვაკენშიც, უმეტრად პოზებშიც, მომნიბულელ ფემილშიც, მაცდუნებულად ავსებულ სასმისებშიც, აბრეშუმის კაბების ცისარტყელაშიც, ხაც ვარდისფერი, ლურჯი, ოქროსფერი, ზურმუხტისფერი ტონების მომნიბულელ გრიგალშიც. განვლო თორმეტმა თუ ცამეტმა წელსა და ტულო-ლოტრეკის ერთ-ერთ ტილოზე ხუთ სხვა ხანით წარმოვიღე გა იგვივ „მუღენ დე ლა გალეტში“ ოდნავ განათებული, მოწყვნილი დუქანი, უბნის ვენი, კუჭყიანი ხის იატაკი. წინა პლანშია ლილის ბარიერის მიყრდენობილი საში მოწყვნილი ქალის ფიგურა, რომლებიც პარტნიორთა მოლოდინში უსიტყვოდ ვარინდულან. მათ უკან მოჩანს ხმელ-ხმელი, შლაპიანი მანკაყი, კისერწაღრღილებული რომ ვძებს ვიდაკან ბრბოში. იქ, სად რმეში კი ვულგარული ცეკვა-თამაშია გახურებული.

ტულო-ლოტრეკის პერსონაჟები ჯერ კიდევ კარგად ახსოვდათ მონმარტრზე. მაგალითად ცნობილი „L'Amour“ „მსუნაგა“, ხიხი ცეცხლისფერი შინიონი, ზონაზე მეტად გაბედული დეკოლტე, სწორედ ეს, რომელიც თავის პარტნიორთან, ვალენტინ ბესკობტნიოთან ერთად ოდესღაც უწყინარი კადრული აინახულ, „შმაგ“ რიტმებად გადაქცია. ახსოვდათ რომონა ახმაზი — არისტიდ ბრევიანი, მისი ვანტურელი, ფართოფარფლებიანი შლაპა, წითელი ყელსახვევი და უტიფარი სიმღერები.

ხუთ ცოცხა ხნის წინ კი ახლდაზრდა ბიკოსომ, როცა პირველად ჩავიდა პარიზში, თავისი კოლორიტის სიმძაფრით „მუღენ დე ლა გალეტში“, ძველი მონმარტრის ამ დირსუნაშნავ ადგილს, წარსული რომანტიკის უკანახველი მონანიც წაართვა. მის სტილიზაციაში, რომელიც აძლიერებს ლოტრეკისა და სტეინლენს ბერხებს, წინა პლანზე გამოწვეული იყო ტანისფლი, სავსე უოფაქცვის ქალი მარცხენა კუთხეში მოჩანს ლარნიის ნახევრად გადაკეოალი კიდევ ერთი ქალის ფიგურა. ქალი შიხადა ვით დაჩრბობი. მაგალით, ცოცხალი ლურჯ ფრთიანი შლაპა უფარავს და აღაშები ურდობ-

უხიარულად აღიზნო. უკან ვაწრო მოედანზე, თამბაქოს ბოლში მოცდევად წველები ირვეიან ცაღინდრები, ზეწვეული, მოლაპტახე ლამპონება გაფანტულად უხიარულად. გაზაღვიანებულ მწვანე ფონზე, ყველაფერი ჩაქვიდა. ჩანთოვდა, გაფლანდა, თითქოს ერთმანეთს აწვებთან და აჭულიტებთან.

ახლა იმავე „მუღუნ და ლა გალეს“ ჩატავს უტრილო, მაგრამ მას არ აინტერესებს, რა ხდება იქ, შეიძინო, მისთვის საკმარისია წიხვილის ფრთების ქველი, დამახინჯებული ფერადი რეკლამა, რომელიც ხან იქ და ხან აქ გაიღვებს მესერს მიღმა. მისი წიხვილი ზოგჯერ დედაბერს გააგონებს, რომელიც ვიღაცას მასხარას ტანსაცმლით შეუმოსავს და ხირცხვილსაგან გაშეშებულა პატოსანს ხალხის წინაშე.

თუშეა უტრილოხაოვის ყოველთვის საკმარისია მონმარტრის რომელიმე კუთხის მხოლოდ გარეგნული სახე, რათა გაიძულათ, მისებურად აღიქვას მისი ფარული არსი და შეუძლებელი იყოს, აქას არ განეცვიფრებინა ყველა, ვინც შეადარებდა მის ნახატს ახლანდელ საკუთარი თვალთ ნანახთან უტრილოს კუმშარითად შესწევდა რაღა ამეტყველებინა კედლები. ყველაზე პაროზული შესახვევები, გზაკვარდინები, სახლების ხედება, ყველაზე ქველი ფანრები და ტუშბოები. ყველაზე ხანაღური აბრები („შეშა და სავარები“); ყველაფერი სახეს იცვლიდა, ცოცხლდებოდა, იხსებოდა შინაგან სიმართლით აღუმაღად ერწემოდა განუვირვადე ცის კამარას, გაზაღვიანებს, გაძარცვულ მიშველ ხეებს ან პირველ თოვლს, ფაფუკი ქუდიოთ რომ მოსავდა საკრეკორის ეკლესიის გუმბათებს. მას რაღაც სასწაულით შეეძლო ჩავსურვი, შიამიტური, თითქმის ინფანტილური მონახაზი დახვეწილ, სრულყოფილ ზელოვნებად ექცია.

რაღაც იდუმალი, მწუბარებით სავსე, მარტოსული ცხოვრება იმალედა თერძი კედლების იქით, უამრავი ფანჯრების, სახურავებისა და შანსარდების ღარაბებს მიღმა. უტრილოს ადამიანურობა, მისი კუშტი სინახე მისი სურათების კვეთქებში იმალება, პირდაპირ არ არის გამოთქმული. მას შეუძლია შინაგანად გააადამიანუროს, მხატვრულ აღმოჩენად აქციოს ყველაზე ხანაღური, ღია ბარათის მსგავსი „ქაღალტის ხედი“, ადამიანებს კი მის სურათზე ვერ ნახავთ, არიან მხოლოდ პაწაწინა ფიგურები, თითქმის ყოველთვის ქალები და თითქმის ყოველთვის ზურგმშებკოვლნი ჩვენკენ. ეს ფიგურები გაფანტულად არიან აქა-იქ, ორ-ორად, სამ-სამად, თითო-თითოდ განზრახ შეზოკილ კონებში და უმეტესად ფერადოვან აქცენტს ან რუცალებულ კომპონიციურ დეტალს უფრო ნაოზიადგვინებ. უხუცესი ადამიანები კი არა, თუ

ჩინები არიან უშუალოდ კავშირს ადამიანებთან უტრილო ავადმყოფურად გაურბოდა მოდილიანის კი იმთავითვე ადამიანები გაიცილებდა. ყოველი ახალი შეწყდრა ადამიანებთან რაღაცას ნიშნავდა, რაღაცას ნაღველს, მისი მხარდებოდა. იხეთ „ადვილის“ კარგორიც უტრილო იყო, მას კიდევ უფრო გაუშავილდა ყურადღება ადამიანური დრამების მიმართ. უტრილო ამ დრამებს საბლებას ცარიელი ფანჯრების მიღმა მალავდა, მოდილიანის კი თავისი ბუნების წყალობით არ შეეძლო პირდაპირ არ შეეხედა მოქმედ პირებისათვის. იქნება აქ აღმოაჩინა მან თავისი პირველი ძირითადი „მოედელი“. ყველა ეს იაფფახიანი სახტუმროების მოახლებები, ჭურჭლის მრეცხავები, ქალიშვილები და მომღერლები, რომელთა სახელი ყველას პირზე ეკერა, გვარი კ აზარინ იცოდა, პარიზის გარეუბნების ეს ფერმკრთალი, ღარდიანი ბავშვები.

როცა მოდილიანი პირველად გამოჩნდა უტრილოს საზოგადოებაში მონმარტრის ქუჩებში და დუქნებში (მერე ხუთ უფრო ხშირად ხედავდნენ ერთად), ბევრი გააოცა აქან: განა რა საერთო შეიძლება ჰქონდეს ამ მოდურ ზოლიან ქალტოსა და მომღერნილ კონტუმში გამოწყობილ ზრდილ ახალგაზრდას. უელზე მაფთა რომ უკეთია, წერტი საგულდაგულად გაუპარსავს და ლამაზად გადაუვარცხნია თმა, „ქაღალტის გრეთან“, რომელსაც თვალთ თუ არ მიაღვინე, შეუძლია ხაცვლების აშარა გამოვარდეს ქუჩაში? როგორ ეგუება ერთის ზომიერი თავშეკავება მეორის შეფოთიან ექსცენებს? აშასთან მოდილიანი მაშინ ხავსებით რესპექტაბელური ღვინოების — „ვუჯრები“ და „ახტის“ გარდა არაფერს ხვამდა უტრილოს კი მონმარტრელმა ბიჭებში დიდი ხანია „ლიტრალო“ შეარქვებს და ეს უკვე მრავალი წლის ტრადიციად ქცეულიყო.

მაგრამ ხუთ რაღაც ერთი თვისა თუ ოვენახერის შემდეგ ეს განმასხვავებელი კონტრასტი თითქმის სრულიად წაიშალა. ამ მოკლე დროის მანძილზე მოდილიანმა რაღაც მოულოდნელი, მძაფრი გარდატეხა გადაიტანა. საოცრად სწრაფად გაშქრა მისი ელფანტური, მშვენიერი კონტუმში. იგი შესცვალა უბრალო, ხშირად საშინლად დაკუმუქნილმა მუქკავისფერმა ზოლიანმა ველვეტმა, გახაშებული საყულონ ნაცვლად გაჩნდა არცთუ მთლად ახალი წითელი ფულარის ელსახვევი. შეხამწევადა შეიცვალა მისი შინაგანი სახეც. ხუთ უფრო მეტად იჩინა თავი ავადმყოფურმა დაძაბულობამ. რაღაც ღრმა დაბნეულობა ახატებოდა მის გაშეშვებას და ღიმილში. გამოხედვა ხშირად ძა

ლიან დამძინებული ჰქონდა, დიმილი კი მობე-
რებული.

ყოველივე ეს შეიძლება ხუთ უბრალოდ აიხ-
სნახ: ერთი ხანია მოდილიანის თავაშვებულ
სმას მიძყო ხელი, თოქოს ნიადაგი გამოეცალა
ფეხქვეშ. ამას მალე დაემატა რაღაც უფრო დი-
დი ხაზინელება — დაიწყო ნარკოტიკების მი-
ღება. ეს ჯერ ცდუნება იყო. მერე აუცილებლო-
ბად გადაექცა მათში, რომელიც ძალიან გავ-
რცელდა პარიზის ბოჰემაში ჯერ კიდევ ბოდლე-
რის დროიდან. შორეული ნაცნობებიც კი ამ-
ჩნვედნენ, რომ ახალგაზრდა მხატვარი, რომე-
ლიც ის იყო გამოდიოდა ცხოვრებაში, რაღაც
მტანჯველ კრიზისს განიცდიდა. ჩვენ, ალბათ,
ბოლომდე ვერასოდეს შევიტყობთ მიწვეს, თუ-
ცა მრავალი მოხაზრება არსებობს ამის შესა-
ხებ, ზოგი ობიექტულურად პირდაპირი, ზოგი
კი ფსიქო-პათოლოგიურ ხვეულებში მიმაღუ-
ლი. შეიძლება მხოლოდ შევეცადოთ რეალურად
წარმოვიდგინოთ ამ ხუთიერი კრიზისის გარე-
მომცველი ვითარება და გადავხედოთ მის წი-
ნოსტორიას. მაგრამ მხედველობიდან არ უნდა
გამოვვარჩივს, რომ პარიზში გატარებული პირ-
ველი წლები დღემდე რჩება მოდილიანის ბი-
ოგრაფიის ბურუსით მოცულ ეტაპად. აქ ყვე-
ლაზე ნაკლებად ვაქვს მტკიცედ დადგენილი
ფაქტები და ვერც სავსებით დავყვარდნობით
იმ პირთა ავტორიტეტულ მოგონებებს, რომ-
ლებიც მაშინ ახლოს იყვნენ მოდილიანისგან,
რადგან ზოგჯერ შეუძლებელი ხდება მათი მო-
გონებების გამორჩევა ინტერპრეტაციებისა და
დღევანდებისაგან. ამიტომ იძულებული ვართ შე-
დარებით ერთადერთ ხანდა კრიტიკრიუმად ჩავ-
თვალოთ შემუარულ დამოწმებათა თუნდაც არა-
პირდაპირი დამთხვევები.

პარიზში ჩამოსულ მოდილიანის მხოლოდ ხა-
კუთარი თავის იმედი უნდა ჰქონოდა. დედამ
შედლო მხოლოდ იმდენი თანხა მიეცა, რაც პირ-
ველ ხანებში დასჭირდებოდა. ეს ფული დიდ
ნაწს ვერ ეყოფოდა. მუშაობას იგი პირველი
დღიდანვე შეუდგა. მუშაობას, მაგრამ არა ფუ-
ლის შოვნას. როგორც ვთქვით, ხშირად იძუ-
ლებული ხდებოდა მიეტოვებინა ქვაზე მუშაო-
ბა ხვეულების გამო. ამასთან ეს ხველა ხუთაც არ
იყო უვანებელი, რამდენიმე წლის წინათ მო-
დილიანის ტუბერკულოზური პროცესი გაეხსნა.
ხატვით ბევრს ხატავდა, მაგრამ მისი მხატვრო-
ბით არც ერთი მარშანი არ დაინტერესებულა.
მის სურათებს არავინ ყიდულობდა. ანდრე
ვარნო იხსენებს, როგორც მწარე ირონიით უამ-
ბობდა მოდილიანს, რომ პარიზში ჩამოსულმა
მხოლოდ ერთადერთი ადამიანი აღმოაჩინა და
ისიც ბრმა, რომელიც თანახმა იყო შეეძინა
რამდენიმე მისი სურათი. ეს გახლდათ ერთი ანი-

რებული მოხუცი, ძია ანდრე, რომელსაც მარ-
თლაც თითქმის დაკარგული ჰქონდა თავის
ჩინი. მოხუცი დაუინებით და მეთოდურად
აგრძელებდა თავის ბინაში, გაბრიელის ქუჩაზე,
ახალგაზრდა, უსახელო მხატვრების სურათებს.
რაღა თქმა უნდა, ამ სურათებს ძალიან იაფად
ყიდულობდა და იმედი ჰქონდა, ოდესმე აუ-
ცილებლად გამდიდრდებოდა. მოხუცს საცაა,
აუხდებოდა კიდევ ოცნება, მის ხელთ იყო
შედევრები. მაგრამ ამ დროს იფეთქა პირველი
მსოფლიო ომმა და სურათების ფასიც დაეცა.
მას მოსვენებას აღარ აძლევდნენ კრედიტორე-
ბი და იძულებული შეიქნა, ხუთ იაფად გაეუი-
და მთელი თავისი კოლექცია. რამდენიმე ხნის
შემდეგ იგი სრულ სიღატაკში გარდაიცვალა.

თავის პირველ ღარიბულ ბინაში, კოლანკურის
ქუჩაზე, მოდილიანი დიდხანს არ გაჩერებულა,
რადგან ახალი კვარტალის მშენებლობას იწყებ-
დნენ და მისი ქობიც უნდა დაენგრიათ. დაიწყო
ნახევრად მშვიდ-მწუწურვალ მოხეტიალე ცხოვ-
რება ერთი შემთხვევითი თავშესაფრიდან მეო-
რეში, ერთი უვარგისი სასტუმროდან მეორე,
კიდევ უფრო უვარგისში და კიდევ უფრო
მოკლე დროით, იმის მიხედვით, თუ რამდენად
შეტად განიცდიდა უფულობას. ლუი ლიატუ-
რეტი, რომელიც იმ ხანებში თითქმის ყოველ-
დღე ხვდებოდა მოდილიანის, გვიამბობს: „იმი-
სათვის, რომ ეშოვა ფული პურის, ძებვისა და
თამბაქოს საყიდლად, იძულებული ხდებოდა გა-
დაედო ან შეესწორებინა უნიკოდ შესრულებუ-
ლი სურათები და ზოგჯერ აბრებიც დაეხატა
დუქნებისათვის. ყველა ამ თავის იძულებით მუ-
შაობას, რა თქმა უნდა, არავისთან ამხელდა,
არასოდეს არავის შესჩიოდა თავის გაჭირვება-
ზე, არავის სობოვდა დახმარებას და, კიდევ რომ
შეეთავაზებინა ვინმეს, არ მიიღებდა, რადგან
შეტისმეტად ამაყი იყო“.

ბოლოს, როგორც იქნა, შოახერხა პატარა ხა-
ხელოსნოსმაგვარი შენობის დაქირავება ლებე-
კის ქუჩის ბოლოს, იქ, ხადაც ეს ქუჩა ეან-ბა-
ტისტ კლემენის მოედანს უერთდება. ეს იყო
პაწაწინა ფარდული თუ ყოფილი ორანჟერეა,
რომელსაც აგურის ფუნდამენტი და ხის კედ-
ლები ჰქონდა. ხახლი ბადის სიღრმეში იდგა,
ბებერი მსხლის ხეებით გარშემორტყმული.

როგორც ჩანს, მოდილიანი აქ ძალიან კარნა-
კტილად ცხოვრობდა. მასთან მხოლოდ შენა-
ტურე ქალები დადიოდნენ, რომელთაც მისი
მომზიბული გარეგნობა იტაცებდა და არად
აგდებდნენ მხატვრის სიღატაკეს. როცა ლიატუ-
რეტი იხსენებს, პირველად როგორ მოვიდა ამ
სახელოსნოში, ტყუილად როდი უხვამხ ხაზს,
რომ ბოლოს და ბოლოს, როგორც იქნა, „შეაღ-
წია“ მასთან. როცა მის „სტუდიაში“ შევიდა,

დაინახა საწოლი, ორი სკამი, მაგიდა და ჩემოდანი, რომელიც დივნის მაგიერობადაც ეწოდებოდა. კედლებზე ჩამოკიდებული იყო ტილოები. იატაკზე ეყარა ნახატებით გატენილი საქაღალდეები.

„ნახატების გასაოცრად მაღალი დონე იმთავითვე განაპირობებდა ამ მხატვრის ტალანტი. — განაგრძობს თხოვრებას ლიატურეტი. — მისი პიროვნება ყოველგვარ გავლენაზე დამინიჭებდა. საგონებელში გაკლებდათ ფერი, რომელსაც ჯერ კიდევ აქლდა დამაჭერებლობა და არ ეშორჩილებოდა რაიმე გარკვეულ მეთოდს.

— ყოველივე ეს ჩაღის ფასადაც არ ღირს, — განაცხადა ავტორმა. — ეს ხუთ ჩემი დაწყველილი იტალიური თვალის ბრალია, რომელსაც არაფრით არ სურს შეეგუოს პარიზის სინათლეს... მართლაც, რა მაცდურია ეს სინათლე... ნეტავი ოდესმე თუ შევძლებ ამის დაჭერას? რომ იცოდეთ, რამდენი რამ მაქვს ჩაფიქრებული თემის ახლებურად გამოხატვის თვალსაზრისით, „იასფერ, ნარინჯისფერ ტონებში, მუქ უანჯისფერში... ოდონდ არ ვიცი, როგორ მოვახერხებ მათი ამღერება... დანებებ თავი, ნუღარ უყურებ ამ სისულელეებს.

როცა სტუმარმა პროტესტი განაცხადა ამგვარ მკაცრ შეფასებაზე და შეაქო კედელზე ჩამოკიდებული ერთ-ერთი ნიუ, მისი გამჭვირვალე კოლორისტი და დიდებული ძერწვა, მოდილიანიმ კიდევ უფრო დაბეჯითებით უპასუხა:

„— არა, ეს ის არ არის! ეს ჯერ კიდევ პიკასოდან მოდის და ესიც არ გამოიწვიდა. პიკასო მიაფურთხებდა ამისთანა სისაძაგლეს...“

ამ საუბრიდან რამდენიმე დღის შემდეგ მოდილიანიმ გამოიციბადა:

— მე თითქმის ყველაფერი გავანადგურე, რაც შენ ნახე. უნდა შეგეძლოს, ხანტიშენტალურად გულმოდგინების გარეშე იმხველო საკუთარ თავზე... მხოლოდ ორი თუ ხამი ნახატი დავტოვე... და ის ტორსიც, შენ რომ მოგეწონა. თუშეა მხოლოდ იმიტომ, რომ ერთხელ კიდევ დავუბრუნდე, სულ სხვანაირად გადავაკეთო... საერთოდ კი მინდა, როგორმე მოვეშვა მხატვრობას და ხელი მოვკიდო ქანდაკებას...“

არ ვიცი, რამდენად ზუსტად გადმოგვცემს ლიატურეტი მოდილიანის ნათქვამს. მაგრამ პიკასოსთან დაკავშირებული რამდენიმე მოკლე ფრაზის ინტონაცია მეტისმეტად ცოცხლად და უშუალოდ ეღერს. აქ იგრძნობა ისტატიით ფარული აღტაცებაც, აშკარა შიშიც, არ აღმოჩნდეს მის ტყვეობაში, და მზადყოფნაც, რათა კიდევ გახერხდეს შემოქმედებითი დამოუკიდებლობისათვის („მხოლოდ იმიტომ, რომ ერთხელ კიდევ დავუბრუნდე, სულ სხვანაირად

გადავაკეთო!“) ეს მეტისმეტად საგულწიხნოა იმ შინაგან კრიზისთან დაკავშირებით, რაზედაც შემოთ გვქონდა საუბარი.

მხატვარ ანტონიო ბუჩის 1908-07 წლის წამთარში პარიზის ერთ-ერთ ფოტოჩემო უნახავს მოდილიანის სამი პატარა მხატვრობაში ჩარჩენია ამ ქალების [უნივერსიტეტი] კლიტქმის ერთფეროვანი, მომწვანო-მიწისფერი სახეები. როგორც ჩანს, ეს ტილოები უკვალოდ დაიკარგა და ამგვარი მოკლე აღწერის შემდეგ შეუძლებელია მათი რიგგარეშე დაპირისპირება. მაგრამ, როცა უყურებ მოდილიანის სახელგანთქმულ „ებრაელ ქალს“, ერთ იმ მცირერიცხოვან სურათთაგანს, რომელმაც მოაღწია ჩვენამდე მისი შემოქმედების ადრეული მონპარტრის პერიოდის (ახლა ამ სურათს 1908 წლით ათარიღებენ), რატომღაც გახსენდება „ცისფერი“ პიკასოს მაწანწალებს, არლეკინების, მრეცხავი ქალების კუთხოვანი, დაძაბული ფიგურები, შემდეგ მის სურათებში ქალაქის ღარიბ-დატაკთა სახეები თანდათან მეტ სიბნობის იქნენ, „ვარდისფერებთან“. შემოხვევითი არ არის, რომ მოდილიანის შემოქმედების ისეთი მცოდნე, როგორც იყო ფრანკო რუსსოლი, როცა მის 1906—1907 წლების მხატვრობაზე ლაპარაკობს, წერს: „ფერწერა მკვრივია და გამოკვეთილი, აგრესიული და პათეტიური, თითქოს თავისებურად გადაუშეშავებია „ცისფერი“ და „ვარდისფერი“ პიკასოს ხანები“. ლიატურეტის მონათხრობიდან და სხვა მოგონებებიდანაც ჩანს, რომ ამ ხანებში პიკასო მეტისმეტად ბევრს ნიშნავდა მოდილიანისათვის და ეს აწვალებდა კიდევ ძალიან შორეული ახოციაციით მახსენდება ახალგაზრდა პასტერნაკის დამოკიდებულება ახალგაზრდა მიაკოვსკისადმი: „დრო და გავლენათა ერთნაირობა მანათესავებდა მე მიაკოვსკისთან. ჩვენ დამთხვევები გვქონდა. მე ეს შევნიშნე... მივხვდი, რომ, თუ რამეს არ მოვუბრუნებდი საკუთარ თავს, მომავალში ეს უფრო გახშირდებოდა... მე ამას სახელი ვერ დავარქვი, მაგრამ გადაწყვიტე, უარი მეტყვა ყველაფერზე, რასაც მისკენ მივუყავდი“.

ვიმეორებ, დეე, ეს ახოციაცია ზოგიერთს მეტისმეტად შორეულად და ნაძალადევად მოეჩვენოს. ასე იყო თუ ისე, ლიატურეტის მონათხრობში შემორჩენილია, თუ არ ვცდები, ერთადერთი შემთხვევა, როცა მოდილიანი თვითონვე მიუთითებს განცდილ გავლენაზე უნებურად წამოიქრება კითხვა: ხომ არ გაზდა ეს, ნაწილობრივ მაინც, ერთ-ერთი მიზეზი იმისა, რომ მოდილიანიმ გაანადგურა მრავალი თავისი ტილო და ნახატი? თუშეა, ეტყობა, ძირითა-

დი მიწვევა ამ შეუბრალებელი მსჯავრისა იყო კიდევ უფრო ღრმა საერთო უკმაყოფილებ-
ბა საკუთარი თავით და დაუდევარი შეურიგებ-
ლობა უოველივე იმისადმი, რასაც თავისი ხელ-
მოცარულობის მიწვევად მიიჩნევდა. შემდეგ
ლიტურგიტი გვიყვება: „როცა მოდილიანი უან-
ბატისტა კლემანის მოედანზე მდებარე სახე-
ლოსნოდან გადადიოდა, წასვლის წინ ტერასა-
ზე ნამდვილი აუტოდანა მოაწყობ და ცეცხლს
მისცა მრავალი ტილო თუ ნაბათი. შეწობლები
აღშფოთდნენ, ეგონათ, მოდილიანი უცერად შე-
იშალა, მან კი სრულიად დაშვებებით გამო-
უცხადა ერთ მათგანს: „ეს ბავშვური ზიზილი-
პიპილები შეტის ღირხნი არ არიან!“

პიკასოც აქვე მის გვერდით იყო, რადგან მან
ჭურჩაზე, სულ ორიოდ ნაბიჯის დაცილებით
მოდილიანის სახელოსნოდან, ერთხარეთულიან,
გვერდზე გადახრილ ნის ბარაკში ცხოვრობდა.
რომელსაც უცნაური სახელი „ბატოლიაფუარ-
ი“ ერქვა („მცურავი სამრეცხაო“). ეტყობა,
რადგან მიაგავდა პარიზის მიდამოებში სად-
ღაც სენის ნაპირზე მიბმულ ბარჯას და ამი-
ტომაც უწოდეს ეს სახელი. აქ პოეტების და
მხატვრების, მოქანდაკეებისა და აქტიორების
გვერდით ცხოვრობდნენ ტანსაცმელისა და თეთ-
რეულის მკერავი ქალები, ჭურჩის შეწვრალმა-
ნები, მძვინვარეები, ძაღლების მწვრთნელები.
ეს იყო საკმაოდ ძველი შენობა, ფარდალა-
ლა, წვიმისა და სიძველისაგან ჩაშავებული კედ-
ლებით, დაბურული ფანჯრებით, რომელთაგან
ზოგი ემილია გუდოს პატარა მოედანზე გადა-
ოდა, ზოგი კი მოპირდაპირე მხარეს, მოწყვე-
ნილ, მუდამ ნოტიო ბაღში. შიგნით, გრძელი
დერეფნის ორივე მხარეს ვიით დაჭიმულ,
კრიალა კარბების იქით ჩარიგებული იყო
ვიწრო, ბნელი ოთახები, რომლებსაც დიდი
ხანია მხატვრები სახელოსნოდან იყენებდნენ.
საკმარისი იყო შესუფთავებით რომელიმე მათ-
განში, რომ წარმოგედგინათ დანარჩენი ოთა-
ხებიც: მოლბერტი, ქვეჩარჩო, ჩაგლეჯილი დი-
ვანი, კოჭლი მაგადის თავზე ჩამოკიდებული
აბაფურიანი თუნუქის ლამა, პირისბანი, ტაშ-
ტი და ტაბურეტზე შემოდგმული ტოლჩა —
ახე აგვიწერენ პიკასოს სახელოსნოს, ბატო-
ლიაფუარის ზოგიერთ ძველ მკვიდრს თავისი
შემოსავალი უკვე უფლებას აძლევდა შეეცვა-
ლა ეს უბადრუკი მოწყობილობა უფრო კომ-
ფორტაბელურით. მაგრამ ერთი, აქვე დარ-
ჩენილიყვნენ და ევლოთ მონმარტრზე ისე, რომ
როგორც, მაგალითად, იგივე პიკასო დადიოდა
— ლურჯი ბამბის ქსოვილის კომპინიზონით,
ძველი ხანდაღებებით და ფორმადარგული
კასკეტით. ეს შესაძლოა „რამდენადმე დარღვე-
ვა იყო ძველი, დაკანონებული ფორმისა, ადა-

თისა და ხოციალური პირობითობის“, რასაც
ჭერ კიდევ ოცდახუთი წლის წინათ ვან გო-
გი მხატვრის უფლებად აღიარებდა. „შენ იცი,
მაგალითად, რომ მე დაუდევრად ვეკიდები ჩა-
ცმას, — წერდა იგი 1905 წელს მხატვრის უარყოფ
ამას და ვაღიარებ, რომ ეს უფროსად ცუდია,
თუმიცა ამაში რამდენადმე ბრალი მიუძღვის
მძიმე პირობებს და სიღატაკეს, მაგრამ ხანდახან
ეს ძალიან მოხერხებული საშუალებაა არის,
რათა მოიპოვო განმარტობა, რომელიც აუ-
ცილებელია შენთვის, და საშუალება მოგეცეს
საფუძვლიანად ჩაუღრმავდე ამა თუ იმ, შენთ-
ვის საინტერესო პრობლემას“.

ამგვარი შეხედულება სავსებით მიღებული
უნდა ყოფილიყო ბატო-ლიაფუარშიც, როცა
პიკასოს გვერდით ცხოვრობდნენ მხატვრები:
ვან დონგენი, ხუან გრიასი, ბრაკი, გამუდმებით
მოდიოდნენ დერენი და ვლაშინკა, მატისი და
მარი ლორანსენი, აქ ათენებდნენ და აღაშენებ-
დნენ პოეტო მოდერნისტები: ვიომპ აპოლინერი,
მაქს უაკობი, ანდრე ხალმონი, მწერალი — მაკ-
ორლანი, ესთეტი — მორის რენინალი, შემ-
დეგში გამოჩენილი აქტიორი — შარლ დიულე-
ნი. ერთხანს მოდილიანიც აქ ცხოვრობდა,
სანამ აპოვიდა განმარტობულ თავშესაფარს
უან-ბატისტა კლემანის მოედანზე. მაგრამ ან-
ლაც ხშირად მოდიოდა, გული მოუწყვედა აქეთ-
კენ, ეს საფსებით ბუნებრივიცაა — იგი ხომ
ახალგაზრდა იყო, დაუდგრომელი, მიმდობი,
ხარბად იწოდდა უოველივეს, რაც, არგვლივ
ხდებოდა. თავისი შემოქმედებითი განცდების
განმარტობული ჩაკირკიტება, რაღა თქმა უნ-
და, მქანცავდა, ამიტომ უნდოდა მოეცილები-
ნა ეს განცდები, ბატო-ლიაფუარში კი, მიუხე-
დავად სიღატაკისა, წყაროსავით ხჩქეფდა სი-
ცოცხლე. აქ ყველაფერი საინტერესო და სა-
სიხარულო იყო.

ბატო-ლიაფუარში ნამდვილი არსტიკული
ბოპემის ატმოსფერო სუფევდა. რომელიც
შორს იდგა უოველგვარი თავაშვებული ღრეო-
ბისა და „კომპანიურობისაგან“, თუმიცა ღვიწო
აქაც ცოტა როდი ისმებოდა. ბატო-ლიაფუარის
ბოპემა განსაკუთრებული ნიჭიერებით გამოიჩ-
ნებოდა და ეს ყველაფერში იჩენდა თავს: ლექ-
სთა ნიაღვარი იქნებოდა ეს თუ მწვავე კამათი
და შეხლა-შემხნდა ესთეტიკის საკითხებზე,
გაუთავებელი იმპროვიზაციები და გამონაგო-
ნები თუ ანაწდელი გამოხმაურება უოველ-
ივე ახალზე, რაც კი ლიტერატურისა და ხე-
ლოვნების სფეროში ხდებოდა. უოველივე ამას,
რასაკვირველია, თან ახლდა ახალგაზრდული
შემოქმედებითი მკვნიებარება, ტრადიციების
უარყოფა, ამბობება ხელოვნების პატრიარქთა
წინააღმდეგ. ტყუილად როდი ამართებოდა აქ

კონსტიტუციური წარმოდგენები, რასაც თან
ახლდა გაუთავებელი სიცილ-ხარხარი, წარმო-
ადგენდნენ სრულიად განმართელი სარა ბერნა-
რის ხაზეიმო დაკრძალვას, აწყობდნენ ტრაგე-
დია „პრიშალონა და სუფლიორის“ იმპროვიზა-
ციას. განსაცვიფრებელი შარყებიცა და მომაკ-
ვდინებელი კალამბურებით ანადგურებდნენ სა-
ეგვლო დიდებით მოხილ აკადემიურ სახელებს.

მაგრამ აქ, ბოქემის მხიარულსა და უზრუნ-
ველ ატმოსფეროში, იშვია და მომწიფდა ისეთი
ხეროლზული მოვლენა მხატვრობაში, როგორც
იყო, მაგალითად, კუბიზმი. ამ ათახნაირ ხუმ-
რობასა და გართობა-თამაშობაში იმალებოდა
და მერე მოულოდნელად იჩენდა თავს შემოქ-
მედებითი მაგნიტები, რომლებიც საოცარი ძა-
ლით იწიდავდნენ ახალგაზრდებს.

ბატო-ლიავუარის ინტელექტუალური ცენტ-
რი იყო აპოლინერი, აღიარებული ავტორიტე-
ტი და ესთეტი, რომლის შეხედულებებს აქ
ყველა პატივს სცემდა, დაცინვისა კი ყველას
ეშინოდა. უზარმაზარი ერუდიცია, რომელიც
მოიცავდა ყველა ხალხისა და ყველა დროის
ლიტერატურასა და გამომსახველობით ხელოვ-
ნებას, ერწყმოდა ახლის ძიებებისა და ახალ
წამოწყობათა დაუდგრომელ სურვილს შემოქმე-
დების ყველა სფეროში, როგორც პოეტი,
იგი ამ დროს ჯერ კიდევ არ იყო ჩამოყალიბე-
ბული, ადრეული რომანტიზმიდან თანადროულ
სოციალურ თემებზე გადახვლის პროცესში იმ-
ყოფებოდა და უმთავრესად ლექსთა წყობის

ანონიზებული ფორმების ნგრვეით იყო გა-
ტაცებული. აპოლინერის საუკეთესო პოეტური
კრებულები, რომელთაც შემდეგ დიდი გავლენ-
ა მოახდინეს თანამედროვე ფრანგულ პოეზია-
ზე, ჯერ კიდევ შექმნის პროცესში იყო („ალ-
კობლი“), ანდა მთლიანად მომავალს მიეკუთ-
ვნებოდა („ალიგრამები“). მაგრამ როგორც
კონსტიტუციის იმთავითვე დიდი გავლენა ბქონდა,
რადგან უნარი შესწევდა გაეყოლებინა ახალ-
გაზრდა პოეტები და მხატვრები თანამედროვე
ფორმათა ძიების პრობლემებისაკენ, რაც მას
პირველხარისხიან ამოცანად ეხაზებოდა, იგი
ვინაა კუბიზმის ერთ-ერთი ფუძემდებელი და
შემდეგში დაწერა ცნობილი სტატიები: „ფერ-
წერის შესახებ“, „ახალი მხატვრები“, რომლე-
ბიც გააერთიანა შემდეგ ერთ წიგნში — „მხა-
ტვარი-კუბისტები“.

თუ აპოლინერი ბატო-ლიავუარის მკვიდრთა
და აქ თავშეყრელთა ინტელექტუალურ ბელა-
დად ითვლებოდა, მერე პოეტი — მაქს ეაკო-
ში სული და გული იყო ამ „ბანდისა“, რო-
გორც ისინი უწოდებდნენ თავიანთ თავს. აღ-
ხათ პირველად მან მოიყვანა აქ მოდილიანი,

— მას ხომ განსაკუთრებული ნაჭი ბქონდა —
გაეცნო, დაეკავშირებინა, ერთმანეთთან დაეაბ-
ლოვებინა ტალანტები, რომლებიც იგივე იყო
ალტაცებული.

ამ ფანტაზიორს, „ვენიონერს“ მკოცნებს,
ლექსად თუ პროზად დაწერილი უცნაური ზღა-
პრების ავტორს, დაუცნობელ იმპროვიზა-
ტორს და დაუჭერებელი წარმოდგენების გა-
მომგონებელს, ამავე დროს საოცარი უნარი
ბქონდა, მეტისმეტად გულისხმიერი და უურად-
ღებინანი ყოფილიყო ადამიანების მიმართ, მთელი
სულითა და გულით გაეწიარებინა სხვისი
მწუხარება. მის დეკადენტურ მისტიკას, აღმაფე-
რენას თუ უფსკრულში დაშვებას, მის რიტმულ
და ბგერით ძიებებს ხშირად თან სდევდა უცეკ-
რი, გულწრფელი შიში, მოახლოებული ის-
ტორიული ტრაგედიის წინათგრძნობა, ხალხ
ამ სიტყვებისა და ბგერების ვირტუოზული
თამაშის მიღმა ხშირად ბოროტი სარკაზმი იმა-
ოებოდა „მაძღართა“ მიმართ.

ეს გარეგნულად თითქოს უზრუნველი ღენ-
დი, რედინგოტსა და ცილინდრში გამოწყობი-
ლი, ბაფთით ჩამოკიდებული მონოკლით, მონ-
დენილი შაკეტით და გახამებული გულისპი-
რით, ქონით ხელში, ზოგჯერ პირველ ლაძა-
ხებისთანავე გაცხარებული გარბოდა წაყინე-
ლავებული მეზობლების დასაშოშმინებლად. ან
ვიღაცის დასახმარებლად, ვინმეს დასახსნელად
უბედურებისაგან, მუდამ მზად იყო, ვიღაცას
ამოსდგომოდა გვერდში ანდა უბრალოდ საჭ-
მელი მაინც მიეტანა. უბანში ყველა იცნობდა
მას, ყველას უყვარდა, თუმცა აბარებულ ადამ-
იანად კი მიიჩნდათ, ცოტა შერყუილადაც,
ცოტა სასაცილოდაც, თითქმის ყველამ იცოდა,
რომ „დენდიზმის“ ამ ელდგანტურ მორთუ-
ლობას ხანში მისვლისთანავე საგულდაგუ-
ლოდ შეინახავდა ძველ ზანღუკში, სამუშაო მა-
გიდას კი ფრთად ნიჭმეცვლილი ძველი კოფ-
თით მიუჭდებოდა, ხალხ მისი ფილანთროპიის
წყაროს ძალიან ხშირად შეადგენდა ვინმე
კონსიერუი ქალისაგან კარტზე მკითხაობაში
აღებული ზონორარი. პიკასოს აქვს ერთი
პორტრეტი — უაკობი იატაკზე წის თავის
წიგნებს შორის.

მაქს ეაკობიც აქვე, ბატო-ლიავუარის მამ-
ლობლად ცხოვრობდა, იმავე რავინიანას ქუ-
ჩაზე, მის პაწაწინა ბინაში, რომელიც სანი-
ბეროდ სარდაფს წარმოადგენდა, ყოველთვის
ბნელოდა, დღისითაც კი ანთებული ღამბა ედ-
გა მაგიდაზე, გაივლიდით კატების და წარცხის
სუნით აშშორებულ პატარა ეზოს, ხალაც კედ-
ლებზე ფერადი ცარციოთ ზოდიაქოს ნიშნები
იყო გამოყვანილი, და, როგორც კი კარის

საფუძვლად ვადასაბუთებდით. მაშინვე ხუროთბძულად დაიწყო მუშაობა. დერეფანშიც კი ხუროთბძულად იყავით. მათგან ბევრი იყო მეგობარი მეტეორების მახურობი, ბევრი კი ხაკუთარი, რომელთაც ხუროთბძულად არ ეტყობოდათ დიდიხანის ხელი. ამ ხარდადში, სადაც ყველა „ხელმოწევის ადამიანი“ სახურველი სტუმარი იყო ყოველ დროსა და ყოველ ხანას, სადაც დუმილზე უფრო დუმილი გაზიზნული ყავადანი, საკმედი კი არაფერი ჰქონდათ, სხვადასხვა დროს გაიარა ღერწობის, გრაფიკის და ქანდაკების მთელმა რგოტმა წოდებულმა „პარიზის სკოლაში“ (L'Ecole de Paris). მოდილიანოდ, როგორც ბევრი სხვა, ხშირად შემოდის აქ და დიდხანს რჩებოდა.

პოეტურმა მიხტიკამ, ჩაშაც შექმნა მაქს უაკობის „ექსტაზები, ხილვები, ვოდებიანი, ლოდებიანი, პოდებიანი და ოდებიანი“ (ასე განსაზღვრა მან ერთხელ თავისი ღირსიანი უარები) მიიყვანა იგი რუსოლოგიური მიხტიკაშიდრე, პრავინციული, დარბილი ებრაელი თერძის შვილი, როგორც იტყვიან, „ბოქმის ტიპიური წარმომადგენელი“. მოულოდნელად თავგამოდებულ კათოლიკულად იქცა და მოუხშირა ეკლესიაში სიარულს, რითაც თავისი უახლოესი მეგობრებიც კი განცვიფრებულნი მოიყვანა. თუშცა ამას ბედი არ შეუშლია: ნათელი ხატოვანების სახარებლოდ ურბად თავისუფლად შეხებოდა საღმრთო ოქმას, როცა ღიქსს უქდგნოდა იქვე შეზობლად მდებარე საკრეკიორის ეკლესიას.

ღმერთი იქა ზის, თავის ცხე-ღარბაში, ღამდამოძილ შუტნი გამოყროის მისი
სარკმელადან,
ღამით შორიდან ვხედავ მის სასაბლეს,
სისვეტიის ტორტივიით მადლს და მოხატულს.

უაკობის ერთ გვანდელ ღიქსთა კრებულში — „ცენტრალური ლამორატორია“ — არის ასეთი ღიქსი: „მატონ მოდილიანის, რათა მან ირწმუნოს, რომ მე პოეტი ვარ“. ამ ღიქსში, რომელიც რაღაცათ ოდნავ მოგვაგონებს ანაღვარდა მიაკოვსკის ანტონაპიებს, კვლავ გამოყვანილი მყავს ღმერთი, რომელმაც მდივნად პოეტი დაინიშნა და გასაშიფრად მისცა თავისი წიგნი. მართლაც ყოველ ღამით პოეტი ამ საქმით არის გატაცებული, ირგვლივ კი დაფრინავენ თავბელი ღემონები და ცდილობენ წარტაცონ ახლა უკვე ხერხოს საიდუმლო პოეტისა და ღმერთისა, არც ეს არის მანცვდამაინც ორთოდოქსული ახლად მოქცეული სათვის.

ჩვენ არ ვიცით, რა ხაუუძველი გააჩნდა მაქს უაკობს დაეშტკიცებინა თავისი ძველი მეგობრისათვის, რომ იგი პოეტია. თუ ვიმხვე-

დებთ ორი ხანელგანთქმული პორტრეტით, რომლებიც შექმნა მოდილიანმა 1918 წელს, მხატვარმა ეს იცის და ღრმად აქვს შეგნებული. ოდონდაც ერთ პორტრეტზე იგი იმგვარი პოეტია, რომელიც დამტრუნებელი ხრონიზი ცდილობს დამალოს თავისი ტრეშეაქტი სანტა და მაღალი საზოგადოების ადამიანად მოგვაჩვენოს თავი, მეორეზე კი მოულოდნელად წარმოგვიდგება ყოველგვარი ნილაბისა და „დროის მონაბერი“ მოდურობის გარეშე, ღრმა შემოქმედებითი შთაგონების წუთებში, ფიქრებში ჩაძირული ან იქნებ საშინელი წინათგონობით დამძიმებული. მაქს უაკობმა არაერთხელ უწინასწარმეტყველა თავის თავს ტრაგიკული დასასრული — „პოეტის გოლგოთა“ (1914 წელს, ოკუბაციის დროს, იგი ტყვედ შეიპყრეს გერმანელმა ფაშისტებმა და გაგზავნეს დრანსში, რათა იქიდან ოსვენციმიში გადაეყვანათ, მაგრამ ოსვენციმიში გაგზავნა აღარ დახცადა, იგი დრანსში გარდაიცვალა ბარაკის ტუჭუოან იატაკზე, სადაც უკანასკნელ წუთამდე ნუგეშს აძლევდა და ამხნევებდა თავის ბედში მყოფთ).

ხატო-ლიავუარის შესამე და შეიძლება ყველაზე უფრო ძლიერი მიწიდვის ცენტრი, რათქმა უნდა, პაბლო პიკასო იყო. როგორც მაქს უაკობი, ისიც აქ „უფროსად“ იყო აღიარებული, თუშცა 1906 წელს მას მხოლოდ ოცდახუთი წელი შეუსრულდა. მაგრამ ამ დროისათვის მან, როგორც მხატვარმა, უკვე მოასწრო განვითარების ისეთი გზა გაეფლო, რომელმაც თავის მხრივ შეიძლება ერთი მთლიანი შემოქმედებითი ცხოვრება დაიტოოს. ამ საოცარ გზაზე სწავლების წლები მისთვის იგივე აღმოჩენების წლებად იქცნენ. გავლენები (სუბანი, ტულუზ-ლოტრეკი) თითქოს მთლიანად მხოლოდ იმიტომ წარმოიქმნებოდა, რათა მაშინვე დაეძლია და ამით კიდევ უფრო გაემდიდრებინა საკუთარი თვითმყოფადობა. დროის თვალსაზრისით მოკლე შემოქმედებითი ეტაპები, რომლებიც წარმოიქმნებოდნენ მსოფლმხედველობის სახლის შედეგად, ყოველთვის აღმოჩენდა ხოლმე მასში ოსტატობის ახალ ბუნებას. პიკასოსაგან სწავლა ძნელი იყო, მაგრამ არც გვერდის ავლა შეიძლებოდა. მისი გაკვეთილი, პირველ ყოვლისა, შემოქმედებითი ნებისყოფის გაკვეთილი იყო. იგი თითქოს დაეჭვებისა და ხაკუთარი თავით დაუკმაყოფილებლობის ბორცუებსმა იყო. მისი თავგამოდებული შტრებიც კი აღტაცებულნი იყვნენ უანგარობით რასაც იგი თავის მიღწევებისა და დიდების მიზართ ამუღავნებდა. მას დაუნანებლად შეეძლო უარი ეთქვა იმაზე, რასაც ის იყო მიადწია, რაც უკვე ბევრს მოსწონდა და აღელვებდა.

როცა მოდელიანი პიკასოს შეხვდა, იგი ერთი ამგვარი მძაფრი შემობრუნების პროცესში იმყოფებოდა. მან უარყო თავისი ნაწი შეუქით განხვივოსნებული „ვარდისფერი პერიოდი“, მისი ფსიქოლოგიურად გამჭვირვალე ხილრმეები, პლასტიკური სისავსებები და ახლა გატაცებული იყო „ავინიონელი ქალიშვილებით“. ეს ერთი იმ ნაწარმოებთაგანია, რომლის შესახებაც პიკასოსათვის ისეთი უახლოესი მხატვარიც კი, როგორც უორტ ბრაკი იყო, ნებას აძლევდა თავს. უთქვა: „პიკასო ზოგჯერ ნავთს გვასმევს და ბამბას გვაკმევს“. ნაცვლად სულ ახლანდელი პოეტური სახეებისა, ქალღურობისა და დედობისა, მის ახალ, უწარმაზარ ტილოზე გამოჩნდნენ განზრახ დამახინჯებული, დეფორმირებული, ადამიანის მსგავსი არსებანი, გამოსახულნი უბეში გრაფიკული სქემატურობით და უსიცოცხლო კოლორით. ეს საძაგელი მოტივები, მოკლებულნი ყოველგვარ პერსპექტივას ან რაიმე გრძობიერებით აღქმულ ატმოსფეროს, დემონსტრაციული არაბუნებრივობით არიან განლაგებული ტილოზე, თითქოს მიგვანიშნებენ, რომ შესაძლოა მათი დანახვა ერთდროულად სხვადასხვა თვალსაზრისით, ერთი პროფილით შებრუნებული და ამავე დროს პირდაპირ მისჩერებია მაყურებელს ძველ ეგვიპტურ უაიდაზე სტილიზებული თვლით; სხვანი — ზოგი ზურგით შებრუნებული, ზოგი გვერდშექცევით, დანარჩენებიც არაფრისმოქმელ პოზაში გაშეშებულიან. ეს იყო სურათი, რომელშიც აშკარად ჩანს რაღაც პრინციპულად ახალი სტრუქტურის პრეტენზია და განსაკუთრებულ აღქმას მოითხოვდა. ეს გახლდათ სურათი-ექსპერიმენტი, სურათი-დეკლარაცია, აშკარად პოლემიკური და გამომწვევი, მიუხედავად არცთუ მთლად აშკარად გამოსატული პროზაული კოლორიტისა. ეს იყო მაუწყებელი ახალი მიმართულებისა თანამედროვე მხატვრობაში, რომელიც მალე კუბიზმად მონათლეს და რომლის თავგამოდებული დამცველები გახდნენ აპოლინერი და ეაკობი.

ამაზე ცოტა ხნით ადრე კი „შემოდგომის საღონის“ ერთ-ერთ დარბაზში გამოჩნდა სურათები, რომელთაც გააოცებ მაყურებელი უპირველეს ყოვლისა არჩვეულებრივად მჭაბე ფერების არნახული სიკაშკაშით. მთლიანია, წმინდა ფერი და მხოლოდ ფერი, ყოველგვარი სხვა ელფერის შეურევლად. ეს ფერი ბატონობდა ყველაფერზე თავისი დამამბრმავებელი სიმძაფრით. ზღვა და მიწა, სახლები და ხეები, ადამიანთა ფიგურები და სახეები მხოლოდ ფერითა შეუოკებელი დღესასწაულის საბაბი გამხდარიყო. ხავანთა ფერების აღქმის სუბიექტურობაში ინსტინქტის ძალა მოიპოვა, რასაც ვე-

ლარაფერი აოკებდა: ცა შეიძლებოდა ზურმუხტისფერი მწვანე ყოფილიყო, მიწა — წითელი, ხისხლისფერი, სახურავი — წარმოუდგენლად ლურჯი, ხეთა ღეროები, ქვემოთ რომ სანჯურისფრად იწვოდა, ზევზე მოუდუნებლად გადიოდა ოქროსფერსა და — ყოფილთაში პორტრეტებზე ერთ რომელიმე ფეროვან ზოლს შეეძლო დაემორჩილებინა მთელი სახე და განესაზღვრა სხვა დანარჩენი წმინდა ფერის მაფორმირებელი ზონები. წინახწარ გამორიცხული იყო ყოველგვარი მინიშნება მოცულობის მოდელირებაზე, ილუზიურ შუქ-ჩრდილებზე, რაიმე ფსიქოლოგიურ გამომსახველობითობაზე. ასე დაიწყო „ფოვიზმი“, რომელსაც მეთაურობდა მატისი და რომლის ირგვლივ შემოიკრიბნენ მაშინ ვლამინკი, დერენი, ფრიეზი, მარკე, ვანდონგენი, სახელწოდება „კუბიზმი“ და „ფოვიზმი“, ერთი და იმავე წარმოშობისაა. იგი მოიგონა კრიტიკოსმა ლუი ვოკსელმა. სიტყვა „კუბიზმით“ იგი შეეცადა განესაზღვრა პიკასოსა და მისი მიმდევრების ახალი მიმართულების არსი და ამით წინა პლანზე წამოიწია მათი მიდრეკილება განსაზღვრული, გეომეტრიულად გამარტივებული სახისა და კომპოზიციისადმი.¹ „ფოვიზმი“ წარმოსდგება ფრანგულად სიტყვისაგან „fauve“, რომელიც გამოსატყვევების, მხეცის გაშმაგებას. ეს უკვე ტერმინი კი არა, უფრო ემოციაა, ზუსტი ეპითეტი, რომელიც წამოსცდა კრიტიკოსს ამ დაუოკებელად „ველური“, ხტიჭიური სინათლისა და ფერის უჩვეულო შერწყმის ხილვისას მატისის, ვლამინკის და სხვათა ტილოებზე.

ერთი ხანია ბატონ-ლიავუარი კუბისტებსა და ფოვისტებს შორის ატეხილი გამძაფრებული დისკუსიების არენად იქცა. თუ ამ კამათის უშუალო მონაწილეების მოგონებებს დავეყრდნობით (მაგალითად, შორის რეინალდი), კამათი შემოფარგლული იყო მხოლოდ მხატვრული ფორმის შემდგომი განვითარების პრობლემებით. კითხვა — საით წასულიყვნენ შემდეგ? — მხოლოდ ამ თვალსაზრისით ისმებოდა. მოკამათებებს არ აინტერესებდათ არც სოციალური მონაარსი, არც ფსიქოლოგიური შესაძლებლობანი და არც თვით „გამომსახველობა“ გამომსახ-

¹ სხვა ცნობებს თუ დავუჯერებთ, პირველად პატარა კუბებზე ლაპარაკი წამოიწყო ანრი მატისმა და ეს დაკავშირებული იყო ბრაკის სურათთან „სახლი ესტაკეში“. როცა უტრილო მონმარტრზე, რომელიც ლუქანში შესულა, სადაც კედლებზე ეკიდა კუბისტების პირველი ნაწარმოებები. მაშინვე გულმოდგინედ შესდგომია კუბების დათვლას, ეტყობა, რაღაც გასართობ თამაშობად მიიღო ეს.

ველომბითი ხელფანტებასა. ასანა ერთნაირად უა-
რყოფდნენ ფსიქოლოგიურა რეაქციას უოვე-
ლგვარ გავლენას ანდა მხატვრის რაიმე სოცია-
ლურად განსაზღვრულ შემოქმედებით ინტე-
რებს. წინასწარ იყო გამოცხადებული, რომ
ყოველივე ამას არავითარი კავშირი არა აქვს
ხელფანტებასთან და ახურად იგდებდნენ.
როგორც ყოფიერ, პროზაულ შემოხვე-
ვითობას, ბილწ „ანეკდოტს“, ახვევ უარყოფ-
დნენ აგრეთვე ყოველგვარ „რენესანსულ“ პერ-
სპექტივებს, რაც არ უნდა ილუზიური ყოფი-
ლიყო იგი. და რენესანსთან დაკავშირებულ
გამომსახველობით საშუალებებს მხატვრობაში.

ორივე ჯგუფმა აიტაცა და უკიდურესობაში
დღ მიიყვანა სეზანის უველაზე უფრო მძაფრი.
დაუჭერებლად მიბერბოლიწირებული აზრები
მხატვრობაზე, ამოგლიჯეს ისინი მისი რთული,
შინაგანად გადანლართული, ცოცხალი შემოქმე-
დებითი გამოცდილებიდან. კუბისტებს უველა-
ზე მეტად ნიბლავდა სეზანის მოთხოვნა, ეძიათ
ყოველი მოვლენის არსში უბრალო, გეომეტრი-
ული ფორმები (კუბი, კონუსი, წრი); ისინი აკა-
ვშირებდნენ ამ პრინციპს ძველი, პრიმიტიული
ხელფანტების ხერხების გამოყენებასთან. ფოვის-
ტებისათვის უველაზე უფრო ახლობელი იყო
სეზანის აზრი ფერის სუვერენულ შეუფოხაზე:
„რაცა ფერი სიმდიდრის ზღვარს აღწევს. ფორ-
მა უკიდურეს სისავსეს დებულობს“. სეზანის
მეხვედრეობასთან ერთად მათთვის ბევრის
მთქმელი იყო აგრეთვე გვიანდელი გოგენის
ეგზოტიკურად გამძაფრებული ზღაპრულობა და
ვან გოგის მძვინვარე აღსარება.

განსხვავებული იყო მათი დამოკიდებულებაც
იმპრესიონიზმისადმი. ფოვისტები არანაკლებ
მნიშვნელობას ანიჭებდნენ შთაბეჭდილების
უშუალობას, ფუნჯით ატაცებულ წუთიერ
თრთოლვას, თუმცა ყოველივე ეს მათში მო-
ცემული უნდა ყოფილიყო უფრო მტკიცედ.
უფრო მონუმენტურად, მეტი კომპოზიციური
გამოკვეთილობით. პიკასო იმპრესიონიზმის
შესახებ გამანადგურებელი კატეგორიულობით
აცხადებდა: „მათთან მხოლოდ ამინდს ხედავ,
მაგრამ ფერწერას არა“. უნდა ითქვას, რომ
მოხუცი დეგა, როცა პაწველიად გაეცნო კუ-
ბისტების შემოქმედებას, ვალში არ დარჩა
მათ: „მე მგონია, ეს ახალგაზრდები უფრო მეტს
ეჭიდებიან, ვიდრე ამას მხატვრობა მოითხოვს“.
კუბისტებმა, როგორც ამას მორის რენალი აღ-
ასტურებს, ამჟობინეს კომპლიმენტად მიეღოთ
ეს.

ძირითადად დაგობდნენ იმაზე, თუ რის შე-
დეგად უნდა წარმოშობილიყო ეს ახალი ფორ-
მები — მხატვრის მიერ ბუნებისა და საგნების
უშუალო, სტიქიურა აღქმისაგან ოფ მოვლენის

„შინაგანი არხის“ გონივრული ანალიზისაგან.
ფოვისტების მოხაზრება, რომ უშინდა ფერის
„აუორდების“ შემოწმებით შესაძლებელია შეი-
ქმნას პერსპექტივის, გოგულობის, და განათ-
ების ახალი პრინციპები, ეჭაბებოდა კუ-
ბისტების ფერთა ასკეტიზმს (შემდეგ ზოგი-
ერთმა მათგანმა დაარღვია ეს პრინცი-
პი), საგნის ტიპური ელემენტების გეო-
მეტრიულ სქემას, მათ სურვილს, რომ მა-
ყურებელს აღქმის პროცესში თვითონვე გაე-
შიფრა ამ ელემენტების ურთიერთკავშირი და
წარმოსახვის შემწეობით ერთ მთლიანობად
ექცია.

„კუბიზმი — ეს აუცილებელი რეაქციაა, რომ
შელმაც უნდა წარმოშვას დიდებული ქმნილე-
ბები, მთუხედავად იმისა, გვაქვს თუ არა ამის
სურვილი“, — წერდა შემდეგში აპოლინერი.
— „სუფთა ფერწერა — აი, რას აღწევენ თანა-
მედროვე ახალ მიმართულებათა ახალგაზრდა
მხატვრები. ეს სრულიად ახალი პლასტიკური
ხელფანტებაა“, — ამბობდა იგი და თვითნებუ-
რად ნათლავდა სტიქიურ კუბისტებად ზოგიე-
რთ მათ მოწინააღმდეგესაც კი. იგი იწონებდა
კუბისტურ ძიებებს „მეოთხე განზომილების“
შესაქმნელად, რომელიც „წარმოადგენს სივრ-
ცის უსაზღვროებას და გარკვეულ მომენტში
მარადიულობას ანიჭებს მას ყოველ მიმართუ-
ლებაში. სწორედ ეს არის თვით სივრცე, „გან-
ზომილება“ უსასრულოობისა. იგი განსაზ-
ღვრავს საგანთა პლასტიკურობას“.

მოდელიანის მეგობრები იყვნენ პიკასოც და
გრისიც, დერენიც და ვლამინკიც, კუბისტებიც
და ფოვისტებიც, ისიც მათი ძიებებისა და კა-
მათის ატმოსფეროში ცხოვრობდა, მაგრამ არ
მიკედლებია არც ერთსა და არც მეორეს. თუ-
მცა ეს ბუნებრივი უნდა ყოფილიყო ახალგაზ-
რდა მხატვრისათვის, რომელსაც აწვალებდა სა-
კუთარი გზის გაურკვეველობა. გარდა ამისა, სე-
ლარიბეც სტანჯავდა. ფოვისტები და განსაკუთ-
რებით კი კუბისტები ძალიან მალე მოდაში შე-
მოვიდნენ. მათ სურათებს ყიდულობდნენ, აგ-
როვებდნენ. — ერთნი ვულწრფელი გატაც-
ებისა, მეორენი კი სნობიზმის გამო. მოდელია-
ნიმ კი მარტოობა ირჩია და ამას ჩვეულებრივ
ამით ხსნიან, რომ მან ვერ მიაღწია თანამედ-
როვე მიმართულებების „მოწინავეთა“ სიმალ-
დემდე. მაგრამ ამ მიმართულებებმა ხომ მრავ-
ალი წლის მანძილზე შეინარჩუნეს გავლენა,
მოდელიანის კი თავისი აუვაგების წლებშიც ვუ-
ღვრილი იყო მათი ენთეტიკური საფუძვლები-
სადმი, თუმცა იყენებდა მათ ხერხებს. ამასთან
იყენებდა ყოველთვის გაბედულად, თავისი გა-
ნსაკუთრებულმა მიზნებისათვის და გარკვეული
შემოქმედებითი ღიაბეჭებისათვის (ახე შეიძლე-

ბა იფიქრო, მაგალითად, როცა უკუბრუნდებიან თვითნებურ, კუბისტურ შერწყმას. თავისებურ „დაკუთხვას“ მის შემდგენლობაში ირონიულ თუ ნახევრად ირონიულ პორტრეტებში. შეიძლება ასევე მიიღოს, ეტუობა, ფოფიზმიდან გამომდინარე, ფერების გადასხმვა ერთი ფერიდან მეორეში, რაც დამახასიათებელია ზოგიერთი მისი უმცველი ნატურისათვის).

1907 წელს მოდილიანიმ პირველად გამოიტანა თავისი ნაწარმოებები გამოფენაზე პარიზში. პირე ხიშელიმ „შემოდგომის სალონის“ არქივების საშუალებით წყუხტად დაადგინა, რომ ოქტომბრის გამოფენაზე გრან-პალეს შენობაში მან გამოფინა შვიდი ნაწარმოები (ხუთი აკვარელი, „ლ. მ-ს პორტრეტი“ და „თავის ეტიუდი“). „მოდილიანი ამდღეს, იტალიელი, წარმოშობით ლივორნოდან, მცხოვრები — გ. ბ. კლემანის მოედანი, 7“.

1908 წელს მოდილიანიმ „დამოუკიდებელთა სალონში“ გამოფინა თავისი ხუთი ფერწერული ტილო. მათ შორის იყო შემოთ ნახუნგები „ებრაელი ქალი“, რომელსაც იგი, როგორც ამბობენ, ძალიან დიდ მნიშვნელობას ანიჭებდა (იშვიათი მოვლენა საკუთარი თავის შეფახებას) და „ზეზე მდგომი უმცველი ნატურა“ ამ „პატარა ეანა“ (ეს რომ არ იყო ის ნიუ, ასე რომ მოეწონა ლიატურეტს, ავტორისაგან მომავალში ასეთ დიდ შრომას რომ მოითხოვდა?). ორივე ეს ხურათი ხულაც არ წარმოადგენს დამწყებების უნიათო მცდელობას. ლიტერატურაში მათ ასახელებენ მოდილიანის ადრეული, მაგრამ უკვე მომწიფებული ოსტატობის ნიშნუშებად. ასეთივე ოსტატობით იქნა შესრულებული ცოტა უფრო მოგვიანებით „ასოთამწყობი პედრო“ და „ლივორნოელი მათხოვარი“. საქმარისია შევხედოთ ამ ნაწარმოებებს თუნდაც რებროდუქციებში, რომ ვიგრძნოთ რაღაც პრინციპულად საწინააღმდეგო იმისა, რასაც ძირითადად ფორმის ნოვატორები მოითხოვდნენ. ეს არის სწორედ სოციალური და ფსიქოლოგიური სინამდვილის ის „ანეკდოტი“, რასაც ისინი შეუფერებლად მიიჩნევდნენ მაღალი ხელოვნებისათვის. ასეთივე „ანეკდოტებს“ წარმოადგენენ მოდილიანის მაშინდელი ნახატებიც. შემთხვევითი არ არის, რომ მოდილიანის ერთ-ერთი ბიოგრაფი, რომელსაც ბედნიერება ჰვდა ენაბაძნელად მისაღწევ კერძო კოლექციისაში ბევრი მისი ნახატი, ამბობს, რომ ისინი გვაგრძნობინებენ „სიღარიბე და მწუხარებას“, რომ შესრულებული არიან „სოციალური სულისკვეთებით“ და ამ თვალსაზრისით მდნავ „ლიტერატურული ელფერიც“ დაპკრავთ, რომ მათში იგრძნობა „სტილიზაციისა და ლოტრეკის გავლენა“.

ის, რაც მოდილიანიმ 1908 წელს „დამოუკიდებელთა სალონში“ გამოიტანა, ძირველ ყოვლისა დამოუკიდებელი იყო კვლევის უნაღები მიმდინარეობებისაგან მხატვრობაში. მის ფერწერულ ტილოებსა და ნახატში (ნახატი რატომღაც მხოლოდ ერთი აუტორიზაციის) იგრძნობოდა ის, რაც არ შეიძლება უკუთხდეს არც კუბიზმის გეომეტრიულ მეთაფიზიკაში და არც „წმინდა ფერის“ ორგინებში მატების ან ვლამინკის ტილოებზე.

მოღუშულ კოლორიტში, რომელიც ჯერ არ გაენათებინა რაიმე პოეტურ აღმოჩენას, ნახატში, რომელიც ჯერ კიდევ საბაბს გვაძლევდა გველაპარაკა ამა თუ იმ გადღენაზე, მთავარი იყო სახე, ამოღებულთი თანამედროვე ცხოვრებიდან, სახე ცოცხალი ადაშიანისა, მისი ხახიათი, მისი ბედი, რომელიც უეცრად ასე ახლოხელი აღმოჩნდება მხატვრისათვის და ათხოვდა მისგან თანაგრძნობასა და ამოცნობას.

გამოფენილ ხურათებს არაფითარი წარმოეტება არ მოჰყალიბა. მოდილიანი მაშინ ეჩვენათ უფერული, ძველმოდური, პროვინციული, უოველ შემთხვევაში, ნაკლებად საინტერესო. შეიძლება იმითომაც, რომ შეტახმეტად ნათელი და მოულოდნელი იყო გარემო საზოგადოებისათვის.

მხოლოდ ერთ მის ერთგულ მეგობარს, რომელიც არცთუ ისე დიდი ხნის წინათ გაიცნო მონმარტრზე, კვლავ უხიტყვოდ ხჯეროდა მისი და კვლავ ძველებურად იყო მისათ აღტაცებული. ეს გახლდათ ახალგაზრდა ექიმი სახელად პოლ ალექსანდრი, მაშინ ლიაბუფეშერის საავადმყოფოს ინტერნი, ენთუზიასტი, უფაქიშესი სულის რომანტიკოსი, რომელიც შეიძლება უფრო მეტად იყო გატაცებული თანამედროვე მხატვრობით, ვიდრე თავისი უანგარო, კეთილშობილი მოღვაწეობით მედიცინაში. მან მაშინვე შეიყვარა მოდილიანის ტალანტი. მანვე აიძულა ჩაწერილიყო „დამოუკიდებელთა სალონში“ და მონაწილეობა მიეღო მორიგ გამოფენაში. ახლა იგი გახდა მისი ხურათების ერთად-ერთი შემხუიდეველი, თუმცა ნაკლებად გააჩნდა ამის საშუალება. ახე დაედო ხათვე მოდილიანის ტილოებისა და ნახატების კერძო კოლექციას, რომელსაც დღემდე ბადალი არა ჰყავს, უოველ შემთხვევაში რაოდენობითა და ადრეული პერტიდის ნაწარმოებთა მხატვრული ღირებულებით, მოდილიანიმ ოთხგზის დახატა პოლ ალექსანდრის ფერწერული პორტრეტი, მრავალი ნახატი შექმნა. დახატა მისი ძმისა და მამის პორტრეტი. პოლ ალექსანდრის წყალობით გაიცნო აგრეთვე მოდილიანიმ სეზანის შემოქმედება ისე, როგორც საჭირო იყო. მათ ერთად ინაწილებს სეზანის პირველი რეტროსპექტული

გამოფენა, რომელიც მალე გაიხსნა დიდი მხატვრის გარდაცვალების შემდეგ. როგორც პოლ ალექსანდრე გვიამბობს, ეს გამოფენა თავზარდამცემი აღმოჩნდა მოდილიანისათვის.

სეზანის შემდგომმა დიდმა გამოფენამ 1909 წელს კვლავ ერთიანად შესძრა მოდილიანი და, როგორც ამბობენ, სეზანის გავლენა უშუალოდ აისახა მის შემოქმედებაში. ყველაზე ხშირად და, ვფიქრობ, სამართლიანადაც, „სეზანიზმს“ ხედავენ მის სურათში „ვიოლონჩელისტი“. მას უპირისპირებენ კიდევ სეზანის სურათის „წითელყიღეტეანი კაბუკის“ ერთ-ერთ ვარიანტს, რომლის რეპროდუქციასაც, როგორც ამბობენ, ყოველთვის ჯიბით ატარებდა მოდილიანი. ეს კონკრეტული მაგალითი დავას არ იწვევს, მაგრამ იქნებ გაცილებით მნიშვნელოვანი იყოს, გამოვძებნოთ რაღაც უფრო მეტად საერთო, უფრო რთული, უფრო ძნელად შესამჩნევო შინაგანი კავშირი.

იმ დროს სეზანის მაგალითი ბევრ მხატვარს რაღაც უფრო მეტს ასწავლიდა, ვიდრე მხატვრობის ხერხები იყო. აი, ერთი, ამ თვალსაზრისით დამახასიათებელი, გამოძახილი მისი პირველი გამოფენისა, მხატვრის გარდაცვალების შემდეგ რომ მოეწყო: „ვიწრო ტალღზე სეზანი ახერხებს სხვანაირად მოაწყოს სამყარო. იგი ზუსტია და ამავე დროს გაიძულეებს იოცნებო. მისი ტილო, მართალია, თავისთავად არსებობს, მაგრამ მთლიანობაშია გარემო სამყაროსთან. ეს საკუთარი მარშონის სისავსე ამავე დროს ნაწილია სამყაროს საერთო მარშონისა... ეს ჩაწყობილი, შემკიდროებული პეიზაჟები თავის თავში იტყვენ სხვა პლანის ყოველნაირ შესაძლებლობასაც, რასაც ამოიცნობენ კიდევ მასში ადამიანები“ (პოლ იუსონი, მხატვრული ეურნალის „მონპარნასის“ რედაქტორი).

უნებურად მახსენდება ჰემინგუეის სიტყვები. ოდესღაც (ისიც სრულიად ახალგაზრდა) როგორ დადიოდა ლუქსემბურგის მუზეუმში თითქმის ყოველდღე „სეზანისათვის“. „სეზანის მხატვრობამ მასწავლა, — განაგრძობს ჰემინგუეი. — რომ ნამდვილი, უბრალო ფრაზები კიდევ არ არის საკმარისი, რათა მიხეცე მოთბობას ის ტყვადობა და ხილრმე, რას მიღწევასაც მაშინ ვცდილობდი. მე ძალიან ბევრი რამ ვისწავლე მისგან, მაგრამ სახელდობრ რა, ამის გარკვევით ახსნა არ შემიძლია. გარდა ამისა, ეს საიდუმლოც არის“ („დღესასწაული, რომელიც მუდამ თან გახლავს“).

პირველი გამოფენების წარუმატებლობამ ცუდად იმოქმედა მოდილიანიზე. მას ძველებურად ხედებოდნენ მხატვართა წრეში, მეგობართა თავყრილობებზე, რომელთა ადგილად, გა-

რდა ბატონ-ლიავუარისა, ითვლებოდა მონმარტრის სახელგანთქმული დუქნები და ბისტროები: „მეგობარი ემილია“, „მარია — ჩინებულის დიასახლისი“, „შშვენდერ გაბრიელი“, „მარდი კურდღელი“ („Lapin agyle“), სენ ვანსენის და დე ვანსენის ქორების გზავარედინზე. ყველაზე ხშირად მათი შეხვედრების ადგილი იყო „მარდი კურდღელი“, ეს დაბალი, გვერდზე გადახრილი მწვანეღარბებიანი პატარა სახლი, გარშემორტყმული უნებში ნორმანდიული გალავნით. რომელმაც უკვდავება მოიპოვა უტრილოს მრავალტილოზე. დუქნის პატრონი, ძია ფრედე, ახმახი, ჰალარა მოხუცი, თავზე განუყრელი ბეწვის ქუდით და უხეში საბოებით, განიერი შარვლითა და სვიტერით, — მონმარტრის ერთი კოლორიტული ფიგურა იყო. იგი კარგად მღეროდა და უკრავდა გიტარაზე, ხელოვნებაშიც ერკვეოდა, გაშინაურებული იყო ყველა მხატვართან და შეეძლო დროულად დაეცვა ისინი ავარებისა, სუტენიორებისა და საექვო პირების თავდასხმისაგან, რომლებიც ასევე ხშირი სტუმრები იყვნენ მისი დუქნისა და ხშირად ალესილი დანები ედოთ ჯიბეში. პატარა ღარბაზებში თავისუფლად დადიოდა დუქნის პატრონის საყვარელი პატარა სახეღარი — ლოლო და კონიაკის ნარჩენებს სთხოვდა მაგიდასთან მსხდომთ.

მოდილიანიც ძალიან ხშირად იყო ხოლმე აქ. „შინაურად“ ითვლებოდა. ყველანი იცნობდნენ, ყველას უყვარდა, უბრალოდ ეძახდნენ „მოდის“. ზოგჯერ ამ, ასე ვთქვათ, დაუმსახურებელი უფლებით დახლთან პაიშარად გაცნობილებიც სარგებლობდნენ. მისი წარმატება მონმარტრელ ქალიშვილებში ყველას პირზე ეკერა.

მაგრამ მის ირგვლივ ეს ბოჰემური ყოფათანდათან იბინდებოდა, უსიხარულოდ და მძიმე ასატანი ხდებოდა. ხშირად მოდიოდა აქ უკვე მთავრალი ქვემო მონმარტრის ხაეჭვო ადგილებიდან. ასეთ დროს იგი შარიანი და აგრესიული იყო, უყვარდა ტრაბახი. ხელმოცარულობით გაღიზიანებულად ადამიანის ამ შემთხვევით აგრესიულობას არავითარი საერთო არ მქონდა მოდილიანის ნამდვილ გამბედაობასთან. სხვა საქმე იყო, როცა სადმე რესტორანში გაიგონებდა პარიზელი მონარქისტების ზმამალალ, ანტისემიტურ ლაპარაკს, არ შეუშინდებოდა უთანახვრო ბრძოლას და ისეთნაირად ეკვეთებოდა, რომ მაშინვე ჩაწყვეტიდნებდა ხმას. მაგრამ ხულ სხვა რამ გამოსჭვიადა მის უმიზეზო დებოშებში, რისთვისაც ახლა თითქმის ყოველთვის მზად იყო, თუმცა მეორე დღეს ძალიან სწუხებდა და ნანობდა თავის საქციელს. ასე მოხდა, მაგალითად, მაშინაც, როცა მეტად

კეთილშობილური ექიმმა ალექსანდრემ სხვა ახალგაზრდა მხატვრებთან და მოქანდაკეებთან ერთად მოაწყო იგი მათთვის განკუთვნილ საერთო საცხოვრებელში, დეტალს ქუჩაზე მდებარე ერთ ძველ სახლში. პირველად ყველაფერი კარგად მიდიოდა, მოდილიანი დაუმეგობრდა თავის ახალ ამბანაგებს, თითო ხურათი აჩუქა კიდევ ყოველ მათგანს. მაგრამ ერთ მშვენიერ დღეს დათვრა და მათი სურათებისა და ქანდაკებების განადგურება მოინდომა. შერე, რა თქმა უნდა, ნანობდა ამას, პატიებას ითხოვდა. აპატიეს კიდევ, მაგრამ, როგორც მას მოეჩვენა, „ბოლომდე არ აპატიეს“ და ამ საერთო საცხოვრებელში უკვე აღარ ეცხოვრებოდა.

გარეგნულად სულ უფრო და უფრო ცუდად გამოიყურებოდა, მაგრამ თანაგრძნობის გამომხატველი ყოველი ხიტყვა მოთმინებას აკარგინებდა. ამავე დროს, როგორც ჩანს, შინაგან მოახლოვნილებას გრძნობდა, გულითადი ურთიერთობა აქონოდა ვინმესთან. „მოდის“ მისი ჩვეულებრივი, შემოკლებული სახელი იყო, ასე

შეძლო დედამა ყველას. მაგრამ ყველა როდი აქონდა უფლება, გარდა მთავრე ვაჟისა კლისისა, ეთქვა მისთვის „დედა“ როგორც დედა ეძახდა. ლიტურგია გვიყვება, ერთხელ მისი თანდასწრებით, როგორ უკითხავდა მოდილიანი თავის თანამშრომლებს ქრისტიანულ მიღებულ დედის წერტილს. *„Mio caro Dedolo“* („ჩემო საყვარელო დედო“) ცრემლები მოაწვა ყელში და კითხვა ვეღარ გააგრძელა. თუმცა, მგონი, მაშინვე გადავიდა პარიზელთათვის ჩვეულ, უზრუნველი საუბრის ტონზე. ახლა ყოველნაირად ცდილობდა, ასე მოეჩვენებინა ხმებისთვის თავი.

დედას იგი აღმერთებდა. მაგრამ მართლ დედაზე წუხილი როდი იყო მიზეზი, რომ მისი ფიქრი ყოველ წუთს თავს დასტრიალებდა იტალიას. რაღაც მეტად მნიშვნელოვანი, რაც მას იტალიიდან გამოჰყოფოდა, ვერ ეთვინებოდა პარიზს და ეს გამზდარიყო მისი იმპროვიზირებული მოუსვენრობის მიზეზი.

იტალია

მინც გვარგუნა ბედმა განშორება,
და ამ შორეულ, უცხო მხარეში,
შენი დაბინდული ზამბახი მესაზმრება,
როგორც გარდასული სიყრმის მონატრება.

ა. გლოვა

— მე ბანკირთა შვილი და შვილიშვილი ვარ.
— არწმუნებდა მოდილიანი გიომ აბლინერს, როცა მან დროებით პარიზის ერთ-ერთ ბანკში დაიწყო მუშაობა კანტორის მოხელედ. შენმა პატრონებმა რომ სცადონ და პრაქტიკაში გამოიყენონ ზოგიერთი თეორია და მეთოდი, რომელიც მე ვიცი, მილიონებს გადაკეთებდით!

— ფილოსოფია ჩემი წილხვდომია. მე, შეიძლება ითქვას, სისხლში მაქვს ფილოსოფია, — ეუბნებოდა იგი ორტის დე სარატეს და სხვა თავის მეგობრებს, უშტკიცებდა, რომ ერთი მისი პირდაპირი წინაპარი დედის მხრიდან სპინოზა იყო.

ჩვენამდე ვერ მოადრია ამ ნათქვამის ინტონაცია. არ ვიცით, რომელი კარბობდა: იუმორი ოქაბური ლეგენდებისადმი თუ თავის მოწონების გულუბრყვილო სურვილი ასე იყო თუ ისე, მოდილიანის ბიოგრაფიაში ფაქტებით არ დასტურდება არც „ბანკირობის“ და არც „ფილოსოფოსობის“ ვერსია. შეუძლებელია

„პირდაპირი“ შთამომავალი მყოფოდა მარუბ სპინოზას, რომელმაც მთელი ცხოვრება ასეთურად გაატარა და უშვილძიოდ გადაეცა. ამას ადასტურებს მისი ცხოვრების აღწერის ყოველი ვერსია. არც ბანკირი ყოფილა მოდილიანთა გვარში არავინ, რასაც დამაჯერებლად გვისაბუთებს მხატვრის ქალიშვილი ბებია დლიურებსა და სხვა ოქაბურ სარქივო დოკუმენტებზე დაურდნობით. თუმცა ორადე ამ ლეგენდას მინც გაჩნია რაღაც რეალური საფუძველი, რაც ოქაბში თაობიდან თაობაში გადადიოდა. უნა მოდილიანი დაწვრილებით მოგვითხრობს ამას მანაზე დაწერილი წიგნის პირველ თავებში. საერთოდ, მოდილიანის ადრეული ბიოგრაფიისათვის ამ თავებსა და მხატვრის ამის — ემანუელეს შედარებით უტყუარ მოგონებებს პირველხარისხოვანი მნიშვნელობა უნიჭება.

ამედრო დაიბადა 1884 წლის 13 ივლისს.

ლივორნოში, წვრილბურთუაწიულ ებრაულ ოჯახში, როგორც მაშინ ამხობდნენ, კომერსანტ ფლამინიო მოდილიანისა და ევგენია გარსენის ოჯახში. მოდილიანთა გვარი რომის სამხრეთით მდებარე ამავე სახელწოდების სოფლიდან წარმოსდგება. ამედეოს მამა ოდესღაც შეშითა და ნახშირით ვაჭრობდა, ახლა კი პატარა სამკაულერო კანტორის მფლობელი იყო და, გარდა ამისა, რაღაც კავშირი ჰქონდა, როგორც ჩანს, ძალიან არამყარი, ვერცხლის საბადოების გადამუშავებასთან სარდინიაში. უნდა ითქვას, რომ სამკაულერო კანტორა იტალიურად იმავე სიტყვით აღინიშნება, რითაც ბანკი („banco“). აქედან იოლად შეიძლება წარმომდგარიყო მითი ბანკირის შვადლობაზე. მაინცდამაინც არც იმის საფუძველი გაგვჩნია, ბანკირად მოვიხსენიოთ ამედეოს პაპა მამის მხრიდან. თუმცა 1840 წელს მის ცხოვრებაში მნიშვნელოვანი მოვლენა მომხდარა: იგი ამარაგებდა რომის ერთ-ერთ კარდინალს სპილენძით, რომელიც ეხაჭიროებოდა ვატკანს მონეტების გამოსაშვებად. მაგრამ შემდეგ ცუდად წახვლია საქმე. ამის საფუძველზე უფიქრია, რომ შეეძლო გვერდი აეღლო პაპის ბრძანებისათვის, რომელიც უკრძალავდა ებრაელებს მიწის მფლობელობას, და ვენახი უყიდიო. მაგრამ მაშინვე მოსულა ბრძანება, ოცდაათი საათის განმავლობაში გაეუქმებინა ნახვიდობა. ამის შემდეგ იძულებული გახდარა დაეტოვებინა რომი და გადასახლებულიყო ლივორნოში. ამიტომ იყო, რომ მერვე, დიდი ხნის შემდეგ, როგორც კი რაიმე ვაუჭირდებოდათ ოჯახში, მაშინვე ოხვრით იტყოდნენ ხოლმე: „იბ, ოდესღაც კი მოდილიანები პაპების ბანკირები უოფილან!“

ევგენია გარსენი (Garsin), ამედეოს დედა, წარმოშობით ძველი ესპანელი ებრაელი უოფილა. ეს გვარი, რომელიც ერთ დროს ტუნისიდან მარსელში გადასახლებულა, ხმელთაშუაზღვისპირელი კომერსანტების ფართოდ განტოტვილ შტოს წარმოადგენდა, სადაც თაობიდან თაობაში გადადიოდა მუშაინტარული თვითგანათლების კულტი, მიდრეკილება ლიტერატურისა და ხელოვნებისადმი და თავისუფალი ხულისკვეთება რელიგიურ აზროვნებაში. ევგენია გარსენის მამის პაპა წმინდა წიგნების ცნობილი განმმარტებელი უოფილა, დედის ბებია კი წარმოშობით მართლაც სპინოზა იყო და შეეძლება რაიმე ნათესაური კავშირიც ჰქონდა სახელოვან ფილოსოფოსთან.

თუკი შეიძლება რაიმე ითქვას „საერთო ოჯახურ სახეზე“, საქმოსან ვონებაფნიზელ და ხავსებით ბურთუაწიულ მოდილიანებისაგან განსხვავებით გარსენების ექვმიუტანელი ინტელექტობა, მეოცნებე რომანტიზმი და მიდრეკი-

ლება ფილოსოფიური აზროვნებისადმი უცნაურად ერწყმოდა საბირგო აზრებს, რაც ხშირად ავანტურიზმამდეც კი დადიოდა. საერთო ამ ორ საგვარეულოს შორის მხოლოდ ის იყო, რომ ორივე ოჯახმა მშვიდობიანად დააღწია გეტოს თავი და გამუდმებით ეწყობდნენ დაძაბულ ბრძოლას არსებობისათვის. ხშირად, მცირე ხნით მდიდრდებოდნენ და მერე თანდათან უსასოოდ დატაკდებოდნენ.

ამედეო სწორედ მაშინ მოეგვინა ქვეყანას, როცა მშობლების სახლში ჩინოვნიკები გამოცხადდნენ უკვე ვალში აღწერილი ქონების წასაღებად. ევგენია გარსენისათვის ეს თავზარდამცემი მოულოდნელობა იყო. არავითარი „ბანკი“ მათ არ გაჩნდათ, ყელამდე ვალებში ჩაფლული ქმრის გაკოტრება კი ხტიქიურ უბედურებად დაატყდა თავს. მართლაც რომ თავს დაატყდა ამ სიტყვის პირდაპირი მნიშვნელობითაც: რადგანაც თანამად იტალიის კანონებისა, მელიგინის ქონება ხელშეუხებელი იყო უველაფერი, თუკი რამ ფახეულობა გაჩნდათ ოჯახში, ჩინოვნიკების მოხვლამდე მის საწოლზე დაყარეს. გათამაშდა ორმოცდაათიან-სამოციანი წლების იტალიური კინოკომედიის ხცენა. თუმცა სახაცილო არაფერი იყო იმ ამბავში, სწორედ ამედეოს დაბადების წინ უბედურებად რომ დაატყდა მოდილიანების ოჯახს. დედამ ახალშობილისათვის ეს ცუდის მომხსნავებლად ინიშნა.

მამის მიმართ ამედეო უოველთვის გულგრილი იყო, ზოგჯერ მტრულადაც კი იყო მისადმი განწყობილი, დედა კი გატაცებით უყვარდა და დედასაც დიდი გავლენა ჰქონდა მასზე. საკმარისია დავხედოთ მისი მშობლების ფოტოსურათებს, რომ შევხვდეთ ეს განსხვავებული დამოკიდებულება მშობლებისადმი როგორღაც გასაგები გახდეს. მამის სურათებიდან ორდინალური სიცივე იგრძნობა. დედის პორტრეტები კი გვაოცებენ რაღაცნაირი შეკავებული შინაგანი სიძლიერით და კეთილშობილებით. ეს იხატება მის გარეგნობაშიც — გვერდზე გადახრილი ღამაში ქალარა თავი, ნადვლიანი, თითქმის ბებრული დიმილი, ელერგანტური, წელში გამოყვანილი შავი კობტუმი და სამგლოვიარო ვუაღით მორთული შლაპა (აღბათ, თავის საყვარელ დედოს გლოვობდა).

ეს შთაბეჭდილება არ გვატყუებს. ევგენია გარსენი-მოდილიანი მართლაც შეხანიშნავი ქალი და იშვიათი დედა იყო.

თხუთმეტი წლისა დაინიშნა იგი მამაკაცზე, რომელიც არათუ უყვარდა, უბრალოდ არც იცნობდა. ორი წლის შემდეგ კი თავისი ჩვეული ატმოსფეროდან, რომელიც ხრული თავისუფლებითა და გულგაშლილობით გამოირჩეოდა უკ-

ლაფერში — დაწყებული რელიგიიდან, დამთავრებული ყოველდღიური ცხოვრებით, საზოგადოებიდან, სადაც ყველაზე მეტად ფასობდა მხვილი გონება და ტალანტი, აღმოჩნდა „მდიდარ“, შემთხვევითი სტუმრებითა და მსახურებით ხავსე ოჯახში, სადაც ყველაფერი თავიდან ბოლომდე შებოქილი იყო ფორმალური ეტიკეტით, შებოქილი ქმრისა და დედამთილის შეუღლებამოხილებით. მოდილიანები მას გაუნათლებელ, ამპარტავან და გულჩახვეულ აღმზიანებად ეჩვენა. არც მათი რელიგიური ობოლდოქსალობა სჭეროდა, უაღბოდ, მოჩვენებითად მიიჩნევდა. აღშფოთებული იყო მათი სიძუნწით და ამჯობინებდა ხაერთოდ არაფერი დაეხარჯა საკუთარი თავისათვის, ვიდრე დაშვირებული იყო ფულის თხოვნით და შემდეგ აუცხლებელი ანგარიშის ჩაბარებით, იგი მოთმინებით ემორჩილებოდა მისთვის უცხო ოჯახურ გარემოს, მრმქანცველ სადილ-ვახშმებს, მოსაწყენ ვიზიტებს, ტრაფარეტულ საუბრებს. ემორჩილებოდა ალბათ შეიღების გულისათვის, რომლებიც ოთხნი იყვნენ: უფროსი — ემანუელე 1878 წელს დაიბადა, მას მოჰყვნენ: მარგერიტა, უმბერტო და ამედეო. ახლაც, ოჯახის სრული გადატაკების ეამს, მათი გულისთვის აღუდგა წინ უკველივეს, მოულოდნელად არჩვეულებრივი ნებისყოფის სიმტკიცე გამოამყვანა და უკველივეს თავითონ ითავა. ფლამინიო მოდილიანის შემოსავლის ამედი მინცლამაინც არ უნდა პქონოდა, მით უმეტეს, რომ იგი ხშირად წასული იყო ოჯახიდან. ახლაც უნდა შეხდგომოდა შრომას, რაც თავისთავად უკვე გაბედული ნაბიჯი იყო მისი მდგომარეობის ქალისათვის, და საკუთარი შრომით ერჩინა ოჯახი.

ამაში დაეხმარა ევროპული ლიტერატურისა და რამდენიმე უცხო ენის დიდებული ცოდნა. მისი მშობლიური ენა ფრანგული იყო. ევგენია გარსენმა წარმატებით თარგმნა დ'ანუნციოს და სხვა მწერლების ნაწარმოებები. ამასთან ერთად უცხო ენებსაც ახწავლიდა ბავშვებს. ამ საქმიანობაში შემდეგ თანდათანობით ჩააბა თავისი დებიც — ლორა და გაბრიელა, რომლებიც მასთან ცხოვრობდნენ, და ბოლოს თავისი ქალიშვილიც — მარგერიტა. მალე თავის ხანლში ჩამოაყალიბა ანგლისური და ფრანგული ენების ნამდვილი კერძო სასწავლებელი, რომელმაც მალე სახელი გაითქვა ქალაქში. მხატვრულ თარგმანებს მალე მოჰყვა დამოუკიდებელი ლიტერატორული შემოქმედების პირველი ცდები. მართალია, ევგენია გარსენი თავის დღიურში ამას უბრალო „გართობას“ უწოდებდა, რომელიც სიამოვნებას ანიჭებდა ხეროწული შრომის შემდეგ, მაგრამ რომელიღაც „პატარა ნოვე-

ლა“ უკვე მიღებული იყო დასახელებად. რა თქმაუნდა, ფსევდონიმით. ამას მოჰყვა ჩანაწერი მის დღიურში: „გაბედული აზრი მომავლა — პატარა რომანი უნდა დავწერო“. ჩვენ არ ვიცით, განახორციელა თუ არა ეს განზრახვა. სამაგიეროდ ვიცით, რომ ეს დაწყებულ ლიტერატორულ ნაშრომს მანძილზე ეგრეთ წოდებულ „თეთრკანიან ზანგად“ იქცა და მუშაობდა ვილაც ამერიკელისათვის, რომელსაც განზრახვა პქონდა ლიტერატურათმცოდნეობაში ემოღვაწა. ევგენია გარსენი რეგულარულად უზნავნიდა მას ხელმოუწერელ სტატიებს ლიტერატურაზე, რისა წყალობითაც, ბოლოს და ბოლოს, ამ ამერიკელმა უნივერსიტეტის კათედრაც ჩაიგდო ხელში ამერიკის შეერთებულ შტატებში. სტატიების შემმარტი ავტორი კი დიდი იუმორით ეკიდებოდა ამ ამბავს.

თავის დღიურში ორი წლის დედოს დედა ახე ახასიათებს: „ცოტა განებივრებულია, ცოტა ჭირვეული, მაგრამ მშვენიერია, როგორც ანგელოსი“. თუმცა ამ ხანებში გადაღებული ფოტოსურათიდან ვერ გაიგებ, ეს მართლაც ანგელოსია თუ თვალუბანებული, მომხიბვლელი ჭინკა, რომელიც ეს-ესაა გადმოხტება ძიძის კალთიდან და ციბრუტით დატრიალდება. როცა წამოიწარდა, როგორც შინაურები იხსენებენ, ხშირად მოუთმენლობასა და სიფიცხეს ამჟღავნებდა, ხაერთოდ კი წყნარი და გამგონე ბავშვი იყო. გამგონე იყო ალბათ უფრო იმიტომ, რომ დედა უყვარდა.

მოდილიანების „მდიდარ სახლს“ ვინა რომაზე ამედეო არ მოხწრებია, ბავშვობა და ყრმობა გაატარა ვინა დედა ვილაზე, ჩვეულებრივ პროვინციულ სახლში, რომელიც არაფრით გამოირჩეოდა ამ ქუჩის სხვა სახლებისაგან. შემდეგ, როცა ქაბუკმა ამედეომ მიატოვა ლივორნო, მისი ოჯახი პიატა მაქენტაზე გადავიდა, უფრო მოგვიანებით კი ფლორენციაში გადასახლდა. სხვადასხვა დროს გადაღებული ფოტოსურათებას დეტალებით, შემუარებში გაფანტული ნაწყვეტ ნაწყვეტი ცნობებით შეგვიძლია ახე თუ ისე ზუსტად წარმოვიდგინოთ ის გარემო, სადაც იზრდებოდა დედო — უმცროსი შვილი და ოჯახის საყვარელი, როგორც გვიამბობს ენა მოდილიანი, რომელიც მშობლების გარდაცვალების შემდეგ ბებიათთან და მამიდათთან იზრდებოდა, ძნელი არ იყო, გონებაში აღგვიდგინა იმ წლების ოჯახური ატმოსფერო: არსებითად ევგელაფერს უცვლელი დარჩა.

არის ისეთი სახლები, სადაც მრავალი წლის განმავლობაში ერთი და იგივე ოჯახი ცხოვრობს და თითქმის ყველაფერი უცვლელი რჩება — ავეჯს არ აახლებენ, კედლებზე იგივე ხურათე-

ბი ბილია, სუნის კი იგივე დგას — უცვლელი და მხოლოდ მისთვის დამახასიათებელი. ახე წარმოგვიდგება მოდილიანების სახლიც: მოწყენილი ოთახების ანფილადა. სასტუმრო, სადაც ფანქრებსა და კარებზე მძიმე ფარდებია ჩამოკიდებული და სადაც იმდენი რბილი სავარძელი, ბუფი, პატარა მაგიდა და თეჯირი დგას, რომ გვერდს ვერ აუვლი; ფართო სახადილო, კედლებზე ბენოცო გოცოლის მოსაწყენი რეპროდუქციები, განათებული ანტიკური გემოვნებით ნაჭედი ერთადერთი ბრით, ძველებური, წითელი და ლურჯი სახეებით მონატული თურქული ხალიჩა, კუთხეში მიდგმული მაღალი, ცაფფებზე შემდგარი მაგიდა, მოქსოვილი, ფუნჯებით დამძიმებული სუფრით გადაფარებული; სამზარეულოში დიდი, შავი მარმარილოს მაგიდა, რომელზეც ბავშვები ხკოლაში წახვლის წინ დილის ყავას შეეჭყვიან. სამზარეულოს მაშინ განაგებდა ამედეოს დედა — გაბრიელა, რომელსაც ებარა მთელი ოჯახი და, როგორც ევგენია გარსენი ამბობს, „მეტისმეტად ანებივრებდა თავის დისშვილს“.

დაბალ მაგიდებზე ელაგა დაგეროტიბებისა და ფოტოსურათების სქელი, ტყავგადაკრული ალბომები. დედის ნაამბობთან ერთად ეს ალბომები უშუალოდ „სახეებით“ წარმოუდგენდნენ პატარა ამედეოს მთელი ოჯახურ ქრონიკას. ალბომების სქელი, მოოქროვილი ფურცლებიდან შემოპყურებდნენ სხვადასხვა თაობის ნათესავები, მათ შორის ისინიც, რომლებიც მათთან ერთად ცხოვრობდნენ დედის სახლში. პაპა დედის მხრიდან, მოხუცი ისააკ გარსენი, ერთ დროს სახელგანთქებული ნეგოციანტი, ფილოსოფიური და ისტორიული წიგნების დიდი ტრფიალი, დახელოვებული მოჭადრაკე, მოკამათე და კლუბების განუწყველადი წევრი, რომელიც ჩინებულად ფიქრობდა იტალიურ, ფრანგულ, ესპანურ ბერძნულ ენებს, შეეძლო საუბარი არაბულად და ინგლისურად. დღეს კი — ხაზოლოდ გადატაკებული, დაუძღვრებული, ეინიანი, ნახევრად გონწართმეული მოხუცი სიცოცხლის უკანახკნელ დღეებს უფროს ქალიშვილთან ატარებდა. იგი მხოლოდ პატარა დედოსთან მეგობრობდა. მის შემდეგ, რაც დედომ ხიარული ისწავლა, ყოველდღე დასვირნობდნენ ლივორნოს ხანაპიროზე და დაუსრულებლად საუბრობდნენ. ამის შედეგი გახლდათ, რომ შინაურებმა და მეგობრებმაც ამედეოს „ფილოსოფოსი“ შეარქვეს.

როგორ არა მგავს ამ პაპას მეორე პაპა, მოხუცი მოდილიანი, ხწორედ ის, პაპის ბანკირი რომ ყოფილა და, როგორც ოჯახის წევრები გადმოგვცემენ, გარიბალდისთვისაც გაუწევია რაღაც სამსახური: სქელი, მაღალი, დაღამბლავ-

ბული მოხუცი, უცნაური ენებებითა და მაღალფარდოვანი ფრაზეებით მოხატბრე, როგორც აგვიწერა თავის დღიურში რძალმა.

იქვე, ალბომის მომდევნო ფურცელზე, ისააკ გარსენის ქალიშვილები — ამედეოს დედა და დედები: კეთილი, თქანტარა საქმიანობის მოყვარული გაბრიელა, ნანო, თავისი ქალურობით მომხიბვლელი, რელიგიური მისტიციზმით გატაცებული კლემენტინა, რომელიც ხულ ახალგაზრდა გარდაიცვალა, ამედეოს დაბადებამდე ერთი წლით ადრე, ამედეოს ყველაზე საყვარელი დედა ლორა — მტკიცე ხასიათის მგზნებარე ნატურა, რომელიც შეუპოვარი თვითგანწავლულობით დაეუფლა ფილოსოფიას, ლიტერატურას, სოციოლოგიას და პუბლიცისტიკას. შემდეგში ლორამაც დიდი გავლენა მოახდინა თავის დისშვილზე. შესაძლოა პირველად მან წააკითხა ნიცშეს, ბერგსონის, დ'ანუნციოს, დოსტოევსკის წიგნები; გააცნო პ. ა. კროპოტკინის „რევოლუციონერის ჩანაწერები“ და რევოლუციურ-განმათავისუფლებელი მოძრაობა რუსეთში. მეორეს მხრივ, ალბათ, პაპამ და დედამ დაუდო საფუძველი ამედეოს ქაბუკურ გატაცებას სპინოზათი და ურიელ დ'აკოსტათი. შესაძლოა, მათ ფილოსოფიურ იდეებზე შეტად ხიბლავდა მათი შეუდრეკელი ნებისყოფა, გამბედაობა, საკუთარი რწმენისადმი ფანატოური ერთგულება, განწირულისა და შერისხულის რომანტიკული სახე, სიკვდილის კარამდე რომ არ დაღატაკებენ რწმენას.

აი, დედის ძმის, ძია ამედეოს პორტრეტი, მენჩის IV-ის უაიდაზე დაყენებული წვერი და უღვაშები, მისი სამხრეთული, გამგვირავი გამოხედვა. იგი არ ცხოვრობდა ლივორნოში, მხოლოდ დროდადრო ჩამოდიოდა და მისი სენზია დისშვილი აღტაცებული იყო ამ მომხიბვლელი, გულუზვი, მზიარული და სიცოცხლით აღსავსე ფანტაზიორის გამოჩენით, თავდაყირა რომ დააყენებდა ხოლმე ოჯახში გამეფებულ მკაცრ წესრიგს. ამგვარი გამოცოცხლება, ალბათ, მხოლოდ ხაბავშვო სპექტაკლების რეპეტაციების დროს იყო ხოლმე, ყოველწლიურად რომ მართავდნენ შემოხხენებული ხკოლის ბავშვები. შემონახულია ჩვეუფრი ფოტოგრაფია, სადაც პატარა დედოს თავზე სახაცილო ქუდი ახურავს და ვილაციის მხრის შემოთამოწყვი თავი. ქვევით კი წინ იტალიელი გლეხის გოგონას ტანსაცმელში გამოწყობილი მისი მშვენიერი მეგობარი — ბიჩე ბორალევი, რომელიც შემდეგ მრავალჯერ დაბატა მოდილიანის და ყოველთვის აოცებდა თავის გულუბრყვილო მოდელს უცნაური „სტილიზაციით“.

უფროს ამედეოს ირგვლივ მყოფნი ხშირად ცუდად იხსენიებენ, როგორც ახირებულ, წონახწირობადაკარგულ ადამიანს, რომელმაც არა

ერთისა და ორის ქონება „გაატანა ქარს“. მაგრამ იგი ევგენია გარსენის უსაყვარლესი ძმა იყო და ბევრჯერ გაუწვდია დახთვის დახმარების ხელი. ეს ხიყვარული შემდეგ მის შვილებზედაც გადავიდა. ამ ძველებურ აღბოძებში ბავშვებს ფოტოებსაც შეხვდებით; ემანუელე — შემდეგში გამოჩენილი სოციალისტი და ანტიფაშისტო, იტალიის პარლამენტის წევრი; მარგერიტა, რომელიც სამუდამოდ დედასთან დარჩა და ეხმარებოდა საშინაო სკოლაში; უმბერტო — სტუდენტი, რომელიც პარიზსა და ლიეჟში სწავლობდა — შემდეგში ინჟინერი; ბოლოს თავი ამედეო ბავშვობაში, ყრმობასა და სიჭაბუკეში.

ამედეომ სწავლა პირველად შინ დაიწყო. კარგად შეითვისა ფრანგული ენა. სხვა თუ არაფერი, ამ პოლიგლოტების ოჯახში უცხო ენის სწავლება მაინც ყველას შეეძლო; დედას, პაპას, დეიდებს, უფროს დას. შემდეგ სკოლაში შეიყვანეს, იქიდან კი ლიცეუმში გადავიდა, ხადაც უხალისოდ სწავლობდა, სწავლობდა და ცდილობდა მხოლოდ იმითომ, რომ დედა არ გაენაწყენებინა.

1896 წელს მან სერიოზული ავადმყოფობა გადაიტანა. ამასთან დაკავშირებით დედამ თავის დღიურში ასე ჩაიწერა: „დედოს ძალიან მძიმე პლევრიტი შეჰქონდა. შე ჭერაც ვერ გამოერკვეულვარ საზარელი შიშისაგან. ამ ბავშვის ხასიათი ჭერ კიდევ არ არის სათანადოდ ჩამოყალიბებული და არ შემოძლია მასზე გარკვეული აზრის გამოთქმა. ვნახოთ, რა გამოვა ამ პატარა კიბის პარკისაგან. აქნებ მხატვარი?“

უკანასკნელი ფრაზა ნიშანდობლივია. იგი შეშთხვევით არ ჩაიწერებოდა დედის დღიურში. განსაკუთრებით ისეთი დედის, როგორიც ევგენია გარსენი იყო. შეუმჩნევლად, მაგრამ განუწყვეტლივ თვალს რომ ადევნებდა შვილის განვითარებას. ეტყობა, შენიშნა ნიჭი ან განსაკუთრებული მიდრეკილება გამომსახველობითი ხელოვნებისადმი.

ამის პირდაპირი დადასტურება ჭერჭერობით თითქმის არ არის ცნობილი. თუმცა ჩვენამდე მოადწინა თორმეტი წლის ამედეოს ორმა ნაშრომმა. ორივე ეტყობა, ნაკლებად მნიშვნელოვანია, უფრო შიბაძვანა, მაგრამ მაინც რებრო-დუქსონაშიც კი უურადღებებს იქცევს რადაცნაირი ფარული დრამატისმით. ეს განსაკუთრებით თქვენზე გამოხატული გორგონა და ეტაჟერის ორი კედლის მოხატულობა. ერთზე გამოხატულია ქალის თავი, ქვემოთ კი თავის ქალის ჩონჩხი, მეორეზე მოხუცის თავი: უზარმაზარი, მახინჯი უხრები, ჭადარა ბაკენბარდები და ვაჟინული, თითქოს რადაცნაირი შეძრწუნებული გამოხედვა. ეს „ხიმბოლისტური“ ნაწარმოები ამედეოსი და მისი პირველი გულმთავი მეგობ-

რის — უმბერტო მონდოლფის ერთობლივი შემოქმედებითი შრომის ნაყოფი იყო. უმბერტოს მამა — გიმნაზიის მასწავლებელი, ძალიან კეთილი გულის ადამიანი, თითქმის ყოველ საღამოს დადიოდა ევგენია გარსენის სახლში და მეგობრობდა მთელ მის ოჯახთან. ამედეოს უცილად მარტოდა ლათინური ენის გამოცდის ჩაბარებაში. უმბერტო მონდოლფი [წმინდა] უფროსი იყო და მასთან მეგობრობდა; მისი ცვაკითხობას და მრავალმხრივ განვითარებას ბევრი რამ შეეძლო მიეცა ამედეოსთვის. თავის მხრივ უმბერტოც, როგორც შემდეგ გახდოდა უანა მოდილიანის, გულწრფელად აღტაცებული იყო თავისი მეგობრის შემოქმედებითი წარმოსახვების ადრეული განვითარებით. აგი იმასაც იხსენებს, თუ როგორ ვერ იტანდა დედო თავის ოჯახში ობივატელობას, განსაკუთრებით მამის მხრივ.

თუმცა, თუ დავუვრდობით ჩანაწერს, რომელიც თავისი ხელით შეუტანია ამედეოს დედის დღიურში, 1897 წელს მას კარგად ჩაუბარებია მეოთხედან მეხუთე კლასში გადასახველელი გამოცდება ლევორნოს ლიცეუმში (ეს ჩანაწერი მოკლებული არ არის იუმორს, „რათა დავიცვათ სიწესტე მოდილიანთა ოჯახური ანალები“), მაგრამ მაინც ვერ სწავლობდა კარგად და არც შემდეგი გამოცდები ჩაუბარებია წარჩინებით.

შემდეგ 1898 წელს ბევრი მწუხარება მოუტანა მოდილიანების ოჯახს. 4 მაისს „საზოგადოებრივი სიმშვიდის დარღვევისათვის“ დაპატიმრეს და ივლისში ნახევარი წლით პატიმრობა მიუხაჭეს უფროს შვილს — ემანუელეს. ახალგაზრდა ადვოკატს, რომელიც აქტიურ მონაწილეობას იღებდა იტალიელი მუშების ხელმძღვანელობაში. იგი იყო პირველი რევოლუციური თავყრილობების და დემონსტრაციების ორგანიზატორი. ამასთან მას დაეკისრა მნიშვნელოვანი ფულადი ჯარიმის გადახდა. მხოლოდ მეგობრების მცირე ნაწილი და მათ შორის, რა თქმაუნდა, პირველ რიგში მონდოლფი, დაეხმარნენ მასში მოდილიანების ოჯახს. მაგრამ ევგენია გარსენი სულაც არ ეძებდა დახმარებას ირგვლივ მყოფ ბურჟუაზიულ გარემოცვაში. იგი არ ფარავდა თანაგრძობას შვილის იდეებისადმი და თვითონ გაწყვიტა ჩვეული ურთიერთობა მრავალ თავის ნაცნობთან, რამაც კიდევ უფრო გააუარესა მისი მატერიალური მდგომარეობა. შემდეგ ემანუელეს ისევ მიუხაჭეს ორი წლით პატიმრობა აჯანყებისაკენ მოწოდებისათვის, მაგრამ რვა თვის შემდეგ განთავისუფლეს.

შემოდგომაზე კვლავ ახალი ელდა დაატყდა ოჯახს. ამედეოს ძალიან მძიმე ფორმის ტიფი შეეყარა, რამაც შემდეგში დიდი ხნით დაასვა დიდი მის ჯანმრთელობას.

ავადმყოფობის დროს ამედრო გამოუტყდა დედას, რომ მისი ერთადერთი, უოველისმომცველი გატაცებაა მხატვრობა. ბოდივის დროს ავადმყოფი სულ სადგურს ახსენებდა, საიდანაც უნდა წახულიყო შემდეგ ფლორენციაში და ბოდოს და ბოდოს, საკუთარი თვალით ეხილა მუზეუმები, რომელთა შეხებებ ამდენი რამ სმენოდა.

ჩერ კიდევ ავადმყოფობაზე ამედრო შევიდა ლივორნოელი მხატვრის — გულიელმო მიქელის სახელწოდებით. მიქელი იყო სახელგანთქმული ფატორის მოწაფე, ფატორისა, რომლის სახელთანაც იყო დაკავშირებული იტალიურ მხატვრობაში მიმდინარეობა „macchiaoli“. ამ ქვეყნის ტოსკანელი მხატვრები ახლოს იდგნენ ფრანგ ტაშისტებთან (იტალიური „macchia“ როგორც ფრანგული „maison, ნიშნავს „ლაქას“) და იმპრესიონიზმში მიმდევრები იყვნენ.

მიქელი პეიზაჟისტა იყო, მაგრამ პორტრეტებსაც ხატავდა. ეს პორტრეტები არაფრით უკეთილან დირსწესანიშნავი, თუმცა ყველაფერში მხატვრის შტატივე ხელი იგრძნობოდა. ავტოპორტრეტზე იგი ნამდვილი საზვიანოა — რამაჟორი, მზიარული დაძილი, გვერდზე მოგდებულა, ფართოფარფლებიანი შლაპა, რომელიც შესანიშნავად ეხამება ქალსტუხის ნაცვლად გაკეთებულ არტისტულ ბაფთას, შოკლე, შავ წვევრს, უღვაშერბსა და ჩიბუნს. ყველა მოგონება ერთხმად ადასტურებს, რომ თვით იგი არ უკეთილა დიდი მხატვარი, მაგრამ უყვარდა თავისი მოწაფეები, სრულ თავისუფლებას აძლევდა მათ და ამ გზით შემოქმედებით დამოუკიდებლობას უღვიძებდა. ამასთან ერთად აჩვენებდა ნათელ, დახვეწილ ხატვას და ყოველ ქანში სოლიდურ ტექნიკას საფუძველს უქმნიდა. იგი აჩვენებდა თავის მოწაფეებს, წინააღმდეგ შტამპისა, პატრიც ეკათ ნაყოფიერი, მაღალი რეტატივისათვის, არ აიძულებდა თავის მოწაფეებს, გადაეღოთ ქატონისა და ბრუტუხის დამტვირთი თაბაშირის ნიღბები, როგორც მიღებული იყო ამ დროს პარიზის ზოგიერთ სტუდიაშიც კი. მას სწავლებებს სხვა, თავისი მეთოდები მქონდა. ანედროსთან ერთად მიქელისთან სწავლობდნენ: ოსკარ გილია, ჯინო რომიტო, ბენვენუტო პენვენუტი, რენატო ნატალი, არისტიდე სომპატი, ლანდო ბარტოლი, ვინცოლო და კიდევ რამდენიმე დამწყები მხატვარი. ამედროს უახლოესი მეგობარი მონდოლოვის შემდეგ, რომელიც საერთო პოლიტიკურმა ინტერესებმა ახლა განსაკუთრებით დაახლოვა ემანუელე მოდილიანის, გახდა ოსკარ გილია.

მიქელის სახელწოდებით ხატვების შედარებითაა, აღზატ, შორს იდგა უღატრა თანამედროვე მიმდინარეობებისაგან, ქვეყნის აქაც აღწევდა ხმები პარიზიდან რომელიც მიქელისა, ვენასა და ვენეციაში გამოცდისას რამდენადმე მახინჯდებოდა [ქვეყნის] ქვეყნის, რასაკვირველია, „შეარად [ქვეყნის] ქვეყნის, მაგრამ პრაქტიკაში აქა-იქ მაინც კიდევ იბრუნდა ხოლმე თავს. ასე ფიქრობ, მაგალითად, როცა უყურებ რომიტის „მამის პორტრეტს“. შესრულებულს 1898 წელს, საგანგებოდ გამოკვეთილი ამობურცული ძარღვები ხელებზე და „გაფორსინამდვილით“ გამოხატული ვიდეტის თითოეული დიდი.

წინადადით, როცა ამედრო მიქელის სახელწოდებით უნდა გამოცნადებულიყო, დედას ახეჩაუწერია დღეურში. „I ავტობიოგრაფიკი მემუარინგობას აწყებენ ხატვას, რასადმიც კარგხანია დიდ მიდრეკილებას ამქვადგნებს. უკვე მხატვრად წარმოუდგენია თავი, როცა შემეხება მედიდად არ უტეერ შხარს, მეშინია, რაკ ამ გზას გაპყვება. სწავლა არ შეატოვოს, მაგრამ მაინც გადაწყვიტავ შევესრულო სურჭილი, როგორმე უნდა დავებმარო, რათა სძლიოს უბალისობა და მოწყურნილობა, რამაც შეტად თუ ნაკლებად ყველას დიგერია ხელი“

სახელწოდების ამხანაგებს ამედრო ახსოვთ მუშაობით გატაცებული — მიქელის გაკვეთილებზეც, რომიტის სახლშიც, სადაც ყოველ კვირას აკრიბებოდნენ მიშველი მოდელიის დახატატად, ქალაქგარეთაც სადაც ეტიულების დასახატად შადიოდნენ. ქალაქში გახეირჩებისას ამედრო მუდამ ჭიუტად ამქობინებდა ხეცვო შესახვევებს, ძველი ლივორნოს არხას ნაპირებს. მის პროზაულ-პროვინციულ, საქმიან უსახოცენტრს, ამ პერიოდის რაიმე შინაშენელოვანი ნაწარმოები არ შემორჩენილა. ლივორნოს მუშეუშში დაცულია სურათი „გზა სალვიანოსაკენ“, რომელსაც მოდილიანის მიაკუთვნებენ. ცნობილია აგრეთვე „შქლომარე ბიჭი“. ამ სურათის პოზიორობდა მიქელის შეილი ალბერტინო (ვილაცამ შემდეგ ამ პორტრეტს „ბეჭითი“ თუ „წებხიერი ბიჭი“ უწოდა). არისტიდე სომიტისთან ინახება გამოუქვეყნებელი ჩანახატი „დოკტორის პორტრეტი“. როცა ამის შეხებებ გვიყვება უანა მოდილიანი, ნოშყავს ხატვებში „მართო მისი მეგობრისა იმ ეპოქიდან“: „თუმცა, უნდა ითქვას, რომ იგი მხოლოდ მიშველი მხატვრის ხატვისას ამქვადგნებდა გარკვეულ თვითმყოფადობას, თავისუფლად ენდობოდა ხაზის თავისებურ, განსაკუთრებულ გრძნობას“.



აკაკი ციკლაური. ჩელოსტი და კონტრაბასი

